

Mūlapaṇṇāsatiṭṭhakathāya

Atthavaṇṇanābhūtā

Bhadantācariyadhammapālattherena katā

# Mūlapaṇṇāsatiṭṭhā

(Paṭhamo bhāgo)

---



Buddhavasse 2552

Marammavasse 1370

AD. 2008

Romanized from Myanmar version published in 1961

© Buddhasāsana Society

Ṭikā Series 13

First published in 2008 by Ministry of Religious Affairs

Yangon, Myanmar

THE PĀLI ALPHABET  
IN BURMESE AND ROMAN CHARACTERS

VOWELS

အ a      အာ ā      ဣ i      ဤ ī      ဥ u      ဦ ū      ဧ e      ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya      ရ ra      လ la      ဝ va      သ sa      တ ha      ဠ ḷa      ၵ ṁ

VOWELS IN COMBINATION

-၁ ၵ = ā      ၵ = i      ၵ = ī      ၵ - ၵ = u      ၵ - ၵ = ū      - = e      -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခုူ khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပla	အ လla
က့ kka	ဇ င္ဂa	ဇ္ဇ န္ဓa	ဇ္ဇ သ္ဃa	ဠ ပba	လျ လya
ကျ kya	ဆ င္ဂha	ဆ န္ဓa	ဆ န္ဓa	ဆ ဗbha	လှ လha
ကြ kri	ဇ ဣja	ဇ ဣာ ṅha	ဇ န္ဓa	ဇ ဗya	ဂှ vha
ကလ kla	ဇ ဣာ ṅja	က တta	က န္ဓa	က ဗra	ဆာ sta
က့ kva	ည န္ဏā	က တtha	န န္ဓa	ဠ မpa	ကြာ stra
ချ khya	ပ န္ဏā	က တtva	အ န္ဓra	ဠ မpha	သွာ sna
ခ့ khva	ပ န္ဏā	ကျ တya	န န္ဓha	ဠ မba	သျှ sya
ဂ့ gga	ဆ န္ဏā	ကြ တra	န န္ဓa	ဆ မbha	သ သssa
ဠ့ ggha	ည န္ဏā	န န္ဓa	ဈ န္ဓa	ဠ မma	သွာ sma
ဂျ gya	ည န္ဏā	န န္ဓa	န န္ဓa	ဈ မya	သွာ sva
ဂြ gra	ဇ တ္တa	ဈ သ္ဃa	ဠ ပpa	ပှ မha	ထွာ hma
ကံ ṅka	ဇ တ္တtha	ကြ သ္ဃa	ဠ ပpha	ယှ ယya	ထွာ hva
နံ ṅkha	ည သ္ဓa	န သ္ဃa	ဈ ပya	ယှ ယya	ဠှာ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

## Nidānakathā

---

Sirimatā amhākaṃ Buddhena Bhagavatā Arahatā Sammāsambuddhena sakalalokapatthaṭamahākaruṇāsinehasiniddhahadayena sabbattha appaṭihatasabbaññutānāvarenaṇādiñāṇobhāsasamujjalitena sanarāmaralokagurunā sadevakassa lokassa atthāya hitāya sukhāya dhammo ca vinayo ca desito paññatto, so pariyattipaṭipattipaṭivedhavasena vibhattesu tīsu saddhammesu pariyattisaddhammo nāma, tadeva ca sāsanaṭṭhitiyā pamāṇaṃ, satiyeva hi tasmim itare uppajjanti, nāsati, vuttañhetam **Aṅguttaraṭṭhakathāyaṃ**— (Am-Ṭṭha 1. 72 piṭṭhe)

“Suttantesu asantesu, pamuṭṭhe vinayamhi ca.  
Tamo bhavissati loko, sūriye atthaṅgate yathā.  
Suttante rakkhite sante, paṭipatti hoti rakkhitā.  
Paṭipattiyam ṭhito dhīro, yogakkhemā na dhamṣati”ti.

Teneva ca saddhammaciraṭṭhitikāmino theravarā Mahākassapādayo pariyattisaddhammasaṅkhātāṃ Tepiṭakāṃ Buddhavacanāṃ saṅgītimāropetvā Buddhasāsanāṃ samrakkhimsu, taṅkālikā ca rājāno saddhammābhivuddhikāmā tesāṃ saṅgītikārānamanubalappadānena sahāyattamupāgamuṃ.

Tathā hi catūhādhikatimāsaparinibbute Bhagavati Mahākassapattherappamukhehi pañcahi arahantasatehi Rājagahe **paṭhamā dhammasaṅgīti** katā rañño Māgadhasa Ajātasattuno visesānuggahamādāya.

Vassasatparinibbute ca Bhagavati Mahāyasattherappamukhehi sattahi arahantasatehi Vesāliyam **dutiyā dhammasaṅgīti** katā, tadā ca Kālāsoko mahīpati tesāṃ sahāyattamupāgato.

Tathāgataparinibbānato pana dvinnāṃ vassasatānamupari pañcattimsatime vasse Mahāmoggaliputtatissattherappamukhehi arahantasahashehi Pāṭaliputte **tatiyā dhammasaṅgīti** katā sakalalokapatthaṭayasassa Dhammāsokassa bhūpatino nirisayānuggaham laddhāna.

Sammāsambuddhapariniibbutito pana catunnaṃ vassasatānamupari paṇṇāse vasse Laṅkādiṭṭe Vaṭṭagāmaṇirājino kāle Mātulajanapade Ālokalāṇe **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “pothakāropanasāṅgīti”ti pākaṭā.

Buddhavasṣe pana catussatādhikadvisahassānamupari pannarasamasāṅkhyāṃ sampatte imasmimpi Marammaraṭṭhe **Mindonnā**massa mahādhammarājino kāle Mandalay itipākaṭe Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmaṃvāsītipiṭakadharabhadantaṭṭhagarattherappamukhehi tasṣeva rañño anavasesānuggahamādāya, yā loke “selakkharāropanasāṅgīti”ti vuccati.

Itthaṃ sudāṃ Buddhassa Bhagavato sāsanaṃ iddhañceva hoti phītañca vitthārikāṃ bāhujaññaṃ puthubhūtaṃ yāvajjatanā.

Cirakālato panetaṃ Buddhavacanaṃ lekhaṇaparamparāya ceva muddaṇaparamparāya ca anekakkhattuṃ parivattiyābhatāṃ na sakkā dāni vattuṃ “paṭhamadutiyaṭṭhādisāṅgītimāropitākāreṇeva sabbaso parisuddhaṃ”ti, aññadatthu paṇādhunikapotthakesu saṃvijjamānehi kehici paṇādalekhādisāṅgīṭakhalitādhikaparibhaṭṭhapāṭhehi malīnamevetāṃ, tathā hi nāñadesiyapotthakesu aññamaññaṃ saṃsandiyaṃānesu anekā visadisapāṭhā dissanti.

Tatoyeva ca Buddhavacanassa suparisuddhabhāvakāmīno mahātherā sasatthantarapitakattayakovidā dhammavinayaṃ vācentāyeva te khalitādhikaparibhaṭṭhapāṭhe disvā evaṃ samacintesuṃ kathesuṃ ca—

“Advayavādīno suparisuddhavacanassa tassa Bhagavato pāvācanaṃ advayaṃ suparisuddhaṃ nimmalamevassa, imesu pana pāvācanapotthakesu aññamaññaṃ visadisā ceva aparissuddhā ca pāṭhā dissanti, nissāṃsayāṃ kho ayameva mūlapāṭho, yo nesāṃ yuttisampanno, tadañño pana paṇādalekhaṇapāṭhoyeva, tādisā ca dissanti ādhunikapāvācanapotthakesu kismiñci kismiñci ṭhāne.

Kāmañcetedāni na tāva bahutarā, yāva yathābhūtaṃ Pāliya atthaṃ paṭisedheyyuṃ, etarahi pana asodhiyaṃānā te gacchante gacchante

kāle bahutarā bahutarā jāyeyyūṃ, taṃkālikā ca pacchimā janā te sodhetuṃ asamatthā yathādhippetāṃ Pāḷiyā atthāṃ na sammā jāneyyūṃ, evamete saddhammassa sammosāya antaradhānāya saṃvatteyyūṃ.

Vuttaṃ hetāṃ **Āṅguttaranikāye**— (Am 1. 60 piṭṭhe)

‘Dveme bhikkhave dhammā saddhammassa sammosāya antaradhānāya saṃvattanti, katame dve, dunnikkhittaṃ ca padabyañjanaṃ attho ca dunnīto, dunnikkhittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṃvattanti’ ti.

Yaṃnūna mayāṃ te sodhetvā nimmalaṃ parisuddhaṃ Buddhavacanaṃ sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, taṃ pana na sukaraṃ sampādetuṃ aññatra dhammikaṛājūnāmanuggahenā” ti.

Sā paṇāyaṃ kathā patthaṭā sādhujanaparamparāya, sutā ca **U Nu** nāmadheyyaggamahāmacappamukhehi Marammaratṭhissarehi, sutvāna te evaṃ samacintesuṃ sammantayīṃsu ca “na kho panetaṃ amhākaṃ patirūpaṃ, ye mayāṃ pubbakehi dhammikehi dhammarājūhi samanuggahitassa Buddhasāsanassa parihānikāraṇaṃ passamānāyeva ajjupekkhitvā appossukkā vihareyyāma, yaṃnūna mayāṃ sāsānopakārupāye sampādetvā visesato ca ādhunikapāvācanapotthakesu dissamāne saṃsayaṭṭhāniye pamādalekhapāṭhe saṃsodhetukāmānaṃ mahātherānaṃ ajjhāsayaṃ paripūretvā Buddhasāsanāṃ anuggaṇheyyāmā” ti, atha te sabbepi sāsānānuggahāya katasanniṭṭhānā ahesuṃ.

Anuggahitukāmehipi ca tehi na sakkā āṇāya kātuṃ vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgārasamitiyaṃ mahājanappatinidhibhūtānaṃ matisajīvānaṃ chandeneva samuppajjati, tasmā Buddhasāsanānuggahāya santhāgārasamitiyaṃ ekaṃ dhammupadesaṃ paññāpetvā **Buddhasāsanasamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī* **Sir U Thwin** vhayo mahāseṭṭhi, upasabhāpati pana *Thadosirīsudhammopādhidhārī* yeva **U Thein Maung** vhayo padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsa*resīthūpādhiko **U Chan Htun**vhayo upadesikādhipatipadhānanīvedimahāmantī. Bhaṇḍuppādako pana raṭṭhissarānaṃ patinidhibhūto **U Win** nāmadheyyo sāsanaṭṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyaṃ samiti, tadatthamidāni visesato kāhāmā”ti Marammaraṭṭhebbhipākaṭaḡaḡasamudayasamudite tattha tattha padhānanāyakabhūte paropaṇṇāsamahāthere dīghadassino nimantiya evamārocesuṃ “ayaṃ bhante amhākaṃ Buddhasāsanamahāsamiti Buddhasāsanānuggahatthāyeva raṭṭhissarānaṃ dhammupadesena samuṭṭhāpitā, sacedāni bhante pubbe viya dhammasaṅgītiṃ katvā sāsanaṃ paggaṇhituṃ yujjeyya, mahātherā ca tathā kātumiccheyyūṃ, vissatthāva bhante karontu, mayaṃ tattha kāyañāṇapaccayabalehi niravasesaṃ byāvaṭā bhavissāmā”ti.

Atha kho te mahātherā “dhammasaṅgītiṃ karissāmā”ti katasanniṭṭhānā evaṃ pativedesuṃ “kattabbāyevesā dhammasaṅgīti, nesā na kattabbā, tasmā mayaṃ dāni piṭakapotthakāni pañcamasaṅgītisilālekhāya samānetvā tāniyeva sarīraṃ katvā Pāḷisaṃsodhanapubbaṅgamaṃ dhammasaṅgītiṃ kassāma, yāya ādhunikapotthakesu paramparāparivattanavasena sañjātā pamādalekhaṇā ca nirākarīyissanti, visodhitaṅca suparisuddhaṃ pāvacaṇamūlaṃ labhitvā taṃ muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhiti ca sādhiyissati, sabbe ca Theravādīkā raṭṭhā Marammaraṭṭhasahitā ekato hutvā Buddhasāsanāṃ abhūtapubbapaggaḡahena paggaṇhituṃ labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, taṅca sabbaṃ bhavissati bahujaṇahitāya bahujaṇasukhāya atthāya hitāya sukhāya devamanussānaṃ, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavattānādīkiccaṃ tumhākaṃyeva bhāro hotū”ti.

Atha te Buddhasāsanasamitikā sāsanaṇālakānaṃ mahātherānaṃ chandaṅca ruciṅca samādāya ovādaṅca sirasā sampaṭicchitvā therānaṃ ceva attano ca kattabbakiccānaṃ pariniṭṭhānasamayaṃ sallakkhetvā “ayaṃ chaṭṭhasaṅgīti Sammāsambuddhapariniṇbānato catussatādhīkānaṃ dvinnaṃ vassasahassānamupari

aṭṭhanavutime vasse vesākhapuṇṇamito paṭṭhāya ārabhitabbā, dve ca vassāni kattabbā, pañcannaṃ ca sāsanaṃvassasahassānamupaḍḍhavasve vesākhapuṇṇamiyaṃyeva pariniṭṭhāpetabbā”ti saṅgītikālaṃ vavatthapesuṃ.

Tato paṭṭhāya ca te punappunaṃ sannipatitvā sammantayitvā saṅgītiyā pubbakiccesu nirantaraṃ byāvaṭṭaṃ honti, “mahantaṃ kho Jinasāsanaṃ mahatiyāyevetaṃ pūjāya pūjanīyaṃ”ti mantvā tehi kārapitāni mahantamahantāni sāsanaṃmandirāni, tattha saṅgītiṃ kurumānassa bhikkhusaṅghassa sukhasannisaṃjattamaṃ sannipātaṭṭhānabhūtaṃ mahantaṃ saṅgītiṃmandiraṃ Yangon nāma rājadhāniyaṃ **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguḥāvesena kārapitaṃ tibhūmakāṃ pāyaso silā-iṭṭhakāyomaṃ, evaṃ mahantampetaṃ ekasaṃvacchareneva pariniṭṭhāpitaṃ iddhiyā maññe nimmitaṃ, taṅca bahi ṭhatvā apekkhattaṃ sayamaṃjātaselapabbato viya dissati, anto pavisitvā olokayataṃ pana olokitolokitaṭṭhānato dassanīyaṃ pāsādikaṃ ramaṇīyaṃ atittikameva hutvā devavimānaṃmiva khāyati. Tassa panāvidūre aḍḍhateyyānaṃ saṅgītikārabhikkhusahassānaṃ nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojanamahāsālā ca mahāsīmāpāsādādayo ca muddaṇayantasālā ca tatheva kārapitā.

Mahātherāpi ca “saṅgītikiccaṃ nāma therādheyyaṃ, therānaṃ ovādeneva kattabbaṃ, na vinā tena, tasmā bhikkhusaṅghassa ceva upāsakānaṅca sabbampi saṅgītipaṭibaddhamovādaṃ dātuṃ bhavitabbamettha ovādadāyakaṃsaṅghasabhāyapī”ti Marammaraṭṭhadhajūpame aggamahāpaṇḍitopādhidhārino ca raṭṭhovādācariyasammate ca raṭṭhavinayadharasammate ca aññe cābhipākaṭagarubhāvanīyādiguṇagaṇasamaṅginoti parosataṃ nāyakamahāthere uccinitvā “chaṭṭhasaṅgīti-ovādācariyaṃsaṅghanāyakaṃsabhaṃ” nāmekāṃ padhānamahāsaṅghasabhāṃ patiṭṭhāpesuṃ, te ca nāyakamahātherā Sambuddhavacanaratanākarapārage vividhasatthantaragahanāsaṅgacārīne therānuthere pañcavīsatiṃmatte samuccinitvā “chaṭṭhasaṅgītidhurandharasabhā”ti ca sammantitvā tassā sabhāya bhāraṃ niyyātesuṃ sabbāni saṅgītipaṭibaddhakiccāni saṃvidahituṃ. Te ca saṅgītidhurandharasabhikā therā sakalamarammaraṭṭhe **Nyaung Yan Sayadaw**ti abhipākaṭaṃ “Aggamahāpaṇḍito” pādhiṇā ceva “Abhidhajamaḥāraṭṭhagurū” pādhiṇā cāti



dvīhi Marammaraṭṭhissarasamappitopādhīhi virājitam jātiyā āsītivassikam upasampadāya saṭṭhivassam “Bhadantarevatam” nāma mahātheravaram sabhāpatiṃ katvā Tepiṭake Buddhavacane ceva nānāsatthesu ca kovide dhammācariyakavipadappatte bhikkhū uccinitvā aṭṭhadasādivaggavasena parosatam Pāḷivisodhakavagge ceva sambahule ca paṭivisodhakavagge bandhāpetvā visodhanappaṭivisodhanihi Buddhavacanam suparisuddhattam paṭipāpetvā dhammasaṅgītimakaṃsu yathā tam porāṇakasāṅgītikārā.

Evam saṅgītimāropitassa Tepiṭakassa Buddhavacanassa atthasamvaṇṇanābhūtā Aṭṭhakathāyo ca samvijjanti manoramāya tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca saṃsanditvā Tepiṭakassa viya Buddhavacanassa visodhanapaṭivisodhanavasena mahātherā pāvacanadassino samvaṇṇanākovidā pāṭhasodhanamakāṃsu.

Icevamaṭṭhakathāyo ca pamādakhalitādhika paribhaṭṭhapāṭhānam nirākaraṇavasena visodhitā ceva paṭivisodhitā ca hutvā Buddhasāsanamuddaṇayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā mūlasodheyyapattapāṭhakehi gahaṭṭhapaṇḍitehi ceva dhammācariyabhikkhupaṇḍitehi ca anekavāram parisodhitam osānasodheyyapattam paṭivisodhitamūlapotthakena ceva aññehi sadesa desantarika Aṭṭhakathāpotthakehi ca vividhabyākaraṇādisatthehi ca punappunam saṃsandetvā suvisada paribyattakaṇḍavāra vākyaccheda saṅketatañca sampāpetvā mahatā parissamena osānasodhanamakāṃsu.

Evametāsampi ca suvisodhitānam Aṭṭhakathānam saṅgītibhāranitthārakā mahātherā nikhilamarammaraṭṭhe **Maso Yein Sayadawti** abhipākaṭam “Aggamahāpaṇḍito” pādhinā ceva “Abhidhajamahāraṭṭhagurū” pādhinā cāti dvīhi Marammaraṭṭhissarasamappitopādhīhi virājitam jātiyā chasattativassikam upasampadāya chappaññāsavassam “Bhadantasūriyābhivaṃsam” nāma mahātheravaram sabhāpatiṃ katvā chaṭṭhasaṅgītikārakapariyāpannehi therānutherehi

saṅgama paṭhanatthāya samārabhiṃsu yathā taṃ  
chaṭṭhasaṅgītidhammasaṅgāyanākāle.

Evametāsaṃ Aṭṭhakathānaṃ saṃsodhana-muddāpaṇa-samapaṭhanesu  
karīyamānesu raṭṭhissaragaṇe aggamahāmacco **U Nu** nāmadheyyo  
mahāsayo ceva Buddhasāsanasamitiyaṃ sampati bhaṇḍuppadako  
raṭṭhissarānaṃ patinidhibhūto **U Basaw** nāmadheyyo  
sāsanatṭhānikamahāmatto cāti-imepi taṃkiccasampādanāya Pāḷisaṅgītikāle  
viya mahussāhena byāvaṭā honti.

Icevemetāpi Aṭṭhakathāyo theravādīnekāyikavibudhappamukhānaṃ  
sattḥāgamaratanālayasāragāhīnaṃ veyyākaraṇakesarīnaṃ  
accantanimmalañānavārīnā paridhovitā saṅgama ca paṭhitā, tā  
vibudhappavarekagocarā vimuttirasassādādāyiniyo Piṭakattayassatthaṃ  
paribyattaṃ pakāsentīyo ciraṃ vilasantiyo lokatthasiddhiṃ sādhayantūti.

Tenetaṃ vuccati—

1. Mūlakam pariyaṭṭiva, sāsanassa Mahesino.  
Pariyaṭṭipamāṇā hi, ciraṃ saddhammasaṅgīhiti.
2. Tasmā taṃ rakkhituṃ therā, dhammasaṅgāhakā purā.  
Rājāno upanissāya, akāṃsu dhammasaṅgahe.
3. **Paṭhamam** dhammasaṅgītiṃ, **Ajātasatturājino**.  
Anuggahena katvāna, pālayuṃ Jinasāsanam.
4. **Dutiyam** tu tathā katvā, **Kālāsokassa** rājino.  
Kāle tamupanissāya, pālayuṃ Jinasāsanam.
5. **Tatīyam** pica katvāna, **Dhammāsokassa** rājino.  
Anuggahena Buddhassa, sāsanam abhipālayuṃ.
6. **Catutthim** pana Laṅkāyaṃ, **Vatṭagāmaṇirājino**.  
Kālamhi potthakārulhaṃ, katvāna pālayuṃ tathā.
7. Imasmiṃ Marammaratṭhepi, **Mindonnāma** narādhipam.  
Rajjam samanussāntam, ratanattayamāmakaṃ.

8. Sannissāya mahātherā, thirasilā guṇākarā.  
**Pañcamim** dhammasaṅgītiṃ, karontā sāsanaṭṭhitim.
9. Patthayantā likhāpetvā, silāpaṭṭesu peṭakam.  
Vāyāmena mahantena, pālayum Jinasāsanam.
10. Ittham purā mahātherā, rājāno cāpi dhammikā.  
Sāsanam paripālesum, jīvitam viya attano.
11. Tathāpi khalitādāni, dissanti Piṭakattaye.  
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipetakam.  
Vuccamānanayenevam, cintesum mantayimsu ca.
13. “Katvāna sādhuṅgam gantha-suddhikam sāsanaṅgikam.  
Yamṇūna dhammasaṅgītiṃ, kareyyāma mayam” iti.
14. Etamattham suṇitvāna, **U Nu** nāma mahāsayo.  
Marammavisaye **agga-mahāmacca**dhurandharo.
15. “Sāsanaṅgikāni, sampādentā visesato.  
Saṅgītiyaṅca therānam, sampūrentā manoratham.
16. Yathā rakkhimsu porāṇā, surājāno tathā mayam.  
Samrakkheyyāma Sambuddha-sāsanam” iti cintiya.
17. Mahāmaccehi aññehi, saṅgamehi ca mantiya.  
Suppaṭṭhāpayitvāna, **Buddhasāsanasaṅgama**m.
18. Mahātherānamādāya, chandam idha nivāsinam.  
Aññesu Sīhaḷādīsu, videsesu ca vāsinam.
19. Kāretvā dhammasaṅgītiṃ, sodhetvā Satthusāsanam.  
Saddhammānuggahatthāya, karam dāḷhaparakkamam.
20. **Sirīmaṅgala**vikhyaṭe, thalasmim pavare subhe.  
Cetiyaṣāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiram.  
Āvāsādiṅca bhikkhūnam, kāresi muddaṇālayam.

22. Ganthasaṃsodhanam dhamma-saṅgītiyā tu paṇḍitā.  
Mahātheravarākaṃsu, satimantā punappunam.
23. Muddāpente ca passivā, mahātherehi pañcahi.  
Sodheyypattamosānam, nimmalattam supāpitam.
24. Katvā suvisadam Buddha-bhāsitam Piṭakattayam.  
Yathā muddāpitam āsi, sāsanaṭṭham Mahesino.
25. Tathā Aṭṭhakathāyo ca, saṃsodhetvā punappunam.  
Suṭṭhu muddāpitā honti, sabbalokatthasiddhiyāti.



# Mūlapaṇṇāsaṭṭikā

## Paṭhamabhāga

Mātikā		Piṭṭhāṅka
Ganthārambhakathāvaṇṇanā	...	1
Nidānakathāvaṇṇanā	...	19

### 1. Mūlapariyāyavagga

1. Mūlapariyāyasuttavaṇṇanā	...	24
Abbhantaranidānavaṇṇanā	...	24
Suttanikkhepaṇṇanā	...	54
Pathavīvāraṇṇanā	...	67
Āpovārādivaṇṇanā	...	77
Bhūtavārādivaṇṇanā	...	80
Ākāsānañcāyatanavārādivaṇṇanā	...	85
Diṭṭhasutavārādivaṇṇanā	...	86
Ekattavārādivaṇṇanā	...	87
Sekkhavārādutiyanayavaṇṇanā	...	91
Khīṇāsavavāratatīyādinayavaṇṇanā	...	95
Tathāgatavārasattamanayavaṇṇanā	...	98
Tathāgatavāra-aṭṭhamanayavaṇṇanā	...	112
Nettinayavaṇṇanā	...	118

### Soḷasahāraṇṇanā

1. Desanāhāraṇṇanā	...	121
2. Vicayahāraṇṇanā	...	122
3. Yuttihāraṇṇanā	...	123
4. Padaṭṭhānahāraṇṇanā	...	124

Mātikā	Piṭṭhaṅka
5. Lakkhaṇahāraṇṇanā	125
6. Catubyūhahāraṇṇanā	126
7. Āvattahāraṇṇanā	129
8. Vibhattihāraṇṇanā	130
9. Parivattahāraṇṇanā	131
10. Vevacanaḥāraṇṇanā	132
11. Paññattihāraṇṇanā	132
12. Otaraṇahāraṇṇanā	133
13. Sodhanahāraṇṇanā	134
14. Adhiṭṭhānahāraṇṇanā	134
15. Parikkhārahāraṇṇanā	135
16. Samāropanahāraṇṇanā	136

### Pañcavidhanayaṇṇanā

1. Nandiyāvaṭṭanayaṇṇanā	137
2. Tipukkhalanayaṇṇanā	138
3. Sīhavikkīṭitanayaṇṇanā	138
4-5. Disālocana-aṅkusanayadvayaṇṇanā	139
Sāsanapaṭṭhānayaṇṇanā	140
2. Sabbāsavasuttayaṇṇanā	140
Dassanāpahātabba-āsavayaṇṇanā	152
Saṁvarāpahātabba-āsavayaṇṇanā	164
Paṭisevanāpahātabba-āsavayaṇṇanā	167
Adhivāsanāpahātabba-āsavayaṇṇanā	170
Parivajjanāpahātabba-āsavayaṇṇanā	171
Vinodanāpahātabba-āsavayaṇṇanā	171
Bhāvanāpahātabba-āsavayaṇṇanā	173
3. Dhammadāyādasuttayaṇṇanā	180

Mātikā	Piṭṭhaṅka
4. Bhayabheravasuttavaṇṇanā	205
Kāyakammantavārakathāvaṇṇanā	210
Vacīkammantavārādīkathāvaṇṇanā	212
Bhayabheravasenāsanādivaṇṇanā	217
Asammohavihāravaṇṇanā	220
Pubbabhāgaṭṭipadādivaṇṇanā	221
Pubbenivāsakathāvaṇṇanā	224
Dibbacakkhuñṇakathāvaṇṇanā	225
Āsavakkhayañṇakathāvaṇṇanā	225
Arañṇavāsakāraṇavaṇṇanā	228
Desanānumodanāvaṇṇanā	229
Pasannakāraṇavaṇṇanā	232
Saraṇagamanakathāvaṇṇanā	233
Upāsakavidhīkathāvaṇṇanā	239
5. Anaṅgaṇasuttavaṇṇanā	241
Sammutiparamatthadesanākathāvaṇṇanā	241
6. Ākaṅkheyyasuttavaṇṇanā	255
7. Vatthasuttavaṇṇanā	268
8. Sallekhasuttavaṇṇanā	283
9. Sammādiṭṭhisuttavaṇṇanā	296
Akusalakammaṭṭhavaṇṇanā	299
Kusalakammaṭṭhavaṇṇanā	305
Āhāravāraṇṇanā	308
Saccavāraṇṇanā	315
Jarāmaraṇavāraṇṇanā	315
Jātivāraṇṇanā	317
Bhavavāraṇṇanā	318
Upādānavāraṇṇanā	318



Mātikā		Piṭṭhaṅka
Taṇhāvāraṇṇanā	...	320
Vedanāvāraṇṇanā	...	322
Phassavāraṇṇanā	...	323
Salāyatanavāraṇṇanā	...	323
Nāmarūpavāraṇṇanā	...	324
Viññānavāraṇṇanā	...	324
Saṅkhāravāraṇṇanā	...	325
Avijjāvāraṇṇanā	...	325
Āsavavāraṇṇanā	...	327
10. Satipaṭṭhānasuttavaṇṇanā	...	327
Uddesavāraṇṇanā	...	329
<b>Kāyānupassanā</b>		
Ānāpānappabbavaṇṇanā	...	348
Iriyāpathappabbavaṇṇanā	...	351
Catusampajaññappabbavaṇṇanā	...	354
Paṭikūlamanasikārapabbavaṇṇanā	...	364
Dhātumanasikārapabbavaṇṇanā	...	364
Navasivathikapabbavaṇṇanā	...	366
<b>Vedanānupassanāvaṇṇanā</b>	...	367
<b>Cittānupassanāvaṇṇanā</b>	...	371
<b>Dhammānupassanā</b>		
Nīvaraṇappabbavaṇṇanā	...	372
Khandhapabbavaṇṇanā	...	377
Āyatanappabbavaṇṇanā	...	377
Bojjhaṅgapabbavaṇṇanā	...	380
Catusaccappabbavaṇṇanā	...	392

**Mūlapaṇṇāsaṭikāya paṭhamabhāge mātikā niṭṭhitā.**

# Majjhimanikāya

## Mūlapaṇṇāsatiḱā

Namo tassa Bhagavato Arahato Sammāsambuddhassa.

### Ganthārambhakathāvaṇṇanā

1. Saṁvaṇṇanārambhe ratanattayavandanā saṁvaṇṇetabbassa dhammassa pabhavanissayavisuddhipaṭivedanattham, taṁ pana dhammasaṁvaṇṇanāsu viññūnaṁ bahumānuppādanattham, taṁ sammadeva tesam uggahadhāraṇādikkamaladdhabbāya sammāpaṭipattiyā sabbahitasukhanipphādanattham. Atha vā maṅgalabhāvato, sabbakiriyāsu pubbakiccabhāvato, paṇḍitehi samācaritabhāvato, āyatim paresam diṭṭhānugati-āpajjanato ca saṁvaṇṇanāyam ratanattayapaṇāmakiriyā. Atha vā ratanattayapaṇāmakaraṇam pūjanīyapūjāpuññavisesanibbattanattham, taṁ attano yathāladdhasampattinimittakassa kammassa balānuppādānattham, antarā ca tassa asaṅkocanattham, tadubhayam anantarāyena aṭṭhakathāya parisamāpanattham, idameva ca payojanam ācariyena idhāhippetam. Tathā hi vakkhati “iti me pasannamatino -pa- tassānubhāvenā”ti. Vatthuttayapūjāhi niratisayapuññakkhettsambuddhiyā<sup>1</sup> aparimeyyapabhāvo puññātisayoti bahuvidhantarāyepi lokasannivāse antarāyanibandhanasakalasaṅkilesavidhamsanāya pahoti, bhayādi-upaddavañca nivāreti. Yathāha—

“Pūjārahe pūjayato, buddhe yadi va sāvake”ti-ādi<sup>2</sup>.

1. Niratisayapuññakkhettsampattiyā (Ka)

2. Khu 1. 42; Khu 3. 147 piṭṭhesu.

Tathā—

“Ye bhikkhave buddhe pasannā, agge te pasannā, agge kho pana pasannānaṃ aggo vipāko hotī”ti-ādi<sup>1</sup>.

“Buddhoti kittayantassa, kāye bhavati yā pīti.  
Vameva hi sā pīti, kasiṇenapi Jambudīpassa.

Dhammoti kittayantassa -pa- kasiṇenapi Jambudīpassa.

Samṅhoti kittayantassa -pa- kasiṇenapi jambudīpassā”ti<sup>2</sup>.

Tathā—

“Yasmiṃ mahānāma samaye ariyasāvako tathāgataṃ anussarati, nevassa tasmiṃ samaye rāgapariyuṭṭhitaṃ cittaṃ hoti, na dosa -pa- na mohapariyuṭṭhitaṃ cittaṃ hotī”ti-ādi<sup>3</sup>.

“Araññe rukkhamūle vā -pa-  
Bhayaṃ vā chambhitattaṃ vā,  
Lomahaṃso na hessatī”ti<sup>4</sup> ca.

Tattha yassa vatthuttayassa vandanaṃ kattukāmo, tassa guṇātisayayogasandassanatthaṃ “**karuṇāsītalahadayan**”ti-ādinā gāthāttayamāha. Guṇātisayayogena hi vandanārahabhāvo, vandanārahe ca katā vandanā yathādhippetaṃ payojanaṃ sādhetīti. Tattha yassā desanāya samvaṇṇanaṃ kattukāmo, sā na vinayadesanā viya karuṇāppadhānā, nāpi abhidhammadesanā viya paññāppadhānā, atha kho karuṇāpaññāppadhānāti tadubhayappadhānameva tāva sammāsambuddhassa thomanāṃ kātuṃ tammūlakattā sesaratanānaṃ “karuṇāsītalahadayan”ti-ādi vuttaṃ. Tattha kiratīti karuṇā, paradukkhaṃ vikkhipati apanetīti attho. Atha vā kiṇātīti karuṇā, paradukkhe sati kāruṇikaṃ hiṃsati vibādhatīti attho. Paradukkhe sati sādhuṇaṃ kampanaṃ hadayakhedaṃ karotīti vā karuṇā. Atha vā kamiti sukhaṃ, taṃ rundhatīti karuṇā. Esā hi paradukkhāpanayanakāmatālakkaṇā attasukhanirapekkhatāya kāruṇikānaṃ sukhaṃ rundhati vibandhatīti

1. Khu 1. 254, 255 piṭṭhesu.

2. Dī-Ṭṭha 1. 54; Itivuttaka-Ṭṭha 271 piṭṭhesu.

3. Am 2. 252; Am 3. 531 piṭṭhesu.

4. Sam 1. 222 piṭṭhe.

attho. Karuṇāya sītaṃ karuṇāsītaṃ, karuṇāsītaṃ hadayaṃ assāti karuṇāsītalahadayo, taṃ **karuṇāsītalahadayaṃ**.

Tattha kiñcāpi paresaṃ hitopasaṃhārasukhādi-  
 aparihānicchanasabhāvatāya, byāpādāratīnaṃ ujuvipaccanīkatāya ca  
 parasattasāntānagatasāntāpavicchedanākārappavattiyā mettāmuditānampi  
 cittasītalabhāvakāraṇatā upalabbhati, tathāpi  
 paradukkhāpanayanākārappavattiyā parūpatāpāsahanarasā avihimsābhūtā  
 karuṇāva visesena bhagavato cittassa citta-passaddhi viya sītibhāvanimittanti  
 vuttaṃ “**karuṇāsītalahadayaṃ**”ti. Karuṇāmukhena vā mettāmuditānampi  
 hadayasītalabhāvakāraṇatā vuttāti daṭṭhabbāṃ. Atha vā  
 asādhāraṇañāṇavisesanibandhanabhūtā sātīsayāṃ niravasesaṅca  
 sabbaññutaññāṇaṃ viya savīsayabyāpitāya mahākāruṇābhāvaṃ upagatā  
 karuṇāva bhagavato atīsayena hadayasītalabhāvahetūti āha  
 “**karuṇāsītalahadayaṃ**”ti. Atha vā satīpi mettāmuditānaṃ sātīsaye<sup>1</sup>  
 hadayasītibhāvanibandhanatte sakalabuddhaguṇavisesakāraṇatāya tāsampi  
 kāraṇanti karuṇāva bhagavato “hadayasītalabhāvakāraṇaṃ”ti vuttā.  
 Karuṇānidānā hi sabbepi buddhaguṇā.  
 Karuṇānubhāvanibbāpiyamānasāmsāraddukkhāsantāpassa hi bhagavato  
 paradukkhāpanayanakāmatāya anekānīpi asāṅkhyeyyāni kappānaṃ  
 akīlantarūpasseva niravasesabuddhakaradhammasambharaṇanīratassa  
 samadhigatadhammādhipateyyassa ca sannihitesupī  
 sattasāṅkhārasamupanītahadayaūpatāpanimittesu<sup>2</sup> na īsakampi  
 cittasītibhāvassa aññathattamahosīti. Etasmīṃ ca atthavīkappe tīsupī  
 avatthāsu bhagavato karuṇā saṅgahītāti daṭṭhabbāṃ.

Pajānātīti paññā, yathāsabhāvaṃ pakārehi paṭivījjhatīti attho. Paññāva  
 ñeyyāvaraṇappahānato pakārehi dhammasabhāvajotanaṭṭhena pajjototi  
 paññāpajjoto. Savāsanappahānato visesena hataṃ samugghātitaṃ vihatāṃ,  
 paññāpajjotena vihatāṃ paññāpajjotavihatāṃ. Mūyanti tena, sayāṃ vā  
 mūyati, mohanamattameva vā taṅti moho, avījjā, sveva  
 visayasabhāvapaṭicchādanato andhakārasarikkhatāya tamo viyāti tamo<sup>3</sup>,  
 paññāpajjotavihatato mohatamo etassāti paññāpajjotavihatamohatamo, taṃ  
**paññāpajjotavihatamohatamaṃ**.

1. Sātīsayena (Ka)

2. Sattasaṅghāta... (Ka)

3. Mohatamo (Am-Ṭī 1. 6 piṭṭhe.)

Sabbesampi hi khīṇāsavānaṃ satipi paññāpajjotena avijjandhakārassa vihatabhāve saddhāvimuttehi<sup>1</sup> viya diṭṭhippattānaṃ sāvakehi paccekasambuddhehi ca savāsanappahānena sammāsambuddhānaṃ kilesappahānassa viseso vijjatīti sātisayena avijjāpahānena bhagavantāṃ thomento āha **“paññāpajjotavihatamohataman”**ti.

Atha vā antarena paropadesaṃ attano santāne accantaṃ avijjandhakāravigamassa nibbattitattā, tathā<sup>2</sup> sabbaññūtāya balesu ca vasībhāvassa samadhigatattā, parasantatiyañca dhammadesanātisayānubhāvena sammadeva tassa pavattitattā bhagavāva visesato mohatamavigamena thometabboti āha **“paññāpajjotavihatamohataman”**ti. Imasmim ca atthavikappe **“paññāpajjoto”**ti padena bhagavato paṭivedhapaññā viya desanāpaññāpi sāmāññaniddesena, ekasesanayena vā saṅgahitāti daṭṭhabbāṃ.

Atha vā bhagavato ñāṇassa ñeyyapariyantikattā sakalañeyyadhammasabhāvāvabodhanasamatthena anāvaraṇaññāsaṅkhātena paññāpajjotena sabbañeyyadhammasabhāvavacchādakassa mohandhakārassa vidhamitattā anaññasādhāraṇo bhagavato mohatamavināsoti katvā vuttaṃ **“paññāpajjotavihatamohataman”**ti. Ettha ca mohatamavidhamanante adhigatattā anāvaraṇaññānaṃ kāraṇūpacārena sasantāne mohatamavidhamananti daṭṭhabbāṃ. Abhinīhārasampattiyā savāsanappahānameva hi kilesānaṃ ñeyyāvaraṇappahānanti, parasantāne pana mohatamavidhamanassa kāraṇabhāvato anāvaraṇaññānaṃ **“mohatamavidhamanan”**ti vuccatīti.

Kim pana kāraṇaṃ avijjāsamugghātoyeveko pahānasampattivasena bhagavato thomanānimittaṃ gayhati, na pana sātisayaṃ niravasesakilesappahānanti? Tappahānavacaneneva tadekaṭṭhatāya sakalasaṅkilesagaṇasamugghātassa jotitabhāvato. Na hi so tādiso kilesa atthi, yo niravasesa-avijjāppahānena na pahīyatīti.

Atha vā vijjā viya sakalakusaladhammasamuppattiyā niravasesākusaladhammanibbattiyā saṃsārappavattiyā ca avijjā padhānakāraṇanti

---

1. Saddhādhimuttehi (Ka)

2. Tattha ca (Dī-Ṭī 1. 4; Am-Ṭī 1. 7 piṭṭhesu.)

tabbighātavacanena sakalasaṅkilesagaṇasamugghāto vuttoyeva hotīti vuttam  
**“paññāpajjotavihatamohataman”**ti.

Narā ca amarā ca narāmarā, saha narāmarehīti sanarāmaro, sanarāmaro  
 ca so loko cāti sanarāmaraloko, tassa garūti sanarāmaralokagaru, tam  
**sanarāmaralokagaruṃ**. Etena devamanussānam viya tadavasiṭṭhasattānampi  
 yathārahaṃ guṇavisesāvahatāya bhagavato upakāritam dasseti. Na cettha  
 padhānāppadhānabhāvo codetabbo. Añño hi saddakkamo, añño atthakkamo.  
 Edisesu hi samāsapadesu padhānampi appadhānam viya niddisīyati yathā  
 “sarājīkāya parisāyā”ti<sup>1</sup>. Kāmaṃ cettha sattasaṅkhārōkāsavasena tividho  
 loko, garubhāvassa pana adhippetattā garukaraṇasamatthasseva yujjanato  
 sattalokassa vasena attho gahetabbo. So hi lokīyanti ettha puññapāpāni  
 tabbipāko cāti “loko”ti vuccati. Amaraggahaṇena cettha upapattidevā  
 adhippetā.

Atha vā samūhattho lokasaddo samudāyavasena lokīyati paññāpiyatīti.  
 Saha narehīti sanarā, sanarā ca te amarā cāti sanarāmarā, tesam lokoti  
 sanarāmaralokoti purimanayeneva yojetabbaṃ. Amarasaddena cettha  
 visuddhidevāpi saṅgayhanti. Te hi maraṇābhāvato paramatthato amarā.  
 Narāmarānamyeva ca gahaṇam ukkaṭṭhaniddesavasena yathā “sathā  
 devamanussānan”ti<sup>2</sup>. Tathā hi sabbānatthaparihārapubbaṅgamāya  
 niravasesahitasukhavidhānatapparāya niratisayāya payogasampattiyā  
 sadevamanussāya pajāya accantūpakāritāya  
 aparimitanirupamappabhāvaguṇavisesasamaṅgitāya ca sabbasattuttamo  
 bhagavā aparimāṇāsu lokadhātūsu aparimāṇānam sattānam  
 uttamagāraṇaṭṭhānam. Tena vuttam **“sanarāmaralokagaruṃ”**ti.

Sobhanam gataṃ gamanam etassāti sugato. Bhagavato hi  
 vencyyajanupasaṅkamanam ekantena tesam hitasukhanipphādanato  
 sobhanam,

---

1. Vi 4. 347 piṭṭhe.

2. Dī 1. 46 piṭṭhe.

tathā lakkhaṇānubyañjanapaṭimaṇḍitarūpakāyatāya  
 dutavilambitakhalitānukaḍḍhananippīlanukkuṭikakuṭilākulatādidosarahitama  
 vahasitarājahaṃsavasabhavāraṇamigarājagamanam kāyagamanam  
 ñāṇagamanam ca  
 vipulanimmalakarūṇasativīriyādiguṇavisesasahitamabhinīhārato yāva  
 mahābodhim anavajjatāya sobhanamevāti. Atha vā sayambhuññaena  
 sakalamapi lokam pariññābhisamayavasena pariñānanto ñāṇena sammā gato  
 avagatoti Sugato, tathā lokasamudayam pahānābhisamayavasena pajahanto  
 anuppattidhammatam āpādentō sammā gato atītoti Sugato, lokanirodham  
 nibbānam sacchikiriyābhisamayavasena sammā gato adhigatoti Sugato,  
 lokanirodhagāminim paṭipadam bhāvanābhisamayavasena sammā gato  
 paṭipannoti Sugato. “Sotāpattimaggena ye kilesā pahīnā, te kilese na puneti  
 na pacceti na paccāgacchatīti Sugato”ti-ādinā<sup>1</sup> nayena ayamattho  
 vibhāvetabbo. Atha vā sundaram ṭhānam sammāsambodhim, nibbānameva  
 vā gato adhigatoti Sugato, yasmā vā bhūtam taccham atthasamhitam  
 veneyyānam yathāraham kālayuttameva ca dhammam bhāsati, tasmā sammā  
 gadati vadatīti Sugato da-kārassa ta-kāram katvā. Iti sobhanagamanatādīhi  
 sugato, tam **Sugatam**.

Puññapāpakammehi<sup>2</sup> upapajjanavasena gantabbato gatiyo,  
 upapattibhavavisesā. Tā pana nirayādivasena pañcavidhā. Tāhi sakalassapi  
 bhavagāmikammassa ariyamaggādhigamena avipākārahabhāvakaraṇena  
 nivattitattā bhagavā pañcahipi gatīhi suṭṭhu mutto visamyuttoti āha  
 “**gativimuttan**”ti. Etena bhagavato katthacipi gatiyā apariyāpannatam  
 dasseti, yato bhagavā “devātidevo”ti vuccati. Tenevāha—

“Yena devūpapatyassa, gandhabbo vā vihaṅgamo.

Yakkhattam yena gaccheyyam, manussattam ca abbaje.

Te mayham āsavā khīṇā, viddhastā vinaḷikathā”ti<sup>3</sup>.

Tamtamgatisamvattanakānam hi kammakilesānam aggamaggena  
 bodhimūleyeva suppahīnattā natthi bhagavato gatipariyāpannatāti  
 accantameva bhagavā sabbabhavayonigativinñāṇaṭṭhitisattāvāsattanikāyehi  
 parimutto, tam **gativimuttam**. **Vandeti** namāmi, thomemīti vā attho.

1. Khu 7. 88; Khu 8. 83 piṭṭhesu. 2. Puññapāpakehi (Ka) 3. Am 1. 348 piṭṭhe.

Atha vā **gativimuttanti** anupādisesanibbānadhātuppattiyā bhagavantam thometi. Ettha hi dvīhi ākārehi bhagavato thomanā veditabbā attahitasampattito parahitapaṭipattito ca. Tesu attahitasampatti anāvarenañāṇādhigamato savāsanānam sabbesaṃ kilesānam accantappahānato anupādisesanibbānappattito ca veditabbā, parahitapaṭipatti lābhasakkārādinirapekkhacittassa sabbadukkhanīyānikadhammadesanato viruddhesupi niccaṃ hitajjhāsayato<sup>1</sup> nāṇaparipākakālāgamanato ca. Sā panettha āsayato payogato ca duvidhā parahitapaṭipatti, tividhā ca attahitasampatti pakāsītā hoti. Kathaṃ? “Karuṇāsītalahadayan”ti etena āsayato parahitapaṭipatti, sammāgadanatthena sugata-saddena payogato parahitapaṭipatti, “paññāpajjotavihatamohataman”ti etehi catusaccapaṭivedhatthena ca sugatasaddena tividhāpi attahitasampatti, avasiṭṭhaṭṭhena tena “paññāpajjotavihatamohataman”ti etena cāpi sabbāpi attahitasampattiparahitapaṭipatti pakāsītā hotīti.

Atha vā tihi ākārehi bhagavato thomanā veditabbā hetuto phalato upakārato ca. Tattha **hetu** mahākaruṇā, sā paṭhamapadena dassitā. **Phalaṃ** catubbidham nāṇasampadā pahānasampadā ānubhāvasampadā rūpakāyasampadā cāti. Tāsu nāṇapahānasampadā dutiyapadena, saccapaṭivedhatthena ca sugatasaddena pakāsītā honti, ānubhāvasampadā pana tatiyapadena, rūpakāyasampadā yathāvuttakāyagamanasobhanatthena sugata-saddena lakkhaṇānubyañjanapāripūriyā vinā tadabhāvato. **Upakāro** anantaram abāhiraṃ karitvā tividhayānamukhena vimuttidhammadesanā. So sammāgadanatthena sugata-saddena pakāsito hotīti veditabbaṃ.

Tattha “karuṇāsītalahadayan”ti etena sammāsambodhiyā mūlaṃ dasseti. Mahākaruṇāsaṅcoditamānaso hi bhagavā saṃsārapaṅkato sattānaṃ samuddharaṇattham katābhinihāro anupubbena pāramiyo pūretvā anuttaram sammāsambodhiṃ adhigatoti karuṇā sammāsambodhiyā mūlaṃ. “Paññāpajjotavihatamohataman”ti etena sammāsambodhiṃ

---

1. Hitajjhāsayavasena (Saṃ-Ṭī 1. 6 piṭṭhe.)



dasseti. Anāvaraṇaṇāpadaṭṭhānaṃ hi maggañāṇaṃ,  
 maggañāpadaṭṭhānaṃca anāvaraṇaṇāṇaṃ “sammāsambodhī”ti vuccatīti.  
 Sammāgamanatthena sugatasaddena sammāsambodhiyā paṭipattim dasseti  
 līnuddhaccapatiṭṭhānāyūhanakāmasukhallikatta kilamathānuyoga  
 sassatucchedābhinivesādi antadvayarahitāya karuṇāpaññāpariggahitāya  
 majjhimāya paṭipattiyā pakāsanato sugatasaddassa. Itarehi  
 sammāsambodhiyā padhānāppadhānabhedam payojanam dasseti.  
 Saṃsāramahoghato sattasantāraṇam hettha padhānam payojanam,  
 tadaññamappadhānam. Tesu padhānena parahitapaṭipattim dasseti, itarena  
 attahitasampattim, tadubhayena attahitāya paṭipannādīsu catūsu puggalesu  
 bhagavato catutthapuggalabhāvaṃ dasseti. Tena ca  
 anuttaradakkhiṇeyyabhāvaṃ uttamavandanīyabhāvaṃ attano ca  
 vandanakiriyāya khettaṅgatabhāvaṃ dasseti.

Ettha ca karuṇāgahaṇena lokiyesu  
 mahaggatabhāvappattāsādhāraṇaguṇadīpanato bhagavato  
 sabbalokiyaguṇasampatti dassitā hoti, paññāgahaṇena  
 Sabbaññutaññāpadaṭṭhānamaggañānadīpanato sabbalokuttaraguṇasampatti.  
 Tadubhayaggahaṇasiddho hi attho “sanarāmaralokagarun”ti-ādina  
 vipaṅciyatīti. Karuṇāgahaṇena ca upagamanam nirupakkilesam dasseti,  
 paññāgahaṇena apagamanam. Tathā karuṇāgahaṇena lokasamaññānurūpam  
 bhagavato pavattim dasseti lokavohāraṇasayattā karuṇāya, paññāgahaṇena  
 samaññāya anatidhāvanam. Sabhāvānavabodhena hi dhammānam samaññam  
 atidhāvivā sattādīparāmasanam hotīti. Tathā karuṇāgahaṇena  
 mahākaruṇāsamāpattivihāram dasseti, paññāgahaṇena tīsu kālesu  
 appaṭihataññam catusaccaññam catupaṭisambhidāññam  
 catuvesāraññam. Karuṇāgahaṇena mahākaruṇāsamāpattiññassa gahitattā  
 sesāsādhāraṇāññāni, cha abhiññā, aṭṭhasu parisāsu akampanāññāni, dasa  
 balāni, cuddasa buddhaññāni, soḷasa ññācariyā, aṭṭhārasa buddhadhammā,  
 catucattālīsa ññāvatthūni, sattaṣattati ññāvatthūnīti evamādīnam anekesam  
 paññāpabhedānam vasena ññācāram dasseti. Tathā karuṇāgahaṇena  
 caraṇasampattim, paññāgahaṇena vijjāsampattim. Karuṇāgahaṇena  
 attādhipatitā, paññāgahaṇena dhammādhipatitā. Karuṇāgahaṇena  
 lokanāthabhāvo,

paññāgahaṇena attanāthabhāvo. Tathā karuṇāgahaṇena pubbakāribhāvo,  
paññāgahaṇena kataññutā. Tathā karuṇāgahaṇena aparantapatā,  
paññāgahaṇena anattantapatā. Karuṇāgahaṇena vā  
buddhakaradhammasiddhi, paññāgahaṇena buddhabhāvasiddhi. Tathā  
karuṇāgahaṇena paresaṃ tāraṇaṃ, paññāgahaṇena sayam taraṇaṃ. Tathā  
karuṇāgahaṇena sabbasattesu anuggahacittatā, paññāgahaṇena  
sabbadhammesu virattacittatā dassitā hoti.

Sabbesaṅca buddhaguṇānaṃ karuṇā ādi tannidānabhāvato, paññā  
pariyosānaṃ tato uttari karaṇīyābhāvato. Iti ādipariyosānadassanena sabbe  
buddhaguṇā dassitā honti. Tathā karuṇāgahaṇena sīlakkhandhapubbaṅgamo  
samādhikkhandho dassito hoti. Karuṇānidānaṃ hi sīlaṃ tato  
pāṇātipātādiviratippavattito, sā ca jhānattayasampayoginīti. Paññāvacaṇena  
paññākkhandho. Sīlaṅca sabbabuddhaguṇānaṃ ādi, samādhi majjhe, paññā  
pariyosānanti evampi ādimajjhapariyosānakalyāṇadassanena sabbe  
buddhaguṇā dassitā honti nayato dassitattā. Eso eva hi niravasesato  
buddhaguṇānaṃ dassanupāyo, yadidaṃ nayaggāhaṇaṃ, aññathā ko nāma  
samatto bhagavato guṇe anupadaṃ niravasesato dassetuṃ. Tenevāha—

“Buddhopi buddhassa bhaṇeyya vaṇṇaṃ,  
Kappampi ce aññaṃabhāsamaṇo.  
Khīyetha kappo ciradīghamantare,  
Vaṇṇo na khīyetha tathāgatassā”<sup>1</sup>.

Teneva ca āyasmataṃ sārīputtattherenapi buddhaguṇaparicchedanaṃ pati  
anuyuttena “no hetam bhante”<sup>2</sup>ti paṭikkhipitvā “apica me bhante  
dhammanvayo vidito”<sup>2</sup>ti vuttam.

2. Evaṃ saṅkhepena sakalasabbaññuguṇehi bhagavantaṃ abhitthavitvā  
idāni saddhammaṃ thometuṃ “**buddhopi**”<sup>2</sup>ti-ādimāha. Tattha **buddhoti**  
kattuniddeso. **Buddhabhāvanti** kammaniddeso. **Bhāvetvā sacchikatvāti** ca

1. Dī-Ṭṭha 1. 257; Dī-Ṭṭha 3. 61; Ma-Ṭṭha 3. 289; Udāna-Ṭṭha 305;

Apadāna-Ṭṭha 2. 91; Buddhavaṃsa-Ṭṭha 163; Cariyāpiṭaka-Ṭṭha 9, 324 piṭṭhesu.

2. Dī 2. 70 piṭṭhe.

pubbakālakiriyāniddeso. **Yanti** aniyamato kammaniddeso. **Upagatoti** aparakālakiriyāniddeso. **Vandeti** kiriyāniddeso. **Tanti** niyamanam. **Dhammanti** vandanakiriyāya kammaniddeso. **Gatamalam anuttaranti ca** tabbisesanam.

Tattha buddha-saddassa tāva “bujjhitā saccānīti buddho, bodhetā pajāyāti buddho”ti-ādinā **niddesanayena**<sup>1</sup> attho veditabbo. Atha vā savāsanāya aññāṇaniddāya accantavigamato, buddhiyā vā vikasiabhāvato buddhavāti **buddho** jāgaraṇavikasanatthavasena. Atha vā kassacipi ñeyyadhammassa anavabuddhassa abhāvena ñeyyavisesassa kammabhāvena aggahaṇato kammavacanicchāya abhāvena avagamanatthavaseneva kattuniddeso labbhatīti buddhavāti **buddho** yathā “dikkhito na dadāti”ti. Atthato pana pāramitāparibhāvito sayambhuñāṇena saha vāsanāya vihataviddhaniravasesakilesa mahākaruṇāsabbaññutaññāṇādi-aparimeyyaguṇagaṇādhāro khandhasantāno buddho. Yathāha—

“Buddhoti yo so bhagavā sayambhū anācariyako pubbe ananussutesu dhammesu sāmam saccāni abhisambujjhi, tattha ca sabbaññutam patto balesu ca vasībhāvan”ti<sup>2</sup>.

**Api**-saddo sambhāvane. Tena “evaṃ guṇavisesayutto sopi nāma bhagavā”ti vakkhamānaguṇe dhamme sambhāvanam dīpeti. **Buddhabhāvanti** sammāsambodhim. **Bhāvetvāti** uppādetvā vaḍḍhetvā ca. **Sacchikatvāti** paccakkham katvā. **Upagatoti** patto, adhigatoti attho. Etassa “buddhabhāvan”ti etena sambando. **Gatamalanti** vigatamalam, niddosanti attho. **Vandeti** paṇamāmi, thomemi vā. **Anuttaranti** uttararahitam, lokuttaranti attho. **Dhammanti** yathānusiṭṭham paṭipajjamāne apāyato ca saṃsārato ca apatamāne katvā dhāretīti dhammo. Ayaṃ hettha saṅkhepattho—evaṃ vividhaguṇagaṇasamannāgato buddhopi bhagavā yaṃ ariyamaggasaṅkhātam dhammam bhāvetvā, phalanibbānasaṅkhātam pana sacchikatvā anuttaram sammāsambodhim adhigato, tametaṃ buddhānampi buddhabhāvahetubhūtam sabbadosamalarahitam attano uttaritarābhāvena anuttaram paṭivedhasaddhammam namāmīti. pariyattisaddhammassapi tappakāsanattā idha saṅgaho daṭṭhabbo.

1. Khu 7. 363; Khu 8. 197 piṭṭhesu. 2. Khu 7. 363; Khu 8. 197; Khu 9. 172 piṭṭhesu.

Atha vā “abhidhammanayasamuddam̐ adhigacchi, tīṇi piṭakāni sammasi”ti ca aṭṭhakathāyaṃ vuttattā pariyattidhammassapi sacchikiriyāsammasanapariyāyo labbhatīti sopi idha vutto evāti daṭṭhabbam̐. Tathā “yaṃ dhammam̐ bhāvetvā sacchikatvā”ti vuttattā buddhakaradhammabhūtāhi pāramitāhi saha pubbabhāge adhisīlasikkhādayopi idha dhammasaddena saṅgahitāti veditabbam̐. Tāpi hi malapaṭipakkhatāya gatamalā anaññasādhāraṇatāya anuttarā cāti. Tathā hi sattānam̐ sakalavaṭṭadukkhaniṣṣaraṇatthāya katamahābhinihāro mahākaruṇādhivāsapesalajjhāsayo paññāvisesaparidhotanimmalānam̐ dānadamasāmyamādīnam̐ uttamadhammānam̐ sataśassādhikāni kappānam̐ cattāri asaṅkhyeyyāni sakkaccam̐ nirantaram̐ niravasesānam̐ bhāvanāpaccakkhakarāṇehi kammādīsu adhigatavasībhāvo acchariyācinteyyamahānubhāvo adhisīlādhicittānam̐ paramukkamsapāramippatto bhagavā paccayākāre catuvīsatiakoṭisatasahassamukhena mahāvajiraññaṇam̐ pesetvā anuttaram̐ sammāsambodhim̐ abhisambuddhoti.

Ettha ca “bhāvetvā”ti etena vijjāsampadāya dhammam̐ thometi, “sacchikatvā”ti etena vimuttisampadāya. Tathā paṭhamena jhānasampadāya, dutiyena vimokkhasampadāya. Paṭhamena vā samādhisampadāya, dutiyena samāpattisampadāya. Atha vā paṭhamena khayēññabhāvena, dutiyena anuppādeññabhāvena. Purimena vā vijjūpamatāya, dutiyena vajirūpamatāya. Purimena vā virāgasampattiyā, dutiyena nirodhasampattiyā. Tathā paṭhamena niyyānabhāvena, dutiyena nissaraṇabhāvena. Paṭhamena vā hetubhāvena, dutiyena asaṅkhatabhāvena. Paṭhamena vā dassanabhāvena, dutiyena vivekabhāvena. Paṭhamena vā adhipatibhāvena, dutiyena amatabhāvena dhammam̐ thometi. Atha vā “yaṃ dhammam̐ bhāvetvā buddhabhāvam̐ upagato”ti etena svākkhātātāya dhammam̐ thometi, “sacchikatvā”ti etena sandiṭṭhikatāya. Tathā purimena akālikatāya, pacchimena ehipassikatāya. Purimena vā opaneyyikatāya, pacchimena paccattam̐ veditabbatāya dhammam̐ thometi. “Gatamalan”ti iminā saṅkilesābhāvadīpanena dhammassa parisuddhataṃ dasseti, “anuttaran”ti etena aññassa viṣiṭṭhassa abhāvadīpanena vipulapariṇaṇam̐. Paṭhamena vā pahānasampadam̐ dhammassa dasseti, dutiyena sabhāvasampadam̐. Bhāvetabbatāya vā dhammassa gatamalabhāvo

yojetabbo. Bhāvanāguṇena<sup>1</sup> hi so dosānaṃ samugghātako hotīti. Sacchikātabbhāvena anuttarabhāvo yojetabbo. Sacchi kiriyānibbattito hi taduttari karaṇīyābhāvato anaññasādhāraṇatāya anuttaroti. Tathā “bhāvetvā”ti etena saha pubbabhāgasīlādīhi sekkhā sīlasamādhīpaññākkhandhā dassitā honti, “sacchikatvā”ti etena saha asaṅkhatāya dhātuyā asekkhā sīlasamādhīpaññākkhandhā dassitā hontīti.

3. Evaṃ saṅkhepeneva sabbadhammaguṇehi saddhammaṃ abhitthavitvā idāni ariyaśaṅghaṃ thometum “**sugatassā**”ti-ādimāha. Tattha **sugatassā**ti sambandhaniddeso, tassa “puttānaṃ”ti etena sambandho. **Orasānanti** puttavisesanaṃ. **Mārasenamathanānanti** orasaputtabhāve kāraṇaniddeso. Tena kilesappahānameva bhagavato orasaputtabhāve kāraṇaṃ anujānātīti dasseti. **Aṭṭhannanti** gaṇanaparicchedaniddeso. Tena satipi tesāṃ sattavisesabhāvena anekasahassasaṅkhābhāve imaṃ gaṇanaparicchedaṃ nātivattantīti dasseti maggaṭṭhaphalaṭṭhabhāvānātivattanato. **Samūhanti** samudāyaniddeso. **Ariyaśaṅghanti** guṇavisiṭṭhasaṅghābhāvaniddeso. Tena asatipi ariyapuggalānaṃ kāyasāmaggiyaṃ ariyaśaṅghabhāvaṃ dasseti diṭṭhisīlasāmaññaṃ samhatabhāvato.

Tattha urasi bhavā jātā saṃvaddhā ca orasā. Yathā hi sattānaṃ orasaputtā attajātatāya pitu santakassa dāyajjassa visesena bhāgino honti, evameva tepi ariyapuggalā sammāsambuddhassa dhammassavanante ariyāya jātiyā jātatāya bhagavato santakassa vimuttisukhassa ariyadhammaratanassa ca ekantabhāginoti orasā viya **orasā**. Atha vā bhagavato dhammadesanānubhāvena ariyabhūmiṃ okkamamānā okkantā ca ariyasāvaka bhagavato urena<sup>2</sup> vāyāmajanitābhijātītāya nippariyāyena “orasaputtā”ti vattabbaṃ arahanti. Sāvakehi pavattiyamānāpi hi dhammadesanā “bhagavato dhammadesanā”icceva vuccati taṃmūlikattā lakkhaṇādivisesābhāvato ca.

1. Bhāvanābalena (Saṃ-Ṭī 1. 11 piṭṭhe)

2. Ure (Am-Ṭī 1. 15 piṭṭhe)

Yadipi ariyasāvakanāṃ ariyamaggādhigamasamaye bhagavato viya tadantarāyakaṇaṭṭham devaputtamāro, māravāhinī vā na ekantena apasādeti, tehi pana apasādetabbatāya kāraṇe vimathite tepi vimathitā eva nāma hontīti āha “**mārasenamathanānan**”ti. Imasmiṃ panatthe “māramārasenamathanānan”ti vattabbe “mārasenamathanānan”ti ekadesasarūpekaseso katoti daṭṭhabbāṃ. Atha vā khandhābhisaṅkhāramārānaṃ viya devaputtamārassapi guṇamāraṇe saḥāyabhāvūpagamanato<sup>1</sup> kilesabalakāyo “senā”ti vuccati. Yathāha “kāmā te paṭhamā senā”ti-ādi<sup>2</sup>. Sā ca tehi diyaḍḍhasahassabhedā anantabhedā vā kilesavāhinī satidhammavicayavīriyasamathādiguṇapaharaṇehi odhiso vimathitā vihatā viddhastā cāti **mārasenamathanā**, ariyasāvakā. Etena tesāṃ bhagavato anujātaputtataṃ dasseti.

Ārakattā kilesehi, anaye na iriyanato, aye ca iriyanato ariyā niruttinayena. Atha vā sadevakena lokena “saraṇan”ti araṇīyato upagantabbato upagatānaṃ ca tadatthasiddhito ariyā, ariyānaṃ saṃghoti ariyasamgho, ariyo ca so saṃgho cāti vā ariyasamgho, taṃ **ariyasamghaṃ**. Bhagavato aparabhāge buddhadhammaratanānampi samadhigamo saṃgharatanādhīnoti ariyasamghassa bahūpakāratāṃ dassetuṃ idheva “**sirasā vande**”ti vuttanti daṭṭhabbāṃ.

Ettha ca “Sugatassa orasānaṃ puttānaṃ”ti etena ariyasamghassa pabhavasampadaṃ dasseti, “mārasenamathanānan”ti etena pahānasampadaṃ sakalasaṃkilesappahānadīpanato. “Aṭṭhannampi samūhan”ti etena nāṇasampadaṃ maggaṭṭhaphalaṭṭhabhāvādīpanato. “Ariyasamghan”ti etena pabhāvasampadaṃ dasseti sabbasaṃghānaṃ aggabhāvādīpanato. Atha vā “sugatassa orasānaṃ puttānaṃ”ti ariyasamghassa visuddhanissayabhāvādīpanaṃ, “mārasenamathanānan”ti sammā-ujjuṇāyasāmīcippaṭipannabhāvādīpanaṃ, “aṭṭhannampi samūhan”ti āhuneyyādībhāvādīpanaṃ, “ariyasamghan”ti anuttarapuññakkhettabhāvādīpanaṃ. Tathā “sugatassa orasānaṃ puttānaṃ”ti etena ariyasamghassa lokuttarasaraṇagamanasabbhāvaṃ dīpeti. Lokuttarasaraṇagamanena hi te bhagavato orasaputtā jātā. “Mārasenamathanānan”ti etena

1. Sahāyibhāvūpagamanato (Ka)

2. Khu 1. 342; Khu 7. 73, 135, 259 piṭṭhesu.

abhinīhārasampadāsiddham pubbabhāge sammāpaṭipattim dasseti.  
 Katābhinihārā hi sammāpaṭipannā māraṃ māraparisam vā abhivijjanti.  
 “Aṭṭhannampi samūhan”ti etena paṭividdhastavipakkhe  
 sekkhāsekkhadhamme dasseti puggalādhiṭṭhānena maggaphaladhammānaṃ  
 pakāsittā. “Ariyasamghan”ti aggadakkhiṇeyyabhāvaṃ dasseti.  
 Saraṇagamaṇāna sāvakānaṃ sabbaguṇānaṃ ādi, sapubbabhāgapaṭipadā  
 sekkhā sīlakkhandhādayo majjhe, asekkhā sīlakkhandhādayo pariyosānanti  
 ādimajjhapariyosānakalyāṇā saṅkhepato sabbe ariyasamghaguṇā pakāsittā  
 honti.

4. Evaṃ gāthāttayena saṅkhepato sakalaguṇasaṃkittanamukhena  
 ratanattayassa paṇāmaṃ katvā idāni tamnipaccakāraṃ yathādhippete  
 payojane pariṇāmento “**iti me**”ti-ādimāha. Tattha ratijananaṭṭhena **ratanam**,  
 buddhadhammasamghā. Tesam hi “itipi so bhagavā”ti-ādinā yathābhūtaguṇe  
 āvajjentassa amatādhiḡamahetubhūtaṃ anappakaṃ pītipāmojjaṃ uppajjati.  
 Yathāha—

“Yasmiṃ Mahānāma samaye ariyasāvako Tathāgataṃ  
 anussarati, nevassa tasmim samaye rāgapariyuṭṭhitaṃ cittaṃ  
 hoti, na dosa -pa- na mohapariyuṭṭhitaṃ cittaṃ hoti -pa-  
 Ujugatacitto kho Mahānāma ariyasāvako labhati atthavedaṃ,  
 labhati dhammavedaṃ, labhati dhammūpasamhitaṃ pāmojjaṃ,  
 pamuditassa pīti jāyati”ti-ādi<sup>1</sup>.

Cittikatādibhāvo vā ratanaṭṭho. Vuttaṃ hetam—

“Cittikataṃ mahaggaṇāca, atulaṃ dullabhadassanaṃ.  
 Anomasattaparibhogaṃ, ratanaṃ tena vuccatī”ti<sup>2</sup>.

Cittikatabhāvādayo ca anaññasādhāraṇā buddhādīsu eva labbhantīti.

Vandanāva **vandanāmayaṃ** yathā “dānamayaṃ sīlamayan”ti<sup>3</sup>. Vandanā  
 cettha kāyavācācittēhi tiṇṇaṃ ratanānaṃ guṇaninnatā, thomanā vā.

1. Am 2. 252; Am 3. 531 piṭṭhesu.

2. Dī-Ṭṭha 2. 35; Sam-Ṭṭha 3. 190; Khuddakapāṭha-Ṭṭha 143;

Suttanipāta-Ṭṭha 1. 272; Mahāniddeśa-Ṭṭha 231 piṭṭhesu.

3. Dī 3. 182; Khu 1. 230 piṭṭhesu.

Pujjabhavaphalanibbattanato **puññaṃ**, attano santānaṃ punātīti vā. **Suvihatantarāyoti** suṭṭhu vihatantarāyo. Etena attano pasādasampattiyā ratanattayassa ca khettabhāvasampattiyā taṃ puññaṃ atthappakāsanassa upaghātaka-upaddavānaṃ vihanane samatthanti dasseti. **Hutvāti** pubbakālakiriyā. Tassa “atthaṃ pakāsayissāmi”ti etena sambandho. **Tassāti** yaṃ ratanattayavandanāmayāṃ puññaṃ, tassa. **Ānubhāvenāti** balena.

5. Evaṃ ratanattayassa nipaccakāre payojanaṃ dassetvā idāni yassā dhammadesanāya atthaṃ saṃvaṇṇetukāmo, tassā tāva guṇābhithavanavasena upaññāpanatthaṃ “**majjhimapamāṇasuttaṅkitassā**”ti-ādi vuttaṃ. Tattha **Majjhimapamāṇasuttaṅkitassāti** nātidīghanātikhuddakapamāṇehi suttantehi lakkhitassa. Yathā hi dīghāgame dīghapamāṇāni suttāni, yathā ca saṃyuttaṅguttarāgamesu dvīsu khuddakapamāṇāni, na evaṃ idha. Idha pana pamāṇato majjhimāni suttāni. Tena vuttaṃ “majjhimapamāṇasuttaṅkitassāti nātidīghanātikhuddakapamāṇehi suttantehi lakkhitassāti attho”ti. Etena “majjhimo”ti ayaṃ imassa atthānugatasamaññāti dasseti. Nanu ca suttāni eva āgamo, kassa pana suttehi aṅkananti? Saccametaṃ paramatthato, suttāni pana upādāya paññatto āgamo. Yatheva hi atthabyañjanasamudāye “suttan”ti vohāro, evaṃ suttasamudāye ayaṃ “āgamo”ti vohāro. **Idhāti** imasmim sāsane. Āgamissanti ettha, etena, etasmā vā attatthaparathādayoti āgamo, ādikalyāṇādiguṇasampattiyā uttamaṭṭhena taṃtaṃabhipatthitasamiddhihetutāya paṇḍitehi varitabbato varo, āgamo ca so varo cāti āgamavaro. Āgamasammatehi vā varoti āgamavaro, majjhimo ca so āgamavaro cāti **majjhimāgamavaro**, tassa.

Buddhānaṃ anubuddhānaṃ **buddhānubuddhā**, buddhānaṃ saccapaṭivedhaṃ anugamma paṭividdhasaccā aggasāvakaḍḍayo ariyā. Tehi atthasaṃvaṇṇanāguṇasaṃvaṇṇanānaṃ vasena **saṃvaṇṇitassa**. Atha vā buddhā ca Anubuddhā ca buddhānubuddhāhi yojetabbaṃ. Sammāsambuddheneva hi vinayasuttābhidhammānaṃ pakiṇṇakadesanādivasena yo paṭhamaṃ attho vibhatto, so eva pacchā tassa tassa saṃvaṇṇanāvasena saṅgītikārehi saṅgahaṃ āropitoti. **Paravādamathanassāti** aññatitthiyānaṃ vādanimmathanassa, tesāṃ diṭṭhigatabhañjanassāti attho.



Ayaṃ hi āgamo mūlapariyāyasuttasabbāsavasuttādīsu diṭṭhigatikānaṃ diṭṭhigatadosavibhāvanato **saccakasutta**<sup>1</sup> **upālisuttā**dīsu<sup>2</sup> saccakādīnaṃ micchāvādanimmathanadīpanato visesato “paravādamathano”ti thomitoti. Saṃvaṇṇanāsu cāyaṃ ācariyassa pakati, yā taṃtaṃsaṃvaṇṇanāsu ādito tassa tassa saṃvaṇṇetabbassa dhammassa visesaguṇakittanena thomanā. Tathā hi Sumaṅgalavilāsīnīsāratthapakāsīnīmanorathapūraṇīsu aṭṭhasālīnī-ādīsu ca yathākkamaṃ “saddhāvahaguṇassa, ñāṇappahedajanassa, dhammakathikapuṅgavānaṃ vicittapaṭibhānanassa, tassa gambhīrañāṇehi ogāḷhassa abhiṇhaso nānāyavicittassa abhidhammassā”ti-ādīnā thomanā katā.

6. Attho kathīyati etāyāti atthakathā, sā eva **aṭṭhakathā** ttha-kārassa ṭṭha-kāraṃ katvā yathā “dukkhassa pīḷanaṭṭho”ti<sup>3</sup>. **Āditoti**-ādimhi paṭhamasaṅgītiyaṃ. Chaḷabhiññatāya paramena cittissariyabhāvena<sup>4</sup> samannāgatattā jhānādīsu pañcavidhavasitāsabbhāvato ca **vasino**, therā mahākassapādayo. Tesam **satehi pañcahi**. **Yāti** yā aṭṭhakathā. **Saṅgītāti** attham pakāsetum yuttaṭṭhāne “ayaṃ etassa attho, ayaṃ etassa attho”ti saṅgahetvā vuttā. **Anusaṅgītā ca** yasattherādīhi pacchāpi dutiyatatiyasaṅgītīsu. Iminā attano saṃvaṇṇanāya āgamanasuddhiṃ dasseti.

7. Sīhassa lānato gahaṇato **sīhaḷo**, sīhakumāro. Taṃvaṃsajātātāya Tambapaṇṇidīpe khattiyānaṃ, tesam nivāsātāya tambapaṇṇidīpassa ca sīhaḷabhāvo veditabbo. **Ābhatāti** jambudīpato ānītā. **Athāti** pacchā. Aparabhāge hi nikāyantaraḷaddhīhi asaṅkarattham sīhaḷabhāsāya aṭṭhakathā ṭṭhapitāti. Tena mūlaṭṭhakathā sabbasādhāraṇā na hotīti idaṃ atthappakāsanam ekantena karaṇīyanti dasseti. Tenevāha “**dīpavāsīnamatthāyā**”ti. Tattha **dīpavāsīnanti** jambudīpavāsīnam, sīhaḷadīpavāsīnam vā atthāya sīhaḷabhāsāya ṭṭhapitāti yojanā.

1. Ma 1. 289, 299 piṭṭhesu. 2. Ma 2. 35 piṭṭhe.

3. Khu 9. 20, 293 piṭṭhesu. 4. Cittavasībhāvena (Dī-Ṭī 1. 16; Saṃ-Ṭī 1. 19 piṭṭhesu)

8. **Apanetvānāti** kañcukasadisam̐ sīhaḷabhāsam̐ apānetvā. **Tatoti** aṭṭhakathāto. **Ahanti** attānam̐ niddisati, **manoramam̐ bhāsanti** māgadhabhāsam̐. Sā hi sabhāvaniruttibhūtā paṇḍitānam̐ manam̐ ramayatīti. Tenevāha “**tantinayānucchavikan**”ti, pāḷigatiyā anulomikam̐ pāḷibhāsāyānuvidhāyininti<sup>1</sup> attho. **Vigatadosanti** asabhāvaniruttibhāsantararahitam̐.

9. **Samayam̐ avilomentoti** siddhantam̐ avirodhento. Etena atthadosābhāvamāha. Aviruddhattā eva hi theravādāpi idha pakāsīyissanti. **Theravaṃsadīpānanti** thirehi sīlakkhandhādīhi samannāgatattā therā, mahākassapādayo. Tehi āgatā ācariyaparamparā theravaṃso, tappariyāpannā hutvā āgamādhigamasampannattā paññāpajjotena tassa samujjalanato **theravaṃsadīpā**, mahāvihāravāsino, tesam̐. Vividhehi ākārehi nicchīyatīti vinicchayo, gaṇṭhiṭṭhānesu khīlamaddanākārena pavattā vimaticchedanī kathā. Suṭṭhu nipuṇo saṅho vinicchayo etesanti **sunipuṇavinicchayā**. Atha vā vinicchīnotīti vinicchayo, yathāvuttatthavisayam̐ ñāṇam̐. Suṭṭhu nipuṇo cheko vinicchayo etesanti yojetabbaṃ. Etena mahākassapāditheraparamparābhato, tato eva ca aviparīto saṅho sukhumo mahāvihāravāsīnam̐ vinicchayoti tassa pamāṇabhūtataṃ dasseti.

10. **Sujanassa cāti ca-saddo** sampiṇḍanatto. Tena “na kevalam̐ Jambudīpavāsīnameva atthāya, atha kho sādhujanatosanattañcā”ti dasseti. Tena ca “Tambapaṇṇidīpavāsīnampi atthāyā”ti ayamatto siddho hoti uggahaṇādisukaratāya tesampi bahukārattā. **Ciraṭṭhitatthanti** ciraṭṭhiti-attham̐, ciraṭṭhitatthiyāti attho. Idam̐ hi atthappakāsanam̐ aviparītapadabyañjanasunikkhepassa atthasunayassa ca upāyabhāvato saddhammassa ciraṭṭhitiyā samvattati. Vuttam̐ hetam̐ bhagavatā “dveme bhikkhave dhammā saddhammassa ṭhitiyā asammosāya anantaradhānāya samvattanti. Katame dve? Sunikkhittañca padabyañjanam̐ attho ca sunīto”ti<sup>2</sup>.

1. Pāḷicchāyānuvidhāyininti (Sam-Ṭī 1. 17; Am-Ṭī 1. 19 piṭṭhesu)

2. Am 1. 60 piṭṭhe.

11. Yaṃ atthavaṇṇanaṃ kattukāmo, tassā mahattaṃ pariharituṃ “**sīlakathā**”ti-ādi vuttaṃ. Tenevāha “na taṃ idha vicārayissāmi”ti. Atha vā yaṃ aṭṭhakathaṃ kattukāmo, tadekadesabhāvena visuddhimaggo gahetabboti kathikānaṃ upadesaṃ karonto tattha vicāritadhamme uddesavasena dasseti “**sīlakathā**”ti-ādinā. Tattha **sīlakathā**ti cārittavārittādivasena sīlassa vitthārakathā. **Dhutadhammā**ti piṇḍapātikaṅgādayo terasa kilesadhunanakadhammā. **Kammaṭṭhānāni sabbānī**ti pāḷiyaṃ āgatāni aṭṭhatiṃsa, aṭṭhakathāyaṃ dveti niravasesāni yogakammasa bhāvanāya pavattiṭṭhānāni. **Cariyāvīdhānasahitoti** rāgacaritādīnaṃ sabhāvādivīdhānena sahito. **Jhānāni** cattāri rūpāvacaarajjhānāni, **samāpattiyo** catasso arūpasamāpattiyo. Aṭṭhapi vā paṭiladdhamattāni **jhānāni**, samāpajanavasībhāvappattiyā **samāpattiyo**. **Jhānāni** vā rūpārūpāvacaarajjhānāni, **samāpattiyo** phalasangāhānāni.

12. Lokiyalokuttarabhedā cha abhiññāyo **sabbā abhiññāyo**. **Ñānavibhaṅgādīsu**<sup>1</sup> āgatanayena ekavidhādīnā paññāya saṅkaletvā sampiṇḍetvā nicchayo **paññāsaṅkalananicchayo**.

13. Paccayadhammānaṃ hetādīnaṃ paccayuppannadhammānaṃ hetupaccayādivhāvo paccayākāro, tassa desanā **paccayākāradesanā**, paṭiccasamuppādakathāti attho. Sā pana nikāyantaraladdhisāṅkararahitatāya suṭṭhu parisuddhā, ghanavinibbhogassa sudukkaratāya nipuṇā saṅhasukhumā, ekattanayādisahitā ca tattha vicāritāti āha “**suparisuddhanipūṇanayā**”ti. Paṭisambhidādīsu āgatanayaṃ avissajjetvā vicāritattā **avimuttatantimaggā**.

14. **Iti pana sabbanti iti**-saddo parisamāpane, **pana**-saddo vacanālaṅkāre, etaṃ sabbanti attho. **Idhāti** imissā aṭṭhakathāya. **Na taṃ vicārayissāmi** punaruttibhāvatoti adhippāyo.

15. Idāni tasseva avicāraṇassa ekantakāraṇaṃ niddhārento “**majjhe Visuddhimaggo**”ti-ādimāha. Tattha “**majjhe** ṭhatvā”ti etena

---

1. Abhi 2. 323 piṭṭhe.

majjhaṭṭhabhāvadīpanena visesato catunnaṃ āgamānaṃ sādharmaṇaṭṭhakathā Visuddhimaggo, na sumaṅgalavilāsini-ādayo viya asādharmaṇaṭṭhakathāti dasseti. “Visesato”ti ca idaṃ vinayābhidhammānampi visuddhimaggo yathārahaṃ atthavaṇṇanā hoti evāti katvā vuttaṃ.

16. **Icevāti** iti eva. **Tampīti** visuddhimaggampi. **Etāyāti** papañcasūdaniyā. Ettha ca “sīhaḷadīpaṃ ābhatā”ti-ādinā aṭṭhakathākaraṇassa nimittaṃ dasseti, “dīpavāsīnamatthāya, sujanassa ca tuṭṭhatthaṃ, ciraṭṭhitatthaṃca dhammassā”ti etena payojanaṃ, “majjhimāgamavarassa atthaṃ pakāsayissāmi”ti etena piṇḍatthaṃ, “apanetvāna tatohaṃ sīhaḷabhāsan”ti-ādinā, “sīlakathā”ti-ādinā ca karaṇappakāraṃ. Sīlakathādīnaṃ avicāraṇampi hi idha karaṇappakāro evāti.

Ganthārambhakathāvaṇṇanā niṭṭhitā.

### Nidānakathāvaṇṇanā

1. Vibhāgavantānaṃ sabhāvavibhāvanaṃ vibhāgadassanamukheneva hotīti paṭhamam tāva paṇṇāsavaggasuttādivasena majjhimāgamassa vibhāgam dassetuṃ “**tattha majjhimasāṅgīti nāmā**”ti-ādimāha. Tattha **tatthāti** yaṃ vuttaṃ “majjhimāgamavarassa atthaṃ pakāsayissāmi”ti, tasmim vacane. Yā majjhimāgamapariyāyena majjhimasāṅgīti vuttā, sā paṇṇāsādito edisāti dasseti “majjhimasāṅgīti nāmā”ti-ādinā. **Tatthāti** vā “etāya aṭṭhakathāya vijānātha majjhimasāṅgītiyā atthan”ti ettha yassā majjhimasāṅgītiyā atthaṃ vijānāthāti vuttaṃ, sā majjhimasāṅgīti nāma paṇṇāsādito edisāti dasseti. Pañca dasakā paṇṇāsā, mūle ādimhi paṇṇāsā, mūlabhūtā vā paṇṇāsā **mūlapaṇṇāsā**. Majjhe bhavā majjhimā, majjhimā ca sā paṇṇāsā cāti **majjhimapañṇāsā**. Upari uddham paṇṇāsā **uparipaṇṇāsā**. **Paṇṇāsattayasāṅgahāti** paṇṇāsattayaparigaṇanā.

Ayaṃ saṅgaho nāma jātisaṅgātikiriyāgaṇanavasena catubbidho. Tattha “yā cāvuso Visākha sammāvācā, yo ca sammākammanto, yo ca

sammā-ājīvo, ime dhammā silakkhandhe saṅgahitā”<sup>1</sup>ti<sup>1</sup> ayam jātisaṅgaho. “Yo cāvuso Visākha sammāvāyāmo, yā ca sammāsati, yo ca sammāsamādhi, ime dhammā samādhikkhandhe saṅgahitā”<sup>1</sup>ti<sup>1</sup> ayam sañjātisaṅgaho. “Yā cāvuso visākha sammādiṭṭhi, yo ca sammāsankappo, ime dhammā paññakkhandhe saṅgahitā”<sup>1</sup>ti<sup>1</sup> ayam kiriyāsaṅgaho. “Hañci cakkhāyatanam rūpakkhandhagaṇanam gacchati, tena vata re vattabbe cakkhāyatanam rūpakkhandhena saṅgahitan”<sup>2</sup>ti<sup>2</sup> ayam gaṇanasāṅgaho. Ayameva ca idhādhippeto. Tena vuttaṃ “paṇṇāsattayasaṅgahāti paṇṇāsattayaparigaṇanā”<sup>1</sup>ti.

**Vaggatoti** samūhato, so panettha dasakavasena veditabbo. Yebhuyyena hi sāsane dasake vaggavohāro. Tenevāha “**ekekāya paṇṇāsāya pañca pañca vagge katvā**”<sup>1</sup>ti. **Pannarasavaggasamāyogāti** pannarasavaggasamāyogāti attho. Keci pana samāyogasaddam samudāyattham vadanti. **Padatoti** ettha aṭṭhakkharo gāthāpādo “padan”<sup>1</sup>ti adhippeto, tasmā “akkharato cha akkharasatasahassāni caturāsītuttarasatādhikāni catucattālīsa sahasāni ca akkharāni”<sup>1</sup>ti pāṭhena bhavitabbanti vadanti. Yasmā pana navakkharo yāva dvādasakkharo ca gāthāpādo samvijjati, tasmā tādisānampi gāthānam vasena aḍḍhateyyagāthāsataṃ bhāṇavāro hotīti katvā “**akkharato satta akkharasatasahassāni cattālīsañca sahasāni tepaññāsāñca akkharāni**”<sup>1</sup>ti vuttaṃ. Evaṃ hi padabhāṇavāragaṇanāhi akkharagaṇanā saṃsandati, netarathā. **Bhāṇavāroti** ca dvattimsakkharānam gāthānam vasena aḍḍhateyyagāthāsataṃ, ayañca akkharagaṇanā bhāṇavāragaṇanā ca padagaṇanānusārena laddhāti veditabbā. Imameva hi attham nāpetum suttagaṇanānantaram bhāṇavāre agaṇetvā padāni gaṇitāni. Tatridam vuccati—

“Bhāṇavārā yathāpi hi, majjhimassa pakāsītā.

Upaḍḍhabhāṇavāro ca, tevīsati padādhiko.

Satta satasahassāni, akkharānam vibhāvaye.

Cattālīsa sahasāni, tepaññāsāñca akkharan”<sup>1</sup>ti.

1. Ma 1. 375 piṭṭhe.

2. Abhi 4. 251 piṭṭhe.

**Anusandhitoti** desanānusandhito. Ekasmim eva hi sutte purimapacchimānaṃ desanābhāgānaṃ sambandho anusandhānato anusandhi. Ettha ca attajjhāsayānusandhi parajjhāsayānusandhīti duvidho ajjhāsayānusandhi. So pana katthaci desanāya vippakatāya dhammaṃ suṇantānaṃ pucchāvasena, katthaci desetassa satthu sāvakassa dhammapaṭiggāhakānaṃca ajjhāsayavasena, katthaci desetabbassa dhammassa vasena hotīti samāsato tippakāro. Tena vuttaṃ **“pucchānusandhi-ajjhāsayānusandhiyathānusandhivasena saṅkhepatovidho anusandhi”**ti. Saṅkhepeneva ca catubbidho anusandhi veditabbo. Tattha “evaṃ vutte aññataro bhikkhu bhagavantaṃ etadavoca ‘kiṃ nu kho bhante orimaṃ tīraṃ, kiṃ pārimaṃ tīraṃ, ko majjhe saṃsīdo, ko thale ussādo, ko manussaggāho, ko amanussaggāho, ko āvattaggāho, ko antopūtibhāvo’<sup>1</sup>” evaṃ pucchantānaṃ vissajjentena bhagavatā pavattitadesanāvasena **pucchānusandhi** veditabbo. “Atha kho aññatarassa bhikkhuno evaṃ cetaso parivitakko udapādi ‘iti kira bho rūpaṃ anattā, vedanā, saññā, saṅkhārā, viññāṇaṃ anattā, anattakatāni kammāni kamattānaṃ phusissantī’<sup>2</sup>ti. Atha kho bhagavā tassa bhikkhuno cetasā cetoparivitakkamaññāya bhikkhū āmantesi ‘thānaṃ kho panetaṃ bhikkhave vijjati, yaṃ idhekacco moghapuriso avidvā avijjāgato taṇhādhipateyyena cetasā satthusāsaṇaṃ atidhāvitabbaṃ maññeyya ‘iti kira bho rūpaṃ anattā -pa- phusissantī’<sup>2</sup>ti. Taṃ kiṃ maññatha bhikkhave, rūpaṃ niccaṃ vā aniccaṃ vā’<sup>2</sup>ti<sup>2</sup> evaṃ paresaṃ ajjhāsayānaṃ veditvā bhagavatā pavattitadesanāvasena **parajjhāsayānusandhi** veditabbo.

“Tassa mayhaṃ brāhmaṇa etadahosi ‘yaṃnūnāhaṃ yā tā rattiyō abhiññātā abhilakkhitā cātuddasī pañcadasī aṭṭhamī ca pakkhassa, tathārūpāsu rattīsu yāni tāni ārāmacetiyāni vanacetiyāni rukkhacetiyāni bhiṃsanakāni salomahaṃsāni, tathārūpesu senāsanesu vihareyyaṃ appeva nāmāhaṃ bhayabheravaṃ passeyyaṃ’<sup>3</sup>” evaṃ bhagavatā, “tatrāvuso lobho ca pāpako doso ca pāpako, lobhassa ca pahānāya dosassa ca pahānāya atthi majjhimā paṭipadā,

---

1. Saṃ 2. 387 piṭṭhe.

2. Ma 3. 69 piṭṭhe.

3. Ma 1. 25 piṭṭhe.

cakkhukaraṇī ñāṇakaraṇī upasamāya abhiññāya sambodhāya nibbānāya saṁvattatī”<sup>1</sup> evaṁ dhammasenāpatinā ca attano ajjhāsayeneva pavattitadesanāvasena **attajjhāsayanūsandhi** veditabbo. Yena pana dhammena ādimhi desanā uṭṭhitā, tassa anurūpadhammavasena vā paṭipakkhadhammavasena vā yesu suttesu upari desanā āgacchati, tesam vasena **yathānūsandhi** veditabbo. Seyyathidaṁ **ākaṅkheyyasutte**<sup>2</sup> heṭṭhā sīlena desanā uṭṭhitā, upari abhiññā āgatā. **Vatthasutte**<sup>3</sup> heṭṭhā kilesena desanā uṭṭhitā, upari brahmavihārā āgatā. **Kosambakasutte**<sup>4</sup> heṭṭhā bhaṇḍanena desanā uṭṭhitā, upari sāraṇīyadhammā āgatā. **Kakacūpame**<sup>5</sup> heṭṭhā akkhantiyā vasena desanā uṭṭhitā, upari kakacūpamā āgatāti.

**Vitthārato panetthā**ti evaṁ saṅkhepato tividho catubbidho ca anusandhi ettha etasmiṁ majjhimanikāye tasmim tasmim sutte yathārahaṁ vitthārato vibhajitvā viññāyamānā navasatādhikāni tīṇi anusandhisahassāni hontī. Yathā cetam paṇṇāsādivibhāgavacanaṁ majjhimasāṅgītiyā sarūpadassanattaṁ hoti, evaṁ pakkhepadosapariharaṇattaṁca hoti. Evaṁ hi paṇṇāsādīsu vavatthitesu tabbinimuttaṁ kiñci suttaṁ yāva ekaṁ padampi ānetvā imam majjhimasāṅgītiyāti kassaci vattum okāso na siyāti.

Evaṁ paṇṇāsavaggasuttabhāṇavārānūsandhibyañjanato majjhimasāṅgītiṁ vavattapetvā idāni naṁ ādito paṭṭhāya saṁvaṇṇetukāmo attano saṁvaṇṇanāya tassā paṭhamamahāsāṅgītiyaṁ nikkhittānukkameneva pavattabhāvaṁ dassetuṁ “**tattha paṇṇāsāsu mūlapaṇṇāsā ādī**”ti-ādimāha. Tattha yathāpaccayaṁ tattha tattha desitattā paññattattā ca vipṭakīṇṇānaṁ dhammavinayānaṁ saṅghetvā gāyanaṁ kathanam saṅgīti, mahāvisayattā pūjanīyattā ca mahatī saṅgīti mahāsāṅgīti, paṭhamā mahāsāṅgīti paṭhamamahāsāṅgīti, tassā pavattitakālo paṭhamamahāsāṅgītikālo, tasmim **paṭhamamahāsāṅgītikāle**. Nidadāti desanaṁ desakālādivasena aviditaṁ viditaṁ katvā nidassetīti **nidānaṁ**, yo lokiyehi

---

1. Ma 1. 19 piṭṭhe.

2. Ma 1. 39 piṭṭhe.

3. Ma 1. 43 piṭṭhe.

4. Ma 1. 395 piṭṭhe.

5. Ma 1. 173 piṭṭhe.

“upogghāto”ti vuccati, svāyamettha “evaṃ me sutan”ti-ādiko gantho veditabbo, na pana “sanidānāhaṃ bhikkhave dhammaṃ desemi”ti-ādīsu<sup>1</sup> viya ajjhāsayādidesanuppattihetu. Tenevāha “**evaṃ me sutanti-ādikaṃ āyasmata ānandena paṭhamamahāsaṅgītikāle vuttaṃ nidānamādi**”ti. Kāmañcetha yassaṃ paṭhamamahāsaṅgītiyaṃ nikkhattānukkamena saṃvaṇṇanaṃ kattukāmo, sā vitthārato vattabbā. **Sumaṅgalavilāsiniyaṃ**<sup>2</sup> pana attanā vitthāritattā tattheva gahetabbāti imissā saṃvaṇṇanāya mahantataṃ pariharanto “**sā panesā**”ti-ādimāha.

Nidānakathāvaṇṇanā niṭṭhitā.

---

1. Am 1. 280 piṭṭhe.

2. Dī-Ṭī 1. 19, 20 piṭṭhesu.



# 1. Mūlapariyāyavagga

## 1. Mūlapariyāyasuttavaṇṇanā

### Abbhantaranidānavāṇṇanā

Evam bāhiraṇidāne vattabbaṃ atidisitvā idāni abbhantaranidānaṃ ādito paṭṭhāya saṃvaṇṇetum **“yaṃ panetan”**ti-ādi vuttaṃ. Tattha yasmā saṃvaṇṇanaṃ karontena saṃvaṇṇetabbe dhamme padavibhāgaṃ padatthañca<sup>1</sup> dassetvā tato paraṃ piṇḍatthādidassanavasena saṃvaṇṇanā kātabbā, tasmā padāni tāva dassento **“evanti nipātapadan”**ti-ādimāha. Tattha **padavibhāgoti** padānaṃ viseso, na padaviggaho. Atha vā padāni ca padavibhāgo ca padavibhāgo, padaviggaho ca padavibhāgo ca **padavibhāgoti** vā ekasesavasena padapadaviggahā padavibhāgasaddena vuttāti veditabbaṃ. Tattha padaviggaho “subhagañca taṃ vanañcāti subhagavanaṃ, sālānaṃ rājā, sālo ca so rājā ca itipi sālārājā”ti-ādivasena samāsapadesu daṭṭhabbo.

**Atthatoti** padatthato. Taṃ pana padatthaṃ atthuddhārakkamena paṭhamam evaṃ saddassa dassento **“evaṃ-saddo tāvā”**ti-ādimāha. **Avadhāraṇādīti** ettha **ādi**-saddena idamatthapucchāparimāṇādī-atthānaṃ saṅgaho daṭṭhabbo. Tathā hi “evaṃgatāni puthusippāyatanāni<sup>2</sup>, evaṃvidho evamākāro”ti ca ādisu idaṃ-saddassa atthe evaṃ-saddo. Gata-saddo hi pakārapariyāyo, tathā vidhākāra-saddā ca. Tathā hi vidhayuttagata-sadde lokiya pakāratthe vadanti. “Evaṃ su te sunhātā suvilittā kappitakesamassū āmukkamaṇikuṇḍalābharaṇā odātavatthavasanaṃ pañcahi kāmaguṇehi samappitā samaṅgībhūtā paricārenti, seyyathāpi tvaṃ etarahi sācariyakoti. No hidam bho gotamā”ti-ādisu<sup>3</sup> pucchāyaṃ. “Evaṃ lahuparivattam<sup>4</sup> evamāyupariyanto”ti<sup>5</sup> ca ādisu parimāṇe.

Nanu ca “evaṃ su te sunhātā suvilittā, evamāyupariyanto”ti ettha evaṃ-saddena pucchānākāraparimāṇākāraṇaṃ vuttattā ākārattho

---

1. Tadatthañca (Am-Ṭī 1. 23 piṭṭhe)      2. Dī 1. 48, 49 piṭṭhesu.      3. Dī 1. 98 piṭṭhe.  
4. Am 1. 9 piṭṭhe.      5. Vi 1. 5 piṭṭhe.

eva evaṃ-saddoti? Na, visesasabbhāvato. Ākāramattavācako hi evaṃ-saddo ākāratthoti adhippeto yathā “evaṃbyākho”<sup>1</sup>ti-ādīsu<sup>1</sup>, na pana ākāravisesavācako. Evañca katvā “evaṃ jātena maccenā”<sup>2</sup>ti-ādīni<sup>2</sup> upamādi-udāharaṇāni upapannāni honti. Tathā hi “yathāpi -pa- bahun”<sup>2</sup>ti<sup>2</sup> ettha puppharāsiṭṭhāniyato manussūpapatti sappurisūpanissaya saddhammassavana yonisomanasikāra bhogasampatti-ādi dānādipuññakiriyahetusamudāyato sobhāsugandhatādiguṇayogato mālāguṇasadisiyo pahūtā puññakiriyā maritabbasabhāvātāya maccena sattena kattabbāti jotitattā puppharāsimālāguṇāva upamā, tesam upamākāro yathā-saddena aniyamato vuttoti “evaṃ-saddo upamākāranigamanattho”<sup>2</sup>ti vuttam yuttam, so pana upamākāro niyamiyamāno atthato upamāva hotīti āha “**upamāyaṃ āgato**”<sup>2</sup>ti. Tathā “evaṃ iminā ākārena abhikkamitabban”<sup>2</sup>ti-ādīnā upadisiyamānāya samaṇasārubbāya ākappasampattiyā yo tattha upadisanākāro, so atthato upadeso evāti vuttam “**evaṃ te -pa- upadese**”<sup>2</sup>ti. Tathā “**evametaṃ bhagavā, evametaṃ sugatā**”<sup>2</sup>ti ettha ca bhagavatā yathāvuttamattham aviparītato jānantehi kataṃ tattha samvijjamānaguṇānam pakārehi haṃsanam udaggaṭākaraṇam sampahaṃsanam, yo tattha sampahaṃsanākāroti yojetabban.

**Evamevaṃ panāyanti** ettha garaṇānākāroti yojetabban, so ca garaṇānākāro “vasalī”<sup>2</sup>ti-ādikhumsanasaddasannidhānato idha evaṃsaddena pakāsitoti viññāyati. Yathā cettha, evaṃ upamākārādayopi upamādivasena vuttānam puppharāsi-ādisaddānam sannidhānato daṭṭhabban. **Evaṃ bhanteti** pana dhammassa sādhuṇam savanamanasikāre sanniyojitehi bhikkhūhi attano tattha ṭhitabhāvassa paṭijānavasena vuttattā ettha evaṃ-saddo vacanasampañcchanattho vutto, tena **evaṃ bhante** sādhu bhante, suṭṭhu bhanteti vuttam hoti. **Evañca vadehīti** “yathāham vadāmi, evaṃ samaṇam ānandam vadehī”<sup>2</sup>ti yo evaṃ vadanākāro idāni vattabbo, so evaṃsaddena nidassiyatīti “**nidassane**”<sup>2</sup>ti vuttoti. **Evaṃ noti** etthāpi tesam yathāvuttadhammānam ahitadukkhāvahabhāve sannīṭṭhānanattham

1. Ma 1. 182, 323 piṭṭhesu.

2. Khu 1. 21 piṭṭhe Dhammapade.

anumatigahaṇavasena “saṁvattanti vā no vā, kathaṁ vo ettha hotī”ti pucchāya katāya “evaṁ no ettha hotī”ti vuttattā tadākārasanniṭṭhānaṁ evaṁ-saddena pibhāvitanti viññāyati. So pana tesāṁ dhammānaṁ ahitāya dukkhāya saṁvattanākāro niyamiyamāno avadhāraṇattho hotīti āha “**evaṁ no ettha hotīti-ādīsu avadhāraṇe**”ti.

**Nānāyanipuṇanti** ekattanānatta-abyāpāra-evaṁdhammatāsaṅkhātā, nandiyāvattatipukkhalasīhaviikkīṭita-aṅkusadisālocanasāṅkhātā vā ādhārādibhedavasena nānāvidhā nayā nānāyā, nayā vā pāḷigatiyo, tā ca paññatti-anupaññatti-ādivasena saṅkilesabhāgiyādilokiyāditadubhayavomissakādivasena kusalādivasena khandhādivasena saṅghādivasena समयavimuttādivasena ṭhapanādivasena<sup>1</sup> kusalamūlādivasena tikappaṭṭhānādivasena ca nānappaṅkārāti nānāyā, tehi nipuṇaṁ saṅhaṁ sukhumanti **nānāyanipuṇaṁ**. Āsayova ajjhāsayo, te ca sassatādibhedena, tattha ca apparajakkhatādibhedena aneke, attajjhāsayaḍayo eva vā samuṭṭhānaṁ uppattihetu etassāti **anekajjhāsayasamuṭṭhānaṁ**. **Atthabyañjanasampannanti** atthabyañjanaparipuṇaṁ upanetabbābhāvato, saṅkāsanapakāsanavivaraṇavibhajana-uttānikaraṇapaññattivasena chahi atthapadehi, akkharapadabyañjanākāraniruttiniddesavasena chahi byañjanapadehi ca samannāgatanti vā attho daṭṭhabbo.

**Vividhapāṭihāriyanti** ettha pāṭihāriyapadassa vacanattham<sup>2</sup> “paṭipakkhaharaṇato, rāgādikilesāpanayanato ca pāṭihāriyan”ti vadanti, bhagavato pana paṭipakkhā rāgādayo na santi, ye haritabbā. Puthujjanānampi vigatūpakkilese aṭṭhaguṇasamannāgate citte hatapaṭipakkhe iddhividhaṁ pavattati, tasmā tattha pavattavohārena ca na sakkā idha “pāṭihāriyan”ti vattum. Sace pana mahākāruṇikassa bhagavato veneyyagatā ca kilesā paṭipakkhā, tesāṁ haraṇato “pāṭihāriyan”ti vuttaṁ, evaṁ sati yuttametaṁ. Atha vā bhagavato ca sāsanaṁ ca paṭipakkhā titthiyā, tesāṁ haraṇato **pāṭihāriyaṁ**. Te hi diṭṭhiharaṇavasena diṭṭhipakāsane asamatthabhāvena ca iddhi-ādesanānusāsanihi haritā apanitā

1. Padhānādivasena (Aṁ-Ṭī 1. 25 piṭṭhe)

2. Udāna-Ṭīha 9; Itivuttaka-Ṭīha 19; Saṁ-Ṭī 1. 23; Mūlaṭī 1. 7 piṭṭhesu.

hontīti. “Paṭī”ti vā ayaṃ saddo “pacchā”ti etassa atthaṃ bodheti “tasmim paṭipaviṭṭhamhi, añño āgañchi brāhmaṇo”ti-ādīsu<sup>1</sup> viya, tasmā samāhite citte vigatūpakkilese ca katakiccena pacchā haritabbaṃ pavattetabbanti paṭihāriyaṃ, attano vā upakkilesesu catutthajjhānamaggehi haritesu pacchā haraṇaṃ paṭihāriyaṃ, iddhi-ādesanānusāsaniyo ca vigatūpakkilesena katakiccena ca sattahitattaṃ puna pavattetabbā, haritesu ca attano upakkilesesu parasattānaṃ upakkilesaharaṇāni hontīti paṭihāriyāni bhavanti, paṭihāriyameva **pāṭihāriyaṃ**, paṭihāriye vā iddhi-ādesanānusāsanisamudāye bhavaṃ ekamekaṃ **pāṭihāriyanti** vuccati. Paṭihāriyaṃ vā catutthajjhānaṃ maggo ca paṭipakkhaharaṇato, tattha jātaṃ, tasmim vā nimittabhūte, tato vā āgatanti **pāṭihāriyaṃ**. Tassa pana iddhi-ādibhedena visayabhedena ca bahuviddhassa bhagavato desanāyaṃ labbhamānattā āha “**vividhapāṭihāriyaṃ**”ti.

Na **aññathā**ti bhagavato sammukhā sutākārato na aññathāti attho, na pana bhagavato desitākārato. Acinteyyānubhāvā hi bhagavato desanā. Evañca katvā “sabbappakārena ko samattho viññātun”ti idaṃ vacanaṃ samatthitaṃ bhavati, dhāraṇabaladassanañca na virujjhati sutākārāviraṅghanaṃ adhippetattā. Na hettha atthantarātāparihāro dvinnampi atthānaṃ ekavisayattā, itarathā therō bhagavato desanāya sabbathā paṭiggahaṇe samattho asamattho cāti āpajjeyyāti.

“Yo paro na hoti, so attā”ti evaṃ vuttāya niyakajjhattasaṅkhātāya sasantatiyā vattanato tividhopi me-saddo kiñcāpi ekasmim yeva atthe dissati, karaṇasampadānasāminiddesavasena pana vijjamānaṃ bhedaṃ sandhāyāha “**me-saddo tīsu atthesu dissati**”ti.

Kiñcāpi upasaggo kiriyaṃ viseseti, jotakabhāvato pana satipi tasmim sutasaddo eva taṃ tamatthaṃ vadatīti anupasaggassa sutasaddassa atthuddhāre sa-upasaggassa gahaṇaṃ na virujjhatīti dassento “**sa-upasaggo ca anupasaggo cā**”ti-ādīmāha. **Assāti** sutasaddassa. Kammabhāvasādhanāni idha sutasaddhe sambhavatīti vuttaṃ “**upadhāritanti vā upadhāraṇanti**

---

1. Khu 1. 429; Khu 8. 1 piṭṭhesu.

**vā attho**”ti. **Mayāti atthe satī**ti yadā me-saddassa kattuvaseṇa karaṇaniddeso, tadāti attho. **Mamāti atthe satī**ti yadā sambandhavasena sāminiddeso, tadā.

Suta-saddasannidhāne payuttana evaṃ-saddena savanakiriyājotakena bhavitabbanti vuttam **“evanti sotaviññāṇādiviññāṇakiccanidassanan”**ti. **Ādi-**saddena sampañicchanādīnam pañcadvārikaviññāṇānam<sup>1</sup> tadabhinīhaṭṭānañca manodvārikaviññāṇānam gahaṇam veditabban. Sabbesampi vākyānam eva-kāratthasahitattā **“sutan”**ti etassa sutamevāti ayamattho labbhatīti āha **“assavanabhāvapaṭikkhepato”**ti. Etena avadhāraṇena nirāsaṅkataṃ<sup>2</sup> dasseti. Yathā ca sutam sutamevāti niyametabban, taṃ sammā sutam hotīti āha **“anūnānadhikāviparītaggahaṇanidassanan”**ti. Atha vā saddantarathāpohanavasena saddo attham vadatīti **sutanti** asutam na hotīti ayametassa atthoti vuttam **“assavanabhāvapaṭikkhepato”**ti. Iminā dīṭṭhādivinivattanam karoti. Idam vuttam hoti “na idam mayā dīṭṭham, na sayambhuñāṇena sacchikatam, atha kho sutam, tañca kho sammadevā”ti. Tenevāha **“anūnānadhikāviparītaggahaṇanidassanan”**ti. Avadhāraṇatthe vā **evam**-sadde ayamatthayojanā karīyatīti tadapekkhassa suta-saddassa ayamattho vutto **“assavanabhāvapaṭikkhepato”**ti. Tenevāha **“anūnānadhikāviparītaggahaṇanidassanan”**ti. Savanasaddo cettha kammatttho veditabbo “suyyati”ti.

Evaṃ savanahetusuṇantapuggalasavanavisesavasena padattayassa ekena pakārena atthayojanam dassetvā idāni pakārantarehipi taṃ dassetuṃ **“tathā evan”**ti-ādi vuttam. Tattha **tassāti** yā sā bhagavato sammukhā dhammassavanākārena pavattā manodvāravīññāṇavīthi, tassā. Sā hi nānappakārena ārammaṇe pavattitum samatthā. Tathā ca vuttam **“sotadvārānusārenā”**ti. **Nānappakārenāti** vakkhamānānam anekavihitānam byañjanatthaggaṇāṇānam nānākārena. Etena imissā yojanāya ākārattho evaṃ-saddo gahitoti dīpeti. **Pavattibhāvappakāsananti** pavattiyā atthibhāvappakāsanam. **Sutanti dhammappakāsananti** yasmim

1. Sotadvārikaviññāṇānam (Sī-Ṭī Abhinava 1. 150; Am-Ṭī 1. 27 piṭṭhesu.)

2. Nirākataṃ (Dī-Ṭī 1. 38 piṭṭhe), niyāmataṃ (Am-Ṭī 1. 27 piṭṭhe)

ārammaṇe vuttappakārā viññāṇavīthi nānappakārena pavattā, tassa dhammattā vuttaṃ, na sutasaddassa dhammatthattā. Vuttassevatthassa pākaṭṭikaraṇaṃ “**ayañhetthā**”ti-ādi. Tattha **viññāṇavīthiyāti** karaṇatthe karaṇavacanaṃ. **Mayāti** kattu-atthe.

**Evanti niddisitabbappakāsananti** nidassanattamaṃ evaṃ-saddaṃ gahetvā vuttaṃ nidassetabbassa niddisitabbattābhāvābhāvato. Tena evaṃ-saddena sakalampi suttamaṃ paccāmaṭṭhanti dasseti. Suta-saddassa kiriyāsaddattā savanakiriyāya ca sādharmaṇaviññāṇapabandhapaṭibaddhattā tattha ca puggalavohāroti vuttaṃ “**sutanti puggalakiccappakāsanam**”ti. Na hi puggalavohārahite dhammapabandhe savanakiriyā labbhatīti.

**Yassa cittasantānassāti-ādipi** ākāratthameva evaṃ-saddaṃ gahetvā purimayojanāya aññathā atthayojanam dassetuṃ vuttaṃ. Tattha **ākārapaññattīti** upādāpaññattīti eva dhammānaṃ pavatti-ākārūpādānavasena tathā vuttā. **Sutanti visayaniddeso**ti sotabbabhūto dhammo savanakiriyākattupuggalassa savanakiriyāvasena pavattiṭṭhānanti katvā vuttaṃ. Cittasantānavinimuttassa paramatthato kassaci kattu abhāvepi saddavohārena buddhiparikappitabhedavacanicchāya cittasantānato aññaṃ viya taṃsamaṅgiṃ katvā vuttaṃ “**cittasantānena taṃsamaṅgino**”ti. Savanakiriyāvisayopi sotabbadhammo savanakiriyāvasena pavattacittasantānassa idha paramatthato kattubhāvato, savanavasena cittappavattiyā eva vā savanakiriyābhāvato taṃkiriyākattu ca visayo hotīti vuttaṃ “**taṃsamaṅgino kattuvisaye**”ti. Sutākārassa ca therassa sammānicchitabhāvato āha “**gahaṇasanniṭṭhānan**”ti. Etena vā avadhāraṇattham evaṃ-saddaṃ gahetvā ayamatthayojanā katāti daṭṭhabbam.

Pubbe sutānaṃ nānāvihitānaṃ suttasaṅkhātānaṃ atthabyañjanaṃ upadhāritarūpassa ākāraṇassa nidassanassa, avadhāraṇassa vā pakāsanasabhāvo evaṃ-saddoti tadākārādi-upadhāraṇassa puggalapaññattiyā upādānabhūtadhammapabandhabyāpārātāya vuttaṃ “**evanti puggalakiccanniddeso**”ti. Savanakiriyā pana puggalavādinopi viññāṇanirapekkhā natthīti visesato viññāṇabyāpāroti āha “**sutanti viññāṇakiccanniddeso**”ti. “Me”ti saddappavattiyā ekanteneva sattavisayattā viññāṇakiccassa ca tattheva

samodahitabbato “**meti ubhayakiccayuttapuggalaniddeso**”ti vuttaṃ. Avijjamānapaññattivijjamānapaññattisabhāvā yathākkamaṃ evaṃ-sadda suta-saddānaṃ atthāti te tathārūpapaññatti-upādānabhūta dhammapabandhabhyāpārabhāvena dassento āha “**evanti puggalakiccaniddeso, sutanti viññānakiccaniddeso**”ti. Ettha ca karaṇakiriyākattukammavisesappakāsanavasena puggalabyāpāravisayapuggalabyāpāranidassanavasena gahaṇākāragāhakatabbisayavisesaniddesavasena kattukaraṇabyāpārakattuniddesavasena ca dutiyādayo catasso atthayojanā dassitāti daṭṭhabbaṃ.

Sabbassapi saddādhiḡamanīyassa atthassa paññattimukheneva paṭipajjitabbatā sabbapaññattīnaṃca vijjamānādivasena chasu paññattibhedeṣu antogatto tesu “evan”ti-ādīnaṃ paññattīnaṃ sarūpaṃ niddhārento āha “**evanti ca meti cā**”ti-ādi. Tattha “evan”ti ca “me”ti ca vuccamānassatthassa ākāradīno dhammānaṃ asallakkhaṇabhāvato avijjamānapaññattibhāvoti āha “**saccikaṭṭhaparamatthavasena avijjamānapaññatti**”ti. Tattha **saccikaṭṭhaparamatthavasena**ti bhūtatthattamatthavasena. Idaṃ vuttaṃ hoti—yo māyāmarīci-ādayo viya abhūtattho, anussavādīhi gahetabbo viya anuttamattho ca na hoti, so rūpasaddādisabhāvo, ruppanānubhavanādisabhāvo vā attho saccikaṭṭho paramattho cāti vuccati, na tathā “evan me”ti padānaṃ atthoti. Etamevatthaṃ pākāṭataraṃ kātuṃ “**kiñhettha taṃ**”ti-ādi vuttaṃ. **Sutanti** pana saddāyatanaṃ sandhāyāha “**vijjamānapaññatti**”ti. Teneva hi “**yaṃ hi taṃ ettha sotena upaladdhan**”ti vuttaṃ, “sotadvārānusāreṇa upaladdhan”ti pana vutte atthabyañjanādisabbaṃ labbhati.

**Taṃ taṃ upādāya vattabbato**ti sotapathamāgate dhamme upādāya tesam upadhāritākāradīno paccāmasanavasena “evan”ti, sasantatipariyāpanne khandhe upādāya “me”ti vattabbattāti attho. Diṭṭhādisabhāvarahite saddāyatane pavattamānopi sutavohāro dutiyaṃ tatiyaṃ”ti-ādiko viya paṭhamādīni diṭṭhamutaviññāte apekkhitvāva pavattoti āha “**diṭṭhādīni upanidhāya vattabbato**”ti. Asutaṃ **na** hotīti hi sutanti pakāsitoyamatthoti. Attanā paṭividdhā suttassa pakāravisesā “evan”ti therena paccāmaṭṭhāti āha “**asammohaṃ dīpeti**”ti. **Nānappakārapaṭivedhasamattho hotīti**

etena vakkhamānassa suttassa nānappakāratam duppaṭivijjhatañca dasseti. **Sutassa asammosaṃ dīpetī** sutākārassa yathāvato dassiyamānattā vuttam.

**Asammohenā**ti sammohābhāvena, paññāya eva vā savanakālasambhūtāya taduttarakālapaññāsiddhi. Evam **asammosenā**ti etthāpi vattabban.

Byañjanānam paṭivijjhitabbo ākāro nātigambhīro, yathāsutadhāraṇameva tattha karaṇīyanti satiyā byāpāro adhiko, paññā tattha guṇībhūtāti vuttam “**paññāpubbaṅgamāya**”ti-ādi “paññāya pubbaṅgamā”ti katvā. Pubbaṅgamatā cettha padhānatā “manopubbaṅgamā”ti-ādīsu<sup>1</sup> viya. Pubbaṅgamatāya vā cakkhuviññānādīsu āvajjanādīnam viya appadhānatte paññā pubbaṅgamā etissāti ayampī attho yujjati. Evam **satipubbaṅgamāyā**ti etthāpi vuttanayānusārena<sup>2</sup> yathāsambhavamatto veditabbo.

**Atthabyañjanasampannassā**ti atthabyañjanaparipuṇṇassa, saṅkāsanapakāsanavivaraṇavibhajana-uttānikaraṇapaññattivasena chahi atthapadehi, akkharapadabyañjanākāraniruttiniddesavasena chahi byañjanapadehi ca samannāgatassāti vā attho daṭṭhabbo.

**Yonisomanasikāram dīpeti** evam-saddena vuccamānānam ākāranidassanāvadhāraṇatthānam aviparītasaddhammavisayattāti adhippāyo. **Avikkhepaṃ dīpetī** “mūlapariyāyam kattha bhāsitan”ti-ādipucchāvasena pakaraṇappattassa vakkhamānassa suttassa savanam samādhānamantarena sambhavatīti katvā vuttam. **Vikkhittacittassā**ti-ādi tassevatthassa samatthanasena vuttam. **Sabbasampattiyā**ti atthabyañjanadesakapayojanādisampattiyā. Aviparītasaddhammavisayehi viya ākāranidassanāvadhāraṇatthehi yonisomanasikārassa, saddhammassavanena viya ca avikkhepassa yathā yonisomanasikārena phalabhūtena attasammāpaṇidhipubbekatapūññatānam siddhi vuttā tadavinābhāvato, evam avikkhepena phalabhūtena kāraṇabhūtānam saddhammassavanasappurisūpanissayānam siddhi dassetabbā siyā assutavato sappurisūpanissayarahitassa ca tadabhāvato. **Na hi vikkhittacittoti**-ādinā samatthanasavacanena pana avikkhepena kāraṇabhūtena sappurisūpanissayena ca phalabhūtassa saddhammassavanassa siddhi dassitā. Ayam panettha adhippāyo yutto siyā—saddhammassavanasappurisūpanissayā

1. Khu 1. 13 piṭṭhe Dhammapade.

2. Vuttapariyāyena (Ka)



na ekantena avikkhepassa kāraṇaṃ bāhiraṅgattā, avikkhepo pana sappurisūpanissayo viya saddhammassavanassa ekantakāraṇanti. Evampi avikkhepena sappurisūpanissayasiddhijotanā na samatthitāva, no na samatthitā vikkhittacittānaṃ sappurisapayirupāsanābhāvassa atthasiddhattā. Ettha ca purimaṃ phalena kāraṇassa siddhidassanaṃ nadīpūrena viya upari vuṭṭhisabbhāvassa, dutiyaṃ kāraṇena phalassa siddhidassanaṃ daṭṭhabbaṃ ekantavassinā viya meghavuṭṭhānena vuṭṭhippavattiyā.

Bhagavato vacanassa atthabyañjanapabhedaparicchedavasena sakalasāsanasampatti-ogāhanākāro niravasesaparahitapāripūrikāraṇanti vuttam **“evaṃ bhaddako ākāro”**ti. Yasmā na hotīti sambandho.

#### **Pacchimakakkadvayasampattinti**

attasammāpaṇidhipubbekatapuññatāsaṅkhātāṃ guṇadvayaṃ.

Aparāparavuttiyā cettha cakkabhāvo, caranti etehi sattā sampattibhavesūti vā. Ye sandhāya vuttam **“cattārimāni bhikkhave cakkāni, yehi samannāgatānaṃ devamanussānaṃ catucakkaṃ vattati”**ti-ādi<sup>1</sup>.

Purimapacchimabhāvo cettha desanākkamavasena daṭṭhabbo.

#### **Pacchimakakkadvayasiddhiyāti** pacchimakakkadvayassa atthitāya.

Sammāpaṇihitatto pubbe ca katapuñño suddhāsayo hoti tadasuddhihetūnaṃ kilesānaṃ dūrībhāvatoti āha **“āsayasuddhi siddhā hoti”**ti. Tathā hi vuttam **“sammāpaṇihitaṃ cittaṃ, seyyaso naṃ tato kare”**ti<sup>2</sup>, **“katapuññosi tvam ānanda, padhānamanuyuñja, khippaṃ hohisi anāsavo”**ti<sup>3</sup> ca. Tenevāha

#### **“āsayasuddhiyā adhigamabyattisiddhī”**ti. **Payogasuddhiyāti**

yonisomanasikārapubbaṅgamaṃ dhammassavanapayogassa visadabhāvena. Tathā cāha **“āgamabyattisiddhī”**ti. Sabbassa vā kāyavacīpayogassa niddosabhāvena. Parisuddhakāyavacīpayogo hi vipphaṇṇasārābhāvato avikkhittacitto pariyattiyāṃ visārado hotīti.

**Nānappakārapaṭivedhadīpakenāti**-ādinā atthabyañjanesu therassa evaṃ-sadda suta-saddānaṃ asammoḥāsamosadīpanato catupaṭṭisambhidāvasena atthayojanaṃ dasseti. Tattha **sotabbabhedapaṭivedhadīpakenāti** etena ayam suta-saddo evaṃ-saddasannidhānato, vakkhamānāpekkhāya vā

1. Am 1. 341 piṭṭhe.

2. Khu 1. 19 piṭṭhe Dhammapade.

3. Dī 2. 119 piṭṭhe.

sāmaññeneva sotabbadhammavisesaṃ āmasatīti dasseti. Manodiṭṭhikaraṇā<sup>1</sup> pariyattidhammānaṃ anupekkhanasuppaṭivedhā visesato manasikārapaṭibaddhāti te vuttanayena yonisomanasikāradīpakena evaṃsaddena yojetvā, savanadhāraṇavacīparicayā pariyattidhammānaṃ visesena sotāvadhānapaṭibaddhāti te avikkhepadīpakena suta-saddena yojetvā dassento sāsanasampattiyā dhammassavane ussāhaṃ janeti. Tattha **dhammāti** pariyattidhammā. **Manasānupekkhitāti** “idha sīlaṃ kathitaṃ, idha samādhī, idha paññā, ettakā ettha anusandhiyo”ti-ādinā nayena manasā anu anu pekkhitā. **Diṭṭhiyā suppaṭividdhāti** nijjhānakkhantibhūtāya, ñātapariññāsaṅkhātāya vā diṭṭhiyā tattha tattha vuttarūpārūpadhamme “iti rūpaṃ, ettakam rūpan”ti-ādinā suṭṭhu vavatthapetvā paṭividdhā.

**Sakalena vacanenāti** pubbe tīhi padehi visuṃ visuṃ yojitattā vuttaṃ. **Attano adahantoti** “mamedan”ti attani aṭṭhapento. **Asappurisabhūminti** akataññutaṃ “idhekacco pāpabhikkhu tathāgatappaveditaṃ dhammavinayaṃ pariyāpuṇitvā attano dahatī”ti<sup>2</sup> evaṃ vuttaṃ anariyavohārāvattaṃ, sā eva anariyavohārāvattā asaddhammo. Nanu ca ānandattherassa “mamedan vacanan”ti adhimānassa, mahākassapattherādīnañca tadāsaṅkāya abhāvato asappurisabhūmisamatikkamādivacanaṃ niratthakanti? Nayidamevaṃ “evaṃ me sutan”ti vadantena ayampi attho vibhāvitoti dassanato. Keci pana “devatānaṃ parivitakkāpekkhaṃ tathāvacaṇanti edisī codanā anavakāsāvā”ti vadanti. Tasmim kira khaṇe ekaccānaṃ devatānaṃ evaṃ cetaso parivitakko udapādi “bhagavā ca parinibbuto ayañca āyasmā desanākusalo, idāni dhammaṃ deseti sakyakulappasuto tathāgatassa bhātā cūḷapituputto, kim nu kho sayam sacchikataṃ dhammaṃ deseti, udāhu bhagavatoyeva vacanaṃ yathāsutaṃ”ti. Evaṃ tadāsaṅkitappakārato asappurisabhūmisamokkamādito atikkamādi vibhāvitanti. **Appetīti** nidasseti. Diṭṭhadhammikasamparāyikaparamatthesu yathārahaṃ satte netīti netti, dhammoyeva netti **dhammanetti**.

Dalhataraniviṭṭhā vicikicchā **kaṅkhā**. Nātisamsappanā matibhedamattā **vimati**. **Assaddhiyaṃ vināseti** bhagavatā desitattā, sammukhāvassa paṭiggahitattā,

1. Manodiṭṭhikaraṇānaṃ (Am-Ṭī 1. 32 piṭṭhe)

2. Vi 1. 115 piṭṭhe.

khalitaduruttādigahaṇadosābhāvato ca. Ettha ca paṭhamādayo tisso atthayojanā ākārādi-atthesu aggahitavisesameva evaṃ-saddaṃ gahetvā dassitā, tato parā catasso<sup>1</sup> ākārattameva evaṃ-saddaṃ gahetvā vibhāvitā, pacchimā pana tisso yathākkamaṃ ākārattamaṃ nidassanattamaṃ avadhāraṇattamaṃ evaṃ-saddaṃ gahetvā yojitāti daṭṭhabbaṃ.

Eka-saddo aññaseṭṭhāsahāyasaṅkhyādīsu dissati. Tathā hesa “sassato attā ca loko ca, idameva saccaṃ moghamaññanti ittheke abhivadanti”ti-ādīsu<sup>2</sup> aññatthe dissati, “cetaso ekodibhāvan”ti-ādīsu<sup>3</sup> seṭṭhatthe, “eko vūpakaṭṭho”ti-ādīsu<sup>4</sup> asahāye, “ekova kho bhikkhave khaṇo ca samayo ca brahmacariyavāsāyā”ti-ādīsu<sup>5</sup> saṅkhyāyaṃ. Idhāpi saṅkhyāyanti dassento āha “**ekanti gaṇanaparicchedaniddeso**”ti. **Kālañca samayañcāti** yuttakālañca paccayasāmaggiñca. **Khaṇoti** okāso. Tathāgatuppādādiko hi maggabrahmacariyassa okāso tappaccayapaṭilābhahetuttā. Khaṇo eva ca samayo. Yo “khaṇo”ti ca “samayo”ti ca vuccati, so ekovāti hi attho. **Mahāsamayoti** mahāsamūho. **Samayopi khoti** sikkhāpadapūraṇassa hetupi. **Samayappavādaketi** diṭṭhippavādake. Tattha hi nisinnā titthiyā attano attano samayaṃ pavadantīti. **Atthābhisamayāti** hitapaṭilābhā. Abhisametabboti abhisamayo, abhisamayo attho **abhisamayattḥoti** pīlanādīni abhisametabbabhāvena ekībhāvaṃ upanetvā vuttāni. Abhisamayassa vā paṭivedhassa visayabhūto<sup>6</sup> attho **abhisamayattḥoti** tāneva tathā ekattena vuttāni. Tattha **pīlanam** dukkhasaccassa taṃsamaṅgino hiraṃsaṃ avipphārikatākaraṇaṃ. **Santāpo** dukkhadukkhatādivasena santāpanaṃ paridhanaṃ.

Tattha sahakārīkaraṇaṃ sannijjhaṃ<sup>7</sup> sameti samavetīti **samayo**, samavāyo. Sameti samāgacchati maggabrahmacariyaṃ ettha tadādhārapuggalehīti **samayo**, khaṇo. Sameti ettha, etena vā saṃgacchati satto, sabhāvadhammo vā saha-jātādīhi, uppādādīhi vāti **samayo**, kālo. Dhammappavattimattatāya atthato abhūtopi hi kālo dhammappavattiyā adhikaraṇaṃ

---

1. Tisso (Ka)

2. Ma 3. 22 piṭṭhe.

3. Dī 1. 70; Vi 1. 5 piṭṭhesu.

4. Dī 1. 166 piṭṭhe.

5. Am 3. 61 piṭṭhe.

6. Bhūtabhāvo (Ka)

7. Sannijjha (Dī-Ṭī 1. 45 piṭṭhe.)

karaṇaṃ viya ca kappanāmettasiddhena rūpena voharīyatīti. Samaṃ, saha vā avayavānaṃ ayanam pavatti avatṭhānanti **samayo**, samūho yathā “samudāyo”ti. Avayavasahāvaṭṭhānameva hi samūhoti. Avasesapaccāyānaṃ samāgame eti phalaṃ etasmā uppajjati pavattati cāti **samayo**, hetu yathā “samudayo”ti. Sameti saṃyojanabhāvato sambandho eti attano visaye pavattati, daḥhaggahaṇabhāvato vā saṃyuttā ayanti pavattanti sattā yathābhinivesaṃ etenāti **samayo**, diṭṭhi. Diṭṭhisaññojanena hi sattā ativiya bajjhantīti. Samiti saṅgati samodhānanti **samayo**, paṭilābho. Samayanam<sup>1</sup>, sammā vā ayanam<sup>2</sup> apagamoti **samayo**, pahānaṃ. Abhimukhaṃ nāṇena sammā etabbo abhisametabboti **abhisamayo**, dhammānaṃ aviparīto sabhāvo. Abhimukhabhāvena sammā eti gacchati bujjhatīti **abhisamayo**, dhammānaṃ aviparītasabhāvāvabodho. Evaṃ tasmim tasmim atthe samaya-saddassa pavatti veditabbā. Samayasaddassa atthuddhāre abhisamayasaddassa udāharaṇaṃ vuttanayeneva veditabbari. **Assāti** samayasaddassa. **Kālo attho** samavāyādīnaṃ atthānaṃ idha asambhavato, desadesakaparisānaṃ viya suttassa nidānabhāvena kālassa apadisitabbato ca.

Kasmā panettha aniyamitavaseneva kālo niddiṭṭho, na utusaṃvaccharādivasena niyametvāti āha “**tattha kiñcāpi**”ti-ādi. Utusaṃvaccharādivasena niyamaṃ akatvā samayasaddassa vacanena ayampi guṇo laddho hotīti dassento “**ye vā ime**”ti-ādimāha. Sāmaññajotanaṃ hi visese avatiṭṭhatīti. Tattha **diṭṭhadhammasukhavihārasamayo** devasikaṃ jhānaphalasaṃpattīhi vītināmanakālo, visesato sattasattāhāni. **Suppakāsāti** dasasahasilokadhātusaṃkampana-obhāsapātubhāvādīhi pakaṭā. Yathāvuttabhedesu eva samayesu ekadesaṃ pakārantarehi saṅgahetvā dassetuṃ “**yo cāyan**”ti-ādimāha. Tathā hi nāṇakiccasamayo attahitapaṭipattisamayo ca **abhisambodhisamayo**, ariyatunḥibhāvasamayo **diṭṭhadhammasukhavihārasamayo**, karuṇākiccaparahitapaṭipattidhammikathāsamayo **desanāsamayo** eva.

1. Samassa yānaṃ (Dī-Ṭī 1. 45; Am-Ṭī 1. 34 piṭṭhesu), samassa nirodhassa yānaṃ (Sam-Ṭī 1. 31 piṭṭhe)

2. Sammā vā yānaṃ (Dī-Ṭī 1. 45; Sam-Ṭī 1. 31; Am-Ṭī 1. 34; Sārattha-Ṭī 1. 198 piṭṭhesu)

Karaṇavacanena niddeso katoti sambandho. **Tatthāti** abhidhammatadaññasuttapadavinayesu. **Tathāti** bhummakaraṇehi. **Adhikaraṇattho** ādhārattho. Bhāvo nāma kiriyā, tāya kiriyantaralakkhaṇam **bhāvenabhāvalakkhaṇam**. Tattha yathā kālo sabhāvadhammaparicchinno sayam paramatthato avijjamānopi ādhārabhāvena paññāto taṅkhaṇappavattānaṃ tato pubbe parato ca abhāvato “pubbaṅhe jāto, sāyanhe gacchatī”ti ca ādīsu, samūho ca avayavavinimutto avijjamānopi kappanāmattasiddho avayavānaṃ ādhārabhāvena paññāpiyati “rukkhe sākha, yavarāsiyam sambhūto”ti-ādīsu, evaṃ idhāpīti dassento āha “**adhikaraṇāhi -pa- dhammānan**”ti. Yasmiṃ kāle, dhammapuñje vā kāmāvacaraṃ kusalaṃ cittaṃ uppannaṃ hoti, tasmīṃ eva kāle dhammapuñje ca phassādayopihontīti ayam hi tattha attho. Yathā ca “gāvīsu duyhamānāsu gato, duddhāsu āgato”ti dohanakiriyāya gamanakiriyā lakkhīyati, evaṃ idhāpi “yasmiṃ samaye, tasmīṃ samaye”ti ca vutte “satī”ti ayamattho viññāyamāno eva hoti padatthassa sattāviraḥābhāvatoti samayassa sattākiriyāya cittassa uppādakiriyā phassādīnaṃ bhavanakiriyā ca lakkhīyati. **Yasmiṃ samayeti** yasmiṃ navame khaṇe, yasmiṃ yonisomanasikārādihetumhi, paccayasamavāye vā sati kāmāvacaraṃ kusalaṃ cittaṃ uppannaṃ hoti, tasmīṃ yeva khaṇe, hetumhi, paccayasamavāye vā phassādayopi hontīti ubhayattha samayasadde bhummaniddeso kato lakkhaṇabhūtabhāvayuttoti dassento āha “**khaṇa -pa- lakkhīyati**”ti.

**Hetu-attho karaṇattho ca sambhavati** “annena vasati, ajjhenena vasati, pharasunā chindati, kudālena khaṇatī”ti-ādīsu viya. Vītikkamaṃ hi sutvā bhikkhusaṅgham sannipātāpetvā otiṇṇavatthukaṃ puggalaṃ paṭipucchitvā vigarahitvā ca taṃ taṃ vatthum otiṇṇakālaṃ anatikkamitvā teneva kālena sikkhāpadāni paññapento bhagavā viharati sikkhāpadapaññattihetuṅca apekkhamāno tatiyapārājikādīsu viya.

**Accantameva** ārambhato paṭṭhāya yāva desanāniṭṭhānaṃ parahitapaṭipattisaṅkhātena **karuṇāvihārena**. **Tadatthajotanatthanti** accantasamyogattajotanattham. **Upayogavacananiddeso kato** yathā “māsam ajjhetī”ti.

**Porāṇā**ti aṭṭhakathācariyā. **Abhilāpamattabhedoti** vacanamattena viseso. Tena suttavinayesu vibhattibyattayo katoti dasseti.

**Seṭṭhanti** seṭṭhavācakaṃ vacanaṃ “seṭṭhan”ti vuttam seṭṭhagunaṣahacaraṇato. Tathā **uttamanti** etthāpi. **Gāravayuttoti** garubhāvayutto garugunayogato, garukaraṇārahatāya vā **gāravayutto**. **Vuttoyeva**, na pana idha vattabbo Visuddhimaggassa imissā aṭṭhakathāya ekadesabhāvatoti adhippāyo.

Aparo nayo<sup>1</sup>—bhāgavāti bhagavā, bhataṅgavāti bhagavā, bhāge vanīti bhagavā, bhage vanīti bhagavā, bhataṅgavāti bhagavā, bhage vanīti bhagavā, bhage vanīti bhagavā.

Bhāgavā bhataṅgavā bhāge, bhage ca vani bhataṅgavā.

Bhage vami tathā bhāge, vanīti bhagavā Jino.

Tattha kathaṃ **bhāgavāti bhagavā?** Ye te sīlādayo dhammakhandhā guṇabhāgā guṇakoṭṭhāsā, te anaññasādhāraṇā niratisayā tathāgatassa atthi upalabbhanti. Tathā hissa sīlam samādhi paññā vimutti vimuttiñānadassanaṃ, hirī ottappaṃ, saddhā vīriyaṃ, sati sampajaññaṃ, sīlavissuddhi diṭṭhivissuddhi, samatho vipassanā, tīṇi kusalamūlāni, tīṇi sucaritāni, tayo sammāvitakkā, tisso anavajjasaññā, tisso dhātuyo, cattāro satipaṭṭhānā, cattāro sammappadhānā, cattāro iddhipādā, cattāro ariyamaggā, cattāri ariyaphalāni, catasso paṭisambhidā, catuyonipaṭicchedakañāṇaṃ, cattāro ariyavaṃsā, cattāri vesārajjañāṇāni, pañca padhāniyaṅgāni, pañcaṅgiko sammāsamādhi, pañcañāṇiko sammāsamādhi, pañcendriyāni, pañca balāni, pañca nissāraṇīyā dhātuyo, pañca vimuttāyatanañāṇāni, pañca vimuttiṭṭhānāni, cha anussatiṭṭhānāni, cha gāravā, cha nissāraṇīyā dhātuyo, cha satatavihārā, cha anuttariyāni, cha nibbedhabhāgiyā saññā, cha abhiññā, cha asādhāraṇāñāṇāni, satta aparihāniyā dhammā, satta ariyadhammā, satta ariyadhanāni, satta bojjhaṅgā, satta sappurisadhammā, satta nijjaravatthūni,

---

1. Saṃ-Ṭī 1. 33; Sārattha-Ṭī 1. 314; Visuddhi-Ṭī 1. 258; Itivuttaka-Ṭīha 5 piṭṭhesupi passitabbaṃ.



buddhacariyāti evamādayo saṅkhepato vā sabbe puññañāṇasambhārā buddhakaradhammā, te mahābhinihārato paṭṭhāya kappānaṃ sataśahassādhikāni cattāri asaṅkheyyāni yathā hānabhāgiyā saṅkilesabhāgiyā ṭhitibhāgiyā vā na honti, atha kho uttaruttari viśesabhāgiyāva honti, evaṃ sakkaccaṃ nirantaraṃ anavasesato bhatā sambhatā assa atthīti “bhatavā”ti vattabbe “**bhagavā**”ti vutto niruttinayena ta-kārassa ga-kāraṃ katvā. Atha vā **bhatavāti** teyeva yathāvutte buddhakaradhamme vuttanayeneva bhari sambhari, pariṇesīti attho. Evampi bhatavāti bhagavā.

Sammāsambodhiyā sabbe, dānapārami-ādiḱe.

Sambhāre bhatavā nātho, tenāpi bhagavā matoti.

Kathaṃ **bhāge vanīti bhagavā**? Ye te catuvīsatiḱoṭisatasahassasaṅkhā devasikaṃ vaḷaṅjanakasamāpattibhāgā, te anavasesato lokahitattamaṃ attano ca diṭṭhadhammasukhavihārattham niccakappaṃ vani bhaji sevi bahulamakāsīti bhāge vanīti **bhagavā**. Atha vā abhiññeyyadhammesu kusalādisu khandhādisu ca ye te pariññeyyādivasena saṅkhepato vā catubbidhā abhisamayabhāgā, vitthārato pana “cakkhu pariññeyyaṃ sotaṃ -pa- jarāmaṇaṃ pariññeyyaṃ”ti-ādinā<sup>1</sup> aneke pariññeyyabhāgā, “cakkhussa samudayo pahātabbo -pa- jarāmaṇassa samudayo pahātabbo”ti-ādinā pahātabbabhāgā, “cakkhussa nirodho -pa- jarāmaṇassa nirodho sacchikātabbo”ti-ādinā sacchikātabbabhāgā, “cakkhussa nirodhagāminī paṭipadā”ti-ādinā, cattāro satipaṭṭhānā”ti-ādinā ca anekabhedā bhāvetabbabhāgā ca dhammā, te sabbe vani bhaji yathārahaṃ gocarabhāvanāsevanānaṃ vasena sevi. Evampi bhāge vanīti **bhagavā**. Atha vā “ye ime silādayo dhammakhandhā sāvakehi sādharmaṇā guṇabhāgā guṇakoṭṭhāsā, kinti nu kho te vineyyasantānesu patiṭṭhapeyyaṃ”ti mahākaruṇāya vani abhipatthayi, sā cassa abhipatthanā yathādhippetaphalāvahā ahosi. Evampi bhāge vanīti bhagavā.

Yasmā ñeyyasamāpatti-guṇabhāge asesato.

Bhaji patthayi sattānaṃ, hitāya bhagavā tatoti.

---

1. Khu 9. 23 piṭṭhe Paṭisambhidāmagge.



Kathaṃ **bhage vanīti bhagavā?** Samāsato tāva katapuññehi payogasampannehi yathāvibhavaṃ bhajīyantīti bhagā, lokiya lokuttarā sampattiyo. Tattha lokiye tāva tathāgato sambodhito pubbe bodhisattabhūto paramukkamsagata vāni bhajī sevi, yattha patiṭṭhāya niravasesato buddhakaradhamme samannānento buddhadhamme paripācesi, buddhabhūto pana te niravajjasukhūpasamhite anaññasādhāraṇe lokuttarepi vāni bhajī sevi, vitthārato pana padesarajja-issariyacakkavattisampattidevarajjasampatti-ādivasena jhāna vimokkha samādhi samāpatti nāṇadassana maggabhāvanā phalāsacchikiriyādi uttarimanussadhamavasena ca anekavihite anaññasādhāraṇe bhage vāni bhajī sevi. Evampi bhage vanīti bhagavā.

Yā tā sampattiyo loke, yā ca lokuttarā puthu.

Sabbā tā bhajī sambuddho, tasmāpi bhagavā matoti.

Kathaṃ **bhattavāti bhagavā?** Bhattā daḥhabhattikā assa bahū atthīti bhattavā. Tathāgato hi mahākaruṇāsabbaññutaññādi-  
aparimitanirupamapabhāvaguṇavisesa samaṅgibhāvato sabbasattuttamo, sabbānatthaparīhārapubbaṅgamāya niravasesahitasukhavidhānatapparāya nīratisayāya payogasampattiyā sadevamanussāya pajāya accantūpakāritāya dvattimsamahāpurisalakkhaṇa-asīti-anubyañjanabyāmappabhādi anaññasādhāraṇavisesapaṭimaṇḍitarūpakāyatāya yathābhucaguṇādhigatena “itipi so bhagavā”ti-ādinayappavattena lokattayabyāpinā suvipulena suvisuddhena ca thutighosena samannāgatattā ukkamsapāramippattāsu appicchatāsantuṭṭhi-ādīsu suppatiṭṭhitabhāvato dasabalacatuvesārajjādinīratisayaguṇavisesasamaṅgibhāvato ca rūpappamāṇo rūpappasanno, ghosappamāṇo ghosappasanno, lūkhappamāṇo lūkhappasanno, dhammappamāṇo dhammappasannoti evaṃ catuppamāṇike lokasannivāse sabbathāpi pasādāvahabhāvena samantapāsādikattā aparimāṇānaṃ sattānaṃ sadevamanussānaṃ ādarabahumānagāravāyatanatāya paramapemasambhattiṭṭhānaṃ. Ye tassa ovāde patiṭṭhitā aveccappasādena samannāgatā honti, kenaci asaṃhāriyā tesāṃ pasādabhatti samaṇena vā brāhmaṇena vā devena vā mārena vā brahmunā vā. Tathā hi te attano jīvitapariccāgepi tattha pasādaṃ na pariccajanti, tassa vā āṇaṃ daḥhabhattibhāvato. Tenevāha—

“Yo ve **kataññū** katavedi dhīro,  
Kalyāṇamitto daḷhabhatti ca hotī”<sup>1</sup>,

“Seyyathāpi bhikkhave mahāsamuddo ṭhitadhammo velaṃ  
nātivattati, evameva kho bhikkhave yaṃ mayā sāvakānaṃ sikkhāpadam  
paññattam, taṃ mama sāvakā jīvitahetupi nātikkamantī”<sup>2</sup> ca.

Evam bhattavāti **bhagavā** niruttinayena ekassa ta-kārassa lopam katvā  
itarassa ga-kāram katvā.

Guṇātisayayuttassa, yasmā lokahitesino.  
Sambhattā bahavo satthu, bhagavā tena vuccatīti.

Katham **bhage vamīti bhagavā**? Yasmā tathāgato bodhisattabhūtopi  
purimāsu jātisū pāramiyo pūrento bhagasaṅkhātāṃ sirim issariyaṃ yasaṅca  
vami uggiri, kheḷapiṇḍam viya anapekkho chaḍḍayi, pacchimattabhāvepi  
hatthagataṃ cakkavattisirim devalokādhipaccasadisam catudīpissariyaṃ  
cakkavattisampattisannissayaṃ sattaratanasamujjalam yasaṅca tiṇāyapi  
amaññamāno nirapekkho pahāya abhinikkhamitvā sammāsambodhim  
abhisambuddho, tasmā ime siri-ādike bhage vamīti **bhagavā**. Atha vā bhāni  
nāma nakkhattāni, tehi samam gacchanti pavattantīti bhagā,  
sineruyugandhara-uttarakuruhimavantādibhājanalokavisesasannissayā sobhā  
kappaṭṭhiyabhāvato, tepi bhage vami tannivāsissattāvāsasamatikkamanato,  
tappaṭṭibaddhachandarāgapahānena pajahīti. Evampi bhage vamīti bhagavā.

Cakkavattisirim yasmā, yasaṃ issariyaṃ sukham.  
Pahāsi lokacittaṅca, sugato bhagavā tatoti.

Katham **bhāge vamīti bhagavā**? Bhāgā nāma sabhāgadhammakotṭhāsā,  
te khandhāyanadhātādivasena, tatthāpi rūpavedanādivasena, pathaviyādi-  
atītādivasena ca anekavidhā, te bhagavā sabbam papañcam sabbam yogam  
sabbam gantham sabbam saṃyojanam samucchinditvā amataṃ dhātum  
samadhigacchanto vami uggiri, anapekkho chaḍḍayi na paccāgami. Tathā  
hesa “sabbatthameva pathaviṃ

1. Khu 6. 10 piṭṭhe Jātake.

2. Am 3. 45; Khu 1. 142; Vi 4. 421 piṭṭhesu.

āpaṃ tejaṃ vāyaṃ, cakkhum sotaṃ ghānaṃ jivhaṃ kāyaṃ manaṃ, rūpe sadde gandhe rase phoṭṭhabbe dhamme, cakkhuvīññāṇaṃ -pa- manovīññāṇaṃ, cakkhusamphassaṃ -pa- manosamphassaṃ, cakkhusamphassajaṃ vedanaṃ -pa- manosamphassajaṃ vedanaṃ, cakkhusamphassajaṃ saññaṃ -pa- manosamphassajaṃ saññaṃ, cakkhusamphassajaṃ cetanaṃ -pa- manosamphassajaṃ cetanaṃ, rūpaṇhaṃ -pa- dhammataṇhaṃ, rūpavitakkaṃ -pa- dhammavitakkaṃ, rūpavicāraṃ -pa- dhammavicāraṃ”ti-ādinā anupadadhammavibhāgavasenapi sabbeva dhammaḥāse anavasesato vami uggiri, anapekkhapariccāgena chaḍḍayi. Vuttaṃ hetam “yaṃ taṃ ānanda cattaṃ vantaṃ muttaṃ pahīnaṃ paṭinissaṭṭhaṃ, taṃ tathāgato puna paccāgamissatīti netam ṭhānaṃ vijjati”ti<sup>1</sup>. Evampi bhāge vamiṃ **bhagavā**. Atha vā **bhāge vamiṃ**ti sabbepi kusalākusale sāvajjānavajje hīnapaṇīte kaṇhasukkasappaṭibhāge dhamme ariyamaggañānamukhena vami uggiri anapekkho pariccaji pajahi, paresaṅca tathattāya dhammaṃ desesi. Vuttampi cetaṃ “dhammāpi vo bhikkhave pahātabbā, pageva adhammā<sup>2</sup>, kullūpamaṃ vo bhikkhave dhammaṃ desessāmi nittharaṇatthāya, no gahaṇatthāyā”ti-ādi<sup>3</sup>. Evampi bhāge vamiṃ bhagavā.

Khandhāyatanadhātādi-dhammabhāgā mahesinā.

Kaṇhasukkā yato vanta, tatopi bhagavā matoti.

Tena vuttaṃ—

“Bhāgavā bhataṃ bhāge, bhage ca vami bhattavā.

Bhage vami tathā bhāge, vamiṃ bhagavā Jino”ti.

**Dhammasarīraṃ paccakkaṃ karotīti** “yo vo ānanda mayā dhammo ca vinayo ca desito paññatto, so vo mamaccayena satthā”ti<sup>4</sup> vacanato dhammassa satthubhāvaparivyāyo vijjatīti katvā vuttaṃ.

**Vajjiraṅghātasamānakāyo** parehi abhejjasarīrattā. Na hi bhagavato rūpakāye kenaci sakkā antarāyo kātunti.

**Desanāsampattim niddisati** vakkhamānassa sakalassa suttassa “evan”ti nidassanato. **Sāvakasampattim niddisati** paṭisambhidāppattena pañcasu ṭhānesu bhagavatā etadage ṭhapitena mayā mahāsāvakena sutam, taṅca kho

1. Dī 2. 99 piṭṭhe. 2. Ma 1. 188 piṭṭhe. 3. Ma 1. 187 piṭṭhe. 4. Dī 2. 126 piṭṭhe.

mayāva sutam, na anussutikam, na paramparābhatanti imassa atthassa dīpanato. **Kālasampattim niddisati** bhagavā-saddasannidhāne payuttassa samaya-saddassa kālassa buddhuppādapaṭimaṇḍitabhāvadīpanato. Buddhuppādaparamā hi kālasampadā. Tenetaṃ vuccati—

“Kappakasāye kaliyuge, buddhuppādo aho mahacchariyam.  
Hutāvahamajjhe jātam, samuditamakaramandaravindan”<sup>1</sup>.

### **Bhagavāti desakasampattim niddisati**

guṇavasiṭṭhasattuttamagarugāravādhivacanabhāvato.

**Maṅgaladivaso sukhaṇo sunakkhattanti** ajja maṅgaladivaso, tasmā sunakkhattam, tatthāpi ayaṃ sukhaṇo. **Mā atikkamīti** mā rattivibhāyanam anudikkhantānam ratti atikkamīti evam sambandho veditabbo. Ukkāsu ṭhitāsu ṭhitāti **ukkaṭṭhā**<sup>2</sup>. Ukkāsu vijjotalantīsu ṭhitā patitṭhitāti mūlavibhūjādipakkhepena<sup>3</sup> saddasiddhi veditabbā. Niruttinayena vā ukkāsu ṭhitāsu ṭhitā āsīti **ukkaṭṭhā**. Apare pana bhaṇanti “bhūmibhāgasampattiyā manussasampattiyā upakaraṇasampattiyā ca sā nagarī ukkaṭṭhaguṇayogato ‘ukkaṭṭhā’<sup>4</sup>ti nāmam labhī”<sup>5</sup>ti.

**Avisesenāti** na visesena, vihārabhāvasāmaññenāti attho. **Iriyāpatha -pa-vihāresūti** iriyāpathavihāro dibbavihāro brahmavihāro ariyavihāroti etesu catūsu vihāresu. **Samaṅgiparidīpananti** samaṅgībhāvaparidīpanam. **Etanti** “viharatī”<sup>6</sup>ti etaṃ padaṃ. Tathā hi taṃ “idhekacco gihīhi sāmsaṭṭho viharati sahanandī sahasokī”<sup>7</sup>ti-ādīsu<sup>8</sup> iriyāpathavihāre āgataṃ, “yasmim samaye bhikkhave bhikkhu vivicceva kāmehi -pa- paṭhamam jhānam upasampajja viharatī”<sup>9</sup>ti-ādīsu<sup>10</sup> dibbavihāre, “so mettāsahagatena cetasā ekaṃ disam pharivā viharatī”<sup>11</sup>ti-ādīsu<sup>12</sup> brahmavihāre, “so kho aham aggivessana tassāyeva kathāya pariyoṣāne tasmim eva purimasim samādhinimutte

1. Dī-Ṭī 1. 48; Saṃ-Ṭī 1. 39; Am-Ṭī 1. 37 piṭṭhesupi.

2. Dī-Ṭī 1. 289; Sī-Ṭī Abhinava 2. 210; Am-Ṭī 2. 291 piṭṭhesupi passitabbam.

3. Pāṇinī 3. 2. 5 suttaṃ passitabbam.

4. Saṃ 2. 387 piṭṭhe.

5. Abhi 1. 44; Abhi 2. 274 piṭṭhesu.

6. Dī 1. 234; Dī 3. 187; Ma 1. 46; Ma 2. 263; Ma 3. 185 piṭṭhesu.

ajjhattameva cittaṃ saṅṭhapemi sannisāдеми ekodiṃ karomi samādahāmi,  
yena sudaṃ niccakappaṃ viharāmi”ti-ādīsu<sup>1</sup> ariyavihāre.

Tattha iriyaṇaṃ vattanaṃ iriyā, kāyappayogo. Tassā pavattanupāyabhāvato ṭhānādi iriyāpatho. Ṭhānasamaṅgī vā hi kāyena kiñci kareyya gamanādīsu aññatarasamaṅgī vā. Atha vā iriyati pavattati etena attabhāvo, kāyakiccaṃ vāti iriyā, tassā pavattiyā upāyabhāvato pathoti iriyāpatho, ṭhānādi eva. So ca atthato gatinivatti-ādi-ākārena pavatto catusantatirūpapabandho eva. Viharaṇaṃ, viharati etenāti vā vihāro, iriyāpatho eva vihāro **iriyāpathavihāro**. Divi bhavoti dibbo, tattha bahulappavattiyā brahmapārisajjādidevaloke bhavoti attho. Tattha yo dibbānubhāvo, tadatthāya samvattatīti vā dibbo, abhiññābhinihāravasena mahāgatikattā vā dibbo, dibbo ca so vihāro cāti **dibbavihāro**, catasso rūpāvacarasamāpattiyō. Āruppasamāpattiyopi ettheva saṅghaṃ gacchanti. Brahmūnaṃ, brahmāno vā vihārā **brahmavihārā**, catasso appamaññāyo. Ariyānaṃ, ariyā vā vihārā **ariyavihārā**, cattāri sāmāññaphalāni. **So hi bhagavā ekaṃ iriyāpathabādhananti-ādi** yadipi bhagavā ekenapi iriyāpathena cirataraṃ kālāṃ attabhāvaṃ pavattetuṃ sakkoti, tathāpi “upādinnakasarīrassa nāma ayaṃ sabhāvo”ti dassetuṃ vuttaṃ. Yasmā vā bhagavā yattha katthaci vasanto veneyyānaṃ dhammaṃ desento, nānāsamāpattīhi ca kālāṃ vītināmento vasatīti veneyyasattānaṃ attano ca vividhaṃ hitasukhaṃ harati upaneti uppādeti, tasmā vividhaṃ haratīti evamettha attho veditabbo.

**Subhagattāti** sirīkāmānavasena sobhanattā. Tenevāha “**sundarasirikattā sundarakāmattā cā**”ti. **Chaṇasamajja-ussaveti** ettha **chaṇaṃ** nāma phaggunamāsādīsu uttaraphaggunādi-abhilakkhitadivasesu saparijanānaṃ manussānaṃ maṅgalakaraṇaṃ. **Samajjaṃ** nāma naṭasamajjādi. **Ussavo** nakkhattaṃ. Yattha gāmanigamavāsino tayo satta vā divase nakkhattaghosanaṃ katvā yathāvibhavaṃ alaṅkatapaṭiyattā bhoge paribhuñjantā

---

1. Ma 1. 316 piṭṭhe.

nakkhattakīlanam kīḷanti. **Tesaṃ taṃ tatheva hotīti** tesaṃ manussānam taṃ patthanam tannivāsīdevatānubhāvena yebhuyyena tatheva hoti, patthanā samijjhatīti attho. **Bahujanakantatāyāti** iminā “sundarakāmattā”ti etasseva padassa pakārantarena attham vibhāveti. Tatrāyam vacanattho— kamanīyaṭṭhena suṭṭhu bhajīyatīti **subhagam**, subhā agā rukkā etthāti vā **subhagam**, sundarakittiyogato vā “**subhaganti** evampettha attham vaṇṇenti. Keci pana “subhāgavane”ti paṭhanti, “sundarabhūmibhāge vane”ti cassa attham vadanti. Subhagassa nāma yakkhassa vanam tena pariggahitattāti “subhagavanam”ti aññe. Vananam bhattīti-atthe tam vananam kāretīti etasmiṃ atthe vanayatīti padasiddhi veditabbā. Tenevāha “**attani sineham uppādetī**”ti. Yācanatthe **vanute iti vananti** upacārakappanāvasena vana-saddo veditabbo.

**Ujumvamsāti** ujubhūtavīṭapā. **Mahāsālāti** mahārukkā. **Aññatarasmim** **sālamūleti** aññatarassa rukkassa mūle. **Vanappati jetṭhakarukkhoti** vanappatibhūto jetṭhakarukkho. **Tameva jetṭhakabhāvanti** vanappatibhāvenāgataṃ seṭṭhabhāvam padhānabhāvam. Tena hi so “sālarājā”ti vutto. Upagatānam rañjanaṭṭhena rājā, aññasmimpi tādise rukkhe rājavohāram dassetuṃ “**supatiṭṭhitassā**”ti-ādi vuttaṃ. Tattha **brāhmaṇa dhammikāti** ālapanam. Nippariyāyena sākāhādimato saṅghātassa suppatiṭṭhitabhāvasādhane avayavavisesse pavattamāno mūla-saddo yasmā taṃsadisesu tannissaye padese ca ruḷhīvasena pariyāyato pavattati, tasmā “mūlāni uddhareyyā”ti ettha nippariyāyamūlam adhippetanti ekena mūla-saddena visesetvā āha “**mūlamūle dissati**”ti yathā “dukkhadukkham<sup>1</sup>, rūparūpan”ti<sup>2</sup> ca. **Asādhāraṇahetumhīti** asādhāraṇakāraṇe. Lobhasahagatacittuppādānam eva āveṇike nesaṃ suppatiṭṭhitabhāvasādhanato mūlaṭṭhena upakārake paccayadhamme dissatīti attho.

**Tatthāti** “ekam samayam bhagavā ukkaṭṭhāyam viharati subhāgavane sālarājamūle”ti yaṃ vuttaṃ vākyam, tattha. **Siyāti** kassaci evam parivītakko siyā, vakkhamānākārena kadāci codeyya vāti attho. **Atha tattha viharatīti** yadi subhāgavane sālarājamūle viharati. **Na vattabanti**

1. Saṃ 2. 453 piṭṭhe.

2. Visuddhi 2. 81 piṭṭhe.

nānāṭhānabhūtattā ukkaṭṭhāsubhagavanānaṃ, ekaṃ samayanti ca vuttattāti adhippāyo. Idāni codako tameva attano adhippāyaṃ **“na hi sakkā”**ti-ādinā vivarati. Itaro sabbametaṃ aviparītaṃ atthaṃ ajānanta vuttanti dassento **“na kho panetaṃ evaṃ daṭṭhabban”**ti āha. Tattha **etanti** “ukkaṭṭhāyaṃ viharati subhagavane sālārājamūle”ti etaṃ vacanaṃ. Evanti “yadi tāva bhagavā”ti-ādinā yaṃ taṃ bhavatā coditaṃ, taṃ atthato evaṃ na kho pana daṭṭhabbaṃ, na ubhayattha apubba-acarimaṃ vihāradassanatthanti attho.

Idāni attano yathādhippetāṃ aviparītaṃ atthaṃ, tassa ca paṭikacceva vuttabhāvaṃ, tena ca appaṭividdhattaṃ pakāsento **“nanu avocumha -pa-sālārājamūle”**ti āha. Evampi “subhagavane sālārājamūle viharati”cceva vattabbaṃ, na “ukkaṭṭhāyaṃ”ti codanaṃ manasi katvā vuttaṃ **“gocaragāmanidassanatthan”**ti-ādi.

Avassaṃ cetttha gocaragāmakittanaṃ kātappaṃ. Tathā hi taṃ yathā subhagavanādikittanaṃ pabbajitānuggahakaraṇādi-ane-kappayojanaṃ, evaṃ gahaṭṭhānuggahakaraṇādivividhappayojananti dassento **“ukkaṭṭhākittanaṃ”**ti-ādimāha. Tattha paccayaggaṇeṇa upasaṅkamanapayirupāsanaṃ okāsādāneṇa dhammadeśanāya saraṇesu sīlesu ca paṭiṭṭhāpaneṇa yathūpanissayaṃ uparivisesādhigamāvahanena **ca gahaṭṭhānuggahakaraṇaṃ**, uggahaparipucchānaṃ kammaṭṭhānānu-yogassa ca anurūpavasanaṭṭhānapariggahenettha **pabbajitānuggahakaraṇaṃ** veditabbaṃ. **Karuṇāya upagamaṇaṃ**, na lābhādinimittaṃ, **paññāya apagamaṇaṃ**, na virodhādinimittanti upagamaṇāpagamaṇaṃ nirupakkilesataṃ vibhāveti. **Dhammikasukhaṃ** nāma anava-jjasukhaṃ. **Devānaṃ upakārahulātā** janavivittatāya. Pacurajanavivittaṃ hi ṭhānaṃ devā upasaṅkamitabbaṃ maññanti. **Tadatthaparini-phādananti** lokatthanipphādanaṃ, buddhakkasampādananti attho. **Evamādināti ādi**-saddena ukkaṭṭhākittanato rūpakāyassa anuggaṇhanaṃ<sup>1</sup> dasseti, subhagavanādikittanato dhammakāyassa. Tathā purimena parādhīnakiriyākaraṇaṃ, dutiyena attādhīnakiriyākaraṇaṃ. Purimena vā karuṇā-kiccaṃ, itareṇa paññā-kiccaṃ. Purimena cassa paramāya anukampāya samannāgamaṃ, pacchimena paramāya upekkhāya

---

1. Anukkaṇṭhanaṃ (Ka)

samannāgamaṃ dīpeti. Bhagavā hi sabbasatte paramāya anukampāya anukampati, na ca tattha sinehadosānupatito paramupekkhakabhāvato, upekkhako ca na ca parahitasukhakarāṇe apposukko mahākāruṇikabhāvato.

Tassa mahākāruṇikatāya lokanāthatā, upekkhakatāya attanāthatā. Tathā hesa bodhisattabhūto mahākāruṇāya sañcoditamānaso sakalalokahitāya ussukkamāpanno mahābhinihārato paṭṭhāya tadatthanipphādanattham puññañāṇasambhāre sampādentō aparimitaṃ kālaṃ anappakaṃ dukkhamanubhosi, upekkhakatāya sammā patitehi dukkhehi na vikampi. Tathā mahākāruṇikatāya saṃsārābhimukhatā, upekkhakatāya tato nibbindanā. Tathā upekkhakatāya nibbānābhimukhatā, mahākāruṇikatāya tadadhigamo. Tathā mahākāruṇikatāya paresaṃ abhiṃsāpanaṃ<sup>1</sup>, upekkhakatāya sayam parehi abhāyanaṃ. Mahākāruṇikatāya paraṃ rakkhato attano rakkhaṇaṃ, upekkhakatāya attānaṃ rakkhato paresaṃ rakkhaṇaṃ. Tenassa attahitāya paṭipannādīsu catutthapuggalabhāvo siddho hoti. Tathā mahākāruṇikatāya saccādhittānassa cāgādhittānassa ca pāripūri, upekkhakatāya upasamādhittānassa paññādhittānassa ca pāripūri. Evaṃ parisuddhāsayaṇāyogassa mahākāruṇikatāya lokahitattameva rajjasampadādibhavasampattiyā upagamaṇaṃ, upekkhakatāya tiṇṇāyapi amaññaṃānassa tato apagamaṇaṃ. Iti suvisuddha-upagamāpagamaṇassa mahākāruṇikatāya lokahitattameva dānavasena sampattīnaṃ pariccajanā, upekkhakatāya cassa phalassa attano apaccāsīsanā. Evaṃ samudāgamanato paṭṭhāya acchāriyabbhutaṇṇasamannāgatassa mahākāruṇikatāya paresaṃ hitasukhattaṃ atidukkarakāritā, upekkhakatāya kāyampi analaṃkāritā<sup>2</sup>.

Tathā mahākāruṇikatāya carimattabhāve jīṇṇaturamatadassanena sañjātasamīvego, upekkhakatāya uḷāresu devabhogasadisesu bhogesu nirapekkho mahābhiniṃkhamanaṃ nikkhami. Tathā mahākāruṇikatāya “kiccham vatāyaṃ loko āpanno”ti-ādinā<sup>3</sup> karuṇāmukheneva

1. Ahimsāpanaṃ (Am-Ṭī 1. 41 piṭṭhe)

2. Analamkāritā (Ka)

3. Dī 2. 26; Sam 1. 246, 251 piṭṭhesu.



vipassanārambho, upekkhakatāya buddhabhūtaṣṣa satta sattāhāni  
vivekasukheneva vītināmanam. Mahākāruṇikatāya dhammagambhīratam  
paccavekkhitvā dhammadesanāya apposukkataṁ āpajjitvāpi mahābrahmuno  
ajjhesanāpadesena okāsakaraṇam, upekkhakatāya  
pañcavaggiyādiveneyyānam ananurūpasamudācārepi anaññathābhāvo.  
Mahākāruṇika tāya katthaci paṭighātābhāvenassa sabbattha amittasaññāya  
abhāvo, upekkhakatāya katthacipi anurodhābhāvena sabbattha  
sinehasanthavābhāvo. Mahākāruṇikatāya gāmadīnam āsannaṭṭhāne  
vasantassapi upekkhakatāya araññāṭṭhāne eva viharaṇam. Tena vuttam  
“purimena cassa paramāya anukampāya samannāgamaṁ, pacchimena  
paramāya upekkhāya samannāgamaṁ dīpeti”ti.

Tanti “tatrā”ti padaṁ. **Desakālaparidīpananti** ye desakālā idha  
viharaṇakiriyāvisesanabhāvena vuttā, tesam paridīpananti dassento “**yaṁ  
samayaṁ -pa- dīpeti**”ti āha. Tam-saddo hi vuttassa atthassa paṭiniddeso,  
tasmā idha kālassa, desassa vā paṭiniddeso bhavituṁ arahati, na aññassa.  
Ayaṁ tāva tatra-saddassa paṭiniddesabhāve atthavibhāvanā. Yasmā pana  
īdisesu ṭhānesu tatra-saddo dhammadesanā visiṭṭham desam kālañca  
vibhāveti, tasmā vuttam “**bhāsitaḥḥayutte vā desakāle dīpeti**”ti. Tena **tatrā**ti  
yattha bhagavā dhammadesanattham bhikkhū ālapi abhāsi, tādise dese, kāle  
vāti attho. **Na hī**ti-ādinā tamevattham samattheti. Nanu ca yattha ṭhito  
bhagavā “akālo kho tāvā”ti-ādinā bāhiyassa dhammadesanam paṭikkhipi,  
tattheva antaravīthiyam ṭhito tassa dhammam desetīti? Saccametaṁ,  
adesetabbakāle adesanāya idam udāharaṇam. Tenevāha “**akālo kho tāvā**”ti.  
Yaṁ pana tattha vuttam “antaragharam pavīṭṭhamhā”ti<sup>1</sup>, tampi tassa  
akālabhāvasseva pariyāyena dassanattham vuttam. Tassa hi tadā  
addhānaparissamena rūpakāye akammaññatā ahoṣi, balavapītivegena  
nāmakāye, tadubhayassa vūpasamam āgamento papañcaparihārattham  
bhagavā “akālo kho”ti pariyāyena paṭikkhipi. Adesetabbadesse adesanāya  
pana udāharaṇam “atha kho bhagavā maggā okkamma

---

1. Khu 1. 85 piṭṭhe Udāne.

aññatarasmim rukkhamūle nisīdi<sup>1</sup>, viharato nikkhamitvā viharapacchāyāyaṃ paññatte āsane nisīdi”ti<sup>2</sup> ca evamādikam idha **ādi**-saddena saṅgahitam.

“Atha kho so bhikkhave bālo idha pubbe rasādo idha pāpāni kammāni karitvā”ti-ādīsu<sup>3</sup> **padapūraṇamatte kho-saddo**, “dukkham kho agāravo viharati appatisso”ti-ādīsu<sup>4</sup> **avadhāraṇe**, “kittāvatā nu kho āvuso satthu pavivittassa viharato sāvakā vivekam nānusikkhantī”ti-ādīsu<sup>5</sup> **ādikālatthe**. Vākyārambheti attho. Tattha padapūraṇena vacanālaṅkāramattaṃ kataṃ hoti, ādikālatthena vākyassa upaññāsamattaṃ, avadhāraṇatthena pana niyamadassanaṃ, tasmā āmantesi evāhi āmantane niyamo dassito hotīti.

“Bhagavāti lokagarudīpanan”ti kasmā vuttaṃ, nanu pubbepi bhagavā-saddassa attho vuttoti? Yadi pi pubbe vutto, taṃ panassa yathāvutte ṭhāne viharāṇakiriyāya kattuvisesadassanatthaṃ kataṃ na āmantanakiriyāya, idha pana āmantanakiriyāya, tasmā tadatthaṃ puna “bhagavā”ti pāḷiyam vuttanti tassatthaṃ dassetuṃ “**bhagavāti lokagarudīpanan**”ti āha.

**Kathāsavanayuttapuggalavacananti** vakkhamānāya mūlapariyāyadesanāya savanayogyapuggalavacanam. Catūsupi parisāsu bhikkhū eva edisānam desanānam visesena bhājanabhūtā, iti sātisayasāsanasampañiggāhakabhāvadassanatthaṃ idha bhikkhugahaṇanti dassetvā idāni saddatthaṃ dassetuṃ “**apicā**”ti-ādīmāha. Tattha **bhikkhakoti bhikkhūti** bhikkhanadhammatāya bhikkhūti attho. **Bhikkhācariyam ajjhupagatoti** buddhādīhipi ajjhupagataṃ bhikkhācariyam uñchācariyam ajjhupagatatā anuṭṭhitattā **bhikkhu**. Yo hi koci appaṃ vā mahantaṃ vā bhogakkhandhaṃ pahāya agārasmā anagāriyam pabbajito, so kasigorakkhādīhi jīvikākappanam hitvā liṅgasampañicchaneneva bhikkhācariyam ajjhupagatatā **bhikkhu**, parapaṭibaddhajīvikattā vā vihāramajjhe kājabhattaṃ bhuñjamānopi bhikkhācariyam ajjhupagatoti **bhikkhu**, piṇḍiyālopaḥojanaṃ nissāya pabbajjāya ussāhajātattā vā bhikkhācariyam ajjhupagatoti **bhikkhūti** evampettha attho daṭṭhabbo. **Ādinā nayanāti** “bhinnapaṭadharoti bhikkhu, bhindati pāpake akusale dhammeti bhikkhu,

1. Saṃ 1. 420 piṭṭhe.

2. Dī 1. 145 piṭṭhe.

3. Ma 3. 205, 206, 207 piṭṭhe.

4. Am 1. 328 piṭṭhe.

5. Ma 1. 17 piṭṭhe.

bhinnattā pāpakānaṃ akusalānaṃ dhammānaṃ bhikkhū”ti-ādinā **vibhaṅge**<sup>1</sup> āgatanayena. **Ñāpaneti** avabodhane, paṭivedaneti attho.

**Bhikkhanasīlatā**ti-ādīsu **bhikkhanasīlatā** bhikkhanena ājīvanasīlatā, na kasivaṇijjādīhi ājīvanasīlatā. **Bhikkhanadhammatā** “uddissa ariyā tiṭṭhantī”ti<sup>2</sup> evaṃ vuttabhikkhanasabhāvatā, na sambhāvanākohaṇṇasabhāvatā. **Bhikkhane sādhu-kāritā** “uttiṭṭhe nappamajjeyyā”ti<sup>3</sup> vacanaṃ anussarivā tattha appamajjanā. Atha vā **sīlaṃ** nāma pakatisabhāvo, idha pana tadadhiṭṭhānaṃ. **Dhammoti** vataṃ. Apare pana “**sīlaṃ** nāma vatasamādānaṃ, **dhammo** nāma pavenī-āgataṃ cārittaṃ, **sādhu-kāritā**ti sakkaccakāritā ādarakiriyā”ti vaṇṇenti. **Hinādhikajanasevanti** ye bhikkhubhāve ṭhitāpi jātimadādivasena uddhatā unnaḷā, ye ca gihibhāve paresu atthikabhāvampi<sup>4</sup> anupagatatāya bhikkhācariyaṃ paramakāpaṇṇatam<sup>5</sup> mañṇanti, tesam ubhayesampi yathāpakkamaṃ “bhikkhavo”ti vacanena hīnajanehi daliddehi paramakāpaṇṇatam<sup>5</sup> pattehi parakulesu bhikkhācariyāya jīvikaṃ kappentehi sevitaṃ vuttim pakāsentō uddhatabhāvaniggahaṃ karoti, adhikajanehi uḷārabhogakhattiyakulādito pabbajitehi buddhādīhi ājīvavisodhanattham sevitaṃ vuttim pakāsentō dīnabhāvaniggahaṃ karotīti yojetabbaṃ. Yasmā “bhikkhavo”ti vacanaṃ āmantanabhāvato abhimukhīkaraṇaṃ, pakaraṇato sāmattiyato ca sussūsājananaṃ sakkaccasavanamanasikāranīyojanañca hoti, tasmā tamattham dassentō “**bhikkhavoti iminā**”ti-ādimāha. Tattha **sādhukasavanamanasikāre**ti sādhu-kasavane sādhu-kamanasikāre ca. Katham pana pavattitā savanādayo sādhu-kam pavattitā hontīti? “Addhā imāya sammāpaṭipattiyā sakalasāsanasampatti hatthagatā bhavissatī”ti ādaragāravayogena, kathādīsu aparibhavanādinā ca. Vuttaṃ hi “pañcahi bhikkhave dhammehi samannāgato suṇanto saddhammaṃ bhabbo niyāmaṃ okkamituṃ kusalesu dhammesu sammattaṃ. Katamehi pañcahi? Na katham paribhoti, na kathikaṃ paribhoti, na attānaṃ paribhoti, avikkhittacitto dhammaṃ suṇāti ekaggacitto, yoniso ca manasi karoti. Imehi kho

1. Abhi 2. 254 piṭṭhe.

2. Khu 5. 162; Khu 11. 224 piṭṭhesu.

3. Khu 1. 38 piṭṭhe Dhammapade. 4. Paresam adhikābhāvampi (Am-Ṭī 1. 44 piṭṭhe)

5. Paramakāruṇṇatam (Am-Ṭī 1. 44 piṭṭhe)

bhikkhave pañcahi dhammehi samannāgato suṇanto saddhammaṃ bhabbo niyāmaṃ okkamituṃ kusalesu dhammesu sammattan”ti<sup>1</sup>. Tenevāha “sādhukasavanamanasikārāyattā hi sāsanasampatti”ti. Sāsanasampatti nāma sīlādinipphatti.

**Paṭhamam uppannattā** adhigamavasena. **Satthucariyānuvidhāyakattā** sīlādiguṇānuṭṭhānena. Tiṇṇam yānānam vasena anudhammapaṭipattisabbhāvato **sakalasāsanaṭṭiggāhakattā**. **Santikattā**ti samīpabhāvato. **Santikāvacarattā**ti sabbakālam sampayuttabhāvato<sup>2</sup>. **Yathānusitṭhanti** anusāsani-anurūpaṃ, anusāsaniṃ anavasesato paṭiggahetvāti attho. **Ekacce bhikkhūyeva sandhāyāti** ye suttapariyosāne “te bhikkhū bhagavato bhāsitaṃ abhinandun”ti vuttā pañcasatā brāhmaṇapabbajitā, te sandhāya.

Pubbe sabbaparisasādhāraṇattepi bhagavato dhammadesanāya “jeṭṭhaseṭṭhā”ti-ādinā bhikkhūnam eva āmantane kāraṇam dassetvā idāni bhikkhū āmantetvāva dhammadesanāya payojanam dassetuṃ “**kimattham pana bhagavā**”ti codanam samuṭṭhāpesi. Tattha **aññam cintentā**ti aññavihitā. **Vikkhittacittā**ti asamāhitacittā. **Dhammam paccavekkhantā**ti tadā hiyyo tato paradivasesu vā sutadhammam pati pati manasā avekkhantā. Bhikkhū āmantetvā dhamme desiyamāne ādito paṭṭhāya desanam sallakkhetuṃ sakkontīti imamevattham byatirekamukhena dassetuṃ “**te anāmantetvā**”ti-ādi vuttam.

**Bhikkhavotīti** ca sandhivasena i-kāralopo daṭṭhabbo “bhikkhavo itī”ti. Ayam hi iti-saddo hetuparisamāpanādipadatthavipariyāyapakārāvadhāraṇanidassanādi anekatthappabhedo. Tathā hesa “ruppatīti kho bhikkhave tasmā ‘rūpan’ti vuccatī”ti-ādīsu<sup>3</sup> hetu-atthe dissati, “tasmātiha me bhikkhave dhammadāyādā bhavatha, mā āmisadāyādā, atthi me tumhesu anukampā ‘kinti me sāvakā dhammadāyādā bhaveyyūṃ, no āmisadāyādā’ti”ādīsu<sup>4</sup> parisamāpane, “iti vā, iti evarūpā

1. Am 2. 154 piṭṭhe.

3. Sam 2. 71 piṭṭhe.

2. Samvuttibhāvato (Sam-Ṭī 2. 4 piṭṭhe)

4. Ma 1. 16 piṭṭhe.

naccagītavāditavisūkadassanā paṭivirato”ti-ādīsu<sup>1</sup> ādi-atthe, “Māgaṇḍiyoti tassa brāhmaṇassa saṅkhā samaññā paññatti vohāro nāmaṃ nāmakammaṃ nāmadheyyaṃ nirutti byañjanamābhilāpo”ti-ādīsu<sup>2</sup> padatthavipariyāye, “iti kho bhikkhave sappātibhayo bālo, appaṭtibhayo paṇḍito, sa-upaddavo bālo, anupaddavo paṇḍito, sa-upasaggo bālo, anupasaggo paṇḍito”ti-ādīsu<sup>3</sup> pakāre, “atthi idappaccayā jarāmarañanti iti puṭṭhena satā ānanda atthītissa vacanīyaṃ, kiṃ paccayā jarāmarañanti iti ce vadeyya, jātipaccayā jarāmarañanti iccassa vacanīyaṃ”ti-ādīsu<sup>4</sup> avadhāraṇe, “sabbamatthīti kho kaccāna ayameko anto, sabbaṃ natthīti kho kaccāna ayaṃ dutiyo anto”ti-ādīsu<sup>5</sup> nidassane. Idhāpi nidassaneva daṭṭhabbo. Bhikkhavoti hi āmantitākāro, tamesa iti-saddo nidasseti “bhikkhavoti āmantesī”ti. Iminā nayena “**bhaddante**”ti-ādīsupi yathārahaṃ iti-saddassa attho veditabbo. Pubbe “bagavā āmantesī”ti vuttatā “bhagavato paccassosun”ti idha “bhagavato”ti sāmivacanāṃ āmantanameva sambandhī-antaraṃ apekkhatīti iminā adhippāyena “**bagavato āmantanaṃ paṭi-assosun**”ti vuttaṃ. “Bhagavato”ti pana idaṃ paṭissavasambandhanena sampadānavacanāṃ yathā “devadattassa paṭissuṇoti”ti.

Yaṃ nidānaṃ bhāsītanti sambandho. Etthāha—kimatthaṃ pana dhammavinayasaṅgahe kariyamāne nidānavacanāṃ, nanu bhagavatā bhāsītavacanasseva saṅgaho kātābhoti? Vuccate—desanāya ṭhiti-asammosasaddheyyabhāvasampādanatthaṃ. Kāladesadesakanimittaparisāpadesehi upanibandhitvā ṭhapitā hi desanā ciraṭṭhitikā hoti asammosadhammā saddheyyā ca, desakālakattusotunimittehi upanibaddho viya vohāravinicchayo. Teneva ca āyasmatā mahākassapena “Mūlapariyāyasuttaṃ āvuso Ānanda kattha bhāsītan”ti-ādinā desādipucchāsu katāsu tāsāṃ vissajjanaṃ karontena Dhammabhaṇḍāgārikena “evaṃ me sutan”ti-ādinā imassa suttassa nidānaṃ bhāsītaṃ. Apica satthusampattipakāsanatthaṃ nidānavacanāṃ. Tathāgatassa hi bagavato pubbaracanānumānāgamatakkābhāvato<sup>6</sup>

1. Dī 1. 6 piṭṭhe. 2. Khu 7. 144, 148 piṭṭhesu. 3. Ma 3. 107 piṭṭhe.

4. Dī 2. 47 piṭṭhe.

5. Saṃ 1. 258; Saṃ 2. 110 piṭṭhesu.

6. Pubbarañā... (Am-Ṭī 1. 46 piṭṭhe.)

sammāsambuddhabhāvasiddhi. Na hi sammāsambuddhassa pubbaracanādīhi<sup>1</sup> attho atthi sabbattha appaṭihatañānacāratāya ekappamāṇattā ca ñe yyadhammesu. Tathā ācariyamuṭṭhidhammacchariyasāsanasāvakānurodhābhāvato<sup>2</sup> khīṇāsavabhāvasiddhi. Na hi sabbaso khīṇāsavassa te sambhavantīti suvisuddhassa parānuggahappavatti. Evaṃ desakasaṃkilesabhūtānaṃ diṭṭhisīlasampadādūsakānaṃ avijjātaṇhānaṃ accantābhāvasaṃsūcakehi ñāṇasampadāpahānasampadābhibyañjakehi ca sambuddhavisuddhabhāvehi purimavesārajjadvayasiddhi, tato eva ca antarāyikanīyyānikadhammesu sammohābhāvasiddhito pacchimavesārajjadvayasiddhīti bagavato catuvesārajjasamannāgamo attahitaparahitapaṭipatti ca nidānavacanena pakāsītā hoti tattha tattha sampattaparīsāya ajjhāsayaṇurūpaṃ ṭhānuppattikapaṭibhānena dhammadesanādīpanato, idha pana pathavī-ādīsu vatthūsu puthujjanānaṃ paṭipattivibhāgavavattthāpakadesanādīpanatoti yojettabbāṃ. Tena vuttāṃ “satthusampattipakāsanatthāṃ nidānavacanaṃ”ti.

Tathā sāsanasampattipakāsanatthāṃ nidānavacanaṃ. Ñāṇakarūṇāpariggaḥitasabbakiriyassa hi bhagavato natthi niratthikā paṭipatti, attahitatthā vā, tasmā paresāṃ eva atthāya pavattasabbakiriyassa sammāsambuddhassa sakalampi kāyavacīmanokammaṃ yathāpavattaṃ vuccamānaṃ diṭṭhadhammikasamparāyikaparamatthehi yathārahaṃ sattānaṃ anusānaṭṭhena sāsanaṃ, na kabyaracana, tayidaṃ satthucaritaṃ kāladesadesakaparīsāpadesehi saddhiṃ tattha tattha nidānavacanehi yathārahaṃ pakāsīyati, idha pana “pathavīyādīsu vatthūsū”ti sabbāṃ purimasadisameva. Tena vuttāṃ “sāsanasampattipakāsanatthāṃ nidānavacanaṃ”ti. Apica satthuno pamāṇabhāvappakāsanena sāsanaṃ pamāṇabhāvadassanatthāṃ nidānavacanaṃ, tañca desakappamāṇabhāvadassanaṃ heṭṭhā vuttanayānusārena “bagavā”ti ca iminā padena vibhāvīti veditabbāṃ. “Bhagavā”ti iminā tathāgatassa rāgadosamohādisabbakilesamaladuccarītādidosappahānadīpanena vacanena anaññasādhāraṇasuparisuddhañāṇakarūṇādiguṇavisesayogaparidīpanena tato eva sabbasattuttamabhāvādīpanena ayamattho sabbathā pakāsīto hotīti idamettha nidānavacanappayojanassa mukhamattadassanaṃ.

Abbhantarānidānavāṇṇanā niṭṭhitā.

1. Pubbaracaṇādīhi (Am-Ṭī 1. 46 piṭṭhe.)

2. Ācariyamuṭṭhidhammacchariyasāsanasāvakānānurodhābhāvato (Am-Ṭī 1. 46 piṭṭhe.)

### Suttanikkhepavaṇṇanā

**Nikkhittassāti** desitassa. Desanāpi hi desetabbassa sīlādi-atthassa vineyyasantānesu nikkhipanato “nikkhepo”ti vuccati. **Suttanikkhepaṃ vicāretvā vuccamānā pākaṭā hotīti** sāmaññato bagavato desanāsamuṭṭhānassa vibhāgaṃ dassetvā “etthāyaṃ desanā evaṃsamuṭṭhānā”ti desanāya dassite suttassa sammadeva nidānaparijānanena vaṇṇanāya suviññeyyattā vuttaṃ. Evaṃ hi “assutavā bhikkhave puthujjano”ti-ādinā, “yopi so bhikkhave bhikkhu araham khīṇāsavo”ti-ādinā<sup>1</sup>, “Tathāgatopi kho bhikkhave araham sammāsambuddho”ti-ādinā<sup>2</sup> ca pavattadesanā anusandhidassanasukhatāya suviññeyyā hoti. Tattha yathā anekasata-anekasahassabhedānipi suttantāni samkilesabhāgiyādipadhānanayavasena soḷasavidhataṃ nātivattanti, evaṃ attajjhāsayaḍisuttanikkhepavasena catubbidhabhāvanti āha “**cattāro hi suttanikkhepā**”ti.

Ettha ca yathā attajjhāsayaṃ aṭṭhuppattiyā ca parajjhāsayaṃ pucchāhi saddhiṃ saṃsaggabhedo sambhavati “attajjhāsayo ca parajjhāsayo ca, attajjhāsayo ca pucchāvasiko ca, aṭṭhuppattiko ca parajjhāsayo ca, aṭṭhuppattiko ca pucchāvasiko cā”ti ajjhāsayaṃ pucchānusandhisabbhāvato, evaṃ yadipi aṭṭhuppattiyā attajjhāsayaṃ saṃsaggabhedo sambhavati, attajjhāsayaḍīhi pana purato ṭhitehi aṭṭhuppattiyā saṃsaggo natthīti nayidha niravaseso vitthāranayo sambhavatīti “cattāro suttanikkhepā”ti vuttaṃ, tadantogadhattā vā sambhavantānaṃ sesanikkhepānaṃ mūlanikkhepavasena cattārova dassitā. Tathā dassaṇaṃ cettha ayaṃ saṃsaggabhedo gahetabboti.

Tatrāyaṃ vacanattho—nikkhipiyatīti nikkhepo, suttāṃ eva nikkhepo **suttanikkhepo**. Atha vā nikkhipanaṃ nikkhepo, suttassa nikkhepo **suttanikkhepo**, suttadesanāti attho. Attano ajjhāsayo attajjhāsayo, so assa atthi kāraṇabhūtoti **attajjhāsayo**, attano ajjhāsayo etassāti vā **attajjhāsayo**. **Parajjhāsayaṃ** eṣeva nayo. Pucchāya vaso pucchāvaso, so etassa

1. Ma 1. 5 piṭṭhe.

2. Ma 1. 7 piṭṭhe.

atthīti **pucchāvasiko**. Suttadesanāvattubhūtassa atthassa uppatti atthuppatti, atthuppattiyeva aṭṭhuppatti ttha-kārassa tṭha-kāraṃ katvā. Sā etassa atthīti **aṭṭhuppattiko**. Atha vā nikkhipiyati suttaṃ etenāti **suttanikkhepo**, attajjhāsayādi eva. Etasmiṃ pana atthavikappe attano ajjhāsayo **attajjhāsayo**. Paresaṃ ajjhāsayo **parajjhāsayo**. Pucchīyatīti pucchā, pucchitabbo attho. Pucchanavasena pavattaṃ dhammaṭṭiggāhakānaṃ vacanaṃ pucchāvasikaṃ, tadeva nikkhepa-saddāpekkhāya pulliṅgavasena “**pucchāvasiko**”ti vuttaṃ. Tathā aṭṭhuppatti eva **aṭṭhuppattikoti** evampettha attho veditabbo.

Apicettha paresaṃ indriyaparipākādikāraṇanirapekkhattā attajjhāsayassa visuṃ suttanikkhepabhāvo yutto kevalaṃ attano ajjhāsayeneva dhammatantiṭṭhapanatthaṃ pavattitadesanattā. Parajjhāsayapucchāvasikānaṃ pana paresaṃ ajjhāsayapucchānaṃ desanāpavattihetubhūtānaṃ uppattiyāṃ pavattitānaṃ kathamaṭṭhuppattiyāṃ anavarodho, pucchāvasika-aṭṭhuppattikānaṃ vā parajjhāsayānurodhena pavattitānaṃ kathaṃ parajjhāsāye anavarodhoti? Na codetabbametāṃ. Paresaṃ hi abhinīhāraparipucchādivinimuttasseva suttadesanākāraṇuppādassa aṭṭhuppattibhāvena gahitattā parajjhāsayapucchāvasikānaṃ visuṃ gahaṇaṃ. Tathā hi **brahmajāla**<sup>1</sup> **dhammadāyādasuttā**dīnaṃ<sup>2</sup> vaṇṇavaṇṇa-āmisuppādādidesaṇānimittaṃ “aṭṭhuppatti”ti vuccati. Paresaṃ pucchāṃ vinā ajjhāsayāṃ eva nimittaṃ katvā desito parajjhāsayo, pucchāvasena desito pucchāvasikoti pākaṭoyamatthoti.

Attano ajjhāsayeneva **kathesi** dhammatantiṭṭhapanatthanti daṭṭhabbaṃ. **Sammappadhānasuttantahāra**koti anupubbena nikkhittānaṃ saṃyuttake sammappadhānapaṭisaṃyuttānaṃ suttānaṃ āvaḷi. Tathā **iddhipādahāra**kādayo.

**Vimuttiparipācanīyā dhammā** saddhindriyādayo. **Ajjhāsayanti** adhimuttiṃ. **Khantinti** diṭṭhinijjhānakkhantiṃ. **Mananti** cittaṃ<sup>3</sup>. **Abhinīhāra**nti paṇidhānaṃ. **Bujjhanabhāvanti** bujjhanasabhāvaṃ, paṭivijjhanākāraṃ vā.

Uppanne māne nikkhittanti sambandho. Itthilingādīni **tīṇi liṅgāni**. Nāmādīni **cattāri padāni**. Paṭhamādayo **satta vibhattiyo**. **Muñcivā na kiñci katheti**

1. Dī 1. 1 piṭṭhe.

2. Ma 1. 15 piṭṭhe.

3. Paññatticittaṃ (Am-Ṭī 1. 49 piṭṭhe)



sabhāvaniruttīyā tatheva pavattanato. Gaṇṭhibhūtaṃ padaṃ. Yathā hi rukkhasa gaṇṭhiṭṭhānaṃ dubbinibbedhaṃ duttacchitañca hoti, evamevaṃ yaṃ padaṃ atthato vivaritaṃ na sakkā, taṃ “**gaṇṭhipadan**”ti vuccati. **Anupahaccā**ti anuddharitvā.

**Yena yena sambandhaṃ gacchati, tassa tassa anavasesataṃ dīpetī** iminā imassa sabba-saddassa sappadesataṃ dasseti. Sabba-saddo hi sabbasabbaṃ padesasabbaṃ āyatanasabbaṃ sakkāyasabbanti catūsu viseyesu diṭṭhappayo. Tathā hesa “sabbe dhammā sabbākārena buddhasa bhagavato ñāṇamukhe āpāthamāgacchantī”ti-ādīsu<sup>1</sup> sabbasabbasmim āgato. “Sabbesaṃ vo sārīputta subhāsitaṃ pariyāyena”ti-ādīsu<sup>2</sup> padesasabbasmim. “Sabbam vo bhikkhave desessāmi -pa-. Cakkhuñceva rūpā ca -pa-. Mano ceva dhammā cā”ti<sup>3</sup> ettha āyatanasabbasmim. “Sabbam sabbato sañjānātī”ti-ādīsu<sup>4</sup> sakkāyasabbasmim. Tattha sabbasabbasmim āgato nippadeso, itaresu tīsupi āgato sappadeso, idha pana sakkāyasabbasmim veditabbo. Tathā hi vakkhati “sakkāyapariyāpannā pana tebhūmakadhammāva anavasesato veditabbā”ti<sup>5</sup>.

**Saccesūti** ariyasaccesu. **Ete caturo dhammā**ti idāni vuccamāne saccādike cattāro dhamme sandhāya vadati. Tattha **saccanti** vacīsaccam. **Ṭhitūti**<sup>6</sup> vīriyaṃ, “dhitī”ti vā pāṭho, so evattho. **Cāgoti** alobho. **Diṭṭhaṃ so ativattatī**ti yasmim ete saccādayo dhammā upalabbhanti, so diṭṭhaṃ attano amittaṃ atikkamati, na tassa hatthataṃ gacchati, atha kho naṃ abhibhavati evāti attho. **Sabhāve vattati** asabhāvadhammassa kāraṇāsambhavato. Na hi nissabhāvā dhammā kenaci nibbattīyanti. **Attano lakkhaṇaṃ dhārentī**ti yadipi lakkhaṇavinimuttā dhammā nāma natthi, tathāpi yathā diṭṭhitaṇhāparikappitākāramattā attasubhasukhasassatādayo, pakatīyādayo, dabbādayo, jīvādayo, kāyādayo lokavohāramattasiddhā gagaṇakusumādayova saccikaṭṭhaparamatthato na upalabbhanti, na evamete, ete pana saccikaṭṭhaparamatthabhūtā upalabbhanti, tato eva sattādivisesavirahato dhammamattā sabhāvavantoti dassanattaṃ “attano lakkhaṇaṃ dhārentī”ti

1. Khu 7. 277; Khu 8. 175; Khu 9. 377 piṭṭhesu.

3. Saṃ 2. 248 piṭṭhe.

5. Ma-Ṭṭha 1. 19 piṭṭhe.

2. Ma 1. 281 piṭṭhe.

4. Ma 1. 4 piṭṭhe.

6. Dhitīti (bahūsu)

vuttaṃ. Bhavati hi bhedābhāvepi sukhāvabodhanatthaṃ  
upacāramattasiddhena bhedenā niddeso yathā “silāputtakassa sarīraṃ”ti.  
Dhāriyanti vā yathāsabhāvato avadhāriyanti ñāṇantīti **dhammā**,  
kakkhaḷaphusaṇḍādayo.

**Asādhāraṇahetumhīti** asādhāraṇakāraṇe, sakkāyadhammesu tassa tassa  
āveṇikapaccayeti attho. Kim pana tanti? Taṇhāmānadiṭṭhiyo, avijjādayopi  
vā. Yatheva hi pathavī-ādīsu maññānāvattūsu uppajjamānā taṇhādayo  
maññānā tesāṃ pavattiyā mūlakāraṇaṃ, evaṃ avijjādayopi. Tathā hi  
“assutavā puthujjano”ti-ādīnā “apariññātaṃ tassāti vadāmi”ti<sup>1</sup>  
“nandīdukkhassa mūlan”ti<sup>2</sup> ca anvayato, “khayā rāgassa -pa- vītamohattā”ti  
byatirekato ca tesāṃ mūlakāraṇabhāvo vibhāvito.

Pariyāyetaṃ desetabbamatthaṃ avagameti bodhayatīti **pariyāyo**, desanā.  
Pariyāyati attano phalaṃ pariggahetvā vattati, tassa vā kāraṇabhāvaṃ  
gacchatīti **pariyāyo**, kāraṇaṃ. Pariyāyati aparāparaṃ parivattatīti **pariyāyo**,  
vāro. Evaṃ pariyāyasaddassa desanākāraṇavāresu pavatti veditabbā.  
Yathārutavasena aggahetvā niddhāretvā gahetabbatthaṃ **neyyatthaṃ**.  
**Tebhūmakā dhammāva anavasesato veditabbā** maññānāvattubhūtānaṃ  
sabbesaṃ pathavī-ādīdhammānaṃ adhippetattā.

**Kāraṇadesananti** kāraṇāñāpanaṃ desanaṃ. **Taṃ atthanti** taṃ  
sabbadhammānaṃ mūlakāraṇasaṅkhātānaṃ, kāraṇadesanāsaṅkhātānaṃ vā  
atthaṃ. Tenevāha “**taṃ kāraṇaṃ taṃ desanaṃ**”ti. **Ekatthametanti** etaṃ  
padadvayaṃ ekatthaṃ. Sādhū-saddo eva hi ka-kārena vaḍḍhetvā  
“sādhukaṃ”ti vutto. Teneva hi sādhū-saddo atthaṃ vadantena  
atthuddhāravasena sādhukasaddo udāhaṭo. **Dhammarucīti** puññakāmo.  
**Paññāṇavāti** paññāva. **Addubhoti** adūsako, anupaghātakoti attho. **Idhāpīti**  
imasmiṃ Mūlapariyāyasuttepi. **Ayanti** sādhukasaddo. **Ettheva daḷīkammeti**  
sakkaccakiriyāyaṃ. **Āṇattiyanti** āṇāpane. “Suṇātha sādhukaṃ manasi  
karoṭhā”ti hi vutte sādhukasaddena savanamasikāraṇaṃ sakkaccakiriyā  
viya tadāñāpanampi vuttaṃ hoti. Āyācanatthatā viya cassa āṇāpanatthatā  
veditabbā.

1. Ma 1. 1, 2, 3 piṭṭhādīsu.

2. Ma 1. 8 piṭṭhe.

Idānettha evaṃ yojanā veditabbāti sambandho.

**Sotindriyavikkhepavāraṇaṃ** savane niyojanavasena  
kiriyantarpaṭisedhanabhāvato, sotaṃ odahathāti attho.

**Manindriyavikkhepanivāraṇaṃ** aññacintāpaṭisedhanato. **Purimanti**  
“suṇāthā”ti padaṃ. **Etthāti** suṇātha, manasikarothā”ti padadvaye, etasmim  
vā adhikāre. **Byañjanavipallāsaggāhavāraṇaṃ** sotadvāre  
vikkhepaṭibāhakattā. Na hi yāthāvato suṇantassa saddato vipallāsaggāho  
hoti. **Atthavipallāsaggāhavāraṇaṃ** manindriyavikkhepaṭibāhakattā. Na hi  
sakkaccaṃ dhammaṃ upadhārentassa atthato vipallāsaggāho hoti.

**Dhammassavane niyojeti** suṇāthāti vidahanato. **Dhāraṇūpaparikkhāsūti**  
upaparikkhaggahaṇena tulanatīraṇādike diṭṭhiyā ca suppaṭivedham  
saṅgaṇhāti.

**Sabyañjanoti** ettha yathādhippetamatthaṃ byañjayatīti byañjanaṃ,  
sabhāvanirutti. Saha byañjanenāti sabyañjano, byañjanasampannoti attho.  
Araṇīyato upagandhabbato anuṭṭhātabbato attho, catupārisuddhisilādiko.  
Saha atthenāti **sāttho**, atthasampannoti attho. **Dhammagambhīroti**-ādīsu  
**dhammo** nāma tanti. **Desanā** nāma tassā manasā vavatthāpitāya tantiyā  
desanā. **Attho** nāma tantiyā attho. **Paṭivedho** nāma tantiyā tanti-atthassa ca  
yathābhūtāvabodho. Yasmā cete dhammadesanā-atthapaṭivedhā sasādīhi  
viya mahāsamuddo mandabuddhīhi dukkhogāḷhā alabbhaneyyapatiṭṭhā ca,  
tasmā gambhīrā. Tena vuttaṃ “**yasmā ayaṃ dhammo -pa- sādhukaṃ**  
**manasi karoṭhā**”ti. Ettha ca paṭivedhassa dukkarabhāvato dhammatthānaṃ  
desanāñāṇassa dukkarabhāvato desanāya dukkhogāhatā, paṭivedhassa pana  
uppādetum asakkuṇeyyattā tabbisayañāṇuppattiyā ca dukkarabhāvato  
dukkhogāhatā veditabbā.

**Desanaṃ** nāma uddisanaṃ. Tassa niddisanaṃ bhāsananti  
idhādhippetanti āha “**vitthāratopi naṃ bhāsissāmīti vuttaṃ hotī**”ti.  
Pariyattaṃ kathanāṃ vā bhāsanāṃ. **Sālikāyiva nigghosoti** sālikāya ālāpo  
viya madhuro kaṇṇasukho pemaṇīyo. **Paṭibhānanti** saddo. **Udīrayīti**  
uccārīyati, vuccati vā.

**Evam vutte ussāhajātā**ti evam “suṇātha sādhuḥkaṃ manasi karotha bhāsissāmī”ti vutte na kira satthā saṅkhepeveva desessati, vitthārenapi bhāsissatīti sañjātussāhā haṭṭhatuṭṭhā hutvā. **Idhā**ti iminā vuccamāna-adhikaraṇaṃ tassa puggalassa uppattiṭṭhānabhūtaṃ adhippetanti āha “**desāpadese nipāto**”ti. **Lokanti** okāsalokaṃ. **Idha tathāgato loketi** hi jātikhettaṃ, tatthāpi ayaṃ cakkavālo adhippeto. **Samaṇoti** sotāpanno. **Dutiyo samaṇoti** sakadāgāmī. Vuttaṃ hetam “katamo ca bhikkhave samaṇo? Idha bhikkhave bhikkhu tiṇṇaṃ saṃyojanānaṃ parikkhayā sotāpanno hotī”ti<sup>1</sup>, “katamo ca bhikkhave dutiyo samaṇo? Idha bhikkhave bhikkhu tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmī hotī”ti<sup>2</sup> ca. **Idheva tiṭṭhamānassāti** imissā eva indasālaguhāyaṃ tiṭṭhamānassa.

2. **Assutavā**ti ettha<sup>3</sup> **sutanti** sotadvārānusārena upadhāritaṃ, upadhāraṇaṃ vā, sutam assatīti sutavā. Vā-saddassa hi attho atthitāmattādivasena anekavidho. Tathā hi “antavā ayaṃ loko parivaṭṭumo”ti-ādīsu<sup>4</sup> atthitāmattaṃ attho. “Dhanavā bhogavā, lābhī annassā”ti ca ādīsu bahubhāvo. “Rogavā hoti rogābhībhūto”ti-ādīsu kāyābādho. “Kuṭṭhī kuṭṭhacīvarenā”ti-ādīsu nindā, “issukī maccharī saṭho māyāvino keṭabhino”ti-ādīsu abhiṇṇayogo. “Daṇḍī chattī alambarī”ti-ādīsu<sup>5</sup> saṃsaggo. “Paṇḍito vāpi tena so”ti-ādīsu<sup>6</sup> upamānaṃ, sadisabhāvoti attho. “Tam vāpi dhīrā munim vedayanti”ti-ādīsu<sup>7</sup> samuccayo. “Ke vā ime kassa vā”ti-ādīsu<sup>8</sup> saṃsayo. “Ayaṃ vā imesaṃ samaṇabrāhmaṇānaṃ sabbabālo sabbamūlho”ti-ādīsu<sup>9</sup> vibhāvano. “Na vāyaṃ kumāro mattamaññāsī”ti-ādīsu<sup>10</sup> padapūraṇaṃ. “Ye hi keci bhikkhave samaṇā vā brāhmaṇā vā”ti-ādīsu<sup>11</sup> vikappo. “Sakyaputtassa

1. Am 1. 560 piṭṭhe.

2. Am 1. 561 piṭṭhe.

3. Am-Ṭī 1. 100 piṭṭhādīsu passitabbaṃ.

4. Dī 1. 21; Khu 9. 150 piṭṭhesu.

5. Visuddhi 1. 203; Vi-Ṭṭha 1. 95 piṭṭhesu.

6. Khu 1. 22 piṭṭhe Dhammapade.

7. Khu 1. 309 piṭṭhe Suttanipāte.

8. Vi 1. 197 piṭṭhe.

9. Dī 1. 55 piṭṭhe.

10. Saṃ 1. 418 piṭṭhe.

11. Ma 1. 122 piṭṭhe.

sirīmato<sup>1</sup>, sīlavato sīlasampattiyā kalyāṇo kittisaddo abhuggacchatī”ti<sup>2</sup> ca ādīsu pasamsā. “Paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā”ti-ādīsu<sup>3</sup> atisayo. Idhāpi atisayo, pasamsā vā attho, tasmā yassa pasamsitaṃ, atisayena vā sutam atthi, so sutavāti saṃkilesavidhamśanasamattham pariyaṭṭidhammassanam, tam sutvā tathattāya paṭipatti ca “sutavā”ti iminā saddena pakāsītā. Atha vā sotabbayuttam sutvā kattabbanipphattivasena suṇṭi sutavā, tappaṭikkhepena na sutavāti assutavā.

Ayam hi a-kāro “ahetukā dhammā<sup>4</sup>, abhikkhuko āvāso”ti-ādīsu<sup>5</sup> taṃsahayoganivattiyam icchito. “Apaccayā dhammā”ti<sup>4</sup> taṃsambandhībhāvanivattiyam. Paccayuppannam hi paccayasambandhī appaccayuppannattā abhamśambandhitā ettha jotitā. “Anidassanā dhammā”ti<sup>4</sup> taṃsabhāvanivattiyam. Nidassanam hi daṭṭhabbatā. Atha vā passatīti nidassanam, cakkhuviññānam, taggahetabbabhāvanivattiyam yathā “anāsavā dhammā”ti<sup>6</sup>, “appaṭighā dhammā<sup>4</sup>, anārammaṇā dhammā”ti<sup>7</sup> taṃkiccanivattiyam, “arūpino dhammā<sup>6</sup> acetasikā dhammā”ti<sup>7</sup> tabbhāvanivattiyam. Tadaññathā hi ettha pakāsītā. “Amanusso”ti tabbhāvamattanivattiyam. Manussamattam natthi, aññam samānanti. Sadisatā hi ettha sūcitā. “Assamaṇo samaṇapaṭiñño, anariyo”ti<sup>8</sup> ca taṃsambhāvanīyaguṇanivattiyam. Garahā hi idha ñāyati. “Kacci bhoto anāmayam, anudarā kaññā”ti<sup>9</sup> tadanappabhāvanivattiyam, “anuppannā dhammā”ti<sup>10</sup> taṃsadisabhāvanivattiyam. Atītānam hi uppannapubbattā uppādidhammānaṃca paccayekadesanipphattiyā āradhuppādibhāvato kālavimuttassa ca vijjamānattā uppannānukūlatā pageva paccuppannānanti tabbidūrātāva ettha viññāyati. “Asekkhā dhammā”ti<sup>11</sup> tadapariyosānanivattiyam. Tanniṭṭhānam hi ettha pakāsītanti. Evamanekesam atthānam jotako. Idha pana “arūpino dhammā acetasikā dhammā”ti-ādīsu viya

---

1. Dī 3. 159 piṭṭhe.

2. Dī 2. 73; Dī 3. 197; Am 2. 221; Vi 3. 322 piṭṭhesu.

3. Dī 3. 198, 232 piṭṭhesu.

4. Abhi 1. 4 piṭṭhe.

5. Vi 2. 412 piṭṭhe.

6. Abhi 1. 5 piṭṭhe.

7. Abhi 1. 9 piṭṭhe.

8. Am 1. 107 piṭṭhe.

9. Khu 5. 327; Khu 6. 77 piṭṭhesu.

10. Abhi 1. 3 piṭṭhe.

11. Abhi 1. 2 piṭṭhe.

tabbhāvanivattiyam daṭṭhabbo, aññattheti attho. Etenassa sutādiñānavirahataṃ dasseti. Tena vuttam “**āgamādhigamābhāvā ñeyyo assutavā itī**”ti.

Idāni tassa attham vivaranto yasmā khandhadhātuvādikosallenapi maññanāpaṭisedhanasamattham bāhusaccaṃ hoti. Yathāha “kittāvatā nu kho bhante bahussuto hoti? Yato kho bhikkhu khandhakusalo hoti dhātu, āyatana, paṭiccasamuppādakusalo hoti, ettāvatā kho bhikkhu bahussuto hoti”ti, tasmā “**yassa hi khandhadhātu-āyatanasaccapaccayākārasatipaṭṭhānādīsū**”ti-ādi vuttam. Tattha vācuggatakarāṇam **uggaho**. Atthaparipucchanaṃ **paripucchā**. Kusalehi saha codanāpariharaṇavasena vinicchayakaraṇam **vinicchayo**. Maggaphalanibbānāni **adhigamo**.

Bahūnam<sup>1</sup> nānappakārānam kilesasakkāyadiṭṭhīnam avihatattā tā janenti, tāhi vā janitāti puthujjanā. Avighātameva vā jana-saddo vadati. **Puthu satthārānam mukhamullokikā**ti ettha puthu janā satthupaṭiññā etesanti **puthujjanā**ti vacanatto. **Puthu sabbagatīhi avuṭṭhitā**ti ettha janetabbā, jāyanti vā ettha sattāti janā, nānāgatiyo, tā puthū etesanti **puthujjanā**. Ito pare jāyanti etehīti janā, abhisankhārādayo, te etesaṃ puthū vijjantīti **puthujjanā**. Abhisankharaṇādi-attho eva vā jana-saddo daṭṭhabbo. **Oghā** kāmoghādayo. Rāgaggi-ādayo **santāpā**. Te eva, sabbepi vā kilesā **pariḷāhā**. **Puthu pañcasu kāmaguṇesu rattāti** ettha jāyatīti jano, rāgo gedhobhi evamādiko, puthu jano etesanti **puthujjanā**. Puthūsu vā janā jātā rattāti evaṃ rāgādi-attho eva vā janasaddo daṭṭhabbo. **Rattāti** vattham viya raṅgajātena cittassa vipariṇāmakarena chandarāgena rattā sārattā. **Giddhāti** abhikaṅkhanasabhāvena abhijjhānena giddhā gedham āpannā. **Gadhitāti** ganthitā viya dummocaniyabhāvena tattha paṭibaddhā. **Mucchitāti** kilesavasena visaññibhūtā viya anaññakiccā muccham mohamāpannā. **Ajjhosannāti** anaññasādhāraṇe viya katvā gilitvā pariniṭṭhapetvā ṭhitā. **Laggāti** vaṅkadanḍake viya āsattā mahāpalipe vā yāva nāsikaggā palipannapuriso viya uddharitum asakkuṇeyyabhāvena

---

1. Mūlaṭī 1. 161 piṭṭhādīsupi passitabbaṃ.

nimuggā. **Lagītā**ti makkaṭālepe ālaggabhāvena paccuḍḍito viya makkaṭo pañcannaṃ indriyānaṃ vasena ālaggitā. **Palibuddhāti** baddhā, upaddutā vā. **Āvuṭāti** āvunitā. **Nivutāti** nivāritā. **Ovutāti** paliguṇṭhitā, pariyonaddhā vā. **Pihitāti** pidahitā. **Paṭicchannāti** paṭicchāditā. **Paṭikujjitāti** heṭṭhāmukhajātā. **Puthūnaṃ vā gaṇanapathamatītānanti**-ādinā puthu jano puthujjanoti dasseti.

“Assutavā”ti etena avijjandhatā vuttāti āha “**andhaputhujjano vutto hotī**”ti. **Ārakattā**<sup>1</sup> **kilesehi** maggena samucchinnattā. **Anayeti** avaḍḍhiyaṃ, anattheti attho. **Anaye** vā anupāye. **Na-iriyanato** avattanato. **Ayeti** vaḍḍhiyaṃ, at the, upāye vā. **Araṇīyatoti** payirupāsitabbato. Niruttinayena padasiddhi veditabbā purimesu atthavikappesu, pacchime pana saddasatthavasenapi. Yadiipi ariya-saddo “ye hi vo ariyā parisuddhakāyakammantā”ti-ādīsu<sup>2</sup> visuddhāsaya payogesu puthujjanesupi vattati, idha pana ariyamaggādhi gamena sabbalokuttarabhāvena ca ariyabhāvo adhippetoti dassento āha “**buddhā**”ti-ādi. Tattha “**paccekabuddhā tathāgatasāvaka ca sappurisā**”ti idaṃ ariyā sappurisāti idha vuttapadānaṃ atthaṃ asaṅkarato dassetuṃ vuttaṃ. Yasmā pana nippariyāyato ariyasappurisabhāvā abhinna sabhāvā, tasmā “**sabbeva vā**”ti-ādi vuttaṃ.

**Ettāvatā hi buddhasāvako vutto.** Tassa hi ekantena kalyāṇamitto icchitabbo paratoghosa mantarena paṭhamamaggassa anuppajjanato. Viseso cassa bagavāva **kalyāṇamitto** adhippeto. Vuttaṃ hettaṃ “mamaṃ hi ānanda kalyāṇamittaṃ āgamma jātidhammā sattā jātiyā parimuccanti”ti-ādi<sup>3</sup>. So eva ca aveccapasādādhigamena **dalhabhatti** nāma. Vuttampi cettaṃ “yaṃ mayā sāvakaṇaṃ sikkhāpadaṃ paññattaṃ, taṃ mama sāvaka jīvitahetupi nātikkamanti”ti<sup>4</sup>. **Kataññutādīhi paccekabuddhā buddhāti** ettha kataṃ jānātīti kataññū. Kataṃ viditaṃ pākaṭaṃ karotīti katavedī. Anekesupi hi kappasatasahasseeu kataṃ upakāraṃ jānanti paccekabuddhā pākaṭaṃca karonti

1. Saṃ-Tī 2. 202 piṭṭhādīsipi passitabbaṃ.

2. Ma 1. 20 piṭṭhe.

3. Saṃ 3. 3 piṭṭhe.

4. Khu 1. 143; Vi 4. 421 piṭṭhesu.

satijanana-āmisapaṭiggahaṇādinā, tathā saṃsāradukkhadukkhitaṃ sakkaccaṃ karonti kiccaṃ, yaṃ attanā kātuṃ sakkā. Sammāsambuddho pana kappānaṃ asaṅkhyeyyasahasasupī kataṃ upakāraṃ maggaphalaṇaṃ upanissayaṅca jānāti, pākāṭaṅca karoti, siho viya ca evaṃ sabbattha sakkaccameva dhammadesanaṃ karonto buddhakkiccaṃ karoti. Yāya paṭipattiyā diṭṭhā nāma honti, tassā appaṭipajjanabhāvo, tattha ca ādarābhāvo ariyānaṃ adassanasīlatā ca, na ca dassane sādhu-kāritā ca vedītabbā.

**Cakkhunā-adassāvīti** ettha **cakkhu** nāma na maṃsacakkhu eva, atha kho dibbacakkhupīti āha “**dibbacakkhunā vā**”ti. **Ariyabhāvoti** yehi yogato “ariyā”ti vuccanti, te maggaphaladhammā daṭṭhabbā.

**Tatrāti** nāṇadassanasseva dassanabhāve. **Vatthūti** adhippetatthañāpanakāraṇaṃ. **Evaṃ vuttepīti** evaṃ aññāpadesena attūpanāyikaṃ katvā vuttepi. **Dhammanti** lokuttaradhammaṃ, catusaccadhammaṃ vā. **Ariyakaradhammā** aniccānupassanādayo vipassiyamānā aniccādayo, cattāri vā ariyasaccāni.

**Avinītoti** na vinīto, adhisīlasikkhādivasena na sikkhito. Yesaṃ saṃvaravinayādīnaṃ abhāvena ayaṃ avinītoti vuccati, te tāva dassetuṃ “**duvidho vinayo nāmā**”ti-ādimāha. Tattha **sīlasaṃvaroti** pātimokkhasaṃvaro vedītabbo, so ca atthato kāyikavācasiko avītikamo. **Satisaṃvaroti** indriyarakkhā, sā ca tathāpavattā sati eva. **Ñāṇasaṃvaroti** “sotānaṃ saṃvaram brūmi”ti<sup>1</sup> vatvā “paññāyete pidhīyare”ti<sup>1</sup> vacanato sotasaṅkhātānaṃ taṇhādiṭṭhiduccarita-avijjā-avasīṭṭhakilesānaṃ saṃvaro pidhanaṃ samucchedañāṇanti vedītabbaṃ. **Khantisaṃvaroti** adhivāsana, sā ca tathāpavattā khandhā, adoso vā. Paññāti eke, taṃ aṭṭhakathāya virujjhati. **Vīriyasaṃvaro** kāmavitakkādīnaṃ vinodanasena pavattaṃ vīriyameva. Tena tena guṇaṅgena tassa tassa aguṇaṅgassa pahānaṃ **tadaṅgapahānaṃ**. Vikkhambhanaṃ pahānaṃ **vikkhambhanapahānaṃ**. Sesapadattayepi eseva nayo.

**Iminā pātimokkhasaṃvarenāti**-ādi sīlasaṃvarādīnaṃ vivaraṇaṃ. Tattha **samupetoti** ettha **iti**-saddo ādi-attho. Tena “sahagato

---

1. Khu 1. 434 piṭṭhe Suttanipāte.



samupagato”ti-ādinā **vibhaṅge**<sup>1</sup> āgataṃ saṃvaravibhaṅgaṃ dasseti. Esa nayo sesesupi. Yaṃ panettha vattabbaṃ, taṃ anantarasutte āvi bhavissati.

**Kāyaduccaritādīnanti** dussīlyasaṅkhātānaṃ kāyavacīduccaritādīnaṃ muṭṭhassaccasaṅkhātassa pamādassa abhijjhādīnaṃ vā akkhanti-aññāṅkosajjānaṅca. **Saṃvaraṇatoti** pidahanato thakanato. **Vinayanatoti** kāyavācācittānaṃ virūpappavattiyā vinayanato apanayanato, kāyaduccaritādīnaṃ vā **vinayanato**, kāyādīnaṃ vā jimhappavattim vicchinditvā ujukaṃ nayanatoti attho. Paccayasamavāye uppajjanārahānaṃ kāyaduccaritādīnaṃ tathā tathā anuppādanameva **saṃvaraṇaṃ vinayanaṅca** veditabbaṃ.

Yaṃ pahānanti sambandho. “**Nāmarūpaparicchedādīsū vipassanāññāṅesū**”ti kasmā vuttaṃ, nanu nāmarūpaparicchedapaccayapariggahakaṅkhāvitaraṇāni na vipassanāññāṅāni sammasanākārena appavattanato? Saccametaṃ, vipassanāññāṅassa pana adhiṭṭhānabhāvato evaṃ vuttaṃ. “Nāmerūpamattamidaṃ, natthi ettha attā vā attaniyaṃ vā”ti evaṃ pavattaññāṅaṃ **nāmarūpavavattānaṃ**. Sati vijjamāne khandhapaṅcakasaṅkhāte kāye, sayāṃ vā satī tasmim kāye diṭṭhīti **sakkāyadiṭṭhi**, “rūpaṃ attato samanupassati”ti<sup>2</sup> evaṃ pavattā micchādiṭṭhi. Tasseva rūpārūpassa kammāvijjādipaccayapariggaṇhanaññāṅaṃ **paccayapariggaho**. “Natthi hetu natthi paccayo sattānaṃ saṅkilesāyā”ti<sup>3</sup> ādinayappavattā **ahetukadiṭṭhi**. “Issarapurisapajāpatipakati-aṅukālādīhi loko pavattati nivattati cā”ti pavattā **visamahetudiṭṭhi**. Tassevāti paccayapariggahasseva. **Kaṅkhāvitaraṇenāti** yathā etarahi nāmarūpassa kammādiṭṭhāyato uppatti, evaṃ atītānāgatapaccuppannaṃ tīsupi kālesu vicikicchāpanayanaññāṅena. **Kathānkathībhāvassāti** “ahosiṃ nu kho ahamatītāmadhānaṃ”ti<sup>4</sup> ādinayappavattāya saṃsayappavattiyā. **Kalāpasammasanenāti** “yaṃ kiñci rūpaṃ atītānāgatapaccuppannaṃ”ti-ādinā<sup>5</sup> khandhapaṅcakaṃ ekādasasu okāsesu pakkhipitvā sammasanavasena pavattena nayavipassanāññāṅena. **Ahaṃ mamāti gāhassāti** attattaniyagahaṅassa. **Maggāmaggaṇavavattānaṃ** maggāmaggaññāvisuddhiyā. **Amagge maggasāññāyāti** obhāsādike amagge “maggo”ti uppannasāññāyā.

1. Abhi 2. 255 piṭṭhe.

3. Dī 1. 50 piṭṭhe.

5. Ma 1. 297; Ma 2. 84; Ma 3. 67, 69 piṭṭhesu.

2. Saṃ 2. 79, 80, 81, 478 piṭṭhesu.

4. Ma 1. 10; Saṃ 1. 265 piṭṭhesu.

Yasmā sammadeva saṅkhārānaṃ udayaṃ passanto “evameva saṅkhārā anurūpakāraṇato uppajjanti, na pana ucchijjanti”ti gaṇhāti, tasmā vuttaṃ “**udayadassanena ucchedadiṭṭhiyā**”ti. Yasmā pana saṅkhārānaṃ vayaṃ passanto “yadipime saṅkhārā avicchinnā vattanti, uppannuppannā pana appaṭisandhikā nirujjhantevā”ti passati, tassevaṃ passato kuto sassataggāho, tasmā vuttaṃ “**vayadassanena sassatadiṭṭhiyā**”ti. **Bhayadassanenāti** bhayatupaṭṭhānañāṇena. **Sabhayeti** sabbabhayānaṃ ākarabhāvato sakaladukkhavūpasamasāṅkhātassa paramassāsassa paṭipakkhabhāvato ca sabhaye khandhapañcake. **Abhayasaññāyāti** “abhayaṃ khemaṃ”ti uppannasaññāya. **Assādasaññā** nāma pañcupādānakkhandhesu assādavasena pavattasaññā, yā “ālayābhiniveso”tipi vuccati. **Abhiratisaññā** tattheva abhirativasena pavattasaññā, yā “nandi”tipi vuccati. **Amuccitukamyatā** ādānaṃ. **Anupekkhā** saṅkhārehi anibbindanaṃ, sālayatāti attho. **Dhammaṭṭhitiyaṃ** paṭiccasamuppāde **paṭilomabhāvo** sassatucchedaggāho, paccayākārapaṭicchādakamoho vā, **nibbāne paṭilomabhāvo** saṅkhāresu rati, nibbānapaṭicchādakamoho vā. **Saṅkhāranimittaggāhoti** yādisassa kilesassa appahīnattā vipassanā saṅkhāranimittaṃ na muñcati, so kilesa, yo “saṃyogābhiniveso”tipi vuccati. Saṅkhāranimittaggahaṇassa atikkamanameva vā **pahānaṃ**.

Pavatti eva **pavattibhāvo**, pariyaṭṭhānanti attho.

**Nīvaraṇādiddhammānanti** ettha **ādi**-saddena nīvaraṇapakkiyā kilesā vitakkavicārādayo ca gayhanti.

Catunnaṃ ariyamaggānaṃ bhāvitattā accantaṃ appavattibhāvena yaṃ pahānanti sambandho. Kena pahānanti? Ariyamaggehevāti viññāyamānoyamatto tesāṃ bhāvitattā appavattivacanato.

**Samudayapakkhikassāti** ettha cattāropi maggā catusaccābhisamayāti katvā tehi pahātabbena tena tena samudayena saha pahātabbattā samudayasabhāgattā, saccavibhaṅge ca sabbakilesānaṃ samudayabhāvassa vuttattā “samudayapakkhikā”ti diṭṭhi-ādayo vuccanti. **Paṭippassaddhattaṃ vūpasantaṭā**. **Saṅkhatanissatāṭā** saṅkhārasabhāvābhāvo.

**Pahīnasabbasaṅkhatanti** virahitasabbasaṅkhatāṃ, visaṅkhāranti attho.

Pahānañca taṃ vinayo cāti **pahānavinayo** purimena atthena, dutiyena pana pahīyatīti pahānaṃ, tassa vinayoti yojetabbaṃ.

**Bhinnasaṃvarattā**ti naṭṭhasaṃvarattā, saṃvarābhāvatoti attho. Tena asaṃādinnasaṃvaropi saṅgahito hoti. Saṃādānena hi sampādetabbo saṃvaro tadabhāve na hotīti. Evaṃ hi loke vattāro honti “mahā vata no bhogo, so naṭṭho tathā akatattā”ti. **Ariyeti** ariyo. Paccattavacanaṃ hetam. **Eseseti** eso so **eva**, atthato anaññoti attho. **Tajjātet**i atthato taṃsabhāvo, sappuriso ariyasabhāvo, ariyo ca sappurisasabhāvoti attho.

**Taṃ atthanti** “sabbadhammāmūlapariyāyan”ti evaṃ vuttamattham. Kasmā panettha puggalādhiṭṭhānā desanā katāti? Yadettha vattabam, taṃ “yasmā puthujjano apariññātavatthuko”ti-ādinā<sup>1</sup> sayameva vakkhati. Dhammo adhiṭṭhānaṃ etissāti **dhammādhiṭṭhānā**, sabhāvadhamme nissāya pavattitadesanā. Dhammaseneva pavattā paṭhamā, puggalavasena uṭṭhahitvā puggalavaseneva gatā tatiyā, itarā dhammapuggalānaṃ vomissakavasena. Kasmā pana bagavā evaṃ vibhāgena dhammaṃ desetīti? Veneyyajjhāsayena desanāvilāsena ca. Ye hi veneyyā dhammādhiṭṭhānāya dhammadesanāya sukhena attham paṭivijjhanti, tesam tathā dhammaṃ desetī. Esa nayo sabbattha. Yassā ca dhammadhātuyā suppaṭividdhattā desanāvilāsappatto hoti, sāyam suppaṭividdhā, tasmā desanāvilāsappatto dhammissaro dhammarājā yathā yathā icchati, tathā tathā dhammaṃ desetīti evaṃ iminā veneyyajjhāsayena desanāvilāsena ca evaṃ vibhāgena dhammaṃ desetīti vedītabbo.

**Chadhāturo**ti pathavīdhātu āpo tejo vāyo ākāśadhātu viññāṇadhātūti imesaṃ channaṃ dhātūnaṃ vasena chadhāturo. “Cakkhunā rūpaṃ disvā somanassaṭṭhāniyam rūpaṃ upavicarati”ti-ādinā<sup>2</sup> vuttānaṃ channaṃ somanassūpavicārānaṃ, channaṃ domanassa-upekkhūpavicārānaṃca vasena **aṭṭhārasamanopavicāro**. Saccādhiṭṭhānādivasena **caturādhiṭṭhāno**. Paññācakkhunā diṭṭhadhammikassa samparāyikassa ca atthassa adassanato **andho**, diṭṭhadhammikasseva dassanato **ekacakkhu**, dvinnampi dassanato **dvicakkhu** vedītabbo.

1. Ma-Ṭṭha 1. 26 piṭṭhe.

2. Dī 3. 203 piṭṭhe.

Svāyaṃ niddisīti sambandho. **Svāyanti** ca so ayaṃ, yathāvuttadesanāvibhāgakusalo bagavāti attho. **Apariññātavatthukoti** tīhi pariññāhi apariññātakhandho. Khandhā hi pariññātavatthu. **Apariññāmūlikā** pariḷānaṅbhāvanimittā tasmim sati bhāvato. Pariññānaṃ hi avijjādayo kilesā paṭipakkhā tammūlikā ca sabbamaññanāti. **Ariyānaṃ adassāvī**ti ettha **iti**-saddo ādi-attho. Tena “ariyadhammassa akovido”ti-ādikaṃ puthujjanassa visesanabhāvena pavattaṃ pālisesaṃ gaṇhāti puthujjananiddesabhāvato. Tenāha “**evaṃ puthujjanaṃ niddisi**”ti.

### Pathavīvāraṇṇanā

**Tassā**ti puthujjanassa. Vasati ettha ārammaṇakaraṇavasenāti ārammaṇampi **vatthū**ti vuccati pavattiṭṭhānabhāvato āha “**pathavī-ādīsu vatthūsū**”ti. Sakkāyadhammānampi ārammaṇādīnā satipi maññanāhetubhāve maññanāhetukatteneva tesāṃ nibbattitoti vuttaṃ “**abbasakkāyadhammajanitaṃ maññanaṃ**”ti. Ettha ca pathavīdhātu sesadhātūnaṃ sasambhārāsambhārabhāvā satipi pamāṇato samabhāve sāmattiyato adhikānadhikabhāvena veditabbā. Sambharantīti **sambhārā**, parivārā. Tamtaṃkalāpehi lakkhaṇapathaviyā sesadhammā yathārahaṃ paccayabhāvena parivārabhāvena ca pavattanti. Tenāha “**sā hi vaṇṇādīhi sambhārehi saddhim pathavīti sasambhārapathavī**”ti. **Pathavitoti** ettha puthulaṭṭhena puthuvī, puthuvī eva pathavī. Sā hi satipi paricchinnavuttiyaṃ sabbesaṃ sakalāpabhāvānaṃ ādhārabhāvena pavattamānā puthulā patthaṭṭā vitthiṇṇāti vattabbataṃ arahati, na pana taṃ anupavisitvā pavattamānā āpādayo. Sasambhārapathaviyā pana puthulabhāve vattabbameva natthi. **Ārammaṇapathaviyaṃ** vaḍḍhanapharaṇaṭṭhehi puthulaṭṭho, itarasmim ruḷhiyāva daṭṭhabbo. **Ārammaṇapathavī**ti jhānassa ārammaṇabhūtaṃ pathavīsāṅkhātaṃ paṭibhāganimittam. Tenāha “**nimittapathavītipi vuccatī**”ti. **Āgamanavasenā**ti pathavīkasiṇabhāvanāgamanavasena. Tathā hi vuttaṃ “āpo ca devā pathavī, tejo vāyo tadāgamun”ti<sup>1</sup>.

**Sabbāpī**ti catubbidhā pathavīpi. Anussavādimattaladdhā maññanā vatthu hotiyeva. Tathā hi “kakkhaḷaṃ kharigatan”ti-ādīnā<sup>2</sup> lakkhaṇapathavīpi uddharīyati.

1. Dī 2. 207 piṭṭhe.

2. Abhi 2. 84 piṭṭhe.

Yam paneke vadanti “lakkhaṇe diṭṭhe maññanā natthi, sañjānātīti vuttasaññā ca diṭṭhiggāhassa mūlabhūtā piṇḍaggāhikā, sā lakkhaṇe nakkhamati, tasmā lakkhaṇapathavī na gahetabbā”ti, tadayuttaṃ lakkhaṇapaṭivedhassa idha anadhippetattā. Tenāha “**lokavohāraṃ gahetvā**”ti. Na ca sabbasaññā piṇḍaggāhikā, nāpi diṭṭhiggāhasseva mūlabhūtā, tasmā lakkhaṇapathaviyāpi kāyadvārānusārena aññathā ca upaṭṭhitāya maññanā pavattateva. Teneva ca “anussavādimattaladdhā”ti vuttaṃ. **Pathavitoti** paccatte nissakkavacananti dassento “**pathavīti sañjānātī**”ti āha. Yasmā catubbidhampi pathaviṃ “pathavī”ti sañjānanto tena tena nayena pathavikoṭṭhāseneva sañjānātīti vuccatī, na āpādikoṭṭhāsena, tasmā vuttaṃ “**pathavībhāgena sañjānātī**”ti. **Lokavohāraṃ gahetvāti** lokasamaññaṃ avijahitvā. Etena lakkhaṇapathaviyampi vohāramukhenevassā pavattīti dasseti.

Yadi lokavohārena tattha pavatti, ko ettha doso, nanu ariyāpi “ayaṃ hi bhante mahāpathavī”ti-ādinā lokavohārena pavattantīti? Na ettha vohāramatte avatṭhānaṃ adhippetam, atha kho vohāramukhena micchābhinivesoti dassento “**saññāvipallāsena sañjānātī**”ti āha. Tassattho— ayonisomanasikārasambhūtāya “subhan”ti-ādinayappavattāya viparītasaññāya sañjānātīti. Etena dubbalā taṇhāmānadiṭṭhimaññanā dassitāti daṭṭhabbaṃ. Yadi evaṃ kasmā saññā gahitāti? Pākaṭabhāvato. Yathā nāma aggamhi mathiyamāne yadā dhūmo upalabbhati, kiñcāpi tadā vijjateva pāvako avinābhāvato, pākaṭabhāvato pana dhūmo jātoti vuccati, na aggi jātoti, evaṃsampadamidaṃ daṭṭhabbaṃ. Yādipi tattha maññanākkiccam atthi, na pana vibhūtaṃ apākaṭabhāvato saññākkiccameva vibhūtaṃ, taṃ pana maññanānukūlaṃ maññanāsahitaṃ cāti āha “saññāvipallāsena sañjānātī”ti. Evaṃ pathavībhāgaṃ amuñcantoyeva vā sañjānātīti sambandho. Yo hi vuttappabhedāya pathaviyā pathavībhāgaṃ amuñcantoyeva avijahantoyeva sīsapiṇḍe suvaṇṇasaññī viya anattādisabhāvaṃyeva taṃ attādivasena sañjānāti, tassa vasena vuttaṃ “pathavī”ti-ādi. **Na vattabbaṃ** puthujjanaggāhassa yuttimaggananivāraṇatoti dassento āha “**ummattako viya -pa-**

**gaṇhātī**”ti. **Ariyānaṃ adassāvitādibhedanti** ariyānaṃ adassāvitādivisesaṃ vadantena bhagavatāva ettha yathāvuttasañjānane kāraṇaṃ vuttanti yojanā.

Evanti “pathavībhāgena sañjānātī”ti-ādinā vuttappakārena. **Sañjānitvāti** pubbakālakiriyānidhesoti āha “**aparabhāge -pa- gaṇhātī**”ti. **Papañcasāṅkhātī** papañcakoṭṭhāsā. Papañcanti sattā saṃsāre cirāyanti etehīti **papañcā**, “etaṃ mamā”ti-ādinā parikkappenti etāhīti **maññanāti** dvīhipi pariyāyehi taṇhādayova vuttāti āha “**taṇhāmānaditṭhipapañcehi idha maññanānāmena vuttehi**”ti. Ajaññassa jaññato, aseyyādikassa seyyādito gahaṇato ditṭhimaññanā viya taṇhāmānāmaññanāpi aññathā gāho evāti āha “**aññathā gaṇhātī**”ti. Ārammaṇābhiniropanādinā bhinnasabhāvānampi vitakkādīnaṃ sādharmaṇo upanijjhāyanasabhāvo viya anugijjhanuṇṇatiparāmasanasabhāvānampi taṇhādīnaṃ sādharmaṇena ārammaṇaparikkappanākārena pavatti **maññanāti** daṭṭhabbaṃ. Tenāha “**tīhi maññanāhi maññati**”ti-ādi. **Assāti** puthujjanassa, udayabbayānupassanādīsū viya sukhumanayenapi maññanāpavatti atthīti vibhāvanasukhatāya thūlaṃyeva taṃ dassetukāmo “**oḷārikanayenā**”ti āha. Oḷārike hi vibhāge dassite sukhumavibhāvanā sukarāti dassetuṃ ayamatthayojanā vuccatīti sambandho. **Ajjhattikāti** indriyabaddhā sattasantānapariyāpannā niyakajjhattā **vuttā** vibhaṅge paṭisambhidāmagge ca.

**Vibhaṅgeti** dhātu vibhaṅge<sup>1</sup>. **Bāhirāti** anindriyabaddhā saṅkhārasantānapariyāpannā. **Kakkhaḷanti** thaddhaṃ. **Kharigatanti** pharusaṃ. Kakkhaḷabhāvo **kakkhaḷattam**. **Kakkhaḷabhāvoti** kakkhaḷasabhāvo. **Bahiddhāti** indriyabaddhato bahiddhābhūtaṃ. **Anupādinnanti** na upādinnaṃ. **Ayoti** kāḷalohaṃ. **Lohanti** jātilohaṃ vijātilohaṃ kittimalohaṃ piṣācalohanti catubbidhaṃ. Tattha ayo sajjhu suvaṇṇaṃ tipu sīsaṃ tambalohaṃ vekantakalohanti imāni satta **jātilohāni** nāma, nāganāsikālohaṃ **vijātilohaṃ** nāma, kaṃsalohaṃ vaṭṭalohaṃ āraḷanti tīni **kittimalohāni** nāma, morakkhakaṃ puthukaṃ malinakaṃ capalakaṃ salakaṃ āḷalaṃ

1. Abhi 2. 84 piṭṭhe.

bhattakam dusilohanti aṭṭha **pisācalohāni** nāma. Tesu **Vekantakaloham** nāma sabbalohacchedanasamatthā ekā lohajāti. Tathā hi tam vikantati chindatīti vikantakanti vuccati. Vikantakameva vekantakam. **Nāganāsikāloham** lohasadisam lohavijāti haliddādivijāti viya. Tathā hi tam lohākāram lohamalam viya ghanasamhataṃ hutvā tiṭṭhati, tāpetvā tālitaṃ pana bhinnam bhinnam hutvā visarati mudu maṭṭham kammaniyaṃ vā na hoti. Tiputambe missetvā kataṃ **kamsaloham**. Sīsataṃbe missetvā kataṃ **vaṭṭaloham**. Jasatambe<sup>1</sup> missetvā kataṃ **ārakuṭam**. Teneva taṃkaraṇena nibbattatā **kittimalohanti** vuccati. Yaṃ pana kevalam rasakadhātuviniggataṃ<sup>2</sup>, taṃ “pittalan”tipi vadanti, taṃ idha nādhippetam, yathāvuttam missakameva katvā yojitam **kittimanti** vuttam. **Morakkhakādīni** evaṃnāmānevetāni. Tesu yasmā pañca jātilohāni pāliyaṃ visum vuttāneva, tasmā vekantakalohena saddhiṃ vuttāvasesam sabbam idha lohanti veditabban.

**Tipūti** setatipu. **Sīsanti** kālatipu. **Sajjhanti** rajatam. **Muttāti** hatthikumbhajādikā aṭṭhavidhāpi muttā. Tathā hi hatthikumbham varāhadāṭṭhā bhujāṅgasīsam valāhakūṭam veḷu macchasiro saṅkho sippīti aṭṭha muttāyoniyo. Tattha **hatthikumbhajā** pītavaṇṇā pabhāhīnā. **Varāhadāṭṭhā** varāhadāṭṭhavaṇṇāva. **Bhujāṅgasīajā** nīlādivaṇṇā suvisuddhā vaṭṭalā ca. **Valāhakajā** bhāsura dubbibhāgarūpā rattibhāge andhakāram vidhamantiyo tiṭṭhanti, devūpabhogā eva ca honti. **Veḷujā** karakupalasangāvaṇṇā<sup>3</sup> na bhāsura, te ca veḷu amanussagocare eva padese jāyanti. **Macchasiṅgajā** pāṭhīnapiṭṭhisamāvaṇṇā vaṭṭalā laghavo ca honti pabhāvihīnā, te ca macchā samuddamajjhe eva jāyanti. **Saṅkhajā** saṅkhodaracchavivaṇṇā kolappamāṇāpi honti pabhāvihīnāva. **Sippijā** pabhāvisesayuttā honti nānasaṅṭhānā. Evaṃ jātito aṭṭhavidhāsipi muttāsu yā macchasaṅkhasippijā, tā sāmuddikā honti, bhujāṅgajāpi kāci sāmuddikā honti, itarā asāmuddikā. Yasmā bahulam sāmuddikāva muttā loke dissanti, tatthāpi sippijāva, itarā kādācīkā. Tasmā **sammohavinodaniyam**<sup>4</sup> “muttāti sāmuddikā muttā”ti vuttam.

1. Rasatambe (Ka), jasadatambe (Anuṭī 2. 52 piṭṭhe.)

2. Jasadadhātuviniggataṃ (Anuṭī 2. 52 piṭṭhe.)

3. Veḷupabbajā kāraphalasangāvaṇṇā (Anuṭī 2. 53 piṭṭhe.)

4. Abhi-Ṭṭha 2. 60 piṭṭhe.

**Maṇī**ti ṭhapetvā pāli-āgate veḷuriyādike seso jotirasādibhedo sabbopi maṇi. **Veḷuriyanti** vamsavaṇṇamaṇi. **Saṅkhoti** sāmuddikasaṅkho. **Silāti** kāḷasilā paṇḍusilā setasilādibhedā aṭṭhapi silā. **Rajatanti** kahāpaṇādikam vuttāvasesaṃ rajatasammataṃ. **Jātarūpanti** suvaṇṇaṃ. **Lohitaṅkoti** rattamaṇi. **Masāragallanti** kabaramaṇi. **Tiṇādisu** bahisārā tālanāḷikerādayopi **tiṇaṃ** nāma, antosāraṃ khadirādi antamaso dārukhaṇḍampi **kaṭṭhaṃ** nāma, muggamattato yāva muṭṭhippamāṇā marumbā **sakkharā** nāma, muggamattato paṭṭhāya heṭṭhā vālikā nāma. **Kaṭṭhalanti** kapālakhaṇḍaṃ. **Bhūmī**ti sasambhārapathavī. **Pāsāṇoti** antomuṭṭhiyaṃ asaṇṭhahanato paṭṭhāya yāva hatthippamāṇaṃ pāsāṇaṃ, hatthippamāṇato pana paṭṭhāya upari **pabbatoti**. Ayaṃ ayo-ādīsu vibhāganiddeso. **Nimittapathavī**ti paṭibhāganimittabhūtaṃ pathavīkaṣiṇaṃ. Tampi hi “rūpāvacaratikacatukkajjhānaṃ kusalato ca vipākato ca kiriyato ca catutthassa jhānassa vipāko ime dhammā bahiddhārammaṇā”ti vacanato “bāhirā pathavī”ti vuccati. Tena vuttaṃ “**yā ca ajjhattārammaṇattike nimittapathavī, taṃ gahetvā**”ti. Uggahanimittaṃ cettha taṃgatikameva daṭṭhabbaṃ, nimittupattito pana pubbe bhūmiggaḥaṇeṇeva gahitanti.

**Tiṃhi maññanāhī**ti vuttaṃ maññanāttayaṃ saparasantānesu saṅkhepatto yojetvā dassetuṃ “**ahaṃ pathavī**”ti-ādi vuttaṃ. Tattha **ahaṃ pathavī**ti-ādinā ajjhattavisayaṃ diṭṭhimaññanaṃ mānamaññanaṃca dasseti attābhini vesāhaṃkāradīpanato. **Mama pathavī**ti iminā taṇhāmaññanaṃ mānamaññanaṃpi vā pariggahabhūtāyapi pathaviyā seyyādito mānajaṇṇanato. Sesapadadvayepi iminā nayena maññanāvibhāgo veditabbo. Tattha pathavīkaṣiṇajjhānalābhī jhānacakkhunā gahitajhānārammaṇaṃ “attā”ti abhinivisanto taṅca seyyādito dahanto atthato “**ahaṃ pathavī**”ti **maññati** nāma, tameva “ayaṃ mayhaṃ attā”ti gahaṇe pana “**mama pathavī**”ti **maññati** nāma. Tathā taṃ “parapuriso”ti vā “devo”ti vā vādavasena “ayameva paresaṃ attā”ti vā abhinivisanto “**paro pathavī, parassa pathavī**”ti **maññati** nāma. Iminā nayena sesapathavīsopi yathārahaṃ catukkaṃ niddhāretabbaṃ.

Evam “pathaviṃ maññati”ti ettha catukkavasena maññanaṃ dassetvā idāni maññanāvattumaṃ maññanāyo ca vibhajitvā anekavivahaṃ tassa



maññanākāraṃ dassetuṃ “**atha vā**”ti-ādimāha. Tattha **ayanti** yathāvutto puthujjano. **Chandarāganti** bahalarāgaṃ. **Assādetīti** nikāmeti, “ime kesā mudusiniddhakuñcitanīlobhāsā”ti-ādinā tattha rasam vindati. **Abhinandatīti** sappītikāya taṇhāya abhimukho nandati pamodati. **Abhivadatīti** uppannam taṇhābhinandanāvegam hadayena sandhāretum asakkonto “aho me kesā”ti vācam nicchāreti. **Ajjhosāya tiṭṭhatīti** balavataṇhābhinivesena gilitvā pariniṭṭhāpetvā tiṭṭhati. **Aññataram vā pana rajjanīyavatthunti** kesādito aññataram vā karacaraṇādippabhedam niyakajjhattapariyāpannam rāguppatihetubhūtam vatthum. **Itīti** iminā siniddhādippakārenāti patthayitabbākāram parāmasati. Tattha **nandim samannānetīti** tesu bhāvīsu kesādīsu siddham viya katvā nandim taṇham samannāharati samupacāreti. **Paṇidahatīti** patthanam ṭhapeti.

Sampattim nissāya “seyyo hamasmī”ti, vipattim nissāya “hīno hamasmī”ti mānam janetīti yojanā. Pathavīkoṭṭhāsabhūtānam kesādīnam sampattivipattīhi mānajappanā pathaviyā maññanā hotīti āha “**evam ajjhattikam pathavim mānamaññanāya maññatī**”ti. Avayavabyatirekena samudāyassa abhāvato samudāyo jīvābhiniveso avayavepi hotīti dassento “**taṃ jīvam taṃ sarīranti āgatanayena pana kesam ‘jīvo’ti abhinivisatī**”ti āha. “Kesā nāmete issaravihitā pajāpatinissitā aṇusañcayo pakatipariṇāmo”ti-ādinā nayanapettha **diṭṭhimaññanā** veditabbā.

**Imissā pavattiyāti** nikantimānadiṭṭhīnam pariyādānasamugghāṭappavattiyā. “Etam mamā”ti-ādinā yadipi tissannampi maññanānam sambhavo dassito, taṇhāmānamaññanānam pana heṭṭhā dassitattā diṭṭhimaññanā evettha visesato uddhaṭāti veditabbanam. Tenāha “**evampi ajjhattikam pathavim diṭṭhimaññanāya maññatī**”ti.

Bāhīrampi pathavim tīhi maññanāhi maññatīti yojanā. Tam pana maññanāvidhim dassetuṃ “**kathan**”ti āha. Tassattho heṭṭhā vuttanayena veditabbo.

**Ayaṃ jīvoti** ayaṃ kālaloḥaṃ “jīvo attā”ti **abhinivisati** ekacce nigaṇṭhā viya. **Evam bāhiram pathaviṃ diṭṭhimaññanāya maññatī**ti etthāpi “yā ceva kho pana ajjhattikā pathaviḍhātu, yā ca bāhirā pathaviḍhātū”ti-ādinā nayena ānetvā vattabbo.

**Pathavīkasiṇam attato samanupassatī**-ādīsu yaṃ vattabban, taṃ heṭṭhā vuttameva. Ayampi ca nayo “rūpaṃ attato samanupassatī”ti ettheva antogadhoti daṭṭhabbo kasiṇānampi rūpasamaññāsabbhāvato. **Pathaviṃ maññatī**ti ettha yādiso maññanāvattumaññanānam vitthāranayo vutto, tādiso ito param vuttanayovāti āha “**ito param saṅkhepeveva kathayissāmā**”ti, atādiso pana vitthāratopi kathayissatīti attho.

**Tasmāti** yasmā “pathaviyā”ti idaṃ bhummavacanāṃ, tasmā, so attaparatadupakaraṇānaṃ ādhārabhāvena taṃ maññanāvattumaṃ kappetīti attho. Tenāha “**aham pathaviyā**”ti-ādi. Nanu ca indriyabaddhānindriyabaddhapabhedassa dhammappabandhassa sasambhārapathavī ca ādhāranissayo, itarā ārammaṇanissayo tadārammaṇassatī ettha nibbirodhoti? Na, maññanāvattumaṃ nissayabhāvena parikkappanato. Ayaṃ hi “ahan”ti diṭṭhimaññanāya mānamaññanāya ca vatthubhūtaṃ attano pathavisannissayaṃ katvā “**aham pathaviyā**”ti **maññati**, taṇhāmaññanāya vatthubhūtaṃ upakaraṇassa pathaviṃ sannissayaṃ katvā “**mayham kiñcanaṃ palibodho pathaviyā**”ti maññati. **Paroti**-ādīsupi iminā nayena attho veditabbo.

Yvāyaṃ atthanayoti sambandho. **Vutto** paṭisambhidāmagge. **Eteneva nayanāti** yvāyaṃ “so kho pana me attā imasmiṃ rūpe”ti samudāyassa ādhārabhāvadīpano atthanayo vutto, eteneva nayena. Na hi avayavabyatirekena samudāyo labbhati, tasmā samudāye vuttavidhi avayavepi labbhatīti adhippāyo. Tenāha **so kho pana me ayaṃ attā imissā pathaviyāti maññantoti**. **Tasmiṃ yeva panassa attanī**ti ettha assatī puthujjanassa. **Tasmiṃyeva attanī**ti ajjhattikabāhirapathaviṃsannissaye attani. “Pathaviyā maññatī”ti padassāyaṃ vaṇṇanā. Evam “pathaviyā maññatī”ti ettha attavasena diṭṭhimānataṇhāmaññanāṃ dassetvā idāni paravasena dassetum “**yadā panā**”ti-ādi vuttam. Tattha

**assāti** parassa. **Tadāti** paravasena maññanāyaṃ. **Diṭṭhimaññanā eva yujjati** tattha niccābhinivesādayo sambhavantīti katvā. Avadhāraṇena mānataṇhāmaññanā nivatteti. Na hi “seyyohamasmī”ti-ādinā, “mayhan”ti ca pavattalakkhaṇā mānataṇhā parasmim parassa santakabhāvena gahite ca pavattantīti adhippāyo. **Itarāyopīti** mānataṇhāmaññanāyopi. **icchanti** aṭṭhakathācariyā. Parassapi hi pathavīsannissayena sampatti-issariyādikassa vasena attani seyyādhāvāvaṃ dahato paṇidahato ca cittaṃ tathābhāvāya mānataṇhāmaññanā sambhavantīti ācariyānaṃ adhippāyo. “Paro pathavī parassa pathavī”ti etthāpi ime dve pakārā sādhippāyā niddhāretabbā.

“Pathavito sañjānāti”ti, “ādito”ti ca ādisu anissakkavacanepi to-saddo diṭṭhoti āha **“pathavitoti nissakkavacanan”**ti. **Sa-upakaraṇassāti** hiraññasuvaṇṇagatassa dāsaporisādinā vittupakaraṇena sa-upakaraṇassa, attano vā parassa vā tesam upakaraṇassa vāti attho. **Yathāvuttappabhedatoti** lakkhaṇādi-ajjhattikādivuttappakāravibhāgato. **Uppattim vā niggamanam vāti** “taṃ aṇḍam ahosi hemamayam, tasmim sayam brahmā uppanno”ti brahmaṇḍavādavasena<sup>1</sup> vā “dvīhi aṇūhi dvi-aṇukan”ti evam pavatta-aṇukavādavasena vā pathavito uppattim vā “sabboyam loko issarato viniggato”ti issaravādavasena issarakuttato<sup>2</sup> pathavito niggamanam vā maññamānoti yojanā. **Pathavito vā aññā** āpādiko attāti adhippāyo. Ettha ca purimasmim atthavikappe kārakalakkhaṇam nissakkavacanam, dutiyasmim upapadalakkhaṇanti daṭṭhabbam. Attano pariggahabhūtapathavito sukhappattim tato eva ca parehi seyyādhāvāvaṃ kappentassa vasenapettha **taṇhāmānāmaññanā** veditabbā. **Apareti** sārasamāsācariyā. **Tato aññam appamāṇam attānam gahetvāti** pubbe bhāvita-āpādi-appamāṇakasiṇavasena vā kāpilakāṇadadiṭṭhivasena vā appamāṇam byāpinam attānam gahetvā. **Pathavitoti** pacchā abhāvita-avaḍḍhitapathavīkasiṇasaṅkhātapathavito. **Bahiddhāpi me attāti** ito pathavito bahipi me attāti adhippāyo.

1. Manusambutiyam paṭhamajjhāye navamagātham nissāya vuttamidam vacanam. So mamassantatāya pajā uppannāti.

2. Issaramuttiguttato (Ka)

**Kevalanti** anavasesaṃ **mahāpathaviṃ taṇhāvasena mamāyati**, ayañca nayo catudīpissariye ṭhitassa dīpacakkavattino ca labbheyya, maṇḍalikaṛājamahāmatṭakuṭumbikānampi vasena labbhateva tesampi yathāpariggahaṃ anavasesetvā maññanāya sambhavato. “Evaṃ mamā”ti gāhassa “eso hamasmi, eso me attā”ti gāhavidhūratāya vuttaṃ **“ekā taṇhāmaññanā eva labbhati”**ti. **Iminā nayanāti** vuttamatidesaṃ vibhāvetuṃ **“sā cāyan”**ti-ādi vuttaṃ. Tattha **sā cāyanti** sā ca ayaṃ taṇhāmaññanā yojetabbāti sambandho. Yathā pana diṭṭhimaññanāmaññite vatthusmiṃ sinehaṃ mānañca uppādayato taṇhāmānāmaññanā sambhavanti, evaṃ taṇhāmaññanāmaññitena vatthunā attānaṃ seyyādito dahato tañca attaniyaṃ niccaṃ tathā taṃsāmbhūtaṃ attānañca parikappentassa itaramaññanāpi sambhavantīti sakkā viññātuṃ. “Me”ti hi iminā atthaggaṇaṃ mukheneva attaniyasambandho pakāsīyatīti.

**Abhinandatīti** iminā taṇhādiṭṭhābhinivesānaṃ saṅgahitattā te dassento **“assādeti parāmasati cā”**ti āha. Diṭṭhivippayuttacittuppādasena cetassa dvayassa asaṅkarato pavatti veditabbā, ekacittuppādepi vā adhipatidhammānaṃ viya pubbābhisaṅkhāravasena tassa tassa balavabhāvena pavatti<sup>1</sup>. **Etasmim attheti** taṇhādiṭṭhivasena abhinandanatthe. **Etanti** “pathaviṃ abhinandatī”ti etaṃ padaṃ. Yesaṃ vineyyānaṃ yehi pakāravisesehi dhammānaṃ vibhāvane kate visesādhigamo hoti, tesāṃ tehi pakāravisesehi dhammavibhāvanaṃ, yesaṃ pana yena ekeneva pakārena dhammavibhāvane kate visesādhigamo hoti, tesampi taṃ vatvā dhammissaratāya tadanñaniravasesappakāravibhāvanañca **desanāvīlāso**. Tenāha **“pubbe maññanāvasena kilesuppattim dassetvā idāni abhinandanāvasena dassento”**ti. **Dhammadhātuyāti** sammāsambodhiyā. Sā hi sabbañeyyadhammaṃ yathāsabhāvato dhāreti upadhāreti, sakalañca vineyyasattasaṅkhātadhammappabandhaṃ apāyadukkhamaṃsāradukkhapātanaṃ dhāreti, sayañca aviparītapavatti-ākārā dhātūti dhammadhātūti idhādhippetā. Sabbaññutaññāpadaṭṭhānaṃ hi maggaññāṇaṃ, maggaññāpadaṭṭhānañca sabbaññutaññāṇaṃ sammāsambodhīti.

---

1. Pavattiyāṃ (Ka)

**Suppaṭividdhattā**ti suṭṭhu paṭividdhabhāvato, sammā adhigatattāti attho. Abhikaṅkhanasampaggahaparāmasanānaṃ vasena ārammaṇe parikkappanāpavatti maññanā. Tattha “mamaṃ, ahan”ti ca abhinivesanaṃ **parikkappanaṃ**. Yena ajjhosānaṃ hoti, ayaṃ **abhinandanā**ti ayametesam viseso. Suttādi-aviruddhāyeva attanomati icchitabbā, na itarāti suttana tassā saṅgahaṃ dassetuṃ “**vuttañcetaṃ**”ti-ādi vuttaṃ. Desanāvīlāsavibhāvanassa pana sahetukahetusampayuttadukādidesanāya nibaddhatā niddhāretabbā.

**Tassā**ti tena. Nātasaddasambandhena hetam kattari sāmivacanaṃ. **Tasmā**ti aparīññātattā. “Aparīññātan”ti paṭikkhepamukhena yaṃ parijānanaṃ vuttaṃ, tam atthato tivadhā pariññā hotīti tam sarūpato pavatti-ākārato ca vibhāvento “**yo hr**”ti-ādimāha.

Tattha yāya paññāya vipassanābhūmiṃ parijānāti paricchindati, sā parijānanaṃ paññā **ñātapariññā**. Sā hi tebhūmakadhammajātam “ayaṃ vipassanābhūmi”ti nātam viditam pākaṭam karontīyeva lakkhaṇarasādito ajjhattikādivibhāgato ca paricchijja jānāti. Idha pana pathavīdhātuvasena veditabbāti vuttaṃ “**pathavīdhātuṃ parijānāti**”ti-ādi. **Tīraṇapariññāti** tīraṇavasena parijānanaṃ kapaññā. Sā hi parivārehi aniccatādi-ākārehi aniccatādisabhāvassa upādānakkhandhapañcakassa tīraṇavasena sammasanavasena tam paricchijja jānāti. **Aggamaggenāti** arahattamaggena. So hi anavasesato chandarāgaṃ pajahati. **Aggamaggenāti** vā aggabhūtena maggena, lokuttaramaggenāti attho. Ubhayathāpi hi samucchedapahānakārī eva paññā nippariyāyena pahānapariññāti dasseti.

**Nāmarūpavavattānanti** etena paccayapariggahopi saṅgahitoti daṭṭhabbo nāmarūpassa hetuvavattānabhāvato. Sopi hi hetupaccayamukhena nāmarūpassa vavattānamevāti. Kalāpasammasanādivasena **tīraṇapariññā** aniccādivasena sammasanabhāvato. **Tasmāti** yasmā tā pariññāyo natthi, tasmā. Atha vā **tasmā aparīññātattāti** yasmā aparīññātā pathavī, tasmā aparīññātattā pathaviyā tam pathaviṃ maññāti ca abhinandati cāti.

Pathavīvāraṇṇanā niṭṭhitā.

### Āpovārādivaṇṇanā

Āpaṃ āpatoti ettha appoti, appāyatīti vā āpo, yasmim̐ saṅghāte sayam̐ atthi, taṃ ābandhanavasena byāpetvā tiṭṭhati, paribrūhetīti vā attho. Attānaṃ adhi **ajjhataṃ**, pati pati attānanti **paccattaṃ**. Ubhayenapi sattasantānapariyāpannameva vadati. **Āpo āpogataṃ**-ādīsu ābandhanameva **āpo**, tadeva āposabhāvaṃ gatattā **āpogataṃ**, sabhāveneva āpabhāvaṃ pattanti attho. Sinehanavasena **sineho**, soyeva sinehanasabhāvaṃ gatattā **sinehagataṃ**. **Bandhanattaṃ rūpassāti** avinibbhogarūpassa bandhanabhāvo, avippakiraṇavasena sampiṇḍananti attho. **Uggaṇhantoti** yathāparicchinne āpomaṇḍale yathā ugghanimittam̐ upalabbhati, tathā nimittam̐ gaṇhanto. **Vuttoti** “āpasmin”ti ettha vutta-āpo. So hi sasambhāra-āpo, na “āpokasiṇaṃ”ti ettha vutta-āpo. **Sesanti** ārammaṇasammuti-āpānaṃ sarūpavibhāvanaṃ. “Āpaṃ āpato pajānāti”ti-ādi pāḷiyā atthavibhāvanañceva tattha tattha maññanāvibhāgadassanañca **pathaviyaṃ vuttasadisamevāti**. Tattha “pathavīkasiṇameko sañjānāti”ti-ādinā<sup>1</sup> vuttam̐, idha “āpokasiṇameko sañjānāti”ti-ādinā vattabbaṃ. Tattha ca “pathavīti sañjānāti”ti vuttam̐, idha pana “āpoti sañjānāti”ti-ādinā vattabbanti evamādi eva viseso. Sesam̐ tādīsimeva. Tena vuttam̐ “pathaviyaṃ vuttasadisamevā”ti. Yo panettha viseso, taṃ dassetuṃ “**kevalan**”ti-ādi vuttam̐. Tattha **mūlarasoti** mūlam̐ paṭicca nibbattaraso. **Khandharasādīsupi** eseva nayo. **Khīrādīni** pākāṭāneva. Yathā pana bhesajjasikkhāpade<sup>2</sup>, na evamidha niyamo atthi. Yaṃ kiñci khīram̐ **khīrameva**. Sesusupi eseva nayo. **Bhummānīti** āvāṭādīsū ṭhita-udakāni. **Antalikkhānīti** pathaviṃ appattāni vassodakāni, pattāni pana bhummāneva. **Evam̐ vuttā cāti ca**-saddena himodakakappavināsaka-udakapathaviyā-anto-udakapathavīsandhāraka-udakādiṃ pubbe avuttampi samuccinoti.

**Tejam̐ tejatoti** ettha tejanaṭṭhena **tejo**, tejanaṃ nāma dahanapacanādisamattham̐ nisānaṃ, yaṃ uṇhattanti vuccati. **Yena cāti** yena

1. Dī 3. 257; Am̐ 3. 293 piṭṭhesu.

2. Vi 1. 360 piṭṭhe.

tejogatena kupitena. **Santappatīti** ayam kāyo samantato tappati ekāhikajarādibhāvena usumajāto hoti. **Yena ca jīriyatīti** yena ayam kāyo jīriyati, indriyavekallataṃ balaparikkhayaṃ valitādibhāvañca pāpuṇāti. **Yena ca pariḍayhatīti** yena kupitena ayam kāyo parito ḍayhati, so ca puggalo ḍayhāmīti satadhotasappigosītacandanādilepañceva tālavaṇṭavātañca paccāsīsati. **Yena ca asitapītakhāyitasāyitam sammā pariṇāmaṃ gacchatīti** yena asitaṃ vā odanādi, pītaṃ vā pānakādi, khāyitaṃ vā piṭṭhakhajjakādi, sāyitaṃ vā ambapakkamadhuphāṇitādi sammadeva paripākaṃ gacchati, rasādibhāvena vivekaṃ gacchatīti attho. Ettha ca sarīrassa pakati-usumaṃ atikkamitvā uṇhabhāvo **santāpo**, sarīradahanavasena pavatto mahādāho **paridāho**, satavāraṃ tāpetvā uduke pakkhipitvā uddhaṭasappi **satadhotasappi**, rasarudhiramaṃsamedā-aṭṭhi-aṭṭhimiñjasukkā **rasādayo**. Tattha purimā tayo tejā catusamuṭṭhānā, pacchimo kammaṃamuṭṭhānova.

Tejobhāvaṃ gatattā **tejogataṃ**. **Usmāti** uṇhākāro. Usmāva usmābhāvaṃ gatattā **usmagataṃ**. **Usumanti** caṇḍa-usumaṃ. Tadeva **usmagataṃ**, sabhāveneva usumabhāvaṃ pattanti attho. **Kaṭṭhaggīti** kaṭṭhupādāno aggi. **Sakalikaggi**-ādisupi eseva nayo. **Saṅkāraggīti** kacavaraṃ paṭicca uppanna-aggi. **Indaggīti** asani-aggi. **Santāpoti** jālāya vā vītaccitaṅgārānaṃ vā santāpo. **Sūriyasantāpoti** ātāpo. **Kaṭṭhasannicayasantāpoti** kaṭṭharāsim paṭicca uppannasantāpo. Seseṣupi eseva nayo. **Evaṃ vuttā cāti ca**-saddena petaggikappavināsakagginirayaggi-ādike avuttepi samuccinoti.

**Vāyam vāyatoti** ettha vāyanaṭṭhena **vāyo**. Kimidaṃ vāyanaṃ nāma? Vitthambhanaṃ, samudīraṇaṃ vā, vāyanaṃ gamananti eke. **Uddhaṅgamā vātāti** uggārahikkādipavattakā<sup>1</sup> uddhaṃ ārohanavātā. **Adhogamā vātāti** uccārapassāvādiniharaṇakā adho orohanavātā. **Kucchisayā vātāti** antānaṃ bahivātā. **Koṭṭhāsayā vātāti** antānaṃ antovātā. **Aṅgamaṅgānusārino vātāti** dhamanījālānusāreṇa sakalasarīre aṅgamaṅgāni anusaṭṭhā samīñjanapasāraṇādinibbattakā

---

1. Uggārayikkārādipavattakā (Ka)

vātā. **Satthakavātā**ti sandhibandhanāni kattariyā chindantā viya pavattavātā. **Khurakavātā**ti khurena viya hadayamaṁsachedanaphālanakavātā. **Uppalakavātā**ti hadayamaṁsassa samuppāṇanakavātā. **Assāsoti** antopavisanakanāsikāvāto. **Passāsoti** bahinikkhamananāsikāvāto. Ettha ca purimā sabbe catusamuṭṭhānā, assāsapassāsā cittasamuṭṭhānāva.

**Vāyogatanti** vāyova vāyogaṁ, sabhāveneva vāyobhāvaṁ pattanti attho. **Thambhitattam rūpassā**ti avinibbhogarūpassa thambhitabhāvo. **Puratthimā vātā**ti puratthimadisato āgatā vātā. **Pacchimādīsopi** eseva nayo. **Sarajāḍisu** saha rajena **sarajā**, rajavirahitā suddhā **arajā**. Sīta-utusamuṭṭhānā, sīta-valāhakantare vā jātā **sītā**, uṇha-utusamuṭṭhānā, uṇhavalāhakantare vā jātā **uṇhā**. **Parittā**ti mandā tanukavātā. **Adhimattā**ti balavavātā. **Kāḷā**ti kāḷavalāhakantare samuṭṭhitā. Yehi abbhāhato chavivaṇṇo kāḷako hoti, tesam etaṁ adhivacanantipi eke. **Verambhavātā**ti yojanato upari vāyanavātā. **Pakkhavātā**ti antamaso makkhikāyapi pakkhāyūhanavātā. **Supaṇṇavātā**ti garuḷavātā. Kāmaṁ cetepi pakkhavātāva, ussadavasena pana visum gahitā. **Tālavaṇṭavātā**ti tālapaṇṇehi katena, aññehi vā katena kenaci maṇḍalasaṇṭhānena samuṭṭhāpitavātā. **Vidhūpanavātā**ti bījanapattakena samuṭṭhāpitavātā. Imāni ca tālavaṇṭavidhūpanāni anuppannampi vātāni uppādenti, uppannampi parivattenti. Idhāpi **ca**-saddo udakasandhārakavātakappavināsakavātājālāpellanakavātādike avuttepi samuccinoti. Ettha ca “āpaṁ maññati”ti-ādīsū yasmā tīhi maññanāhi “ahaṁ āpoti maññati, mama āpoti maññati”ti-ādīnā pathavīvāre vuttanayena sakkā maññanāvibhāgo vibhāvetunti vuttaṁ “**sesam vuttanayamevā**”ti. Tasmā tattha vuttanayānusārena imesu tīsū vāresu yathārahaṁ maññanāvibhāgo vibhāvetabbo.

**Ettāvatā**ti ettakena iminā catuvārāparimāṇena desanāvīsesena. **Ca**-saddo byatireko. Tena vakkhamānaṁyeva vīsesam joteti. **Yvāyanti** yo ayam lakkhaṇo nāma hāro vuttoti sambandho. So pana lakkhaṇahāro yaṁlakkhaṇo tattha vutto, taṁ



dassetum **“vuttamhī”**ti-ādi vuttam. Tattha **vuttamhi ekadhammeti** kusalādīsu khandhādīsu vā yasmim kasmīñci ekadhamme sutte sarūpato niddhāraṇavasena vā kathite. **Ye dhammā ekalakkhaṇā tenāti** ye keci dhammā kusalādibhāvena, rūpakkhandhādibhāvena vā tena vuttadhammena samānalakkhaṇā. **Vuttā bhavanti sabbeti** sabbepi kusalādīsabhāvā, khandhādīsabhāvā vā dhammā sutte avuttāpi tāya samānalakkhaṇatāya vuttā bhavanti, ānetvā samvaṇṇanavasenāti adhippāyo.

Ettha ca **ekalakkhaṇāti** samānalakkhaṇā vuttā. Tena saharitā samānakiccatā samānahetutā samānaphalatā samānārammaṇatāti evamādīhipi avuttānam vuttānam viya niddhāraṇam veditabham. **Itīti** iminā pakārena. Tenāha **“evam nettiyam lakkhaṇo nāma hāro vutto”**ti, **nettipāliyam**<sup>1</sup> pana “ye dhammā ekalakkhaṇā keci so hāro lakkhaṇo nāmā”ti pāṭho āgato. **Tassa vasenāti** tassa lakkhaṇahārassa vasena. **Rūpalakkhaṇam anatītattāti** rūppanasabhāvena samānasabhāvattā. **Vadantena** bagavatā. **Etāti** “rūpam attato samanupassati”ti evam vuttadiṭṭhī. Ettha ca **sakkāyadiṭṭhimaññanā**dassaneneva sakalarūpavatthukā taṇhāmānamaññanāpi dassitā evāti daṭṭhabham. Tathā hi vuttam “tasmiṇyeva panassa diṭṭhimaññanāya maññite vatthusmim sineham mānam ca uppādayato taṇhāmānamaññanāpi veditabbā”ti. Atha vā pathavim āpam tejam vāyam meti maññati abhinandatīti ca vadantena vuttanayeneva sakalarūpavatthukā taṇhāmaññanā tadanusārena mānamaññanāpi vuttāva hotīti evampettha itaramaññanāpi niddhāretabbā.

Āpovārādivaṇṇanā niṭṭhitā.

### Bhūtavārādivaṇṇanā

3. “Pathavim maññati, pathaviyā maññati”ti-ādīhi padehi “rūpam attato samanupassati, rūpasmim attānam samanupassati”ti-ādīnam sakkāyadiṭṭhīnam niddhāritattā vuttam **“evam rūpamukhena saṅkhāravatthukam maññanam**

1. Khu 10. 26 piṭṭhe.

**vatvā**”ti. **Tesu saṅkhāresu sattesupī**ti tadupādānesupi sattesu. **Dhātūsūti** pathavī-ādīsu catūsu dhātūsu. “Jātaṃ bhūtaṃ saṅkhatan”ti-ādīsu<sup>1</sup> bhūta-saddo uppāde dissati, sa-upasaggo pana “pabhūtamariyo pakaroti puññaṃ”ti-ādīsu vipule, “yebhuyyena bhikkhūnaṃ paribhūtarūpo”ti-ādīsu hiṃsane, “sambhūto sāṇavāsī”ti-ādīsu<sup>2</sup> paññattiyaṃ, “abhibhūto māro vijito saṅgāmo”ti-ādīsu vimathane, “parābhūtarūpo kho ayaṃ acelo pāthikaputto”ti-ādīsu<sup>3</sup> parājaye, “anubhūtaṃ sukhadukkhan”ti-ādīsu vediyane, “vibhūtaṃ vibhāvitaṃ paññāyā”ti-ādīsu pākaṭikaraṇe dissati. Te sabbe **rukkhādīsūti ādi**-saddena saṅgahitāti daṭṭhabbā. “Kālo ghasati bhūtānīti<sup>4</sup>, bhūtā loke samussayan”ti<sup>5</sup> ca ādīsu avisesena sattavācakopi bhūtasaddo, upari devādīpadehi sattavisesānaṃ gahitattā idha tadavasīṭṭhā bhūtasaddena gayhantīti āha “**no ca kho avisesenā**”ti. Tenevāha “**cātumahārājikānaṃ hi heṭṭhā sattā idha bhūtāti adhippetā**”ti. Yo hi sattanikāyo paripuṇṇayoniko catūhipi yonīhi nibbattanāraho, tatthāyaṃ bhūtasamaññā aṇḍajādivasena bhavanato.

**Bhūtetī** vuttadesa-ādesite bhūte. **Bhūtato sañjānātī**ti iminā “bhūtā”ti lokavohāraṃ gahetvā yathā tattha taṇhādimaññaṇā sambhavanti, evaṃ viparītasaññāya sañjānaṃ pakāsīyati. Svāyamattho heṭṭhā “pathavito sañjānātī”ti ettha vuttanayānusārena sakkā jānitunti āha “**vuttanayamevā**”ti. Yathā suddhāvāsā sabbadā abhāvato imaṃ desanaṃ nāruḷhā, evaṃ nerayikāpi sabbamaññaṇānadhiṭṭhānato. Eteneva ekaccapetānampettha asaṅgaho daṭṭhabbo. Apare pana “diṭṭhimaññaṇānadhiṭṭhānato tesampettha saṅgaho icchitoyevā”ti vadanti. “Samaṅgibhūtaṃ paricārentan”ti-ādīnā sutte **vuttanayena. Rajjatī**ti “subhā sukhitā”ti vipallāsaggāhena tattha rāgaṃ janeti. Evamettha rajjanto ca na kevalaṃ dassanavaseneva, savanādivasenapi rajjatevāti dassento “**disvāpi -pa- ṇatvāpi**”ti āha. Tattha ghāyanādivasena rajjanaṃ tehi anubhūtagandhamālādivasena ceva visabhāgavatthubhūtānaṃ

1. Dī 2. 119; Saṃ 3. 141 piṭṭhesu.

3. Dī 3. 15, 17, 21 piṭṭhesu.

5. Dī 2. 129; Saṃ 1. 160 piṭṭhesu.

2. Vi 4. 496 piṭṭhe.

4. Khu 5. 68 piṭṭhe Jātake.

tesaṃ paribhogavasena ca yathānubhavaṃ anussaraṇavasena ca veditabbaṃ. **Evam bhūte taṇhāmaññanāya maññatīti** vuttanayena bhūte paṭicca chandarāgaṃ janento tesaṃ paṭipattiṃ assādento abhinandanto abhivadanto ajjhosāya tiṭṭhanto “īdisī avatthā mama anāgatamaddhānaṃ siyā”ti-ādinā vā pana nayena tattha nandiṃ samannānento bhūte taṇhāmaññanāya maññatīti attho. **Appaṭiladdhassa** khattiyamahāsālādibhāvassa. **Sampattiṃ vipattinti** jātivaseṇa ukkaṭṭhanihīnataṃ. **Dahatīti** ṭhapeti. **Yo evarūpo mānoti** yo eso “ayaṃ pubbe mayā sadiso, idāni ayaṃ seṭṭho, ayaṃ hīnataro”ti uppanno māno. **Ayaṃ vuccati mānātimānoti** ayaṃ bhārātibhāro viya purimaṃ sadisamānaṃ upādāya mānātimāno nāmāti attho.

**Niccāti-ādīsu** uppādābhāvato **niccā**, maraṇābhāvato **dhuvā**, sabbadā bhāvato **sassatā**. Aniccaṭṭhapaṭikkhato vā **niccā**, thirabhāvato **dhuvā**, sassatisamatāya **sassatā**, jarādivaseṇa vipariṇāmassa abhāvato **avipariṇāmadhammāti** maññati. **Sabbe sattāti** oṭṭhagoṇagadrabhādayo anavasesā sañjanaṭṭhena sattā. **Sabbe pāṇāti** “ekindriyo pāṇo dvindriyo pāṇo”ti-ādivaseṇa vuttā anavasesā pāṇanaṭṭhena pāṇā. **Sabbe bhūtāti** anavasesā aṇḍakosādīsu bhūtā sañjātāti bhūtā. **Sabbe jīvāti** sāliyavagodhūmadayo anavasesā jīvanatṭhena jīvā. Tesu hi so virūhabhāvena jīvasaṅgī. **Avasā abalā avīriyāti** tesaṃ attano vaso vā balaṃ vā vīriyaṃ vā natthīti dasseti. **Niyatisaṅgatibhāvaparīṇatāti** ettha **niyatīti niyatatā**, acchejjasuttāvuta-abhejjamaṇi viya avijahitapakatitā. **Saṅgatīti** channaṃ abhijātīnaṃ tattha saṅgamo. **Bhāvoti** sabhāvoyeva kaṇḍakānaṃ tikhiṇatā, kapiṭṭhaphalādīnaṃ parimaṇḍalādītā, migapakkhīnaṃ vicittavaṇṇādītāti evamādiko. Evam niyatiyā ca saṅgatiyā ca bhāve ca pariṇatā nānappakārataṃ pattā. Yena hi yathā bhavitabbaṃ, so tatheva bhavati. Yena na bhavitabbaṃ, so na bhavatīti dasseti. **Chasvevābhijātīsūti** kaṇhābhijātī-ādīsu chasu eva abhijātīsu ṭhatvā sukhaṅca dukkhaṅca paṭisaṃvedenti, aññā sukhadukkhabhūmi natthīti dasseti. **Vā-saddena** santādibhede diṭṭhābhinivese saṅgaṇhāti.

**Upapattinti** iminā tasmim̄ tasmim̄ sattanikāye bhūtānaṃ saḥabyataṃ ākaṅkhatīti dasseti, **sukhuppattinti** iminā pana tattha tattha uppanassa sukhuppattim̄. **Ekacce bhūte niccāti**-ādinā ekaccasassatikadiṭṭhim̄ dasseti. **Ahampi bhūtesu aññatarosmīti** iminā pana catutthaṃ ekaccasassatikavādaṃ dasseti.

**Yato kutocīti** issarapurisādibhedato yato kutoci. **Ekā taṇhāmaññānāva labbhatīti** idhāpi heṭṭhā vuttanayena itaramaññānānampi sambhavo niddhāretabbo. Vuttappakāreyeva bhūte taṇhādiṭṭhīhi abhinandatīti-ādinā vattabbattā āha “**vuttanayamevā**”ti. **Yojanā kātabbāti** “yo bhūtapaññattiyā upādānabhūte khandhe pariṇānāti, so tīhi pariññāhi pariṇānāti”ti-ādinā yojanā kātabbā. Apara panettha bhūtagāmopi bhūta-saddena saṅgahitoti rukkhādivasenapi maññānāvibhāgam̄ yojetvā dassenti, tathā mahābhūtavasenapi, taṃ aṭṭhakathāyaṃ natthi.

**Bhūmivisesādinā bhedenāti** bhūmivisesa-upapattivisesādivibhāgena. **Iddhiyāti** puññavisesanibbattena ānubhāvena. Kiñcāpi deva-saddo “viddhe vigatavalāhake deve”ti-ādīsu<sup>1</sup> ajaṭākāse āgato, “devo ca thokaṃ thokaṃ phusāyati”ti-ādīsu meḡhe, “ayaṃ hi deva kumāro”ti-ādīsu<sup>2</sup> khattiyē āgato, “pañcahi kāmaguṇehi samappito samaṅgibhūto paricāreti devo maññe”ti-ādīsu<sup>3</sup> viya idha upapattidevesu āgato, deva-saddena pana vattabbasatte anavasesato uddharitvā tato idhādhippete dassetuṃ “**te tividhā**”ti-ādi vuttam̄. **Sesā cha kāmāvacarā idha devāti adhippetā** itaresaṃ padantarehi nivattitattāti adhippāyo. Bhūtā devāti gahitesu sattesu taṇhādimaññānānaṃ pavattākārenapi tividhalakkhaṇanti āha “**bhūtavāre vuttanayena veditabbā**”ti.

“Aññatarassa upāsakassa pajāpati abhirūpā hoti”ti-ādīsu<sup>4</sup> pajāpati-saddo gharaṇiyaṃ āgato, “pajāpati kāmadāyī suvaṇṇavaṇṇā me pajā hotū”ti-ādīsu diṭṭhigatikaparikappite, “pajāpatissa

1. Saṃ 1. 65; Saṃ 2. 127; Saṃ 3. 41; Ma 1. 391; Aṃ 3. 274; Khu 1. 208 piṭṭhesu.

2. Dī 2. 14, 16 piṭṭhesu.

3. Dī 1. 56; Ma 2. 172 piṭṭhesu.

4. Vi 1. 90 piṭṭhe.

devarājassa dhajaggaṃ ullokeyyāthā”ti-ādīsu<sup>1</sup> devajeṭṭhake, idha pana adhipatīti vadanti, taṃ upari brahmuno gayhamānattā tesarṃ matimattam.

**Devānanti** cātumahārājikādidevānam. **Mahārājādīnanti ādi-**saddena sakkasuyāmasantussitasunimmitavasavattino gahitā. **Tesanti** mahārājādīnam. **Sattasaṅkhātāyāti** kāmabhūmiyaṃ sattasaṅkhātāya. **Pajāpatinti** pajāpatibhāvaṃ. Pajāpatibhāvena hi mānaṃ jappento pajāpatim mānamaññanāya maññatīti vutto.

**Ekā diṭṭhimaññanāva yujjatīti** vuttaṃ, pajāpatino pana samīpatam salokataṃ vā ākaṅkhato, tathābhāvāya cittaṃ paṇidahato, tathāladdhabbāya sampattiyā attano seyyādibhāvaṃ dahato ca taṇhāmānamaññanāpi sambhavanatīti sakkā viññātum. **Ye ca dhammāti** āyuvanṇādi-ke vadati. **Pajāpatinti** etthāpi heṭṭhā vuttanayena itaramaññanānampi sambhavo veditabbo.

**Brūhitoti** parivuddho. **Guṇavisesehīti** jhānādīhi visiṭṭhehi guṇehi uttarimanussadhammatāya. Brahma-saddassa satipi avisesato visiṭṭhavācakatte yattha yattha panassa guṇavisesayuttādirūpā pavatti, taṃ dassetuṃ “**apicā**”ti-ādī vuttaṃ. **Sahassoti** sahasasiyā lokadhātuyā adhipatibhūto. **Paṭhamābhiniḃbattoti** paṇītena paṭhamajjhānena nibbato, paṭhamajjhānabhūmiyaṃ vā paṭhamam abhiniḃbatto. **Gahitāti veditabbā** padhānaggahaṇena appadhānānampi kenaci sambandhena gahitabhāvasiddhito. Ettha ca **brahmāti** mahābrahmā adhippeto. So hi vaṇnavantatāya ceva dīghāyukatāya ca brahmapārisajjādīhi mahanto brahmāti **mahābrahmā**, tassa pana purohitaṭṭhāne ṭhitāti **brahmapurohitā**, parisāyaṃ bhavā paricārakāti **brahmapārisajjāti** veditabbā. Ukkatṭhekapuggalabhāvato pajāpatismim viya brahmani maññanā vattatīti vuttaṃ “**pajāpativāre vuttanayeneva veditabbā**”ti. Tathā hi bahupuggalabhāvasāmaññato ābhassaravārādīnam bhūtavārasadisatā vuttā.

Yathāvuttapabhāya ābhāsanasilā vā **ābhassarā**. **Ekatalavāsīnoti** idam jhānantarabhūmināṃ viya heṭṭhuparibhāvābhāvato vuttaṃ,

---

1. Saṃ 1. 220 piṭṭhe.

ṭhānāni pana nesam̐ paricchinnāneva. Ābhassarehi parittā ābhā etesanti **parittābhā**. Appamāṇā ābhā etesanti **appamāṇābhā**.

**Subhāti** sobhanā pabhā. Kañcanapiṇḍo viya sassirikā **kañcanapiṇḍasassirikā**. Tattha sobhanāya pabhāya kiṇṇā subhākiṇṇāti vattabbe bhā-saddassa rassattam̐, antimāṇa-kārassa ha-kāraṇca katvā “**subhākiṇṇā**”ti vuttā. **Subhāti** ca ekagghanā niccalā pabhā vuccati, parittā subhā etesanti **parittasubhā**. Appamāṇā subhā etesanti **appamāṇasubhā**.

**Vipulaphalāti** vipulasantasukhāyuvāṇṇādiphālā.

Satipi devabrahmādīnam̐ puññaphalena jhānaphalena ca paṭipakkhābhivhave yesam̐ pana puthujjana-asaññasattesu abhivhūvohāro pākaṭo niruḷho ca, tesam̐ vasenāyam̐ desanā pavattāti dassento āha “**asaññābhavassetam̐ adhivacanan**”ti. Yathā pajāpativāre “idhekacco pajāpatismim̐ yevā”ti-ādinā maññanāpavatti dassitā, tathā idhāpi tam̐ dassetum̐ sakkāti āha “**sesam̐ pajāpativāre vuttanayamevā**”ti.

Bhūtavārādivaṇṇanā niṭṭhitā.

### Ākāsānañcāyatanavārādivaṇṇanā

4. Evam̐ sattavasena bhūmikkamadassane suddhāvāsānam̐ aggahaṇe kāraṇam̐ niddhārento “**evam̐ bhagavā**”ti-ādimāha. Tattha **anāgāmikhīṇāsavāti** anāgāmīno ca khīṇāsavā ca. Kiñcāpi suddhāvāsā attheva anekakappasahassāyukā, ukkaṃsaparicchato pana soḷasakappasahassāyukāva, na tato paranti āha “**katipayakappasahassāyukā**”ti. Kāmarūpabhavesu pavattamānāpi ākāsānañcāyatanādiddhammā arūpāvacarabhāvato tambhūmikavohāram̐ na labhantīti<sup>1</sup> “**tatrūpapannāyevā**”ti avadhāretvā vuttam̐. **Abhivhūvāre vuttanayena veditabbā** yathārahanti adhippāyo. Na hettha vaṇṇavantatādi sambhavatīti. **Pajāpativāre**

1. Na labhantīti (Ka)

**vuttanayenā**ti ettha “ahamasmi arūpo pahīnarūpapaṭighasañño”ti-ādinā mānamaññanā veditabbā.

Ākāsānañcāyatanavārādivaṇṇanā niṭṭhitā.

### Diṭṭhasutavārādivaṇṇanā

5. Rūpamukhena maññanāvattudassanaṃ saṅkhepoti katvā vuttaṃ “**vitthāratopī**”ti. Tampi hi “yattha neva pathavī, na āpo, na tejo, na vāyo, na ākāsānañcāyatanan”ti-ādiggahaṇaṃ viya saṅkhepato pañcavokārabhavadassanaṃ hotīti.

**Diṭṭhanti** yaṃ cakkhudvārena katadassanakiriyāsamāpanaṃ, yañca cakkhu dvayaṃ passati passissati sati sambhave passeyya, taṃ sabbakālanti visesavacanicchāya abhāvato diṭṭhanteva vuttaṃ yathā “duddhan”ti. Tenāha “**rūpāyatanassetam adhivacanan**”ti. Ayañca nayo **sutā**disupi yojetabbo. **Sattā**ti rūpādisu sattā visattāti sattā. Sañjanaṭṭhena sāmāññasaddopi cesa satta-saddo “itthirūpe”ti visayavisesitattā idha purisavācako daṭṭhabbo. **Rattā**ti vatthaṃ viya raṅgajātena cittassa vipariṇāmakārakena chandarāgena rattā sārattā. **Giddhā**ti abhikaṅkhanasabhāvena abhigijjhanena giddhā gedhaṃ āpannā. **Gadhitā**ti ganthitā viya lobhena dummocanīyabhāvena ārammaṇe paṭibaddhā. **Mucchitā**ti kilesavasena visaññībhūtā viya anaññakiccā mucchaṃ<sup>1</sup> mohaṃ āpannā. **Ajjhosannā**ti visaye aññasādhāraṇe viya katvā gilitvā pariniṭṭhāpetvā viya ṭhitā. **Iminā**ti suvaṇṇavaṇṇādi-ākārena. **Maṅgalaṃ amaṅgalanti** īdisaṃ diṭṭhaṃ maṅgalaṃ, īdisaṃ amaṅgalanti. **Rūpasmiṃ attānaṃ samanupassananayenā**ti idaṃ vedanādi-arūpadhamme, rūpāyatanavinimuttasabbadhamme vā attato gahetvā tato ajjhattikaṃ, bāhiraṃ vā rūpāyatanam tassokāsabhāvena parikappetvā “so kho pana me ayaṃ attā imasmim rūpāyatane”ti maññanto diṭṭhasmiṃ maññatīti imaṃ nayaṃ sandhāya vuttaṃ. “Pathavito maññatī”ti-ādīsu yathā “sa-upakaraṇassa attano vā

1. Muñchaṃ (Ka)

parassa vā”ti-ādimaññanāpavatti dassitā, evaṃ “diṭṭhato maññati”ti-ādīsu sakkā taṃ dassetunti āha “**sesaṃ pathavīvāre vuttanayeneva vedītabban**”ti.

Āhaccāti visayaṃ anvāya, patvāti attho. Tenāha “**upagantvā**”ti. **Aññamaññasaṃsileseti** cakkhurūpasotasaddā viya dūre ahutvā aññamaññān alliyane.

**Manasā viññātaṃ** kevalanti attho. Itarānīpi hi manasā viññāyantīti. Sesehi sattaḥi āyatanehi paññattiyā asaṅgahitattā tampi saṅgahetvā dassetuṃ “**dhammārammaṇassa vā**”ti vuttaṃ. Dvīsupi vikappesu lokuttarānampi saṅgaho āpannoti āha “**idha pana sakkāyapariyāpannameva labbhati**”ti. **Vitthāro**ti maññanānaṃ pavattanākāravitthāro. **Etthāti** etesu sutavārādīsu.

Diṭṭhasutavārādivaṇṇanā niṭṭhitā.

### Ekattavārādivaṇṇanā

6. **Samāpannakavārenāti** samāpannakappavattiyā, rūpāvacarārūpāvacarajhānappavattiyāti attho. Sā hi ekasmiṃyeva ārammaṇe ekākāreṇa pavattatīti katvā “ekattan”ti vuccati, evaṃca katvā vipākajjhānappavattipi idha samāpannakavāraggahaṇeneva gahitāti daṭṭhabbā. **Asamāpannakavārenāti** kāmāvacaradhammappavattiyā. Upacārajjhānenapi hi cittaṃ na sammā ekattaṃ gatanti vuccatīti.

**Yojanāti** maññanāyojanā. **Bhinditvāti** vibhajitvā. **Sāsananayenāti** pāḷinayena. Tattha “ekattaṃ maññati”ti-ādīsu “vedanaṃ attato samanupassatī”ti-ādīnā nayena, “nānattaṃ maññati”ti-ādīsu pana “rūpaṃ attato samanupassatī”ti-ādīnā nayena vuttavidhiṃ anugantvā maññanā vedītabbā. **Pathavīrādīsu vuttena ca aṭṭhakathānāyena**ti “ahaṃ vedanāti maññati, mama vedanāti maññati”ti-ādīnā, “ahaṃ rūpanti maññati, mama rūpanti maññati”ti-ādīnā cāti attho. Tenāha



“**yathānurūpaṃ vīmaṃsitvā**”ti, ekattanānattabhāvesu yo yojanānayo sambhavati, tadanurūpaṃ vicāretvāti attho. **Kecīti** abhayagirivāsino. **Apareti** sārasamāsācariyā. Diṭṭhābhinivesaṃ vadantīti sambandho. Puthujjanassa maññanā nāma sakkāyaṃ bhinditvāva yathā-upaṭṭhitavisayavaseneva pavattatīti na tattha ayamekattanayo ayaṃ nānattanayoti vibhāgavaseneva, ekattasaññī attā hotīti-ādīsu ca attano ekattanānattasaññitā vuttā, na pana ekattaṃ nānattanti evaṃ pavattassa diṭṭhābhinivesassa ekattanānattabhāvoti evamettha tadubhayassa idha anadhippetabhāvo daṭṭhabbo.

Yaṃ yathāvuttaputhujjano anavasesato gaṇhanto gahetuṃ sakkoti, taṃ tassa anavasesato gahetabbataṃ upādāya “**sabban**”ti vuccatīti dassento “**tamevā**”ti āha, sakkāyasabbanti attho. Sabbasmimpi tebhūmakadhamme ādinavadassane asati nibbidābhāvato assādānupassanāya taṇhā vaḍḍhatevāti āha “**sabbaṃ assādento sabbaṃ taṇhāmaññanāya maññati**”ti. Vuttaṃ hetuṃ bagavatā “saṃyojaniyesu bhikkhave dhammesu assādānupassino viharato taṇhā pavaḍḍhati”ti<sup>1</sup>. “Sabbamidaṃ mayā nimmitan”ti tena nimmitamaññanāya attānaṃ seyyādito dahanto tena mānena nimmitaṃ maññatiyeva nāma nimmitamaññanāya vinā tathāmānuppattiyā abhāvatoti āha “**attanā nimmitaṃ maññanto sabbaṃ mānāmaññanāya maññati**”ti. **Sabbaṃ natthīti-ādinā nāyena ādi**-saddena niyatīvādādike saṅgaṇhāti. **Mahā me attā**ti iminā sabbato attano vibhūtipavattivādaṃ dasseti. “Sabbaṃ sabbatthakan”ti diṭṭhivasena “ahaṃ sabbasmim mayhaṃ kiñcanaṃ palibodho sabbasmim, paro sabbasmim parassa kiñcanaṃ palibodho sabbasmim”ti-ādinā nāyena pettha maññanā sambhavatīti dassento āha “**sesaṃ pathavīvāre vuttanayena veditabban**”ti. Apica “sabboyam loko purisamayo”ti evandiṭṭhiko purisasaṅkhātato sabbato, attano uppattiṃ vā niggamanam vā maññanto diṭṭhimaññanāya sabbato maññati, tasmim yeva pana diṭṭhimaññanāya maññite vatthusmim sineham mānañca uppādayato taṇhāmaññanā mānāmaññanā ca veditabbā. Tamyeva pana sabbaṃ mayham attā kattā<sup>2</sup> sāmīti vā maññanto

1. Saṃ 1. 312, 315 piṭṭhesu.

2. Sattā (Ka)

“sabbaṃ me”ti maññati, tathāyaṃ diṭṭhitaṇhābhinandanāhi abhinandanto sabbaṃ abhinandatīti evampettha maññanānaṃ pavatti veditabbā.

**Tanti** sakkāyaṃ. Ukkamsagatasukhasahitaṃ hi khandhapañcakaraṃ diṭṭhadhammanibbānavādī nibbānanti maññati, taṃ panatthato sakkāyoyevāti. **Ekadhāti** pañcavidhampi nibbānabhāvena ekajjhaṃ katvā vuttaṃ. **Yatoti** yasmā. **Pañcahi kāmagaṇehīti** manāpiyarūpādīhi pañcahi kāmakoṭṭhāsehi, bandhanehi vā. **Samappito** suṭṭhu appito allīno hutvā ṭhito. **Samaṅgibhūtoti** samannāgato. **Paricāretīti** tesu kāmagaṇesu kāmakoṭṭhāsesu yathāsukhaṃ indriyāni cāreti sañcāreti ito cito ca upaneti. Atha vā laḷati ramati kīḷati. Ettha dvidhā kāmagaṇā mānusakā ceva dibbā ca. Mānusakā ca mandhātukāmagaṇasadisā, dibbā paranimmitavasavattidevarājassa kāmagaṇasadisā. Evarūpe kāme upagātānaṃ hi te diṭṭhadhammanibbānasampattiṃ paññapenti. Tenāha “**ettāvatā kho -pa-hotī**”ti. **Diṭṭhadhammoti** paccakkhadhammo vuccati, tattha tattha paṭiladdhattabhāvassetaṃ adhivacanaṃ, diṭṭhadhamme nibbānaṃ imasmim yeva attabhāve dukkhavūpasamanaṃ diṭṭhadhammanibbānaṃ. Paramaṃ uttamaṃ diṭṭhadhammanibbānanti **paramadiṭṭhadhammanibbānaṃ**, taṃ patto hotīti attho. **Pañcadhā āgatanti** yathāvuttakāmagaṇasukhassa ceva catubbidharūpāvacarajjhānasukhassa ca vasena pāḷiyaṃ pañcappakārena āgataṃ. **Nibbānaṃ assādentoti** paramaṃ sukhaṃ nissaraṇanti maññanāya assādentento.

“Imasmim nibbāne patte na jāyati, na jīrati, na mīyatī”ti evampi **nibbānasmim maññati**. “Ito paraṃ paramassāsabhūtaṃ natthī”ti gaṇhanto **nibbānato maññati**. Tayidaṃ nibbānaṃ mayā adhigataṃ, tasmā “**nibbānaṃ me**”ti maññati. Tatoyeva taṃ nibbānaṃ diṭṭhābhinandanāya abhinandati, ayaṃ tāvettha **diṭṭhimaññanā**. Tasmimyeva pana diṭṭhimaññanāya maññite vatthusmim sinehaṃ mānañca uppādayato **taṇhāmānamaññanāpi** niddhāretabbā.

**Yādisoti** yathārūpo, yehi jegucchādisabhāvehi passitabboti attho. **Esāti** ayaṃ. Tenassa attano suṇantānañca paccakkhasiddhatamāha. Asubhādisabhāvena saha vijjamānānaṃ rūpādidhammānaṃ kāyo samūhoti **sakkāyo**, upādānakkhandhā. **Tathāti** tassa bhāvabhūtena paṭikūlatādippakārena. **Sabbamaññanāti** pathavī-ādike

sarūpāvadhāraṇādivibhāgabhinne visaye pavattiyā anekavihitā sabbā taṇhāmaññanā.

**Jegucchoti** jigucchanīyo. Tenassa asubhājaññaduggandhapaṭikūlabhāvaṃ dasseti. **bhiduroti** khaṇe khaṇe bhijjanasabhāvo. Tenassa anicca-addhuvakhayavayapabhaṅgurasabhāvaṃ dasseti. **Ayanti** sakkāyo. **Dukkhoti** na sukho. Tenassa kicchakasirābādhadukkhavuttitaṃ dasseti. **Apariṇāyakoti** pariṇāyakarāhito. Tenassa attasuñña-asāravuttitaṃ dasseti. **Tanti** sakkāyaṃ. **Paccanīkatoti** sabhāvapaṭipakkhato, subhaniccasukha-attāditoti attho. **Gaṇhanti** gaṇhanto, tattha subhādigāhavasena abhinivisantoti attho.

Idāni tissopi maññanā upamāhi vibhāvetuṃ “**subhato**”ti-ādi vuttaṃ. Tattha yathā mahāpariḷāhe vipulānatthāvahe ca aggimhi salabhassa patanaṃ subhasukhasaññāya, evaṃ tādise sakkāye salabhassa taṇhāmaññanāti imamatthaṃ dasseti “**subhato -pa- taṇhāya maññanā**”ti iminā.

Gūthādī kīṭako gūtharāsīm laddhā asampannepi tasmim̐ sampannākāraṃ pavattayamāno attānaṃ ukkaṃseti, evamanekādīnave ekantabhedini sakkāye niccasaññaṃ upaṭṭhapetvā sampattimadena tattha bālo mānaṃ jappetīti imamatthamāha “**niccasaññaṃ -pa- mānena maññanā**”ti.

Yathā bālo muddhadhātuko sammūḷho koci ādāse attano paṭibimbaṃ disvā “ayaṃ maññe ādāsasāmiko, yadi ahamimaṃ gahetvā tiṭṭheyyaṃ, anathampi me kareyyā”ti chaḍḍetvā palāyanto tattha avijjamānameva kiñci vijjamānaṃ katvā gaṇhi, tathūpamo ayaṃ bālo sakkāye attattaniyagāhaṃ gaṇhantoti imamatthaṃ dīpeti “**attā -pa- diṭṭhiyā hoti maññanā**”ti iminā.

**Sukhumaṃ mārabandhanaṃ** vepacittibandhanatopi sukhumatarattā. Tenāha bagavā “aho sukhumataraṃ kho bhikkhave mārabandhanaṃ”ti.

**Bahunti** ativiya, anekakkhattuṃ vā. **Vipphandamānopi sakkāyaṃ nātivattati** saṃsāraṃ nātivatthanato. Yathāha “ye te bhikkhave samaṇā sato sattassa ucchedaṃ vināsaṃ vibhavaṃ paññāpentī, te sakkāyaṃyeva anuparidhāvanti seyyathāpi sā gaddulabandhano”ti-ādi. Yathā hi

sattasupi ucchedavikappesu saṃsāranāyikānaṃ taṇhādiṭṭhīnaṃ pahānaṃ sambhavati, evaṃ sassatavikappesupīti kathañci pana diṭṭhigatikassa bhavavippamokkho. Tena vuttam “sakkāyaṃ nātivattatī”ti.

**Sa’soti** so eso puthujjano. **Niccanti** sabbakālaṃ.

**Tanti** tasmā sakkāyamallīnassa<sup>1</sup> jātiyādīnamanativattanato. **Asātatoti** dukkhato.

**Passam evamimanti** asubhāniccadukkhānattasabhāvaṃ taṃ sakkāyaṃ vuttappakārena yathābhūtavipassanāpaññāsahitāya maggapaññāya passanto. **Pahāyāti** samucchavedasena sabbā maññānāyo pajahitvā. **Sabbadukkhā pamuccatīti** sakalasmāpi vaṭṭadukkhato pamuccatīti.

Ekattavārādivaṇṇanā niṭṭhitā.

Paṭhamanayavaṇṇanā niṭṭhitā.

### Sekkhavāradutiyanayavaṇṇanā

7. Adhippetassa atthassa aniyamtvā vacanaṃ **uddeso**, niyamtvā vacanaṃ **niddesoti** āha “**yoti uddesavacanaṃ, soti niddesavacanaṃ**”ti. **Sampiṇḍanatthoti** samuccayattho. Sampiṇḍanañca sabhāgatāvasena hotīti āha “**ārammaṇasabhāgenā**”ti, ārammaṇassa sabhāgatāya sadisatāyāti attho. **Sekkhāṃ dasseti** sāmāññajotanāya visese avaṭṭhānato, sekkhavisayattā ca tassa vacanassa.

**Kenatṭhenāti** yasmā ñāṇena araṇīyato attho sabhāvo, tasmā kenatṭhena kena sabhāvena kena lakkhaṇena sekkho nāma hotīti attho. Yasmā pana sekkhadhammādhigamena puggale sekkhavohārappavatti, tasmā “**sekkhadhammapaṭilābhato sekkho**”ti vuttam. **Sekkhadhammā** nāma catūsu maggesu, heṭṭhimesu ca tīsu phalesu sammādiṭṭhi-ādayo. Tenāha “**sekkhāya sammādiṭṭhiyā -pa-. Ettāvata kho bhikkhu sekkho hotī**”ti. Evaṃ abhidhammapariyāyena sekkhalakkhaṇam

1. Sakkāyamallīnassa (?)

dassetvā idāni suttantikapariyāyenapi taṃ dassetuṃ “**apicā**”ti-ādi vuttaṃ. Tattha **sikkhatī**ti iminā sikkhāttayasamaṅgī apariniṭṭhitasikkho sekkhoti dasseti. Tenāha “**sikkhatī**”ti-ādi. Sikkhāhi nīccasamāyogadīpanatthaṃ cettha “sikkhati sikkhatī”ti āmedītavacanāṃ. Atha vā sikkhanāṃ sikkhā, sā etassa sīlanti **sekkho**. So hi apariyositasikkhattā tadadhimuttattā ca ekantena sikkhanasīlo, na asekkho viya pariniṭṭhitasikkho tattha paṭippassaddhussukko, nāpi vissaṭṭhasikkho pacurajano viya tattha anadhimutto. Atha vā ariyāya jātiyā tīsu sikkhāsu jāto tattha vā bhavoti **sekkho**. Atha vā ikkhati etāyāti ikkhā, maggaphalasammādiṭṭhi. Saha ikkhāyāti **sekkho**.

**Anulomapaṭipadāya paripūrakārī**ti yā sā sīlādikā vipassanantā dukkhanirodhagāminiyā lokuttarāya paṭipadāya anulomanato anulomapaṭipadā, tassā sampādanena paripūrakārīti. Idāni taṃ paṭipadaṃ puggalādhiṭṭhānena dassetuṃ “**sīlasampanno**”ti-ādi vuttaṃ. Tattha **sīlasampannoti** pātimokkhasaṃvarasīlena samannāgato, paripuṇṇapātimokkhasīlo vā. Pātimokkhasīlaṃ hi idha “sīlan”ti adhippetāṃ padhānabhāvato. Rūpādi-ārammaṇesu abhijjhādīnaṃ pavattinivāraṇasaṅkhātena manacchaṭṭhānaṃ indriyānaṃ pidhānena **indriyesu guttadvāro**. Pariyesanādivasena bhojane pamāṇajānanena **bhojane mattaññū**. Vigatathinamiddho hutvā rattindivaṃ kammaṭṭhānamanasikāre yuttatāya **jāgariyānuyogamanuyutto**. Kathaṃ pana jāgariyānuyogo hotīti taṃ dassetuṃ “**pubbarattā -pa- viharatī**”ti vuttaṃ. Yathāha “kathaṃca pubbarattāpararattaṃ jāgariyānuyogamanuyutto hoti? Idha bhikkhu divasaṃ caṅkamaṇa nisajjāya āvaraṇīyehi cittaṃ parisodheti, rattiyā paṭhamāṃ yāmaṃ caṅkamaṇa -pa- sodheti, evaṃ kho bhikkhu pubbarattāpararattaṃ jāgariyānuyogamanuyutto hoti”ti<sup>1</sup>. **Imasmim panattheti** “maññati, na maññati”ti ca vattabbabhāvasaṅkhāte atthe. **No puthujjano adhippeto** “appattamānaso, anuttaraṃ yogakkhemaṃ patthayamāno”ti ca vuttattā.

Sampayuttattā manasi bhavoti rāgo mānaso, mano eva mānasanti katvā cittaṃ **mānasam**, anavasesato mānaṃ sīyati samucchindatīti

---

1. Abhi 2. 258 piṭṭhe.

aggamaggo **mānasam**, tannibbattatā pana arahattassa mānasatā daṭṭhabbā. **Janesutāti** jane sakalāsattaloke vissuta, patthaṭayasāti attho.

Natthi ito uttaranti **anuttaram**. Tam pana sabbasetṭham hontam ekantato sadisarahitameva hoti, tasmā vuttam “**anuttaranti setṭham, asadisanti attho**”ti. **Patthayamānassāti** taṇhāyantassa. **Pajappitānīti** mānajappanāni. Yasmim hi vatthusmim taṇhāyanā patthayamānamaññanā sambhavati, tasmim yeva “seyyohamasmī”ti-ādīni pajappitāni sambhavantīti adhippāyo. **Pavedhitanti** parivāsitaṃ. **Pakappitesūti** taṇhādīṭṭhikappehi parikappitesu ārammaṇesu. **Sotanti** kilesasotaṃ. Tasmim hi chinne itarasotaṃ chinnamevāti. **Viddhastanti** vināsitaṃ. Tañca kho lomahaṃsamattampi asesetvāti dassento āha “**vinaḷikatan**”ti, vigatāvasesam katanti attho. Adhimuttiyā idhādhippetapatthanā pākaṭā hotīti “**tanninno**”ti-ādi vuttam, na pana kusalacchandassa adhimuttibhāvato. **Adhimuccantoti** okappento.

**Sabbākāraviparītāyāti** “subham sukham niccan”ti-ādīnam sabbesam attanā gahetabbākārānam vasena tabbiparītāya, anavasesato dhammasabhāvaviparītākāragāhīniyāti attho. **Abhivisiṭṭhena ñāṇenāti** asampajānanamicchājānanāni viya na dhammasabhāvaṃ appatvā nāpi atikkamivā, atha kho avirajjhivā dhammasabhāvassa abhimukhabhāvappattiyā abhivisiṭṭhena ñāṇena, ñātapariññādhiṭṭhānāya tīraṇapariññāya pahānapariññekadesena cāti attho. Tenāha “**pathavīti -pavuttam hoti**”ti. **Pathavībhāvanti** pathaviyaṃ abhiññeyyabhāvaṃ. Lakkhaṇapathavī hi idhādhippetā, pariññeyyabhāvo panassā “**aniccātipī**”ti-ādīnā gahitoti. **Abhiññatvāti** ñātatīraṇapahānapariññāhi heṭṭhimamaggañāṇehi ca abhijānitvā. **Māmaññīti** appahīnānam maññānānam vasena māti maññatīti mā, pahīnānam pana vasena na maññatīti amaññī, mā ca so amaññī ca māmaññīti evamettha padavibhāgato attho vedītabbo. Tattha yena bhāgena amaññī, tena maññīti na vattabbo. Yena pana bhāgena maññī, tena amaññīti na vattabboti evaṃ paṭikkhepappadhānam attham dassetuṃ aṭṭhakathāyaṃ “**maññī ca na maññī ca na vattabbo**”ti vuttam. Paṭikkhepappadhānatā

cettha labbhamānānampi maññanānaṃ dubbalabhāvato veditabbā. Tenevāha “**itarā pana tanubhāvaṃ gatā**”ti. **Māti** ca nipātapadametaṃ, anekatthā ca nipātāti adhippāyena “**etasmiñhi atthe imaṃ padaṃ nipātetvā vuttan**”ti vuttam. **Nipātetvāti** ca pakati-ādivibhāganiddhāraṇe anumānanayaṃ muñcitvā yathāvutte atthe paccakkhatova dassetvāti attho. **Puthujjano viyāhi** etenassa uparimaggavajjhataṇhāmānavasena maññanā na paṭikkhittāti dīpeti.

Atha vā **mā maññīti** parikappakiriyāpaṭikkhepavacanametaṃ “mā randhayuṃ, mā jīrī”ti-ādīsu viya, na maññeyyāti vuttam hoti. Yathā hi puthujjano sabbaso appahīnamaññanattā “maññati”ceva vattabbo, yathā ca khīṇāsavo sabbaso pahīnamaññanattā na maññati eva, na evaṃ sekkho. Tassa hi ekaccā maññanā pahīnā, ekaccā appahīnā, tasmā ubhayabhāvato ubhayathāpi na vattabbo. Nanu ca ubhayabhāvato ubhayathāpi vattabboti? Na. Yā hi appahīnā, tāpissa tanubhāvaṃ gatāti tāhipi so na maññeyya vibhūtatarāya maññanāya abhāvato, pageva itarāhi. Tenāha bhagavā “mā maññī”ti. Tena vuttam “mā maññīti parikappakiriyāpaṭikkhepavacanametaṃ ‘mā randhayuṃ, mā jīrī’ti-ādīsu viya, na maññeyyāti vuttam hoti”ti. Ayañcassa amaññanā vatthuno pariññeyyattā, na asekkhassa viya pariññātattā. Yaṃ hi ekantato pariṇānitabbaṃ pariṇānitum sakkā, na tattha tabbidhure viya puthujjanassa maññanā sambhavanti. Tenāha “**pariññeyyaṃ tassāti vadāmi**”ti.

**Okkantaniyāmattāti** anupaviṭṭhasammattaniyāmattā, otiṇṇamaggasotattāti attho. **Sambodhiparāyaṇattāti** uparimaggasambodhipaṭisaraṇattā, tadadhigamāya ninnapoṇapabbhārahāvato attho. Ubhayenapi tassa avassambhāvinī sesapariññāti dasseti. **Pariññeyyanti** pariṇānitabbabhāvena ṭhitam, pariññātum vā sakkuṇeyyaṃ. Tappaṭipakkhato **apariññeyyaṃ**. **Puthujjanassa viyāti** etena idhādhippetaputhujjanassa pariññeyyabhāvāsankā eva natthi anadhikāratoti dasseti. “**Mā bhinandi**”ti ethāpi imināva nayena attho veditabbo.

Sekkhavāradutiyanayavaṇṇanā niṭṭhitā.

### Khīṇāsavavāratatīyādinayavaṇṇanā

8. **Sabhāgo** diṭṭhasaccatādisāmañña. Ārakā kilesehi arahanti padassa niruttinayena atthaṃ vatvā taṃ pāḷiyā samānento “**vuttañcetan**”ti-ādimāha. Tattha **pāpakā**ti lāmakatṭhena duggatisampāpanatṭhena ca pāpakā, sāvajjatṭhena akosallasambhūtatṭhena **ca akusalā**, saṃkilesaṃ arahanti, tattha vā niyuttāti **saṃkilesikā**, punabbhavassa karaṇasīlā, punabbhavaphalaṃ arahantīti vā **ponobhavigā**, saha darathena pariḷāhena pavattantīti **sadarā**, dukkho kaṭuko, dukkhamo vā vipāko etesanti **dukkhavipākā**, anāgate jātiyā ceva jarāmarañānañca vaḍḍhanena **jātijarāmarañiyā**ti evametesam padānaṃ attho veditabbo. Kāmañcāyaṃ suttantavaṇṇanā, abhidhammanayo pana nippariyāyoti tena dassento “**cattāro āsavā**”ti-ādimāha. **Samucchinnā paṭippassaddhā**ti na kevalaṃ samucchinnā eva, atha kho paṭippassaddhāpīti maggakiccena sadisaṃ phalakkiccampi niddhāreti.

Sīlavisoḍhanādinā garūnaṃ paṭipattiyā anukaraṇaṃ **garusaṃvāso**. Ariyamaggapaṭipatti eva **ariyamaggasaṃvāso**. **Dasa ariyāvāsā** nāma pañcaṅgavippahīnatādayo. Ye sandhāya vuttaṃ—

“Dasayime bhikkhave ariyāvāsā ye ariyā āvasimsu vā āvasanti vā āvasissanti vā. Katame dasa? Idha bhikkhave bhikkhu pañcaṅgavippahīno hoti chaḷaṅgasamannāgato, ekārakkho, caturāpasseno, panuṇṇapaccekasacco, samavayasatṭhesano, anāvīlasaṅkappo, passaddhakāyasaṅkhāro, suvimuttacitto, suvimuttapañño. Ime kho bhikkhave dasa ariyāvāsā”ti<sup>1</sup>.

Vussatīti vā vusitaṃ, ariyamaggo, ariyaphalañca, taṃ etassa atthīti atisayavacanicchāvasena arahā “**vusitavā**”ti vutto. **Karaṇīyanti** pariññāpahānabhāvanāsacchikiriyamāha. Taṃ pana yasmā catūhi maggehi catūsu saccesu kattabbattā soḷasavidhanti veditabbaṃ. Tenāha “**catūhi**

1. Am 3. 279 piṭṭhe.



**maggehi karaṇīyan**”ti. **Sammā vimuttassā**ti aggamaggaphalapaññāhi samucchedaṭṭhappassaddhīnaṃ vasena suṭṭhu vimuttassa. **Santacittassā**ti tato eva sabbakilesadarathapariḷāhānaṃ vūpasantacittassa. Bhinnakilesassa khīṇāsavassa **bhikkhuno**. **Katassa** pariññādikiccassa **paṭicayo** puna karaṇaṃ **natthi**, tato **eva karaṇīyaṃ na vijjati** na upalabbhati.

**Bhārā**ti osīdāpanaṭṭhena bhārā viyāti bhārā. Vuttaṃ hi “bhārā have pañcakkhandhā”ti-ādi<sup>1</sup>. Attano yonisomanasikārā yattanti **attupanibandhaṃ**, sasantānapariyāpannattā attānaṃ **avijhanaṃ**. Tayidaṃ yadipi sabbasmim anavajjadhamme sambhavati, akuppasabhāvāparihānadhammesu pana aggabhūte arahatte sātisaṃyaṃ, netaresūti dassento āha “**attano paramatthaṭṭhena cā**”ti, uttamaṭṭhabhāvenāti attho.

Suttantaṃ nāma pariyaṇāyoti nipariyaṇāyanaṃ saṃyojanāni dassento “**bhavarāga-issāmacchariyaṃsaṃyojanan**”ti āha, na pana “rūparāgo”ti-ādinaṃ. **Bhavesu saṃyojantī**ti kilesakammavipākavaṭṭānaṃ paccayo hutvā nissarituṃ appadānavasena bandhanti. Satipi hi aññesaṃ tappaccayabhāve na vinā saṃyojanāni tesāṃ tappaccayabhāvo atthi, orambhāgiya-uddhambhāgiyasaṅgahitehi ca tehi taṃtaṃbhavanibbattakakammaṇiyamo bhavaṇiyamo ca hoti, na ca upacchinnaṃsaṃyojanassa katānipi kammāni bhavaṃ nibbattentīti tesāṃyeva saṃyojanaṭṭho daṭṭhabbo.

**Sammā aññāyāti** ājānaṃabhūtāya aggamaggapaññāya sammā yathābhūtaṃ dukkhādīsu yo yathā jānitabbo, taṃ tathā jānitvā. **Cittavimutti** sabbassa cittasaṃkilesassa vissaggo. **Nibbānādhimutti** nibbāne adhimuccanaṃ tattha ninnapoṇapabbhāratā. **Tanti** pathavī-ādikaṃ. **Pariññātaṃ**, na puthujjanaṃ viya aparīññātaṃ, sekkhassa viya pariññeyyaṃ vā. **Tasmāti** pariññātattā.

Catutthapañcamachaṭṭhavārā tattha tattha kilesanibbānakittanavasena pavattattā **nibbānavārā** nāma. Tattha pathavī-ādīnaṃ pariññātattā amaññānā, sā pana pariññā rāgādīnaṃ khayena siddhāti imassa atthassa dīpanavasena pāḷi pavattāti dassento “**pariññātaṃ tassāti sabbapadehi yojetvā**

1. Saṃ 2. 22 piṭṭhe.

puna khayā rāgassa vītarāgattāti yojetabbaṃ. Esa nayo itaresū”ti āha. Tattha itaresūti pañcamachatṭhavāresu. Yadi evaṃ kasmā pāḷi evaṃ na dissatīti āha “desanā pana ekattha vuttaṃ sabbattha vuttameva hotīti saṃkhittā”ti.

Na khayā rāgassa vītarāgo sabbaso appahīnarāgattā. Vikkhambhitarāgo hi soti. **Bāhirakaggahaṇaṃ** cettha tathābhāvasseva tesu labbhanato, na tesu eva tathābhāvassa labbhanato. Idāni yā sā “pariññātaṃ tassā”ti sabbapadehi yojanā vuttā, taṃ vināpi nibbānavāra-atthayojanaṃ dassetuṃ “**yathā cā**”ti-ādi vuttaṃ. Tattha **maññanaṃ na maññatīti** maññanā nappavattatīti attho. Maññanāya maññitabbattepi tassā vatthu-antogadhattāti evamettha attho daṭṭhabbo.

Yadipi pariññātapadaṃ aggahetvā nibbānavāradesanā pavattā, evampi “khayā”ti-ādipadehi pariññāsiddhi eva pakāsiyatīti ko tesam visesoti codanaṃ sandhāyāha “**ettha cā**”ti-ādi. **Maggabhāvanāpāripūridassanattamaṃ vutto**, maggakiccantā hi pariññāyoti adhippāyo. **Itare -pa- veditabbā** vītarāgādikittanatoti. **Dvīhi vā kāraṇehīti** yathāvuttakāraṇadvayena. **Assāti** khīṇāsavassa. **Ayaṃ visesoti** idāni vuccamāno viseso. Yadipi khīṇāsavo ekantena vītarāgo vītadoso vītamoho eva ca hoti, yāya pana pubbabhāgapaṭipadāya vītarāgatādayo savisesāti vattabbaṃ labhanti, taṃ dassento “**tīsu hī**”ti-ādimāha. “Ratto attham na jānātī”ti-ādinā<sup>1</sup> rāge ādīnavam passato “rāgo ca nāma sukhābhisaṅgena uppajjati, sukhañca vipariṇāmato dukkham, pageva itaran”ti sahetuke rāge ādīnavadassanaṃ dukkhānupassanāya nimittaṃ, dukkhānupassanā ca paṇidhiyā paṭipakkhabhāvato appaṇihitavimokkham paripūretīti āha “**rāge -pa- vītarāgo hotī**”ti. Tathā “duṭṭho attham na jānātī”ti-ādinā<sup>2</sup> dose ādīnavam passato “doso ca nāma dukkham paṭicca uppajjati, tañca ubhayaṃ anavaṭṭhitaṃ ittaraṃ pabhaṅgū”ti sahetuke dose ādīnavadassanaṃ aniccānupassanāya nimittaṃ, aniccānupassanā ca niccanimittādīnaṃ paṭipakkhabhāvato animittavimokkham paripūretīti āha “**dose -pa- hotī**”ti. Tathā

1. Khu 10. 12, 32 piṭṭhe.

2. Khu 1. 252 piṭṭhe.

“mūḷho atthaṃ na jānāti”ti-ādinā<sup>1</sup> mohe ādinavaṃ passato “moho nāma yathāsabhāvaggahaṇassa paribbhamanto”ti mohassa vikkhambhanaṃ anattānupassanāya nimittam, anattānupassanāya ca attābhinivesassa paṭipakkhabhāvato suññataṃ vimokkhaṃ paripūretīti āha “**mohe -pa-vītamoho hotī**”ti.

**Evam santeti** yadi vītarāgatādayo vimokkhavibhāgena vuttā, evaṃ sante. **Tasmāti** yasmā vimokkhamukhavimokkhānaṃ vasena niyametvā na vuttaṃ, tasmā. Yaṃ kiñci arahato sambhavantaṃ vibhajtvā vuccatīti vārattayadesanā katāti imamatthaṃ dasseti “**yaṃ arahato**”ti-ādinā.

Evam vimuttivibhāgena khīṇāsavassa vibhāgaṃ vārattayadesanānibandhanaṃ dassetvā idāni avibhāgenapi tattha pariññāvisayassa anusayavisayassa ca vibhāgaṃ tassa nibandhanaṃ dassento “**avisesenā**”ti-ādimāha. Tattha upekkhāvedanā visesato saṅkhāradukkhaṃ sammohādhiṭṭhānanti vuttaṃ “**saṅkhāra -pa- moho**”ti. Sesam vuttanayattā suviññeyyameva.

Khīṇāsavavāratatīyādinayavaṇṇanā niṭṭhitā.

### Tathāgatavārasattamanayavaṇṇanā

12. Yehi<sup>2</sup> guṇavisesehi nimittabhūtehi bhagavati “tathāgato”ti ayam samaññā pavattā, taṃdassanatthaṃ “**aṭṭhahi kāraṇehi bhagavā tathāgato**”ti-ādi vuttaṃ. Guṇanemittakāneva hi bhagavato sabbāni nāmāni. Yathāha—

“Asaṅkhyeyyāni nāmāni, saguṇena mahesino.

Guṇena nāmamuddheyyaṃ, api nāmasahassato”ti<sup>3</sup>.

**Tathā āgatoti** ettha ākāranīyamanavasena opammasampaṭipādanattho **tathā**-saddo. Sāmaññajotanā hi visese avatiṭṭhatīti paṭipādagamanattho **āgata**-saddo, na ñāṇagamanattho “tathalakkhaṇaṃ

1. Khu 1. 252 piṭṭhe.

2. Sī-Ṭī Abhinava 1. 246; Am-Ṭī 1. 125 piṭṭhādīsupi passitabbaṃ.

3. Abhi-Ṭṭha 1. 420; Udāna-Ṭṭha 306; Paṭisaṃ-Ṭṭha 1. 277; Netti-Ṭṭha 119 piṭṭhesu.

āgato”ti-ādīsu<sup>1</sup> viya, nāpi kāyagamanādi-attho “āgato kho mahāsamaṇo, māgadhānaṃ giribbajan”ti-ādīsu<sup>2</sup> viya. Tattha yadākāranīyamanavasena opammasampañipādanattho tathā-saddo, taṃ karuṇāppadhānattā mahākaruṇāmukhena purimabuddhānaṃ āgamanapaṭipadam udāharaṇavasena sāmāññato dassento yaṃtaṃsaddānaṃ ekantasambandhabhāvato “**yathā sabbaloke -pa- āgatā**”ti sādharmaṇato vatvā puna taṃ paṭipadam **mahāpadānasuttā**dīsu<sup>3</sup> sambahulaniddesena supākaṭānaṃ āsannānaṃ vipassī-ādīnaṃ channaṃ sammāsambuddhānaṃ vasena dassento “**yathā vipassībhagavā**”ti-ādīmāha. Tattha **yena abhinīhārenā**ti manussattaliṅgasampattihetusatthāradassanapabbajjā-abhiññādiguṇasampatti-adhikārachandānaṃ vasena aṭṭhaṅgasamannāgatena kāyapaṇidhāna mahāpaṇidhānena. Sabbesaṃ hi sammāsambuddhānaṃ kāyapaṇidhānaṃ imināva nīhārena samijjhatīti.

Evam mahābhinihāravasena “Tathāgato”ti padassa atthaṃ vatvā idāni pāramipūraṇavasena dassetuṃ “**atha vā yathā vipassī bhagavā -pa- yathā Kassapo bhagavā dānapāramiṃ pūretvā**”ti-ādi vuttaṃ. Imasmim̐ pana ṭhāne suttantikānaṃ mahābodhiyānapaṭipadāya kosallajananatthaṃ pāramīkathā vattabbā, sā pana sabbākārasampannā **cariyāpiṭakavaṇṇanāya**<sup>4</sup> vitthārato niddiṭṭhā, tasmā atthikehi tattha vuttanayeneva vedittabbā. Yathā pana pubbe vipassī-ādayo sammāsambuddhā abhinīhārasampattiyāṃ patiṭṭhāya suvisuddhāya paṭipadāya anavasesato sammadeva sabbā pāramiyo paripūresuṃ, evaṃ amhākampi bhagavā paripūresīti imamatthaṃ sandhāyāha “**samattimsapāramiyo pūretvā**”ti. Satipi aṅgapariccāgādīnaṃ dānapāramibhāve pariccāgavisesabhāvadassanatthañceva sudukkarabhāvadassanatthañca “**pañca mahāpariccāge**”ti visuṃ gahaṇaṃ, tatoyeva ca aṅgapariccāgato visuṃ nayanapariccāgaggahaṇampi kataṃ, pariggahapariccāgabhāvasāmaññepi dhanarajjapariccāgato puttadārapariccāgaggahaṇaṃ kataṃ.

Gatapaccāgatikavattapūraṇādīkāya pubbabhāgapaṭipadāya saddhim abhiññāsamāpattinipphādanāṃ **pubbayogo**, dānādīsuyeva sātīsayapaṭipattinipphādanāṃ

1. Dī-Ṭṭha 1. 59; Ma-Ṭṭha 1. 47, 50; Saṃ-Ṭṭha 2. 265; Am-Ṭṭha 1. 80, 83; Udāna-Ṭṭha 112, 113; Itivuttaka-Ṭṭha 111, 112; Theragāthā-Ṭṭha 1. 42; Buddhavaṃsa-Ṭṭha 18. 19; Mahāniddeśa-Ṭṭha 153, 155 piṭṭhesu.

2. Vi 3. 55 piṭṭhe.

3. Dī 2. 2 piṭṭhe.

4. Cariyāpiṭaka-Ṭṭha 269 piṭṭhe.

**pubbacariyā**, sā cariyāpiṭakasaṅgahitā. Abhinhāro **pubbayogo**, dānādipaṭipatti, kāyavivekavasena ekacariyā vā **pubbacariyā**ti keci. Dānādīnañceva appicchatādīnañca saṃsāranibbānesu ādīnavānisamsānañca vibhāvanavasena sattānaṃ bodhittaye patiṭṭhāpanaparipācanavasena ca pavattā kathā **dhammakkhānaṃ**, nātīnaṃ atthacariyā **nātatthacariyā**, sāpi karuṇāya vaseneva<sup>1</sup>. **Ādi**-saddena lokatthacariyādayo saṅgaṇhāti. Kammassakatañānavasena, anavajjakammāyatanasippāyatanavijjāṭṭhānaparicayavasena, khandhāyatanādiparicayavasena, lakkhaṇattayatīraṇavasena ca nānacāro **buddhicariyā**, sā pana atthato paññāpāramīyeva, nāṇasambhāradassanattham visum gahaṇam. **Koṭī**ti pariyanto, ukkaṃsoti attho.

Cattāro satipaṭṭhāne bhāvetvā brūhetvāti sambandho. Tattha **bhāvetvā**ti uppādetvā. **Brūhetvā**ti vaḍḍhetvā. **Satipaṭṭhānā**diggahaṇena āgamanapaṭipadaṃ matthakaṃ pāpetvā dasseti. Vipassanāsahagatā eva vā **satipaṭṭhānā**dayo daṭṭhabbā. Ettha ca “yena abhinhārenā”ti-ādinā āgamanapaṭipadāya ādiṃ dasseti, “dānapāramī”ti-ādinā majjham, “cattāro satipaṭṭhāne”ti-ādinā pariyosānanti veditabbaṃ.

**Sampatijā**toti muhuttajāto manussānaṃ hatthato muttamatto, na mātukucchito nikkhantamatto. Nikkhantamattaṃ hi mahāsattaṃ paṭhamam brahmāno suvaṇṇajālena paṭiggaṇhimsu, tesam hatthato cattāro mahārājāno ajinappaveṇiyā, tesam hatthato manussā dukūlacumbaṭakena paṭiggaṇhimsu, manussānaṃ hatthato muccitvā pathaviyaṃ patiṭṭhitoti. **Yathāha** bhagavā mahāpadānadesanāyaṃ. **Setamhi** chatteti dibbasetacchatte. **Anudhārīyamā**neti dhārīyamāne. Ettha ca chattaḡahaṇeneva khaggādīni pañca kakudhabhaṇḍānīpi vuttānevāti daṭṭhabbaṃ. Khaggatālavaṇṭamoraḡathakavālabījanī-uṇhīsapaṭṭāpi hi chattaṇa saha tadā upaṭṭhitā ahesum, chattādīniyeva ca tadā paññāyimsu, na chattādiggāhakā. **Sabbā ca** disāti dasapi disā. Nayidaṃ sabbadisāvīlokanam sattapadavītiḡaruttarakālam daṭṭhabbaṃ. Mahāsatto hi manussānaṃ hatthato muccitvā

---

1. Karuṇāyanavaseneva (Ka)

puratthimadisam olokesi. Tattha devamanussā gandhamālādīhi pūjayamānā  
 “mahāpurisa idha tumhehi sadisopi natthi, kuto uttaritaro”ti āhamsu. Evam  
 catasso disā, catasso anudisā, heṭṭhā, uparīti sabbā disā anuviloketvā  
 sabbattha attanā sadisam adisvā “ayam uttarā disā”ti tattha  
 sattapadavītihārena agamāsi. **Āsabhinti** uttamaṃ. **Aggoti** sabbapaṭṭhamo.  
**Jeṭṭho seṭṭhoti** ca tasseva vevacanaṃ. **Ayamantimā jāti, natthi dāni**  
**punabbhavoti** imasmim attabhāve pattabbaṃ arahattaṃ byākāsi.

**Anekesam visesādhigamānam pubbanimittabhāvenāti**  
 samkhittena vuttamattham “**yañhī**”ti-ādinā vitthārato dasseti. Tattha **ettḥāti**—

“Anekasākhañca sahasamaṇḍalam,  
 Chattaṃ marū dhārayumantalikkhe.  
 Suvaṇṇadaṇḍā vītipatanti cāmarā,  
 Na dissare cāmarachattagāhakā”ti<sup>1</sup>—

imissā gāthāya. Sabbaññutaññānameva sabbattha appaṭṭihatacārātāya  
 anāvaraṇaññānanti āha “**sabbaññutānāvarenaññānapaṭṭilobhassā**”ti. **Tathā ayam**  
**bhagavāpi gato -pa- pubbanimittabhāvenāti** etena abhijātiyam  
 dhammatāvasena uppajjanakavisesā sabbabodhisattānam sādharmaṇāti dasseti.  
 Pāramitānissandā hi teti.

**Vikkamīti** agamāsi. **Marūti** devā. **Samāti** vilokanasamatāya samā  
 sadisiyo. Mahāpuriso hi yathā ekaṃ disam vilokesi, evam sesadisāpi, na  
 katthaci vilokane vibandho tassa ahoṣīti. **Samāti** vā viloketuṃ<sup>2</sup> yuttā,  
 visamarahitāti attho. Na hi tadā bodhisattassa virūpabībhacchavisamarūpani  
 viloketuṃ ayuttāni disāsu upaṭṭhahantīti.

Evam “tathā gato”ti kāyagamaṇaṭṭhena gata-saddena tathāgata-saddam  
 niddisitvā idāni ñāṇagamaṇaṭṭhena tam dassetuṃ “**atha vā**”ti-ādimāha.  
 Tattha **nekkhammenāti** alobhappadhānena kusalacittuppādena. Kusalā

1. Khu 1. 386 piṭṭhe Suttanipāte.

2. Samāti vā sadisiyo (Ka)

hi dhammā idha nekkhammaṃ, na pabbajjādayo, “paṭhamajjhānaṃ”<sup>1</sup> ca vadanti. **Pahāyāti** pajahitvā. **Gato** adhigato, paṭipanno uttarivisesanti attho. **Pahāyāti** vā pahānahetu, pahānalakkhaṇaṃ vā. Hetulakkhaṇattho hi ayaṃ pahāya-saddo. Kāmacchandādippahānahetukaṃ “gato”<sup>2</sup> ti hettha vuttaṃ gamaṇaṃ avabodho, paṭipatti eva vā kāmacchandādippahānena ca lakkhīyatīti. Esa nayo **padāletvāti**-ādīsipi. **Abyāpādenāti** mettāya. **Ālokasaññāyāti** vibhūtaṃ katvā manasikaraṇena<sup>2</sup> upaṭṭhita-ālokasaññānena. **Avikkhepenāti** samādhinā. **Dhammavavatthānenāti** kusalādidhammānaṃ yāthāvanicchayena. “Sappaccayanāmarūpavavatthānenā”<sup>3</sup> tipī vadanti.

Evam kāmacchandādinīvaraṇappahānena “abhijjhaṃ loke pahāyā”<sup>3</sup> ti-ādina<sup>3</sup> vuttāya paṭhamajjhānassa pubbhāgapaṭipadāya bhagavato tathāgatabhāvaṃ dassetvā idāni saha upāyena aṭṭhahi samāpattīhi aṭṭhārasahi ca mahāvīpassanāhi taṃ dassetuṃ “**ñāṇena**”<sup>3</sup> ti-ādīmāha. Nāmarūpariggahakaṅkhāvitarāṇaṃ hi vinibandhabhūtassa mohassa dūrīkaraṇena nātaparīññāyaṃ ṭhitassa aniccasaññādayo sījjhanti, tathā jhānasamāpattīsu abhiratinimittena pāmojjena. Tattha “anabhiratiyā vinoditāya jhānādīnaṃ samadhigamo”<sup>3</sup> ti samāpattivīpassanānaṃ arativinodana-avijjāpadālanādīni upāyo, uppaṭipāṭiniddeso pana nīvaraṇasabhāvāya avijjāya heṭṭhā nīvaraṇesupi saṅghadassanattanti daṭṭhabbaṃ. Samāpattivihārappavesavibandhanena nīvaraṇāni kavāṭasadisānīti āha “**nīvaraṇakavāṭaṃ uggāhetvā**”<sup>3</sup> ti. “Rattim anuvitakketvā anuvicāretvā divā kammante payojetī”<sup>4</sup> vuttaṭṭhāne vitakkavicārā dhūmāyanāti adhippetāti āha “**vitakkavicāradhūmaṃ**”<sup>3</sup> ti. Kiñcāpi paṭhamajjhānupacāreyeva dukkhaṃ, catutthajjhānupacāre ca sukhaṃ pahīyati, atisayappahānaṃ pana sandhāyāha “**catutthajjhānena sukhadukkaṃ pahāyā**”<sup>3</sup> ti.

Aniccassa, aniccanti ca anupassanā **aniccānupassanā**, tebhūmakadhammānaṃ aniccataṃ gaheṭvā pavattāya vipassanāyetaṃ nāmaṃ. **Niccasaññanti** saṅkhatadhammesu “niccā sassatā”<sup>3</sup> ti evam pavattamicchāsaññaṃ. Saññāsīsena

1. Paṭhamajjhānenāti (Sī-Ṭī Abhinava 1. 307; Am-Ṭī 1. 128 piṭṭhesu.)

2. Manasikārena (Sī-Ṭī Abhinava 1. 307 piṭṭhe.)

3. Abhi 2. 253 piṭṭhe.

4. Ma 1. 197 piṭṭhe.

diṭṭhicittānampi gahaṇaṃ daṭṭhabbaṃ. Esa nayo ito paresupi.  
**Nibbidānupassanāyāti** saṅkhāresu nibbijjanākārena pavattāya anupassanāya.  
**Nandinti** sappītikataṇhaṃ. **Virāgānupassanāyāti** saṅkhāresu virajjanākārena  
pavattāya anupassanāya. **Nirodhānupassanāyāti** saṅkhārānaṃ nirodhassa  
anupassanāya. Yathā vā saṅkhārā nirujjhantiyeva, āyatiṃ punabbhavavasena  
na uppajjanti, evaṃ anupassanā **nirodhānupassanā**. Tenevāha  
“nirodhānupassanāya nirodheti, no samudeti”ti. Muccitukamyatā hi ayaṃ  
balappattāti. Paṭinissajjanākārena pavattā anupassanā  
**paṭinissaggānupassanā**. Paṭisaṅkhāsantiṭṭhanā hi ayaṃ. **Ādānanti**  
niccādivasena gahaṇaṃ. Santatisamūhakiccārammaṇānaṃ vasena  
ekattaggahaṇaṃ **ghanasaññā**. **Āyūhanaṃ** abhisāṅkharaṇaṃ.  
Avatthāvisesāpatti **vipariṇāmo**. **Dhuvasaññanti** thirabhāvaggahaṇaṃ.  
**Nimittanti** samūhādighanavasena sakiccaparicchedatāya ca saṅkhārānaṃ  
saviggahaggahaṇaṃ. **Paṇidhinti** rāgādipaṇidhiṃ. Sā panatthato taṇhāvasena  
saṅkhāresu ninnaṭā. **Abhinivesanti** attānudiṭṭhiṃ.

Aniccadukkhādivasena sabbadhammatīraṇaṃ  
**adhipaññādhammavipassanā**. **Sārādānābhinivesanti** asāresu  
sāraggahaṇavipallāsaṃ. Issarakuttādivasena loko samuppannoti abhiniveso  
**sammohābhiniveso**. Keci pana “ahosiṃ nu kho ahaṃ atītamaddhānanti-  
ādinā<sup>1</sup> pavattasamsayāpatti **sammohābhiniveso**”ti vadanti. Saṅkhāresu  
leṇatāṇabhāvaggahaṇaṃ **ālayābhiniveso**. “Ālayaratā ālayasammuditā”ti<sup>2</sup>  
vacanato ālayo taṇhā, sāyeva cakkhādīsu rūpādīsu ca abhinivisanavasena  
pavattiyā **ālayābhinivesoti** keci. “Evaṃvidhā saṅkhārā paṭinissajjīyanti”ti  
pavattaṃ ṇāṇaṃ **paṭisaṅkhānupassanā**. Vaṭṭato vigatattā vivaṭṭaṃ,  
nibbānaṃ, tattha ārammaṇakaraṇasaṅkhātēna anupassanena pavattiyā  
**vivaṭṭānupassanā**, gotrabhū. **Saṃyogābhinivesanti** saṃyujjanavasena  
saṅkhāresu nivisaṇaṃ. **Diṭṭhekaṭṭheti** diṭṭhiyā sahaṇātekaṭṭhe pahānekaṭṭhe  
ca. **Oḷāriketi** uparimaggavajjhakilese apekkhitvā vuttaṃ, aññathā dassanena  
pahātabbāpi dutiyamaggavajjhehi oḷārikāti. **Aṇusahagateti** aṇubhūte. Idaṃ  
hetṭhimamaggavajjhe

1. Ma 1. 10; Saṃ 1. 265 piṭṭhesu.

2. Dī 2. 31, 32; Ma 1. 224; Ma 2. 291; Saṃ 1. 138; Vi 3. 5, 7, 8 piṭṭhesu.



apekkhitvā vuttaṃ. **Sabbakileseti** avasiṭṭhasabbakilese. Na hi paṭhamādimaggehi pahīnā kilesā puna pahīyantīti.

**Kakkhaḷattarṃ** kathinabhāvo. **Paggharaṇaṃ** dravabhāvo. Lokiyavāyunā bhastassa viya yena vāyunā taṃtaṃkalāpassa uddhumāyanāṃ, thaddhabhāvo<sup>1</sup> vā, taṃ **vitthambhanaṃ**. Vijjamānepi kalāpantarabhūtānaṃ kalāpantarabhūtehi samphuṭṭhabhāve taṃtaṃbhūtavivittatā rūpapariyanto ākāsoṭi yesaṃ yo paricchedo, tehi so asamphuṭṭhova, aññathā bhūtānaṃ paricchedasabhāvo na siyā byāpībhāvāpattito, abyāpitāva asamphuṭṭhatāti yasmim kalāpe bhūtānaṃ paricchedo, tehi asamphuṭṭhabhāvo **asamphuṭṭhalakkhaṇaṃ**. Tenāha bhagavā **ākāsadhātuniddese**<sup>2</sup> “asamphuṭṭhaṃ catūhi mahābhūtehi”ti.

Virodhipaccayasannipāte visadisuppatti **ruppanaṃ**. Cetanāpadhānattā saṅkhārakkhandhadhammānaṃ cetanāvasenetaṃ vuttaṃ “**saṅkhārānaṃ abhisaṅkharānalakkhaṇaṃ**”ti. Tathā hi **suttantabhājanīye saṅkhārakkhandhavibhaṅge**<sup>3</sup> “cakkhusamphassaajā cetanā”ti-ādinā cetanāva vibhattā. Abhisaṅkharānalakkhaṇā ca cetanā. Yathāha “tattha katamo puññābhisaṅkhāro? Kusalā cetanā kāmāvacarā”ti-ādi<sup>4</sup>. **Pharaṇaṃ** savipphārikatā. **Assaddhiyeti** asaddhiyāhetu. Nimittatthe bhummaṃ. Esa nayo **kosajjeti**-ādīsu. **Upasamalakkhaṇanti** kāyacittapariḷāhūpasamalakkhaṇaṃ. Līnuddhaccarahite adhicitte pavattamāne pagghaniggahasampahaṃsanesu abyāvaṭatāya ajjhupekkhanaṃ **paṭisaṅkhānaṃ** pakkhapātupacchedato.

Musāvādādīnaṃ visaṃvādanādīkiccatāya lūkhānaṃ apariggāhakānaṃ paṭipakkhabhāvato pariggāhakasabhāvā sammāvācā siniddhabhāvato sampayuttadhamme sammāvācāpaccayasubhāsītānaṃ sotāraṅca puggalaṃ pariggaṇhātīti tassā **pariggāhalakkhaṇaṃ** vuttaṃ. Kāyikakiriya kiñci kattabbaṃ samuṭṭhāpeti, sayaṅca samuṭṭhāhanaṃ ghaṭanaṃ hotīti sammākammantasaṅkhātāya viratīyā **samuṭṭhānalakkhaṇaṃ** datṭhabbaṃ. Sampayuttadhammānaṃ vā ukkhipanaṃ **samuṭṭhāpanaṃ** kāyikakiriya bhārukkhipanaṃ viya. Jīvamānassa sattassa, sampayuttadhammānaṃ vā jīvitindriyappavattiyā, ājīvasseva vā suddhi **vodānaṃ**. Sasampayuttadhammassa cittassa saṅkilesapakkhe patitum adatvā sammadeva pagghananaṃ **paggaḥo**.

1. Thambhabhāvo (Dī-Ṭī 1. 105; Sī-Ṭī Abhinava 1. 310 piṭṭhesu.)

2. Abhi 1. 169 piṭṭhe.

3. Abhi 2. 37 piṭṭhe.

4. Abhi 2. 112 piṭṭhe.

“Saṅkhārā”ti idha cetanā adhippetāti vuttaṃ **“saṅkhārānaṃ cetanālakkhaṇaṃ”**ti. **Namaṇaṃ** ārammaṇābhimukhabhāvo. **Āyatanānaṃ** pavattanaṃ. Āyatanānaṃ vasena hi āyasaṅkhātānaṃ cittacetāsikānaṃ pavatti. **Taṇhāyahetulakkhaṇanti** vaṭṭassa janakahetubhāvo, maggassa pana nibbānasampāpakattanti ayametesāṃ vireso.

**Tathalakkhaṇaṃ** aviparītasabhāvo. **Ekaraso** aññamaññānativattanaṃ anūnānadhikabhāvo. **Yuganaddhā** samathavipassanāva. **Saddhāpaññā** paggahāvikkhepātipi vadanti.

Khīṇoti kilese khepatīti **khayo**, maggo. Anuppādapariyosānatāya **anuppādo**, phalaṃ. **Passaddhi** kilesavūpasamo. **Chandassāti** kattukāmatāchandassa. **Mūlalakkhaṇaṃ** paṭiṭṭhābhāvo. Samuṭṭhānabhāvo **samuṭṭhānalakkhaṇaṃ** ārammaṇapaṭipādakatāya sampayuttadhammānaṃ uppattihetutā. **Samodhanaṃ** visayādisannipātena gahetabbākāro, yā saṅgatīti vuccati. Samaṃ saha odahanti anena sampayuttadhammāti vā **samodhānaṃ**, phasso. Samosaranti sannipatanti etthāti **samosaraṇaṃ**. Vedanāya vinā appavattamānā sampayuttadhammā vedanānubhavananimittaṃ samosaṭā viya hontīti evaṃ vuttaṃ. Gopānasīnaṃ kūṭaṃ viya sampayuttānaṃ pāmokkhabhāvo **pamukhalakkhaṇaṃ**. Tato, tesāṃ vā sampayuttadhammānaṃ uttari padhānanti **tatuttari**, paññuttarā hi kusalā dhammā. **Vimuttiyāti** phalassa. Taṃ hi silādiguṇasārassa paramukkaṃsabhāvena **sāraṃ**. Ayañca lakkhaṇavibhāgo chadhātupañcajhānaṅgādivasena taṃtaṃsuttapadānusārena porāṇaṭṭhakathāyaṃ āgatanayena ca katoti daṭṭhabbaṃ. Tathā hi pubbe vuttopi koci dhammo pariyāyantarapakāsanatthaṃ puna dassito. Tato eva ca “chandamūlakā kusalā dhammā manasikārasamuṭṭhānā phassasamodhānā vedanāsamosaraṇā”ti, “paññuttarā kusalā dhammā”ti, “vimuttisāramidaṃ brahmacariyaṃ”ti, “nibbānogadhaṃ hi āvuso brahmacariyaṃ nibbānapariyosānaṃ”ti<sup>1</sup> ca suttapadānaṃ vasena **“chandassa mūlalakkhaṇaṃ”**ti-ādi vuttaṃ.

**Tathadhammā nāma cattāri ariyasaccāni** aviparītasabhāvattā. **Tathāni** taṃsabhāvattā. **avitathāni** amusāsabhāvattā. **Anaññathāni** aññākārarahitattā. **Jātipaccayasambhūtasamudāgataṭṭhoti** jātipaccayā

sambhūtaṃ hutvā sahitassa attano paccayānurūpassa uddhaṃ āgatabhāvo, anupavattanaṭṭhoti attho. Atha vā sambhūtaṭṭho ca samudāgataṭṭho ca **sambhūtasamudāgataṭṭho**, na jātito jarāmaṇaṃ na hoti, na ca jātiṃ vinā aññato hotīti **jātipaccayasambhūtaṭṭho**. Itthañca jātito samudāgacchatīti **jātipaccayasamudāgataṭṭho**, yā yā jāti yathā yathā paccayo hoti, tadanurūpaṃ pātubhāvoti attho. **Avijjāya saṅkhārānaṃ paccayaṭṭhoti** etthāpi na avijjā saṅkhārānaṃ paccayo na hoti, na ca avijjāṃ vinā saṅkhārā uppajjanti, yā yā avijjā yesaṃ yesaṃ saṅkhārānaṃ yathā yathā paccayo hoti, ayam avijjāya saṅkhārānaṃ paccayaṭṭho paccayabhāvoti attho.

Bhagavā taṃ sabbākārato jānāti passatīti sambandho. **Tenāti** bhagavatā. Taṃ vibhajjamānanti yojetabbaṃ. **Tanti** rūpāyatanam. **Itthāniṭṭhādīti ādi-**saddena majjhattaṃ saṅgaṇhāti, tathā atītānāgatapaccuppannaparitta-ajjhatabhiddhātadubhayādibhedaṃ. **Labhamānakapadavasenāti** “rūpāyatanam diṭṭhaṃ, saddāyatanam sutam, gandhāyatanam rasāyatanam phoṭṭhabbāyatanam mutam, sabbaṃ rūpaṃ manasā viññātan”<sup>1</sup>ti vacanato diṭṭhapadañca viññātapadañca rūpārammaṇe labbhati, rūpārammaṇam iṭṭhaṃ aniṭṭhaṃ majjhattaṃ parittaṃ atītaṃ anāgataṃ paccuppannam ajjhattaṃ bahiddhā diṭṭhaṃ viññātaṃ rūpaṃ rūpāyatanam rūpadhātu vaṇṇanibhā sanidassanam sappatiṅgham nīlam pītakanti evamādīhi **anekehi nāmehi. Terasahi vārehīti** rūpakaṇḍe<sup>2</sup> āgate terasa niddesavāre sandhāyāha. Ekekasmim ca vāre catunnam catunnam vavatthāpananayanam vasena “**dvepaññāsāya nayehī**”<sup>3</sup>ti āha. **Tathameva** aviparītadassitāya appaṭivattiyadesanatāya ca. “**Jānāmi abhiññāsin**”<sup>3</sup>ti vattamānātītakālesu ñāṇappavattidassanena anāgatepi ñāṇappavatti vuttāyevāti daṭṭhabbā. **Vidita-**saddo anāmaṭṭhakālaviseso veditabbo “diṭṭhaṃ sutam mutan”<sup>3</sup>ti-ādīsu<sup>1</sup> viya. **Na upaṭṭhāsīti** attattaniyavasena na upagacchi. Yathā rūpārammaṇādayo dhammā yaṃsabhāvā yaṃpakārā ca, tathā ne passati jānāti gacchatīti **tathāgatoti** evaṃ padasambhavo veditabbo. Keci pana “niruttinayena pisodarādipakkhepena<sup>3</sup> vā dassi-saddassa lopam, āgata-saddassa cāgamam katvā **tathāgato**”<sup>3</sup>ti vaṇṇenti.

1. Abhi 1. 201 piṭṭhe.

2. Abhi 1. 162 piṭṭhe.

3. Pāṇinī 6. 3. 109 suttaṃ.

Niddosatāya **anupavajjam**. Pakkhipitabbābhāvena **anūnam**.  
 Apanetabbābhāvena **anadhikam**. Atthabyañjanādisampattiyā  
**sabbākāraparipuṇnam**. No aññathāti “tathevā”ti vuttamevattham byatirekena  
 sampādeti. Tena yadattham bhāsitaṃ, ekantena tadatthanipphādanato yathā  
 bhāsitaṃ bhagavatā tathevāti aviparītadesanataṃ dasseti. **Gada-atthoti** etena  
 tatham gadatīti **tathāgatoti** da-kārassa ta-kāro kato niruttinayenāti dasseti.

Tathā gatamassāti **tathāgato**, **gatanti** ca kāyavācāpavattīti attho. **Tathāti**  
 ca vutte yaṃtamsaddānam abyabhicārisambandhitāya yathāti ayamatto  
 upaṭṭhitoyeva hoti, kāyavacīkiriyaṇaṇca aññamaññānulomena  
 vacanicchāyaṃ kāyassa vācā, vācāya ca kāyo sambandhībhāvena  
 upaṭṭhitatīti imamattham dassento āha “**bhagavato hī**”ti-ādi. Imasmim pana  
 atthe tathāvādītāya **tathāgatoti** ayampi attho siddho hoti. So pana pubbe  
 pakārantarena dassitoti āha “**evam tathākāritāya tathāgato**”ti.

**Tiriyam aparimāṇasu lokadhātūsu**ti etena yadeke “tiriyam viya upari  
 adho ca santi lokadhātuyo”ti vadanti, tam paṭisedheti. Desanāvīlāsoyeva  
**desanāvīlāsamayo** yathā “puñnamayaṃ, dānamayan”ti-ādīsu.

Nipātānam vācakasaddasannidhāne tadatthajotanabhāvena pavattanato  
 gata-saddoyeva avagatattham atītatthaṇca vadatīti āha “**gatoti avagato**  
**atīto**”ti.

Atha vā abhinīhārato paṭṭhāya yāva sammāsambodhi, etthantare  
 mahābodhiyānapaṭipattiyā hānaṭṭhānasamkilesanivattīnam abhāvato yathā  
 paṇidhānam, tathā gato abhinīhārānurūpaṃ paṭipannoti **tathāgato**. Atha vā  
 mahiddhikatāya paṭisambhidānam ukkaṃsādhigamena anāvaraṇaṇāṇatāya ca  
 katthacipi paṭighātābhāvato yathā ruci, tathā kāyavacīcittānam gatāni  
 gamanāni pavattiyō etassāti **tathāgato**. Yasmā ca loke vidha-yutta-gata-  
 ppakāra-saddā samānatthā dissanti. Tasmā yathāvidhā vipassī-ādayo  
 bhagavanto, ayampi bhagavā tathāvidhoti

**tathāgato**, yathāyuttā ca te bhagavanto, ayampi bhagavā tathāyuttoti  
**Tathāgato**. Atha vā yasmā saccam taccham tathanti nāṇassetam  
 adhivacanam, tasmā tathena nāṇena āgatoti **Tathāgato**. Evampi tathāgata-  
 saddassa attho veditabbo.

Pahāya kāmādimale yathā gatā,  
 Samādhiñāṇehi vipassi-ādayo.  
 Mahesino sakyamunī jutindharo,  
 Tathā gato tena mato tathāgato.

Tathāñca dhātāyatanādilakkhaṇam,  
 Sabhāvasāmaññavibhāgabhedato.  
 Sayambhuñāṇena jino samāgato,  
 Tathāgato vuccati sakyapuṅgavo.

Tathāni saccāni samantacakkhunā,  
 Tathā idappaccayatā ca sabbaso.  
 Anaññaneyyena yato vibhāvitā,  
 Yāthāvato tena jino tathāgato.

Anekabhedāsupi lokadhātusu,  
 Jinassa rūpāyatanādigocare.  
 Vicitrabhedam tathameva dassanam,  
 Tathāgato tena samantalocano.

Yato ca dhammam tathameva bhāsati,  
 Karoti vācāyanulomamattano.  
 Guṇehi lokam abhibhuyyiriyati,  
 Tathāgato tenapi lokanāyako.

Yathābhinihāramato yathārucci,  
 Pavattavācā tanucittabhāvato.  
 Yathāvidhā yena purā mahesino,  
 Tathāvidho tena jino tathāgatoti<sup>1</sup>.

---

1. Itivuttaka-Ṭṭha 133; Dī-Ṭī 1. 110 piṭṭhesupi.

**Ārakattāti**-ādīnaṃ paḍānaṃ attho **visuddhimagge**<sup>1</sup>  
buddhānussatisaṃvaṇṇanāya vuttanayeneva veditabbo. **Sammā sāmañca**  
**sabbadhammānaṃ buddhattāti** imināssa paropadesarahitassa sabbākārena  
sabbadhammāvabodhanasamatthassa ākaṅkhāpaṭibaddhavuttino  
anāvarenañāṇasaṅkhātassa sabbaññutaññāṇassa adhigamo dassito.

Nanu ca<sup>2</sup> sabbaññutaññāṇato aññaṃ anāvarenañāṇaṃ, aññathā cha  
asādhāraṇañāṇāni buddhaññāṇānīti vacanaṃ virujjheyāti? Na virujjhati  
visayappavattibhedavasena aññehi asādhāraṇañāṇabhāvadassanattamaṃ  
ekasseva ñāṇassa dvidhā vuttatā. Ekameva hi taṃ ñāṇaṃ  
anavasesasaṅkhatāsaṅkhatasammutidhammavisayatāya Sabbaññutaññāṇaṃ,  
tatttha ca āvaraṇābhāvato nissaṅgacāramupādāya anāvarenañāṇanti vuttam.  
Yathāha **paṭisambhidāyaṃ**<sup>3</sup> “sabbaṃ saṅkhatāsaṅkhatamanavasesaṃ jānātīti  
sabbaññutaññāṇaṃ, tattthāvaraṇaṃ natthīti anāvarenañāṇaṃ”ti-ādi, tasmā  
natthi nesam atthato bhedo, ekantena cetam evamicchitabbaṃ, aññathā  
sabbaññutānāvarenañāṇānaṃ sāvarenaṭā asabbadhammārammaṇatā ca  
āpajjeyya. Na hi bhagavato ñāṇassa aṇumattampi āvaraṇaṃ atthi,  
anāvarenañāṇassa ca asabbadhammārammaṇabhāve yattha taṃ nappavattati,  
tattthāvaraṇasabbhāvato anāvarenañāṇavoyeva na siyā. Atha vā pana hotu  
aññaṃeva anāvarenañāṇaṃ sabbaññutaññāṇato, idha pana sabbattha  
appaṭihata vuttitāya anāvarenañāṇanti sabbaññutaññāṇaṃeva adhippetam,  
tassa cādhi gamena bhagavā sabbaññū sabbavidū sammāsambuddhoti ca  
vuccati, na sakimeva sabbadhammāvabodhato. Tathā ca vuttam  
**paṭisambhidāyaṃ**<sup>4</sup> “vimokkhantikametaṃ buddhānaṃ bhagavantānaṃ  
bodhiyā mūle saha sabbaññutaññāṇassa paṭilābhā sacchikā paññatti yadidaṃ  
buddho”ti. Sabbadhammāvabodhanasamatthañāṇasamadhi gamena hi  
bhagavato santāne anavasesadhamme paṭivijjhitaṃ samatthatā ahoṣīti.

Etthāha—kiṃ panidaṃ ñāṇaṃ pavattamānaṃ sakimyeva sabbasmim  
visaye pavattati, udāhu kamenāti. Kiñcetta—yadi tāva sakimyeva  
sabbasmim visaye pavattati, atītānāgatapaccuppanna-  
ajjhatabhiddhādibhedena bhinnānaṃ

1. Visuddhi 1. 192 piṭṭhe.

3. Khu 9. 125 piṭṭhe.

2. Itivuttaka-Ṭṭha 134 piṭṭhādīsipi passitabbaṃ.

4. Khu 9. 172 piṭṭhe.

saṅkhatadhammānaṃ asaṅkhatasammutidhammānaṃca ekajjhaṃ upaṭṭhāne dūrato cittapaṭaṃ avekkhantassa viya paṭivibhāgenāvabodho na siyā, tathā ca sati “sabbe dhammā anattā”ti vipassantānaṃ anattākārena viya sabbe dhammā anirūpitarūpena bhagavato ñāṇassa visayā hontīti āpajjati. Yepi “sabbañeyyadhammānaṃ ṭhitalakkhaṇavisayaṃ vikapparahitaṃ sabbakālaṃ buddhānaṃ ñāṇaṃ pavattati, tena te sabbavidūti vuccanti. Evaṃca katvā ‘caraṃ samāhito nāgo, tiṭṭhantopi samāhito’ti idampi vacanaṃ suvuttaṃ hotī”ti vadanti, tesampi vuttadosānativatti. Ṭhitalakkhaṇārammaṇatāya hi atītānāgatatasammutidhammānaṃ tadabhāvato ekadesavisayameva bhagavato ñāṇaṃ siyā, tasmā sakiṃ yeva ñāṇaṃ pavattatīti na yujjati.

Atha kamena sabbasmimṃ visaye ñāṇaṃ pavattati, evampi na yujjati. Na hi jātibhūmisabhāvādivasena disādesakālādivasena ca anekabhedabhinne neyye kamena gayhamāne tassa anavasesapaṭivedho sambhavati apariyantabhāvato ñeyyassa. Ye pana “atthassa avisamvādanato ñeyyassa ekadesaṃ paccakkhaṃ katvā sesepi evanti adhimuccitvā vavatthāpanena sabbaññū bhagavā, taṅca ñāṇaṃ ananumānikaṃ saṃsayābhāvato. Saṃsayānubaddhaṃ hi loke anumānañāṇaṃ”ti vadanti, tesampi taṃ na yuttaṃ. Sabbassa hi appaccakkhabhāve atthassa avisamvādanena ñeyyassa ekadesaṃ paccakkhaṃ katvā sesepi evanti adhimuccitvā vavatthāpanassa asambhavato. Yaṃ hi taṃ sesaṃ, taṃ appaccakkhanti. Atha tampi paccakkhaṃ, tassa sesabhāvo eva na siyāti? Sabbametaṃ akāraṇaṃ. Kasmā? Avisayavicāraṇabhāvato. Vuttaṃ hetuṃ bhagavatā “buddhavisayo bhikkhave acinteyyo na cintetabbo, yo cinteyya, ummādassa vighātassa bhāgī assā”ti<sup>1</sup>. Na cintetabbo, yo cinteyya, ummādassa vighātassa bhāgī assā”ti<sup>1</sup>. Iduṃ panettha sanniṭṭhānaṃ—yaṃ kiñci bhagavatā ñātuṃ icchitaṃ sakalamekadeso vā, tattha appaṭihata vuttitāya paccakkhato ñāṇaṃ pavattati, nīccasamādhānaṃca vikkhepābhāvato, ñātuṃ icchitassa ca sakalassa avisayabhāve tassa ākaṅkhāpaṭibaddhavuttitā na siyā, ekanteneva ca sā icchitabbā “sabbe dhammā buddhassa bhagavato āvajjanapaṭibaddhā ākaṅkhāpaṭibaddhā manasikārapaṭibaddhā cittuppādapāṭibaddhā”ti<sup>2</sup> vacanato. Atītānāgatavisayampi bhagavato ñāṇaṃ anumānāgamatakkagahaṇavirahitattā paccakkhameva.

1. Am 1. 392 piṭṭhe.

2. Khu 7. 139, 278; Khu 8. 176; Khu 9. 376 piṭṭhesu.

Nanu ca etasmimpi pakkhe yadā sakalaṃ ṇātuṃ icchitaṃ, tadā sakimīyeva sakalavisayatāya anirūpitarūpena bhagavato ṇāṇaṃ pavatteyyāti vuttadosānativattiyevāti? Na, tassa visodhitattā. Visodhito hi so buddhavisayo acinteyyoti. Aññathā pacurajanaññāsamānavuttitāya buddhānaṃ bhagavantānaṃ ṇāṇassa acinteyyatā na siyā, tasmā sakaladhammārammaṇampi taṃ ekadhammārammaṇaṃ viya suvatthāpīteyeva te dhamme katvā pavattatīti idamettha acinteyyaṃ, anantañca ṇāṇaṃ ñeyyaṃ viya. Vuttaṃ hetāṃ “yāvatakaṃ ñeyyaṃ, tāvatakaṃ ṇāṇaṃ. Yāvatakaṃ ṇāṇaṃ, tāvatakaṃ ñeyyaṃ. Ñeyyapariyantikaṃ ṇāṇaṃ, ṇāṇapariyantikaṃ ñeyyaṃ”ti<sup>1</sup>. Evamekajjhaṃ, visuṃ, sakim, kamena vā icchānurūpaṃ sammā sāmañca sabbadhammānaṃ buddhattā sammāsambuddho.

Tanti yathāvuttaṃ pathavī-ādibhedāṃ. **Pariññātanti** parito samantato sabbākārato ñātaṃ, taṃ pariññātabbābhāvaṃ kiñci asesetvā ñātanti attho. Ayameva hi attho “pariññātantaṃ”ti imināpi padena pakāsitoti dassento “**pariññātantaṃ nāmā**”ti-ādimāha. **Tena tena maggena kilesappahānena viseso natthīti** idaṃ taṃtaṃmaggavajjhakilesānaṃ buddhānaṃ sāvakaṇaṇca tena tena maggeneva pahātabbābhāvasāmaññaṃ sandhāya vuttaṃ, na sāvakehi buddhānaṃ kilesappahānavisesābhāvato. Tathā hi sammāsambuddhā eva savāsanakilese jahanti, na sāvakā. **Ekadesamevāti** attano santānagatameva. Sasantatipariyāpannadhammapariññāmattepi hi catusaccakammaṭṭhānabhāvanā samijjhati. Tenevāha “imasmiṃyeva byāmamatte kaḷevare sasaññimhi samanake lokaṇca paññāpemi lokasamudayaṇca paññāpemi”ti-ādi<sup>1</sup>. **Aṇupamāṇampi -pa- natthi**, yato chattimsakoṭṭisatasahassamukhena buddhānaṃ mahāvajjiraññānaṃ pavattatīti vadanti.

Tathāgatavārasattamanayavaṇṇanā niṭṭhitā.

1. Khu 7. 139, 278; Khu 8. 176; Khu 9. 376 piṭṭhesu.

2. Saṃ 1. 61; Am 1. 357 piṭṭhesu.



### Tathāgatavāra-aṭṭhamanayavaṇṇanā

13. **Purimataṇhāti** purimataresu bhavesu nibbattā paccuppannattabhāvahetubhūtā taṇhā. Taggahaṇeneva ca atītaddhasaṅgahā avijjāsāṅkhārā saddhim upādānena saṅgahitāti daṭṭhabbā. **Etthāti** “bhavā jāti”ti etasmim pade. **Tena upapattibhavenāti** “bhavā jāti”ti jātisīsena vuttapapattibhavena. **Bhūtassāti** nibbattassa. So pana yasmā satto nāma hoti, tasmā vuttam “**sattassā**”ti. **Evañca jānitvāti** iminā “**bhūtassa jarāmarañan**”ti etthāpi “iti viditvā”ti idam padam ānetvā yojetabbanti dasseti.

Yadipi tebhūmakā upādānakkhandhā “yam kiñci rūpan”ti-ādinā<sup>1</sup> ekādasasu okāsesu pakkhipitabbā sammasitabbā ca, te pana yasmā bhagavatā “kimhi nu kho sati jarāmarañam hoti, kim paccayā jarāmarañan”ti-ādinā<sup>2</sup> paṭiccasamuppādamukhena sammasitā, paṭiccasamuppādo ca pavattipavattihetubhāvato purimasaccadvayameva hoti, tasmā tadabhisamayam “maññanābhāvahetu paccayākārapaṭivedho”ti vibhāvento “**yam bodhirukkhamūle -pa- dassentoti āha**. Saṅkhippanti ettha avijjādayo viññāṇādayo cāti saṅkhepā, atīte hetu-ādayo “hetu, phalan”ti evam saṅkhippantīti vā saṅkhepā avijjādayo viññāṇādayo ca. Saṅkhepasaddo bhāgādhivacananti daṭṭhabbo. Tenāha “**koṭṭhāsāti attho**”ti. Te pana atīte hetusaṅkhepo, etarahi phalasaṅkhepo, etarahi hetusaṅkhepo, āyatim phalasaṅkhepoti cattāro saṅkhepā etassāti catusaṅkhepo, tam **catusaṅkhepaṁ**. Hetuphalasandhi phalahetusandhi puna hetuphalasandhīti evam tayo sandhī etassāti tisandhi, tam **tisandhim**. Atītapaccuppannānāgatabhedā tayo addhā etassāti tiyaddho, tam **tiyaddham**. Sarūpato avuttāpi tasmim tasmim saṅkhepe ākirīyanti avijjāsāṅkhārādiggahaṇehi pakāsīyantīti ākārā, atītahetu-ādīnam vā pakārā ākārā, te ekekaṅkhepe pañca pañca katvā vīsati ākārā etassāti vīsataṅkārō, tam **vīsataṅkārām**.

1. Abhi 2. 1; Ma 1. 192 piṭṭhesu.

2. Dī 2. 26; Saṁ 1. 246, 251 piṭṭhesu.

**Esa sabboti** esa catusaṅkhepādipabhedo anavaseso paccayo.

**Paccayalakkhaṇenāti** paccayabhāvena attano phalassa paṭisandhiviññāṇassa paccayabhāvena, avinābhāvalakkhaṇenāti attho. Yathā hi taṇhaṃ vinā avijjādayo viññāṇassa paccayā na honti, evaṃ taṇhāpi avijjādike vināti. Ettha dukkhaggahaṇena viññāṇanāmarūpasalāyatanaphassavedanānaṃ, bhavaggahaṇena ca taṇhāsaṅkhārūpādānānaṃ gahitatā vuttanayā evāti na uddhaṭā.

Idāni te vīsati ākāre paṭisambhidāmaggaṇāyā vibhāvetuṃ “**evamete**”ti-ādi vuttaṃ. Tattha<sup>1</sup> **purimakammabhavasminti** purime kammabhāve, atītajātiyaṃ kammabhāve kayiramāneti attho. **Moho avijjāti** yo tadā dukkhādīsū moho, yena mūlho kammaṃ karoti, sā avijjā. **Āyūhanā saṅkhārāti** taṃ taṃ kammaṃ karonto dānūpakaraṇādisajjanādivasena yā purimacetanāyo, te saṅkhārā. Paṭiggāhakānaṃ pana hatthe deyyadhammaṃ patiṭṭhāpayato cetanā bhavo. Ekāvajjanajavanesu vā purimā cetanā āyūhanā saṅkhārā, sattamā bhavo. Yā kāci vā pana cetanā bhavo, sampayuttā āyūhanā saṅkhārā. **Nikanti taṇhāti** yaṃ kammaṃ karontassa upapattibhāve tassa phalassa nikāmanā patthanā, sā taṇhā nāma. **Upagamanā upādānanti** yaṃ kammabhāvassa paccayabhūtaṃ “idaṃ kammaṃ katvā asukasmiṃ nāma ṭhāne kāme sevissāmi ucchijjissāmi”ti-ādinā nayena pavattam upagamanā gahaṇāṃ parāmasanaṃ, idaṃ upādānaṃ nāma. **Cetanā bhavoti** dvīsū atthavikappesu vuttassa āyūhanassa avasāne vuttacetanā, tatiye pana āyūhanasampayuttacetanā bhavo. **Iti ime pañca dhammā purimakammabhavasmim idha paṭisandhiyā paccayāti** ime yathāvuttā mohādayo pañca dhammā atītakammabhāvasiddhā etarahi paṭisandhiyā paccayabhūtāti attho.

**Idha paṭisandhiviññāṇanti** yaṃ bhavantarapaṭisandhānavasena uppannattā paṭisandhīti vuccati, taṃ viññāṇaṃ. **Okkanti nāmarūpanti** yā gabbhe rūpārūpadhammānaṃ okkanti āgantvā pavisaṅti viya, idaṃ nāmarūpaṃ. **Pasādo āyatananti** idaṃ cakkhādipañcāyatanavasena vuttaṃ. **Phuṭṭho phassoti** yo ārammaṇaṃ phuṭṭho phusanto uppanno, ayaṃ phasso.

---

1. Paṭisaṃ-Ṭṭha 1. 223 piṭṭhādīsūpi passitabbaṃ.

**vedayitaṃ vedanā**ti yaṃ paṭisandhiviññāṇena vā saḷāyatanapaccayena vā phassena sahuṃpannaṃ vipākavedayitaṃ, sā vedanā. **Iti ime -pa- paccayā**ti ime viññāṇādayo pañca koṭṭhāsikā dhammā purimabhāve katassa kammaṃsa kammavaṭṭassa paccayā, paccayabhāvato taṃ paṭicca idha etarahi upapattibhavasmiṃ upapattibhavabhāvena vā hontīti attho.

**Idha paripakkattā āyatanānaṃ mohoti** paripakkāyatanassa kammakaraṇakāle asammoḥaṃ dasseti. Daharassa hi cittappavatti bhavaṅgabahulā yebhuyyena bhavantarajanakammāyūhanasamattā na hotīti. **Kammakaraṇakā**leti ca iminā sabbo kammaṃsa paccayabhūto sammoho gahito, na sampayuttova. Sesaṃ vuttanayameva.

**Padayojanāyā**ti “tasmā”ti-ādīnaṃ padānaṃ sambandhena saha. **Atthanigamananti** imasmiṃ aṭṭhamavāre desanattanigamanaṃ. **Nandīti evaṃ vuttānaṃ sabbataṇhānaṃ** “nandī dukkhassa mūlan”ti evaṃ nandanatthasāmaññato ekavacanena vuttānaṃ sabbataṇhānaṃ santānārammaṇasampayuttadhammappavatti-ākārādibhedena anekabhedānaṃ sabbāsaṃ taṇhānaṃ. **Khayavevacanānevā**ti samucchadapahānavevacanāneva. “Accantakkhayā”ti hi vuttaṃ. **Catumaggakiccāsādhāraṇametanti** catunnaṃ ariyamaggānaṃ pahānakiccassa sādhāraṇaṃ sāmaññato gahaṇaṃ etaṃ khayādivacananti attho. Tesaṃ pana maggānaṃ kamena pavattanaṃ kiccakameneva dassetuṃ “**virāgā**”ti-ādi vuttanti dassento “**tato -pa- yojetabban**”ti āha. Tathā satipi khayādisaddānaṃ pahānapariyāyabhāve pahātabbāya pana visayabhedabhinnāya taṇhāya anavaśesato pahīnabhāvādīpanatthaṃ khayādīpariyāyantaraggahaṇaṃ katanti dassento “**yā hī**”ti-ādimāha. Yathāvuttasañjānaṃādīhetubhūtāya taṇhāya pahīnattā tappahānadīpanaṃ katvā vuccamānaṃ khayādivacanānaṃ na kathaṅci dhammataṃ vilometīti vuttaṃ “**na kiñci virujjhatī**”ti.

**Uttaravirahitanti** attānaṃ uttaritūṃ samatthattā uttarena adhikena virahitaṃ. Ayañcassa uttaravirahatā attano seṭṭhabhāvenāti āha “**sabbasetṭhan**”ti. Yathā sammā-saṃ-saddā “aviparītaṃ, sāmaṃ”ti imesaṃ padānaṃ atthaṃ vadanti, evaṃ pāsāṃsasobhanatthepīti āha “**sammā sāmañca bodhiṃ pasatthaṃ sundarañca bodhin**”ti. Bujjhi ettha paṭivijjhi cattāri ariyasaccāni, sabbampi vā neyyanti rukkho **bodhi**, bujjhati etenāti pana maggo **bodhi**,

tathā sabbaññutaññāṇaṃ, nibbānaṃ pana bujhitabbato **bodhī**ti ayamettha sādhanavibhāgo daṭṭhabbo. Paṇṇattiyampi attheva bodhi-saddo “bodhirājakumāro”ti-ādīsu<sup>1</sup>. **Apāreti** sārasmāsācariyā. Ettha ca sa-upasaggassa bodhi-saddassa atthuddhāre anupasaggānaṃ udāharaṇe kāraṇaṃ heṭṭhā vuttameva.

Lokuttarabhāvato vā tatthāpi heṭṭhimamaggānaṃ viya tatuttarimaggābhāvato ca “siyā nu kho anuttarā bodhī”ti āsaṅkaṃ sandhāya taṃ vidhamituṃ “**sāvakānaṃ**”ti-ādi vuttaṃ. Abhinīhārasampattiyā phalavisesabhūtehi nāṇavisesehi ekaccehi sakalehi saddhiṃ samijjhamāno maggo ariyānaṃ taṃ taṃ nāṇavisesādiṃ dento viya hotīti tassa asabbaguṇadāyakattaṃ vuttaṃ. Tena anaññasādhāraṇābhinīhārasampadāsiddhassa nīratisayaguṇānubandhassa vasena arahattamaggo anuttarā bodhi nāma hotīti dasseti. Sāvaka-pāramiññaṃ aññehi sāvakehi asādhāraṇaṃ mahāsāvakaṇāmyeva āveṇikaṃ nāṇaṃ. Paccekaṃ saccāni buddhavantoti **paccekabuddhā**. Nanu ca sabbepi ariyā paccekameva saccāni paṭivijjhanti dhammassa paccattaṃ vedanīyabhāvatoti? Saccam, nayidamīdisaṃ paṭivedhaṃ sandhāya vuttaṃ, yathā pana sāvakā aññasannissayena saccāni paṭivijjhanti paratoghosena vinā tesam dassanamaggassa anuppajjanato, yathā ca sammāsambuddhā aññesaṃ nissayabhāvena saccāni abhisambujjhanti, na evamete, ete pana aparaneyyā hutvā aparīṇāyakabhāvena saccāni paṭivijjhanti. Tena vuttaṃ “**paccekaṃ saccāni buddhavantoti paccekabuddhā**”ti.

Itīti karīyati uccāriyatīti **itikāro**, iti-saddo. **Kāraṇattho** aniyamarūpenāti adhippāyo, tasmāti vuttaṃ hoti. Tenāha “**yasmā cā**”ti. Pubbe pana iti-saddaṃ pakāratthaṃ katvā “evam jānitvā”ti vuttaṃ, idhāpi taṃ pakāratthameva katvā attho yujjati. Kathaṃ? **Viditvāti** hi padaṃ hetu-atthe daṭṭhabbaṃ “paññāya cassa dīsvā”ti<sup>2</sup>, “ghataṃ pivitvā balaṃ hotī”ti ca evamādīsu viya, tasmā pakāratthepe iti-sadde paṭiccasamuppādassa viditattāti ayaṃ attho labbhateva. **Paṭiccasamuppādaṃ viditvāti** etthāpi hetu-atthe viditvā-sadde yathāvuttā atthayojanā yujjateva. Ettha ca paṭhamavikappe paṭiccasamuppādassa viditattamā maññanābhāvassa

1. Ma 2. 277; Vi 4. 267 piṭṭhesu.

2. Ma 1. 215 piṭṭhe.

kāraṇaṃ vatvā taṇhāmūlakassa paṭiccasamuppādassa dassitattā ettha taṇhāppahānaṃ sammāsambodhiyā adhigamanakāraṇaṃ uddhatanti dassitaṃ, tasmā “**pathaviṃ na maññati**”ti-ādi nigamaṇaṃ daṭṭhabbaṃ. Dutiyavikappe pana paṭiccasamuppādavedanaṃ taṇhāppahānaṃ kāraṇaṃ vuttaṃ, taṃ abhisambodhiyā abhisambodhimaññaṇābhāvassāti ayamattho dassitoti ayametesam dvinnaṃ atthavikappānaṃ viseso, tasmā “nandī dukkhassa mūlan”ti vuttaṃ.

Taṃ kuto labbhatīti codanaṃ sandhāyāha “**yattha yattha hī**”ti-ādi. **Sāsanayutti** yaṃ sāsanepi evaṃ sambandho dissatīti katvā. Lokepi hi yaṃ-taṃ-saddānaṃ abyabhicārisambandhatā siddhā.

Evaṃ **abhisambuddhoti vadāmīti** abhisambuddhabhāvassa gahitattā, asabbaññunā evaṃ desetum asakkuṇeyyattā ca “**sabbaññutaññāṇaṃ dassento**”ti-ādimāha.

**Vicītranayadesanāvilāsayuttanti** puthujjanavārādivibhāgabhinnehi vicittehi tantinayehi, lakkhaṇakammataṇhāmaññaṇādivibhāgabhinnehi vicittehi atthanayehi, abhinandanapaccayākārādivisesāpadesasiddhena desanāvilāsenā ca yuttaṃ. **Yathā te na jānanti, tathā desesīti** imināpi bhagavato desanāvilāsaṃyeva vibhāveti. **Taṃyeva kira pathavinti** ettha pathavīgahaṇaṃ upalakkhaṇamattaṃ āpādivasenāpi, tathā “kīdisā nu kho idha pathavī adhippetā, kasmā ca bhūtarūpāniyeva gahitāni, na sesarūpāni”ti-ādināpi tesam saṃsayuppatti niddhāretabbā. Atha vā **kathaṃ nāmidanti** ettha **iti**-saddo pakārattho. Tena imasmim sutte sabbāyapi tesam saṃsayuppattiyā pariggahitā daṭṭhabbā. **Antanti** mariyādaṃ desanāya antaṃ paricchedanti<sup>1</sup> attho, yo anusandhīti vuccati. **Koṭinti** pariyantaṃ, desanāya pariyosānanti attho. Ubhayena sutte ajjhāsayaṇusandhi yathānusandhīti vadati.

**Antarākathāti** kammaṭṭhānāmanasikāra-uddesaparipucchādīnaṃ antarā aññā ekā kathā. **Vippakatāti** aniṭṭhitā sikkhaṃ appattā. **Taṅkhaṇānurūpenāti** tasmim khaṇe dhammasabhāyaṃ sannipatitānaṃ bhikkhūnaṃ ajjhāsayaṇurūpena. **Idanti** idāni vuccamānaṃ mūlapariyāyajātakam.

---

1. Antarapāricchedanti (Ka)

**Disāpāmokkhoti** paṇḍitabhāvena sabbadisāsu pamukhabhūto. **Brāhmaṇoti** brahmaṃ aṇaṭīti brāhmaṇo, mante sajjhāyatīti attho. **Tiṇṇaṃ vedānanti** iruvedayajuvedasāmavedānaṃ. **Pāragūti** atthaso byañjanaso ca pāraṃ pariyantaṃ gato. Saha nighaṇḍunā ca keṭubhena cāti **sanighaṇḍukeṭubhā**, tesaṃ. **Nighaṇḍūti** rukkhādīnaṃ vevacanappakāsakaṃ satthaṃ. **Keṭubhanti** kiriyākappavikappo, kavīnaṃ upakārāvahaṃ satthaṃ. Saha akkharappabhedenāti **sākkharappabheda**, tesaṃ, sikkhāniruttisahitānanti attho. **Itihāsapañcamānanti** āthabbaṇavedaṃ catutthaṃ katvā “itiha asa, itiha asā”ti īdisavacanapaṭisaṃyutto purāṇakathāsāṅkhāto itihāso pañcamo etesanti itihāsapañcamā, tesaṃ. Padaṃ tadavasesaṅca byākaraṇaṃ kāyati ajjheti vedeti cāti **padako**, veyyākaraṇo. **Lokāyatam** vuccati vitaṇḍasatthaṃ. Mahāpurisānaṃ buddhādīnaṃ lakkhaṇadīpanagantho **mahāpurisalakkhaṇaṃ**. Tesu anūno paripūrakārīti **anavayo**.

**Manteti** vede. Yadi pi vedo “manto, brahmaṃ, kappo”ti tividho, manto eva pana mūlavedo, tadatthavivaraṇaṃ brahmaṃ, tattha vuttanayena yaññakiriyāvidhānaṃ kappo. Tena vuttaṃ “manteti, vede”ti. **Paṇḍitīti** paññavanto. Tathā hi te puthupaññatāya **bahuṃ** sahasadvisahassādīparimāṇaṃ ganthaṃ pākaṭaṃ katvā **gaṇhanti** uggaṇhanti, javanapaññatāya **lahuṃ** sīghaṃ **gaṇhanti**, tikkhapaññatāya **suṭṭhu** avirajjhantā **upadhārenti**, satīnepakkasampattiyā **gahitaṅca nesaṃ na vinassati** na sammussaṭīti. **Sabbampi sippanti** aṭṭhārasavijjāṭṭhānādibhedam sikkhitabbaṭṭhena sippanti saṅkhyāṃ gataṃ sabbaṃ bāhirakasatthaṃ mokkhāvahasammatampi na mokkhaṃ āvahaṭīti āha “**diṭṭhadhammasamparāyahitan**”ti. **Sampiṇḍitā hutvāti** yathā mittā, tathā piṇḍitavasena sannipatitā hutvā. “Evaṃ gayhamāne ādinā virujjheyya, evaṃ antena”ti cintentā ñātum icchitassa atthassa pubbenāparaṃ aviruddhaṃ nicchayaṃ gahetuṃ asakkontā **na ādirī, na antaṃ addasaṃsu**.

**Lomasānīti** lomavantāni, ghanakesamassuvānīti attho. Kesāpi hi lomaggahaṇena gayhanti yathā “lomanakhaṃ phusitvā suddhi kātabbā”ti. Kaṇṇaṃ viyāti **kaṇṇaṃ**, paññā, tāya sutvā kātabbakiccasādhanato vuttaṃ “**kaṇṇavāti paññavā**”ti.

Yasmā sattānaṃ gacchante gacchante kāle āyuvaṇṇādiparikkhayo hoti, tasmā taṃ kālena kataṃ viya katvā vuttaṃ “**nesaṃ āyu -pa- khādatīti vuccatī**”ti.

**Abhiññāyā**ti kusalādibhedanā khandhādibhedañca desetabbanā dhammanā, veneyyānañca āsayānusayacariyāvimutti-ādibhedanā, tassa ca nesaṃ desetabbappakāraṃ yāthāvato abhijānitvā. **Dhammanā desēmīti** diṭṭhadhammikasamparāyikanibbānahitāvahanā saddhammanā kathayāmi. **No anabhiññāyā**ti yathā bāhirakā asammāsambuddhattā vuttavidhiṃ aṅānantā yaṃ kiñci takkariyāhataṃ vīmaṃsānucaritaṃ sayamapaṭibhānaṃ kathenti, evaṃ na desēmīti attho. **Sanidānanti** sakāraṇaṃ, veneyyānaṃ ajjhāsayavasena vā pucchāya vā aṭṭhuppattiyā vā sanimittanā hetu-udāharaṇasahitañcāti attho. **Sappāṭihāriyanti** sanissaraṇaṃ sappāṭiharaṇaṃ, paccanīkapaṭiharaṇena sappāṭihāriyameva katvā desēmīti attho. Apare pana “yathārahaṃ iddhi-ādesanānusāsanipāṭihāriyasahitaṃ”ti vadanti, anusāsanipāṭihāriyarahitā pana desanā natthīti. Hitūpadesanā **ovādo**, sā eva **anusāsanī**. Anotiṇṇavatthuvisayo vā **ovādo**, otiṇṇavatthuvisayā **anusāsanī**. Paṭhamūpadeso vā **ovādo**, itarā **anusāsanī**. **Alaṃ ca panā**ti yuttameva. **Niṭṭhamagamāsīti** atthasiddhiṃ gatā.

Ayaṃ tāvettha aṭṭhakathāya līnatthavaṇṇanā.

### Nettinayavaṇṇanā

Idāni<sup>1</sup> pakaraṇanayena pāḷiyā atthavaṇṇanaṃ karissāma. Sā panāyaṃ atthavaṇṇanā yasmā desanāya samuṭṭhānapayojanabhājanesu piṇḍatthesu ca niddhāritesu sukarā hoti suviññeyyā ca, tasmā suttadesanāya samuṭṭhānādīni paṭhamāṃ niddhārayissāma. Tattha **samuṭṭhānaṃ** tāva pariyaṭṭhiṃ nissāya mānuppādo, **payojanaṃ** mānamaddanaṃ. Vuttaṃ hi aṭṭhakathāyaṃ “sutapariyaṭṭhiṃ -pa- ārabhī”. Apica veneyyānaṃ pathavī-ādibhūtādibhedabhinne sakkāye puthujjanassa sekkhādi-ariyassa ca saddhiṃ hetunā

1. Dī-Ṭī 1. 188; Sī-Ṭī Abhinava 1. 475; Sam-Ṭī 1. 50; Am-Ṭī 1. 52 piṭṭhesupi passitabbam.

maññānāmaññānavasena pavattivibhāgānavabodho **samuṭṭhānaṃ**, yathāvuttavibhāgāvabodho **payojanaṃ**, veneyyānaṃ hi vuttappakāre visaye yathāvuttānaṃ puggalānaṃ saddhim hetunā maññānāmaññānavasena pavattivibhāgāvabodho **payojanaṃ**.

Apica **samuṭṭhānaṃ** nāma desanānidānaṃ. Taṃ sādharmaṇaṃ asādharmaṇanti duvidhaṃ. Tattha sādharmaṇampi ajjhattikabāhirabhedato duvidhaṃ. Tattha **sādharmaṇaṃ ajjhattikasamuṭṭhānaṃ** nāma lokanāthassa mahākaruṇā. Tāya hi samussāhitassa bhagavato veneyyānaṃ dhammadesanāya cittaṃ udapādi. Taṃ sandhāya vuttaṃ “sattesu ca kāruṇṇataṃ paṭicca buddhacakkhunā lokāṃ volokesī”ti-ādi<sup>1</sup>. Ettha ca hetāvattahāyapi mahākaruṇāya saṅgaho daṭṭhabbo yāvadeva saṃsāramahoghato saddhammadesanāhatthadānehi sattasantāraṇatthaṃ taduppattito. Yathā ca mahākaruṇā, evaṃ sabbaññutaññānaṃ dasabalaññādīni ca desanāya abhantarasamuṭṭhānabhāve vattabbāni. Sabbampi hi ñeyyadhammaṃ, tesaṃ desetabbappakāraṃ, sattānaṃca āsayānusayādīṃ yāthāvato jānanto bhagavā ṭhānāṭṭhānādīsu kosallena veneyyajjhāsayānurūpaṃ vicittanayadesanaṃ pavattesīti. **Bāhiraṃ** pana **sādharmaṇaṃ samuṭṭhānaṃ** dasasahassabrahmaparivāritassa saḥampatimahābrahmuṇo ajjhesanaṃ. Tadajjhesanuttarakālaṃ hi dhammagambhīratāpaccavekkhaṇājanitaṃ appossukkataṃ paṭippassambhetvā dhammassāmī dhammadesanāya ussāhajāto ahoṣi. Asādharmaṇampi abhantarabāhirabhedato duvidhameva. Tattha **abhantaraṃ** yāya mahākaruṇāya yena ca desanāññāneṇa idaṃ suttaṃ pavattitaṃ, tadubhayaṃ veditabbaṃ. **Bāhiraṃ** pana pañcasatānaṃ brāhmaṇajātikānaṃ bhikkhūnaṃ pariyaṭṭiṃ nissāya mānuppādanaṃ, vuttameva taṃ aṭṭhakathāyaṃ.

**Payojanampi** sādharmaṇaṃ asādharmaṇanti duvidhaṃ. Tattha **sādharmaṇaṃ** anukkamena yāva anupādāparinibbānaṃ vimuttirasattā bhagavato desanāya. Tenevāha “etadatthā kathā, etadatthā mantanā”ti-ādi<sup>2</sup>. Eteneva ca saṃsāracakkaniyatti saddhammacakkappavatti sassatādimicchāvādanirākaraṇaṃ sammāvādapurekkhāro akusalamūlasamūhananaṃ kusalamūlasamropanaṃ apāyadvārapidhanaṃ saggamokkhadvāravaraṇaṃ pariyaṭṭhānavūpasamaṇaṃ

1. Ma 1. 225; Saṃ 1. 139; Vi 3. 9 piṭṭhesu.

2. Vi 5. 289 piṭṭhe.



anusayasamugghātanam “mutto mocessāmī”<sup>1</sup>ti purimapaṭiññā-  
 avisamvādanam tappaṭipakkhmāramanorathavisamvādanam  
 titthiyadhammanimmathanam buddhadhammapaṭiṭṭhāpananti evamādīnampi  
 payojanānam saṅgaho daṭṭhabbo. **Asādhāraṇam** pana tesam bhikkhūnam  
 mānamaddanam. Vuttañcetam **aṭṭhakathāyam**<sup>2</sup> “desanākusalo bhagavā  
 mānabhañjanattham ‘sabbadhammāmūlapariyāyan’<sup>ti</sup> desanam ārabhī”<sup>ti</sup>.  
 Ubhayampetaṃ bāhiyameva. Sace pana veneyyasantānagatampi  
 desanābalasiddhisankhātāṃ payojanāṃ adhippāyasamijjhanabhāvato  
 yathādhippetatthasiddhiyā mahākāruṇikassa bhagavatopi payojanamevāti  
 gaṇheyya, iminā pariyaenassa abbhantaratāpi veditabbā.

Apica veneyyānam pathavī-ādibhūtādivibhāgabhinne sakkāye  
 puthujjanassa sekkhādi-ariyassa ca saddhiṃ hetunā maññanāmaññanavasena  
 pavattivibhāgānavabodho samuṭṭhānam, imassa suttassa  
 yathāvuttavibhāgāvabodho payojananti vuttovāyamattho. Veneyyānam hi  
 vuttappakārevisaye yathāvuttānam puggalānam saddhiṃ hetunā  
 maññanāmaññanānam vasena pavattivibhāgāvabodho imaṃ desanam  
 payojeti “tannipphādanaparāyam desanā”<sup>ti</sup> katvā. Yañhi desanāya  
 sādhetabbaṃ phalaṃ, taṃ ākaṅkhitabbattā desakaṃ desanāya payojetīti  
 payojananti vuccati. Tathā veneyyānam sabbaso ekadesato ca maññanānam  
 appahānam, tattha ca ādīnavādassanam, niraṅkusānam maññanānam  
 anekākāravohārassa sakkāye pavattivisesassa ajānanam, tattha ca  
 pahīnāmaññanānam paṭipattiyā ajānanam, taṇhāmukhena paccayākārassa ca  
 anavabodhoti evamādīni ca payojanāni idha veditabbāni.

Bhūmittayapariyāpannesu  
 asaṅkhātadhammavippakatapariññādikiccasaṅkhātadhammānam  
 sammāsambuddhassa ca paṭipattim ajānantā  
 asaddhammassavanadhāraṇaparicayamanasikāraparā  
 saddhammassavanadhāraṇaparicayapaṭivedhavimukhā veneyyā imissā  
 desanāya **bhājanam**. **Piṇḍatthā** pana “assutavā”<sup>ti</sup> ādinā  
 ayonisomanasikārabahulikāro akusalamūlasamāyogo  
 olīyanātidhāvanāpariggato upāyavinibaddhānubrūhanā  
 micchābhinivesasamānāgamo

1. Udāna-Ṭṭha 117; Itivuttaka-Ṭṭha 117 piṭṭhesu.

2. Ma-Ṭṭha 1. 18 piṭṭhe.

avijjātaṇhāparisuddhi vaṭṭattayānuparamo  
 āsavoghayogaganthāgatitaṇhuppādupādānāviyogo cetokhilacetovinibaddha-  
 abhinandanānīvaraṇasaṅgānatikkamo vivādamūlāpariccāgo  
 anusayānupacchedo micchattānativattanāṃ taṇhāmūladhammasannissayatā  
 akusalakammāpathānuyogo sabbakilesapariḷāhasāraddhakāyacittatāti  
 evamādayo dīpitā honti. “Pathaviṃ pathavito sañjānāti”ti-ādinā  
 taṇhāvīcaritaniddeso mānājappanā vipariyesābhīniveso saṃkilesa  
 sakkāyapariggaho bālalakkhaṇāpadeso vaṅkattayavibhāvanānuyogo  
 bahukārapaṭipakkhadīpanā tivīdhanissayasamaṃsūcanā āsavakkhayakathananti  
 evamādayo dīpitā honti.

## Soḷasahāraṇṇanā

### 1. Desanāhāraṇṇanā

Tattha ye upādānakkhandhadhamme upādāya pathavī-ādibhūtādibhedā  
 paññatti, te paññattipaṭipādanabhāvena  
 jātijarāmarāṇavisesanadukkhaṇāpariyāyena ca vuttā taṇhāvajjā  
 tebhūmakadhammā **dukkhasaccāṃ**, maññanābhīnandanānandīpariyāyehi  
 vuttā taṇhā **samudayasaccāṃ**. Ayam tāva suttantanayo. Abhidhammanaye  
 pana yathāvuttataṇhāya saddhiṃ “assutavā”ti-ādinā dīpitā avijjādayo,  
 maññanāpariyāyena gahitā mānadiṭṭhiyo, bhavapadena gahito kammabhavo  
 cāti sabbepi kilesābhisaṅkhārā **samudayasaccāṃ**, ubhinnaṃ appavatti  
**nirodhasaccāṃ**, ariyadhammaggaṇaṇa, pariññābhikkhu<sup>1</sup>  
 sekkhābhīññāgahaṇehi, rāgādīkhaṇāvacanehi, sammāsambodhigahaṇaṇa ca  
**maggasaccāṃ**. Keci pana taṇhakkhayādivacanehi nirodhasaccāṃ  
 uddharanti, taṃ aṭṭhakathāya virujjhati tattha taṇhakkhayādīnaṃ  
 maggakiccabhāvassa uddhaṭṭā.

Tattha samudayena **assādo**, dukkhena **ādīnavo**, magganīrodhehi  
**nissaraṇaṃ**, tesāṃ bhikkhūnaṃ mānabhañjanaṃ **phalaṃ**, tathā  
 “yathāvuttavibhāgāvabodho”ti-ādinā vuttamā **“payojanañca**, tassa  
 nipphattikāraṇattā desanāya vicittatā catunnaṃ puggalānaṃ yāthāvato  
 sabhāvūpadhāraṇaṇca

1. Pariññākkhobhiññā (Ka)

**upāyo**, pathavī-ādīsu puthujjanādīnaṃ pavattidassanāpadesena pathavī-ādāyo ekantato pariḷānitabbā, maññanā ca pahātabbāti ayamettha bhagavato āṇattīti. Ayam **desanā hāro**.

## 2. Vicayahāraṇṇanā

Maññanānaṃ sakkāyassa avisesahetubhāvato, kassacipi tattha asesitabbato ca sabbagahaṇaṃ, sabhāvadhāraṇato nissattanijjivato ca dhammaggaṇaṃ, paṭiṭṭhābhāvato āveṇikahetubhāvato ca mūlaggaṇaṃ, kāraṇabhāvato desanatthasambhavato ca pariyāyaggaṇaṃ, sammukhabhāvato sampadānatthasambhavato ca “vo”ti vacanaṃ, tathārūpaḅayogato abhimukhīkaraṇato ca “bhikkhave”ti ālapanā, desetum samatthabhāvato tesam satuppādanatthaṅca “desessāmi”ti paṭijānaṃ, desetabbatāya paṭiññātabhāvato, yathāpaṭiññāṅca desanato “tan”ti paccāmasanaṃ, sotabbabhāvato, savanatthassa ca ekantena nipphādanato “suṇāthā”ti vuttaṃ. Sakkātabbato, sakkaccakiriya eva ca tadatthasiddhito “sādhukan”ti vuttaṃ. Dhammassa manasikaraṇiyato tadadhīnattā ca sabbasampattīnaṃ “manasi karoṭhā”ti vuttaṃ. Yathāpaṭiññāṅca desanāya pariḅyattabhāvato vitthāratthasambhavato ca “bhāsissāmi”ti vuttaṃ. Bhagavato sadevakena lokena sirasā sampaṭicchitabbavacanattā, tassa ca yathādhīppetatthasādhānato “evan”ti vuttaṃ. Satthu uttamagāraḅaṭṭhānabhāvato, tattha ca gāravassa uḷārapuññabhāvato “bhante”ti vuttaṃ. Bhikkhūnaṃ tathākiriya nicchitabhāvato vacanālaṅkāro ca “kho”ti vuttaṃ. Savanassa paṭijānitabbato, tathā tehi paṭipannattā ca “paccassosun”ti vuttaṃ. Paccakkhabhāvato, sakalassapi ekajjhaṃ karaṇato “etan”ti vuttaṃ.

Vuccamānassa puggalassa lokapariyāpannattā lokādhāratā ca lokam upādāya “idhā”ti vuttaṃ. Paṭivedhabāhusaccābhāvato pariḅyattibāhusaccābhāvato ca “assutavā”ti vuttaṃ. Puthūsu, puthu vā janabhāvato “puthujjano”ti vuttaṃ. Anariyadhammavirahato ariyadhammasamannāgamato ca “ariyānaṃ”ti vuttaṃ. Ariyabhāvakarāya paṭipattiyā abhāvato, tattha ca kosalladamathābhāvato “ariyānaṃ adassāvī”ti-ādī vuttaṃ. Asantadhammassavanato santadhammasamannāgamato sabbhi

pāsaṃsiyato ca “sappurisānan”ti vuttaṃ. Sappurisabhāvakarāya paṭipattiyā abhāvato, tattha ca kosalladamathābhāvato “sappurisānaṃ adassāvī”ti-ādi vuttaṃ. Pathavīvatthukānaṃ maññanānaṃ, upari vuccamānānaṃ maññanānaṃ mūlakattā papañcasankhānaṃ “pathaviṃ pathavito sañjānāti”ti vuttaṃ. Andhaputhujjanassa ahaṃkāramamaṃkāraṇaṃ katthacipi appahīnattā “pathaviṃ maññāti”ti-ādi vuttaṃ.

Pubbe aggahitattā, sāmaññato ca gayhamānattā, puggalassa pathavī-ādi-ārammaṇasabhāgatāya labbhamānattā ca “yopi”ti vuttaṃ. “Yo”ti aniyamena gahitassa niyametabbato paṭiniddisittabbato ca “so”ti vuttaṃ. Sātisayaṃ saṃsāre bhayassa ikkhanato kilesabhedanāsambhavato ca “bhikkhū”ti vuttaṃ. Sikkhāhi samannāgamato sekkhadhammapaṭilābhato ca “sekkho”ti vuttaṃ. Manasā laddhabbassa arahattassa anadhigatattā adhigamanīyato ca “appattamānaṃ”ti vuttaṃ. Aparena anuttaraṇīyato, paraṃ anucchavikabhāvena uttaritvā ṭhitattā ca “anuttaraṇ”ti vuttaṃ. Yogena bhāvanāya kāmāyogādito ca khemaṃ sivaṃ anupaddavanti “yogakkhemaṃ”ti vuttaṃ. Chandappavattiyā ussukkāpattiyā ca “patthayamāno”ti vuttaṃ. Tadatthassa sabbaso sabba-iriyāpathavihārassa samathavīpassanāvīhārassa dibbavīhārassa ca vasena “viharatī”ti vuttaṃ. Sekkhassa sabbaso abhiññeyyabhāvañceva pariññeyyabhāvañca ñāṇena abhibhavitvā jānanato “abhiññatī”ti vuttaṃ. Sekkhassa sabbaso appahīnāmaññanatāya abhāvato “mā maññī”ti vuttaṃ. Sesāṃ vuttanayānusārena veditabbaṃ. Iminā nayena ito paraṃ sabbapadesu vinicchayo kātabbo. Sakkā hi aṭṭhakathaṃ tassā līnatthavaṇṇanaṃ anugantvā ayamattho viññūhi vibhāvetunti ativithārabhayena na vitthārayimha. Iti anupadavicayato **vicayo hāro**.

### 3. Yuttihāraṇṇā

Sakkāyassa sabbamaññanānaṃ mūlabhāvo yujjati parikkappamattakattā lokavicittassa. Bāhusaccadvayarahitassa andhaputhujjanabhāvo yujjati puthukilesābhisaṅkhārajananādisabhāvattā. Yathāvuttaputhujjanassa vā vuttappakārabāhusaccābhāvo yujjati tasmim sati sabbhāvato. Tattha

assutavato puthujjanassa ariyānaṃ sappurisānaṃca adassāvitādi yujjati ariyakaradhammānaṃ ariyabhāvassa ca tena adiṭṭhattā appaṭipannattā ca. Tathā tassa pathaviyā “ahaṃ pathavī, mama pathavī, paro pathavī”ti sañjānanānaṃ yujjati ahaṃkāramamaṃkāraṇānaṃ sabbena sabbaṃ appahīnattā. Tathā sañjānato cassa pathaviṃ kammādikaraṇādivasena gahetvā nānappakārato maññanāpavatti yujjati saññānidānattā papañcasaṅkhānaṃ. Yo maññati, tassa apariññātavatthukatā yujjati pariññāya vinā maññanāpahānābhāvato. “Āpaṃ āpato sañjānāti”ti-ādīsupi eseva nayo. Apariyositasikkhassa appattamānasatā yujjati katakiccatābhāvato. Sekkhassa sato yogakkhemapattanā yujjati tadadhimuttābhāvato. Tathā tassa pathaviyā abhijānanā yujjati pariññāpahānesu mattaso kāribhāvato. Tato eva cassa “mā maññī”ti vattabbatā yujjati vatthupariññāya viya maññanāpahānassapi vippekatabhāvato. Sekkhassa pathaviyā pariññeyyatā yujjati pariññātuṃ sakuṇeyyattā sabbaso apariññātatā ca. “Āpaṃ āpato”ti-ādīsupi eseva nayo. Arahattādiyuttassa pathaviyādīnaṃ abhijānanā maññanābhāvo ca yujjati saṅkhātadhammattā, sabbaso kilesānaṃ pahīnattā, tato eva cassa vītarāgādibhāvo tato sammadeva ca paṭiccasamuppādassa paṭividdhatī. Ayaṃ **yutti hāro**.

#### 4. Padaṭṭhānahāraṇā

Tissopi maññanā sakkāyassa padaṭṭhānaṃ, maññanānaṃ ayonisomanasikāro padaṭṭhānaṃ, sutadvayaviraho andhaputhujjanabhāvassa padaṭṭhānaṃ, so ariyānaṃ adassāvitāya padaṭṭhānaṃ, sā ariyadhammassa akovidatāya padaṭṭhānaṃ, sā ariyadhamme avinītatāya padaṭṭhānaṃ. “Sappurisānaṃ adassāvī”ti etthāpi eseva nayo. Saññāvipallāso maññanānaṃ padaṭṭhānaṃ. Saññānidānā hi papañcasaṅkhātī. Maññanāsu ca taṇhāmaññanā itaramaññanānaṃ padaṭṭhānaṃ “taṇhāgatānaṃ paritassitavipphanditan”ti<sup>1</sup>, “taṇhāpaccayā upādānaṃ”ti<sup>2</sup> ca vacanato, taṇhāgatasseva ca “seyyohamasmi”ti-ādīnā mānajappanāsabbhāvato. Sabbāpi vā maññanā sabbāsaṃ maññanānaṃ

1. Dī 1. 36 piṭṭhe.

2. Ma 3. 109; Vi 3. 1 piṭṭhesu.

padaṭṭhānaṃ. “Upādānapaccayā taṇhā”ti hi vacanato diṭṭhipi taṇhāya padaṭṭhānaṃ, “ahamasmi brahmā mahābrahmā”ti<sup>1</sup> ādivacanato mānopi diṭṭhiyā padaṭṭhānaṃ. Tathā “asmīti sati itthaṃsmīti hoti, evaṃsmīti hoti, aññathāsmīti hoti”ti-ādivacanato mānassapi taṇhāya padaṭṭhānatā labbhateva. Sekkhā dhammā sappadesato maññanāpahānassa padaṭṭhānaṃ. Asekkhā nippadesato maññanāpahānassa padaṭṭhānaṃ. Kammabhavo ca jātiyā padaṭṭhānaṃ. Jāti jarāmaraṇassa padaṭṭhānaṃ. Paccayākārassa yathābhūtāvabodho sammāsambodhiyā padaṭṭhānanti. Ayaṃ **padaṭṭhāno hāro.**

### 5. Lakkhaṇahāraṇaṇā

“Sabbadhammāmūlapariyāyan”ti ettha mūlaggaṇaṇena mūlapariyāyaggaṇaṇena vā yathā taṇhāmānadiṭṭhiyo gayhanti, evaṃ dosamohādīnampi sakkāyamūladhammānaṃ saṅgaho daṭṭhabbo sakkāyassa mūlabhāvena ekalakkhaṇattā. “Assutavā”ti iminā yathā tassa puggalassa pariyaṭṭipattivedhasaddhammānaṃ abhāvo gayhati, evaṃ paṭipattisaddhammassapi abhāvo gayhati saddhammabhāvena ekalakkhaṇattā. “Ariyānaṃ adassāvī”ti iminā ariyakaradhammānaṃ sabhāvabodhapaṭicchādako sammoho vutto, micchādiṭṭhi eva vā vuttā. Sā hi ariyānaṃ adassanakāmatādilakkhaṇā. “Ariyadhammassa akovido”ti iminā ariyadhammādhigamassa vibandhabhūtaṃ aññānaṃ. “Ariyadhamme avinīto”ti iminā ariyavinayābhāvo. So panatthato ariyavinaye appaṭipatti eva vāti tīhipi padehi yathāvuttavisayā micchādiṭṭhi vicikicchā ca gahitāva honti. Taggaṇaṇena ca sabbepi akusalā dhammā saṅgahitāva honti saṃkilesalakkhaṇaṇena ekalakkhaṇattā. “Sappurisānaṃ adassāvī”ti etthāpi eseva nayo.

“Pathavim pathavito sañjānāti”ti idaṃ diṭṭhimaññanādīnaṃ saññāya kāraṇabhāvadassanaṃ. Tattha yathā saññā, evaṃ vitakkaphassāvijjā-ayonisomanasikārādayopi tāsāṃ kāraṇanti atthato tesampettha saṅgaho vutto hoti maññanānaṃ kāraṇabhāvena ekalakkhaṇattā. “Maññati”ti iminā maññanākickena taṇhāmānadiṭṭhiyo

---

1. Dī 1. 17; Dī 3. 24 piṭṭhesu.

gahitā tāsāṃ kilesasabhāvattā. Taggahaṇeneva vicikicchādīnampi saṅgaho daṭṭhabbo kilesalakkhaṇena ekalakkhaṇattā. Tathā taṇhāya hetusabhāvattā taggahaṇeneva avasiṭṭhākusalahetūnaṃ saṅgaho daṭṭhabbo hetulakkhaṇena ekalakkhaṇattā. Tathā taṇhādiṭṭhīnaṃ āsavādisabhāvattā taggahaṇeneva avasiṭṭhāsavoghayogaganthanīvaraṇādīnampi saṅgaho daṭṭhabbo āsavādilakkhaṇena ekalakkhaṇattā. Tathā “pathaviṃ maññati”ti-ādīnā pathavī-ādīnaṃ rūpasabhāvattā tabbisayānañca maññanānaṃ rūpavisayattā taggahaṇeneva sakalarūpakkhandhavisayāpi maññanā dassitā honti rūpavisayalakkhaṇena tāsāṃ ekalakkhaṇattā. Evaṃ cakkhāyatanādivisayāpi maññanā niddhāretabbā. “Apariññātan”ti pariññāpaṭikkhepena tappaṭibaddhakilesānaṃ pahānapaṭikkhepopi daṭṭhabbo maggakiccabhāvena pariññāpahānānaṃ ekalakkhaṇattā. Iminā nayena sesesupi yathārahaṃ ekalakkhaṇā niddhāretabbāti. Ayam **lakkhaṇo hāro**.

## 6. Catubyūhahāraṇṇanā

Pathavī-ādīsu vatthūsu byañjanacchāyāya atthaṃ gahetvā dhammagambhīrataṃ asallakketvā asaddhammassavanādīnā vañcitā hutvā saddhammassavanadhāraṇaparicayamanasikāravimukhā pathavī-ādīsu vatthūsu puthujjanasekkhāsekkhatathāgatānaṃ paṭipattivisesaṃ ajānantā ca veneyyā imissā desanāya **nidānaṃ**. Te “kathaṃ nu kho yathāvuttadosavinimuttā yathāvuttañca vīsesaṃ jānantā sammāpaṭipattiyā ubhayahitaparāyaṇā bhaveyyun”ti ayamettha bhagavato **adhippāyo**. Padanibbacanaṃ **niruttaṃ**, taṃ “evaṃ”ti-ādīnidānapadānaṃ, “sabbadhammūlapariyāyan”ti-ādīpāḷipadānañca aṭṭhakathāyaṃ, tassā līnatthavaṇṇanāyaṃ ceva vuttanayena suviññeyyattā ativithārabhayena na vitthārayimha.

Padapatthadesanānikkhepasuttasandhivasena pañcavidhā sandhi. Tattha padassa padantarena sambandho **padasandhi**, tathā padatthassa padatthantarena sambandho **padatthasandhi**, yo “kiriyaṅkārakasambandho”ti vuccati. Nānānusandhikassa suttassa taṃtaṃanusandhīhi sambandho, ekānusandhikassa pana pubbāparasambandho **desanāsandhi**, yā aṭṭhakathāyaṃ “pucchānusandhi ajjhāsayaṇusandhi

yathānusandhi”ti tidhā vibhattā. Ajjhāsayo ceththa attajjhāsayo parajjhāsayoti dvidhā veditabbo. Yaṃ panettha vattabbaṃ, taṃ heṭṭhā nidānavañṇanāyaṃ vuttameva. **Nikkhepasandhi** catunnaṃ suttanikkhepānaṃ vasena veditabbo. **Suttasandhi** idha paṭhamanikkhepavaseneva veditabbo. Kasmā panettha mūlapariyāyasuttameva paṭhamāṃ nikkhittanti? Nāyamanuyogo katthaci nappavattati, apica yasmā maññanāmūlakaṃ sakkāyaṃ, sabbamaññanā ca tattha eva anekabhedabhinnā pavattati, na tassā savisayāya lesamattampi sāraṃ atthīti pathavī-ādivibhāgabhinnesu maññanāsu ca sātisayaṃ nibbedhavirāgasañjananī upari sekkhāsekkhatathāgataguṇavibhāvanī ca ayaṃ desanā. Suttantadesanā ca visesato diṭṭhiviniveṭhanakathā, tasmā sanissayassa diṭṭhiggāhassa ādito asārabhāvādīpanaṃ upari ca sabbesaṃ ariyānaṃ guṇavisesavibhāvanamidaṃ suttaṃ paṭhamāṃ nikkhittaṃ. Kiñca sakkāye maññanāmaññanāmukhena pavattinivattīsu ādinavānisaṃsavibhāvanato sabbesaṃ puggalānaṃ paṭipattivibhāgato ca idameva suttaṃ paṭhamāṃ nikkhittaṃ.

Yaṃ pana ekissā desanāya desanantarena saddhiṃ saṃsandanaṃ, ayampi desanāsandhi, sā evaṃ veditabbā. “Assutavā puthujjano -pa-nibbānaṃ abhinandati”ti ayaṃ desanā “idha bhikkhave assutavā puthujjano -pa- sappurisadhamme avinīto manasikaraṇīye dhamme nappajānāti, amanasikaraṇīye ca dhamme nappajānāti, so manasikaraṇīye dhamme appajānanto amanasikaraṇīye ca dhamme appajānanto ye dhammā na manasikaraṇīyā, te dhamme manasi karoti -pa- anuppanno vā kāmāsavo uppajjati, uppanno vā kāmāsavo pavaḍḍhati. Anuppanno vā bhavāsavo uppajjati, uppanno vā bhavāsavo pavaḍḍhati, anuppanno vā avijjāsavo uppajjati, uppanno vā avijjāsavo pavaḍḍhati”ti<sup>1</sup> imāya desanāya saṃsandati. Tathā “tassetāṃ pāṭikaṅkhaṃ subhanimittaṃ manasi karissati, tassa subhanimittassa manasikārā rāgo cittaṃ anuddhaṃsessati, so sarāgo sadoso samoho saṅgaṇo saṃkiliṭṭhacitto kālaṃ karissati”ti<sup>2</sup> imāya desanāya saṃsandati. Tathā “cakkhuñcāvuso paṭicca rūpe ca uppajjati, cakkhuvīññānaṃ, tiṇṇaṃ saṅgati phasso,

---

1. Ma 1. 9 piṭṭhe.

2. Ma 1. 31 piṭṭhe.



phassapaccayā vedanā. Yaṃ vedeti taṃ sañjānāti, yaṃ sañjānāti taṃ vitakketi, yaṃ vitakketi taṃ papañceti, yaṃ papañceti tatonidānaṃ purisaṃ papañcasaññāsāṅkhā samudācaranti”<sup>1</sup>ti imāya desanāya saṃsandati. Tathā “idha bhikkhave assutavā puthujjano -pa- sappurisdhamme avinīto rūpaṃ ‘etaṃ mama, esohamasmi, eso me attā’<sup>ti</sup> samanupassati. Vedanaṃ -pa- saññaṃ -pa-. Saṅkhāre -pa-. Viññāṇaṃ ‘etaṃ mama, esohamasmi, eso me attā’<sup>ti</sup> samanupassati. Yampi taṃ diṭṭhaṃ -pa-. Yampi taṃ diṭṭhiṭṭhānaṃ, so loko so attā so pecca bhavissāmi nicco dhuvo sassato avipariṇāmadhammo sassatisamaṃ tatheva ṭhassāmīti, tampi ‘etaṃ mama, esohamasmi, eso me attā’<sup>ti</sup> samanupassati”<sup>2</sup>ti imāya desanāya saṃsandati.

“Yopi so bhikkhave bhikkhu -pa- nibbānaṃ mābhinandī”<sup>ti</sup> ayam desanā “idha Devānaminda bhikkhuno sutam hoti ‘sabbe dhammā nālaṃ abhinivesāyā’<sup>ti</sup>, evaṃ cetaṃ Devānaminda bhikkhuno sutam hoti ‘sabbe dhammā nālaṃ abhinivesāyā’<sup>ti</sup>, so sabbaṃ dhammaṃ abhijānāti, sabbaṃ dhammaṃ abhiññāya sabbaṃ dhammaṃ pariānāti, sabbaṃ dhammaṃ pariññāya yaṃ kiñci vedanaṃ vedeti sukhaṃ vā dukkhaṃ vā adukkhamasukhaṃ vā, so tāsu vedanāsu aniccānupassī viharati, virāgānupassī viharati, nirodhānupassī viharati, paṇinissaggānupassī viharati”<sup>3</sup>ti imāya desanāya saṃsandati. “Yopi so bhikkhave bhikkhu arahaṃ -pa- abhisambuddhoti vadāmi”<sup>ti</sup> ayam desanā “sutavā ca kho bhikkhave ariyasāvako -pa- sappurisdhamme suvinīto rūpaṃ ‘netam mama, nesohamasmi, na meso attā’<sup>ti</sup> samanupassati. Vedanaṃ -pa-. Saññaṃ -pa-. Saṅkhāre -pa-. Viññāṇaṃ ‘netam mama, nesohamasmi, na meso attā’<sup>ti</sup> samanupassati. Yampi taṃ diṭṭhaṃ sutam viññātaṃ pattaṃ pariyesitaṃ anuvicariṃ manasā, tampi ‘netam mama, nesohamasmi, na meso attā’<sup>ti</sup> samanupassati. Yampi taṃ diṭṭhiṭṭhānaṃ, so loko so attā so pecca bhavissāmi ‘nicco dhuvo sassato avipariṇāmadhammo sassatisamaṃ tatheva ṭhassāmīti, tampi ‘netam mama, nesohamasmi, na meso attā’<sup>ti</sup> samanupassati. So evaṃ samanupassanto na paritassati”<sup>4</sup>ti evamādidesanāhi saṃsandatīti, ayam **catubyūho hāro**.

1. Ma 1. 158 piṭṭhe.

3. Ma 1. 318 piṭṭhe.

2. Ma 1. 188, 189 piṭṭhesu.

4. Ma 1. 189 piṭṭhe.

### 7. Āvattahāraṇṇanā

“Assutavā puthujjano”ti iminā yonisomanasikārapaṭikkhepamukhena ayonisomanasikārapariggaho dīpito. “Ariyānaṃ adassāvī”ti-ādinā sappurisūpanissayādipaṭikkhepamukhena asappurisūpanissayādipariggaho dīpito. Tesu purimanayena āsayavipatti kittitā, dutiyena payogavipatti. Purimena cassa kilesavaṭṭam, tañca yato vipākavaṭṭanti sakalam saṃsāracakkamāvattati. “Pathaviṃ maññatī”ti-ādinā tattha tisso maññanā vuttā. Tāsu taṇhāmaññanā “etaṃ mamā”ti taṇhāggāho, mānamaññanā “eso hamasmī”ti mānaggāho, diṭṭhimaññanā “eso me attā”ti diṭṭhiggāho. Tattha taṇhāggāhena “taṇham paṭicca pariyesanā”ti-ādikā<sup>1</sup> nava taṇhāmūlakā dhammā āvattanti. Mānaggāhena “seyyohamasmī”ti-ādikā nava mānavidhā āvattanti. Diṭṭhiggāhena “rūpaṃ attato samanupassati”ti-ādikā<sup>2</sup> vīsativatthukā sakkāyadiṭṭhi āvattati. Tīsu ca gāhesu yāya saññāya taṇhāggāhassa vikkhambhanā, sā dukkhasaññā dukkhānupassanā. Yāya saññāya mānaggāhassa vikkhambhanā, sā aniccasaññā aniccānupassanā. Yāya pana saññāya diṭṭhiggāhassa vikkhambhanā, sā anattasaññā anattānupassanā. Tattha paṭhamaggāhavisabhāgato appaṇihitavimokkhamukhaṃ āvattati, dutiyaggāhavisabhāgato animittavimokkhamukhaṃ āvattati, tatiyaggāhavisabhāgato suññatavimokkhamukhaṃ āvattati.

Sekkhaggahaṇena ariyāya sammādiṭṭhiyā saṅgaho, tato ca paratoghosa yonisomanasikārā dīpitā hontī. Paratoghosena ca sutavā ariyasāvakotī āvattati, yonisomanasikārena nava yonisomanasikāramūlakā dhammā āvattanti, catubbidhañca sampatticakkam. “Mā maññī”ti maññanānaṃ vippakatappahānatāgahaṇena ekaccāsavaparikkhayo dīpito hotī, tena ca saddhāvimuttadiṭṭhipattakāyasakkhibhāvā āvattanti. “Arahaṃ khīṇāsavo”ti-ādinā asekkhā sīlakkhandhādayo dassitā hontī, sīlakkhandhādīparīpūriyā ca dasa nāthakaraṇā dhammā āvattanti. “Na maññatī”ti maññanāpaṭikkhepena pañcasu upādānakkhandhesu “netam mama, nesohamasmī, na meso attā”ti sammāpaṭipatti dassitā, tāya ca sātīsayā

1. Dī 2. 50; Dī 3. 253; Am 3. 201; Abhi 2. 404 piṭṭhesu.

2. Saṃ 2. 478 piṭṭhe.

nikantipariyādānamānasamugghāṭanadiṭṭhi-ugghāṭanāni pakāsitānīti appaṇihitānimittasuññatavimokkhā āvattanti. “Tathāgato”ti-ādinā sabbaññuguna vibhāvitāti tadavinābhāvato dasabalacatuvesārajja-asādhāraṇāṇa-āveṇikabuddhadhammā āvattanti. “Nandī dukkhassa mūlan”ti-ādinā saddhim hetunā vaṭṭavivaṭṭam kathitanti pavattinivattitadubhayahetuvibhāvanena cattāri ariyasaccāni āvattanti. “Taṇhānam khayā”ti-ādinā taṇhappahānāpadesena tadekaṭṭhabhāvato diyaḍḍhassa kilesasahassassa pahānam āvattati. “Sabbaso taṇhānam khayā sammāsambodhim abhisambuddho”ti ca vuttattā “nandī dukkhassa mūlan”ti, “iti viditvā”ti-ādinā vuttassa maññanābhāvahetubhūṭassa paccayākāra vedanassa sāvakehi asādhāraṇāṇaṇacārabhāvo dassito, tena catuṅṅsatikoṭisatasahasasamāpattisañcāri bhagavato mahāvajiraṇāṇam āvattatīti. Ayaṃ **āvatto hāro**.

### 8. Vibhattihāraṇā

“Sabbadhammāpariyāyan”ti ettha sabbadhammā nāma tebhūmakā dhammā sakkāyassa adhippetattā. Tesam maññanā padaṭṭhānam papañcasaṅkhānimittattā lokavicittassa. Tayime kusalā akusalā abyākatāti tividhā. Tesu kusalānam yonisomanasikārādipadaṭṭhānam, akusalānam ayonisomanasikārādi, abyākatānam kammabhava-āvajjanabhūtarūpādi padaṭṭhānam. Tattha kusalā kāmāvacarādivasena bhūmito tividhā, tathā abyākatā cittuppādasabhāvā, acittuppādasabhāvā pana kāmāvacarāva. Tathā akusalā. Pariyattipaṭipattipaṭivedhasutakiccābhāvena tividho assutavā, andhakalyāṇavibhāgena duvidho puthujjano, sammāsambuddhapaccekabuddhasāvaka bhedena tividhā ariyā, maṃsacakkhū dibbacakkhū paññācakkhūhi dassanābhāvena tividho adassāvī, maggaphalanibbānabhedena tividho, navavidho vā ariyadhammo, savanadhāraṇaparicayamanasikārāpaṭivedhavasena pañcavidhā ariyadhammassa kovidatā, tadabhāvato akovido, saṃvarapahānabhedena duvidho, dasavidho vā ariyadhammavinayo, tadabhāvato ariyadhamme avinīto. Ettha padaṭṭhānavibhāgo heṭṭhā dassitoyeva. “Sappurisānam adassāvī”ti-ādīsupi eseva nayo. “Pathaviṃ maññatī”ti-ādīsu maññanāvattuvibhāgo pāliyam āgatova, tathā ajjhattikabāhirādiko ca antaravibhāgo.

Maññanā pana taṇhāmānadiṭṭhivasena saṅkhepato tividhā, vitthārato pana taṇhāmaññanā tāva kāmataṇhādivasena aṭṭhasatavidhā, tathā “asmīti sati itthaṃsmīti hotī”ti-ādinā. Evaṃ mānamaññanāpi. “Asmīti sati itthaṃsmīti hotī”ti-ādinā papañcattayaṃ uddiṭṭhaṃ niddiṭṭhañcāti. Etena diṭṭhimaññanāyapi aṭṭhasatavidhatā vuttāti veditabbā. Apica seyyassa “seyyohamasmi”ti-ādinā mānamaññanāya navavidhatā tadantarabhedena anekavidhatā ca veditabbā. Ayañca attho hīnattikatthavaṇṇanāya vibhāvetabbo. Diṭṭhimaññanāya pana brahmajāle āgatanayena dvāsaṭṭhividhatā tadantarabhedena anekavidhatā ca veditabbā. “Apariññātan”ti ettha ñātapariññādivasena ceva rūpamukhādi-abhinivesabhedādivasena ca pariññānaṃ anekavidhatā veditabbā. Tathā aṭṭhamakādivasena sekkhavibhāgo paññāvimuttādivasena asekkhavibhāgo ca. Ayamettha dhammavibhāgo. Padaṭṭhānavibhāgo ca bhūmivibhāgo ca vuttanayānusārena veditabbāti. Ayam **vibhatti hāro**.

### 9. Parivattahāraṇṇanā

“Sabbadhammāmūlapariyāyan”ti ettha “sabbadhammā”ti pañcupādānakkhandhā gahitā, tesam mūlakāraṇanti ca taṇhāmānadiṭṭhiyo. Tathā assutavā puthujjano -pa- sappurisadhamme avinītoti. Yāvakiṅvañca pañcasu upādānakkhandhesu subhato sukhato niccato attato samanupassanavasena “etaṃ mama, eso hamasmi, eso me attā”ti taṇhāmānadiṭṭhigāhā na samucchijjanti, tāva nesaṃ pabandhūparamo supinantepi na kenaci laddhapubbo. Yadā pana nesaṃ asubhato dukkhato aniccato anattato samanupassanavasena “netam mama, nesohamasmi, na meso attā”ti pavattamānā appaṇihitānimittasuññātānupassanā ussakkitvā ariyamaggādhigamāya samvattanti, atha nesaṃ pabandhūparamo hoti accanta-appaññattikabhāvūpagamanato. Tena vuttaṃ “sabbadhammāti pañcupādānakkhandhā gahitā, tesam mūlakāraṇanti ca taṇhāmānadiṭṭhiyo”ti. Tathā assutavā puthujjano -pa- sappurisadhamme avinīto tīhipi maññanāhi pathaviṃ maññati yāva nibbānaṃ abhinandati, tīhipi pariññāhi tassa taṃ vatthu aparīññātanti katvā. Yassa pana taṃ vatthu tīhi pariññāhi pariññātānaṃ, na so itaro viya taṃ maññati.

Tenāha bhagavā “sutavā ca kho bhikkhave ariyasāvako -pa-sappurisdhamme suvinīto rūpaṃ ‘netam mama, nesohamasmi, na meso attā’ti samanupassati, vedanaṃ -pa- asati na paritassatī”<sup>1</sup>. Sekkho pathaviṃ mā maññi yāva nibbānaṃ mābhinandi, arahā sammāsambuddho ca pathaviṃ na maññati, yāva nibbānaṃ nābhinandati, maññanāmaññitesu vatthūsu mattaso sabbaso ca pariññābhisamayasaṃsiddhiyā pahānābhisamayanibbattito. Yassa pana tesu vatthūsu sabbaso mattaso vā pariññā eva natthi, kuto pahānaṃ, so yathāparikkappaṃ niraṅkusāhi maññanāhi “etaṃ mamā”ti-ādinā maññateva. Tenāha bhagavā “idha bhikkhave assutavā puthujjano -pa- sappurisdhamme avinīto rūpaṃ ‘etaṃ mama, esohamasmi, eso me attā’ti samanupassati, vedanaṃ saññan”ti-ādi<sup>2</sup>. Ayaṃ **parivatto hāro**.

### 10. Vevacanaḥāravaṇṇanā

“Sabbadhammā sakaladhammā anavasesadhammā”ti pariyāyavacanaṃ, “mūlapariyāyaṃ mūlakāraṇaṃ asādhāraṇahetun”ti pariyāyavacanaṃ, “mūlapariyāyanti vā mūladesanaṃ kāraṇakathanan”ti pariyāyavacanaṃ, “vo tumhākaṃ tumhan”ti pariyāyavacanaṃ, “bhikkhave samaṇā tapassino”ti pariyāyavacanaṃ, “desessāmi kathessāmi paññapessāmi”ti pariyāyavacanaṃ, “suṇātha sotaṃ odahatha sotadvārānusārena upadhārethā”ti pariyāyavacanaṃ, “sādhukaṃ sammā sakkaccaṃ”ti pariyāyavacanaṃ, “manasi karotha citte ṭhapetha samannāharathā”ti pariyāyavacanaṃ, bhāsissāmi byattaṃ kathessāmi vibhajjissāmi”ti pariyāyavacanaṃ, “evaṃ bhante sādhu suṭṭhu bhante”ti pariyāyavacanaṃ, “paccassosum sampaticchimsu sampaticcigghesun”ti pariyāyavacanaṃ. Iminā nayena sabbapadesu vevacanaṃ vattabbanti. Ayaṃ **vevacano hāro**.

### 11. Paññattihāravaṇṇanā

“Sabbadhammamūlapariyāyan”ti ettha sabbadhammā nāma sakkāyadhammā, te khandhavasena pañcadhā paññattā, āyatanavasena dvādasadhā, dhātuvasena

1. Ma 1. 189 piṭṭhe.

2. Ma 1. 188, 189 piṭṭhesu.

aṭṭhārasadhā paññattā. “Mūlan”ti vā “mūlapariyāyan”ti vā maññanā vuttā, tā taṇhāmānadiṭṭhivasena tidhā antarabhedena anekadhā ca paññattā. Atha vā “sabbadhammā”ti tebhūmakadhammānaṃ saṅghapaññatti, “mūlapariyāyan”ti tesāṃ pabhavapaññatti, “vo”ti sampadānapaññatti, “desessāmi bhāsissāmi”ti paṭiññāpaññatti, “suṇātha sādhukaṃ manasi karoṭhā”ti ca āṇāpanapaññatti, “assutavā”ti paṭivedhavimukhatāpaññatti ceva pariyattivimukhatāpaññatti ca, “puthujjano”ti anariyapaññatti, sā ariyadhammapaṭikkhepapaññatti ceva ariyadhammavirahapaññatti ca, “ariyānaṃ”ti asamapaññatti ceva samapaññatti ca. Tattha asamapaññatti tathāgatapaññatti, samapaññatti paccekabuddhānaṃceva ubhatobhāgavimuttādīnaṃca vasena aṭṭhavidhā veditabbā. “Ariyānaṃ adassāvi”ti-ādi dassanabhāvanāpaṭikkhepapaññatti, “pathaviṃ maññati”ti-ādi pañcannaṃ upādānakkhandhānaṃ dvādasannaṃ āyatanānaṃ aṭṭhārasannaṃ dhātūnaṃ sammasanupagānaṃ indriyānaṃ nikkhepapaññatti ceva pabhavapaññatti ca, tathā vipallāsānaṃ kiccapaññatti pariyuṭṭhānaṃ dassanapaññatti kilesānaṃ phalapaññatti abhisāṅkhārānaṃ virūhanapaññatti taṇhāya assādanapaññatti diṭṭhiyā vipphandanapaññatti, “sekkhā”ti saddānusārīsaddhāvimuttadiṭṭhippattakāyasakkhīnaṃ dassanapaññatti ceva bhāvanāpaññatti ca, “appattamānaṃso”ti sekkhadhammānaṃ ṭhitipaññatti, “anuttaraṃ yogakkhemaṃ patthayamāno”ti paññāya abhinibbidāpaññatti, “abhiñānāti”ti abhiññeyyadhammānaṃ abhiññāpaññatti, dukkhassa pariññāpaññatti, samudayassa pahānapaññatti, nirodhassa sacchikiriypaññatti, maggassa bhāvanāpaññatti, “mā maññī”ti maññānaṃ paṭikkhepapaññatti, samudayassa pahānapaññatti. Iminā nayena sesapadesupi vitthāretabbaṃ. Ayaṃ **paññatti hāro**.

## 12. Otaraṇahāravaṇṇanā

“Sabbadhammamūlapariyāyan”ti ettha sabbadhammā nāma lokiyā pañcakkhandhā dvādasāyatanāni aṭṭhārasa dhātuyo dve saccāni ekūnavīsati indriyāni dvādasapadiko paccayākāroti ayaṃ sabbadhammaggaḥaṇena khandhādīmukhena desanāya otaraṇaṃ. “Mūlan”ti vā “mūlapariyāyan”ti vā maññanā vuttā, tā atthato taṇhā māno diṭṭhi cāti tesāṃ saṅkhārakkhandhasaṅghoṭi ayaṃ khandhamukhena otaraṇaṃ. Tathā “dhammāyatanadhammadhātūhi saṅgho”ti ayaṃ āyatanamukhena dhātumukhena ca otaraṇaṃ. “Assutavā”ti iminā

sutassa vibandhabhūtā avijjādayo gahitā, “puthujjano”ti iminā yesaṃ kilesābhisaṅkhārānaṃ jananādinā puthujjanoti vuccati, te kilesābhisaṅkhārādayo gahitā, “ariyānaṃ adassāvi”ti-ādinā yesaṃ kilesadhammānaṃ vasena ariyānaṃ adassāvi-ādibhāvo hoti, te diṭṭhimānavijjādayo gahitāti sabbehi tehi saṅkhārakkhandhasaṅgahoti pubbe vuttanayeneva otaraṇaṃ veditabbaṃ. “Sañjānāti maññati abhijānāti na maññati”ti etthāpi sañjānanamaññanā-abhijānanānupassanānaṃ saṅkhārakkhandhapariyāpannattā vuttanayeneva otaraṇaṃ veditabbaṃ. Tathā sekkhaggahaṇena sekkhā, “arahan”ti-ādinā asekkhā sīlakkhandhādayo gahitāti evampi khandhamukhena otaraṇaṃ, āyatanadhātādimukhena ca otaraṇaṃ veditabbaṃ. Tathā “na maññati”ti taṇhāgāhādipaṭikkhepena dukkhānupassanādayo gahitā, tesāṃ vasena appaṇihitavimokkhamukhādīhi otaraṇaṃ veditabbaṃ. “Pariññātan”ti iminā parijānanakiccena pavattamānā bodhipakkhiyadhammā gayhantīti satipaṭṭhānādimukhehi otaraṇaṃ veditabbaṃ. Nandiggahaṇena bhavaggahaṇena taṇhāgahaṇena ca samudayasaccaṃ, dukkhaggahaṇena jātijarāmarāṇaggahaṇena ca dukkhasaccaṃ, “taṇhānaṃ khayā”ti-ādinā nirodhasaccaṃ, abhisambodhiyā gahaṇena maggasaccaṃ gahitanti ariyasaccehi otaraṇanti. Ayaṃ **otaraṇo hāro**.

### 13. Sodhanahāraṇaṇā

“Sabbadhammālapariyāyaṃ vo bhikkhave -pa-. Idha bhikkhave assutavā -pa- pathaviṃ pathavito sañjānāti”ti ārambho. “Pathaviṃ pathavito saññatvā pathaviṃ maññati”ti padasuddhi, no ārambhasuddhi. Tathā “pathaviyā maññati pathavito maññati pathaviṃ meti maññati pathaviṃ abhinandatī”ti padasuddhi, no ārambhasuddhi. “Taṃ kissa hetu apariññātam tassāti vadāmī”ti padasuddhi ceva ārambhasuddhi ca. Sesavāresupi eseva nayoti. Ayaṃ **sodhano hāro**.

### 14. Adhiṭṭhānahāraṇaṇā

“Sabbadhammālapariyāyan”ti ettha sabbadhammagahaṇaṃ sāmāññato adhiṭṭhānaṃ. “Pathaviṃ āpan”ti-ādi pana taṃ avikappetvā visesavacanaṃ. Tathā

“mūlapariyāyan”ti sāmāññato adhiṭṭhānaṃ, taṃ avikappetvā visesavacanaṃ “pathaviṃ maññati -pa- abhinandatī”ti. “Pathaviṃ maññati”ti ca sāmāññato adhiṭṭhānaṃ taṇhādiggāhānaṃ sādharmaṇattā maññanāya, taṃ avikappetvā visesavacanaṃ “etaṃ, mama, esohamasmi, eso me attā”ti, evaṃ suttantarapadānipi ānetvā visesavacanaṃ niddhāretabbaṃ. Sesavāresupi eseva nayo. “Sekkho”ti sāmāññato adhiṭṭhānaṃ, taṃ avikappetvā visesavacanaṃ “kāyasakkhī diṭṭhippatto saddhāvimutto saddhānusārī dhammānusārī”ti. Tathā “sekkho”ti sāmāññato adhiṭṭhānaṃ, taṃ avikappetvā visesavacanaṃ “idha bhikkhave bhikkhu sekkhāya sammādiṭṭhiyā samannāgato hoti -pa- sekkhena sammāsamādhinā samannāgato hotī”ti<sup>1</sup>. “Arahan”ti sāmāññato adhiṭṭhānaṃ, taṃ avikappetvā visesavacanaṃ “ubhatobhāgavimutto paññāvimutto<sup>2</sup>, teviḷḷo chaḷabhiñño”ti<sup>3</sup> ca. “Khīṇāsavo”ti sāmāññato adhiṭṭhānaṃ, taṃ avikappetvā visesavacanaṃ “kāmasavāpi cittaṃ vimuccittha, bhavāsavāpi cittaṃ vimuccitthā”ti-ādi<sup>4</sup>. Sesapadesupi eseva nayo. “Abhijānātī”ti sāmāññato adhiṭṭhānaṃ, taṃ avikappetvā visesavacanaṃ “maññati”ti. Maññanābhāvo hissa pahānapaṭivedhasiddho, pahānapaṭivedho ca pariññāsacchikiriyābhāvanāpaṭivedhehi na vināti sabbepi abhiññāvisesā maññanāpaṭikkhepena atthato gahitāva hontīti. Tathā “arahan”ti sāmāññato adhiṭṭhānaṃ, taṃ avikappetvā visesavacanaṃ “vītarāgattā vītadosattā vītamohattā”ti. Iminā nayena sesapadesupi sāmāññāvisesaniddhāraṇā veditabbā. Ayaṃ **adhiṭṭhāno hāro**.

### 15. Parikkhārahāraṇṇā

“Sabbadhammamūlapariyāyan”ti ettha sabbadhammā nāma pariyāpannadhammā, te kusalākusalābyākatabhedena tividhā. Tesu kusalānaṃ yonisomanasikāro alobhādayo ca hetū, akusalānaṃ ayonisomanasikāro lobhādayo ca hetū, abyākatesu vipākānaṃ yathāsakaṃ kammaṃ, itaresaṃ bhavaṅgamāvajjanasamannāhārādi ca hetū. Ettha ca sappurisūpanissayādiko paccayo hetumhi eva samavarulho, so

1. Saṃ 3. 12 piṭṭhe. 2. Abhi 3. 113 piṭṭhe. 3. Abhi 3. 103 piṭṭhe. 4. Vi 1. 6 piṭṭhe.



tattha ādi-saddena saṅgahitoti daṭṭhabbo. “Mūlan”ti vuttānaṃ maññanānaṃ hetubhāvo pāḷiyaṃ vutto eva. Maññanāsu pana taṇhāmaññanāya assādānupassanā hetu. “Saṅgajaniyesu dhammesu assādānupassino taṇhā pavaḍḍhati”ti<sup>1</sup> hi vuttaṃ. Mānamaññanāya diṭṭhivippayuttalobho hetu kevalaṃ saṃsaggavasena “ahamasmi”ti pavattanato. Diṭṭhimaññanāya ekattanayādīnaṃ ayāthāvaggāho hetu, assutabhāvo puthujjanabhāvassa hetu, so ariyānaṃ adassanasīlatāya, sā ariyadhammassa akovidatāya, sā ariyadamme avinītatāya hetu, sabbā cāyaṃ hetuparamparā pathavī-ādīsu “etaṃ mama, esohamasmi, eso me attā”ti tissannaṃ maññanānaṃ hetu, sekkhārahādibhāvā pana mattaso sabbaso ca maññanābhāvassa hetūti. Ayaṃ **parikkhāro hāro.**

### 16. Samāropanahāraṇṇanā

“Sabbadhammāmūlapariyāyan”ti-ādīsu mūlapariyāyaggahaṇena assutavāgahaṇena saṅgānanaṃ maññanāpariññāgahaṇehi ca saṅkilesadhammā dassitā, te ca saṅkhepato tividhā taṇhāsāṅkilesa diṭṭhisāṅkilesa duccharitasāṅkilesoti. Tattha taṇhāsāṅkilesa taṇhāsāṅkilesassa, diṭṭhisāṅkilesassa, duccharitasāṅkilesassa ca padaṭṭhānaṃ, tathā diṭṭhisāṅkilesa diṭṭhisāṅkilesassa, taṇhāsāṅkilesassa, duccharitasāṅkilesassa ca padaṭṭhānaṃ, duccharitasāṅkilesopi duccharitasāṅkilesassa, taṇhāsāṅkilesassa, diṭṭhisāṅkilesassa ca padaṭṭhānaṃ. Tesu taṇhāsāṅkilesa atthato lobhova, yo “lobho lubbhanā lubbhitattaṃ sārāgo sārājjanā sārājjitattan”ti-ādinā<sup>2</sup> anekehi pariyāyehi vibhatto. Tathā diṭṭhiyeva diṭṭhisāṅkilesa, yo “diṭṭhigataṃ diṭṭhigahaṇaṃ diṭṭhikantāro diṭṭhivisūkaṃ diṭṭhivipphanditaṃ”ti-ādinā<sup>3</sup> anekehi pariyāyehi, “santi bhikkhave eke samaṇabrāhmaṇā”ti-ādinā<sup>4</sup> dvāsaṭṭhiyā pabhedehi ca vibhatto. Duccharitasāṅkilesa pana atthato dussīlyacetanā ceva cetanāsampayuttadhammā ca, yā “kāyaduccharitaṃ vacīduccaritaṃ kāyavisamaṃ vacīvisamaṃ”ti<sup>5</sup>, “pāṇātipāto adinnādānaṃ”ti<sup>6</sup> ca ādinā anekehi pariyāyehi, anekehi pabhedehi ca vibhattā.

1. Saṃ 1. 312, 315 piṭṭhesu.

2. Abhi 1. 94 piṭṭhe.

3. Abhi 1. 222 piṭṭhe.

4. Dī 1. 12 piṭṭhe.

5. Abhi 2. 382 piṭṭhe.

6. Abhi 2. 378 piṭṭhe.

Tesu taṇhāsamkilesassa samatho paṭipakkho, diṭṭhisamkilesassa vipassanā, duccaritasamkilesassa sīlaṃ paṭipakkho. Te pana sīlādayo dhammā idha pariññāgahaṇena sekkhaggahaṇena “arahan”ti-ādinā ariyatādiggahaṇena ca gahitā. Tattha sīlena duccaritasamkilesappahānaṃ sijjhati, tathā tadaṅgappahānaṃ vītikkamappahānaṃca, samathena taṇhāsamkilesappahānaṃ sijjhati, tathā vikkhambhanappahānaṃ pariyuṭṭhānappahānaṃca. Vipassanāya diṭṭhisamkilesappahānaṃ sijjhati, tathā samucchedappahānaṃ anusayappahānaṃca. Tattha pubbhāge sīle patiṭṭhitassa samatho, samathe patiṭṭhitassa vipassanā, maggakkhaṇe pana samakārameva bhavanti. Pubbeyeva hi suparisuddhakāyavacīkammaṃ suparisuddhājīvaṃ ca samathavipassanā āradhā gabbhaṃ gaṇhantiyo paripākaṃ gacchantiyo vuṭṭhānagāminivipassanaṃ paribrūhenti, vuṭṭhānagāminivipassanā bhāvanāpāripūriṃ gacchantī maggena ghaṭenti maggakkhaṇe samathavipassanā paripūreti. Atha maggakkhaṇe samathavipassanābhāvanāpāripūriyā anavasesasamkilesadhammaṃ samucchindantiyo nirodhaṃ nibbānaṃ sacchikarontīti. Ayam **samāropano hāro**.

Soḷasahāraṇaṇā niṭṭhitā.

### Pañcavidhanayavaṇṇanā

#### 1. Nandiyāvattānayaṇṇanā

“Sabbadhammūlapariyāyan”ti-ādīsu sabbadhammūlaggahaṇena maññanāgahaṇena ca taṇhāmānadiṭṭhiyo gahitā. Maññanānampi hi maññanā kāraṇanti dassitoyamattho. “Assutavā”ti-ādinā avijjāmānadiṭṭhiyo gahitā, sabbepe vā samkilesadhammā, tathā saññā-apariññātaggahaṇena. “Khīṇāsavo parikkhīṇabhavasāññojano”ti ettha pana āsavā saññojanāni ca sarūpato gahitāni, tathā nandiggahaṇena taṇhāgahaṇena ca taṇhā, evampettha sarūpato pariyāyato ca taṇhā avijjā tappakkhiyadhammā ca gahitā. Tattha taṇhāya visesato rūpadhammā adhiṭṭhānaṃ, avijjāya arūpadhammā, te pana sabbadhammaggahaṇena pathavī-ādiggahaṇena ca dassitā eva. Tāsaṃ samatho vipassanā ca paṭipakkho, tesamettha gahetabbākāro heṭṭhā dassito eva. Samathassa cetovimutti

phalaṃ, vipassanāya paññāvimutti. Tathā hi tā “rāgavirāgā”ti-ādinā visesetvā vuccanti, imāsamettha gahaṇaṃ sammadaññāvimuttavītarāgādivacanehi veditabbaṃ. Tattha taṇhāvijjā samudayasaccaṃ, tappakkhiyadhammā pana taggahaṇeneva gahitāti veditabbā. Tesam adhiṭṭhānabhūtā vuttappabhedā rūpārūpadhammā dukkhasaccaṃ, tesam appavatti nirodhasaccaṃ, nirodhapajānanā paṭipadā maggasaccaṃ. Taṇhāgahaṇena cettha māyāsāṭṭheyyamānātimānamadappamādapāpicchatāpāpamittatā-ahirikānottappādivasena akusalapakkho netabbo, avijjāgahaṇena viparītamanasikārakodhūpanāhamakkhapaḷāsa-issā macchariyasārambhadvacassatābhavadiṭṭhivibhavadiṭṭhi-ādivasena akusalapakkho netabbo, vuttavipariyāyena amāyā-asāṭṭheyyādi-aviparītamanasikārādivasena, tathā samathapakkhiyānaṃ saddhindriyādānaṃ vipassanāpakkhiyānaṃ aniccasaññādīnaṃca vasena vodānapakkho netabboti. Ayaṃ **nandiyāvaṭṭassa nayassa bhūmi**.

## 2. Tipukkhalanayavaṇṇanā

Tathā vuttanayena sarūpato pariyāyato ca gahitesu taṇhāvijjātappakkhiyadhammesu taṇhā lobho, avijjā moho, avijjāya sampayutto lohite sati pubbo viya taṇhāya sati sijjhamāno āghāto doso, iti tīhi akusalamūlehi gahitehi, tappaṭipakkhato maññanāpaṭikkhepapariññāgahaṇādīhi ca kusalamūlāni siddhāniyeva honti. Idhāpi “lobho sabbāni vā sāsavakusalākusalamūlāni samudayasaccaṃ, tehi nibbattā, tesam adhiṭṭhānagocarabhūtā ca upādānakkhandhā dukkhasaccaṃ”ti-ādinā saccayojanā veditabbā. Phalaṃ panettha tayo vimokkhā, tīhi pana akusalamūlehi tividhaduccaritasamkilesamalavisama-akusalasaññāvitakkādivasena akusalapakkho netabbo. Tathā tīhi kusalamūlehi tividhasucaritasama kusalasaññāvitakkasaddhammasamādhivimokkhamukhavimokkhādivasena kusalapakkho netabboti. Ayaṃ **tipukkhalassa nayassa bhūmi**.

## 3. Sīhaviikkīṭitanayavaṇṇanā

Tathā vuttanayena sarūpato pariyāyato ca gahitesu taṇhāvijjātappakkhiyadhammesu visesato taṇhādiṭṭhīnaṃ vasena asubhe

“subhan”ti, dukkhe “sukhan”ti ca vipallāsā, avijjādiṭṭhīnaṃ vasena anicce “niccan”ti, anattani “attā”ti ca vipallāsā veditabbā. Tesam paṭipakkhato maññanāpaṭikkhepapariññāgahaṇādisiddhehi sativīriyasamādhipaññindriyehi cattāri satipaṭṭhānāni siddhāneva honti. Tattha catūhi indriyehi cattāro puggalā niddisitabbā. Kathaṃ? Duvidho hi taṇhācarito mudindriyo tikkhindriyoti, tathā diṭṭhicarito. Tesam paṭhamo asubhe “subhan”ti vipariyāsaggāhī satibalena yathābhūtaṃ kāyasabhāvaṃ sallakkhento taṃ vipallāsaṃ samugghāṭetvā sammattaniyāmaṃ okkamati. Duttiyo asukhe “sukhan”ti vipariyāsaggāhī “uppannaṃ kāmavitakkaṃ nādhivāsetī”ti-ādinā<sup>1</sup> vuttena vīriyasamvarabhūtena vīriyabalena taṃ vipallāsaṃ vidhamento sammattaniyāmaṃ okkamati. Tatiyo anicce “niccan”ti ayāthāvaggāhī samādhibalena samāhitacitto saṅkhārānaṃ khaṇikabhāvasallakkaṇena taṃ vipallāsaṃ samugghāṭento ariyabhūmiṃ okkamati. Catuttho santatisamūhakiccārammaṇaḥaṇavañcitāya phassādidhammapuñjamatte anattani “attā”ti micchābhinivesī catukoṭikasunñātāmanasikārena taṃ micchābhinivesaṃ viddhaṃsento sāmāññaphalaṃ sacchikaroti. Idhāpi subhasaññāsukhasaññāhi catūhipi vā vipallāsehi samudayasaccaṃ, tesam adhiṭṭhānārammaṇabhūtā pañcupādānakkhandhā dukkhasaccanti-ādinā saccayojanā veditabbā. Phalaṃ panettha cattāri sāmāññaphalāni, catūhi cittavipallāsehi caturāsavoghayogakāyagantha agatitaṇhuppādasallupādānaviññāṇaṭṭhiti-apariññādivasena akusalapakkho netabbo. Tathā catūhi satipaṭṭhānehi catubbidhajhānavihārādhiṭṭhānasukhabhāgiyadhamma-appamaññāsammappadhāna-iddhipādādivasena vodānapakkho netabboti. Ayaṃ **sīhavikkīlitassa nayassa bhūmi**.

#### 4-5. Disālocana-aṅkusanayadvayaṇṇā

Imesaṃ pana tiṇṇaṃ atthanayānaṃ siddhiyā vohārena nayadvayaṃ siddhameva hoti. Tathā hi atthanayānaṃ disābhūtadhammaṃ samālocanaṃ **disālocanaṃ**, tesam samānayaṃ **aṅkusoti** pañcapi nayā niyuttāti veditabbā.

Pañcavidhanayavaṇṇā niṭṭhitā.

1. Dī 3. 189; Ma 1. 14; Am 1. 323, 432; Am 2. 342 piṭṭhesu.

### Sāsanapaṭṭhānavaṇṇanā

Idaṅca suttam̄ soḷasavidhe suttantapaṭṭhāne saṅkilesanibbedhāsekkhabhāgiyam̄, sabbabhāgiyameva vā “sabbadhammamūlapariyāyan”ti ettha sabbadhammaggaḥaṇena lokiyakusalānampi saṅgahitattā. Aṭṭhavīsatividhe pana suttantapaṭṭhāne lokiyalokuttarasabbadhammādhittānānā nāṇaṇeyyam̄ dassanabhāvanam̄ sakavacanam̄ vissajjanīyam̄ kusalākusalam̄ anuññātānā paṭikkhittam̄ cāti veditabbam̄.

Nettinayavaṇṇanā niṭṭhitā.

Mūlapariyāyasuttavaṇṇanāya līnatthapakāsanā samattā.

### 2. Sabbāsavasuttavaṇṇanā

14. **Apubbapadavaṇṇanā**ti atthasam̄vaṇṇanāvasena heṭṭhā aggahitatāya apubbassa abhinavassa padassa vaṇṇanā atthavibhajanā. “Hitvā punappunāgatamatthan”ti hi vuttam̄. **Nivāsaṭṭhānabhūtā** bhūtapubbānivāsaṭṭhānabhūtā, nivāsaṭṭhāne vā bhūtā nibbattā **nivāsaṭṭhānabhūtā**, tattha māpitāti attho. **Yathā kākandī mākandī kosambīti** yathā kākandassa isino nivāsaṭṭhāne māpitā nagarī kākandī, mākandassa nivāsaṭṭhāne māpitā mākandī, kusambassa nivāsaṭṭhāne māpitā kosambīti vuccati, evam̄ sāvattḥīti dasseti. Upanetvā samīpe katvā bhuñjitabbato **upabhogo**, saviññāṇakavattu. Parito sabbadā bhuñjitabbato **paribhogo**, nivāsanapārūpanādi aviññāṇakavattu. **Sabbamettha atthīti** niruttinayena sāvattḥī-saddasiddhimāha. **Satthasamāyogeti** satthassa nagariyā samāgame, satthe tam̄ nagaram̄ upagateti attho. **Pucchite** satthikajanehi.

**Samohitanti** sannicitam̄. **Rammanti** anto bahi ca bhūmibhāgasampattiyā ceva ārāmyānasampattiyā ca ramaṇīyam̄. **Dassaneyyanti** visikhāsannivesasampattiyā ceva pāsādakūṭāgārādisampattiyā ca dassanīyam̄ passitabbayuttam̄. Upabhogaparibhogavatthusampattiyā ceva nivāsasukhatāya ca nibaddhavāsam̄ vasantānam̄ itaresaṅca sattānam̄ manam̄ rametīti **manoramam̄**. **Dasahi saddehīti** hatthisaddo, assa-ratha-bheri-saṅkha-mudīṅga-vīṇā-gīta-sammataḷasaddo,

asnātha pivatha khādathāti saddoti imehi dasahi saddehi. **Avivittanti** na vivittam, sabbakālam ghositanti attho.

**Vuddhim vepullatam pattanti** tannivāsī sattavuddhiyā vuddhim, tāya parivuddhitāyeva vipulabhāvaṃ pattam, bahunānam ākiṇṇamanussanti attho. Vittūpakaraṇasamiddhiyā **iddham**. Sabbakālam subhikkhabhāvena **phītam**. Antamaso vighāsāde upādāya sabbesaṃ kapaṇaddhikavanibbakayācakānampi icchi tatthanipphattiyā manuññaṃ jātam, pageva issariye ṭhitānanti dassanattham puna **“manoraman”**ti vuttam. **Aḷakamandāvāti** āṭānāṭādīsu dasasu vessavaṇamahārājassa nagarīsu aḷakamandā nāma ekā nagarī, yā loke aḷakā, eva vuccati, sā yathā puññaṃkammīnaṃ āvāsabhūtā ārāmarāmaṇeyyakādīnā sobhaggappattā, evaṃ sāvattāhīpīti vuttam **“aḷakamandāvā”**ti. **Devānanti** vessavaṇapakkiyānam cātumahārājikadevānaṃ.

**Jinātīti** iminā sota-saddo viya kattusādhano jeta-saddoti dasseti. **Raññīti** Pasenadikosalarājena. Rājagataṃ jayam āropetvā kumāro jitavāti jetoti vutto. **Maṅgalakamyatāyāti**-ādīnā **“jeyyo”**ti etasmim atthe **“jeto”**ti vuttanti dasseti. **Sabbakāmasamiddhitāyāti** sabbehi upabhogaparibhogavatthūhi phītabhāvena vibhavasampannatāyāti attho. Samiddhāpi maccharino kiñci na dentīti āha **“Vigatamalamaccheratāyā”**ti, rāgadosādimalānañceva macchariyassa ca abhāvenāti attho. Samiddhā amaccharinopi ca karuṇāsaddhādiguṇavirahitā attano santakam paresam na dadeyyunti āha **“karuṇādiguṇasamaṅgitāya cā”**ti. **Tenāti** anāthānaṃ piṇḍadānena. Saddatthato pana dātābhabhāvena sabbakālam upaṭṭhapito anāthānaṃ piṇḍo etassa atthīti **anāthapiṇḍiko**. **Pañcavidhasenāsanaṅgasampattiyāti** **“nātidūram naccāsannaṃ gamanāgamanaṃsammannaṃ”**ti ekam aṅgam, **“divā appākiṇṇam rattim appasaddam appanigghosan”**ti ekam, **“appaḍaṃsamakasavātātapasarīsapasamphassaṃ”**ti ekam, **“tasmim kho pana senāsane viharantassa appakasirena uppajjanti cīvāra -pa- parikkhārā”**ti ekam, **“tasmim kho pana senāsane therā bhikkhū viharanti bahussutā”**ti ekam, evametehi pañcavidhasenāsanaṅgehi sammannaṃtāya. Yadi jetavanaṃ katham anāthapiṇḍikassa ārāmoti āha **“so hī”**ti-ādi.

Kītakālato paṭṭhāya anāthapiṇḍikasseva taṃ vanaṃ, atha kasmā ubhinnam parikittananti āha **“jetavane”**ti-ādi. “Yadipi so bhūmibhāgo koṭisantharena mahāseṭṭhinā kīto, rukkhā pana jetena na vikkīṭāti jetavananti vattabbataṃ labhī”ti vadanti.

**Kasmā idaṃ suttamabhāsī**ti kathetukamyatāya suttanikkhepaṃ pucchati. Sāmaññato hi bhagavato desanākāraṇaṃ pākaṭamevāti. Ko panāyaṃ suttanikkhepoti? Attajjhāsayo. Parehi anajjhīṭṭho eva hi bhagavā attano ajjhāsayena imaṃ suttam deseti ācariyā. Yasmā panesa bhikkhūnaṃ upakkiliṭṭhacittataṃ viditvā “ime bhikkhū imāya desanāya upakkilesavisodhanaṃ katvā āsavakkhayāya paṭipajjissanti”ti ayaṃ desanā āraddhā, tasmā parajjhāsayoti apare. Ubhayampi pana yuttam. Attajjhāsayaḍḍinaṃ hi saṃsaggabhedassa sambhavo heṭṭhā dassitovāti.

**Tesaṃ bhikkhūnanti** tadā dhammapaṭiggāhakabhikkhūnaṃ.

**Upakkilesavisodhananti** samathavipassanupakkilesato cittassa visodhanaṃ. Paṭhamam hi bhagavā anupubbikathādinā paṭipattiyā saṃkilesam nīharitvā pacchā sāmukkamsikaṃ desanaṃ deseti khethe khāṇukaṇṭakagumbādike avaharitvā kasaṇaṃ viya, tasmā kammaṭṭhānameva avatvā imāya anupubbiyā desanā pavattāti adhippāyo.

**Samvarabhūtanti** sīlasamvarādisamvarabhūtaṃ samvaraṇasabhāvaṃ kāraṇaṃ, taṃ pana atthato dassanādi evāti veditabbaṃ. **Samvaritāti** pavattitum appadānavasena sammā, sabbathā vā vāritā. Evaṃbhūtā ca yasmā pavattidvārapidhānena pihitā nāma honti, tasmā vuttam **“pidahitā hutvā”**ti. Evaṃ accantikassa samvarassa kāraṇabhūtaṃ anaccantikaṃ samvaram dassetvā idāni accantikameva samvaram dassento yasmim dassanādimhi sati uppajjanārahā āsavā na uppajjanti, so tesaṃ anuppādo nirodho khayō pahānanti ca vuccamāno atthato appavattimattanti tassa ca dassanādi kāraṇanti āha **“yena kāraṇena anuppādanirodhasaṅkhātam khayam gacchanti pahīyanti nappavattanti, taṃ kāraṇanti attho”**ti.

**Cakkhutopi -pa- manatopī**ti<sup>1</sup> cakkhuviññāḍivīthīsu tadanugatamanoviññāḍavīthīsu ca kiñcāpi kusalāḍḍinampi pavatti atthi,

1. Am-Ṭī 1. 85; Mūlaṭī 1. 52 piṭṭhāḍisupi passitabbaṃ.

kāmāsavādayo eva pana vaṇato yūsaṃ viya paggharaṇaka-asucibhāvena sandanti, tasmā te eva “āsavā”ti vuccanti. Tattha hi paggharaṇa-asucimhi niruḷho āsava-saddoti. **Dhammato yāva gotrabhunti** tato paraṃ maggaphalesu appavattanato vuttaṃ. Ete hi ārammaṇavasena dhamme<sup>1</sup> gacchantā tato paraṃ na gacchanti<sup>2</sup>. Nanu tato paraṃ bhavaṅgādīnipi gacchantīti ce? Na, tesampi pubbe ālambitesu lokiyadhammesu sāsavabhāvena antogadhattā tato paratābhāvato. Ettha ca gotrabhuvacanena gotrabhuvodānaphalasangamāpattipurecārikaparikkammāni vuttānīti veditabbāni. Paṭhamamaggapurecārikameva vā gotrabhu avadhinidassanabhāvena gahitaṃ, tato paraṃ pana maggaphalasangamānatāya aññesu maggesu maggavīthiyaṃ samāpattivīthiyaṃ nirodhānantaraṅga pavattamānesu phalesu nibbāne ca āsavānaṃ pavatti nivāritāti veditabbāni. **Savantīti** gacchanti, ārammaṇakaraṇavasena pavattantīti attho. Avadhi-attho ā-kāro, avadhi ca mariyādābhividhibhedato duvidho. Tattha mariyādāṃ kiriyaṃ<sup>3</sup> bahi katvā pavattati yathā “āpāḷaliputtā vuṭṭho devo”ti. Abhividhi pana kiriyaṃ<sup>3</sup> byāpetvā pavattati yathā “ābhavaggā bhagavato yaso pavattatī”ti. Abhividhi-attho cāyaṃ ā-kāro idha gahitoti vuttaṃ “**antokaraṇattho**”ti.

**Madirādayoti ādi**-saddena sindhava-kādambarikāpotikādīnaṃ saṅgaho daṭṭhabbo. **Ciraparivāsiyaṭṭho** ciraparivutthatā purāṇabhāvo. **Avijjā nāhosīti-ādīti** ettha ādi-saddena “purimā bhikkhave koṭi na paññāyati bhavataṇhāyā”ti<sup>4</sup> idaṃ suttaṃ saṅgahitaṃ. Avijjāsavabhavāsavānaṃ ciraparivutthatāya dassitāya tabbhāvabhāvino kāmāsavassa ciraparivutthatā dassitāva hoti. Aññesu ca yathāvutte dhamme okāsaṅga ārammaṇaṃ katvā pavattamānesu mānādīsu vijjamānesu attattaniyādiggāhasena abhivyāpanaṃ madakaraṇavasena āsavasadisatā ca etesaṃyeva, na aññesanti etesveva āsava-saddo niruḷhoti daṭṭhabbo. Na cettha diṭṭhāsavo nāgatoti gahetabbāni bhavataṇhāya viya bhavadiṭṭhiyāpi bhavāsavaggahaṇeneva gahitattā. **Āyatanāni** anādikālikattā. **Pasavantīti** phalanti. Na hi taṃ kiñci

1. Dhammā (Ka)

2. Gacchanti (Ka)

3. Kiriya (Ka)

4. Am 3. 348 piṭṭhe.



saṃsāradukkhaṃ atthi, yaṃ āsavehi vinā uppajjeyya. **Purimāni cetthāti** ettha etesu catūsu atthavikappesu purimāni tīṇi. **Yatthāti** yesu suddhābhidhammapadesesu. **Tattha yujjanti** kilesesuyeva yathāvuttassa atthattayassa sambhavato. **Pacchimarāṃ** “āyataṃ vā saṃsāradukkhaṃ savanti”ti vuttanibbacaṇaṃ. **Kammepi yujjati** dukkhappasavanassa kilesakammasādhāraṇattā.

Diṭṭhadhammā vuccanti paccakkhabhūtā khandhā, diṭṭhadhamme bhavā **diṭṭhadhammikā**. **Vivādamūlabhūtāti** vivādassa mūlakāraṇabhūtā kodhūpanāhamakkhapaḷāsa-issāmacchariyamāyāsāṭṭheyyathambhasārambhamānātimānā.

**Yena devūpapatyassāti** yena kammakilesappakārena āsavena devesu upapatti nibbatti assa mayhanti sambandho. **Gandhabbo vā vihaṅgamo** ākāśacārī assanti vibhattim pariṇāmetvā yojetabbaṃ. Ettha ca yakkhagandhabbatāya vinimuttā sabbā devagati devaggahaṇena gahitā. **Avasesā ca akusalā dhammāti** akusalakammato avasesā akusalā dhammā āsavāti āgatāti sambandho.

**Paṭighātāyāti** paṭisedhanāya. **Parūpavā -pa- upaddavāti** idaṃ yadi bhagavā sikkhāpadaṃ na paññapeyya, tato asaddhammapaṭisevana-adinnādānapāṇātipātādihetu ye uppajjeyyuh parūpavādādayo diṭṭhadhammikā nānappakārā anattā, ye ca tannimittā eva nirayādīsu nibbattassa pañcavidhabandhanakammakāraṇādivasena mahādukkhānubhavādippakārā anattā, te sandhāya vuttaṃ. **Te paneteti** ete kāmarāgādikilesatebhūmakakammaparūpavādādi-upaddavappakārā āsavā. **Yatthāti** yasmiṃ vinayādipāḷipadese. **Yathāti** yena duvidhādippakārena aññesu ca suttantesu āgatāti sambandho.

Nirayaṃ gamentīti **nirayagāminiyā**. **Chakkanipāte** āhuneyyasutte. Tattha hi āsavā chadhā āgatā āsava-saddābhidheyyassa atthassa pabhedopacārena āsava-pade pabhedoti vutto, koṭṭhāsatto vā pada-saddoti **āsavapadeti** āsavappakāre saddakoṭṭhāse atthakoṭṭhāse vāti attho.

**Tathā hīti** tasmā saṃvaraṇaṃ pidahaṇaṃ pavattitum appadānaṃ, teneva kāraṇeṇāti attho. Sīlādisaṃvare adhippete pavattitum appadānavasena thakanabhāvasāmaññato **dvāraṃ saṃvaritvāti** gehadvārasaṃvaraṇampi udāhaṭaṃ. **Sīlasaṃvaroti**-ādi heṭṭhā mūlapariyāyavaṇṇanāya vuttampi imassa suttassa atthavaṇṇanaṃ paripuṇṇaṃ katvā vattukāmo puna vadati. Yuttaṃ tāva sīlasatiñāṇānaṃ saṃvaratto pāḷiyaṃ tathā āgatattā, khantivīriyānaṃ pana kathanti āha “**tesañcā**”ti-ādi. Tassattho—yadipi “khamo hoti -pa- sītassa uppannaṃ kāmavitakkaṃ nādhivāseti”ti-ādiniddese khantivīriyānaṃ saṃvarapariyāyo nāgato, uddese pana sabbāsavaṃsaṃvarapariyāyanti saṃvarapariyāyena gahitattā attheva tesāṃ saṃvarabhāvoti.

Pubbe sīlasatiñāṇānaṃ pāṭhantarena saṃvarabhāvo dassitoti idāni taṃ imināpi suttena gahitabhāvaṃ dassetum “**apicā**”ti-ādi vuttaṃ. **Khantivīriyasaṃvarā vuttāyeva** “khamo hoti sītassā”ti-ādinā<sup>1</sup> pāḷiyā dassanavasena. “**Tañca anāsaṇaṃ, tañca agocaraṃ**”ti **ayaṃ panettha sīlasaṃvaroti** tañca “yathārūpe”ti-ādinā vuttaṃ ayuttaṃ aniyatavattthukaṃ raho paṭicchannāsaṇaṃ, tañca yathāvuttaṃ ayuttaṃ vesiyādigocaraṃ, “paṭisaṅkhā yoniso parivajjeti”ti āgataṃ yaṃ parivajjanaṃ, ayaṃ pana ettha etasmim sutte āgato sīlasaṃvaroti attho. Anāsaṇaparivajjanaṃ hi anācāraparivajjanaṃ vuttaṃ, anācārāgocaraparivajjanaṃ cārittasīlatāya sīlasaṃvaro. Tathā hi bhagavatā “pātimokkhasaṃvarasaṃvuto viharatī”ti<sup>2</sup> sīlasaṃvaravibhajane ācārāgocarasampattim dassentena “atthi anācāro, atthi agocaro”ti-ādinā<sup>3</sup> anācārāgocarā vibhajitvā dassitā. Idañca ekadesena samudāyanidassanaṃ daṭṭhabbaṃ samuddapabbatanidassanaṃ viya.

**Sabbattha paṭisaṅkhā ñāṇasaṃvaroti** ettha “yonisomanasikāro, paṭisaṅkhā ñāṇasaṃvaro”ti vattabbaṃ. Na hi dassanapahātabbaniddese paṭisaṅkhāgahaṇaṃ atthi, “yoniso manasi karotī”ti pana vuttaṃ. Yonisomanasikaraṇampi atthato paṭisaṅkhāñāṇasaṃvarevāti evaṃ pana atthe gayhamāne yuttametam siyā. Keci pana “yattha yattha ‘idha paṭisaṅkhā yoniso’ti

---

1. Ma 1. 13 piṭṭhe.

2. Abhi 2. 253 piṭṭhe.

3. Abhi 2. 255 piṭṭhe.

āgataṃ, taṃ sabbaṃ sandhāya ‘sabbattha paṭisaṅkhā ñāṇasaṃvaro’ti vuttan”ti vadanti. Tesāṃ matena “idaṃ dukkhanti yoniso manasi karotī”ti-ādikassa ñāṇasaṃvarena ca asaṅgaho siyā, “dassanaṃ paṭisevanā bhāvanā ca ñāṇasaṃvaro”ti ca vacanaṃ virujjheyya, tasmā vuttanayenevettha attho vedītabbo. “Sabbattha paṭisaṅkhā ñāṇasaṃvaro”ti iminā sattasupi ṭhānesu yaṃ ñāṇaṃ, so ñāṇasaṃvaroti parivajjanādivasena vuttā sīlādayo sīlasaṃvarādayoti ayamattho dassito. Evaṃ sati saṃvarānaṃ saṅkaro viya hotīti te asaṅkarato dassetuṃ “**aggahitaggahaṇenā**”ti vuttaṃ parivajjanavisesasaṃvarādhivāsanavinodanānaṃ sīlasaṃvarādhivāsanagahitattā, tathā aggahitānaṃ gahaṇenāti attho. Te pana aggahite sarūpato dassento “**dassanaṃ paṭisevanā bhāvanā**”ti āha.

**Etenā** sīlasaṃvarādinā karaṇabhūtena, kāraṇabhūtena vā. **Dhammā**ti kusalākusaladhammā. Sīlasaṃvarādinā hi sahaṅgakoṭṭiyā, upanissayakoṭṭiyā vā paccayabhūtena anuppannā kusalā dhammā **uppattiṃ gacchanti** uppajjanti, tathā aniruddhā akusalā dhammā **nirodhaṃ gacchanti** nirujjantīti attho. Pāḷiyaṃ pana “anuppannā ceva āsavā na uppajjanti, uppannā ca āsavā pahīyanti”ti akusaladhammānaṃ anuppādapahānāni eva vuttāni, na kusaladhammānaṃ uppādādayoti? Nayidamevaṃ daṭṭhabbaṃ, “yoniso ca kho bhikkhave manasikaroto”ti-ādinā kusaladhammānaṃ uppatti pakāsitāva āsavasaṃvaraṇassa padhānabhāvena gahitattā. Tathā hi pariyosānepi “ye āsavā dassanā pahātabbā, te dassanā pahīnā hontī”ti-ādinā<sup>1</sup> āsavappahānameva padhānaṃ katvā nigamitaṃ.

15. **Jānato passatoti** ettha dassanampi paññācakkhunāva dassanaṃ adhippetam, na maṃsacakkhunā dibbacakkhunā vāti āha “**dvepi padāni ekatthāni**”ti. **Evaṃ santepīti** padadvayassa ekatthattepi. **Ñāṇalakkhaṇanti** ñāṇassa sabhāvaṃ, visayassa yathāsabhāvāvabodhananti attho. Tenāha “**jānanalakkhaṇāhi ñāṇan**”ti. **Ñāṇappabhāvanti** ñāṇānubhāvaṃ, ñāṇakiccaṃ

---

1. Ma 1. 14 piṭṭhe.

visayobhāsananti attho. Tenevāha “**ñāṇena vivaṇe dhamme**”ti. “Jānato passato”ti ca jānanadassanamukhena puggalādhiṭṭhānā desanā pavattāti āha “**ñāṇalakkhaṇaṃ ñāṇappabhāvaṃ upādāya puggalaṃ niddisati**”ti. **Jānato passatoti** “yoniso ca manasikāraṃ ayoniso ca manasikāraṇaṃ”ti vakkhamānattā yonisomanasikāraṇavisayaṃ jānaṇaṃ, ayonisomanasikāraṇavisayaṃ dassaṇaṃ. Tañca kho pana nesāṃ āsavānaṃ khayūpāyasabhāvassa adhippetattā uppādanānuppādanavasena na ārammaṇamattenāti ayamattho yuttoti āha “**yonisomanasikāraṃ -pa- ayamettha sāro**”ti.

“Jānato”ti vatvā jānanañca anussavākārapaṭivittakamattavasena na idhādhippetāṃ, atha kho rūpādi viya cakkhuviññāṇena yonisomanasikāraṇayonisomanasikāre paccakkhe katvā tesāṃ uppādavasena dassaṇanti imamatthaṃ vibhāvetuṃ “passato”ti vuttanti evaṃ vā ettha attho daṭṭhabbo. Aññatthāpi hi “evaṃ jānato evaṃ passato<sup>1</sup>, jānaṃ jānāti passaṃ passati<sup>2</sup>, evaṃ jānantā evaṃ passantā<sup>3</sup>, ajānataṃ apassatan”ti ca ādisu ñāṇakiccassa sāmaññavisadīpanavasenetāṃ padadvayaṃ āgatanti. **Kecīti** abhayagirivāsīsārasamāsācariyā. Te hi “samādhinā jānato vipassanāya passato jānaṃ jānāti passaṃ passati, evaṃ jānaṇā samatho passanā vipassanā”ti ca ādinā papañcenti. **Teti** papañcā. **Imasmim attheti** “jānato”ti-ādinayappavatte imasmim suttapada-atthe niddhāriyamāne. **Na yujjanti** jānanadassanānaṃ yonisomanasikāraṇayonisomanasikāraṇavisayabhāvassa pāliyaṃ vuttattā.

**Āsavappahānaṃ** āsavānaṃ accantappahānaṃ. So pana nesāṃ anuppādo sabbena sabbaṃ khīṇatā abhāvo evāti āha “**āsavānaṃ accantakhayamasamuppādaṃ<sup>4</sup> khīṇākāraṃ natthibhāvaṇaṃ**”ti. **Ujumaggānusāriṇo**ti kilesavaṅkassa kāyavaṅkādināñca pahānena ujubhūte savipassane heṭṭhimamagge anussarantassa. Tadeva hissa sikkhaṇaṃ. **Khayasim paṭhamāṃ ñāṇaṃ, tato aññā anantarāti** khayasaṅkhāte aggamagge tappariyāpannameva ñāṇaṃ paṭhamāṃ

1. Khu 1. 265 piṭṭhe Itivuttake.

2. Ma 1. 157 piṭṭhe.

3. Ma 1. 331 piṭṭhe.

4. Accantakhayasamuppādaṃ (Tṭha) Am-Tṭha 2. 83 piṭṭhe passitabbāṃ.

uppañjati, tadanantaram̃ pana aññaṃ arahattanti. Yadiḅi gāthāyaṃ “khayasmim̃”icceva vuttam̃, samucchēdavasēna pana āsavehi khīṇotīti maggo khayoti vuccatīti āha “**maggo āsavakkhayoti vutto**”ti. **Samaṇoti** samitapāpo adhippeto. So pana khīṇāsavo hotīti “**āsavānaṃ khayā**”ti imassa phalapariyāyatā vuttā, nippariyāyēna pana āsavakkhayo maggo, tena pattabbato phalaṃ. Eteneva nibbānassapi āsavakkhayabhāvo vuttoti veditabbo.

“Jānato passato”ti jānato eva passato evāti evamettha niyamo icchito, na aññathā visesābhāvato aniṭṭhasādhanato cāti tassa niyamassa phalaṃ dassetuṃ “**no ajānato no apassato**”ti vuttanti āha “**yo pana na jānāti na passati, tassa neva vadāmīti attho**”ti. Iminā dūrīkatāyonisomanasikāro idhādhippeto, yonisomanasikāro ca āsavakkhayassa ekantikakāraṇanti dasseti. **Etenāti** “no ajānato no apassato”ti vacanēna. **Te paṭikkhittāti** ke pana teti? “Bāle ca paṇḍite ca sandhāvitvā saṃsaritvā dukkhassantaṃ karissanti<sup>1</sup>, ahetū apaccayā sattā visujjhantī”ti<sup>2</sup> evamādivādā. Tesu hi keci “abhijātisaṅkantimattēna bhavasāṅkantimattēna ca saṃsārasuddhiṃ paṭijānanti, aññe issarapajāpatikālādivasēna, tayidaṃ sabbaṃ “saṃsārādīhi”ti ettheva saṅgahitanti daṭṭhabbaṃ.

**Purimēna vā padadvayenāti** “jānato, passato”ti iminā padadvayēna. **Upāyo vutto** “āsavakkhayassā”ti adhikārato viññāyati. **Imināti** “no ajānato, no apassato”ti iminā padadvayēna. Anupāyo eva hi āsavānaṃ khayassa yadidaṃ yoniso ca ayoniso ca manasikārassa ajānanaṃ adassanañca, tena tathattāya appaṭipattito micchāpaṭipattito ca. Nanu “passato”ti iminā ayonisomanasikāro yathā na uppañjati, evaṃ dassane adhippete purimēneva anupāyapaṭisedho vutto hotīti? Na hoti, ayonisomanasikārānuppādanassapi upāyabhāvato satibalēna saṃvutacakkhundriyādītā viya sampajāññabalēneva niccādivasēna

1. Dī 1. 51; Ma 2. 186, 187 piṭṭhesu.

2. Dī 1. 50; Ma 2. 185 piṭṭhesu.

abhūtajānanābhāvo hotīti. Tenāha “**saṅkhepena -pa- hotī**”ti. Tattha **saṅkhepenā**ti samāsenā, anvayato byatirekato ca vitthāraṃ akatvāti attho. **Ñāṇaṃ -pa- dassitaṃ hoti** “jānato”ti-ādinā ñāṇasseva gahitattā. Yadi evaṃ “svāyaṃ saṃvaro”ti-ādi kathaṃ nīyatīti? Ñāṇassa padhānabhāvadassanattham evamayam desanā katāti nāyaṃ doso, tathā aññatthāpi “ariyaṃ vo bhikkhave sammāsamaḍhiṃ desessāmi sa-upanisam saparikkhāraṃ”ti<sup>1</sup> vitthāro.

**Dabbajātiko**ti dabbarūpo. So hi drabyoti vuccati “drabyaṃ vinassati nādrabyan”ti-ādīsu. **Dabbajātiko** vā sārasabhāvo, sārappasīlācāroti attho. Yathāha “na kho dabbā dabbā evaṃ nibbeḥenti”ti<sup>2</sup>. **Vattasīse ṭhatvā**ti vattaṃ uttamaṅgaṃ, dhuraṃ vā katvā. Yo hi parisuddhājīvo kātuṃ ajānantānaṃ sabrahmacārīnaṃ, attano vā vātātapāḍīpaṭibāhanattham chattādīni karoti, so vattasīse ṭhatvā karoti nāma. **Paḍaṭṭhānaṃ na hotīti na vattabbā** nāthakaraṇadhammabhāvena upanissayabhāvato. Vuttaṃ hi “yāni tāni sabrahmacārīnaṃ uccāvacaṇi kiccakaraṇīyāni, tattha dakkho hotī”ti-ādi<sup>3</sup>.

**Upāyamanasikāro**ti kusaladhammappavattiyā kāraṇabhūto manasikāro. **Pathamanasikāro**ti tassā eva maggabhūto manasikāro. **Aniccādīsu aniccanti-ādinā**ti aniccadukkha-asubha-anattasabhāvesu dhammesu “aniccaṃ dukkhaṃ asutaṃ anattā”ti-ādinā eva nayena, aviparītasabhāvenāti attho. **Saccānulomikena vā**ti saccābhisamayassa anulomavasena. **Cittassa āvaṭṭanā**ti-ādinā āvaṭṭanāya paccayabhūtā tato purimuppannā manodvārikā kusalajavanappavatti phalavohārena tathā vuttā. Tassā hi vasena sā kusalupattiyā upanissayo hoti. Āvajjanā hi bhavaṅgacittaṃ āvaṭṭayatīti **āvaṭṭanā**. Anu anu āvaṭṭetīti **anvāvaṭṭanā**. Bhavaṅgārammaṇato aññāṃ ābhujatīti **ābhogo**. Samannāharatīti **samannāhāro**. Tadevārammaṇaṃ attānaṃ anubandhitvā uppajjamānaṃ manasi karoti ṭhapetīti **manasikāro**. **Ayaṃ vuccatīti** ayaṃ upāyapathamanasikāralakkhaṇo yonisomanasikāro nāma vuccati, yassa vasena puggalo dukkhādīni saccāni āvajjituṃ

1. Ma 3. 116 piṭṭhe. 2. Vi 1. 248, 256; Vi 4. 197 piṭṭhesu. 3. Ma 1. 400 piṭṭhe.

sakkoti. Ayonisomanasikāre **saccapaṭikūlenā**ti saccābhisamayassa ananulomavasena. Sesam̐ yonisomanasikāre vuttavipariyāyena veditabbaṃ.

**Yuttinti** upapattisādhanayuttim̐, hetunti, attho. Tenevāha “**yasmā**”ti-ādi. **Etthāti** “ayoniso bhikkhave -pa- pahīyanti”ti etasmim̐ pāṭhe. **Tatthāti** vākyopaññāsanam̐. Kasmā panettha ayamuddesaniddeso parivattoti codanam̐ sandhāyāha “**yoniso**”ti-ādi. Tattha manasikārapadam̐ dvinnam̐ sādharmaṇanti adhippāyena “**yoniso ayonisoti imehi tāva dvīhi padehī**”ti vuttam̐. **Yonisoti** hi yonisomanasikāro, **ayonisoti** ca ayonisomanasikāro tattha anuvattanato vakkhamānattā ca. Satipi anathuppattisāmaññe bhavādīsu puggalassa bahulisāmaññam̐ dassetvā tam̐ parivattitvā visesadassanattam̐ **nāvādi-**upamāttayaggahaṇam̐ daṭṭhabbam̐. **Cakkayantam̐** āhaṭṭhaṭṭiyantanti vadanti.

**Anuppannāti** anibbattā. Ārammaṇavisesavasena tassa anuppatti veditabbā, na rūpārammaṇādi-ārammaṇasāmaññena, nāpi āsavavasena. Tenāha “**anubhūtapubbam̐ ārammaṇam̐ -pa- aññathā hi anamatagge saṃsāre anuppannā nāma āsavā na santi**”ti. **Vatthunti** saviññāṇakāvīññāṇakappahedaṃ āsavuppattikāraṇam̐. **Ārammaṇam̐** ārammaṇapaccayabhūtarūpādīni. Idāni āsavavasenapi anuppannapariyāyo labbhatīti dassetuṃ “**anubhūtapubbepī**”ti-ādi vuttam̐. **Pakatisuddhiyāti** pubbacariyato kilesadūrībhāvasiddhāya suddhipakatitāya. Pāḷiyā uddisanam̐ **uddeso**, atthakathanam̐ **paripucchā**, ajjhayanam̐ **pariyatti**, cīvarasibbādi **navakammam̐**, samathavipassanānuyogo **yonisomanasikāro**. **Tādisenāti** yādisena “manuññavattū”ti manasikārādīnā kāmāsavādayo sambhaveyyuṃ, tādisena. Āsavānam̐ vaḍḍhi nāma pariyuṭṭhānatibbatāya veditabbā, sā ca abhiṇṇhuppattiyā bahulikāratoti te laddhāsevanā bahulabhāvam̐ pattā maddantā pharantā chādentā andhakāram̐ karontā aparāparam̐ uppajjamānā ekasantānanayena<sup>1</sup> “**uppannā pavaḍḍhanti**”ti **vuccanti**. Tena vuttam̐ “**punappunam̐ uppajjamānā uppannā pavaḍḍhanti vuccanti**”ti. Ito aññathāti

---

1. Ekasantānena ekattanayena (Ka)

ito aparāparuppannānaṃ ekattaggahaṇato aññathā **vaḍḍhi nāma natthi** khaṇikabhāvato.

**So ca jānāti**ti dhammuddhaccaviggahābhāvamāha. **Kāra**kassevāti yuttayogasseva. **Yassa panāti**-ādinā anuddesikaṃ katvā vuttamattham purātanassa purisātisayassa paṭipattidassanena pākaṭataraṃ kātum “**maṇḍalārāma**vāsīmahātissabhūtattherassa **viyā**”ti-ādi vuttaṃ. Tam hi sabrahmacārīnaṃ āyatim tathāpaṭipattikāraṇaṃ hoti, yato edisaṃ vatthu vuccati. **Tasmimye**vāti maṇḍalārāmeveva. **Ācariyaṃ āpucchitvāti** attano uddesācariyaṃ kammaṭṭhānaggahaṇattham gantum āpucchitvā. **Ācariyaṃ vanditvāti** kammaṭṭhānadāyakaṃ mahārakkhitattheraṃ vanditvā. **Uddesamagganti** yathā-āraddham uddesapabandham. Tadā kira mukhapāṭheneva bahū ekajjhaṃ uddisāpetvā manosajjhāyavasena dhammaṃ sajjhāyanti. Tatthāyaṃ thero paññavantatāya uddesaṃ gaṇhantānaṃ bhikkhūnaṃ dhorayho, so “idānāhaṃ anāgāmī, kiṃ mayhaṃ uddesenā”ti saṅkocaṃ anāpajjitvā dutiyadivase uddesakāle ācariyaṃ upasaṅkama. “Uppannā pahīyanti”ti ettha uppannasadisā “**uppannā**”ti vuttā, na paccuppannā. Na hi paccuppannesu āsavesu maggena pahānaṃ sambhavatīti āha “**ye pana -pa- natthi**”ti. **Vattamānuppannā** khaṇattayasamaṅgino. **Tesaṃ paṭipattiyā pahānaṃ natthi** uppajjanārāhānaṃ paccayaghātena anuppādanameva tāya pahānanti.

16. Yadi evaṃ dutiyapadaṃ kimatthiyanti? Padadvayaggahaṇaṃ āsavānaṃ uppannānuppannabhāvasambhavadassanatthañceva pahāyakavibhāgena pahātabbavibhāgadassanatthañca. Tenāha “**idameva padaṃ gahetvā**”ti. **Aññampī**ti ñāṇato aññampi satisaṃvarādīṃ. **Dassanāti** idaṃ hetumhi nissakkavacananti **dassanenāti** hetumhi karaṇavacanena tadattham vivarati. **Esa nayoti** tamevattham atidisati. **Dassanenāti** sotāpattimaggena. So hi paṭhamam nibbānadassanato “dassanan”ti vuccati. Yadi pi tam gotrabhu paṭhamataraṃ passati, disvā pana kattabbakiccassa kilesappahānassa akaraṇato na tam dassananti vuccati. Āvajjanatṭhāniyaṃ hi tam ñāṇam maggassa, nibbānārammaṇattasāmaññena cetam vuttaṃ, na nibbānapaṭivijjhanena, tasmā dhammacakkhu punappunaṃ nibbattanena bhāvanaṃ appattaṃ dassanaṃ nāma, dhammacakkhuñca pariññādikkakaraṇavasena catusaccadhammadassanaṃ tadabhisamayoti natthettha gotrabhussa



dassanabhāvappatti. Ayañca vicāro parato **aṭṭhakathāyameva**<sup>1</sup> āgamissati. **Sabbatthā**ti “saṃvarā pahātabbā”ti-ādīsu. **Samvarā**ti saṃvarena, “saṃvaro”ti cetha satisaṃvaro veditabbo. Paṭisevati etenāti **paṭisevanam**, paccayesu idamatthikatāññam. Adhivāseti khamati etāyāti **adhivāsanā**, sītādīnam khamanākārena pavatto adoso, tappadhānā vā cattāro kusalakkhandhā. Parivajjeti etenāti **parivajjanam**, vālamigādīnam pariharaṇavasena pavattā cetanā, tathāpavattā vā cattāro kusalakkhandhā. Kāma vitakkādike vinodeti vitudati etenāti **vinodanam**, kusalavīriyam. Paṭhamamaggena diṭṭhe catusaccadhamme bhāvanāvasena uppajjanato **bhāvanā**, sesamaggattayam. Na hi taṃ adiṭṭhapubbam kiñci passati, evaṃ dassanādīnam vacanatto veditabbo.

### Dassanāpahātabba-āsavaṇṇanā

17. Kusalākusaladhammehi ālambiyamānāpi ārammaṇadhammā āvajjanamukheneva tabbhāvaṃ gacchantīti dassento “**manasikaraṇīye**”ti padassa “**āvajjitabbe**”ti atthamāha. Hitasukhāvahabhāvena manasikaraṇam arahantīti manasikaraṇīyā, tappaṭipakkhato amanasikaraṇīyāti āha “**amanasikaraṇīyeti tabbiparīte**”ti. **Sesapadesū**ti “manasikaraṇīye dhamme appajānanto”ti-ādīsu. Yasmā kusaladhammesupi subhasukhaniccādivasena manasikāro assādanādi hetutāya sāvajjo ahitadukkhāvaho, akusaladhammesupi aniccādivasena manasikāro nibbidādi hetutāya anavajjo hitasukhāvaho, tasmā “**dhammato niyamo natthī**”ti vatvā “**ākārato pana atthī**”ti āha.

Vā-saddo yebhuyyena “mamaṃ vā hi bhikkhave<sup>2</sup>, devo vā bhavissāmi, devaṇṇataro vā”ti-ādīsu<sup>3</sup> vikappattho diṭṭho, na samuccayatthoti tattha samuccayatthe payogaṃ dassetuṃ “**yathā**”ti-ādi vuttam. Evañca katvā samuccayatthadīpakaṃ panetaṃ suttapadaṃ samudāhaṇam.

**Kāmāsavoti** pañcakāmaguṇasaṅkhāte kāme āsavo kāmāsavo. Tenāha “**pañcakāmaguṇiko rāgo**”ti. Bhavāsavaṃ pana ṭhapetvā

1. Ma-Ṭṭha 1. 77 piṭṭhe. 2. Dī 1. 3 piṭṭhe. 3. Ma 1. 146; Ma 2. 50, 51 piṭṭhesu.

sabbo lobho kāmāsavoti yuttam siyā. **Rūpārūpabhaveti** kammupapattibhedato duvidhepi rūpārūpabhave **chandarāgo. Jhānanikantīti** jhānassādo. “Sundaramidaṃ ṭhānaṃ niccaṃ dhuvan”ti-ādinaṃ assādentassa uppajjamāno sassatucchedadiṭṭhisahagato rāgo bhavē āsavoti **bhavāsavo**. **Evanti** sabbadiṭṭhināṃ sassatucchedadiṭṭhisāṅghato bhavāsaveneva diṭṭhāsavo gahito taṃsahagatarāgatāyāti adhippāyo. Apare pana “diṭṭhāsavo avijjāsavena ca saṅghato”ti vadanti. Ettha ca “bhavāsavo catūsu diṭṭhigatavippayuttalobhasahagatacittuppādesu uppajjati”ti<sup>1</sup> vacanato diṭṭhisampayuttarāgassa bhavāsavabhāvo vicāretabbo atha “kāmasahagatā saññāmanasikārā”ti-ādīsu<sup>2</sup> viya ārammaṇakaraṇattho sahatattho, evaṃ sati bhavāsave diṭṭhāsavassa samodhānagamanam katam na siyā. Na hi tampayogatabbhāvādike asati taṃsaṅgho yutto, tasmā yathāvuttapāḷim anusārena diṭṭhigatasampayuttalobhopi kāmāsavoti yuttam siyā. Diṭṭhadhammikasamparāyikadukkhānam hi kāraṇabhūtā kāmāsavādayopi dvidhā vuttā.

**Abhidhamme**<sup>3</sup> ca kāmāsavaniddese “kāmesūti kāmarāgadiṭṭhirāgādīnam ārammaṇabhūtesu tebhūmakesu vatthukāmesū”ti attho sambhavati. Tattha hi uppajjamānā sā taṇhā sabbāpi na kāmacchandādināmaṃ na labhatīti. Yadi pana lobho kāmāsavabhavāsavavinimuttopi siyā, so yadā diṭṭhigatavippayuttesu cittesu uppajjati, tadā tena sampayutto avijjāsavo āsavavippayuttoti domanassavicikicchuddhaccasampayuttassa viya tassapi āsavavippayuttatā vattabbā siyā “catūsu diṭṭhigatavippayuttalobhasahagatacittuppādesu uppanno moho siyā āsavasampayutto, siyā āsavavippayutto”ti. “Kāmāsavo aṭṭhasu lobhasahagatacittuppādesu uppajjati”ti<sup>4</sup>, “kāmāsavam paṭicca diṭṭhāsavo avijjāsavo”ti<sup>5</sup> ca vacanato diṭṭhisahagatarāgo kāmāsavo na hotīti na sakkā vuttum. Kiñca abhihjhākāmarāgānam viseso āsavadvaya-ekāsavabhāvo siyā, na abhihjhāya ca no-āsavabhāvoti no-āsavalobhassa sabbhāvo vicāretabbo. Na hi atthi **abhidhamme** “āsavo

1. Abhi 1. 278 piṭṭhe.

2. Saṃ 2. 457 piṭṭhe.

3. Abhi 1. 222 piṭṭhe.

4. Abhi 1. 278 piṭṭhe.

5. Abhi 10. 199 piṭṭhe Paṭṭhāne.

ca no-āsavo ca dhammā āsavassa dhammassa āsavassa ca no-āsavassa ca dhammassa hetupaccayo”<sup>1</sup>ti<sup>1</sup> sattamo navamo ca paṇho. Gaṇanāyañca “hetuyā sattā”<sup>2</sup>ti<sup>2</sup> vuttaṃ, no “navā”<sup>2</sup>ti. Diṭṭhisampayutte pana lobhe no-āsave vijjamāne sattamanavamāpi pañhā vissajjanaṃ labheyyuṃ, gaṇanāya ca “hetuyā navā”<sup>2</sup>ti vattabbaṃ siyā, na pana vuttaṃ. Diṭṭhivippayutte ca lobhe no-āsave vijjamāne vattabbaṃ vuttameva. Yasmā pana suttantadesanā nāma pariyāyakathā, na abhidhammadesanā viya nipariyāyakathā, tasmā balavakāmarāgasseva kāmāsavaṃ dassetuṃ “**kāmāsavoti pañcakāmaguṇiko rāgo**”<sup>2</sup>ti vuttaṃ, tathā bhavābhinandananti.

Sāmaññena bhavāsavo diṭṭhāsavaṃ antogadhaṃ katvā idha tayo eva āsavā vuttāti tassa tadantogadhataṃ dassetuṃ “**evaṃ diṭṭhāsavo**”<sup>2</sup>ti-ādi vuttaṃ. Tathā hi vakkhati bhavāsavassa animittavimokkhapaṭipakkhataṃ. **Catūsu saccesu aññānanti** idaṃ suttantanayaṃ nissāya vuttaṃ. Suttantasamvaṇṇanā hesāti, tadantogadhataṃ vā pubbantādīnaṃ. Yathā atthato kāmāsavādayo vavatthāpitā, tathā nesaṃ uppādavaḍḍhiyo dassento “**kāmaguṇe**”<sup>2</sup>ti-ādimāha. **Assādato manasikarototi** “subhasukhā”<sup>2</sup>ti-ādinā assādanavasena manasi karontassa. **Catuvipallāsapadaṭṭhānabhāvenāti** subhasaññādīnaṃ vatthubhāvena. **Vuttanayapaccanīkatoti** “kāmā nāmete aniccā dukkhā vipariṇāmadhammā”<sup>2</sup>ti-ādinā kāmaguṇesu ādīnavadassanapubbakanekkhammaṭṭipattiyā chandarāgaṃ vikkhambhayato samucchindantassa ca anuppanno ca kāmāsavo na uppajjati, uppanno ca pahīyati. Tathā mahaggaṭṭhammesu ceva sakalatebhūmakadhammesu ca ādīnavadassanapubbaka-aniccādimanasikāravasena nissaraṇapaṭipattiyā anuppannā ca bhavāsava-avijjāsavā na uppajjanti, uppannā ca pahīyantīti evaṃ taṇhāpakke vuttassa nayassa paṭipakkhato **sukkapakkhe vitthāro** veditabbo.

**Tayo evāti** abhidhamme viya “cattāro”<sup>2</sup>ti avatvā kasmā tayo eva āsavā idha imissaṃ dassanāpahātabbathāyaṃ vuttā? Tattha kāmāsavassa taṇhāpaṇidhibhāvato **appaṇihitavimokkhapaṭipakkhatā** veditabbā. Bhavesu niccaggāhānusārato yebhuyyato bhavarāgasampattito bhavāsavassa **animittavimokkhapaṭipakkhatā**, bhavadiṭṭhiyā

1. Abhi 10. 160 piṭṭhe Paṭṭhāne.

2. Abhi 10. 169 piṭṭhe Paṭṭhāne.

pana bhavāsavabhāve vattabbameva natthi, anattasaññāya  
ñāṇānubhāvasiddhito avijjāsavassa **suññatavimokkhapaṭipakkhatā. Etthāti**  
etissam āsavakathāyam. **Vaṇṇitanti** kathitam. **Abhedatoti** sāmāññato.

18. **Kāmāsavādīnanti** manussalokadevalokagamanīyaṇaṃ  
kāmāsavādīnaṃ. Nirayādigamanīyā pana kāmāsavādayo “dassanā pahātabbe  
āsave”ti ettheva samāruḷhā. Atha vā yadaggena so  
puggalodassanāpahātabbānaṃ āsavānaṃ adhiṭṭhānaṃ, tadaggena  
**kāmāsavādīnampi adhiṭṭhānaṃ**. Na hi sāmāññābhedenā vatthubhedo atthīti  
dassetum “**ettāvata**”ti-ādi vuttam. Tenevāha “**sāmāññato vuttānaṃ**”ti. Kasmā  
panettha dassanāpahātabbesu āsavesu dassetabbesu “ahosiṃ nu kho ahan”ti-  
ādinā vicikicchā dassitāti āha “**vicikicchāsīsena cetthā**”ti-ādi. **Evanti** yathā  
soḷasavatthukā vicikicchā uppajjati, evaṃ ayonisomanasikāroti.

**Vijjamānataṃ avijjamānatañcāti**<sup>1</sup> sassatāsaṅkaṃ nissāya “ahosiṃ nu  
kho ahamatītamaddhānaṃ”ti atīte attano vijjamānataṃ, adhiccasamuppatti-  
āsaṅkaṃ nissāya “yato pabhuti aham, tato pubbe na nu kho ahosiṃ”ti atīte  
attano avijjamānatañca kaṅkhati. Kasmā? Vicikicchāya  
ākāradvayāvalambanato. Tassā pana atītavatthutāya gahitattā  
sassatādhiccasamuppatti-ākāranissayatā dassitā. Evaṃ  
āsappanāparisappanāpavattikaṃ katthacipi appaṭivattihetubhūtaṃ  
vicikicchāṃ kasmā uppādetīti na codetabbametanti dassento āha “**kiṃ**  
**kāraṇanti na vattabban**”ti. **Sveva** puthujjanabhāvo eva. Yadi evaṃ tassa  
ayonisomanasikāreneva bhavitabbanti āpannanti āha “**nanu ca puthujjanopi**  
**yoniso manasi karoti**”ti. **Tatthāti** yonisomanasikāraṇe.

**Jātiliṅgūpapattiyoti** khattiyabrāhmaṇādi jātīm gahaṭṭhapabbajitādiliṅgam  
devamanussādi-upapattiñca. **Nissāyāti** upādāya.

Tasmiṃ kāle sattānaṃ majjhimappamāṇaṃ. Tena yutto **pamāṇiko**,  
tadabhāvato, tato atītabhāvato vā **appamāṇiko** veditabbo. **Kecīti**  
sārasamāsācariyā. Te hi “kathaṃ nu khoti

---

1. Sam-Ṭī 2. 51 piṭṭhepi passitabbam.

issarena vā brahmunā vā pubbakatena vā ahetuto vā nibbattoti cintetī”ti āhu. Tena vuttaṃ “**hetuto kaṅkhatīti vadantī**”ti. Ahetuto nibbattikaṅkhāpi hi hetuparāmasanamevāti.

**Paramparanti** pubbāparappavattim. **Addhānanti** kālādhivacaṇaṃ, tañca bhummatthe upayogavacaṇaṃ daṭṭhabbaṃ.

**Vijjamānataṃ avijjamānatañcāti** sassatāsaṅkaṃ nissāya “bhavissāmi nu kho ahamanāgatamaddhānan”ti anāgate attano vijjamānataṃ, ucchedāsaṅkaṃ nissāya “yasmim ca attabhāve aham<sup>1</sup>, tato paraṃ na nu kho bhavissāmi”ti anāgate attano avijjamānatañca kaṅkhatīti heṭṭhā vuttanayena yojetabbaṃ.

**Paccuppannamaddhānanti** addhāpaccuppannassa idhādhippetattā “**paṭisandhim ādim katvā**”ti-ādi vuttaṃ. “Idaṃ kathaṃ idaṃ kathan”ti pavattanato kathamkathā, vicikicchā, sā assa atthīti **kathamkathīti** āha “**vicikiccho hotī**”ti. **Kā ettha cintā**, ummattako viya hi bālaputhujjanoti paṭikacceva vuttanti adhippāyo. **Taṃ mahāmātāya puttaṃ. Muṇdesunti** muṇḍena anicchantāṃ jāgaraṇakāle na sakkāti suttaṃ muṇḍesum kuladhammatāya yathā taṃ ekacce kulatāpasā, rājabhayenāti ca vadanti.

**Setibhūntanti** idaṃ madhurakabhāvappattiyā kāraṇavacaṇaṃ. “Setibhūtan”ti pi<sup>2</sup> pāṭho, udake ciraṭṭhānena setabhāvaṃ pattanti attho.

**Attano khattiyabhāvaṃ kaṅkhati** kaṇṇo viya sūtaputtasaññī. Jātiyā vibhāviyamānāya “ahan”ti tassa attano parāmasanaṃ sandhāyāha “evaṃ hi siyā kaṅkhā”ti. **Manussāpi ca rājāno viyāti** manussāpi keci ekacce rājāno viyāti adhippāyo.

**Vuttanayameva** “saṅṭhānākāraṃ nissāyā”ti-ādinā. **Etthāti** “kathaṃ nu khosmī”ti pade. **Abbhantare jīvoti** paraparikappitaṃ antarattānaṃ vadati. **Soḷasaṃsādīnanti ādi**-saddena sarīraparimāṇaparimaṇḍala-aṅguṭṭhayavaparamāṇuparimāṇatādike saṅgaṇhāti.

---

1. Uccedanakaṅkhā (Sam-Ṭī 2. 52 piṭṭhe)      2. Setabhūtantipi (Sam-Ṭī 2. 52 piṭṭhe)

“Sattapaññatti jīvavisaṃyā”ti diṭṭhigatikānaṃ matimattaṃ, paramatthato pana sā attabhāvavisaṃyāvāti āha “**attabhāvassa āgatigatiṭṭhānan**”ti, yatāyaṃ āgato, yattha ca gamissati, taṃ ṭhānanti attho.

19. **Yathā ayaṃ vicikicchā uppajjati**ti ayaṃ vuttappabhedā vicikicchā yathā uppajjati, evaṃ ayoniso manasikaroto. Etena vicikicchāya attābhinivesasannissayatamāha. Yathā hi vicikicchā attābhinivesaṃ nissāya pavattati, yato sā sassatādhiccasamuppattisassatucchedākārāvalambinī vuttā, evaṃ attābhinivesopi taṃ nissāya pavattati “ahosiṃ nu kho ahan”ti-ādinaṃ antogadhāmaṃkāraṃssa kathaṃkathibhāvassa attaggāhasannissayabhāvato. Tenevāha “**savicikicchassa ayonisomanasikāraṃssa thāmagatattā**”ti. **Vikappatthoti** aniyamattho. “Aññatarā diṭṭhi uppajjati”ti hi vuttaṃ. **Suṭṭhu dalhabhāvenā**ti abhinivesassa ativiya thāmagatabhāvena. **Tattha tatthā**ti tasmim bhava. **Paccuppannamevā**ti avadhāraṇena anāgate atthibhāvaṃ nivatteti, na atīte tatthapi sati atthitāya ucchedaggāhassa sabbhāvato. **Atīte eva natthi**, na anāgatepīti adhippāyo.

**Saññākkhandhasīsenā**ti saññākkhandhapamukhena, saññākkhandhaṃ pamukhaṃ katvāti attho. **Khandheti** pañcapi khandhe. **Attāti gahetvā**ti “saññājanasabhāvo me attā”ti abhinivissa. Pakāsetabbaṃ vatthum viya, attānampi pakāseto padīpo viya, saññānitabbaṃ nīlādi-ārammaṇaṃ viya attānampi saññānātīti evaṃdiṭṭhikopi diṭṭhigatiko hotīti vuttaṃ “**attanāva attānaṃ saññānāmī**”ti. Svāyamattho saññānaṃ tadaññataradhamme ca “attā anattā”ti ca gahaṇavasena hotīti vuttaṃ “**saññākkhandhasīsenā**”ti-ādi. Ettha ca khandhavinimutto attāti gaṇhato sassatadiṭṭhi, khandhaṃ pana “attā”ti gaṇhato ucchedadiṭṭhīti āha “**sabbāpi sassatucchedadiṭṭhiyovā**”ti.

**Abhinivesākārā**ti vipariyesākārā. **Vadatī**ti iminā kāraveditakassattānaṃ hitasukhāvabodhanasamatthataṃ attano dīpeti. Tenāha “**vacīkammaṃssa kāraṃ**”ti. Vedetīti vediyo, vediyova **vedeyyo**. Īdisānaṃ hi padānaṃ bahulā kattusādhanataṃ saddasatthavidū maññanti. Uppādavato ekanteneva vayo icchitabbo, sati ca udayabbayatte

neva niccatāti “**nicco**”ti vadantassa adhippāyaṃ vivaranto āha “**uppādavayarahito**”ti. **Sārabhū**toti niccatāya eva sārabhāvo. **Sabbakālikoti** sabbasmim kāle vijjamāno. **Pakatibhāvanti** sabhāvabhūtaṃ pakatim, “vado”ti-ādinā vā vuttaṃ pakatisaṅkhātaṃ sabhāvaṃ. **Sassatisamanti** sassatiyā samaṃ sassatisamaṃ, thāvaram niccakālanti attho. **Tatheva ṭhassatīti** yenākārena pubbe aṭṭhāsi, etarahi tiṭṭhati, tatheva tenākārena anāgatepi ṭhassatīti attho.

**Paccakkhanidassanaṃ** idaṃ-saddassa āsannapaccakkhabhāvaṃ katvā. **Diṭṭhiyeva diṭṭhigatanti** gata-saddassa padavaḍḍhanamattataṃ āha. **Diṭṭhisugatanti** micchādiṭṭhisu pariyāpannanti attho. Tenevāha “**dvāsaṭṭhidiṭṭhi-antogadhata**”ti. **Diṭṭhiyā gamanamattanti** diṭṭhiyā gahaṇamattaṃ. Yathā pana pabbatajalaviduggāni dunniggamanāni, evaṃ diṭṭhiggāhopīti āha “**dunniggamanaṭṭhena gahanaṃ**”ti. Kaṃ nāma udakaṃ, taṃ gahetvā taṃ atikkamitabbato **kantāro**, nirudakavanaṃ, taṃ pavanantipi vuccati. Añño pana araṇṇapadeso duratikkamanaṭṭhena kantāro viyāti, evaṃ diṭṭhipīti āha “**duratikkamanaṭṭhena**”ti-ādi. **Vinivijjanaṃ** vitudanaṃ. **Vilomanam** vipariṇāmbhāvo. Anavaṭṭhitasabhāvatāya vicalitaṃ **vipphanditanti** āha “**kadāci**”ti-ādi. Andubandhanādi viya nissarituṃ appadānavasena aseribhāvakaṇaṃ **bandhanaṭṭho**, kilesakammavipākavaṭṭānaṃ paccayabhāvena dūragatampi ākaḍḍhitvā saṃyojanaṃ **saṃyojanaṭṭho**, diṭṭhipi tathārūpāti vuttaṃ “**diṭṭhisamyojanaṃ**”ti. **Bandhanatthaṃ dassento** kiccāsiddhiyāti adhippāyo. Tenevāha “**diṭṭhisamyojanaṃ -pa- muccatī**”ti. Tatha **etehīti** iminā jāti-ādidukkhassa paccayabhāvamāha. Jāti-ādike dukkhadhamme sarūpato dassetvāpi “na parimuccati dukkhasmā”ti vadantena bhagavatā diṭṭhisamyojanaṃ nāma sabbānatthakaraṃ mahāsāvajjaṃ sabbassapi dukkhassa mūlabhūtaṃ ayamattho vibhāvitoti dassetuṃ “**kiṃ vā bahunā, sakalavaṭṭadukkhatoṃ na muccatī**”ti vuttaṃ.

20. Nanu cettha diṭṭhisamyojanadassanena sīlabbataparāmāsopi dassetabbo, evaṃ hi dassanena pahātābbā āsavā anavasesato dassitā hontīti codanaṃ sandhāyāha “**yasmā**”ti-ādi. **Sīlabbataparāmāso kāmāsavādiggaṇe**neva **gahito hoti** kāmāsavādihetukattā tassa. Appahīnakāmarāgādiko hi kāmasukhatthaṃ vā

bhavasuddhatthaṃ vā evaṃ bhavavisuddhi hotīti **sīlabbatāni parāmasanti**, “imināhaṃ sīlena vā vatena vā tapena vā brahmacariyena vā devo vā bhavissāmi devaññataro vā”<sup>1</sup>, “tatha nicco dhuvo sassato avipariṇāmadhammo sassatisamaṃ tatheva ṭhassāmī”<sup>2</sup>, “sīlena suddhi vatena suddhi sīlabbatena suddhī”<sup>3</sup> ca **sutte** vuttam sīlabbatam parāmasanti. Tattha **bhavasukhabhavavisuddhi-atthanti** bhavasukhatthañca bhavavisuddhi-atthañca. **Tassa gahitattāti** sīlabbataparāmāsassa diṭṭhiggahaṇena gahitattā yathā “diṭṭhigatānaṃ pahānāyā”<sup>4</sup> ti-ādīsu<sup>4</sup>. **Tesanti** dassanapahātabbānaṃ. **Dassetuṃ** puggalādhiṭṭhānāya desanāya. **Tabbiparītassāti** yonisomanasikaroto kalyāṇaputhujjanassa.

**Tassāti** “sutavā”<sup>1</sup> ti-ādipāṭhassa. **Tāvāti** “sutavā”<sup>2</sup> ti ito paṭṭhāya yāva “so idaṃ dukkhaṃ”<sup>3</sup> ti padaṃ, tāva imaṃ padaṃ avadhiṃ katvāti attho. **Heṭṭhā vuttanayenāti** ariyasappurisa-ariyadhammasappurisdhammanasikaraṇīya-amanasikaraṇīyapadānaṃ yathākkamaṃ mūlapariyāye idha gahetvā vuttanayena attho veditabboti sambandho. **Vuttapaccanīkatoti** “sutavā ariyasāvako, ariyānaṃ, dassāvī, sappurisaṇaṃ dassāvī”<sup>4</sup> ti etesaṃ padānaṃ sabbākārena vuttaviparītato attho veditabbo, kovidavinītapadānaṃ pana na sabbappakārena vuttaviparītato. Arahā hi nippariyāyena ariyadhamme kovido ariyadhamme suvinīto ca nāma. Tenāha “**paccanīkato ca sabbākārena -pa- ariyasāvakoti veditabbo**”<sup>5</sup> ti. Saṅkhārupekkhāññaṇaṃ **sikhāppattavipassanā**. Keci pana “bhaṅgaññaṇato paṭṭhāya sikhāppattavipassanā”<sup>6</sup> ti vadanti, tadayuttaṃ. **Tadanurūpena atthenāti** tassa puggalassa anurūpena ariyaṭṭhena, na paṭivedhavasenāti adhippāyo. Kalyāṇaputhujjano hi ayaṃ. Yathā cassa “yopi kalyāṇaputhujjano”<sup>7</sup> ti ārabhitvā “sopi vuccati sikkhatīti sekkho”<sup>8</sup> ti pariyāyena **sekkhasutte**<sup>5</sup> sekkhabhāvo vutto, evaṃ idha ariyasāvakabhāvo vutto.

Vuṭṭhānagāminīvipassanālakkaṇehi ye ariyasappurisdhammanasikarāṇāni bodhipakkhiyadhammā tisso sikkhā eva vā sambhavanti, tesaṃ vasena imassa ariyasāvakādibhāvo

1. Ma 1. 146; Ma 2. 50 piṭṭhesu.

2. Ma 1. 10 piṭṭhe.

3. Abhi 1. 240 piṭṭhe.

4. Abhi 1. 72 piṭṭhe.

5. Saṃ 3. 12 piṭṭhe.



vutto. Tenāha “**tadanurūpena atthenā**”ti. Ariyassa sāvakoti vā ariyasāvakatthena eva vutto yathā “agamā rājagahaṃ buddho”ti<sup>1</sup>. Sikhāppattavipassanāggahaṇaṅcettha vipassanaṃ ussukkāpetvā anivattipaṭipadāyaṃ ṭhitassa gahaṇatthanti yathāvuttā atthasaṃvaṇṇanā suṭṭhutaṃ yujjateva.

21. Yathā dhātumukhena vipassanaṃ abhiniviṭṭho dhātukammaṭṭhāniko āyatanādikumhena abhiniviṭṭho āyatanādikummaṭṭhāniko, evaṃ saccamukhena abhiniviṭṭhoti vuttaṃ “**catusaccakammaṭṭhāniko**”ti. Caturghanittharaṇatthikehi kātabbato kammaṃ, bhāvanā. Kammameva visesādhigamassa ṭhānaṃ kāraṇanti, kamme vā yathāvuttenaṭṭhena ṭhānaṃ avaṭṭhānaṃ bhāvanārambho kammaṭṭhānaṃ, tadeva catusaccamukhena pavattaṃ etassa atthīti **catusaccakammaṭṭhāniko**. Ubhayaṃ nappavattati etthāti **appavatti**. **Uggahitacatusaccakammaṭṭhānoti** ca catusaccakammaṭṭhānaṃ pālito atthato ca uggahetvā manasikārayoggaṃ katvā ṭhito. **Vipassanāmaggaṃ samārūḥoti** sappaccayanāmarūpadassane paṭiṭṭhāya tadeva nāmarūpaṃ aniccādito sammāsanto. **Samannāharatīti** vipassanāvajjanaṃ sandhāyāha, tasmā yathā “idaṃ dukkhaṃ”ti vipassanāñāṇaṃ pavattati, evaṃ samannāharati āvajjatīti attho. Kathaṃ panettha “manasi karotī”ti iminā “vipassatī”ti ayamattho vutto hotīti āha “**ettha -pa- vuttā**”ti. **Etthāti** ca imasmimṃ sutteti attho. **Vipassatīti** ca yathā upari visesādhigamo hoti, evaṃ ñāṇacakkhunā vipassati, oloketīti attho. Maggopi vattabbo. Purimañhi saccadvayaṃ gambhīrattā duddasaṃ, itaraṃ duddasattā gambhīraṃ.

**Abhinivesoti** vipassanābhiniveso vipassanāpaṭipatti. **Tadārammaṇeti** taṃ rūpakkhandaṃ ārammaṇaṃ katvā pavatte. **Yāthāvasarasalakkhaṇaṃ vavattḥapetvāti** aviparītaṃ attano ārammaṇaṃ sabhāvacchedanādikiccañceva aññāṇādilakkhaṇaṅca asaṅkarato hadaye ṭhapetvā. Iminā pubbe nāmarūpaparicchede katepi dhammaṇaṃ salakkhaṇavavattḥāpanaṃ paccayapariggahena suvavattḥāpitaṃ nāma hotīti dasseti yathā “dvikkhattuṃ baddhaṃ subaddhaṃ”ti. Evaṃ hi ñātapariññāya kiccaṃ siddhaṃ nāma hoti. Paccayato paccayuppannato ca vavattḥāpitattā pākaṭabhāvena siddhenapi siddhabhāvo pākaṭo hotīti vuttaṃ “**ahutvā hontī**”ti. **Aniccalakkhaṇaṃ āropetī**”ti.

---

1. Khu 1. 340 piṭṭhe Suttanipāte.

asato hi uppādena bhavitabbaṃ, na sato, uppādavantatā ca nesam ekantena icchitabbā paccayāyattavuttibhāvato, sati uppāde avassambhāvī nirodhoti nattheva niccatāvakāsoti. Sūpaṭṭhitāniccatāya ca udayabbayadhammehi abhiṇṇapaṭipīlanato dukkhamanaṭṭhena dukkham. Tenāha “**udayabbayapaṭipīlitattā dukkhāti dukkhalakkhaṇaṃ āropeti**”ti. Katthacipi saṅkhāragate “mā jīri mā byādhiyī”ti alabbhanato natthi vasavattananti āha “**avasavattanato anattāti anattalakkhaṇaṃ āropeti**”ti. **Paṭipāṭiyāti** udayabbayañāṇādiparamparāya.

**Tasmim khaneti** sotāpattimaggakkhaṇe. **Ekapaṭivedhenevāti** ekañāṇeneva paṭivijjhanena. **Paṭivedho** paṭighātābhāvena visaye nissaṅgacārasaṅkhātāṃ nibbijjhanam. **Abhisamayo** avirajjhivā visayassa adhigamasāṅkhāto **avabodho**. “Idaṃ dukkham, ettakaṃ dukkham, na ito bhiyyo”ti paricchindivā jānānameva vuttanayena paṭivedhoti **pariññāpaṭivedho**. Ayaṃ yathā ñāṇe pavatte pacchā dukkhassa sarūpādiparicchede sammoho na hoti, tathā pavattim gahetvā vutto, na pana maggañāṇassa “idaṃ dukkhan”ti-ādināpi vattanato. Tenāha “**na hissa tasmim samaye**”ti-ādi. Pahīnassa puna appahātabbatāya pakaṭṭham hānaṃ cajanam samucchindanam pahānam, pahānameva vuttanayena paṭivedhoti **pahānapaṭivedho**. Ayampi yena kilesena appahīyamānena maggabhāvanāya na bhavitabbaṃ, asati ca maggabhāvanāya yo uppajjeyya, tassa kilesassa padaghātāṃ karontassa anuppattidhammataṃ āpādentassa ñāṇassa tathāpavattiyā paṭighātābhāvena nissaṅgacāraṃ upādāya evaṃ vutto. Sacchikiriyā paccakkhakarāṇaṃ, anussavākāraparivitakkādike muñcitvā sarūpato ārammaṇakarāṇaṃ idaṃ tanti yathāsabhāvato gahaṇaṃ, sā eva vuttanayena paṭivedhoti **sacchikiriyāpaṭivedho**. Ayaṃ pana yassa āvaraṇassa asamucchindanato ñāṇaṃ nirodham ālambitum na sakkoti, tassa samucchindanato taṃ sarūpato vibhāvitameva pavattatīti evaṃ vutto.

Bhāvanā uppādanā vaḍḍhanā ca, tattha paṭhamamagge uppādanaṭṭhena, dutiyādīsū vaḍḍhanaṭṭhena, ubhayatthāpi vā ubhayatthāpi veditabbaṃ. Paṭhamamaggopi hi yathārahaṃ vuṭṭhānagāminiyam pavattam pari jānanādim vaḍḍhento pavattoti tatthāpi vaḍḍhanaṭṭhena

bhāvanā sakkā viññātuṃ. Dutiyādīsupi appahīnakilesappahānato puggalantarāsādhanaṭṭhena bhāvanā, sā eva vuttanayena paṭivedhoti **bhāvanāpaṭivedho**. Ayampi hi yathā ñāṇe pavatte pacchā maggadhammānaṃ sarūpaparicchede sammoho na hoti, tathā pavattimeva gahetvā vutto, tiṭṭhatu tāva yathādhigatamaggadhammaṃ yathāpavattesu phaladhammesu viya yathādhigatasaccadhammesu viya vigatasammohova hoti. Tena vuttaṃ “diṭṭhadhammo pattadhammo veditadhammo pariyoḅhadhammo”<sup>1</sup>. Yato cassa dhammatāsañcoditā yathādhigatasaccadhammāvalambiniyo maggavīthito parato maggaphalapahīnāvasiṭṭhakilesanibbānānaṃ paccavekkhaṇā pavattanti. Dukkhasaccadhammā hi sakkāyaditṭhi-ādayo. Ayañca atthavaṇṇanā “pariññābhisamayenā”ti-ādisupi vibhāvetabbā. **Ekābhisamayena abhisametīti** vuttamevatthaṃ vibūtataraṃ katvā dassetuṃ “**no ca kho aññamaññaena ñāṇenā**”ti-ādi vuttaṃ.

Vitaṇḍavādī panāha “ariyamaggañāṇaṃ catūsu saccesu nānābhisamayavasena kiccakaraṇaṃ, na ekābhisamayavasena. Taṃ hi kālena dukkhaṃ pajānāti, kālena samudayaṃ pajahati, kālena nirodhaṃ sacchikaroti, kālena maggaṃ bhāveti, aññathā ekassa ñāṇassa ekasmiṃ khaṇe catukiccakaraṇaṃ na yujjati. Na hidaṃ katthaci diṭṭhampi suttaṃ atthi”ti. So vattabbo—yadi ariyamaggañāṇaṃ nānābhisamayavasena saccāni abhisameti, na ekābhisamayavasena, evaṃ sante paccekampi saccesunānakkhaṇeneva pavatteyya, na ekakkhaṇena, tathā sati dukkhādīnaṃ ekadesekadesameva pariḅānāti pajahatīti āpajjatīti nānābhisamaye paṭhamamaggādīhi pahātabbānaṃ saññōjanattayādīnaṃ ekadesekadesappahānaṃ siyāti ekadesasotāpattimaggaṭṭhādītā, tato eva ekadesasotāpannādītā ca āpajjati anantaraphalattā lokuttarakusalānaṃ, na ca taṃ yuttaṃ. Na hi kālabhedena vinā so eva sotāpanno ca asotāpanno cāti sakkā viññātuṃ.

Apicāyaṃ nānābhisamayavādī evaṃ pucchitabbo “maggañāṇaṃ saccāni paṭivijjhantaṃ kiṃ ārammaṇato paṭivijjhati, udāhu kiccato”ti? Jānamāno “kiccato”ti vadeyya, “kiccato paṭivijjhantassa kiṃ nānābhisamayenā”ti vatvā

1. Dī 1. 102, 141; Vi 3. 23, 47 piṭṭhesu.

paṭipāṭiyā nidassanena saññāpetabbo. Atha “ārammaṇato”ti vadeyya, evaṃ sante tassa ñāṇassa vipassanāñāṇassa viya dukkhasamudayānaṃ accantapariññāsamucchedā na yuttā anissaṭattā. Tathā maggadassanaṃ. Na hi maggo sayameva attānaṃ ārabha pavattatīti yuttaṃ, maggantaparikkappanāya pana anavaṭṭhānaṃ āpajjati, tasmā tīṇi saccāni kiccato, nirodhaṃ kiccato ca ārammaṇato ca paṭivijjhatīti evaṃ asammohato paṭivijjhantassa maggañāṇassa nattheva nānābhisamayo. Vuttaṃ hetuṃ “yo bhikkhave dukkhaṃ passati, dukkhasamudayampi so passatī”ti-ādi<sup>1</sup>. Na cetuṃ kālantaradassanaṃ sandhāya vuttaṃ “yo nu kho āvuso dukkhaṃ passati, dukkhasamudayampi -pa- dukkhanirodhagāminipaṭipadampi so passatī”ti<sup>1</sup> ekaccadassanasamaṅgino aññasaccadassanasamaṅgibhāvavicāraṇāyaṃ tadatthasādhanatthaṃ āyasmatā gavampatittherena ābhatattā, paccekañca saccattayadassanassa yojitattā, aññathā purimadiṭṭhassa puna adassanato samudayādidassanamayojaniyaṃ siyā. Na hi lokuttaramaggo lokiyamaggo viya katakārībhāvena pavattati samucchedakattā, tathā yojanena ca sabbadassanaṃ dassanantaraparamanti dassanānuparamo siyāti evaṃ āgamato yuttito ca nānābhisamayo na yujjatīti saññāpetabbo. Evaṃ ce saññattim gacchati, iccetāṃ kusalaṃ. No ce gacchati, **Abhidhamme**<sup>2</sup> odhisokathāya saññāpetabboti.

**Nirodhaṃ ārammaṇatoti** nirodhameva ārammaṇatoti niyamo gahetabbo, na ārammaṇatovāti. Tena nirodhe kiccato paṭivedho siddho hoti. **Tasmim samayeti** saccānaṃ abhisamaye. **Vīsativatthukāti**-ādi “tīṇi saññojanāni”ti vuttānaṃ sarūpadassanaṃ. **Catūsu āsavesūti** idaṃ abhidhammanayena vuttaṃ, na suttantanayena. Na hi sutte katthaci cattāro āsavā āgatā atthi. Yadi vicikicchā na āsavo, atha kasmā “sakkāyadiṭṭhi vicikicchā silabbataparāmāso, ime vuccanti bhikkhave āsavā dassanā pahātabbā”ti vuttanti āha “**dassanā pahātabbā**”ti-ādi. **Ettha pariyaṇattatī** etena sammāsaṅkappassa viya paññākkhandhe kiccasabhāgatāya idha vicikicchāya āsavasaṅgaho katoti dasseti.

---

1. Saṃ 3. 382 piṭṭhe.

2. Abhi 4. 87 piṭṭhe.

Sabbo attaggāho sakkāyadiṭṭhivinimutto natthīti vuttaṃ “**channaṃ diṭṭhīnaṃ -pa- vibhattā**”ti. Sā hi diṭṭhi ekasmiṃ cittuppāde santāne ca ṭhitaṃ ekaṭṭham, tattha paṭhamam saḥajātekaṭṭham, itaram pahānekaṭṭham, tadubhayampi niddhāretvā dassetuṃ “**diṭṭhāsavehī**”ti-ādi vuttaṃ.

**Sabbathāpī**ti sabbappakārena, saḥajātekaṭṭhapahānekaṭṭhappakārehīti attho. **Avasesāti** diṭṭhāsavato avasiṭṭhā. **Tayopi āsavāti** kāmāsavabhavāsava-avijjāsavā. Tathā hi pubbe “catūsu āsavesū”ti vuttaṃ. **Tasmāti** yasmā bahū evettha āsavo pahātabbā, tasmā bahuvacananiddeso kato “ime vuccanti bhikkhave āsavā dassanā pahātabbā”ti. **Porāṇānanti** aṭṭhakathācariyānam, “purātanānam majjhimabhāṇakānan”ti ca vadanti.

**Dassanā pahātabbāti**-ādīsu yaṃ vattabban, taṃ heṭṭhā vuttameva.

Dassanāpahātabba-āsavavaṇṇanā niṭṭhitā.

### Samvarāpahātabba-āsavavaṇṇanā

22. **Samvarādīhī**ti samvara paṭisevana adhivāsana parivajjana vinodanehi. **Sabbesampī**ti catunnampi ariyamaggānam. **Ayanti** samvarāpahātabbādīkathā **pubbabhāgapaṭipadāti veditabbā**. Tathā hi heṭṭhā “upakkilesavisodhanam ādim katvā āsavakkhayapaṭipattidassanatthan”ti suttantadesanāya payojanam vuttaṃ. Na hi sakkā ādito eva ariyamaggaṃ bhāvetuṃ atha kho samādinnaṣīlo indriyesu guttadvāro “saṅkhāyekaṃ paṭisevati, saṅkhāyekaṃ adhivāseti, saṅkhāyekaṃ parivajjeti, saṅkhāyekaṃ vinodeti”ti<sup>1</sup> evam vuttaṃ caturāpassenapaṭipattim paṭipajjamāno sammasanavidhim otaritvā anukkamena vipassanam ussukkāpetvā maggapaṭipāṭiyā āsave khepeti. Tenāha bhagavā “seyyathāpi bhikkhave mahāsamuddo anupubbaninno anupubbapoṇo anupubbapabbhāro, na āyatakeneva papāto, evam kho bhikkhave imasmim dhammavinaye anupubbāsikkhā anupubbakiriyā anupubbapaṭipadā, na āyatakeneva aññāpaṭivedho”ti<sup>2</sup>.

1. Dī 3. 224; Ma 2. 127 piṭṭhesu.

2. Am 3. 46; Khu 1. 141; Vi 4. 421 piṭṭhesu.

**Idhā**ti ayam **idha**-saddo sabbākārato indriyaśaṃvarasaṃvutassa puggalassa sannissayabhūtasāsanaparidīpano, aññasāsanassa tathābhāvapaṭisedhano cāti vuttaṃ “**imasmim̄ sāsane**”ti.

**Ādīnavapaṭisaṅkhā**ti ādīnavapaccavekkhaṇā. **Sampalimaṭṭhanti**<sup>1</sup> ghaṃsitaṃ. **Anubyañjanasoti** hatthapādahasitakathitavilokitādippakārabhāgaso. Tam̄ hi ayoniso manasikaroto kilesānaṃ anu anu byañjanato “anubyañjanan”ti vuccati. **Nimittaggā**hoti itthipurisanimittādikassa vā kilesavatthubhūtaṃ vā nimittassa gāho. **Ādittapariyāyanayenā**ti ādittapariyāye<sup>2</sup> āgatanayena veditabbā ādīnavapaṭisaṅkhāti yojanā. Yathā itthiyā indriyanti itthindriyaṃ, na evamidam̄, idaṃ pana **cakkhumeva indriyanti cakkhundriyanti**. **Titthakāko viyā**ti titthe kāko titthakāko, nadiyā samatikkamanatitthe niyataṭṭhitiko. **Āvāṭakacchapoti**-ādīsupi eseva nayo.

Evam̄ tappaṭibaddhavuttitāya **cakkhundriye** niyataṭṭhāno **saṃvaro** cakkhundriyaśaṃvaro. **Muṭṭhassaccaṃ** satipaṭipakkhā akusaladhammā. Yadipi aññattha asaṅkheyyampi bhavaṅgacittaṃ nirantaram̄ uppajjati, pasādaghaṭṭanāvajjanuppādānaṃ pana antare dve eva bhavaṅgacittāni uppajjantīti ayam̄ cittaniyāmoti āha **bhavaṅge “dvikkhattuṃ uppajjitvā niruddhe**”ti.

**Javanakkhaṇe pana sace dussīlyam̄ vā**ti-ādi<sup>3</sup> puna avacanattham̄ idheva sabbam̄ vuttanti chasu dvāresu yathāsambhavaṃ yojetabbam̄. Na hi pañcadvāre kāyavacīduccaritasāṅkhāto dussīlyasaṃvaro atthīti so manodvārasena, itaro channampi dvārānaṃ vasena yojetabbo. Muṭṭhassaccādīnaṃ hi satipaṭipakkhādilakkhaṇānaṃ akusaladhammānaṃ siyā pañcadvāre uppatti, na tveva kāyikavācasikavītikamabhūtaṃ dussīlyassa tattha uppatti pañcadvārikajavanānaṃ aviññattijanakkattāti.

**Yathā kinti** yena pakārena javane uppajjamāno asaṃvaro “cakkhudvāre asaṃvaro”ti vuccati, tam̄ nidassanaṃ kinti attho. **Yathā**ti-ādīnā nagaradvāre asaṃvare sati taṃsambandhānaṃ gharādīnaṃ

1. Am̄-Ṭī 3. 124 piṭṭhādīsupi passitabbam̄.

2. Saṃ 2. 251; Vi 3. 44 piṭṭhesu.

3. Visuddhi-Ṭī 1. 49; Mūlaṭī 1. 185 piṭṭhādīsupi passitabbam̄.

asaṃvutata viya javane asaṃvare sati taṃsambandhānaṃ dvārādīnaṃ asaṃvutataṭi aññāsaṃvare aññāsaṃvutataśāmaññaṃ nidasseti, na pubbāparasāmaññaṃ, antobahisāmaññaṃ vā. Sambandho ca javanena dvārādīnaṃ ekasantatipariyāpannatāya eva daṭṭhabbo. Paccayabhāvena purimanipphannaṃ javanakāle asantampi bhavaṅgādi phalanipphattiyā cakkhādi viya santaṃyeva nāma. Na hi dharamānaṃyeva “santaṃ”ti vuccati, tasmā sati dvārabhavaṅgādike pacchā uppajjamānaṃ javanaṃ bāhiraṃ viya katvā nagaradvārasamānaṃ vuttaṃ, itarañca antonagaragharādīsamānaṃ. Javanassa hi paramatthato asatipi bāhirabhāve itarassa ca abbhantarabhāve “pabhassaramidaṃ bhikkhave cittaṃ, tañca kho āgantukehi upakkilesehi upakkiliṭṭhaṃ”<sup>1</sup> ādivacanato āgantukabhūtaṃ kadāci kadāci uppajjamānassa javanassa bāhirabhāvo, tabbidhurasabhāvassa itarassa abbhantarabhāvo ca pariyaṃyato veditaṃ. Javane vā asaṃvare uppanne tato paraṃ dvārabhavaṅgādīnaṃ asaṃvarahetubhāvāpattito nagaradvārasadisena javanena pavisitvā dussīlyādicorānaṃ dvārabhavaṅgādīsu musanaṃ kusalaḥḥaṇḍavināsaṃ daṭṭhabbaṃ. Uppanne hi asaṃvare dvārādīnaṃ tassa hetubhāvo paññāyati, so ca uppajjamānoyeva dvārādīnaṃ saṃvarūpanissayaḥbhāvaṃ paṭibāhentoṃyeva pavattatīti ayaṃ hettha asaṃvarādīnaṃ pavattinayo. Pañcadvāre rūpādi-ārammaṇe āpāthagate yathāpaccayaṃ akusalaḥjavane uppajjitvā bhavaṅgaṃ otiṇṇe manodvārikajavanaṃ taṃyeva ārammaṇaṃ katvā bhavaṅgaṃ otarati, puna tasmim̃ yeva dvāre “itthī puriso”ti-ādīnaṃ visayaṃ vavattapetvā javanaṃ bhavaṅgaṃ otarati, puna vāre rajjanādivasena javanaṃ javati, punapi yadi tādisaṃ ārammaṇaṃ āpāthamāgacchati, taṃsadisameva pañcadvāre rūpādīsu javanaṃ uppajjati. Taṃ sandhāya vuttaṃ **“evameva javane dussīlyādīsu uppannesu tasmim̃ asaṃvare sati dvārampi aguttaṃ”**ti-ādi. Ayaṃ tāva asaṃvarapakke atthavaṇṇanā.

Saṃvarapakkepi imināva nayena attho veditaṃ. Saṃvarena samannāgato puggalo saṃvutoti vuttoti āha **“upetoti vuttaṃ hotī”**ti. **Ekajjhaṃ katvā**ti “pātimokkhasaṃvarasaṃvuto”ti padañca atthato abhinnaṃ samānaṃ katvā. **Ayameva cettha attho**

---

1. Am̃ 1. 9 piṭṭhe.

**sundarataro** uparipāliyā saṃsandano. Tenāha “**tathāhī**”ti-ādi. **Yanti ādesoti** iminā liṅgavipallāsenā saddhiṃ vacanavipallāso katoti dasseti, nipātapadamā vā etaṃ paccattaputhuvacanattamā. **Vighātakarā**ti cittavighātakaraṇā cittadukkhānibbattakā ca. Yathāvuttakilesahetukā dāhānubandhā vipākā eva **vipākaparilāhā**. Yathā panettha āsavā aññe ca vighātakarā kilesavipākaparilāhā sambhavanti, taṃ dassetuṃ “**cakkhudvārehi**”ti-ādi vuttamā, taṃ suviññeyyameva. Ettha ca saṃvaraṇūpāyo, saṃvaritabbamā, saṃvaro, yato so saṃvaro, yattha saṃvaro, yañca saṃvaraphalanti ayaṃ vibhāgo veditabbo. Kathamā? Paṭisaṅkhā yonisoti hi **saṃvaraṇūpāyo**. Cakkhundriyamā **saṃvaritabbamā**. Saṃvaraggahaṇena gahitā sati **saṃvaro**. Asaṃvutassāti **saṃvaraṇāvadhī**. Asaṃvarato hi saṃvaraṇamā. Saṃvaritabbaggahaṇena siddho idha **saṃvaravisayo**. Cakkhundriyamā hi saṃvaraṇāṇamā rūpārammaṇe saṃvarīyatīti avuttasiddhoyamattho. Āsavatannimittakilesādiaparilāhābhāvo **phalamā**. Evaṃ sotadvārādīsupi yojetabbamā. **Sabbatthevāti** manodvāre pañcadvāre cāti sabbasmimā dvāre.

Saṃvarāpahātabba-āsavavaṇṇanā niṭṭhitā.

### Paṭisevanāpahātabba-āsavavaṇṇanā

23. **Paṭisaṅkhā yoniso cīvaranti**-ādīsu “sītassa paṭighātāyā”ti-ādinā vuttamā paccavekkhaṇameva yoniso paṭisaṅkhā. **Īdisanti** evarūpamā iṭṭhārammaṇamā. **Bhavapatthanāya assādayatoti** bhavapatthanāmukhena bhāvitamā ārammaṇamā assādentassa. **Cīvaranti** nivāsanādi yamā kiñci cīvaramā. **Paṭisevatīti** nivāsanādivasena paribhuñjati. **Yāvadevāti** payojanaparimāṇanīyamanamā. Sītaṇṇapaṭighātādiyeva hi yogino cīvarapaṭisevane payojanamā. **Sītassāti** dhātukkabhato vā utupariṇāmato vā uppannasītassa. **Paṭighātāyāti** paṭibāhanattamā tappaccayassa vikārassa vinodanattamā. **Uṇhassāti** aggisantāpato uppannassa uṇhassa. **Ḍaṃsādayo** pākāṭāyeva. Puna **yāvadevāti** niyatapayojanaparimāṇanīyamanamā. Niyatamā hi payojanamā cīvarapaṭisevanassa hirikopīnapaṭicchādanamā, itaramā kadāci



kadāci. **Hirikopīnanti** sambādhaṭṭhānaṃ. Yasmiṃ hi aṅge vivate hirī kuppati vinassati, taṃ hiriyā kopanato hirikopīnaṃ, tassa paṭicchādanatthaṃ cīvaram paṭisevati.

**Piṇḍapātanti** yaṃ kiñci āhāraṃ. So hi piṇḍolyena bhikkhāyā patte patanato tattha tattha laddhabhikkhāpiṇḍānaṃ pāto sannipātoti “piṇḍapāto”ti vuccati. **Neva davāyāti** na kīlanāya. **Na madāyāti** na balamadamānamadapurisamadatthaṃ. **Na maṇḍanāyāti** na aṅgapaccāṅgānaṃ piṇanabhāvatthaṃ. **Na vibhūsanāyāti** na tesāmyeva sobhanatthaṃ, chavisampatti-atthanti, attho. Imāni ca padāni yathākkamaṃ mohadosasaṅṭhānavañṇarāgūpanissayapahānatthāni vedittabāni. Purimaṃ vā dvayaṃ attano attano saṃkilesuppattinisedhanatthaṃ, itaraṃ parassapi. Cattāripi kāmasukhallikānuyogassa pahānatthaṃ vuttānīti vedittabāni. **Kāyassāti** rūpakāyassa. **Ṭhitiyā yāpanāyāti** pabandhaṭṭhitatthañceva pavattiyā avicchedanatthañca cirakālaṭṭhitatthaṃ jīvitindriyassa pavattāpanatthaṃ. **Vihimsūparatīyāti** jighacchādukkhassa uparamaṇatthaṃ. **Brahmacariyānuggahāyāti** sāsanaṃ maggabrahmacariyānaṃ anuggahatthaṃ. **Itīti** evaṃ iminā upāyena. **Purāṇaṃ vedanaṃ paṭihanākhāmi**ti purāṇaṃ abhuttapaccayā uppajjanakavedanaṃ paṭihanissāmi. **Navaṇca vedanaṃ na uppādessāmi**ti navaṃ bhuttapaccayā uppajjanakavedanaṃ na uppādessāmi. Tassā hi anuppannāya anuppajjanatthameva āhāraṃ paribhuñjati. Ettha ca abhuttapaccayā uppajjanakavedanā nāma yathāpavattā jīghacchānimittā vedanā. Sā hi abhuñjantassa bhīyyo bhīyyo pavaḍḍhanavasena uppajjati, bhuttapaccayā uppajjanakavedanāpi khudānimittāva aṅgadāhasūlādivedanā appavattā. Sā hi bhuttapaccayā anuppannāva na uppajjissatīti. Vihimsānimittatā cetāsaṃ vihimsāya viseso.

**Yātrā ca me bhavissatīti** yāpanā ca me catunnaṃ iriyāpathānaṃ bhavissati. **Yāpanāyāti** iminā jīvitindriyayāpanā vuttā, idha catunnaṃ iriyāpathānaṃ avicchedasaṅkhātā yāpanāti ayametāsaṃ viseso. **Anavajjatā ca phāsuvihāro cāti** ayuttapariyesanapaṭiggahaṇaparibhogaparivajjanena anavajjatā, parimitaparibhogenā phāsuvihāro. Asappāyaparimitabhojanapaccayā aratī tandī vijambhitā viññugarahādi dosābhāvena vā anavajjatā, sappāyaparimitabhojanapaccayā

kāyabalasambhavana phāsuvihāro. Yāvadattha-  
 udarāvadehakabhojanaparivajjanena  
 seyyasukhapassasukhamiddhasukhādīnaṃ abhāvato anavajjatā,  
 catupañcālopamatta-ūnabhojanenacatu-iriyāpathayogyatāpādanato  
 phāsuvihāro. Vuttam̐ hetam̐—

“Cattāro pañca ālope, abhutvā udakaṃ pive.  
 Alam̐ phāsuvihārāya, pahitattassa bhikkhuno”<sup>1</sup>.

Ettāvatā payojanapariggaho, majjhimā ca paṭipadā dīpitā hoti.

**Senāsananti** sayanañca āsanañca. Yattha hi vihārādike seti nipajjati,  
 āsati nisīdati, tam̐ senāsanam̐. **Utuparissayavinodanapaṭisallānārāmatthanti**  
 utuyeva parisahanatṭhena parissayo, sarīrābādhacittavikkhepakaro, atha vā  
 yathāvutto utu ca sīhabyagghādīpākataṭaparissayo ca  
 rāgadosādīpaṭicchannaparissayo ca utuparissayo, tassa vinodanattham̐ ceva  
 ekībhāvasukhatthañca. Idañca cīvarapaṭisevane hirikopīnapaṭicchādanam̐  
 viya tassa niyatapayojananti puna “yāvadevā”<sup>1</sup>ti vuttam̐.

**Gilānapaccayabhesajjaparikkhāranti** rogassa paccanīkappavattiyā  
 gilānapaccayo, tato eva bhisakkassa anuññātavatthutāya bhesajjam̐, jīvitassa  
 parivārasambhārabhāvehi parikkhāro cāti **gilānapaccayabhesajjaparikkhāro**,  
 tam̐. **Uppannānanti** jātānam̐ nibbattānam̐. **Veyyābādhikānanti** byābādhato  
 dhātukkhobhato ca tannibbattarogato ca jātānam̐. **Vedanānanti**  
 dukkhavedanānam̐. **Abyābajjhaparamatāyāti** niddukkhaparamabhāvāya  
 paṭisevāmīti yojanā. Evamettha saṅkhepeneva pāḷivaṇṇanā veditabbā.  
**Navavedanuppādanatopīti** na kevalam̐ āyatim̐ eva vipākaparīlāhā, atha kho  
 atibhojanapaccayā alaṃsāṭakādīnam̐ viya navavedanuppādanatopi  
 veditabbāti attho.

Paṭisevanāpahātabba-āsavavaṇṇanā niṭṭhitā.

1. Khu 2. 343 piṭṭhe Theragāthāyam̐.

### Adhivāsanāpahātabba-āsavaṇṇanā

24. **Khamoti** khamanako. Kammaṭṭhānikassa calanaṃ nāma kammaṭṭhānapariccāgoti āha “**calati kampati kammaṭṭhānaṃ vijahati**”ti. **Adhimattampi uṇhaṃ sahati**, sahanto ca na naggasamaṇādayo viya sahati, atha kho kammaṭṭhānāvijahanenāti āha “**sveva thero viyā**”ti. **Bahicaṅkameti** leṇato bahi caṅkame. **Uṇhabhayenevāti** narakaggi-uṇhabhayeneva. Tenāha “**avīcimahānirayaṃ paccavekkhitvā**”ti, tampi “mayā anekakkhattuṃ anubhūtaṃ, idaṃ pana tato mudutaran”ti evaṃ paccavekkhitvā. **Etthāti** etasmim̐ thāne. **Aggisantāpova veditabbo** sūriyasantāpassa parato vuccamānattā.

**Parisuddhasīlohamasmīti** sabbathāpi “visuddhasīlohamasmī”ti maraṇaṃ aggahevā avipptaṅgāramūlikaṃ pītiṃ uppādesi. **Saha pītuppādāti** pharaṇapītiyā uppādena saheva. **Visaṃ nivattitvāti** pītivegena ajjhotthataṃ daṭṭhamukheneva bhassitvā. **Tatthevāti** sappena daṭṭhaṭṭhāneyeva. **Cittekaggataṃ labhitvāti** “pītimanassa kāyo passambhatī”ti-ādinā<sup>1</sup> nayena samādhānaṃ pāpuṇitvā.

Paccayesu santoso bhāvanāya ca āramitabbaṭṭhānatāya ārāmo assāti paccayasantosabhāvanārāmo, tassa bhāvo **paccaya -pa- rāmatā**, tāya. **Mahātheroti** vuḍḍhataro thero. Vacanameva tadatthaṃ ṇāpetukāmānaṃ pathoti **vacanapatho**.

Asukhaṭṭhena vā **tibbā**. Yaṃ hi na sukhaṃ, taṃ aniṭṭhaṃ “tibban”ti vuccati. **Evaṃsabhāvoti** “adhivāsanajātiyo”ti padassa atthamāha. **Muhuttena** khaṇeva vāte hadayaṃ phāletuṃ āraddeyyeva. **Anāgāmī hutvā parinibbāyīti** arahattaṃ patvā parinibbāyi.

**Evaṃ sabbatthāti** “uṇhena phuṭṭhassa sītaṃ patthayato”ti-ādinā sabbattha uṇhādinimittaṃ kāmāsavuppatti veditabbā, sītaṃ vā uṇhaṃ vā aniṭṭhanti adhippāyo. Attaggāhe sati attaniyaggāhoti āha “**mayhaṃ sītaṃ uṇhanti gāho diṭṭhāsavo**”ti. Sītādike upagate sahanṭī khamanṭī te attano upari vāsenti viya hotīti vuttaṃ “**āropetvā**

1. Dī 1. 195; Dī 3. 252; Saṃ 3. 135; Am̐ 1. 245; Am̐ 3. 535 piṭṭhesu.

vāsetiyevā”ti. Na nirassatīti na vidhunati. Yo hi sītādike na sahati, so te nirassanto vidhunanto viya hotīti.

Adhivāsanāpahātabba-āsavavaṇṇanā niṭṭhitā.

### Parivajjanāpahātabba-āsavavaṇṇanā

25. **Ahaṃ samaṇoti**<sup>1</sup> “ahaṃ samaṇo, kiṃ mama jīvitena vā maraṇena vā”ti evaṃ acintetvāti adhippāyo. **Paccavekkhitvāti** gāmapadesaṃ payojanādiṅca paccavekkhitvā. **Paṭikkamatīti** hatthi-ādīnaṃ samīpagamanato apakkamatī. Kaṇṭakā yattha tiṭṭhanti, taṃ **kaṇṭakaṭṭhānaṃ**. **Amanussaduṭṭhānīti** amanussasañcārena dūsitāni, sapaṛissayānīti attho. **Samānanti** samaṃ, avisamanti attho. **Akāsi vā** tādisaṃ anācāraṃ.

**Sīlasaṃvarasaṅkhātenāti** “kathaṃ parivajjanaṃ sīlan”ti yadettha vattabbaṃ, taṃ heṭṭhā vuttameva. Apica “caṇḍaṃ hatthiṃ parivajjetī”ti vacanato hatthi-ādīparivajjanampi bhagavato vacanānuṭṭhānanti katvā ācārasīlamevāti vedītabbaṃ.

Parivajjanāpahātabba-āsavavaṇṇanā niṭṭhitā.

### Vinodanāpahātabba-āsavavaṇṇanā

26. **Itipīti** iminā kāraṇena, ayonisomanasikārasamuṭṭhitattāpi lobhādisahagattāpi kusalapaṭipakkhatopīti-ādīhi kāraṇehi ayaṃ vitakko akusaloti attho. Iminā nayena **sāvajjoti**-ādīsūpi attho vedītabbo. Ettha ca **akusaloti**-ādīnā diṭṭhadhammikaṃ kāmavitakkassa ādīnavaṃ dasseti, **dukkhaviṭṭakoti** iminā samparāyikaṃ. **Attabyābādhāya samvattatīti**-ādīsūpi imināva nayena ādīnavavibhāvanā vedītabbā. Uppannassa kāmavitakkassa anadhivāsanā nāma puna tādisassa anuppādanāṃ, taṃ panassa pahānaṃ vinodanaṃ byantikaraṇaṃ

1. Am-Ṭī 3. 130 piṭṭhādīsūpi passitabbaṃ.

anabhāvagamananti ca vattum vaṭṭatīti pāḷiyam “uppannam kāmavitakkaṃ nādhivāsetī”ti vatvā “pajahatī”ti-ādi vuttanti tamattham dassento “**anadhivāseto kim karotīti pajahatī**”ti-ādimāha. Pahānam cettha vikkhambhanameva, na samucchodoti dassetuṃ “**vinodetī**”ti-ādi vuttanti vikkhambhanavaseneva attho dassito.

**Kāmavitakkoti** sampayogato ārammaṇato ca kāmasahagato vitakko. Tenāha “**kāmapaṭisaṃyutto takko**”ti-ādi. **Kāmapaṭisaṃyuttoti** hi kāmarāgasāṅkhātena kāmena sampayutto vatthukāmasāṅkhātena paṭibaddho ca. **Uppannuppanneti** tesam pāpavitakkānam uppādāvattahāgahaṇam vā kataṃ siyā anavasesaggahaṇam vā. Tesu paṭhamam sandhāyāha “**uppannamatte**”ti, sampatijātetī attho. Anavasesaggahaṇam byāpanicchāya hotīti dassetuṃ “**satakkhattumpi uppanne**”ti vuttam. **Ñātivitakkoti** “amhākaṃ nātayo sukhajīvino sampattiyuttā”ti-ādinā gehassitapemavasena nātāke ārabba uppannavitakko. **Janapadavitakkoti** “amhākaṃ janapado subhikkho sampannasasso ramaṇīyo”ti-ādinā gehassitapemavaseneva janapadam ārabba uppannavitakko. Ukkuṭikappadhānādīhi dukkhe nijjiṇṇe samparāye attā sukhī hoti amaroti dukkarakārikāya paṭisaṃyutto amaratthāya vitakko, tam vā ārabba amarāvikkhepaditṭhisahagato amaro ca so vitakko cāti **amaravitakko**. **Parānuddayatāpaṭisaṃyuttoti** paresu upaṭṭhākādīsu sahananditādivasena pavatto anuddayatāpatirūpako gehassitapemena paṭisaṃyutto vitakko. **Lābhasakkārasilokapaṭisaṃyuttoti** cīvarādilābhena ceva sakkārena ca kittisaddena ca ārammaṇakaraṇavasena paṭisaṃyutto. **Anavaññattipaṭisaṃyuttoti** “aho vata maṃ pare na avajāneyyūṃ, na heṭṭhā katvā maññeyyūṃ, pāsāṇacchattam viya garuṃ kareyyūṃ”ti uppannavitakko.

Kāmavitakko kāmāsāṅkappanasabhāvattā kāmāsāṅkappapavattiyā<sup>1</sup> sātisayattā ca kāmanākāroti āha “**kāmavitakko panettha kāmāsavo**”ti. **Tabbisesoti** kāmāsavaviseso, rāgasahavuttīti<sup>2</sup> adhippāyo. Kāmavitakkādike vinodetī attano

1. Kāmāsavappattiyā (Am-Ṭī 3. 132 piṭṭhe)

2. Bhavasabhāvattāti (Am-Ṭī 3. 132 piṭṭhe)

santānato niharati etenāti **vinodanaṃ**, vīriyanti āha  
“vīriyasaṃvarasaṅkhātena vinodanena”ti.

Vinodanāpahātabba-āsavavaṇṇanā niṭṭhitā.

### Bhāvanāpahātabba-āsavavaṇṇanā

27. “Satta bojjaṅgā bhāvitā bahulikatā vijjāvimuttiyo paripūrentī”ti<sup>1</sup>  
vacanato vijjāvimuttīnaṃ anadhigamo tato ca sakalavaṭṭadukkhānativatti  
**abhāvanāya ādīnavo**, vuttavipariyāyena bhagavato orasaputtabhāvādivasena  
ca **bhāvanāya ānisaṃso** veditabbo. **Uparimaggattayasamayāsambhūtā**  
dutiyaḍimaggakkhaṇe jātā, bhāvanādhikārato dutiyamaggādiipariyāpannāti  
attho. Nanu ca te lokuttarā eva, kasmā viśesanaṃ katanti? Nayidaṃ  
viśesanaṃ, viśesitabbaṃ panetaṃ, lokuttarabojjhaṅgā eva adhippetā, te ca  
kho uparimaggattayasamayāsambhūtā. **Bojjhaṅgesu asammohattanti**  
vipassanājhānamaggaphalabojjhaṅgesu sammohābhāvatthaṃ.  
Missakanāyena hi bojjaṅgesu vuccamānesu tadaṅgādivivekadassanavasena  
vipassanābojjhaṅgādayo vibhajitvā vuccanti, na nibbattitalokuttarabojjhaṅgā  
evāti bojjaṅgesu sammoho na hoti bojjaṅgabhāvanāpaṭipattiyā ca  
sammadeva pakāsitattā. **Idha panāti** imasmiṃ sutte, imasmiṃ vā adhikāre.  
**Lokuttaranayo eva gahetabbo** bhāvanāmaggassa adhiakatattā.

**Ādipadānanti**<sup>2</sup> “satisambojjhaṅgan”ti evamādināṃ tasmīṃ tasmīṃ  
vākye ādibhūtānaṃ padānaṃ. **Atthatoti** viśesavasena sāmāññavasena ca  
padatthato. **Lakkhaṇādīhīti** lakkhaṇarasapaccupaṭṭhānato. **Kamatoti**  
anupubbato. **Anūnādhikatoti** tāvattakato. **Vibhāvināti** viññunā.

**Satisambojjhaṅgeti** satisambojjhaṅgapade. **Saraṇaṭṭhenāti**  
anussaraṇaṭṭhena. Cirakatādibhedāṃ ārammaṇaṃ upagantvā ṭhānaṃ,  
anissajjanaṃ vā **upaṭṭhānaṃ**. Udahe alābu viya vilavitvā gantuṃ adatvā  
pāsāṇassa viya niccalassa ārammaṇassa ṭhapanāṃ saraṇaṃ  
asammuṭṭhatākaraṇaṃ **apilāpanaṃ**.

1. Saṃ 3. 66 piṭṭhe.

2. Am-Ṭī 1. 248 piṭṭhādīsupi passitabbaṃ.

**vuttampi hetam** milindapañhe. **Bhaṇḍāgārikoti** bhaṇḍagopako. Apilāpe karoti **apilāpeti**. **Therenāti** nāgasenattherena. Sammosapaccanīkam kiccam **asammoso**, na sammosābhāvamattam.

**Gocarābhimukhabhāvapaccupaṭṭhānāti** kāyādi-  
ārammaṇābhimukhabhāvapaccupaṭṭhānā.

**Bodhiyā** dhammasāmaggiyā **aṅgo**<sup>1</sup> avayavo, **bodhissa vā** ariyasāvakassa **aṅgo** kāraṇam. **Paṭiṭṭhānāyūhanā** oghatarāṇasuttavaṇṇanāyam<sup>2</sup>—

“Kilesavasena paṭiṭṭhānam, abhisāṅkhārasena āyūhanā.  
Taṇhādiṭṭhīti paṭiṭṭhānam, avasesakilesābhisaṅkhārehi āyūhanā.  
Taṇhāvasena paṭiṭṭhānam, diṭṭhivasena āyūhanā. Sassatadiṭṭhiyā  
paṭiṭṭhānam, ucchedadiṭṭhiyā āyūhanā. Līnavasena paṭiṭṭhānam,  
uddhaccavasena āyūhanā. Kāmasukhānuyogavasena paṭiṭṭhānam,  
attakilamathānuyogavasena āyūhanā. Sabbākusalābhisaṅkhārasena  
paṭiṭṭhānam, sabbalokiyakusalābhisaṅkhārasena āyūhanā”ti—

vuttesu pakāresu idha avuttānam vasena veditabbā. Yā hi ayam bodhīti  
vuccatīti yojetabbam. “Bujjhatī”ti padassa paṭibujjhatīti atthoti āha  
“**kilesasantānaniddāya uṭṭhahatī**”ti. Tam pana paṭibujjhanam atthato  
catunnam saccānam paṭivedho, nibbānasseva vā sacchikiriyāti āha  
“**cattārī**”ti-ādi. **Jhānaṅgamaggaṅgādayo viyāti** yathā aṅgāni eva jhānamaggā,  
na aṅgavinimuttā, evamidhāpīti attho. **Senāgarathāṅgādayo viyāti** etena  
puggalapaññattiyā avijjamānapaññattibhāvam dasseti.

**Bodhāya samvattantīti bojjaṅgāti** idam kāraṇattho aṅga-saddoti katvā  
vuttam. Bujjhantīti bodhiyo, bodhiyo eva aṅgāti bojjaṅgāti vuttam  
“**bujjhantīti bojjaṅgā**”ti. **Anubujjhantīti** vipassanādīnam kāraṇānam  
bujjhitabbānañca saccānam anurūpam bujjhanti. **Paṭibujjhantīti**  
kilesaniddāya uṭṭhahanato paccakkhabhāvena vā paṭimukham bujjhanti.  
**Sambujjhantīti** aviparītabhāvena sammā ca bujjhanti. Evam upasaggānam  
atthavisesadīpanatā daṭṭhabbā. Bodhi-saddo hi sabbavisesayuttam bujjhanam  
sāmaññena gahetvā ṭhito.

1. Aṅgam (Ka)

2. Sam-Ṭṭha 1. 18 piṭṭhe.

**Vicinātī**ti “tayidaṃ dukkhaṃ”ti-ādinā vīmaṃsati. **Obhāsanāṃ** dhammānaṃ yathābhūtasabhāvapaṭicchādakassa sammohassa viddhaṃsanāṃ yathā āloko andhakārassa. Yasmiṃ dhamme sati vīro nāma hoti, so dhammo **vīrabhāvo**. **Īrayitabbatoti** pavattetabbato. Kosajjapakkhato patitūṃ appadānavasena sampayuttānaṃ paggaṇhanaṃ **paggaḥo**. **Upatthambhanaṃ** anubalappadānaṃ. Osīdanaṃ layāpatti, tappaṭipakkhato **anosīdanaṃ** daṭṭhabbaṃ. **Piṇayatī**ti tappeti vaḍḍeti vā. **Pharaṇaṃ** paṇītarūpehi kāyassa byāpanaṃ. **Tuṭṭhi** nāma pīti. Udaggabhāvo **odagyaṃ**, kāyacittānaṃ ukkhipananti attho. **Kāyacittadarathapassambhanaṃ**ototi kāyadarathassa cittadarathassa ca passambhanato vūpasamanato. **Kāyoti** cettha vedanādayo tayo khandhā. **Daratho** sārambho, dukkhadomanassapaccayānaṃ uddhaccādikilesānaṃ, tappadhānānaṃ vā catunnaṃ khandhānaṃ adhivacanaṃ. Uddhaccādikilesapaṭipakkhabhāvo daṭṭhabbo, evaṃ cettha passaddhiyā **aparipphandanasītibhāvo** daṭṭhabbo asāraddhabhāvato. Tenāha bhagavā “passaddho kāyo asāraddho”ti<sup>1</sup>.

**Samādhānatoti** sammā cittassa ādhānato ṭhapanato. **Avikkhepo** sampayuttānaṃ avikkhittatā, yena sasampayuttā dhammā avikkhittā honti, so dhammo avikkhepoti. **Avisāro** attano eva avisaraṇasabhāvo. **Sampiṇḍanaṃ** sampayuttānaṃ avippakiṇṇabhāvāpādanaṃ nhānīyacuṇṇānaṃ udakaṃ viya. **Cittaṭṭhitipaccupaṭṭhānoti** “cittassa ṭhīti”ti<sup>2</sup> vacanato cittassa pabandhaṭṭhitipaccupaṭṭhāno. **Ajjhupekkhanatoti** udāsīnabhāvato. **Sāti** bojjaṅga-upekkhā. Samappavatte dhamme paṭisaṅcikkhati upapattito ikkhati tadākārā hutvā pavattatīti **paṭisaṅkhānalakkhaṇā**, evaṃca katvā “paṭisaṅkhā santiṭṭhanā gahaṇe majjhattatā”ti upekkhākiccādhimattatāya saṅkhārupekkhā vuttā. Sampayuttadhammānaṃ yathāsakakiccakaraṇavasena samaṃ pavattanapaccayatā **samavāhitā**. Alīnānuddhatappavattipaccayatā **ūnādhikatānivāraṇaṃ**. Sampayuttānaṃ asamappavattihetukapakappātānaṃ upacchindantī viya hotīti vuttānaṃ “**pakkhapātupacchedarasā**”ti. Ajjhupekkhānameva **majjhattabhāvo**.

Sabbasmim līnapakkhe uddhaccapakkhe ca atthikā patthanīyā icchitabbāti sabbatthikā, taṃ **sabbatthikaṃ**. Samānakkhaṇapavattīsu sattasupī sambojjaṅgesu

1. Ma 1. 26 piṭṭhe.

2. Abhi 1. 19 piṭṭhe.



vācāya kamappavattito paṭipāṭiyā vattabbesu yaṃ kiñci paṭhamam avatvā satisambojjhaṅgasseva paṭhamam vacanassa kāraṇam<sup>1</sup> sabbesaṃ upakārakattanti vuttam “**sabbesan**”ti-ādi. **Sabbesanti** ca līnuddhaccapakkhikānaṃ, aññathā sabbepi sabbesaṃ paccayāti.

“**Kasmā satteva bojjhaṅgā vuttā**”ti codako saddhālobhādīnampi bojjhaṅgabhāvaṃ āsaṅkati, itaro sati-ādīnaṃyeva<sup>2</sup> bhāvanāya upakāraṇam dassento “**līnuddhaccapaṭipakkhato sabbatthikato cā**”ti-ādīmāha. Tattha **līnassā**ti atisithilavīriyatādīhi bhāvanāvīthim anotaritvā saṃkuṭitassa cittassa. Tadā hi passaddhisamādhi-upekkhāsambojjhaṅgā na bhāvetabbā. Tam hi etehi allatiṇṇādīhi viya paritto aggi dussamuṭṭhāpiyaṃ hotīti. Tenāha bhagavā “seyyathāpi bhikkhave puriso parittam aggim ujjāletukāmo assa, so tattha allāni ceva tiṇāni pakkhipeyyā”ti-ādi<sup>3</sup>.

Dhammavicayavīriyapītisambojjhaṅgā pana bhāvetabbā, sukkhatiṇṇādīhi viya paritto aggilīnaṃ cittaṃ etehi susamuṭṭhāpiyaṃ hotīti. Tena vuttam “**yasmim ca kho**”ti-ādi. Tattha yathāsakaṃ āhārasena dhammavicayasambojjhaṅgādīnaṃ bhāvanā veditabbā. Vuttam hetam “atthi bhikkhave kusalākusalā dhammā -pa- pītisambojjhaṅgassa bhīyobhāvāya -pa- saṃvattati”ti<sup>4</sup>. Tattha sabhāvasāmaññalakkhaṇapaṭivedhasena pavattamanasikāro -pa- dhammavicayasambojjhaṅgādayo bhāveti nāma.

**Uddhaccassā**ti cittassa accāraddhavīriyatādīhi sītibhāvapaṭiṭṭhitabhāvaṃ anotiṇṇatāya, tadā dhammavicayavīriyapītisambojjhaṅgā na bhāvetabbā. Tam hi etehi sukkhatiṇṇādīhi viya aggikkhandho duvūpasamayaṃ hoti. Tenāha bhagavā “seyyathāpi bhikkhave puriso mahantaṃ aggikkhandham nibbāpetukāmo assa, so tattha sukkhāni ceva tiṇāni pakkhipeyyā”ti-ādi<sup>5</sup>. Passaddhisamādhi-upekkhāsambojjhaṅgā pana bhāvetabbā, allatiṇṇādīhi viya aggikkhandho uddhataṃ cittaṃ etehi suvūpasamayaṃ hoti. Tena vuttam “**yasmim ca kho**”ti-ādi. Etthāpi yathāsakaṃ āhārasena passaddhisambojjhaṅgādīnaṃ bhāvanā veditabbā. Vuttam hetam “atthi bhikkhave

---

1. Karaṇam (Ka)

2. Sati-ādīniyeva (Ka)

3. Saṃ 3. 99 piṭṭhe.

4. Saṃ 3. 91. 93 piṭṭhesu.

5. Saṃ 3. 100 piṭṭhe.

kāyapassaddhi cittapassaddhi -pa- upekkhāsambojjhaṅgassa bhīyyobhāvāya saṁvattatī”ti<sup>1</sup>. Tattha yathāssa passaddhi-ādayo uppannapubbā, taṁ ākāraṁ sallakkhetvā tesāṁ uppādanavasena tathā manasikarontova passaddhisambojjhaṅgādayo bhāveti nāma. Satisambojjhaṅgo pana sabbattha bahūpakāro. So hi cittaṁ līnapakkhikānaṁ passaddhi-ādīnaṁ vasena layāpattito, uddhaccapakkhikānaṁca dhammavicayādīnaṁ vasena uddhaccapātato rakkhati, tasmā so loṇadhūpanaṁ viya sabbabyañjanesu, sabbakammika-amacco viya ca rājakicesu sabbattha icchitabbo. Tenāha “**satiṅca khvāhaṁ bhikkhave sabbatthikaṁ vadāmi**”ti<sup>2</sup>.

Ñatvā ñātābbāti<sup>3</sup> sambandho. **Vaḍḍhi** nāma vepullaṁ bhīyyobhāvo punappunaṁ uppādo evāti āha “**punappunaṁ janeti**”ti. **Abhivuddhiṁ** pāpento **nibbatteti**. **Vivittatā**ti vivittabhāvo. Yo hi vivecanīyato viviccati, yaṁ viviccitvā ṭhitāṁ, tadubhayaṁ idha vivittabhāvasāmañña “vivittatā”ti vuttaṁ. Tesu purimo vivecanīyato viviccamānatāya vivekasaṅkhātāya viviccanakiriyāya samaṅgī dhammasamūho tāya eva viviccanakiriyāya vasena vivekoti gahito, itaro sabbaso tato tato vivittasabhāvatāya. Tattha yasmiṁ dhammapuñje satisambojjhaṅgo viviccanakiriyāya pavattati, taṁ yathāvuttāya viviccamānatāya vivekasaṅkhātāṁ nissāyeva pavattati, itaraṁ pana tanninnatādārammaṇatāhīti vuttaṁ “**viveke nissitan**”ti. Yathā vā vivekavasena pavattaṁ jhānaṁ “vivekajan”ti vuttaṁ, evaṁ vivekavasena pavatto bojjhaṅgo, “vivekanissito”ti daṭṭhabbo. Nissayaṭṭho ca vipassanāmaggānaṁ vasena maggaphalānaṁ veditabbo. Asatipi pubbāparabhāve “paṭiccasamuppādā”ti ettha paccayānaṁ samuppādanaṁ viya abhinnadhammādhārā nissayanabhāvanā sambhavanti. **Ayamevā**ti viveko eva. Viveko hi pahānavinayavirāganīrodhā ca samānatthā.

Tadaṅgasamucchedanissaraṇavivekanissitānaṁ vatvā paṭipassaddhivivekanissitāya avacanaṁ “satisambojjhaṅgaṁ bhāveti”ti-ādīnā bhāvetābbānaṁ bojjhaṅgānaṁ idha vuttatā. Bhāvitabojjhaṅgassa hi ye sacchikātabbā phalabojjhaṅgā, tesāṁ kiccaṁ paṭipassaddhiviveko. **Ajjhāsayatoti** “nibbānaṁ sacchikarissāmi”ti mahanta-ajjhāsayato. Yadi pi vipassanākkhaṇe

1. Saṁ 3. 94 piṭṭhe. 2. Saṁ 3. 100 piṭṭhe. 3. Saṁṭī 1. 190 piṭṭhādīsūpi passitabbaṁ.

saṅkhārārammaṇaṃ cittaṃ, saṅkhāresu pana ādīnavaṃ suṭṭhu disvā tappaṭipakkhe nibbāne adhimuttatāya ajjhāsayaṭo nissaraṇavivekanissitatā dāhābhībūtassa puggalassa sītaninnacittatā viya. **Na paṭisiddhā** vipassanāpādakesu kasiṇārammaṇādījhānesu sati-ādīnaṃ nibbedhabhāgiyattā. Anuddharantā pana vipassanā viya bodhiyā maggassa āsannakāraṇaṃ jhānaṃ na hoti nāpi tathā ekantikaṃ kāraṇaṃ, na ca vipassanākiccassa viya jhānakiccassa niṭṭhānaṃ maggoti katvā na uddharanti. Ettha ca kasiṇaggahaṇena tadāyattāni āruppānīpi gahitānīti daṭṭhabbāni. Tānīpi hi vipassanāpādakāni nibbedhabhāgiyāni ca hontīti vattuṃ vaṭṭati tanninnabhāvasabbhāvato. Yadaggena hi nibbānaninnatā, tadaggena phalaninnatāpi siyā. “Kudāssu nāmāhaṃ tadāyatanāṃ upasampajja vihareyyan”<sup>1</sup> ādivacanampetassa atthassa sādhaṃ.

**Vossagga**-saddo pariccāgattho pakkhandanattho cāti vossaggassa duvidhatā vuttā. Vossajjanañhi pahānaṃ, vissatṭhabhāvena nirāsaṅkapavatti ca, tasmā vipassanākkhaṇe tadaṅgavasena, maggakkhaṇe samucchedavasena paṭipakkhassa pahānaṃ vossaggo, tathā vipassanākkhaṇe tanninnabhāvena, maggakkhaṇe ārammaṇakaraṇena vissatṭhasabhāvatā vossaggoti veditabbaṃ. **Yathā vuttena pakārenā**ti tadaṅgasamucchedapakārena tanninnatadārammaṇakaraṇapakārena ca. Pubbe vossagga-padasseva atthassa vuttattā āha “**sakalēnavacanēnā**”ti. **Pariṇamantaṃ** vipassanākkhaṇe, **pariṇataṃ** maggakkhaṇe. Pariṇāmo nāma paripākoti āha “**paripaccantaṃ paripakkañcā**”ti. Paripāko ca āsevanalābhena āhitasāmatthiyassa kilesassa pariccajitum nibbānañca pakkhanditum tikkhavisadasabhāvo. Tenāha “**ayañhī**”ti-ādi. **Esa nayoti** yvāyaṃ “tadaṅgavivekanissitan”ti-ādīnā satisambojjhaṅge vutto sesesu dhammavicayasambojjhaṅgādīsipi esa nayoti evaṃ tattha netabbanti attho.

Evaṃ ādikammikānaṃ bojjhaṅgesu asammohatthaṃ missakanayaṃ vatvā idāni nibbattitalokuttarabojjhaṅgavasena atthaṃ vibhāvetum “**idha panā**”ti-ādi vuttaṃ. **Idha panā**ti imasmiṃ sabbāsavasuttante. **Maggo eva vossaggavipariṇāmī** bhāvanāmaggassa idha adhippetattā. **Tañca khoti** satisambojjhaṅgaṃ. **Samucchedatoti** samucchindanato.

---

1. Ma 3. 378 piṭṭhe.

Diṭṭhāsavassa paṭhamamaggavajjhata “**tayo āsavā**”ti vuttaṃ. Tepi anapāyagamanīyā eva veditabbā apāyagamanīyānaṃ dassaneneva pahīnattā. Satipi sambojjhaṅgānaṃ yebhuyyena maggabhāve tattha tattha sambojjhaṅgasabhāvānaṃ maggadhammānaṃ vasena vuttamaggattayasampayuttā bojjaṅgāti paccekabojjaṅge “bojjaṅgabhāvanāyā”ti iminā gaṇhanto “**maggattayasampayuttāyā**”ti āha.

Bhāvanāpahātabba-āsavavaṇṇanā niṭṭhitā.

28. **Thomentoti** āsavappahānassa sudukkarattā tāya eva dukkarakiriyāya taṃ abhitthavanto. **Assāti** pahīnāsavabhikkhuno. **Ānisaṃsanti** taṇhacchedādīdukkhakkhayapariyosānaṃ udrayaṃ. **Etehi** pahānādisaṃkittanehi. **Ussukkaṃ janentoti** evaṃ dhammassāmināpi abhitthavanīyaṃ mahānisaṃsaṅca āsavappahānanti tattha ādaraśahitaṃ ussāhaṃ uppādento. **Dassaneneva pahīnāti** dassanena pahīnā eva. Tena vuttaṃ “**na appahīnesu yeva pahīnasaṅgā**”ti.

**Sabba-saddena** āsavānaṃ, āsavasaṃvarānaṅca sambandhavasena dutiyapaṭhamavikappānaṃ bhedo daṭṭhabbo. **Dassanābhisamayāti** pariññābhisamayā pariññākiccasiddhiyā. Tenāha “**kiccavasena**”ti, asammohaṇāvedhenāti attho. **Samussayo** kāyo, attabhāvo vā.

Anavajjapītisomanassasahitaṃ cittaṃ “attano”ti vattabbaṃ arahati atthāvahattā, na tabbiparītaṃ anattāvahattāti pītisampayuttacittataṃ sandhāyāha “**attamanāti sakamanā**”ti. Tenāha “**tuṭṭhamanā**”ti. **Attamanāti** vā pītisomanassehi gahitamanā. Yasmā pana tehi gahitā sampayuttatāva, tasmā vuttaṃ “**pītisomanassehi vā sampayuttamanā**”ti. Yadettha atthato na vibhattaṃ, taṃ vuttanayattā suviññeyyattā cāti veditabbaṃ.

Sabbāsavasuttavaṇṇanāya līnatthappakāsanā samattā.

### 3. Dhammadāyādasuttavaṇṇanā

29. **Tasmā taṃ dassetvāti** yasmā suttantavaṇṇanā suttanikkhepaṃ dassetvā vuccamānā pākaṭā hoti, yasmā cassa dhammadāyādasuttassa aṭṭhuppattiko nikkhepo, tasmā taṃ nikkhepaṃ dassetvā, kathetvāti attho. **Lābhasakkāreti**<sup>1</sup> lābhasakkārasaṅkhātāya aṭṭhuppattiyāti keci, lābhasakkāre vā aṭṭhuppattiyāti apare. Yā hi lābhasakkāranimittam tadā bhikkhūsu paccayabāhullikatā jātā, taṃ aṭṭhuppattim katvā bhagavā imaṃ desesīti. **Yamakamahāmeghoti** heṭṭhā-olambana-upari-uggamanavasena satapaṭalo sahasapaṭalo yugaḷamahāmegho. **Tiṭṭhanti ceva** bhagavati katthaci nibaddhavāsaṃ vasante, cārikaṃ pana gacchante **anubandhanti ca**. Bhikkhūnampi yebhuyyena kappasatasahassaṃ tato bhiiyopi pūritadānapāramisañcayattā tadā mahālābhasakkāro uppajjīti vuttam “**evaṃ bhikkhusaṃghassapī**”ti.

**Sakkatoti** sakkārappatto. **Garukatoti** garukārappatto. **Mānitoti** bahumato manasā piyāyito ca. **Pūjitoti** mālādipūjāya ceva catupaccayābhipūjāya ca pūjito. **Apacitoti** apacāyanappatto. Yassa hi cattāro paccaye sakkatvāpi abhisāṅkhate paṇitapaṇite upanenti, so sakkato. Yasmiṃ garubhāvaṃ paccupaṭṭhapetvā te denti, so garukato. Yaṃ manasā piyāyanti bahumaññanti ca, so bahumato. Yassa sabbametaṃ pūjāvasena karonti, so pūjito. Yassa abhivādanapaccuṭṭhānañjalikammādivasena paramanipaccakāraṃ karonti, so apacito bhagavati bhikkhusaṃghe ca loko evaṃ paṭipanno. Tena vuttam “tena kho pana -pa- parikkhārānan”ti. **Lābhaggayasaggapattanti** lābhassa ca yasassa ca aggaṃ ukkaṃsaṃ pattam.

Paccayā cīvarādayo garukātabbā etesanti **paccayagarukā**, āmisacakkhukāti attho. Paccayesu giddhā gadhitā paccayānam bahulabhāvāya paṭipannāti **paccayabāhulikā**<sup>2</sup>. **bhagavatopi pākaṭā aho**si pakaticārittavasenaṅgā adhippāyo aññathā apākaṭasseva abhāvato. Dhammasabhāvacintāvasena pavattam sahotappañānam **dhammasaṃvego**,

1. Saṃ-Ṭī 2. 109 piṭṭhe passitabbaṃ.

2. Paccayabāhullikā (Ka)

idha pana so bhikkhūnaṃ lābhagarutādhammavasena<sup>1</sup> vedītabbo.

**Samaṇadhammavuttī**ti samaṇadhammakaraṇaṃ. **Sā**ti dhammadāyādadesanā. Paṭibimbadassanavasena sabbakāyassa dassanayoggo ādāsoti **sabbakāyika-ādāso**.

Pitu dāyaṃ, tena dātabbaṃ, tato laddhabbaṃ arahabhāvena ādiyaṇṭīti **dāyādā**, puttā. Tañca loke āmisameva, sāsane pana dhammopīti tattha yaṃ sāvajjaṃ aniyyānikañca, taṃ paṭikkhipitvā, yaṃ niyyānikaṃ anavajjañca, tattha bhikkhū niyojento bhagavā avoca “**dhammadāyādā me bhikkhave bhavatha, mā āmisadāyādā**”ti. **Dhammassa me dāyādā**ti mama dhammassa ogāhino, dhammabhāgabhāginoti attho. Tathā hi vakkhati “dhammakotṭhāsasseva sāmīno”ti<sup>2</sup>. **Nibbattitadhammoti** asaṅkilesikānuttarādībhāvena dhammasāmaññato niddhāritadhammo. Pariyāyēti sabhāvato parivattetvā nāpeti etenāti **pariyāyo**, lesa, lesakāraṇaṃ vā. Tadabhāvato **nippariyāyadhammo** maggappattiyā apāyapataṇḍito accantameva vāraṇato. Itaro vuttavipariyāyato **pariyāyadhammo** accantaṃ apāyadukkhavattadukkhapātaṇḍito paramparāya vāraṇato. Yathā hi lokiyaṃ kusalaṃ dānasīlādi vivattaṃ uddissa nibbattaṃ, ayaṃ taṃ asampādentampi taṃsampāpakassa dhammassa nibbattakāraṇabhāvapariyāyena pariyāyadhammo nāma hoti, evaṃ taṃ vattaṃ uddissa nibbattaṃ, yaṃ taṇhādīhi savisesaṃ āmasitabbato āmisanti loke pākaṇḍaṃ acchādanabhojanādi, tassa, taṃsadisassa ca phalavisesassa nimittabhāvapariyāyena pariyāyāmisanti vuccatīti dassento āha “**yaṃ panidaṃ -pa- idaṃ pariyāyāmisāṃ nāmā**”ti.

“Sakalameva hidaṃ ānanda brahmacariyassa yadidaṃ kalyāṇamittatā”ti<sup>3</sup> ādivacanato sāvakehi adhigatopi lokuttaradhammo satthuyevāti vattabbaṃ arahatīti vuttaṃ “**nippariyāyadhammopi bhagavatoyeva santako**”ti. Sāvakaṇaṃ hi dhammadiṭṭhipaccayassapi yonisomanasikārassa visesapaccayo paratoghoso ca tathāgatādīhīnoti tehi paṭividdhopi dhammo dhammassāminoyevāti vattaṃ yuttaṃ. Tenāha “**bhagavatā hī**”ti-ādi. Tattha **anuppannassa maggassā**ti kassapassa bhagavato sāsānantaradhānato pabhutī yāva imasmā buddhuppādā asambodhavasena na uppannassa ariyamaggassa. **Uppādetā**ti nibbattetā. Taṃ panetaṃ

1. Lābhagarutādhammo (Ka)

2. Ma-Ṭṭha 1. 94 piṭṭhe.

3. Saṃ 3. 3 piṭṭhe.

maggassa bhagavato nibbattanam, na paccekabuddhānam viya sasantāneyeva, atha kho parasantānepīti dassetuṃ “**asañjātassa maggassa sañjanetā, anakkhātassa maggassa akkhātā**”ti vuttam. Tayidam maggassa uppādanam sañjānanañca atthato jānanaññeva asammohapaṭivedhabhāvatoti vuttam “**maggaññūmaggavidū**”ti. Akkhānam panassa sukusalabhāvenāti vuttam “**maggakovido**”ti. Satthārā yathāgataṃ maggaṃ anugacchantīti **maggānugā** bhagavato eva taṃ maggaṃ suṭṭhu adhigamanato. Pacchā parato sammā anu anu āgatā paṭipannāti **pacchā samannāgatā**.

**Jānam jānātīti** jānitabbameva abhiññeyyādibhedam jānāti ekantahitapaṭipattito. **Passam passatīti** tathā passitabbameva passati. Atha vā **jānam jānātīti** sabbaññutaññāṇena jānitabbaṃ jānātiyeva. Na hi padesañāṇena jānitabbaṃ sabbaṃ ekantato jānāti. **Passam passatīti** dibbacakkhu paññācakkhu dhammacakkhu buddhacakkhu samantacakkhusaṅkhātehi pañcahi cakkhūhi passitabbaṃ passatiyeva. atha vā **jānam jānātīti** yathā aññe savipallāsā kāmarūpapariññāvādino jānantāpi vipallāsavasena jānanti, na evaṃ bhagavā. bhagavā pana pahīnavipallāsattā jānanto jānātiyeva, diṭṭhidassanassa ca abhāvā passanto passatiyevāti attho. **Cakkhubhūtoti** paññācakkhumayattā tassa ca pattattā sattesu ca taduppādanato dassanapariṇāyakaṭṭhena lokassa cakkhu viya bhūto. **Ñānabhūtoti** etassa ca evameva attho daṭṭhabbo. Dhammā bodhipakkhiyā, brahmā maggo, tehi uppannattā, tesam vā pattattā adhigatattā, lokassa ca taduppādanato “**dhammabhūto, brahmabhūto**”ti ca veditabbo. **Vattāti** catusaccadhammam vadatīti vattā. Ciram saccappaṭivedham pavattento vadatīti **pavattā**. **Atthassa ninnetāti** dhammatāsaṅkhātāṃ paramattham nibbānañca niddhāretvā dassetā, pāpayitā vā. **Amatassa dātāti** amataṃ sacchikiriyaṃ sattesu uppādentō amataṃ dadātīti amatassa dātā. Bodhipakkhiyadhammānam tadāyattabhāvato **dhammassāmī**.

“Yā ca nibbānasampatti, sabbametena labbhati.

Sukho vipāko puññānam, adhippāyo samijjhati<sup>1</sup>.

Nibbānapaṭisaṃyutto, sabbasampattidāyako”ti—

1. Khu 10. 199 piṭṭhe.

evamādirim bhagavato vacanaṃ sutvā eva bhikkhū dānādipuññānaṃ  
vivaṭṭasannissayataṃ jānanti, na aññathāti vuttamā **“pariyāyadhammopi -pa-  
paṭilabhati”**ti. “Edisaṃ paribhuñjitabban”ti kappiyassa ca  
cīvarādīpaccayassa bhagavato vacanena vinā paṭiggahopi bhikkhūnaṃ na  
sambhavati, kuto paribhogoti āha **“nippariyāyāmisampī”**ti-ādi.

Pariyāyāmisassa bhagavato santakabhāvo pariyāyadhammassa  
tabbhāveneva dīpito. Tadeva sāmibhāvaṃ dassentoti sambandho. **Tasmāti**  
attādhīnapaṭilābhapaṭiggahatāya attano santakattā ca. **Tatthāti** tasmim  
dhammāmise.

Paccayā cīvarādayo paramā pāpuṇitabbabhāvena uttamamariyādā etassa  
na uttarimanussadhammā appicchatādayo cāti **paccayaparamo**, lābhamgarūti  
attho. **Taṇhappādesūti** “cīvarahetu vā bhikkhave bhikkhuno taṇhā  
uppañjānā uppañjati, piṇḍapātasenāsana-itibhavābhavahetu vā bhikkhave  
bhikkhuno taṇhā uppañjānā uppañjati”ti<sup>1</sup> evaṃ vuttetu catūsu  
taṇhuppattikoṭṭhāsesu. Appicchatāsantutṭhisallekhapavivekādayo  
**appicchatādayo**.

**Tatthāti** tasmim ovāde, tesu vā dhammapaṭiggāhakesu bhikkhūsu.  
Bhavissati vā yesaṃ tatthāti yojanā. Imasmim pakkhe **tatthāti** tasmim ovāde  
icceva attho daṭṭhabbo. **Adhippāyo** āmisadāyādatāya uppañjanaka-  
anattānuppadassa dhammadāyādatāya uppañjanaka-aṭṭhuppattiyā ca  
ākaṅkhā. Tenāha **“passatī”**ti-ādi. Tattha **āmise upakkhalitānanti** āmisahetu  
vippaṭipannānaṃ. **Atītakāletī** kassapasammāsambuddhakāle. **Kapilassa**  
**bhikkhuno** vatthu kapilasuttena<sup>2</sup>, **“saṃghāṭipi ādittā hotī”**ti-ādinā  
Lakkhaṇasuttena<sup>3</sup> ca vibhāvetabbaṃ. Āmisagaruko appagghabhāvena  
kūṭakahāpaṇo viya nittejo samaṇatejena anujjalato nibbutaṅgāro viya  
nippabho ca hotīti yojanā. **Tatoti** paccayagarukabhāvato. **Vivattitacittoti**  
vinivattitamānaso, sallekhavuttīti attho.

1. Dī 3. 191; Aṃ 1. 316; Khu 1. 268 piṭṭhesu.

2. Khu 1. 321 piṭṭhe Suttanipāte.

3. Saṃ 1. 451 piṭṭhe.



**Dhammadāyādāti** ettāvata antogadhāvadhāraṇaṃ vacananti tena avadhāraṇena nivattitamatthaṃ vibhāvetuṃ “**mā āmisadāyādā**”ti paṭikkhepo dassito. Tatheva ca vibhāvetuṃ adhippāyānisamsavibhāvanesupi dassito, tathā ādīnavavibhāvanena dhammadāyādatāpaṭikkhepo. **Apadisitabbāti** heṭṭhā katvā vattabbāti. **Ādiyāti** ettha yasmā ā-kāro mariyādatto, tasmā dhammadāyādatāvidhurena āmisadāyādabhāvena hetubhūtena, karaṇabhūtena vā ādiyaṃ vivecanaṃ viññūhi visuṃ karaṇaṃ vavatthānassa hotīti āha “**visuṃ kātabbā**”ti. Tenāha “**viññūhi gārayhā bhavyeyāthāti vuttaṃ hotī**”ti.

“Atthi me tumhesu anukampā -pa- no āmisadāyādā”ti bhikkhūsu attano karuṇāyanākittanaṃ tesam mudukaraṇaṃ, “ahampi tenā”ti-ādi pana tatopi savisesaṃ mudukaraṇanti āha “**atīva mudukaraṇatthan**”ti.

**Nālakapaṭipadādayo** nālakasuttādīsu<sup>1</sup> āgatapaṭipattiyo. Tā pana yasmā Nālakattherādīhi paṭipannā paramasallekhavuttibhūtā ati-ukkaṭṭhapaṭipattiyo, tasmā idha dhammadāyādapaṭipadāya udāharaṇabhāvena uddhaṭā. **Sakkebhūtāti** tāya paṭipattiyā vuccamānāya “kim me vinā paṭipajjanako atthī”ti asaddahantānaṃ paccakkhakarāṇena sakkebhūtā. **Imasminti** “tumhe ca me bhikkhave dhammadāyādā”ti-ādike vākye. **Sesanti** “tumhe ca me”ti-ādikaṃ sukkaṭṭhe āgataṃ pāḷipadaṃ. **Vuttanayapaccanīkenāti** “tena dhammadāyādabhāvena no āmisadāyādabhāvenā”ti evaṃ kaṇhapakkhe vuttanayassa paṭipakkhena.

30. **Thomanam sutvāti** paṭipajjanakassa puggalassa pasamsanaṃ sutvā yathā taṃ sapaṇisassa āyasmato upasenassa paṭipattiyā sīlathomanam sutvā. **Nipātapadanti** iminā idha-saddassa anattakata māha. **Pavāritoti** paṭikkhepito. Yo hi bhūñjanto bhojanena titto parivesakena upanītabhojanaṃ paṭikkhipati, so tena pavāritena paṭikkhepito nāma hoti. Tenāha “**pavāritoti -pa- vuttaṃ hotī**”ti. Pakārehi diṭṭhādīhi vāreti saṃghādike yācāpeti

---

1. Khu 1. 385 piṭṭhe Suttanipāte.

bhatte karoti etāyāti **pavāraṇā**, āpattivisodhanāya attavossaggo okāsadānaṃ. Sā pana yasmā yebhuyyena vassaṃvutthehi kātabbā vuttā, tasmā “**vassaṃvutthapavāraṇā**”ti vuttaṃ. Pavāreti paccaye icchāpeti etāyāti **pavāraṇā**, cīvarādīhi upanimantanā. Pakārayuttā vāraṇāti **pavāraṇā**, vippakatabhojanatādicaturaṅgasahito bhojanapaṭikkhepo. Sā pana yasmā anarittabhojananimittāya āpattiyā kāraṇaṃ hoti, tasmā “**anarittapavāraṇā**”ti vuttā. Yāvadatthabhojanassa pavāraṇā **yāvadatthapavāraṇā**, pariyoṣitabhojanassa upanīṭāhārapaṭikkhepoti attho.

“Bhuttāvī”ti vacanato bhojanapāripurītā idhādhippetāti āha “**paripuṇṇoti bhojanena paripuṇṇo**”ti. **Pariyoṣitoti** etthāpi eseva nayo “bhojanena bhojanakiriyāya pariyoṣito”ti. Aṭṭhakathāyaṃ pana adhippetatthaṃ pākātaṃ katvā dassetuṃ bhojana-saddassa loppo vutto. **Dhātoti** titto. **Sādhakānīti** nāpakāni. Pariyoṣitabhojanaṃ suhitayāvadatthatāgahaṇehi bhuttāvitādayo, bhuttāvitādiggaṇehi vā itare bodhitā hontīti aññamaññaṃ nesam nāpakañāpetabbataṃ dassetuṃ “**yo hi**”ti-ādi vuttaṃ. Evaṃ chahipi padehi udarāvadehakaṃ bhojanaṃ dassitaṃ, tañca kho parikkappanāvasena. Na hi bhagavā evaṃ bhuñjati. Tenāha “**sabbaṃ cetam parikkappetvā vuttan**”ti.

“Siyā eva, nāpi siyā”ti ca idaṃ atthadvayampi idha sambhavatīti vuttaṃ “**idha ubhayampi vaṭṭati**”ti. **Athāti** anantaraṃ, mama bhojanasamanantaramevāti attho. Taṃ pana yasmā yathāvuttakālapaccāmasanaṃ hoti, tasmā “**tamhi kāle**”ti vuttaṃ. **Apparuḷhahariteti** ruhamānatiṇādiharitarahite. Abhāvatto ca ayam **appa-**saddo “appiccho”ti-ādīsu<sup>1</sup> viya.

**Kathitepīti pi-**saddo avuttasamuccayattho. Tena vāpasamīkaraṇādim saṅgaṇhāti. Tathā hesa **vutta-**saddo “no ca kho paṭivuttan”ti-ādīsu<sup>2</sup> vāpasamīkaraṇe dissati, “pannalomo paradattavutto”ti-ādīsu<sup>3</sup> jīvitavuttiyaṃ, “paṇḍupalāso bandhanā pavutto”ti-ādīsu<sup>4</sup> apagame, “gītaṃ

---

1. Ma 1. 199, 275; Saṃ 1. 405 piṭṭhesu. 2. Vi 1. 191 piṭṭhe. 3. Vi 4. 340 piṭṭhe.  
4. Vi 1. 58; Vi 2. 281; Vi 3. 134; Ma 3. 42 piṭṭhesu.

pavuttaṃ samihitaṃ”ti-ādīsu<sup>1</sup> pāvacaṇabhāvena pavattite, loke pana “vuttaṃ parāyaṇaṃ”ti-ādīsu<sup>2</sup> ajjhene dissatīti.

Na ettha piṇḍapātābhojanena dhammadāyādatā nivāritā, piṇḍapātābhojanaṃ pana anādaritvā<sup>3</sup> dhammānudhammapaṭipattīti ettha kāraṇaṃ dassento āha “**piṇḍapātāṃ -pa- vītināmeyyā**”ti. Tatha **vītināmeyyā**ti kammaṭṭhānānuyogena khepeyya. Tenāha “**ādittasīsūpamaṃ paccavekkhitvā**”ti. **Ādittasīsūpamanti** ādittasīsūpamasuttaṃ.

**Kiñcāpī**ti ayaṃ “yadipī”ti iminā samānattho nipāto. Nipāto ca nāma yattha yattha vākye payujjati, tena tena vattabbatthajotako hotīti idha “piṇḍapātāṃ”ti-ādīnaṃ anuññāpasamsāvasena vuccamānassa atthassa jotakoti adhippāyena “**anujānanapasamsanatthe nipāto**”ti vuttaṃ, anuññāpasamsārambhe pana “asambhāvanatthe”ti<sup>4</sup> vuttaṃ siyā purimeyeva sambhāvanāvibhāvanato adhikattānulomato ca.

Ekavāraṃ pavattaṃ piṇḍapātapaṭikkhipanaṃ kathaṃ dīgharattaṃ appicchatādīnaṃ kāraṇaṃ hotīti codanaṃ sandhāyāha “**tassa hī**”ti-ādi. Tatha **atricchatā**ti atra icchatīti atriccho, tassa bhāvo atricchatā, atthato paralābhapatthanā. Tathā hi vuttaṃ “purimeyeva sakalābhena asantuṭṭhi, paralābhe ca patthanā, etaṃ atricchatālakkaṇaṃ”ti<sup>5</sup>. **Pāpicchatā**ti asantaḡuṇasambhāvanādhippāyatā. Pāpā icchā etassāti pāpiccho, tassa bhāvo pāpicchatā. Yathāha “asantaḡuṇasambhāvanatā paṭiggahaṇe ca amattaññutā, etaṃ pāpicchalakkaṇaṃ”ti<sup>6</sup>. Mahantāni vatthūni icchati, mahatī vā tassa icchāti mahiccho, tassa bhāvo **mahicchatā**. Yaṃ sandhāya vuttaṃ “santaḡuṇasambhāvanatā paṭiggahaṇe ca amattaññutā, etaṃ mahicchalakkaṇaṃ”ti. Paccavekkhamāno nivāressatīti yojanā. **Assa** bhikkhuno **sāmvattissati** piṇḍapātapaṭikkhepo.

Mahiccho puggalo yathā paccayadānavasena paccayadāyakehi bhārituṃ asakkuṇeyyo, evaṃ paccayapariyesanavasena attanāpīti vuttaṃ

1. Dī 1. 97 piṭṭhe.

3. Anādiyitvā (Ka)

5. Abhi-Ṭṭha 2. 452 piṭṭhe.

2. Mahābhāsse pā 7. 2. 26 suttaṃ passitabbaṃ.

4. Sambhāvanattheti (?)

6. Abhi-Ṭṭha 2. 458 piṭṭhe.

“**attanopi upaṭṭhākānampi dubbharo hotī**”ti. Saddhādeyyassa vinipātavasena pavattiyā **aññassa ghare chaḍḍento**. Rittapattovāti yesu kulesu paṭipiṇḍavasena pavattati, tesam sabbapacchimam attano yathāladdham datvā tattha kiñci aladdhā rittapatto **vihāram pavisitvā nipajjati** jghacchādubbalyenāti adhippāyo. Yathāladdhapaccayaparibhogena, puna pariyesanānāpajjanena attano subharatā, yathāladdhapaccayena avaññam akatvā santosāpattiyā upaṭṭhākānam subharatā veditabbā.

**Kathāvatthūnī**ti appicchatādipaṭisaṃyuttānam kathānam vatthūnīti kathāvatthūni, appicchatādayo eva. **Tīṇī**ti tīṇi kathāvatthūni. **Abhisallekhikā**ti ativiya kilese sallikhatīti abhisallekho, appicchatādiguṇasamudāyo, so etissā atthīti abhisallekhikā, mahicchatādīnam tanubhāvāya yuttarūpā appicchatādipaṭisaṃyuttatā. **Cetovinīvaraṇasappāyā**<sup>1</sup> kusalacittupattiyā nivārakānam nīvaraṇānam dūribhāvakaraṇena cetovinīvaraṇasaṅkhātānam<sup>2</sup> samathavipassanānam sappāyā. Samathavipassanācittasseva vā vibhūtibhāvakaraṇāya sappāyā upakārikāti **cetovinīvaraṇasappāyā**. **Ekantanibbidāyā**ti-ādi yena nibbidādi-ānisamsena ayam kathā abhisallekhikā cetovinīvaraṇasappāyā ca nāma hoti, tam dassetuṃ vuttam. Tattha **ekantanibbidāyā**ti ekamsena vaṭṭadukkhato nibbindanattāya. **Virāgāya nirodhāyā**ti tasseva virajjanattāya nirujjanattāya. **Upasamāyā**ti sabbakilesavūpasamāya. **Abhiññāyā**ti sabbassapi abhiññeyyassa abhijānanāya. **Sambodhāyā**ti catumaggasambodhāya. **Nibbānāyā**ti anupādisesanibbānāya. Etesu hi ādito tīhi vipassanā vuttā, puna tīhi maggo, itarena nibbānam. Tena samathavipassanā ādim katvā nibbānapariyosāno ayam sabbo uttarimanussadhammo dasakathāvatthulābhino sambhavatīti dasseti. **Paripūressantī**ti taṃsabhāvato upakārato ca saṃvattissanti. Appicchatādayo hi ekavāra-uppannā upari tadattāya saṃvattissanti. Kathāvatthuparipūraṇam sikkhāparipūraṇāna vuttanayeneva veditabbam.

**Amatam nibbānanti** anupādisesanibbānadhātuṃ. Itarā pana sekkhāsekkhadhammapāripūriyā paripuṇṇā. Nibbānapāripūri cettha tadāvahadhammapāripūrivasena

1. Cetovivaraṇasappāyāti (Ka)

2. Cetovivaraṇasaṅkhātānam (Ka)

pariyāyato vuttāti veditabbā. Idāni yāyaṃ appicchatādīnaṃ anukkamaparivuddhiyā guṇapāripūritā, taṃ upamāya sādheṇo “**seyyathāpi**”ti-ādimāha. Tattha **pāvussakoti** vassānamāse uṭṭhito. So hi cirānuppavatti hoti. **Pabbatakandarā** pabbatesu upaccakādhiccakāpabhavanijjharādinadiyo<sup>1</sup>. **Sarasākhāti** yattha upari-unnatapadesato udakaṃ āgantvā tiṭṭhati ceva sandati ca, te. **Kusobbhā** khuddakataḷākā<sup>2</sup>. **Kunnadiyoti** pabbatapādato nikkhantā khuddakanadiyo. Tā hi mahānadiyo otarantiyo paripūrenti. **Paramadhammadāyādanti** paramaṃ uttamaṃ dhammadāyādabhāvaṃ, paramaṃ dhammadāyajjaṃ vā. **Te bhikkhūti** te dhammapaṭiḅgāhake bhikkhū. **Sanniyojentoti** mūlaguṇehi appicchatādīhi yojento.

**Uggahetvāti** atthato byañjanato ca upadhāraṇavasena gahetvā aviparītaṃ gahetvā. **Samsandetvāti** mama desanānusāreṇa mamajjhāsayaṃ avirajjhivā. **Yathā idheva cintesīti** yathā imissā dhammadāyādadesanāya cintesi, evaṃ aññatthāpi dhammathomanatthaṃ gandhakuṭṭiṃ pavisanto cintesi. **Ekajjhāsayaṃyāti** samānādhippāyāya. **Matiyāti** paññāya. **Ayaṃ desanā aggāti**-ādi bhagavā dhammasenāpatiṃ guṇato eva paggaṇhātīti katvā vuttaṃ.

**Cittagatiyāti** cittavasena kāyassa pariṇāmanena “ayaṃ kāyo idaṃ cittaṃ viya hotū”ti kāyassa cittena samānagatikataḍḍhiṭṭhānena. Kathaṃ pana kāyo dandhappavattiko lahuparivattanacittena samānagatiko hotīti? Na sabbathā samānagatiko. Yatheva hi kāyavasena cittapariṇāmane cittaṃ sabbathā kāyena samānagatikaṃ na hoti. Na hi tadā cittaṃ sabhāvasiddhena attano khaṇena avattitvā dandhavuttikassa rūpadhammassa khaṇena vattitum sakkoti, “idaṃ cittaṃ ayaṃ kāyo viya hotū”ti pana adhiṭṭhānena dandhagatikassa kāyassa anuvattanato yāva icchitaṭṭhānappatti, tāva kāyagatiṃ anulomentameva hutvā santānavasena pavattamānaṃ cittaṃ kāyagatikaṃ katvā pariṇāmitaṃ nāma hoti, evaṃ “ayaṃ kāyo idaṃ cittaṃ viya hotū”ti adhiṭṭhānena pageva lahusaññāya sukhumasaññāya ca sampāditattā abhāvitiddhipādānaṃ viya dandhaṃ avattitvā yathā lahuṃ katipayacittavāreheva icchitaṭṭhānappatti

1. Cittakāpabhāsamvaḍḍhādinadiyo (Ka)

2. Khuddaka-āvāṭā (Ka)

hoti, evaṃ pavattamāno kāyo cittaṅgikabhāveṇeva pariṇāmito nāma hoti, na ekacittakkhaṇeṇeva pavattiyā. Evañca katvā bāhusamiñjanappasāraṇūpamāpi upacārena vinā suṭṭhutaṃ yuttā hoti, aññathā dhammatāvilomītā siyā. Na hi dhammānaṃ lakkhaṇaññathattaṃ iddhibalena kātuṃ sakkā, bhāvaññathattameva pana sakkāti.

31. **Bhavato adhippāyanurūpaṃ** bhikkhūnañca ajjhāsayaṃ ñatvāti vacanaseso. Desakāle viya bhājanampi oloketvā eva mahāthero dhammaṃ katheti. **Pakkantassāti** idaṃ anādare sāmivacananti dassento “**pakkantassa sato**”ti-ādimāha. **Kittakenāti** kena parimāṇena. Taṃ pana parimāṇaṃ yasmā parimeyyassa atthassa paricchindanaṃ hoti, tasmā “**kittāvatāti paricchadavacanaṃ**”ti āha. **Nukāro pucchāyanti** ayaṃ nu-saddo idheva pucchāyaṃ āgatoti katvā vuttaṃ. Nu-saddena hettha jotiyamāno attho kiṃsaddena parimāṇo attho parimeyyattho ca. Ettha saṃkilesapakkho vivekassa ananusikkhanaṃ āmisadāyādatā, vodānapakkho tassa anusikkhanaṃ dhammadāyādatāti. **Tīhi vivekehīti** vivekattayaggahaṇaṃ tadantogadhattā vivekapañcakassa. Vivekapañcakaggahaṇe panassa sarūpena kāyaviveko gahito na siyā, tadāyattattā vā satthārā tadā payujjamānavivekadassanavasena “**tīhi vivekehī**”ti-ādi vuttaṃ. **Aññatarampīti** kasmā vuttaṃ. Na hi kāyavivekamattena dhammadāyādabhāvo sijjhatīti? Na, vivekadvayasannissayasseva kāyavivekassa idhādhippetattā. Evañca katvā cittavivekaggahaṇampi samatthitaṃ hoti. Na hi lokiyajjhānādhiḡamamattena nippariyāyato satthudhammadāyādabhāvo icchito, nibbānādhiḡamena pana so icchito, tasmā sabbāpi sāsane vivekānusikkhanā nibbānapoṇā nibbānapabbhārā nibbānogadhā cāti vuttaṃ “**tiṇṇaṃ vivekānaṃ aññatarampī**”ti. Asati āloke andhakāro viya asati dhammadāyādatāya ekamsiyā āmisadāyādatāti āha “**āmisadāyādāva honti**”ti. **Esa nayo sukkapakkehīti** kaṇhapakkhato sādharmaṇavasena labbhamānaṃ atthasāmaññaṃ atidisati, na atthavisesaṃ tassa visadisattā, atthavisesameva vā atidisati visadisūdāharaṇūpāyañāyena. “**Tiṇṇaṃ vivekānaṃ aññataraṇaṃ**”ti idaṃ idha na labbhāti.

Tayopi hi vivekā, tesu eko vā itaradvayasannissayo idha labbhati.

**Dūratopī**ti dūratthānatopi. Tenāha “**tīroratthapī**”ti-ādi. Kāmaṃ “paṭibhātū”ti ettha paṭi-saddāpekkhāya “sāriputtan”ti upayogavacanāṃ, attho pana sāmivacanavaseneva vedittabboti dassento āha “**āyasmatoyeva sāriputtassā**”ti. **Bhāgo hotū**ti iminā bhāgattho paṭi-saddoti dasseti lakkhaṇādi-atthānaṃ idha ayujjanato. Tenāha “**evaṃ saddalakkhaṇena sametī**”ti. **Dissatū**ti ñāṇena dissatu, passatūti vā attho. **Upatthātū**ti ñāṇassa paccupatiṭṭhatu. **Uggahessantī**ti vācuggataṃ karissanti. Vācuggatakaraṇaṃ hi uggaho. **Pariyāpuṇissantī**ti tasseva vevacanāṃ. Paripucchanādinā vā atthassa citte āpādanāṃ paṭṭhapanāṃ pariyāpuṇanaṃ. **Kāraṇavacananti** yatthāvuttassa kāraṇabhāvena vacanaṃ “hetumhi karaṇavacanaṃ”ti katvā. Vuttatthapaccāmasanaṃ taṃ-saddena karīyatīti. Tenāha “**yasmā**”ti-ādi.

**Ekenevākārenā**ti āmisadāyādātāsiddhena ādiyatāsankhātena ekeneva pakārena. Tameva hi ākāraṃ sandhāyāha “**bhagavatā vuttamatthan**”ti. Aññathā “satthu pavivittassa viharato sāvakaṃ vivekaṃ nānusikkhantī”ti ekeneva ākārena so attho therenapi vutto. **Tīhi ākārehī**ti āmisadāyādapaṭiṭṭhāpādābhūtehi tiṇṇaṃ vivekānaṃ ananusikkhanākārehi. **Ettāvatā**ti “idhāvuso -pa- nānusikkhantī”ti ettakena kaṇhapakkhe uddesapāṭhena.

**Vitthārato suvibhatto hoti** anavasesato sammadeva niddiṭṭhattā. Nanu ca uddese satthunopi ādiyatā bhagavatā gahitā, sā na niddiṭṭhātī anuyogaṃ sandhāyāha “**so ca kho**”ti-ādi. **Sāvake anuggaṇhantassā**ti “āmisadāyādā satthu sāvakaṃ”ti satthu parappavādapariharaṇatthampi “tumhehi dhammadāyādehi bhavitabban”ti evaṃ sāvake anukampamānassa. Sāvakānaṃ taṃ na yuttaṃ sāmīci-abhāvatoti yojanā. **Esa nayoti** yadidaṃ “ettāvatāyaṃ bhagavā”ti-ādinā kaṇhapakkhe uddesassa atthavibhāgadassanamukhena sambandhadassanaṃ, esa nayo sukkapakkhepi sambandhadassaneti, adhippāyo. Tenāha “**ayaṃ tāvettha anusandhikkamayo janā**”ti, satthārā desitāya uddesadesanāya

mahātherena desitāya ca anusandhikkamena sambandhoti attho.  
Yathānusandhi eva cettha anusandhi veditabbo.

**Accantapavivittassāti** ekanta-upadhiviveko viya itarepi vivekā satthu ekantikāvāti. Anusikkhanam nāma anu anu pūraṇanti tappaṭikkhepena āha “**na paripūrentī**”ti, na paribrūhentīti attho, **na paripūrentīti** vā na paripālentīti attho. Yadaggena hi vivekam nānusikkhanti, tadaggena na paribrūhenti, na paripālentīti vā vattabbatam labhantīti. Kasmā panettha “vivekam nānusikkhantī”ti uddese viya avisesavacane kāyavivekasseva gahaṇam katanti codanam sandhāyāha “**yadi panā**”ti-ādi. **Pucchāyāti** pucchāto aviseso siyā vibhāgassa alabbhamānattā vissajjanassa. Nanu ca “vivekam nānusikkhantī”ti avisesavacanato pāḷiyam vibhāgo na labbhatevāti? Na, padantarena vibhāvitattā. Tenāha “**yesañca dhammānan**”ti-ādi. **Byākaraṇapakkhoti** vissajjanapakkho. Vissajjanañca na pucchā viya avisesajotanā, atha kho yathādhippetatthavibhajananti adhippāyo. **Iminā padenāti** “vivekam nānusikkhantī”ti iminā padena kāyavivekam aparipūriyamānam dassetīti adhippāyo. **Cittavivekam upadhivivekanti** etthāpi ese va nayo.

Ettha ca **nappajahantīti** pahātabbadhammānam pahānābhāvavacanam pahānalakkhaṇavivekābhāvadīpanam, tam vatvā puna “viveke nikkhattadhurā”ti vacanam tato sātisayavivekābhāvadīpananti tadubhayavivekābhāvadassanena “yesañca dhammānan”ti-ādināva pārisesañāyena “vivekam nānusikkhantī”ti iminā vivekadvayamūlabhūtakāyavivekābhāvadassanam katanti daṭṭhabbam. Avigatataṇhatāya tam tam parikkhārajātam bahum lanti ādiyantīti bahulā, bahulā eva **bāhulikā** yathā “venayiko”ti<sup>1</sup>. Te pana yasmā paccayabahulabhāvāya yuttappayuttā nāma honti, tasmā āha “**cīvarādībāhullāya paṭipannā**”ti. Sikkhāya ādarabhāvābhāvato sithilam adalham gaṇhantīti “**sāthalikā**”ti vuttam. **Sithilanti** bhāvanapumsakaniddeso, sithila-saddena vā samānatthassa sāthala-saddassa vasena “**sāthalikā**”ti padasiddhi veditabbā. **Avagamanatthenāti**

---

1. Ma 1. 193; Am 3. 20; Vi 1. 3 piṭṭhesu.



adhogamanaṭṭhena orambhāgiyabhāvenāti attho. **Upadhiviveketi** sabbūpadhipaṭinissaggaṭāya upadhīhi vivitte. **Oropitadhurāti** ujjhitussāhā.

**Aniyamenevāti** kiñci visesaṃ anāmasitvā “sāvakā”ti aviseseneva. **Niyamento** “therā”ti-ādinā. **Dasavasse upādāyāti** dasavassato paṭṭhāya. **Issariyeti** “setṭhiṭṭhānaṃ senāpatiṭṭhānaṃ”ti-ādīsu viya. Acirakkhaṇobhāsena lakkhavedhako **akkhaṇavedhi**. **Ṭhitiyanti** avaṭṭhāne. **Ṭhānasoti** taṅkhaṇeyeva. **Tiṭṭhatī**ti-ādhārādheyyabhāvenāti āha “**tadāyattavuttibhāvenā**”ti. Upekkhānubrūhanā sattasaṅkhāresu udāsīnatāpi asaṅkhatādhigamassa upāyoti tabbipariyāyato cīvarādimaṇḍanā na upadhivivekapāripūriyā saṃvattatīti āha “**cīvarapatta -pa- apūrayamānā**”ti. **Tatthāti** theravāre. **Idhāti** majjhimanavakavāresu. Tathā hi “**majjhimatherakāle**”ti-ādi vuttaṃ.

32. **Imasmiñca kaṇhapakkheti** imasmiñca niddesavāre kaṇhapakkhe, na uddesavāre kaṇhapakkhe. Uddesavāre pana kaṇhapakkhe vuttavipariyāyena gahetabbattho “esa nayo supakkapakkhepi”ti atidesena dassito. **Vuttapaccanīkanayenāti** “kāyavivekaṃ nānusikkhanti na paripūrentī”ti-ādinā vuttassa atthassa paccanīkanayena, “kāyavivekaṃ anusikkhanti paripūrentī”ti-ādinā nayena. **Etthāti** etasmiṃ sukkapakkhe. **Saṅkhepoti** atthasaṅkhepo. **Yojanaparamparāyāti** gāmantato dūrabhāvena ekaṃ dve tīṇīti evaṃ yojanānaṃ paṭipāṭiyā. **Araññavanapatthānīti** araññesu vanasaṇḍabhūtāni. **Pantānīti** pariyantāni. **Upagantuṃ yuttakālo** jarājiṇṇakālo gocaragāme dūre gamanāgamasamatthatābhāvato. “Evaṃ guṇavantesu dinnāṃ aho sudinnāṃ”ti **paccayadāyakānaṃ pasādaṃ janenti**. **pāsaṃsāti** pasāṃsitabbā. **Ayampi mahātheroti**-ādi ekaṃ appamādavihāriṇaṃ vuddhataṃ niddisitvā vadantānaṃ vasena vuttaṃ. **Paviṭṭho** vivekaṭṭhānaṃ. **Sāyaṃ nikkhamati** yonisomanasikāraṃ upabrūhetvāti adhippāyo. **Kasiṇaparikkammaṃ karoti**, na yaṃ kiñci kiccantaraṃ. **Samāpattiyo nibbatteti**, na moghamanasikāraṃ. **Sabbathāti**-ādito tāva tadaṅgavasena kilesehi cittaṃ vivecento tato vikkhambhanavasena samucchadavasena paṭipassaddhivasenāti sabbappakārena cittavivekaṃ pūreti. **Paṃsukūlāni dhāretīti** iminā bāhulikataḥbhāvaṃ dasseti, **asithilaṃ**

**sāsanam gahetvā**ti iminā sāthalikatābhāvaṃ, **vigatanīvaraṇoti** iminā okkamane nikkhattadhurataṃ, **phalasaṃpattinti-ādinā** pavivekapubbaṅgamataṃ dasseti.

33. **Tatrāvuso**ti ettha **iti**-saddo ādi-attho. Tena “lobho ca pāpako”ti-ādinayappavattaṃ uparidesanaṃ anavasesato pariyādiyati. **Ko anusandhīti** yā sā bhāgavatā saṃkilesapakkhena saha dhammadāyādapaṭipattibhāvinī “dhammadāyādā me bhikkhave bhavatha, mā āmisadāyādā”ti-ādinā desanā uddiṭṭhā, taṃ “satthu pavivittassa viharato”ti-ādinā ārabhitvā aṭṭhārasavārapaṭimaṇḍitāya niddesadesanāya vibhajitvā tato paraṃ “tatrāvuso lobho ca pāpako”ti-ādinayāya uparidesanāya sambandhaṃ pucchati. **Evanti** saṃkilesapakkhe “nappajahantī”ti pahānābhāvadassanavasena, vodānapakkhe “pajahantī”ti pahānasabbhāvadassanavasenāti evaṃ. Aniddhāritasarūpā yaṃ-taṃ-saddehi dhamma-saddena sāmaññato ye pahātabbadhammā vuttā, te sarūpato dassetunti yojanā. **Ime teti** ettha kasmā lobhādayo eva pahātabbadhammā vuttā, nanu ito aññepi mohadiṭṭhivicikicchādayo pahātabbadhammā santīti? Saccam santi, te pana lobhādīhi tadekaṭṭhatā gahitā eva hontīti vuttā. Atha vā imesaṃyevettha gahaṇe kāraṇaṃ parato āvi bhavissati.

Idāni upacayena anusandhiṃ dassetuṃ “**apicā**”ti-ādi vuttaṃ. Tattha sāvakānaṃ yassa dhammassa dāyādabhāvo satthu abhirucito, so “cattāro satipaṭṭhāne bhāvetī”ti-ādinā akathetvā “vivekaṃ anusikkhanti, te ca dhamme pajahanti, na ca bāhulikā”ti-ādinā kathitattā **heṭṭhā pariyāyeneva dhammo kathitoti** vuttaṃ. “Te ca dhamme nappajahanti, okkamane pubbaṅgamā”ti-ādinā **āmisam pariyāyenapi kathitam**. “Siyā ca me piṇḍapāto”ti-ādinā, “bāhulikā ca hontī”ti-ādinā ca **āmisam nipariyāyenapi kathitam**. Atha vā yāyaṃ bhagavatā āmisadāyādapaṭikkhepanā dhammadāyādātā vuttā, yañca tadatthaṃ vibhajantena mahātherena attanā vivekānusikkhanādi vuttaṃ, tadubhayaṃ hetuvasena vibhāvetuṃ “**tatrāvuso lobho cā**”ti-ādi

vuttaṃ. Hetunirodhena hi saṅkilesapakkhassa, nirodhahetusampādanena ca vodānapakkhassa tappāpakatā.

**Atītadesanānidassananti** atītāya therena yathādesitāya desanāya ca paccāmasanaṃ. Tenevāha “**satthu pavivittassa -pa- desanāyanti vuttaṃ hoti**”ti. **Tatthāti** yaṃ vuttaṃ visesato “yesaṃ dhammānaṃ satthā pahānamāhā”ti, etasmiṃ pade. Tattha hi pahātabbadhammā lobhādayo sāmaññato vuttā. **Lāmakāti** nihīnā. Lobhadosā hi hetuto paccayato sabhāvato phalato nissandato saṅkiliṭṭhapakatikā, āyatim dukkhassa pāpanaṭṭhena vā pāpakā. **Lubbhanalakkhaṇoti** ārammaṇassa abhigijjhanalakkhaṇo. Tathā hi so lubbhanti tena, sayam vā lubbhati, lubbhanamattameva vā tanti “lobho”ti vuccati. Rasādīsu abhisaṅgaraso, apariccāgapaccupaṭṭhāno, saṃyojaniyesu dhammesu assādadassanapadaṭṭhāno. **Dussanalakkhaṇoti** ārammaṇe byāpajjanalakkhaṇo. Tathā hi so dussanti tena, sayam vā dussati, dussanamattameva vā tanti “doso”ti vuccati. Rasādīsu visappanaraso, sanissayadahanaraso vā, dussanapaccupaṭṭhāno, āghātavattupadaṭṭhāno.

**Tesūti-ādinā** dassanena lobhadosānaṃ ekantato pahātabbatādassanaṃ. **Āmisadāyādassa paccayānaṃ lābhe hotīti** idaṃ lobhassa ārammaṇaggahaṇasabhāvataṃ sandhāya vuttaṃ, taṇhāya vasena pana anugijjhanam sandhāya “**aladdham pattheti**”ti āha. Alābhe paccayānaṃ āmisadāyādassa hotīti ānetvā yojanā. **Alabhantoti** ettha “paccaye”ti vibhattim pariṇāmetvā yojetabbaṃ. **Vighātavāti** “yampicchaṃ na labhati, tampi dukkhan”ti<sup>1</sup> vacanato icchāvighātavā. Lobho ca deyyadhamme hoti āmisadāyādassāti sambandho. Esa nayo anantarapadepi. **Deyyadhammeti** ca idaṃ nidassanamattaṃ sattakelāyanādivasenapi tassa lobhuppattisabbhāvato. “**Taṇham** paṭicca pariyesanā, pariyesanaṃ paṭicca lābho”ti evamādayo **nava taṇhāmūlakā. Paripūreti** āmisadāyādoti vibhattivipariṇāmo veditabbo. **Āvāsamacchariyādīni pañca macchariyāni.**

---

1. Dī 1. 243; Ma 1. 82; Abhi 2. 104 piṭṭhesu.

**Magganti** ariyamaggaṃ. So hi kilese mārento gacchati, nibbānatthikehi ca maggīyati, sayam vā sacchikiriyābhisamayavasena nibbānaṃ maggatīti nippariyāyena “maggo”ti vuccati. **Eko antoti** itarena asammisso eko koṭṭhāso, hīnatāya vā lāmakatṭhena **eko anto**. Kāmaṃ aññepi kusaladhammā ete ante asampayogato na upenti, tehi vimuttā eva, ayaṃ pana accantavimuttiyā na upetīti āha “**vimutto etehi antehi**”ti. **Tasmāti** antadvayavimuttattā. **Etesam majjhe bhavattāti** idaṃ maggassa ubhayantavimuttatāya eva vuttam, na tappariyāpannatāya, vaṭṭadukkhanissaraṇatthikehi paṭipajjitabbato ca. **Tathāti** yathā itarena asammissatṭhena lāmakatṭhena ca lobho eko anto, tathā **kāmasukhallikānuyogoti** attho. Esa nayo sesesupi. Maggassa anupagamanaṅca nesaṃ antānaṃ sabbaso appavattikaraṇeneva daṭṭhabbam. **Purimanayenāti** “ete dve ante na upetī”ti-ādinā pubbe vuttanayena.

**Saccānanti** catunnaṃ ariyasaccānaṃ. **Dassanapariṇāyakatṭhenāti** dassanassa pariññābhisamayādibhedassa parito sabbathā nayanatṭhena pavattanaṭṭhena. **Cakkhukaraṇāti** dhammacakkhussa karaṇī nipphādikā. Tayidaṃ satipi paṭipadāya dhammacakkhuto anaññatte avayavavasena sijjhamāno attho samudāyena kato nāma hotīti upacāravasena vuttanti daṭṭhabbam. Tathā hi vakkhati “**maggoyeva hi maggatthāya samvattati maggena kātabbakiccakaraṇato**”ti. **Ñāṇāyāti** yāthāvato jānanāya. Tenāha “**viditakaraṇatṭhenā**”ti. Visesañātabhāvāpādanaṃ hi viditakaraṇaṃ. **Vūpasamanatoti** samucchindanasena vūpasamanato. Dukkhadīnaṃ pariññeyyādibhāvo viya abhiññeyyabhāvopī maggavaseneva pākaṭo hotīti āha “**catunnampi saccānaṃ abhiññeyyabhāvadassanato**”ti, vibhāvanatoti attho. **Sambodhoti maggo** “sambujjhati etenā”ti katvā. **Tassatthāyāti** maggakiccatthāya. Na hi maggato añño maggakiccakaro atthi. Tenāha “**maggoyeva hi**”ti-ādi. Atha vā sammādiṭṭhi uppajjamānā sahaṇātipaccayabhāvena itare uppādeti, evaṃ sesamaggadhammāpīti evampi maggatthāya samvattanaṃ veditabbam. **Sacchikiriyāya paccakkhakkammāyāti** sacchikaraṇasaṅkhātappaccakkhakkammāya. **Nibbānāyāti** vā anupādisesanibbānāya.

**Upasamāyāti** iminā sa-upādisesanibbānaṃ gahitanti. **Ayanti** “sā hi saccānaṃ”ti-ādinā yathāvutto atthanayo. **Etthāti** “cakkhukaraṇī”ti-ādīsu padesu. **Sāro** sundaro anapanīto. **Ito aññathāti** “dukkhassa pariññāya diṭṭhivisuddhiṃ karotīti cakkhukaraṇī”ti-ādinā atthavaṇṇanāpapañco kevalaṃ vitthāratthāya.

**Ayamevāti** ettha **ayanti** iminā attano aññesañca tassaṃ parisāyaṃ ariyānaṃ maggassa paccakkhabhāvaṃ dasseti. Āsannapaccakkhavācī hi ayaṃ-saddo. **Aññamaggapaṭisedhanatthanti** aññassa nibbānagāmiyā maggassa atthibhāvapaṭisedhanatthaṃ. Sattāpaṭikkhepo hi idha paṭisedhanāṃ alabbhamānattā aññassa maggassa. Buddhādīnaṃ sādharmaṇabhāvo anaññatā. Tenāha brahmā sahampati—

“Ekāyaṇaṃ jātikhayantadassī,  
Maggāṃ pajānāti hitānukampī.  
Etena maggena tarimsu pubbe,  
Tarissanti ye ca taranti oghaṇ”ti<sup>1</sup>.

**Ārakattāti** iminā niruttinayena ariya-saddasiddhimāha. **Aripahānāyāti** atthavacanamattaṃ. Arayo pāpadhammā yanti apagamanti etenāhi **ariyo**. **Ariyena desitoti** ettha ariyassa bhagavato ayanti **ariyo**. **Ariyabhāvappaṭilābhāyāti** ettha ariyakaro **ariyoti** uttarapadalopena ariya-saddasiddhi veditabbā. Yasmā maggaṅgasamudāye maggavohāro hoti, samudāyo ca samudāyīhi samannāgato nāma hotīti āha “**aṭṭhahi aṅgehi upetattā**”ti, tasmā attano avayavabhūtāni aṭṭha aṅgāni etassa santīti **aṭṭhaṅgiko**. Yasmā pana paramatthato aṅgāniyeva maggo, tasmā vuttaṃ “**na ca aṅgavinimutto**”ti yathā “chaḷaṅgo vedo”ti. Sadisūdāharaṇaṃ pana dassento “**pañcaṅgikatūriyādīni viyā**”ti āha. **Ādi-saddena** caturaṅginī senāti evamādīnaṃ saṅgaho. **Mārento gacchatīti** niruttinayena saddasiddhimāha. **Maggatīti** gavesati. Ariyamaggo hi nibbānaṃ āramaṇaṃ karonto taṃ gavesanto viya hotīti. **Maggīyati nibbānatthikehi**

1. Saṃ 3. 146, 162; Khu 7. 362; Khu 8. 212, 231; Khu 10. 163 piṭṭhesu.

vivaṭṭūpanissayapuññakaraṇato paṭṭhāya tadattham paṭipattito. **Gammatīti** etena ādi-antavipariyāyena saddasiddhimāha yathā “kakū”<sup>1</sup>. “**Seyyathidanti nipāto**”<sup>2</sup>ti vatvā tassa sabbalingavibhattivacanasādhāraṇatāya “**katamāni tāni aṭṭhaṅgāni**”<sup>3</sup>ti vuttaṃ. Nanu ca aṅgāni samuditāni maggo antamaso sattaṅgavikalassa ariyamaggassa abhāvatoti? Saccametam saccapaṭivedhena, maggapaccayatāya pana yathāsakam kiccakaraṇena paccekampi tāni maggoyevāti āha “**ekamekaṃ hi aṅgaṃ maggoyevā**”<sup>4</sup>ti, aññathā samuditānampi nesam maggakiccaṃ na sambhaveyyāti. Idāni tamevattham pāliya samatthetum “**sammādiṭṭhimaggo ceva hetu cā**”<sup>5</sup>ti vuttaṃ.

Sammā aviparītaṃ pariññābhisamayādivasena catunnaṃ saccānaṃ dassanaṃ paṭivijjanaṃ lakkhaṇaṃ etissāti **sammādassanalakkhaṇā**. Sammā aviparītaṃ sampayuttadhamme nibbānārammaṇe abhiniropanaṃ appanālakkhaṇaṃ etassāti **sammā-abhiniropanalakkaṇo**. Musāvādādīnaṃ visamvādanādikicatāya lūkhānaṃ apariggāhakānaṃ paṭipakkhabhāvato siniddhasabhāvattā sampayuttadhamme, sammāvācappaccayasubhāsitasotāraṅca janaṃ sammadeva pariggaṇhātīti sammāvācā sammāpariggaṇho lakkhaṇaṃ etissāti **sammāpariggahalakkhaṇā**. Yathā kāyikā kiriyā kiñci kattabbaṃ samuṭṭhāpeti, sayaṅca samuṭṭhahanaṃ ghaṭanaṃ hoti, tathā sammākammantaṣaṅkhātā viratipīti **sammāsamuṭṭhānalakkaṇo sammākammanto**. Sampayuttadhammānaṃ vā ukkhipanaṃ **samuṭṭhānaṃ** kāyikakiriyāya bhārukkhipanaṃ viya. Jīvamānassa sattassa, sampayuttadhammānaṃ vā suddhi vodānaṃ, ājīvasseva vā jīvitappavattiyā suddhi vodānaṃ etenāti **sammāvodānalakkaṇo sammā-ājīvo**. Kosajjapakkhe patitum adatvā sampayuttadhammānaṃ paggaṇhanaṃ anubalappadānaṃ **paggaṇho**. Ārammaṇaṃ upagantvā ṭhānaṃ, tassa vā anissajjanaṃ **upaṭṭhānaṃ**. Ārammaṇe sampayuttadhammānaṃ sammā, samaṃ vā ādhānaṃ **samādhānaṃ**. Sammā saṅkappeti sampayuttadhamme ārammaṇe abhiniropetīti **sammāsaṅkappo**. Sammā vadati etāyāti **sammāvācā**. Sammā karoti etenāti sammākammaṃ, tadeva **sammākammanto**. Sammā ājīvati etenāti **sammā-ājīvo**. Sammā vāyamati ussaḥati etenāti **sammāvāyāmo**. Sammā sarati anussaratīti

---

1. Hukkūti (Ka)

**sammāsati.** Sammā samādhīyati cittaṃ etenāti **sammāsamādhīti** evaṃ sammāsaṅkappādīnaṃ nibbacanaṃ veditabbaṃ.

**Micchādiṭṭhinti** sabbampi micchādassanaṃ. **Tappaccanīyakileseti** ettha **taṃ**-saddena sammādiṭṭhi. Na hi micchādiṭṭhiyā kilesā paccanīyā, atha kho sammādiṭṭhiyā. **Avijjañcāti** avijjāggahaṇaṃ tassā saṅkilesadhammānaṃ pamukhabhāvato. Tenāha “avijjā bhikkhave pubbaṅgamā akusalānaṃ dhammānaṃ samāpattiyā”<sup>1</sup>. Dassananivāraṅkassa sammohassa samugghātena **asammohato**. Ettha ca **micchādiṭṭhim -pa- pajahatīti** etena pahānābhisamayaṃ, **nibbānaṃ ārammaṇaṃ karotīti** etena sacchikiriyābhisamayaṃ, **sampayuttadhammeti**-ādinā bhāvanābhisamayaṃ sammādiṭṭhikiccaṃ dasseti. Pariññābhisamayo pana nānantariyatāya atthato vutto eva hotīti daṭṭhabbo.

Kathaṃ pana ekameva ñāṇaṃ ekasmiṃ khaṇe cattāri kiccāni sādheṇtaṃ pavattati. Na hi tādisaṃ loke diṭṭhaṃ, na āgamo vā tādiso atthīti na vattabbaṃ. Yathā hi paḍīpo ekasmiṃ yeva khaṇe vaṭṭim dahati, snehaṃ pariādiyati, andhakāraṃ vidhamati, ālokañca vidamseti, evametaṃ ñāṇanti daṭṭhabbaṃ. Maggasamaṅgissa ñāṇaṃ dukkhepetam ñāṇaṃ dukkhasamudayepetaṃ ñāṇaṃ dukkhanirodhepetam ñāṇaṃ dukkhanirodhagāminiyā paṭipadāyapetaṃ ñāṇanti **suttapadaṃ**<sup>2</sup> ettha udāharitabbaṃ. Yathā ca sammādiṭṭhi pubbabhāge dukkhādīsu visum visum pavattivā maggakkhaṇe ekāva catunnaṃ ñāṇaṃ kiccaṃ sādheṇti pavattati, evaṃ sammāsaṅkappādayo pubbabhāge nekkhammasaṅkappādīnāmakā hutvā kāmāsaṅkappādīnaṃ pajahanavasena visum visum pavattivā maggakkhaṇe tiṇṇaṃ catunnañca kiccaṃ sādheṇtā pavattanti. Sammāsamādhī pana pubbabhāgepi maggakkhaṇepi nānāyeva hutvā pavattatīti kāmāñcetha sammādiṭṭhiyā sabbepi pāpadhammā paṭipakkhā, ujuvipaccanīkatādassanavasena pana sammādiṭṭhiyā kiccaniddese micchādiṭṭhiggaṇaṃ kataṃ. Teneva ca “**tappaccanīyakilese cā**”<sup>ti</sup> vuttaṃ.

Yesam kilesānaṃ anupacchindane sammādiṭṭhi na uppajjeyya, te micchādiṭṭhiyā sahaṅkattatāya tadekatthāva tappaccanīyakilesā daṭṭhabbā. Sammāsaṅkappādīnaṃ kiccaniddeseṇi eseva nayo. Sotāpattimaggādivasena cattāro lokuttaramaggabhāvasāmañña ekato katvā. Lobhadosaṃ samudayasaccaṃ, yassa pana so samudayo taṃ dukkhasaccaṃ, pahānabhāvo maggasaccaṃ, yattha

1. Saṃ 3. 1 piṭṭhe.

2. Abhi 2. 327 piṭṭhe.

taṃ pahānaṃ, taṃ nirodhasaccanti imāni cattāri saccāni. Kasmā panettha lobhadosānaṃ visuṃ ādito ca gahaṇaṃ? Visuṃ gahaṇaṃ tāva tathābujjhanakānaṃ puggalānaṃ ajjhāsayaavasena, imehi lobhadoschi āmisadāyādatā, tappahānena ca dhammadāyādatāti dassanattamaṃ, tadanusārena catusaccayojanāya evaṃ ekekassa niyyānamukhaṃ hotīti dassanattamaṃ. Sesavāresupi eseva nayo. Ādito gahaṇaṃ pana ativiya oḷārikatāya supākaṭabhāvato vakkhamānānaṃ aññesaṃca pāpadhammānaṃ mūlabhāvato tadekaṭṭhatāya ca veditabbaṃ.

**Kujjhanalakkhaṇoti** kuppanasabhāvo, cittassa byāpajjanāti attho. **Caṇḍikkam** luddatā, kururabhāvoti attho. **Āghātakaraṇarasoti** “anattamaṃ me acari”ti-ādinā citte āghātassa karaṇaraso. **Dussanapaccupaṭṭhānoti** saparasantānassa vināsanapaccupaṭṭhāno laddhokāso viya sapatto. **Upanandhanam** nānappakārassa uparūpari nandhanam viya hotīti katvā. Tathā hesa “vera-appaṭṭinissajjanaraso, **kodhānupabandhabhāvapaccupaṭṭhāno**”ti ca vutto. **Aparakāle upanāhoti-ādīti ādi**-saddena “upanayhanā upanayhitattaṃ āṭhapanā ṭhapanā saṅṭhapanā anusaṃsandanaṃ anuppabandhanā dalhīkamman”ti-ādinam<sup>1</sup> niddesapādānaṃ atthavaṇṇanaṃ saṅgayhati. Upanāhasamaṅgī hi puggalo verassa anissajjanato ādittapūti-alātaṃ viya jalati eva, cittaṅcassa dhoviyamānaṃ acchacammaṃ viya, masimakkhitapilotikā viya ca na sujjhateva.

**Paraguṇamakkhanalakkhaṇoti** udakapuñchaniyā udakaṃ viya paresam guṇānaṃ makkhanasabhāvo. Tathābhūto cāyaṃ attano kāraṇam gūthena paharantaṃ gūtho viya paṭhamataraṃ makkheti evāti daṭṭhabbo. Tathā hesa saparasantānesu guṇam makkhetīti **makkhoti** vuccati. **Yugaggāho** samadhuraggahaṇam asamānassapi abhūtassa samāropanam. Samabhāvakaraṇam **samīkaraṇam**. Paresam guṇappamāṇena attano guṇānaṃ upaṭṭhānaṃ paccupaṭṭhapetīti āha “**paresam guṇappamāṇena upaṭṭhānapaccupaṭṭhāno**”ti. Tathā hesa paresam guṇe ḍamsitvā viya attano guṇehi same karotīti **paḷāsoti** vuccati.

---

1. Abhi 2. 371 piṭṭhe.



**Parasampattikhīyanam** parasampattiyā usūyanam. Issati parasampattim na sahatīti issā. Tathā hesā “**parasampattiyā akkhamanalakkhaṇā**”ti vuccati. **Tatthāti** parasampattiyam. **Anabhiratirasā** abhiratipaṭipakkhakkicā. **Vimukhabhāvapaccupaṭṭhānā** parasampattim passitumpi appadānato. **Nigūhanalakkhaṇam** attano sampattiyā parehi sādharāṇabhāvāsahanato. **Asukhāyanam** na sukhanam dukkhanam, arocanti adhippāyo.

Katassa kāyaduccarītādipāpassa paṭicchādanam **katapāpapaṭicchādanam**. Tassa pāpassa āvaraṇabhāvena paccupaṭṭhatīti **tadāvaraṇapaccupaṭṭhānā**, māyā, yāya samannāgato puggalo bhasmachanno viya aṅgāro, udakachanno viya khāṇu, pilotikapaṭicchāditam viya ca sattham hoti. **Avijjamānaguṇappakāsanaṃ** attani avijjamānasīlādiguṇavibhāvanam, yena sāḥeyyena samannāgata puggalassa asantaḡuṇasambhāvanena cittānurūpakiriyāviharato “evamcitto, evamkiriyo”ti dubbhiṇṇeyyattā kucchim vā piṭṭhim vā jānitum na sakkā. Yato—

“Vāmena sūkarō hoti, dakkhiṇena ajāmigo.

Sarena nelako hoti, visāṇena jaraggavo”ti<sup>1</sup>—

evam vuttayakkhasūkarasādiso hoti.

**Cittassa uddhumātabhāvo** thaddhalūkhabhāvo. **Appatissayavuttīti** anivātavutti. Amaddavākārena paccupaṭṭhati, amaddavataṃ vā paccupaṭṭhapetīti **amaddavatāpaccupaṭṭhāno**, thambho, yena samannāgato puggalo gilītaṅgalasīso viya aḡagaro, vātabharitabhastā viya ca thaddho hutvā garuṭṭhāniye ca disvā onamitumpi na icchati, pariyanteneva carati. Karaṇassa uttarakiriyā **karaṇuttariyam**. Visesato paccanīkabhāvo **vipaccanīkatā**. Parena hi kismiṅci kate taddiguṇam karaṇavasena **sārambho** pavattati.

Seyyādi-ākārehi unnamanam **unnati**. Omānopi hi evam karaṇamukhena sampaggahavaseneva pavattati. “Ahamasmi seyyo”ti-ādinā ahamkaraṇam sampaggaho **ahaṅkāro**. Pare abhibhavivā adhikam unnamanam

1. Di-Ṭṭha 2. 250; Abhi-Ṭṭha 2. 475; Mahāniddeśa-Ṭṭha 371 piṭṭhesupī.

**abbhunnati.** Yaṃ sandhāya vuttam “pubbakāle attānaṃ hīnato dahati aparakāle seyyato”<sup>1</sup>.

**Mattabhāvo** jāti-ādim paṭicca cittassa majjanākāro yassa vā dhammassa vasena puggalo matto nāma hoti, so dhammo **mattabhāvo**.

**Madaggāhaṇaraso** madassa gāhaṇakicco. Mado hi attano majjanākāraṃ sampayuttadhamme gāhento viya pavattamāno taṃsamaṅgiṃ puggalampi tathā karonto viya hoti. Ahaṅkāravasena puggalaṃ aniṭṭhaṃ karonto cittassa ummādabhāvo viya hotīti **ummādapaccupaṭṭhāno**. Satiyā aniggaṇhitvā cittassa vossajjanaṃ **cittavossaggo**, sativirahitoti attho. Yathāvuttassa vossaggassa anuppadānaṃ punappunaṃ vissajjanaṃ **vossaggānuppadānaṃ**.

**Imesaṃ** kodhādīnaṃ, lobhādīnampi vā. **Lakkhaṇādīnīti** lakkhaṇarasapaccupaṭṭhānāni. Padaṭṭhānaṃ pana dhammantaratāya na gahitaṃ. Nibbacanaṃ “kujjhatīti **kodho**, upanayhatīti **upanāho**”<sup>2</sup>ti-ādinaṃ suviññeyyamevāti na vuttam, atthato pana kodho doso eva, tathā upanāho. Pavatti-ākāramattato hi kato nesaṃ bhedo, makkhapaḷāsasārambhā tadākārappavattā paṭighasahagatacittuppādadharmā, māyāsāṭṭheyathambhamadappamādā tadākārappavattā lobhasahagatacittuppādadharmā. **Thambho** vā mānaviseso cittassa thaddhabhāvena gahetabbato, tathā **mado**. Tathā hi so “māno maññanā”<sup>2</sup>ti-ādinaṃ **Vibhaṅge**<sup>2</sup> niddiṭṭho. Idha pana mānātimānānaṃ visuṃ gahitattā majjanākārena pavattadharmā eva “**mado**”<sup>2</sup>ti gahetabbā. Sesānaṃ dhammantarabhāvo pākaṭo eva.

Kasmā panettha ete eva aṭṭha dukā gahitā, kimito aññepi kilesadhammā natthīti? No natthi, ime pana āmisadāyādassa savisesaṃ kilesāya saṃvattantīti taṃ visesaṃ vibhāventena āmisadāyādassa lobhādīnaṃ pavattanākāraṃ dassetuṃ “**visesato**”<sup>2</sup>ti-ādi āraddham. Tattha **etthāti** etesu lobhādīsu. **Alabhanto** āmisanti adhippāyo. Tatuttari uppanno kodhoti ānetvā sambandhitabbaṃ. **Santepīti** vijjamānepi. **Issatīti** issaṃ janeti. **Padussatīti** tasseva vevacanaṃ. Tathā hi sā “issati dussati padussatī”<sup>2</sup>ti-ādinaṃ niddiṭṭhā. Yasmā vā

1. Abhi 2. 369 piṭṭhepi passitabbaṃ.

2. Abhi 2. 369 piṭṭhe.

issam janento ekaṃsato paduṭṭhacitto eva hoti, tasmā “**padussati**”ti vuttam. **Assāti** āmisadāyādassa. **Evaṃ paṭipannoti** evaṃ asantaguṇappakāsanam paṭipadam paṭipanno. **Ovaditum asakkuṇeyyoti** etena thambho nāma dovacassakaraṇo dhammoti dasseti. **Kiñci vadati** ovādadānavasena. **Thambhena -pa- maññantoti** iminā ca thambhassa mānavisesabhāvaṃ dasseti, thambhena vā hetunāti attho. **Matto samānoti** matto honto. **Kāma -pa- pamajjati**ti etena madavasena ekaṃsato pamādamāpajjati dasseti.

**Evanti** iminā āmisadāyādassa lobhādīnam uppattikkamadassaneneva idha pāḷiyam nesam desanākkamopi dassitoti daṭṭhabbo. Na kevalam imeheva, atha kho aññehi ca evarūpehi pāpakehi dhammehi aparimutto hotīti sambandho. Ke pana teti? Atricchatāmahicchatādayoti. Evaṃ mahādīnavā āmisadāyādātīti tato balavataro samvego janetabboti ayamettha ovādo veditabbo. **Etthāti** etasmim sutte. **Sabbatthāti** sabbesu vāresu. **Nibbisesoyevāti** eteneva paṭhamataram idha dassitasaccayojanāyena sabbavāresu yojetabboti veditabbo.

**Ñāṇapariyayapāṭavattanti** maggassa

aṭṭhaṅgasattaṅgatādivisesavibhāvanāya ñāṇassa āsevanatṭhena paricayo ñāṇapariyayo, tassa paṭubhāvattam kosallattham. **Etthāti** ariyamagge.

**Bhedoti** viseso. **Kamoti** aṅgānam desanānupubbī. **Bhāvanāyoti** bhāvanāvidhi. “**Kadāci aṭṭhaṅgiko kadāci sattaṅgiko**”ti sankhepato vuttamattham vivaranto puna “**ayam hī**”ti-ādimāha. Tattha

**lokuttarapaṭhamajjhānavasenāti** lokuttarassa paṭhamajjhānassa vasena. Ettha ca keci jhānadhammā maggasabhāvāti ekantato jhānam maggato visum katvā vattum na sakkāti “lokuttarapaṭhamajjhānasahito”ti avatvā “lokuttarapaṭhamajjhānavasena”icceva vuttam. Atha vā

**lokuttarapaṭhamajjhānavasenāti** lokuttarā hutvā paṭhamajjhānassa vasenāti evamettha attho veditabbo. Ariyamaggo hi vipassanāya pādakabhūtaṃ, sammasitassa vā paṭhamajjhānassa vasena aṭṭhaṅgiko hoti. Atha vā ajhānalābhino sukkhavipassa kassa, jhānalābhino vā pādakamakavā paṭhamajjhānassa, pakiṇṇakasankhārānam vā

sammasane uppanno ariyamaggo aṭṭhaṅgiko hoti, svāssa aṭṭhaṅgikabhāvo paṭhamajjhānikabhāvenāti dassento “**paṭhamajjhānavasenā**”ti āha. Evaṃ “**avasesajjhānavasenā**”ti etthāpi yathārahaṃ attho veditabbo.

Yadi ariyamaggo sattaṅgikopi hoti, atha kasmā pāliyaṃ “aṭṭhaṅgiko” icceva vuttanti āha “**ukkaṭṭhaniddesato**”ti-ādi. Yathā cettha paṭipadāya maggavasena aṭṭhaṅgikasattaṅgikabhedo, evaṃ bojjaṅgavasena sattaṅgikachalaṅgikabhedo veditabbo appītikajhānavasena chalaṅgikattā, maggavasena pana desanā āgatāti svāyaṃ bhedo aṭṭhakathāyaṃ na uddhaṭṭo. **Ito paranti** ito aṭṭhaṅgato paraṃ ukkaṃsato, avakaṃsato pana sattaṅgato paraṃ maggaṅgaṃ nāma natthīti. Nanu **maggavibhaṅge**<sup>1</sup> pañcaṅgikavāre pañceva maggaṅgāni uddhaṭṭāni, **mahāsaḷāyatane**<sup>2</sup> ca “yā tathābhūtaṃ satī, yo tathābhūtaṃ saṅkappo, yo tathābhūtaṃ vāyāmo, yā tathābhūtaṃ sati, yo tathābhūtaṃ samādhī, svāssa hoti sammāsamādhī”ti vatvā pubbabhāgavasena pana “pubbeva kho panassa kāyakammaṃ vacīkammaṃ ājīvo suparisuddho hoti”ti sammāvācādayo āgatāti? Saccametaṃ, taṃ pana sammādiṭṭhi-ādīnaṃ pañcannaṃ kārāpakaṅgānaṃ atirekakiccadassanavasena vuttaṃ, tasmā na ariyamaggo sammāvācādivirahito atthīti “**ito parañhi maggaṅgaṃ natthī**”ti suvuttametaṃ daṭṭhabbaṃ.

**Sabbakusalānanti** sabbesaṃ kusaladhammānaṃ. Niddhāraṇe cetam sāmivacanaṃ. Kāmāvacarādivasena taṃtaṃkusaladhammesu sā sammādiṭṭhi seṭṭhā. Tassā seṭṭhabhāvena hi “paññājīvaṃ jīvitamāhu seṭṭhan”ti<sup>3</sup> vuttaṃ, maggasammādiṭṭhiyā pana sabbaseṭṭhabhāve vattabbameva natthi. **Kusalavāreti** kusaluppattisamaye. **Pubbaṅgamā** kusalādidhammānaṃ yāthāvasabhāvabodhane sampayuttadhammānaṃ pariṇāyakaḥāvato. Tenevāha “**sammādiṭṭhiṃ sammādiṭṭhīti pajānāti**”ti-ādi. Sā sammādiṭṭhi pabhavo etassāti tappabhavo, sammāsaṅkappo. Sammādasanavasena hi sammāsaṅkappo hoti. Tato abhinibbattānīti **tappabhavābhiniibbattāni**. Tappabhavābhiniibbattānīpi “tadabhinibbattānī”ti vuccanti kārāṇakārāṇepi kārāṇūpacāratoti āha “**tappabhavābhiniibbattāni sesaṅgānī**”ti. Tenāha “**sammādiṭṭhissā**”ti-ādi. Yathā hi

1. Abhi 2. 247, 248, 249 piṭṭhesu.

2. Ma 3. 337 piṭṭhe.

3. Saṃ 1. 216; Khu 1. 306 piṭṭhesu.

sammādassanaṃ sammāvitakkanassa visesapaccayo, evaṃ sammāvitakkanāṃ sammāpariggahassa, sammāpariggaho sammāsamuṭṭhānassa, sammāsamuṭṭhānaṃ sammovodānassa, sammāvodānaṃ sammāvāyāmassa, sammāvāyāmo sammā-upaṭṭhānassa, sammā-upaṭṭhānaṃ sammādhānassa visesapaccayo, **tasmā** “purimaṃ purimaṃ pacchimassa pacchimassa visesapaccayo hoti”ti **iminā** visesapaccayabhāvadassanathena **kamena etāni** sammādiṭṭhi-ādīni **aṅgāni vuttānī**ti dassitāni.

**Bhāvanānayo**ti samathavipassanānaṃ yuganaddhabhāvena pavatto bhāvanāvidhi. Ayaṃ hi ariyamaggakkhaṇe bhāvanāvidhi. Tassa pana pubbabhāge bhāvanānayo kassaci samathapubbaṅgamo hoti, kassaci vipassanāpubbaṅgamoti. Taṃ vidhiṃ dassetuṃ “**koci**”ti-ādi āradham. Tattha paṭhamo samathayānikassa vasena vutto, dutiyo vipassanāyānikassa. Tenāha “**idhekacco**”ti-ādi. **Tanti** samathaṃ samādhim, jhānadhammeti vā attho. **Taṃsampayutteti** samādhisampayutte, jhānasampayutte vā dhamme. Ayaṃca nayo yebhuyyena samathayānikā arūpamukhena, tatthāpi jhānamukhena vipassanābhinivesaṃ karontīti katvā vutto. **Vipassanaṃ bhāvayatoti** paṭipadāñāṇadassanavisuddhiṃ ārabhitvā yathādhigataṃ taruṇavipassanaṃ vaḍḍhentassa. **Maggo sañjāyatīti** pubbabhāgiyo lokiyamaggo uppajjati. **Āsevati** nibbidānupassanāvasena. **Bhāveti** muñcitukamyatāvasena. **Bahulīkaroti** paṭisaṅkhānupassanāvasena. **Āsevati** vā bhayatūpaṭṭhānañāṇavasena. **Bahulīkaroti** vuṭṭhānagāminivipassanāvasena. **Samyojanāni pahiyanti, anusayā byantī honti** maggapaṭipāṭiyā.

**Samathaṃ anuppādetvāvāti** avadhāraṇena upacārasamādhim nivatteti, na khaṇikasamādhim. Na hi khaṇikasamādhim vinā vipassanā sambhavati. **Vipassanāpāripūriyāti** vipassanāya paripuṇṇatāya vuṭṭhānagāminibhāvappattiyā. **Tattha jātānanti** tasmim ariyamaggakkhaṇe uppannānaṃ sammādiṭṭhi-ādīnaṃ dhammānaṃ. Niddhāraṇe cetam sāmivacanaṃ. **Vavassaggārammaṇatoti** vavassaggassa ārammaṇatāya. Vavassaggo vossaggo paṭinissaggoti ca apavaggoti ca atthato ekaṃ, nibbānanti vuttaṃ hoti, tasmā nibbānassa ārammaṇakaraṇenāti attho. **Cittassa ekaggatāti** maggasammāsamādhimāha. Ariyamaggo hi ekantasamāhito asamādhānahetūnaṃ kilesānaṃ samucchedanato. Sesam vuttanayameva.

**Yuganaddhāva honti** tadā samādhipaññānaṃ samarasatāya icchitabbato. Maggakkhaṇe hi na samathabhāvanāyaṃ viya samādhi, vipassanābhāvanāyaṃ viya ca paññā kiccato adhikā icchitabbā, samarasatāya pana aññamaññassa anativattanaṭṭhena dvepi yuganaddhā viya pavattanti. Tena vuttaṃ “**samathavipassanā yuganaddhāva hontī**”ti.

Dhammadāyādasuttavaṇṇanāya līnatthappakāsanā samattā.

#### 4. Bhayabheravasuttavaṇṇanā

34. **Evam me sutanti** bhayabheravasuttaṃ. Ko nikkhepo? Keci tāva evamāhu “pucchāvasiko nikkhepo”ti. Duvidhā hi pucchā pākāṭāpākāṭābhedato. Tattha yassā desanāya nimittabhūto ñātum icchito attho kim-saddapubbakena pakāsīyati, sā **pākāṭā pucchā** yathā “kim sūdhā vittaṃ purisassa seṭṭhan”ti evamādi<sup>1</sup>. Yassā pana desanāya nimittabhūto ñātum icchito attho kim-saddarahitena kevaleneva saddapayogena pakāsīyati, sā **apākāṭā pucchā**. Ñātum icchito hi attho “pañhā, pucchā”ti vuccati tasmāyeva idha “ye me bho gotamā”ti-ādikā apākāṭāti “pucchāvasiko nikkhepo”ti. Tayidaṃ akāraṇaṃ, yasmā so brāhmaṇo “yeme bho gotamā”ti-ādīni vadanto na tattha kaṅkhī vicikicchī saṃsayamāpanno avoca, atha kho attanā yathānicchitamatthaṃ bhagavati pasādabhāvabahumānaṃ pavedento kathesi. Tenāha “**bhagavati pasādaṃ alatthā**”ti-ādi<sup>2</sup>. **Vihāreti** vihārake nivāse. **Avicchinneyevāti** pavattamāneyeva. Padadvayassapi vasante evāti attho. **Etam purohitaṭṭhānam** uṇhīsādīkakudhabhaṇḍehi saddhim laddham, tathā ca “assa raññā dinnan”ti vadanti. Tenāha “**taṃ tassa raññā dinnan**”ti. **Brahmanti** vedam. So pana mantabrahmakappavasena tividho. Tattha mantā padhānam mūlabhāvato, ye aṭṭhakādīhi pavuttā<sup>3</sup>, itare tannissayena jātā, tena tesamāyeva gahaṇam “**mante**

1. Sam 1. 216; Khu 1. 306 piṭṭhesu.

2. Ma-Ṭṭha 1. 116 piṭṭhe.

3. Tattha mantā padhānamūlabhāvato yeva aṭṭhakādīhi pavuttā (Sārattha-Ṭṭī 1. 212 piṭṭhe)

**sajjhāyati**”ti. Te hi guttabhāsitaḥḥatāya “**mantā**”ti vuccanti. **Idameva hīti** avadhāraṇena “brahmato jātā”ti-ādikaṃ niruttiṃ paṭikkhipati.

**Yena vā kāraṇenā**<sup>1</sup> hetumhi idaṃ karaṇavacanāṃ. Hetu-attho hi kiriyākāraṇāṃ, na karaṇāṃ viya kiriyattho, tasmā nānappakāraguṇavisesādhigamatthā idha upasaṅkamanakiriyāti “annena vasatī”ti-ādīsū viya hetu-atthamevetāṃ karaṇavacanāṃ yuttaṃ, na karaṇatthāṃ tassa ayujjamānattāti vuttaṃ “yena vā kāraṇenā”ti-ādi. Bhagavato satatappavattaniratisayasāduvipulāmatarasasaddhammaphalatāya sādupalaniccaphalitamahārukkhena bhagavā upamito, sādupalūpabhogādhippāyaggahaṇeneva hi mahārukkhassa sādupalatā gahitāti.

**Upasaṅkamīti** upasaṅkanto. Sampattukāmatāya hi kiñci ṭhānaṃ gacchanto taṃ taṃpadesātikkanena upasaṅkami, upasaṅkantoti vā vattabbaṃ labhati. Tenāha “**gatoti vuttaṃ hoti**”ti, upagatoti attho. **Upasaṅkamitvāti** pubbakālakiriyāniddesoti āha “**upasaṅkamanapariyosānadīpanan**”ti. **Tatoti** yaṃ ṭhānaṃ patto “upasaṅkamī”ti vutto, tato upagataṭṭhānato. **Yathā khamanīyādīni pucchantoti**<sup>2</sup> yathā bhagavā “kacci te brāhmaṇa khamanīyaṃ, kacci yāpanīyaṃ”ti-ādīnā khamanīyādīni pucchanto tena brāhmaṇena saddhiṃ samappavattamodo ahosi pubbabhāsītāya, tadanukaraṇena evaṃ sopi brāhmaṇo bhagavatā saddhiṃ samappavattamodo ahosīti yojanā. Taṃ pana samappavattamodataṃ upamāya dassetuṃ “**sītodakaṃ viyā**”ti-ādi vuttaṃ. Tattha **sammoditanti** saṃsanditaṃ. **Ekībhāvanti** sammodanakiriyāya samānataṃ ekarūpaṃ. **Khamanīyanti** “idaṃ catucakkaṃ navadvāraṃ sarīrayantaṃ khaṇabhaṅguratāya sabhāvato dussahaṃ “kacci khamitūṃ sakuṇeyyaṃ”ti pucchati. **Yāpanīyanti** paccayāyattavuttikaṃ cirappabandhasaṅkhātāya yāpanāha kacci yāpetuṃ sakuṇeyyaṃ. Sīsarogādi-ābādhābhāvena **kacci appābādham**. Dukkhaḥḥivikābhāvena **kacci appātāṅkaṃ**. Taṃtaṃkiccarāṇe uṭṭhānasukhatāya **kacci lahuṭṭhānaṃ**. Tadanurūpabalayogato **kacci balaṃ**. Sukhavihārasabbhāvena **kacci phāsuvihāro** atthīti tattha tattha kacci-saddaṃ yojetvā attho veditabbo.

1. Sārattha-Ṭī 1. 336; Saṃ-Ṭī 1. 43; Am-Ṭī 2. 13 piṭṭhādīsūpi passitabbaṃ.

2. Saṃ-Ṭī 1. 169; Sī-Ṭī Abhinava 2. 247 piṭṭhādīsūpi passitabbaṃ.

Balavappattā pīti **pītiyeva**. Taruṇapīti **pāmojjaṃ**. Sammodanaṃ janeti karotīti sammodanikaṃ, tadeva **sammodanīyanti** āha “**sammodajananato**”ti. Sammoditabbato **sammodanīyanti** imaṃ pana atthaṃ dassento “**sammoditum yuttabhāvato**”ti āha. **Saritabbabhāvatoti** anussaritabbabhāvato. “Saraṇīyan”ti vattabbe dīghaṃ katvā “**sāraṇīyan**”ti vuttaṃ. **Suyyamānasukhatoti** āpāthamadhurataṃ āha, **anussariyamānasukhatoti** vimaddaramaṇīyataṃ. **Byañjanaparisuddhatāyāti** sabhāvaniruttibhāvena tassā kathāya vacanacāturiyamāha, **atthaparisuddhatāyāti** atthassa nirupakkilesataṃ. **Anekehi pariyāyehīti** anekehi kāraṇehi.

Atidūra-accāsannaṭṭikkhepena nātidūranāccāsannaṃ nāma gahitaṃ, taṃ pana avakāmsato ubhinnaṃ pasāritahatthasaṅghaṭṭanena daṭṭhabbaṃ. **Gīvaṃ pasāretvāti** gīvaṃ parivattanavasena pasāretvā.

**Yemeti** ettha sandhivasena ikāralopoti dassento “**ye ime**”ti-ādimāha. Uccākulīnatāya jātivāsena abhijātā **jātikulaputtā**. Tenāha “**uccākulappasutā**”ti. Ācārasampattiyā abhijātā **ācārakulaputtā**. Tenāha “**ācārasampannā**”ti. **Yattha katthaci** apākaṭepi **kule**. Tena brāhmaṇena adhippetā bhikkhūsu duvidhāpi samvijjantīti āha “**idha pana dvīhipi kāraṇehi kulaputtāyevā**”ti.

**Saddhāti** idaṃ karaṇatthe paccattavacananti āha “**saddhāyā**”ti, **saddhāti** vā saddahitvāti attho. Imasmiṃ pakkhe pāḷiyaṃ ya-kāralopena niddesoti daṭṭhabbaṃ. **Agāratoti** agāravāsato, uttarapadalopena, nissayūpacārena vā ayam niddesoti. Bhikkhanasīlatādīlakkaṇaṃ bhikkhubhāvo pabbajjāsahacaritāya saddhim bhikkhubhāvaṃ anvācinantoti āha “**pabbajjaṃ bhikkhubhāvañcā**”ti. Kammavācālakkaṇe pana bhikkhubhāve adhippete samuccayattho **ca-saddo** daṭṭhabbo. **Anagārassa bhāvoti** etena pabbajjānissito suvisuddho sīlācāraguṇaviseso gahito, kasigorakkhādīkammaṭṭikkhepo idha anuppādādīhi veditabbo. Sesaggahaṇe pana saraṇagamaṇādivāsena pabbajjāya, saraṇagamaṇādivāsena upasampadāya ca anekabhedattā āha “**sabbathāpī**”ti, tena tena pakārenāti attho. Puratogāmitā paṭipattigamaṇena, na kāyagamaṇenāti āha



“**nāyako**”ti, sammāpaṭipattiyā nibbānasampāpakoti attho. **Hitakiriyāyāti** diṭṭhadhammikādihitacariyāya. **Gāhaṇaṃ** adhisīlādīsu accantāya niyojanaṃ, na kathanamattanti dassento “**gāhetā**”ti vatvā “**sikkhāpetā**”ti āha.

**Diṭṭhānugatin**ti diṭṭhiyā anugamananti dassento “**dassanānugatin**”ti vatvā sikkhāttayasāṅgahaṃ bhagavato sāsanaṃ tena diṭṭhattā diṭṭhi, tassa tasseva khamanavasena khanti, ruccanavasena ruci, taṃdiṭṭhikhanṭirucikāva bhagavato sāvakāti āha “**yaṃdiṭṭhiko**”ti-ādi.

Esa kira alatthāti sambandho. **Devaputte viyāti**-ādi kassaci pārijuññaassa abhāvādīpanato “saddhāyā”ti-ādinā vuttassa pabbajitabhāvassa pākaṭikaraṇaṃ. **Saddhāya gharā nikkhamma pabbajitvāti** idaṃ haṭṭhapahaṭṭhādībhāvassa kāraṇavacanāṃ. **Ghāsacchādanaparamatāya santuṭṭheti** idaṃ anussāṅkitāparisaṅkitatāya kāraṇavacananti daṭṭhabbaṃ.

**Evametanti**-ādinā āmedītavacanāṃ sampahaṃsanavasena, pasādavasena vā katanti daṭṭhabbaṃ. Tathā hi evaṃ-saddo sampaṭicchanaṭṭho abbhanumodanaṭṭho ca vutto. **Mamanti** upayogatthe sāmivacanāṃ, nipātapadaṃ vā etaṃ “man”ti iminā samānatthanti daṭṭhabbaṃ. **Ādīnīti ādi-**saddena najīvikāpakatādīṃ saṅgaṇhāti. **Īdisānaṃyevāti** saddhāpabbajjāya vibhāvita-anabhijjhālu-ādisabhāvānaṃyeva, na itaresaṃ abhijjhālusabhāvānaṃ. Vuttaṃ hetā—

“Saṅghāṭikaṇṇe cepi me bhikkhave bhikkhu gahetvā piṭṭhito piṭṭhito anubandho assa pade padaṃ nikkhipanto, so ca hoti abhijjhālu kāmesu tibbasārāgo byāpannacitto paduṭṭhamaṇasāṅkappo muṭṭhassati asampajāno asamāhito vibbhantacitto pākaṭīndriyo, atha kho ārakāva mama ahañca tassā”ti<sup>1</sup>.

Ajjhogāhetvā adhippetatthaṃ sambhavituṃ sādhetuṃ dukkhānīti **durabhisambhavāni**. Aṭṭhakathāyaṃ pana tatha nivāsoyeva dukkhoti dassetuṃ “**sambhavituṃ dukkhāni dussahāni**”ti vuttaṃ. **Araññavanapatthānīti** araññalakkhaṇappattāni vanasaṇḍāni. Vanapattha-saddo hi saṇḍabhūte rukkhasamūhepi

---

1. Khu 1. 256 piṭṭhe.

vattatīti araṇṇaggahaṇaṃ. **Kiñcāpīti** anujānanaśambhāvanatthe nipāto. Kiṃ anujānāti? Nippariyāyato araṇṇabhāvaṃ “gāmato bahi araṇṇaṃ”ti. Tenāha “**nippariyāyena**”ti-ādi. Kiṃ sambhāveti? Āraṇṇakaṅganipphādakattaṃ. Yaṃ hi āraṇṇakaṅganipphādakaṃ, taṃ viśesato “araṇṇaṃ”ti vuttanti. Tenevāha “**yaṃ taṃ pañcadhanusatikaṃ**”ti-ādi. **Nikkhamitvā bahi indakhilāti** indakhilato bahi nikkhamitvā, tato bahi paṭṭhāyāti attho. **Bahi indakhilāti** vā yattha dve tīpi indakhilāni, tattha bahiddhā indakhilato paṭṭhāya, yattha taṃ natthi, tattha tadarahaṭṭhānato paṭṭhāyāti vadanti. Yaśmā bahi indakhilato paṭṭhāya manussūpacāre bhayaḥheravaṃ natthi, taśmā idha nādhippetanti daṭṭhabbaṃ.

**Gāmantanti** gāmasamīpaṃ. **Anupacāraṭṭhānanti** niccakiccavasena nupacaritabbaṭṭhānaṃ. Tenāha “**yattha na kaśiyati na vapīyati**”ti. **Pantānīti** iminā “pariyantānaṃ”ti imassa pariyāyassa idha pāḷiyaṃ gahitattā vuttaṃ “**pariyantānanti imamekaṃ pariyāyaṃ ṭhapetvā**”ti. **Dūrānanti** pana ayaṃ pariyāyo ṭhapetabbo siyā taśāpi “pantānī”ti imināva atthato gahitattā, tathā sati “na manussūpacārānaṃ”ti edisānampi ṭhapetabbatā āpajjati, taśmā saddato eva ṭhapaṇaṃ daṭṭhabbaṃ. **Pavivekanti** pakārato, pakārehi vā vivecanaṃ, rūpādiputhuttārammaṇe pakārato gamaṇādi-iriyāpathappakārehi attano kāyassa vivecanaṃ gacchatopi tiṭṭhatopi nisajjatopi ekasseva pavatti. Teneva hi vivecetabbānaṃ vivecanākārassa ca bhedaḥ bahuvidhattā te ekattena gahetvā “pavivekaṃ”ti ekavacanena vuttaṃ. **Dukkaraṃ pavivekanti** vā pavivekaṃ kattaṃ na sukhanti attho. **Ekābhāveti** ekikabhāve. **Dvayaṃ dvayārāmoti**, dvinnaṃ dvinnaṃ bhāvābhiraḥ. **Haranti viyāti** saṃharanti viya vighātuppādanena. Tenāha “**ghasanti viyā**”ti, bhayaśantāsuppādanena khāditaṃ āgatā yakkharaḥkhasapisācādayo viyāti adhippāyo. **Īdisassāti** aladdhasamādhino. **Tiṇapaṇṇamigādisaddehīti** vāteritānaṃ tiṇapaṇṇādīnaṃ migapakkhī-ādīnaṃca bhīmaśanakehi bheravehi saddehi **vividhehi ca** aññehi khāṇu-ādīhi yakkhādi-ākārehi upaṭṭhitehi **bhīmaśanakehi**. Evaṃ dukkaraṃ durabhisaṃbhavaṃ nāma karonto aho acchariyā eteti **vimhito**.

### Kāyakammantavārahāvaṇṇanā

35. Soḷasasu **ṭhānesūti** “ye kho kecī”ti-ādinā pāliyaṃ vakkhamānesu soḷasasu kāraṇesu. Aparisuddhakāyakammantatādayo araṇṇe viharantānaṃ cittutrāsanimittatāya visesato vikkhepāvahā,  
 parisuddhakāyakammantatādayo pana tadabhāvato tesaṃ avikkhepāvahā. Tenāha “**aparisuddhakāyakammantasandosahetū**”ti-ādi. **Soḷasasūti** ca vodānapakkhaṃyeva gahetvā vuttaṃ, saṃkilesaggahaṇampi yāvadeva vodānadassanattanti. **Ārammaṇapariggaharahitānanti** aparisuddhakāyakammantādikassa araṇṇe diṭṭhassa tassa ārammaṇassa “**ye kho kecī**”ti-ādinā pāliyaṃ āgatanayena pariggaṇhanaṇāṇarahitānaṃ. **Ārammaṇapariggahayuttānanti** ettha vuttavipariyāyena attho veditabbo. **Attanāti** bhagavantaṃ sandhāya vadati, sayanti attho. **Tādisoti** ārammaṇapariggahayutto.

Sambujjhati etenāti **sambodho**, ariyamaggoti āha “**ariyamaggappattito**”ti. Aggamaggādhigamādhīno buddhānaṃ sabbaññutaññādhigamoti āha “**anabhisambuddhassāti appaṭividdhacatusaccassā**”ti. Anavasesato ñeyyaṃ bujjhituṃ arahatīti **bodhi**, mahāvīriyatādinā tattha visesayogato sattoti āha “**bujjhanakasattassā**”ti. Tenāha “**sammāsambodhin**”ti-ādi. Niyatabhāvappattito paṭṭhāya mahāsattā yathā mahābodhiyānapaṭipadā hānabhāgiyā, ṭhitibhāgiyā vā na hoti, atha kho visesabhāgiyā nibbedhabhāgiyā ca hoti, tathā paṭipajjanato bodhiyaṃ ninnapoṇapabbhārā evāti āha “**bodhiyā vā sattuṣseva laggassevā**”ti. Tenāha “**dīpaṅkarassa hī**”ti-ādi. **Aṭṭhadhamma samodhānenāti**—

“Manussattaṃ liṅgasampatti, hetu satthāradassanaṃ.

Pabbajjā guṇasampatti, adhikāro ca chandatā”ti<sup>1</sup>—

imesaṃ abhinīhārassa aṅgabhūtānaṃ aṭṭhannaṃ dhammānaṃ samodhānena samavadhānena.

---

1. Khu 4. 311 piṭṭhe Buddhavaṃse.

**Pabbajjūpagatā**ti pabbajjāṃ upagatā. Tena pabbajjāmatthena samaṇā, na samitapāpatāyāti dasseti. Jātimattena idha **brāhmaṇā**ti adhippetāti āha “**bhovādino vā**”ti. Te hi “bho bho”ti vadanasilā, tenāha “bhovādī nāma so hoti, sace hoti sakiñcano”ti<sup>1</sup>. **Pāṇātipātādinā**ti ādi-saddena adinnādānaṃ abrahmacariyañca saṅgaṇhāti. **Aparisuddhenā**ti ca visesaṇaṃ kāyakammantāpekkhāya, na pāṇātipātādi-apekkhāya. Na hi pāṇātipātādiko tassa pubbhāgapayogo ca koci parisuddho nāma atthi. Bhāyanaṭṭhena **bhayam**, bhīrutāvahaṭṭhena **bheravam**. **Sandosahetū**ti sadosahetu. Sa-saddo hi idha sānusāro vutto. Tenāha “**attano dosassa hetū**”ti. Ekantena cittutrāsalaṅkhaṇassa bhayassa vasena “**sā vajjan**”ti vuttaṃ. Cittutrāso hi ekantasāvajjo bhāyanaṭṭhena bhayañcāti. **Akkhemanti** idaṃ ubhayavasena. Cittutrāsopi hi sarīracittānaṃ anathāvahato akkhemam, tathā **bhayānakārammaṇampī**ti. Aṭṭhakathāyaṃ pana atthadvayaṃ yathāsāṅkhyam yojitam. Sayam parikappitabhayānakārammaṇanimittam cittutrāsasamuppādanavasena ānentā bhayabheravam avhāyanti viya hontīti vuttaṃ “**avhāyantīti pakkosanti**”ti. **Teti** māritamanussānaṃ nītimittādayo. **Gaccham** gahanabhūtam mahantaṃ kaṅṭakasaṇḍam, **gumbam** nātimahantanti vadanti. **Gacchanti** pana tiṇavanaṃ vedītabbam, “gacche ruḷhatiṇe”ti vuttaṃ, **gumbam** kaṅṭakalatādibharitāvīruḷham. **Baddhā vadhitā viyāti** baddhā hutvā tāḷiyamānā viya.

“**Na kho panāti** ettha **khoti** avadhāraṇatthe nipāto, **panāti** visesatthe. Tenetaṃ dasseti “aññe samaṇabrāhmaṇā viya aham aparisuddhakāyakammanto hutvā araṇṇavanapatthāni pantāni senāsanāni na kho pana paṭisevāmi, parisuddhakāyakammantoyeva pana hutvā tāni paṭisevāmi”ti. Evaṃ vā ettha atthayojanā vedītabbā. “Parisuddhakāyakammantohamasmī”ti hi tena avadhāraṇena vibhāvitatthadassanaṃ. **Tesamaham aññataroti** tāya parisuddhakāyakammatāya tesam ariyānaṃ aham aññataroti kāyakammapārisuddhiyā Mahāsatto attānaṃ ariyesu pakkhipati. Paramasallekhabhāvappattā hi tadā bodhisattassa

---

1. Khu 1. 70, 376 piṭṭhesu.

kāyakammapārisuddhi, tathā vacīkammādipārisuddhi, yato māro randhagavesī hutvā chabbassāni nirantaram anubandho antaram na labhati. Tenāha—

“Satta vassāni bhagavantam, anubandhim padāpadam.  
Otāram nādhigacchissam, sambuddhassa satīmato”<sup>1</sup>.

**Bhiyyoti** adhikam savisesam, uparūpari vā. Bhītatasiṭā bhayūpaddavena chaḃḥhalomā haṭṭhalomā honti, abhītatasiṭā pana bhayūpaddavābhāvato ahaṭṭhalomā khemena sotthinā tiṭṭhantīti tesam khemappatti sotthibhāvo<sup>2</sup> vā pannalomatāya pākaṭo hotīti pāliyam “palloman”<sup>ti</sup> vuttam. Tenāha “**pannalomatan**”<sup>ti</sup>-ādi. Ettha ca **bhiyyo pallomamāpādim araññe viharāyāti** paṭiññāniddeso. **Parisuddhakāyakammantohamasmīti** hetudassanam. **Ye hi vo ariyā**<sup>ti</sup> sadisūdāharaṇadassanam. **Ye kho keci samaṇā vā brāhmaṇā vāti** visadisūdāharaṇadassanam. Sesāni anvayabyatirekavibhāvanānīti daṭṭhabbanti ayamettha yuttivibhāvanā. Iminā nayena sesavāresupi yuttivibhāvanā veditabbā.

Kāyakammantavārakathāvaṇṇanā niṭṭhitā.

### Vacīkammantavārādīkathāvaṇṇanā

36. **Aparisuddhena musāvādādīnāti** ettha yaṃ vattabbam, taṃ heṭṭhā vuttanayameva. **Ādi**-saddena pana saṅgahitam tesaṅca musāvādādīnam pavattibhedam bhayabheravāvāhanamukhena dassetuṃ “**kathan**”<sup>ti</sup>-ādi vuttam. Tattha yaṃ vattabbam, taṃ heṭṭhā vuttameva.

**Bhaṇḍesūti** saviññāṇakāviññāṇakesu bhaṇḍesu. **Uppādetvāti** attano pariṇāmasena abhijjhāsankhātam visamalobham uppādetvā. **Kujjhivāti** vināsacintāvasena parassa kujjhivā. Evaṃ hi nesaṃ “yesam aparajjhimhā, te idāni anubandhitvā”<sup>ti</sup>-ādinā pacchā āsankuppatti siyā. “Ete amhākam pariggahavattum gahetukāmā maññe, vināsam kātukāmā maññe”<sup>ti</sup> yathā pare parato tesam abhijjhābyāpādappavattim pariggaṇhanti,

1. Khu 1. 343 piṭṭhe Suttanipāte.

2. Sotthibhāvam (Ka)

tādisaṃ manokammantaṃ sandhāya **“te paresan”**ti-ādi vuttanti daṭṭhabbaṃ. Kāmaṃ akusalakāyakkammavacīkammaṃ pavattikālepi abhijjhādayo pavattantiyeva, tadā pana te cetanāpakkhikā vā abbohārikā vāti manokammantavāre eva abhijjhādivasena yojanā katā. Atha vā dvārantare pavattānampi pāṇātipātādīnaṃ vacīkammādivasena viya dvārantare pavattānampi abhijjhādīnaṃ kāyakkammādivasena, manokammabhāvo eva pana siddhoti katvā manokammantavāre eva abhijjhādayo uddhaṭṭā. Tathā hi vuttaṃ—

“Dvāre caranti kammāni, na dvārā dvārācarino.

Tasmā dvārehi kammāni, aññamaññaṃ vavatthitā”ti<sup>1</sup>.

Kiñcāpi aṭṭhakathāyaṃ sāsane pabbajitavasena ājīvavāre bhayabheravābhānaṃ yojitaṃ, “ye kho keci samaṇā vā brāhmaṇā vā”ti pana vacanato bāhirakavasena gahaṭṭhavasena ca yojanā vedittabbā. Gahaṭṭhānampi hi jātidhammakuladhammadesadhammavilomanavasena aññathāpi micchājīvo labbhateva, tāya eva ca ājīvavipattiyā aññathā vā nesaṃ araṇṇavāso sambhaveyyāti.

37. Evaṃ ājīvaṭṭhamakasīlavasena bhayabheravaṃ dassetvā tato paraṃ nīvaraṇappahānādivasenaṃpi taṃ dassetuṃ desanā vaḍḍhitāti tadattham vivaranto **“ito paran”**ti-ādimāha. Tattha **nīvaraṇavasena puna vuttāti** ayamadhippāyo—evaṃ sīlavissuddhimattampi araṇṇe viharato bhayabheravābhāvaṃ āvahati, kimaṅgaṃ pana nīvaraṇāni pahāya appanāsamādhim, upacārasamādhimeva vā sampādayatoti samādhisampadāya bhayabheravābhāvahetukaṃ dassetuṃ upari desanā vaḍḍhitāti akusalamanokammantabhāvena gahitāpi abhijjhābyāpādā nīvaraṇavasena puna vuttāti adhippāyo. Abhi-pubbo jhā-saddo abhijjhāyanatthoti āha **“parabhaṇḍādi-abhijjhāyanasīlā”**ti. **Vatthukāmesūti** rūpādīsū kilesakāmassa vatthubhūtesu kāmesu. **Bahalakilesarāgāti** thiramūladummocanīyatāhi ajjhosāne pabhūtakilesakāmā. Abhijjhā cettha appattavisayapatthanā, tibbasārāgo sampattivisayābhiniveso.

1. Abhi-Ṭṭha 1. 126 piṭṭhe.

Te hi lobhābhibhūtā puggalā attani tibbasāpekkhatāya eva lobhābhibhūtātāya avavatthitārammaṇā avinicchitavisayā araññe taṃ taṃ visayaṃ anupadhāritvā viharanti, rajju-ādīni yāthāvato na sallakkhenti. Tenāha “tesan”ti-ādi. **Upatṭhāti** bhantacittatāya. Tathā hi vuttaṃ “**ākulacittā**”ti. “Idānimha naṭṭhā”ti tasanti vitasanti, āgantvā bādhiyamānā viya honti, evaṃ taṃ bhayabheravaṃ attani samāropanaṭṭhena avhāyanti pakkosantīti yojanaṃ sandhāyāha “**sesaṃ tādiseva**”ti. “**Anabhijjhāluhamasmī**”ti pāḷipade ciraparicita-alobhajjhāsayaṭṭāya kamaladale jalabindu viya alaggamānasattā sabbattha anapekkhohamasmīti attho.

38. **Pakatibhāvavijahanenā**ti parisuddhabhāvasaṅkhātassa ca pakatibhāvassa vijahanena. Sāvajjadhammasamuppattiyā hi cittassa anavajjabhāvo jahito hotīti. **Vipannacittā**ti kilesāsucidūsitatāya kuthitacittā. Tenāha “**kilesānugataṃ -pa- pūtikaṃ hotī**”ti. **Paduṭṭhamanasaṅkappā**ti visasaṃsatṭhamuttaṃ viya dosena padūsitacittasaṅkappā. **Vuttanayenevā**ti “te avavatthitārammaṇā hontī”ti-ādīnā abhijjhāluvāre vuttanayeneva. Yathā hi lobhavasena, evaṃ dosādivasenapi avavatthitārammaṇā hontīti. **Sabbatṭhāti** heṭṭhā upari cāti sabbattha ṭhānesu vaṇṇetabbā.

39. “Yā cittassa akallatā akammaññatā”ti<sup>1</sup> vacanato thināṃ cittassa gelaññabhāvena gahaṇaṃ gacchatīti āha “**cittagelañña bhūtena thinenā**”ti. Tathā “yā kāyassa akallatā akammaññatā”ti<sup>1</sup> vacanato middhaṃ visesato nāmakāyassa gelaññabhāvena gahaṇaṃ gacchatīti āha “**sesanāmakāyagelaññabhūtena middhenā**”ti. Sesaggahaṇaṅcetha cittanivattanattham. Idaṅca middhaṃ rūpakāyassapi gelaññāvahanti, daṭṭhabbaṃ niddāya hetubhāvato. Tathā hi taṃ “niddā capalāyikā”ti<sup>1</sup> niddiṭṭham. Tenāha “**te niddābahulā hontī**”ti.

40. **Uddhaccapakatikā**ti uddhaccasīlā anavaṭṭhitasabhāvā. Anavaṭṭhānarasaṃ hi uddhaccaṃ. Tenāha **vipphandamānacittā**”ti-ādi. **Idhāti** “avūpasantacittā”ti

1. Abhi 1. 233 piṭṭhe.

imasmiṃ pade. **Kukkucam gahetum vaṭṭati** samvaṇṇanāvasena pacchānutāpassapī cittassa avūpasamakaratṭā. uddhaccam pana sarūpeneva gahitanti adhippāyo.

41. **Ekamevidam pañcamam nīvaraṇam** yadidam kaṅkhā vicikicchāti ca. Yadi evam kasmā dvidhā katvā vuttanti āha “**kiṃ nu kho**”ti-ādi. **Kaṅkhanatoti** saṃsayanato. **Vicikicchāti vuccati** “dhammasabhāvam vicinanto etāya kicchati, vigatā tikicchā vā”ti katvā.

42. Evam nīvaraṇābhāvakittanamukhena samādhisampadāya bhayabheravābhāvam dassetvā idāni attukkaṃsanādi-abhāvakittanamukhena paññāsampadāya bhayabheravābhāvam dassetum “ye kho keci”ti-ādinā upari desanā vaḍḍhitā, tadattham vivaritum “**attukkaṃsanakā**”ti-ādi vuttam. **Ukkaṃsenti** mānavasena paggaṇhanena. Tenāha “**ucce ṭhāne ṭhapenti**”ti. Thinamiddha-uddhaccakukkuccavicikicchāvāresu gayhamānam abhijjhālūvārasadisanti tattha tam anāmasitvā attukkaṃsakavāre kiñci visadisam atthīti tam dassetum “**te kathan**”ti-ādi vuttam.

43. Chambhanam chambho, kāyassa chambhitattahetubhūto balavacittutrāso. So etesam atthīti **chambhī**. Tenāha “**kāyathambhanā**”ti-ādi. **Bhīrukajātikāti** bhāyanakasīlā. Ekameva cetam sāvajjabhayam kāye chambhitattassa, citte ca kāye ca thaddhabhāvassa uppādanavasena “chambho bhīrukā”ti ca vuccatīti taṃsamaṅgino samaṇabrāhmaṇā “chambhībhīrukajātikā”ti vuttā, idha bhayabheravam sarūpeneva gahitam.

44. **Labbhati pāpuṇīyatī**<sup>1</sup> lābhasaddassa kammaśādanattamāha. Sakkaccam kātabbo dātabboti **sakkāro**. **Tadatthadīpakanti** lābhādīm pahāya araṇṇe vasato bhayabheravābhāyanam natthīti dīpakam. So kira lābhagarutāyeva piyo gāmo etassāti “**piyagāmiko**”ti nāmam labhati. **Kammamuttoti** jarājīṇattā kammam kātum na sakkotīti sāmikehi vissattho.

---

1. Labbhatīti (Aṭṭhakathāyam)



45. Alasabhāvena sammāvāyāmassa akaraṇato kucchitaṃ sīdantīti **kusītā**. Vīrassa bhāvo, kammaṃ vā vīriyaṃ, vidhinā vā iretabbaṃ pavattetabbanti vīriyaṃ, sammāvāyāmo. Tena hīnā **hīnavīriyā**. Kāyaviññattiyā samuṭṭhānavasena pavattavīriyaṃ **kāyikavīriyaṃ**, vattakaraṇacaṅkamanādīsu daṭṭhabbaṃ. Nisajja sayitvā ca kammaṭṭhānamanasikāravasena pavattavīriyaṃ **cetasikavīriyaṃ**. Tattha purimaṃ visesato kosajjapaṭipakkhatāvasena, dutiyaṃ vīriyārambhatāvasena pākaṭaṃ hotīti dassento “**kusītā**”ti-ādimāha. Te hi hīnavīriyā alasaṭāyeva ārammaṇavavattthānamattampi kātum na sakkonti.

46. **Naṭṭhassatī**ti alabbhamānassati, paccayavekallena vijjāmānāyapi satiyā satikiccaṃ kātum asamattatāya evaṃ vuttaṃ. Na sampajānāti **asampajānā**. Tamyoganivattiyāñcāyaṃ a-kāro “ahetukā dhammā<sup>1</sup>, abhikkhuko āvāso”ti-ādīsu<sup>2</sup> viyāti āha “**paññārahitā**”ti. Nanu soḷasamo paññāvāro, ayaṃ sativāro, tattha kasmā saṅkilesapakkhe paññā gahitāti codanaṃ sandhāyāha “**imassa cā**”ti-ādi. **Satibhājanīyamevetaṃ**, yadidaṃ cuddasamo vāro, paññā panettha cuddasame vāre kevalā sati dubbalāti **satidubbalyadīpanatthaṃ** “asampajānā”ti paṭikkhepamukhena **vuttā**. Idāni vuttamevatthaṃ pākaṭataraṃ kātum “**duvidhā hī**”ti-ādi vuttaṃ.

47. Appanāsamādhinā, upacārasamādhinā vā cittaṃ ārammaṇe samaṃ, sammā vā āhitaṃ nāma hoti, nāññathāti dassento “**asamāhitāti upacārappanāsamādhivirahitā**”ti āha. **Vibbhantacittāti** anavaṭṭhitacittā. Pubbe nīvaraṇabhāvasāmaññena uddhaccaṃ gahitaṃ “**uddhatā avūpasantacittā**”ti, idha samādhānābhāvena uddhaccahetuko cittavibbhamo vutto “**asamāhitā vibbhantacittā**”ti, ayametesam viseso. **Pubbe vuttanayenāti** pubbe “uddhaccena hi ekārammaṇe cittaṃ vipphandati dhajayaṭṭhiyaṃ vātena paṭākā viyā”ti<sup>3</sup> vuttanayena. **Sabbaṃ pubbasadisamevāti** bhayabheravāvahāyanassa abhijjhālūvāre vuttasadisataṃ sandhāya vadati.

---

1. Abhi 1. 4 piṭṭhe.

2. Vi 4. 84 piṭṭhe.

3. Ma-Ṭṭha 1. 120 piṭṭhe.

48. **Duppaññā**ti ettha **du**-saddo “dussīlo”ti-ādīsu viya abhāvatto, na “duggati, duppaṭipanno”ti-ādīsu viya garahatthoti dassetuṃ “**nippaññānametaṃ adhivacanan**”ti vatvā “**paññā pana duṭṭhā nāma natthī**”ti vuttaṃ. **Teti** duppaññā. **Sabbatthā**ti catūsupi pāṭhavikappesu. **Elanti** vā doso vuccati. Tenāha “yā sā vācā nelā kaṇṇasukhā”ti. Tathā hi silaṃ “nelaṅgan”ti vuttaṃ. Duppaññā ca kathentā sadosameva kathamā kathenti apaṇḍitabhāvato. Tenevāha “dubbhāsītabhāsī”ti. Tasmā elasabbhāvato elamā mukhaṃ etesanti elamūgāti vuttāti evampi vā ettha attho daṭṭhabbo. Yāya paññāya vasena “paññāsampanno”ti vuttaṃ, tam byatirekamukhena dassetuṃ “**no ca kho**”ti-ādi vuttaṃ. Nanu ca bodhisattā bahulavipassanāpaññāya samannāgatā hontīti? Honti, tadā pana bodhisattena na vipassanārambho kato, no ca vipassanāpaññā adhippetāti vuttaṃ “**no ca kho vipassanāpaññāya**”ti.

Keci panettha “saddhāviraḥatā aparīsuddhakāyakammantādayo viya bhayabheravāvhāyanassa visesakāraṇaṃ, nāpi saddhālutaṃ pallomatāyāti saddhāvāro anuddhaṭo”ti vadanti, tam akāraṇaṃ. Kammaphale hi saddahanto kammaṭṭisaraṇatāmyeva nissāya bhayabheravaṃ tiṇāyapi amaññamāno pallomatamāpajjeyya. Yasmā pana vīriyādayo saddhāya vinā nappavattantīti tesamā upanissayabhūtā saḥajātā ca sā taggahaṇeneva gahitā hotīti visumā na uddhaṭā. Tathā hi sā jhānassa pubbabhāgapaṭipadāyampi na uddhaṭā, kimā vā etāya saddhāya, addhā sā imasmiṃ ārammaṇapariggahaṭṭhāne na gahetabbāva, tato dhammassāminā idha na uddhaṭā, evamā aññesu edisesu ṭhānesu nicchayo kātabbo. Yathānulomadesanā hi suttantakathāti.

Vacīkammantavārādīkathāvaṇṇanā niṭṭhitā.

Soḷasaṭṭhānārammaṇapariggaho niṭṭhito.

### Bhayabheravasenāsanādivaṇṇanā

49. **Soḷasārammaṇānī**ti soḷasaṭṭhānāni ārammaṇāni. **Evarūpāsu rattīsūti** cātuddasī-ādīkā upari vakkhamānā rattīyo sandhāya

vadati. **Evarūpe senāsaneti** etthāpi e seva nayo. **Yāti** aniyamato uddiṭṭhānaṃ puna “tā”ti vacanaṃ niddeso viya hotīti vuttaṃ “**yā tāti ubhayametaṃ rattīnaṃyeva uddesaniddesavacanan**”ti. **Abhīti lakkhaṇatthe** “aññe ca abhiññātā brāhmaṇamahāsālā”ti-ādīsu viya. Kathaṃ panettha lakkhaṇatthatā veditabbā? Lakkhīyati etenāti lakkhaṇanti āha “**candapāripūriyā**”ti-ādi. Puṇṇamāsiyaṃ **candapāripūriyā** amāvāsiyaṃ **candaparikkhayena**. **Ādi-**saddena candassa upaḍḍhamaṇḍalatārāhuggahatādīnaṃ saṅgaho daṭṭhabbo. **Upasaggamattameva** abhi-saddo lakkhitasaddeneva lakkhaṇatthassa viññāyamānattāti adhippāyo.

**Paṭhamadivasato pabhuṭīti** paṭhamapāṭipadadivasato paṭṭhāya. Yasmā codako bhagavato kāle anabhilakkhitāpi aparabhāge abhilakkhitā jātā, tasmā taṃ abhilakkhaṇīyataṃ upādāya “**sabbadassinā bhagavatā pañcamī kasmā na gahitā**”ti codeti, itaro sabbakālikāsu cātuddasī-ādīsu gayhamānāsu asabbakālikāya kathaṃ gahaṇanti adhippāyena “**asabbakālikattā**”ti pariharati.

**Tathāvidhāsūti** “abhiññātā”ti-ādīnā yathā vuttā, tathāvidhāsu. Devatādhiṭṭhitabhāvena āramādīnaṃ lokassa cetiyabhāvoti āha “**pūjanīyaṭṭhenā**”ti. Manussā yebhuyyena gāmādīnaṃ dvāresu tathārūpe rukkhe cetiyaṭṭhāniye katvā voharantīti āha “**gāmanigamādidvāresū**”ti-ādi. Dassanamattenapi savanamattenapi bhayuppādanena pākātikasatte bhimsentīti **bhimsanakāni**. Tenāha “**bhayajanakāni**”ti-ādi. Bhāyati etasmāti **bhayaṃ**, ativiya sappaṭibhayaṃ **bheravaṃ**.

**Āyācana-upahāra karaṇārahanti** taṃtaṃbalikamma paṇidhikammakaraṇayoggaṃ. **Pupphadhūpa -pa-****dharāṇitalanti** idaṃ yathāpaṭisūtena suppādinā upahāra karaṇadassanaṃ. **Koṭṭentoti** paharanto, siṅgappahāra khurappahārehi saddaṃ karontoti adhippāyo. **Sabbacattuppadānaṃ idha magoti nāmaṃ**, na “acchacammaṃ migacammaṃ eḷakacammaṃ”ti-ādīsu<sup>1</sup> viya, rohitoti-ādi

---

1. Vi 3. 288 piṭṭhe.

migavisesānanti adhippāyo. **Cāletvā**ti aggamaddanena cāletvā. Moraggahaṇaṅcettha upalakkhaṇanti dassento āha “**idha sabbapakkhigahaṇam adhippetan**”ti. **Esa nayoti** idam yathā “moro vā”ti ettha vā-saddo avuttavikappanattho, evam “migo vā”ti etthāpīti migasaddassa visesatthavuttitam sandhāyāha. **Ito pabhutī**ti “yannūnāham yā tā rattiyo”ti-ādinā bhayabheravassa gavesanacintanato pabhuti, na gavesanārambhato pabhuti. “Appeva nāmāham bhayabheravam passeyyan”ti etthāpī hi **ārammaṇameva bhayabheravam. Sukhārammaṇam rūpam sukhamiva** “rūpam sukham sukhānupatitam sukhāvakkantan”ti-ādīsu<sup>1</sup>. Katham bhayaggahaṇena ca rūpārammaṇaggahaṇanti āha “**parittassa cā**”ti-ādi. “Āgacchatī”ti vacanato gavesanārambhato pabhuti “etam bhayan”ti ārammaṇam adhippetanti keci “tam na passeyyan”ti cakkhunā dassanassa adhippetattā, tasmā vuttanayeneva attho gahetabbo. **Bhayaṁ ākaṅkhamānoti** upaparikkhanavasena aham bhayavatthum ākaṅkhanto viharāmi, tam kimatthiyam, ettakopi bhayasamannāhāro mayham ayuttoti adhippāyo.

Yam pakāram bhūto yathābhūto, so panettha pakāro iriyāpathavasena yutto pāḷiyam tathā āgatattāti āha “**yena yena iriyāpathena bhūtassā**”ti. **Bhavitassāti** idam “bhūtassā”ti iminā samānattham padanti daṭṭhabbam. “Samaṅgībhūtassā”ti padam purimapadalopena **bhūtassāti** vuttanti dassento “**samaṅgībhūtassa vā**”ti āha. **Bhayabheravārammaṇeti** bhayabheravābhimite ārammaṇe. **Neva mahāsatto tiṭṭhatī**-ādi “tathābhūto ca tam paṭivineyyan”ti yathā cintitam, tathā paṭipannabhāvadassanam. **Iriyāpathapaṭipāṭi** nāma ṭhānagamananisajjānipajjāti vadanti, uppaṭipāṭi pana paṭhamam nipajjā, puna nisajjā, puna ṭhānam, pacchā gamananti evam veditabbā. **Āsannaṭipāṭiyāti** gamanassa tāva ṭhānam āsannam, ṭhānassa nisajjā gamanañca, nisajjāya nipajjā ṭhānañca, nipajjāya nisajjā āsannā. Idha pana gamanassa ṭhānam, ṭhānassa ca gamanam, nisajjāya ca nipajjā, nipajjāya ca nisajjā āsannabhāvena gahitā, itare paramparāvasenāti veditabbā. Bhikkhussa pana iriyāpathā sampattapaṭipāṭiyā<sup>2</sup> viya aparāparuppattivasena vuccanti.

Bhayabheravasenāsanādivaṇṇanā niṭṭhitā.

1. Sam 2. 57 piṭṭhe.

2. Bhikkhubhāvo pana yā sampatti (Ka)

### Asammohavīhāraṇṇā

50. Ayañca me sabbaso bhayabheravābhāvo visesato asammo hadhammattāti dassetuṃ “**santi kho panā**”ti-ādinā upari desanā vadḍhitāti ayaṃ vā ettha anusandhi. **Jhāyīnaṃ sammohaṭṭhānesūti** iminā ajjhāyīnaṃ sammohaṭṭhānesu vattabbameva natthīti dasseti. **Atthīti** idam nipātapadam puthuvacanampi hoti “atthi imasmim kāye kesā”ti-ādīsu<sup>1</sup> viyāti “santi”ti padassa atthadassanavasena vuttaṃ. Kim khaṇattayasamaṅgitāya te atthi, notī āha “**saṃvijjanti upalabbhanti**”ti, mahati lokasannivāse edisāpi **saṃvijjanti** nāṇena gahetabbatāya **upalabbhanti**. **Odātakasiṇalābhīti** appamaṇa-odātakasiṇalābhī. Evaṃ hissa samantato āloko viya upaṭṭhāti. **Parikammanti** samāpattipubbabhāgamāha. Ettakaṃ sūriye gate **vuṭṭhahāmīti**<sup>2</sup>, **no ca kho addhānaparicchede kusalo hoti**, kevalaṃ “divā eva vuṭṭhahāmī”ti manasikāraṃ uppādesi. **Visadam hoti** sabbam ārammaṇajātam, dibbacakkhunā passantassa viya **vibhūtam**. **Avisadanti** ettha vuttavipariyāyena attho vedītabbo. **Evaṃsaññinoti** rattiṃ “divā”ti, divā ca “rattī”ti evaṃsaññino.

**Antosenāsane rattiṃ nisinno hotīti** ratti-saddo ajjhāharitabbo. Parittāsanādīhi, aññehi vā **kāraṇehi**. **Gambhīrāya** bhūmigabbhasadisāya **ghanavanapaṭicchannāya** bahalatarajālanapaṭalapaṭicchannāya. **Antarahitasūriyāloke kāleti** eteneva divāti avuttasiddho. Sammohavīhāro nāma bahuvīdhoti āha “**sammohavīhārānaṃ aññataran**”ti.

**Pākaṭo bodhisattassa rattindivaparicchedo** antamaso lavatuṭi<sup>3</sup>khaṇassapi upādāya suvavatthitattā<sup>4</sup>, tathā rattidivasakoṭṭhāsaparicchedo attanā kātabbakiccavasena kālañāṇavasena ca.

1. Dī 2. 231; Ma 1. 72; Ma 3. 132; Saṃ 2. 329; Khu 1. 2 piṭṭhesu.

2. Vuṭṭhahissāmīti (Ka)

3. Dasa khaṇā lavo, nimesadvayarūpo kālabhedo tuṭi.

4. Lavatuṭikhaṇopi upādāya supaṭṭhito (Ka)

Kāḷathambhe laddhabbāchāyāvasena **dvaṅgulakāle**. **Yāmaghaṇṭikam** paharati saṅghassa taṁtaṁvattakaraṇattham. **Muggaranti** ghaṇṭikappaharaṇamuggaram. **Yāmayantam** patati aññehi bhikkhūhi yojitanti adhippāyo. Yāva aññe bhikkhū bhojanasālam upagacchanti, tāva divāvihāraṭṭhānam gantvā samaṇadhammam karoti.

**Yam** kho tanti ettha **yanti** aniyamuddeso, **khoti** avadhāraṇe, yameva puggalanti attho. **Tanti** vuccamānākāravacanam. **Mamevā**ti mam eva. **Asammohasabhāvoti** sabhāvabhūta-asammoho. “Uppanno”ti vuttattā “**manussaloke**”ti vuttam. **Paññāsampattiyā**ti yāthāvato hitassa jānanasamatthena attano paññāguṇena, na kevalam ajjhāsayeneva hitesitā, atha kho payogenāti dassento “**hitūpadesako**”ti āha. Ajjhāsayena pana hitesitā “**lokānukampāyā**”ti iminā dassitā. Upakaraṇehi vinā na kadāci bhogasukham upakaraṇadānañca cāgasampattihetukanti āha “**cāgasampattiyā -pa- dāyako**”ti. **Mettāsampattiyā** hitūpasamhārena **rakkhitā**. **Karuṇāsampattiyā** dukkhāpanayanena **gopāyitā**. Nanu ca pabbepi vuttam “hitāya sukhāyā”ti, atha kasmā puna tam gahitanti codanam sandhāyāha “**idha devamanussaggahaṇenā**”ti-ādi. Tena pubbe avisesato hitādīni dassitāni, idāni visesato saha payojanena tāni dassitānīti dīpeti. Nibbānato paro paramo attho nāma natthīti āha “**paramatthattāyā**”ti. Hinoti nibbānam gacchatīti **hitam**, maggo. Ukkamsato sukhattham ariyaphalanti āha “**tato uttari sukhābhāvato**”ti.

Asammohavihāraṇaṇṇā niṭṭhitā.

### Pubbabhāgaṭṭipadādivaṇṇā

51. **Asammohavihāranti** asammojavuttim, asammoahasambodhinti vā attho. **Tanti** samathavipassanābhāvanāsaṅkhātāṁ ṭṭipadam. **Pubbabhāgato pabhutīti** bhāvanāya pubbabhāgavīriyārambhādito ṭṭṭhāya. **Kecīti** uttaravihāravāsino.

**Bodhimaṇḍeti**<sup>1</sup> bodhisañkhātassa nāṇassa maṇḍabhāvappatte ṭhāne. **Caturaṅgati** “kāmaṃ taco ca nhāru ca, aṭṭhi ca avasissatū”ti-ādinā<sup>2</sup> vuttacaturaṅgasamannāgatam. **Paggahitanti** ārambham sithilam akatvā daḷhaparakkamasañkhātussahanabhāvena gahitam. Tenāha “**asithilappavattitanti vuttam hoti**”ti. **Asallinanti** asaṅkucitam kosajjavasena saṅkocam anāpannam.

**Upaṭṭhitāti** ogāhanasaṅkhātena apilāpanabhāvena ārammaṇam upagantvā ṭhitā. Tenāha “**ārammaṇābhimukhībhāvenā**”ti. Sammosassa viddhamśanavasena pavattiyā na sammūṭṭhāti **asammūṭṭhā**. Kiñcāpi cittamiva citta-passaddhivasena kāyapassaddhivaseneva kāyo passaddho hoti, tathāpi yasmā kāyapassaddhi uppajjamānā citta-passaddhiyā saheva uppajjati, na vinā, tasmā vuttam “**kāyacitta-passaddhisambhavenā**”ti. **Rūpakāyopi passaddhoyeva hoti** kāyapassaddhiyā ubhayesampi kāyānam passambhanāvahattā. **So ca kho** kāyo. **Vigatadaratho** vigatakilesadaratho. Nāmakāye hi vigatadarathe rūpakāyopi vūpasantadarathapariḷāho hoti. **Sammā āhitanti** nānārammaṇesu vidhāvanasaṅkhātavikkhepaṃ vicchinditvā ekasmimyeva ārammaṇe avikkhittabhāvāpādanena sammadeva āhitam. Tenāha “**suṭṭhu ṭhapitan**”ti-ādi. Cittassa anekaggabhāvo vikkhepavasena cañcalatā, sā satī ekaggaṭāya na hotīti āha “**ekaggaṃ acalam nipphandanam**”ti. **Ettāvatāti** “āraddham kho paṇā”ti-ādinā vīriyasatipassaddhisamādhīnam kiccāsiddhidassanena. Nanu ca saddhāpaññānampi kiccāsiddhi jhānassa pubbaṭṭipadāya icchitabbāti? Saccam icchitabbā, sā pana nānantariyabhāvena avuttasiddhāti na gahitā. Asati hi saddhāya vīriyārambhādīnam asambhavoyeva, paññāpariggahe ca nesam asati paññāyārambhādībhāvo na siyā. Tathā asallīnāsammosatādayo vīriyādīnanti asallīnatādiggahaṇenevettha paññākiccāsiddhi gahitāti daṭṭhabbam. Jhānabhāvanāyam vā samādhikiccam adhikam icchitabbanti dassetum samādhipariyosānāva **jhānassa pubbaṭṭipadā kathitāti** daṭṭhabbam.

**Vuttam**, tasmā idha na vattabbam. Visuddhimaggo hi imissā samvaṇṇanāya ekadesabhūtoti vuttovāyamattthoti. **Viharatīti āgamam**

1. Sārattha-Ṭī 1. 353; Am-Ṭī 3. 217 piṭṭhādīsupi passitabbam.

2. Ma 2. 146; Saṃ 1. 266, 464; Am 1. 52; Am 3. 33; Khu 7. 50, 379 piṭṭhesu.

paruddesikattā vihārassa. **Idha vihāsinti āgataṃ** attuddesikattā. Idam kira sabbabuddhānaṃ avijahitanti āha “**ānāpānassatikammaṭṭhānaṃ**”ti. Rūpavirāgabhāvanāvasena<sup>1</sup> pavatto catubbidhopi arūpajjhānaviseso catutthajjhānasaṅgaho evāti āha “**cattāri jhānāni**”ti. Yuttam tāva cittekaggatā bhavokkamanatthātā viya vipassanāpādakatāpi catunnam jhānānaṃ sādharmaṇāti tesam vasena “cattāri jhānāni”ti vacanaṃ, abhiññāpādakatā pana nirodhapādakatā ca catutthasseva jhānassa āveṇikā, sā katham catunnam jhānānaṃ sādharmaṇā vuttāti? Paramparādhiṭṭhānabhāvato. Padaṭṭhānapadaṭṭhānampi hi padaṭṭhānanteva vuccati, kāraṇakāraṇampi kāraṇanti yathā “tiṇehi bhattaṃ siddhan”ti, evaṇca katvā payojananiddese aṭṭhasamāpattiggahaṇaṃ samatthitaṃ hoti. **Cittekaggatathānīti** cittasamādhānatthāni, diṭṭhadhammasukhavihārathānīti attho. Cittekaggatāsīsena hi diṭṭhadhammasukhavihāro vutto, sukkhavipassakakhīṇāsavavasena cetam vuttam. Tenāha “**ekaggacittā sukham divasaṃ viharissāmā**”ti. **Bhavokkamanatthānīti** bhavesu nibbatti-atthāni.

Yasmā<sup>2</sup> bodhisattena bodhimaṇḍūpasāṅkamanato pubbepi carimabhava catutthajjhānaṃ nibbattitapubbaṃ, tadā pana taṃ nibbattitamattameva ahosi, na vipassanāpādakaṃ, tasmā “**bodhirukkhamūle nibbattitan**”ti tato visesetvā vuttam. **Vipassanāpādakanti** vipassanārambhe vipassanāya pādakaṃ. **Abhiññāpādakanti** etthāpi eseva nayo. Buddhānaṃ hi paṭhamārambhe eva pādakajjhānena payojanaṃ ahosi, na tato paraṃ uparimaggādhigamaphalasamāpatti-abhiññāvaḷaṇjanādi-attham. Abhisambodhisamadhi gamato paṭṭhāya hi sabbam ñāṇasamādhikiccam ākaṅkhamattapaṭibaddhamevāti. **Sabbakiccasādhakanti** anupubbaviharādisabbakiccasādhakaṃ. **Sabbalokiyalokuttaragūṇadāyakanti** ettha vipassanābhiññāpādakatā eva catutthassa jhānassa bhāgavato sabbalokiyalokuttaragūṇadāyakatā veditabbā. Sabbaññutaññānapadaṭṭhānaṃ hi maggañāṇaṃ, maggañāṇapadaṭṭhānaṃca sabbaññutaññāṇaṃ abhisambodhi, tadadhigamasamakārameva bhāgavato sabbe buddhagūṇā hatthagatā ahesuṃ, catutthajjhānasannissayo ca maggādhigamoti.

Pubbabhāgapaṭipadādivaṇṇanā niṭṭhitā.

1. Sārattha-Ṭī 1. 380 piṭṭhepi passitabbaṃ. 2. Sārattha-Ṭī 1. 383 piṭṭhepi passitabbaṃ.



### Pubbenivāsakathāvaṇṇanā

52. **Dvinnam vijjānanti** pubbenivāsañāḍadibbacakkhuñāṇasañkhātānaṃ dvinnam vijjānaṃ. **Anupadavaṇṇanā**ti tāsam vijjānaṃ niddesapāḷiyā anupadavaṇṇanā. **Bhāvanā**ṇayoti uppādanavidhi. “**So**”ti paccattavacanassa ahaṃ-saddena sambandhanekāraṇaṃ dassetuṃ “**abhininnāmesin**”ti-ādi vuttaṃ. Pāḷiyam vā “abhininnāmesin”ti uttamapurisassa yogoti ahaṃ-saddena ānetvā vuccamāne tadattho pākaṭo hotīti “**so ahan**”ti vuttaṃ. **Abhinīharinti** cittaṃ jhānārammaṇato apanetvā pubbenivāsābhimukhaṃ pesesiṃ, pubbenivāsannaṃ pubbenivāsapaṇaṃ pubbenivāsapabbhāraṃ akāsinti attho.

Pubbe atītajātīsu nivutthakkhandhā pubbenivāso. **Nivutthāti** ca ajjhāvutthā anubhūtā attano santāne uppajjitvā niruddhā, gocaranivāseṇa nivutthadhammā vā attano viññāṇena viññātā, paraviññāṇaviññātāpi vā chinnavaṭumakānussaraṇādīsu, taṃ pubbenivāsaṃ yāya satiyā anussarati, tāya sampayuttaṃ nāṇaṃ **pubbenivāsānussatiñāṇaṃ**. **Paṭinivattantassāti** pubbenivāsaṃ anussaraṇavasena yāvadicchakaṃ gantvā paccāgacchantassa. **Tasmāti** vuttassevatthassa kāraṇabhāvena paccāmasanaṃ, paṭinivattantassa paccavekkhaṇabhāvatoti vuttaṃ hoti. **Idhūpapattiyāti** idha carimabhava upapattiyā. **Anantaranti** atītānantaramāha. **Amutrāti** amukasmim bhaveti attho. **Udapādinti** uppajjim. **Tāhi devatāhīti** tusitādevatāhi. **Ekagottoti** tusitagottena ekagotto. Mahābodhisattānaṃ santānassa pariyoṣānavatthāya devalokūpapattijanakaṃ nāma akusalena kammunā anupaddutameva hotīti adhippāyena “**dukkhaṃ pana sañkhāradukkhamevā**”ti vuttaṃ. Mahāpuññānampi pana devaputtānaṃ pubbanimittuppattikālādīsu anitthārammaṇasamāyogo hotiyevāti “kadāci dukkhadukkhassapi sambhavo natthī”ti na sakkā vattum. **Sattapaññāsa -pa- pariyaṇtoti** idaṃ manussānaṃ vassagaṇanāvasena vuttaṃ. Tattha devānaṃ vassagaṇanāya pana catusahassameva.

Atītabhave<sup>1</sup> khandhā tappaṭibaddhanāmagottāni ca sabbam pubbenivāsanteva saṅgahitanti āha “**kiṃ viditaṃ karoti? Pubbenivāsan**”ti. **Moho paṭicchādakatthena** “**tamo**”ti vuccati “tamo viyā”ti katvā.

1. Sārattha-Ṭī 1. 394 piṭṭhādīsupi passitabbaṃ.

**Obhāsakaraṇaṭṭhenā**ti kātābato karaṇaṃ, obhāsova karaṇaṃ, attano paccayena obhāsabhāvena nibbattetabbaṭṭhenāti attho. **Sesaṃ pasarṃsāvacaṇanti** paṭipakkhavidhamanapavattivisesānaṃ bodhanato vuttaṃ. **Avijjā vihatā**ti etena vijjanaṭṭhena vijjāti ayampi attho dīpitoti daṭṭhabbaṃ. **Yasmā vijjā uppannā**ti etena vijjāpaṭipakkhā avijjā, paṭipakkhatā cassā pahātabbabhāvena vijjāya ca pahāyakabhāvenāti dasseti. **Esa nayo itarasmimpi padadvayeti** iminā tamo vihato vinaṭṭho. Kasmā? Yasmā āloko uppannoti imamatthaṃ atidisati. **Pesitattassā**ti yathādhippetatthasiddhiṃ pati vissaṭṭhacittassa. **Yathā appamattassā**ti aññassapi kassaci mādisassāti adhippāyo.

Pubbenivāsakathāvaṇṇanā niṭṭhitā.

### Dibbacakkhuññāṇakathāvaṇṇanā

53. **Idhā**ti bhayabheravasutte vuttaṃ. Idha ayaṃ visesoti yojanā. **Vuttasadisameva** “meti mayā”ti-ādinā. **Parikammakiccanti** “abhiññāpādakacatutthajjhānato vuṭṭhāya sabbapacchimā nisajjā āvajjitabbā”ti-ādinā, kasiṇārammaṇaṃ abhiññāpādakajjhānaṃ sabbākārena abhinīhārakkhamaṃ katvā”ti-ādinā ca vuttena parikammaṇa kiccaṃ payojanaṃ natthi. **Na tena idha atthoti** tena bhāvanānāyena idha pāḷiyā atthavaṇṇanāyaṃ attho natthi tathābhāvanāya idha anadhippetattāti adhippāyo.

Dibbacakkhuññāṇakathāvaṇṇanā niṭṭhitā.

### Āsavakkhayaññāṇakathāvaṇṇanā

54. **Vipassanāpādakanti**<sup>1</sup> vipassanāya padaṭṭhānabhūtaṃ. Vipassanā ca tividhā vipassanākapuggalabhedena. Mahābodhisattānaṃ hi Paccekabodhisattānaṃ ca vipassanā cintāmayaññāsaṃvaddhitattā<sup>2</sup> sayambhuññābhūtā,

1. Sārattha-Ṭī 1. 407; Dī-Ṭī 1. 269; Am-Ṭī 2. 134 piṭṭhādīsupi passitabbaṃ.

2. Cintāmayaññāsaṃvaddhitā (Ka)

itaresaṃ sutamayaññāsaṃvaddhitattā paropadesasambhūtā, sā “ṭhapetvā nevasaññānāsaññāyatanaṃ avasesarūpārūpajjhānānaṃ aññatarato vuṭṭhāyā”ti-ādinā anekadhā arūpamukhavasena catudhātuvavatthāne vuttānaṃ tesāṃ tesāṃ dhātupariggahamukhānaṃ aññataramukhavasena anekadhāva **visuddhimagge**<sup>1</sup> nānāyato vibhāvitā. Mahābodhisattānaṃ pana catuvīsatiakoṭisatasahassamukhena pabhedagamanato nānāyamaṃ sabbaññūtaññāsaṃnissayassa ariyamaggaññāsa adhiṭṭhānabhūtaṃ pubbabhāgaññagabbhaṃ gaṇhāpentaṃ paripākamaṃ gacchantaṃ paramagambhīrasaṃhasukhumataṃ anaññasādhāraṇaṃ vipassanāññānaṃ hoti, yaṃ aṭṭhakathāsu mahāvajiraññānti vuccati. Yassa ca pavattivibhāgena catuvīsatiakoṭisatasahassappabhedassa pādakabhāvena samāpajjiyamānā catuvīsatiakoṭisatasahassasaṅkhā devasikāṃ satthu vaḷaṅjanakasamāpattiyo vuccanti, svāyaṃ buddhānaṃ vipassanācāro paramatthamañjūsāya **Visuddhimaggasaṃvaṇṇanāya**<sup>2</sup> uddesato dassito, atthikehi tato gahetabboti.

Āsavānaṃ khepanato samucchindanato āsavakkhayo, ariyamaggo, ukkaṭṭhaniddesavasena arahattamaggaggaṇaṃ. Āsavānaṃ khaye ñānaṃ **āsavakkhayaññānti** dassento “**tatra cetāṃ ñānaṃ**”ti vatvā **khayeti** ca ādhāre bhumaṃ, na visayeti dassento “**tappariyāpannattā**”ti āha. **Idaṃ dukkhanti** dukkhassa ariyasaccassa tadā paccakkhato gahitabhāvadassanaṃ. **Ettakaṃ dukkhanti** tassa paricchijja gahitabhāvadassanaṃ. **Na ito bhiiyoti** anavasesetvā gahitabhāvadassanaṃ. Tenāha “**sabbampi dukkhasaccaṃ**”ti-ādi. **Sarasalakkhaṇapaṭivedhenāti** sabhāvasaṅkhātassa lakkhaṇassa asammohato paṭivijjhanena. **Asammohapaṭivedhoti** ca yathā tasmim ñāṇe pavatte pacchā dukkhassa sarūpādiparicchede sammoho na hoti, tathā pavatti. Tenāha “**yathābhūtaṃ abbaññāsin**”ti. **Yaṃ ṭhānaṃ patvāti** yaṃ nibbānaṃ maggassa ārammaṇapaccayaṭṭhena kāraṇabhūtaṃ āgamma. Tadubhayavato hi puggalassa patti tadubhayassa pattīti vuttaṃ. **Patvāti** vā pāpuṇanahetu. **Appavattinti** appavattinimittaṃ. Te vā nappavattanti etthāti **appavatti**, nibbānaṃ. **Tassāti** dukkhanirodhassa. **Sampāpakanti** sacchikiriyāvasena sammadeva pāpakamaṃ.

1. Visuddhi 1. 342 piṭṭhe.

2. Visuddhi-Ṭī 1. 259 piṭṭhe.

**Kilesavasenāti** āsavasaṅkhātakilesavasena. Yasmā āsavānaṃ dukkhasaccapariyāyo tappariyāpannattā, sesasaccānañca taṃsamudayādipariyāyo atthi, tasmā vuttaṃ “**pariyāyato**”ti. Dassetto saccānīti yojanā. Āsavānaṃyeva cettha gahaṇaṃ “āsavānaṃ khayañāṇāyā”ti āraddhattā. Tathā hi āsavavimuttisīseneva sabbasaṅkilesavimutti vuttā. “**Idaṃ dukkhanti yathābhūtaṃ abbaññāsīn**”ti-ādinā missakamaggo idha kathitoti “**saha vipassanāya koṭippattaṃ maggaṃ katheti**”ti vuttaṃ. Ettha ca saccapaṭivedhassa tadā atītakālikattā “yathābhūtaṃ abbaññāsīn”ti vatvāpi abhisamayakāle tassa paccuppannataṃ upādāya “evaṃ jānato evaṃ passato”ti vattamānakālena niddeso kato. So ca kāmaṃ maggakkhaṇato paraṃ yāvajjatanā atītakāliko eva, sabbapaṭhamāṃ panassa atītakālikattaṃ phalakkhaṇena veditabbanti āha “**vimuccitthāti iminā phalakkhaṇaṃ dasseti**”ti. **Jānato passato**bhi vā hetuniddesoyāṃ. Jānanahetu dassanahetu kāmāsavā cittaṃ vimuccitthāti yojanā. Bhavāsavaggahaṇeneva cettha bhavarāgassa viya bhavadiṭṭhiyāpi samavarodhoti diṭṭhāsavassapi saṅgaho daṭṭhabbo.

**Khīṇā jāṭīti-ādīhi** padehi. **Tassāti** paccavekkhaṇaṇāṇassa. **Bhūminti** pavattiṭṭhānaṃ. **Na tāvassa atītā jāti khīṇā** maggabhāvanāyāti adhippāyo. Tattha kāraṇamāha “**pubbeva khīṇattā**”ti. Na anāgatā assa jāti khīṇāti yojanā. **Na anāgatāti** ca anāgatattasāmaññaṃ gahetvā lesena codeti. Tenāha “**anāgate vāyāmābhāvato**”ti, anāgataviseso panettha adhippeto, tassa ca khepane vāyā mopi labbhateva. Tenāha “**yā pana maggassā**”ti-ādi. **Ekacatupañcavokārabhavesūti** bhavattayaggahaṇaṃ vuttanayena anavasesato jātiyā khīṇabhāvadassanattamaṃ. **Tanti** yathāvuttaṃ jātiṃ. **Soti** bhagavā.

Brahmacariyavāso nāma idha maggabrahmacariyassa nibbattanamevāti āha “**niṭṭhitan**”ti. Sammādiṭṭhiyā catūsu saccesu pariññādikiccasādhanavasena pavattamānāya sammāsaṅkappādīnampi dukkhasacce pariññābhisamayānuguṇā pavatti, itarasaccesu ca nesaṃ pahānābhisamayādivasena pavatti pākaṭā eva. Tena vuttaṃ “**catūhi maggehi pariññāpahānasacchikiriyābhāvanāvasenā**”ti. **Itthattāyāti** ime pakārā ittham, tabbhāvo itthattam, tadatthanti

vuttam̐ hoti. Te pana pakārā ariyamaggabyāpārabhūtā pariññādayo idhādhippetāti āha “**evaṃsoḷasakiccabhāvāyā**”ti. Te hi maggam̐ paccavekkhato maggānubhāvena pākaṭā hutvā upaṭṭhahanti, pariññādīsu ca pahānameva vadhānam̐ tadatthattā itaresanti āha “**kilesakkhayāya vā**”ti. Pahīnakilesapaccavekkhaṇavasena vā etaṃ vuttam̐. **Itthattāyāti** nissakke sampadānavacananti āha “**itthabhāvato**”ti. **Aparam̐** anāgataṃ. **Ime pana** carimattabhāvasaṅkhātā **pañcakkhandhā**. **Pariññātā tiṭṭhantī**ti etena tesam̐ appaṭiṭṭhataṃ dasseti. Apariññāmūlakā hi paṭiṭṭhā. Yathāha “kabaḷikāre ce bhikkhave āhāre atthi rāgo atthi nandī atthi taṇhā, paṭiṭṭhitaṃ tattha viññānam̐ virūḷhan”ti-ādi<sup>1</sup>. Tenevāha “**chinnamūlakā rukkhā viyā**”ti-ādi.

**Paccavekkhaṇañāpariggahitaṃ**, na paṭhamadutiyañāḍadvayādhiḡamaṃ viya kevalanti adhippāyo. **Dassento** nigamanavasenāti adhippāyo. Sarūpato hi taṃ pubbe dassitamevāti. Pubbenivāsañāḇena atītārammaṇasabhāgatāya tabbhāvībhāvato ca atītāmsañāḇam̐ saṅgahetvāti yojanā. Tattha **atītāmsañāḇanti** atītakhandhāyatanadhātusaṅkhāte atītakotṭhāse appaṭiṭṭhataṃ ñāḇam̐. **Dibbacakkhunāti** sapaṛibhaḇḇena dibbacakkhuñāḇena. Paccuppannam̐so ca anāgataṃso ca paccuppannānāgataṃsam̐, tattha ñāḇam̐ **paccuppannānāgataṃsañāḇam̐**. **Sakalalokiyalokuttaraguṇanti** etena sabbam̐ lokam̐ uttaritvā abhibhuyya ṭhitattā sabbaññutaññāḇassa viya sesāsādhāraṇañāḇassa balañāḇa-āveṇikabuddhadhammādīnampi anaññasādhāraṇānam̐ buddhaguṇānam̐ saṅgaho veditabbo. Tenāha “**sabbepi sabbaññuguṇe saṅgahetvā**”ti.

Āsavakkhayañāḇakathāvaṇṇanā niṭṭhitā.

### Araññāvāsakāraṇavaṇṇanā

55. **Siyā kho pana te brāhmaṇāti** ettha **siyāti** “appevā”ti iminā samānattho nipāto, tasmā brāhmaṇa appeva kho pana te

1. Saṃ 1. 325; Abhi 4. 114; Khu 7. 19 piṭṭhesu.

evamassāti attho. Yaṃ pana aṭṭhakathāyaṃ “**kadācī**”ti vuttaṃ, tampi imamevatthaṃ sandhāya vuttaṃ akāraṇaṃ brāhmaṇena parikkappitamattaṃ paṭipakkhipitvā attano adhippetam kāraṇaṃ dassento. Atthova phalaṃ tadadhīnavuttitāya vaso etassāti **atthavaso**, hetūti evaṃ vā ettha attho daṭṭhabbo. **Attano ca diṭṭhadhammasukhavihāranti** etena satthā attano vivekābhiratiṃ pakāsetīti dassento “**diṭṭhadhammo nāmā**”ti-ādimāha. Tattha **iriyāpathavihārānanti** iriyāpathapavattīnaṃ. Tappavattiyo hi ekasmiṃ iriyāpathe uppannadukkhaṃ aññena iriyāpathena vicchinditvā haraṇato vihārāti vuccanti. **Pacchimañca janataṃ anukampamānoti** etena yo ādito brāhmaṇena “bhavaṃ tesaṃ Gotamo pubbaṅgamo -pa- diṭṭhānugatiṃ āpajjati”ti vutto, yo ca tathā “evametaṃ brāhmaṇā”ti-ādinā attanā sampaṭicchito, tameva atthaṃ nigamanavasena dassento yathānusandhināva satthā desanaṃ niṭṭhāpesi.

Araññavāsakāraṇavaṇṇanā niṭṭhitā.

### Desanānumodanāvaṇṇanā

56. Evaṃ niṭṭhāpitāya desanāya brāhmaṇo tattha bhagavati pasādaṃ pavedento “**abhikkantaṃ**”ti-ādimāha. **Abhikkantāti**<sup>1</sup> atikkantā, vigaṭāti atthoti āha “**khaye dissati**”ti. Teneva hi “**nikkhanto paṭhamo yāmo**”ti vuttaṃ. **Abhikkantataroti** ativiya kantataro manoramo. Tādiso ca sundaro bhaddako nāma hotīti āha “**sundare dissati**”ti.

**Koti** devanāgayakkhagandhabbādīsu ko katamo. **Meti** mama. **Pādānīti** pāde. **Iddhiyāti** imāya evarūpāya deviddhiyā. **Yasasāti** iminā edisena parivārena pariṇāna. **Jalanti** vijjotamāno. **Abhikkantenāti** ativiya kantena kamaṇīyena abhirūpena. **Vaṇṇenāti** chavivaṇṇena sarīravaṇṇanibhāya. **Sabbā obhāsayaṃ disāti** dasapi obhāsento pabhāsento, cando viya sūriyo viya ca ekobhāsam

1. Sārattha-Ṭī 1. 411; Dī-Ṭī 1. 273; Saṃ-Ṭī 1. 42; Am-Ṭī 2. 15 piṭṭhādīsūpi passitabbarā.

ekālokaṃ karontoti gāthāya attho. **Abhirūpeti** uḷārarūpe sampannarūpe.

“Coro coro, sappo sappo”ti-ādīsu **bhaye āmeḍitaṃ**. “Vijjha vijjha, pahara paharā”ti-ādīsu **kodhe**, “sādhu sādhu”ti-ādīsu<sup>1</sup> **pasamsāyaṃ**, “gaccha gaccha, lunāhi lunāhi”ti-ādīsu **turite**, “āgaccha āgacchā”ti-ādīsu **kotuhale**, “buddho buddhoti cinto”ti-ādīsu<sup>2</sup> **acchare**, “abhikkamathāyasmanto, abhikkamathāyasmanto”ti-ādīsu<sup>3</sup> **hāse**, “kahaṃ ekaputtaka, kahaṃ ekaputtakā”ti-ādīsu<sup>4</sup> **soke**, “aho sukhaṃ aho sukhaṃ”ti-ādīsu<sup>5</sup> **pasāde**. **Ca-**saddo avuttasamuccayattho. Tena garahā-asammānādīnaṃ saṅgaho daṭṭhabbo. Tattha “pāpo pāpo”ti-ādīsu **garahāyaṃ**. “Abhirūpaka abhirūpakā”ti-ādīsu **asammāne** daṭṭhabbam.

Nayidaṃ āmeḍitavasena dvikkhattuṃ vuttaṃ, atha kho atthadvayavasenāti dassento “**atha vā**”ti-ādīmāha. **Abhikkantanti** vacanaṃ apekkhitvā napuṃsakaliṅgavasena vuttaṃ, taṃ pana bhagavato vacanaṃ dhammassa desanāti katvā tathā vuttaṃ. Atthamattadassanaṃ vā etaṃ, tasmā atthavasena liṅgavibhattivipariṇāmo veditabbo. Dutiyapadepi eseva nayo. **Dosanāsanatoti** rāgādikilesadosavidhamaṇato, **guṇādhigamaṇatoti** sīlādiguṇānaṃ sampāpanato. Ye guṇe desanā adhigameti, tesu padhānabhūtā dassetabbāti te padhānabhūte tāva dassetuṃ “**saddhājananato paññājananato**”ti vuttaṃ. Saddhāpamukhā hi lokiyā guṇā, paññāpamukhā lokuttarā. Sīlādi-atthasampattiyā **sāttthato**, sabhāvaniruttisampattiyā **sabyañjanato**. Suviññeyyasaddapayogatāya **uttānapadato**, saṅhasukhumabhāvena dubbhiññeyyatthatāya **Gambhīratthato**. Siniddhamudumadhurasaddapayogatāya **kaṇṇasukhato**, vipulavisuddhapemaṇiyatthatāya **hadayaṅgamato**. Mānātimānavidhamaṇena **anattukkaṃsanato**, thambhasārambhamaḍḍanaṇena **aparavambhanato**. Hitādhippāyapavattiyā paresaṃ rāgaparīḷhādivūpasamaṇena ca **karuṇāsīlato**,

1. Ma 1. 267; Saṃ 1. 389; Saṃ 2. 29; Saṃ 3. 374 piṭṭhesu.

2. Khu 4. 310 piṭṭhe.

3. Dī 3. 12; Aṃ 3. 181 piṭṭhesu.

4. Ma 2. 309, 310; Saṃ 1. 323 piṭṭhesu.

5. Khu 1. 98, 99; Dī 3. 183; Vi 4. 339, 340 piṭṭhesu.

kilesandhakāraavidhamanena **paññāvadātato**. Karavīkarutamañjutāya **āpātharamaṇīyato**, pubbāparāvīruddhasuvisuddhatthātāya **vimaddakkhamato**. Āpātharamaṇīyatāya eva **suyyamānasukhato**, vimaddakkhamatāya hitajjhāsayaṇṇavattitātāya ca **vīmaṃsiyamānahitato**. **Evamādīhīti ādisaddena** saṃsāracakkanivattanato, saddhammacakkappavattanato, micchāvādaavidhamanato sammāvādapatiṭṭhāpanato, akusalamūlasamuddharaṇato, kusalamūlasamropanato, apāyadvārapidhānato, saggamaggadvāravivaraṇato, pariyaṭṭhānavūpasamanato, anusayasamugghātanatoti **evamādīnaṃ saṅgho daṭṭhabbo**.

**Adhomukhaṭṭhapitanti** kenaci adhomukhaṃ ṭhapitaṃ. **Heṭṭhāmukhajātanti** sabhāveneva heṭṭhāmukhajātaṃ. **Ugghāteyyāti** vivaṭaṃ kareyya. **Hatthe gahetvāti** “puratthābhimukho, uttarābhimukho vā gacchā”ti-ādīni avatvā hatthe gahetvā “nissandehaṃ esa maggo, evaṃ gacchā”ti vadeyya. **Kālapakkhacātuddasīti** kālapakkhe cātuddasīti.

**Nikujjitam** ādheyyassa anādhārabhūtaṃ bhājanam ādhārabhāvāpādanavasena **ukkujeyya**. Heṭṭhāmukhajātātāya **saddhammavimukhaṃ**, adhomukhaṭṭhapitātāya **asaddhamme patitanti** evaṃ padadvayaṃ yathārahaṃ yojetabbaṃ, na yathāsaṅkhyam. Kāmaṃ kāmacchandādayopi paṭicchādakā, micchādiṭṭhi pana savisesaṃ paṭicchādikāti āha **“micchādiṭṭhigāhanapaṭicchannaṃ”**ti. Tenāha bhagavā “micchādiṭṭhiparamāhaṃ bhikkhave vajjaṃ vadāmi”ti<sup>1</sup>. Sabbo apāyagāmi maggo **kummaggo** “kucchito maggo”ti katvā. Sammādiṭṭhi-ādīnaṃ ujupaṭipakkhatāya micchādiṭṭhi-ādayo aṭṭha micchattadhammā **micchāmaggo**. Teneva hi tadubhayapaṭipakkhatam sandhāya **“saggamokkhamaggaṃ ācikkhantaṃ”**ti vuttaṃ. Sappi-ādisannissayo padīpo na tathā ujjalo, yathā telasannissayoti **telapajjotaggahaṇam**. **Etehi pariyāyehīti** etehi nikujjitukkujjanapaṭicchannavivaraṇādi-upamopamitabbapakārehi, **etehi** vā yathāvuttehi soḷasārammaṇapariggaha-asammohavīhāradibbavīhāravībhāvanapariyāyehi vijjāttayavībhāvanāpadesena attano sabbaññuḡaṇavībhāvanapariyāyehi ca. Tenāha **“anekapariyāyena dhammo pakāsito”**ti.

Desanānumodanāvaṇṇanā niṭṭhitā.

1. Am 1. 35 piṭṭhe.



### Pasannakāraṇaṇā

**Pasannakāraṇanti** pasannehi kātabbāṃ sakkāraṃ. **Saraṇanti** paṭisaraṇaṃ. Tenāha “**parāyaṇaṇ**”ti. Parāyaṇabhāvo ca anattānisedhanena atthasampāṭi pādanena ca hotīti āha “**aghasa tātā hitassa ca vidhātā**”ti. **Aghassāti** dukkhatoti vadanti, pāpatoti pana yuttaṃ. Nissakke cetāṃ sāmivacaṇaṃ. Ettha ca nāyaṃ gami-saddo nī-saddādayo viya dvikammako, tasmā yathā “ajaṃ gāmaṃ neti”ti vuccati, evaṃ “gotamaṃ saraṇaṃ gacchāmi”ti vattum na sakkā, “saraṇanti gacchāmi”ti pana vattabbāṃ. Iti-saddo cettha luttaniddiṭṭho, tassa cāyamattho—gamanañca tadadhippāyena bhajanaṃ, tathā jānanaṃ vāti dassento “**iti iminā adhippāyena**”ti-ādimāha. Tattha **bhajāmi**ti-ādīsu purimassa purimassa pacchimaṃ pacchimaṃ atthavacaṇaṃ. **Bhajanaṃ** vā saraṇādhippāyena upasaṅkamaṇaṃ, **sevanaṃ** santikāvacaṇatā, **payirupāsanaṃ** vattapaṭivattakaraṇena upaṭṭhānanti evaṃ sabbathāpi anaññasaraṇatāmyeva dīpeti. “**Gacchāmi**”ti padassa kathaṃ “**bujjhāmi**”ti ayamattho labbhatīti āha “**yesañhi**”ti-ādi.

**Adhigatamagge**, sacchikatanirodheti padadvayenapi phalaṭṭhā eva dassitā, na maggaṭṭhāti te dassento “**yathānusiṭṭhaṃ paṭipajjamāne cā**”ti āha. Nanu ca kalyāṇaputhujjanopi yathānusiṭṭhaṃ paṭipajjatīti vuccatīti? Kiñcāpi vuccati, nippariyāyena pana maggaṭṭhā eva tathā vattabbā, na itare niyāṃokkamaṇābhāvato. Tathā hi te eva “**apāyesu apatamāne dhāretī**”ti vuttā. Sammattāniyāṃokkamaṇena hi apāyavinimuttisambhavo. **Akkhāyatīti** ettha **iti**-saddo ādi-attho, pakārattho vā. Tena “yāvata bhikkhave dhammā saṅkhatā vā asaṅkhatā vā, virāgo tesāṃ aggamaṅkakhāyatī”ti **suttapadam**<sup>1</sup> saṅgaṇhāti, **vitthāroti** vā iminā. Ettha ca **ariyamaggo** niyyānikatāya, **nibbānaṃ** tassa tadatthasiddhihetutāyāti ubhayamevettha nippariyāyena dhammoti vutto. Nibbānaṃ hi ārammaṇapaccayabhūtaṃ labhitvā ariyamaggassa tadatthasiddhi, ariyaphalānaṃ “yasmā tāya saddhāya avūpasantāyā”ti-ādivacaṇato maggena samucchinnānaṃ kilesānaṃ paṭippassadhiphānakiccatāya niyyānānugūṇatāya niyyānapariyosānatāya ca. Pariyattidhammassa pana niyyānadhammasamadhiagamahetutāyāti

1. Am 1. 343; Khu 1. 254 piṭṭhesu.

iminā pariyāyena dhammabhāvo labbhati eva, svāyamattho pāṭhāruḷho evāti dassento “**na kevalan**”ti-ādimāha.

Kāmarāgo bhavarāgoti evamādibhedo sabbopi rāgo virajjati pahiyati etenāti **rāgavirāgoti maggo kathito**. Ejāsankhātāya taṇhāya antonijjhānalakkhaṇassa sokassa ca taduppattiyam sabbaso parikkhīṇattā **anejamasokanti phalam kathitam**. **Appaṭikūlanti** avirodhadīpanato kenaci aviruddham, iṭṭham paṇīṭanti vā attho. Paḡuṇarūpena pavattitattā, pakaṭṭhagaṇavibhāvanato vā **paḡuṇam**. Yathāha “vihimsasaññī paḡuṇam na bhāsim, dhammam paṇītam manujesu brahme”ti. Sabbadhammakhandhā kathitāti yojanā.

**Diṭṭhisīlasaṅghātenāti** “yāyam diṭṭhi ariyā niyyānikā niyyāti takkarassa sammā dukkhakkhayāya, tathārūpāya diṭṭhiyā diṭṭhisāmaññagato viharatī”ti<sup>1</sup> evam vuttāya diṭṭhiyā, “yāni tāni silāni akhaṇḍāni acchiddāni asabalāni akammāsāni bhujissāni viññuppasatthāni aparāmaṭṭhāni samādhisaṃvattanikāni, tathārūpehi sīlehi sīlasāmaññagato viharatī”ti<sup>2</sup> evam vuttānam sīlānaṅca saṃhatabhāvena, diṭṭhisīlasāmaññenāti attho. **Saṃhatoti** ghaṭito. Ariyapuggalā hi yattha katthaci dūre ṭhitāpi attano ḡuṇasāmaggiyā saṃhatā eva. **Aṭṭha ca puggala dhammasā teti** te purisayugavasena cattāropi puggalavasena aṭṭheva ariyadhammasa paccakkhadassāvitāya dhammasā. Tīṇi vatthūni saraṇanti gamanena tikkhattum gamanena ca **tīṇi saraṇagamanāni**. **Paṭivedesīti** attano hadayagataṃ vācāya pavedesi.

Pasannakāraṇaṇā niṭṭhitā.

### Saraṇagamanakathāvaṇṇanā

Saraṇagamanassa visayapabhedaphalasaṃkilesabhedānam viya kattu ca vibhāvanā tattha kosallāya hotīti “**saraṇagamanesu**

1. Dī 3. 204, 237; Ma 1. 397; Ma 3. 39 piṭṭhesu.

2. Dī 3. 203; Ma 1. 397; Ma 3. 39; Am 2. 256; Vi 5. 168 piṭṭhesu.

**kosallattham saraṇam -pa- veditabbo**”ti vuttam tena vinā saraṇagamanasseva asambhavato. Kasmā panettha vodānam na gahitam, nanu vodānavibhāvanāpi tattha kosallāvahāti? Saccametam, tam pana samkilesaggaḥaṇeneva atthato dīpitaṃ hotīti na gahitam. Yāni hi tesam samkilesakāraṇāni aññāṇādīni, tesam sabbena sabbam anuppannānam anuppādanena, uppannānañca pahānena vodānam hotīti. Himśattassa sara-saddassa vasenetam padaṃ daṭṭhabbanti **“himsatīti saraṇam”**ti vatvā tam pana himśanam kesam, katham, kassa vāti codanam sodhento **“saraṇagatānam”**ti-ādimāha. Tattha **bhayanti** vaṭṭabhayaṃ. **Santāsanti** cittutrāsam. Teneva cetasikadukkhassa gahitattā **dukkhanti** idha kāyikaṃ dukkham. **Duggatiparikilesanti** duggatipariyāpannam sabbam dukkham. Tayidaṃ sabbam parato phalakathāyaṃ āvi bhavissati. **Etanti** “saraṇam”ti padaṃ.

Evam avisesato saraṇasaddassa attham dassetvā idāni visesato dassetuṃ **“atha vā”**ti-ādi vuttam. **Hite pavattamānenāti** “sampannasilā bhikkhave viharathā”ti-ādinā<sup>1</sup> atthe niyojanena. **Ahitā ca nivattanenāti** “pāṇātipātassa kho pāpako vipāko pāpakaṃ abhisamparāyan”ti-ādinā ādinavadassanādimukhena anatthato vinivattanena. **Bhayaṃ himśatīti** hitāhitesu appavattipavattihetukaṃ byasanam appavattikaraṇena vināseti. **Bhavakantārā uttāraṇena** maggasaṅkhāto dhammo, itaro **assāsādānena** sattānam bhayaṃ himśatīti yojanā. **Kārānanti** dānavasena pūjāvasena ca upanītānam sakkārānam. **Vipulaphalapaṭilābhakaraṇena** sattānam bhayaṃ himśati anuttaradakkhiṇeyyabhāvatoti adhippāyo. **Imināpi pariyaṇenāti** imināpi vijitvā vuttana kāraṇena.

“Sammāsambuddho bhagavā, svākkhāto dhammo, suppaṭipanno saṅgho”ti evam pavatto tattha ratanattaye pasādo tappasādo, tadeva ratanattayaṃ garu etassāti taggaru, tassa bhāvo taggarutā, tappasādo ca taggarutā ca **tappasādataggarutā**, tāhi. Vidhutadīṭṭhivicicchāsammoha-assaddhiyādītāya **vihatakilesa**. “Tadeva ratanattayaṃ parāyaṇam

---

1. Ma 1. 39, 43 piṭṭhesu.

gati tānaṃ leṇaṃ”ti evaṃ ākārena pavattiyā **tapparāyaṇatākārapavatto cittuppādo saraṇagamanam** “saraṇanti gacchati etenā”ti. **Tamsamaṅgī** tena yathāvuttacittuppādena samannāgato. **Evaṃ upetī**ti evaṃ bhajati sevati payirupāsati, evaṃ vā jānāti bujjhatīti evamattho veditabbo. Ettha ca pasādaggahaṇena lokiyasaraṇagamanamāha. Tam hi pasādappadhānaṃ, na ṇāṇappadhānaṃ. Garutāgahaṇena lokuttaram. Ariyā hi ratanattayaṃ guṇābhiññatāya pāsāṇacchattaṃ viya garuṃ katvā passanti, tasmā tappasādena vikkhambhanavasena vihatakiḷeso taggarutāya samucchadavasenāti yojetabbaṃ. Tapparāyaṇatā panettha taggatikatāti tāya catubbidhampi vakkhamānaṃ saraṇagamanam gahitanti daṭṭhabbaṃ. Avisesena vā pasādagaruṭā jotitāti pasādaggahaṇena aveccappasādassa itarassa ca gahaṇaṃ, tathā garutāgahaṇenāti ubhayenapi ubhayaṃ saraṇagamanam yojetabbaṃ.

Maggakkhaṇe ijjhatīti yojanā. **Nibbānārammaṇam hutvāti** etena atthato catusaccādhigamoyeva lokuttaram saraṇagamananti dasseti. Tattha hi nibbānadhammo sacchi kiriyābhisamayavasena, maggadhammo bhāvanābhisamayavasena paṭivijjhiyamānoyeva saraṇagamanattaṃ sādheti, buddhaguṇā pana sāvakagocarabhūtā pariññābhisamayavasena, tathā ariyasamhaguṇā. Tenāha “**kiccato sakalepi ratanattaye ijjhati**”ti, ijjhantaṅca saheva ijjhati, na lokiyaṃ viya paṭipāṭiyā asammohapaṭivedhena paṭividdhattāti adhippāyo. Ye pana vadanti “na saraṇagamanam nibbānārammaṇam hutvā pavattati, maggassa adhigatattā pana adhigatameva hoti ekaccānaṃ tevijjādīnaṃ lokiyavijjādayo viyā”ti, tesam lokiyameva saraṇagamanam siyā, na lokuttaram, taṅca ayuttaṃ duvidhassapi icchitabbattā. **Tanti** lokiyasaraṇagamanam. **Saddhāpaṭilābho** “sammāsambuddho bhagavā”ti-ādinā. **Saddhāmūlikāti** yathāvuttasaddhāpubbaṅgamā **sammādiṭṭhi** buddhasubuddhataṃ dhammasudhammataṃ saṅghasuppaṭipattiṅca lokiyāvabodhavaseneva sammā ñāyena dassanato. “Saddhāmūlikā sammādiṭṭhi”ti etena saddhūpanissayā yathāvuttalakkhaṇā paññā lokiyasaraṇagamananti dasseti. Tenāha “**diṭṭhijukammanti vuccati**”ti “diṭṭhi eva attano paccayehi ujum karīyati”ti katvā. Diṭṭhi vā ujum karīyati etenāti **diṭṭhijukammam**, tathā pavatto

cittuppādo. Evañca katvā “tapparāyaṇatākārapavatto cittuppādo”ti idañca vacanaṃ samatthiyaṃ hoti. Saddhāpubbaṅgamasammādiṭṭhiggahaṇaṃ pana cittuppādassa tappadhānatāyāti daṭṭhabbaṃ. “Saddhāpaṭilābho”ti iminā mātādihi ussāhitadārakādīnaṃ viya ñāṇavippayuttasaraṇagamaṇaṃ dasseti, “sammādiṭṭhi”ti iminā ñāṇasampayuttasaraṇagamaṇaṃ.

**Tayidaṃ** lokiyaṃ saraṇagamaṇaṃ. Atthā sanniyyātīyati appīyati pariccajīyati etenāti **attasanniyyātanaṃ**, yathāvuttaṃ diṭṭhijukammaṃ. Taṃ ratanattayaṃ parāyaṇaṃ paṭisaraṇaṃ etassāti tapparāyaṇo, puggalo, cittuppādo vā, tassa bhāvo **tapparāyaṇatā**, yathāvuttadiṭṭhijukammameva. Saraṇanti adhippāyena sissabhāvaṃ antevāsikabhāvaṃ upagacchati etenāti **sissabhāvūpagamaṇaṃ**. Saraṇagamaṇādhippāyeneva paṇipatati etenāti **paṇipāto**. Sabbattha yathāvuttadiṭṭhijukammavaseneva attho veditabbo. **Attapariccajananti** saṃsāradukkhanittharaṇatthaṃ attano attabhāvassa pariccajanaṃ. Esa nayo sesesupi. **Buddhādīnaṃyevāti** avadhāraṇaṃ itaresupi saraṇagamaṇavisesesu yathārahaṃ vattabbaṃ. Evaṃ hi tadaññānivattanaṃ kataṃ hoti.

Evaṃ attasanniyyātanaḍīni ekena pakārena dassetvā idāni aparehipi pakārehi dassetuṃ “**apicā**”ti-ādi āraddhaṃ. Tena pariyāyantarehipi attasanniyyātanaḍi katameva hoti atthassa abhinnattāti dasseti. **Āḷavakādīnanti ādi**-saddena sātāgirihemavatādīnaṃ saṅgaho daṭṭhabbo. Nanu cete āḷavakādayo maggeneva āgatasaraṇagamaṇā, kathaṃ tesam tapparāyaṇatāsaraṇagamaṇaṃ vuttanti? Maggenāgatasaraṇagamaṇehipi “so ahaṃ vicarissāmi gāmaṃ gāmaṇ”ti-ādinā<sup>1</sup> tehi tapparāyaṇatākārassa paveditattā tathā vuttaṃ.

**Ñāti -pa- vasesnāti** ettha ñātivasesna bhayavasena ācariyavasena dakkhiṇeyyavasenaṇāti paccekaṃ “vasesnā”ti padaṃ yojetabbaṃ. Tattha **ñātivasesnāti** ñātibhāvavasena. Evaṃ sesesupi. **Dakkhiṇeyyapaṇipātenāti** dakkhiṇeyyatāhetukena paṇipātena. **Itarehīti** ñātibhāvādivasappavattēhi tīhi paṇipātehi. **Itarehīti-ādinā**

1. Saṃ 1. 217; Khu 1. 317 piṭṭhesu.

saṅkhepato vuttamattham vitthārato dassetuṃ “**tasmā**”ti-ādi vuttaṃ.  
**Vandaṭṭi** paṇipātassa lakkhaṇavacanam. **Evarūpanti** diṭṭhadhammikam  
sandhāya vadati. Samparāyikam hi niyyānikam vā anusāsanam paccāsīsanto  
dakkhiṇeyyapaṇipātameva karotīti adhippāyo. **Saraṇagamanappabhedoti**  
saraṇagamanavibhāgo.

Ariyamaggoyeva lokuttarasaraṇagamananti āha “**cattāri**  
**sāmaññaphalāni vipākaphalan**”ti. **Sabbadukkhakkhayoti** sakalassa  
vaṭṭadukkhassa anuppādanirodho. **Etanti** “cattāri ariyasaccāni,  
sammappaññāya passatī”ti<sup>1</sup> evam vuttaṃ ariyasaccadassanam.

**Niccato anupagamanādivasenā**ti niccanti aggahaṇādivasena. **Aṭṭhānanti**  
hetupaṭikkhepo. **Anavakāsoti** paccayapaṭikkhepo. Ubhayenapi kāraṇameva  
paṭikkhipati. **Yanti** yena kāraṇena. **Diṭṭhisampannoti** maggadiṭṭhiyā  
sampanno sotāpanno. **Kaṅci saṅkhāranti** catubhūmakesu  
saṅkhatasaṅkhāresu ekasaṅkhārampi. **Niccato upagaccheyyā**ti “nicco”ti  
gaṇheyya. **Sukhato upagaccheyyā**ti “ekantasukhī attā hoti arogo param  
maraṇā”ti<sup>2</sup> evam attadiṭṭhivasena sukhato gāham sandhāyetaṃ vuttaṃ.  
Diṭṭhivippayuttacittena pana ariyasāvako pariḷāhavūpasamanattham  
mattahatthiparittāsito viya cakkhabrahmaṇo ukkārabhūmim kaṅci  
saṅkhāram sukhato upagacchati. Attavāre kaṣiṇādīpaññattisaṅgahaṇattham  
“saṅkhāran”ti avatvā “**kaṅci dhamman**”ti vuttaṃ. Imesupi vāresu  
catubhūmakavaseneva paricchedo veditabbo tebhūmakavaseneva vā. Yam  
yam hi puthujjano gāhavasena gaṇhāti, tato tato ariyasāvako gāham  
viniveṭheti. **Mātaranti**-ādīsu janikā **mātā**, janako **pitā**, manussabhūto  
khīṇāsavo **arahāti** adhippeto. Kim pana ariyasāvako aññam jīvitā  
voropeyyāti? Etampi aṭṭhānam, puthujjanabhāvassa pana  
mahāsāvajjabhāvadassanattham ariyasāvakassa phaladīpanatthañcevaṃ  
vuttaṃ. **Duṭṭhacitto** vadhakacittena paduṭṭhacitto. **Lohitam uppādeyyāti**  
jīvamānakasarīre khuddakamakakkhikāya pivanamattampi lohitaṃ uppādeyya.  
**Saṅgham bhindeyyāti** samānasamvāsakam samānasīmāyam ṭhitam  
saṅgham “kammena uddesena voharanto anussāvanena salākaggāhenā”ti<sup>3</sup>  
evam vuttehi pañcahi kāraṇehi

1. Khu 1. 42 piṭṭhe Dhammapade.

2. Dī 1. 29 piṭṭhe.

3. Vi 5. 349 piṭṭhe.

bhindeyya. **Aññāṃ satthāraṃ** aññāṃ titthakaraṃ “ayaṃ me satthā”ti evaṃ gaṇheyyāti **netāṃ ṭhānaṃ vijjatīti** attho.

**Na te gamissanti apāyabhūminti** te buddhaṃ saraṇaṃ gatā tannimittaṃ apāyabhūmiṃ na gamissanti, **devakāyaṃ** pana **paripūressanti** attho.

**Dasahi ṭhānehīti** dasahi kāraṇehi. **Adhiggaṇhanti** adhibhavanti. **Velāmasuttādivasenāpīti** ettha “caturāsītisahassasaṅkhānaṃ suvaṇṇapātirūpiyapātikaṃsapātīnaṃ yathākkamaṃ rūpiyasuvaṇṇahiraññapūrānaṃ karīsassa catutthabhāgappamaṇānaṃ sabbālaṅkārapaṭimaṇḍitānaṃ caturāsītiyā hatthisahassānaṃ caturāsītiyā assasahassānaṃ caturāsītiyā rathasahassānaṃ caturāsītiyā dhenusahassānaṃ caturāsītiyā kaññāsahassānaṃ caturāsītiyā pallaṅkasahassānaṃ caturāsītiyā vatthakoṭisahassānaṃ aparimāṇassa ca khajjabhojjādibhedassa āhārassa pariccajanavasena sattamāsādhikāni satta saṃvaccharāni nirantaraṃ pavattavelāmamahādānato ekassa sotāpannassa dinnadānaṃ mahapphalataraṃ, tato sataṃ sotāpannānaṃ dinnadānato ekassa sakadāgāmissa, tato ekassa anāgāmissa, tato ekassa arahato, tato ekassa paccakabuddhassa, tato sammāsambuddhassa, tato buddhappamukhassa Saṃghassa dinnadānaṃ mahapphalataraṃ, tato cātuddisaṃ Saṃghaṃ uddissa viharakaraṇaṃ, tato saraṇagamaṇaṃ mahapphalataraṃ”ti imamatthaṃ dīpentassa velāmasuttassa<sup>1</sup> vasena. Vuttaṃ hetāṃ “yaṃ gahapati Velāmo Brāhmaṇo dānaṃ adāsi mahādānaṃ, yo ekaṃ dīṭṭhisampannaṃ bhojeyya, idaṃ tato mahapphalataraṃ”ti-ādi<sup>2</sup>. **Velāmasuttādīti ādi-saddena** aggappasādasuttādīnaṃ<sup>3</sup> saṅgato daṭṭhabbo.

**Aññāṇaṃ** vatthuttayassa guṇānaṃ ajānaṇaṃ tattha sammoho “buddho nu kho, na nu kho buddho”ti-ādinā vicikicchā **sāmsayo**, **micchāññāṇaṃ** tassa guṇānaṃ aguṇabhāvaparikkappanena viparītaggāho. **Ādi-saddena** anādarāgāravādīnaṃ saṅgaho. **Na mahājutikanti** na ujjalaṃ, aparissuddhaṃ apariyodātanti attho. **Na mahāvippāhanti** anuḷāraṃ. **Sāvajjoti** dīṭṭhitaṇḍādivasena sadoso. Lokiyaṃ saraṇagamaṇaṃ sikkhāsamādānaṃ

1. Am 3. 195 piṭṭhe.

2. Am 3. 196 piṭṭhe.

3. Am 1. 343; Khu 1. 254 piṭṭhesu.

viya aggahitakālaparicchedaṃ jīvitapariyantameva hoti, tasmā tassa khandhabhedena bhedoti āha “**anavajjo kālakiriyāyā**”ti. Soti anavajjo saraṇagamanabhedo. Satipi anavajjatte iṭṭhaphalopi nahotīti āha “**aphalo**”ti.

Saraṇagamanakathāvaṇṇanā niṭṭhitā.

### Upāsakavidhikathāvaṇṇanā

**Ko upāsakoti** sarūpapucchā, tasmā kiṃlakkhaṇo upāsakoti vuttaṃ hoti. **Kasmāti** hetupucchā. Tena kena pavattinimittena upāsakasaddo tasmim̃ puggale niruḥhoti dasseti. **Kimassasīlanti** kīdisaṃ assa upāsakassa sīlaṃ, kittakena sīlenāyaṃ sīlasampanno nāma hotīti attho. **Ko ājīvoti** ko assa sammā-ājīvo, so pana micchājīvassa parivajjanena hotīti sopi vibhajjyatīti. **Kā vipattīti** kā assa sīlassa, ājīvassa vā vipattīti. Anantarassa hi vidhi vā paṭisedho vā. **Kā sampattīti** etthāpi eseva nayo.

**Yo kocīti** khattiyādīsu yo koci. Tena saraṇagamanamevettha kāraṇaṃ, na jāti-ādivisesoti dasseti. **Upāsanatoti** teneva saraṇagamanena tattha ca sakkaccakāritāya ādaraḡāravabahumānādiyogena payirupāsanato. **Veramaṇiyoti** veraṃ vuccati pāṇātipātādidussīlyaṃ, tassa maṇanato hananato vināsanato veramaṇiyo, pañca viratiyo viratippadhānattā tassa sīlassa. Tenevāha tattha tattha “**paṭivirato hotī**”ti.

**Micchāvaṇijjāti** na sammāvaṇijjā ayuttavaṇijjā asāruppavaṇijjā. **Pahāyāti** akaraṇeneva pajahitvā. **Dhammenāti** dhammato anapetena. Tena aññampi adhammikaṃ jīvikaṃ paṭikkhipati. **Samenāti** avisamena. Tena kāyavisamādiduccaritaṃ vajjetvā kāyasamādinā sucaritena jīvanaṃ dasseti. **Satthavaṇijjāti** āvudhabhaṇḍaṃ katvā vā kāretvā vā yathākataṃ vā paṭilabhitvā tassa vikkayo. **Sattavaṇijjāti**



manussavikkayo. **Maṃsavaṇijjāti** sūnakārādayo viya migasūkarādike posetvā maṃsaṃ sampādetvā vikkayo. **Majjavaṇijjāti** yaṃ kiñci majjaṃ yojetvā tassa vikkayo. **Visavaṇijjāti** viṣaṃ yojetvā, viṣaṃ gahetvā vā tassa vikkayo. Tatha satthavaṇijjā paroparodhanimittatāya akaraṇīyā vuttā, sattavaṇijjā abhujissabhāvakaraṇato, maṃsavisavaṇijjā vadhahetuto, majjavaṇijjā pamādaṭṭhānato.

**Tassevāti** pañcaveramaṇilakkhaṇassa sīlassa ceva pañcamicchāvaṇijjālakkhaṇassa ājīvassa ca. **Vipattīti** bhedo pakopo ca. **Yāyāti** yāya paṭipattiyā. **Caṇḍāloti** upāsakacaṇḍālo. **Malanti** upāsakamalam. **Patikuṭṭhoti**<sup>1</sup> upāsakanihīno. Buddhādīsu kammakammaphalesu ca saddhāvipariyāyo assaddhiyaṃ micchādhimokkho. Yathāvuttena assaddhiyena samannāgato **assaddho**. Yathāvuttasīlavipattī-ājīvavipattivasena **dussīlo**. “Iminā diṭṭhādīnā idaṃ nāma maṅgalam bhavissatī”ti evaṃ bālajanaparikkappitakotūhalasaṅkhātena diṭṭhasutamutamaṅgalena samannāgato **kotūhalamaṅgaliko**. **Maṅgalam paccetīti** diṭṭhamaṅgalādibhedam maṅgalameva pattiyāyati. **No kammanti** kammassakataṃ no pattiyāyati. **Ito bahiddhāti** ito sabbaññubuddhasāsanato bahiddhā bāhirakasamaye. **Dakkhiṇeyyam pariyesatīti** duppaṭipannaṃ dakkhiṇārahasaññī gavesati. **Pubbakāram karotīti** dānamānanādikaṃ kusalakiriyaṃ paṭhamam karoti. Ettha ca dakkhiṇeyyapariyesanapubbakāre ekaṃ katvā pañca dhammā veditabbā.

Vipattiyam vuttavipariyāyena **sampatti** ñātabbā. Ayaṃ pana viṣeso—catunnampi parisānam ratijanaṇaṭṭhena upāsakova ratanam **upāsakaratanam**. Guṇasobhākittisaddasugandhatāhi upāsakova padumam **upāsakapadumam**. Tathā **upāsakapuṇḍarīko**.

**Ādimhīti** ādi-atthe. **Koṭiyanti** pariyantakoṭiyam. **Vihāraggenāti** ovarakakoṭṭhāsena, “imasmim gabbhe vasantānam idaṃ nāma panasaphalam pāpuṇātī”ti-ādinā taṃtaṃvasanaṭṭhānakoṭṭhāsenāti attho. **Ajjatanti** ajja-icceva attho.

---

1. Patikuṭṭhoti (Ka)

**Pāṇehi upetanti** iminā tassa saraṇagamanassa āpāṇakoṭikataṃ dassento “yāva me jīvitam pavattati”ti-ādinā vatvā puna jīvitena taṃ vatthuttayaṃ paṭipūjento “saraṇagamanam rakkhāmi”ti uppannam tassa brāhmaṇassa adhippāyam vibhāvento “ahañhi”ti-ādimāha. **Pāṇehi upetanti** hi yāva me pāṇā dharanti, tāva saraṇam upetaṃ, upento ca na vācāmattena, na ekavāram cittuppādanamattena, atha kho pāṇe pariccajitvāpi yāvajīvaṃ upetanti evamettha attho veditabboti.

Bhayabheravasuttavaṇṇanāya līnatthappakāsanā samattā.

### 5. Anaṅgaṇasuttavaṇṇanā

57. **Āyasmā sārīputtoti** ettha **iti**-saddo ādi-attho, evamādikanti attho. Tena “bhikkhū āmantesi”ti-ādikaṃ sabbaṃ suttaṃ saṅgaṇhāti. Tenāha “**anaṅgaṇasuttan**”ti. Tassa ko nikkhepo? Attajjhāsayo. Parehi anajjhīṭṭhoyeva hi mahāthero imaṃ desanaṃ ārabhi. Keci panāhu “ekacce bhikkhū saṃkiliṭṭhacitte disvā tesaṃ cittasaṃkilesappahānāya ceva ekaccānaṃ āyatim anuppādanāya ca ayaṃ desanā āradhā”ti. **Evam sabbasuttēsūti** yathā ettha anaṅgaṇasutte, evam ito paresūti sabbesupi suttēsū anuttāna-apubbapadavaṇṇanā eva karīyati. Tenāha “**tasmā**”ti-ādi. **Gaṇanaparichedoti** gaṇanena paricchindanaṃ. Idam hi apparajakkhamahārajakkhatāvasena duvidhe satte paccekam atthaññutānatthaññutāvasena dvidhā katvā “cattāro”ti anavaśesapariyādānaṃ. Vajjīputtakādayo viya puggalavādīti na gahetabbaṃ lokasamaññānusārena atthaṃ paṭivijjhitaṃ samatthānaṃ vasena desanāya āradhattā, ayañca desanāyā satthu nissāya<sup>1</sup> evāti dassento “**ayañhi**”ti-ādimāha.

### Sammutiparamatthadesanākathāvaṇṇanā

Tattha<sup>2</sup> sammutiyā desanā **sammutidesanā**, paramatthassa desanā **paramatthadesanā**. **Tatthāti** sammutiparamatthadesanāsu, na sammutiparamatthesu.

1. Satthusaññāya (Ka)

2. Am-Ṭī 1. 120 piṭṭhādīsūpi passitabbaṃ.

tenāha “**avarūpā sammutidesanā, avarūpā paramatthadesanā**”ti. Tatridam sammutiparamatthānam lakkhaṇam—yasmim bhinne, buddhiyā avayavavinibbhoge vā kate na tamsamaññā, sā ghaṭapaṭāḍippabhedā sammuti tabbipariyāyato paramattho. Na hi kakkhaḷaphusanādisabhāve ayam nayo labbhati, tattha rūpādidhammam samūhasantānavasena pavattamānam upādāya puggalavohāroti āha “**puggaloti sammutidesanā**”ti. Sesapadesupi eseva nayo. Uppādavayavanto sabhāvadhammā na niccāti āha “**aniccanti paramatthadesanā**”ti. Esa nayo sesapadesupi. Nanu khandhadesanāpi sammutidesanāva. Khandhaṭṭho hi rāsattho, koṭṭhāsattṭho vāti? Saccametaṃ, ayam pana khandhasamaññā phassādisu tajjāpaññatti viya paramatthasannissayā tassa āsannatarā, puggalasamaññādayo viya na dūreti paramatthasaṅghatā vuttā, khandhasīsena vā tadupādānā sabhāvadhammā eva gahitā. Nanu ca sabhāvadhammā sabbepi sammutimukheneva desanam ārohanti, na samukhenāti sabbāpi desanā sammutidesanāva siyāti? Nayidamevaṃ desetabbadhammavibhāgena desanāvibhāgassa adhippetattā, na ca saddo kenaci pavattinimittena vinā attham pakāsetīti.

**Sammutivasena desanam sutvāti** “idhekacco puggalo attantapo hoti attaparitāpānuyogamanuyutto”ti-ādinā<sup>1</sup> sammutimukhena pavattitam desanam sutamayaññuppadanavasena sutvā. **Attham paṭivijjhivāti** tadanusārena catusaccasaṅkhātam attham saha vipassanāya maggena paṭivijjhivā. **Mohaṃ pajahivā.** **Visesanti** nibbānasāṅkhātam arahattasaṅkhātañca visesam. **Tesanti** tādisānam vineyyānam. **Paramatthavasenāti** “pañcimāni bhikkhave indriyāni”ti-ādinā<sup>2</sup> paramatthadhammavasena. Sesam anantaranaye vuttasadisameva. **Tatthāti** tassam sammutivasena paramatthavasena ca desanāyam. **Desabhāsākusaloti** nānādesabhāsāsu kusalo. **Ṭiṇṇam vedānanti** nidassanamattam, ṭiṇṇam vedānam sippaganthānampī adhippāyo. Sippuggahaṇam hi parato vakkhati. Sippāni vā vedantogadhe katvā “**ṭiṇṇam vedānan**”ti vuttam. **Kathetabbabhāvena thitāni**, na katthaci sannihitabhāvenāti vedānampi kathetabbabhāveneva avaṭṭhānam dīpento “guyhā

1. Ma 2. 365; Abhi 3. 109 piṭṭhesu.

2. Saṃ 3. 170 piṭṭhādīsu.

tayī nihitā gayhatī”<sup>1</sup>ti micchāvādam paṭikkhipati. Nānāvīdhā desabhāsā etesanti **nānādesabhāsā**.

Paramo uttamo attho **paramattho**, dhammānam yathābhūtasabhāvo. Lokasaṅketamattasiddhā **sammuti**. Yadi evaṃ kathāṃ sammutikathāya saccatāti āha “**lokasammutikāraṇā**”<sup>2</sup>ti, lokasamaññaṃ nissāya pavattanato. Lokasamaññāya hi abhinivesena vinā nāpanā ekaccassa sutassa sāvanā viya na musā anatidhāvītabbato tassā. Tenāha bhagavā “janapadaniruttim nābhiniveseyya, samaññaṃ nātidhāveyyā”<sup>2</sup>ti. **Dhammānanti** sabhāvadhammānam. **Bhūtakāraṇā**ti yathābhūtasabhāvaṃ nissāya pavattanato. **Sammutim voharantassā**ti “puggalo satto”<sup>3</sup>ti-ādinā lokasamaññaṃ kathentassa.

**Hirōtappadīpanatthanti** lokapālanakicce hirōtappadhamme kiccato pakāsetum. Tesāṃ hi kiccaṃ sattasantāneyeva pakāṭaṃ hotīti puggalādhiṭṭhānāya kathāya taṃ vattabbaṃ. Esa nayo sesesupi. Yasmim hi cittuppāde kammaṃ uppannaṃ, taṃsantāne eva tassa phalassa uppatti **kammassakatā**. Evaṃ hi kataviññānaṃso akatāgamo vā natthīti sā puggalādhiṭṭhānāya eva kathāya dīpetabbā. Tehi sattehi kātabbā puññādikiriya **paccattapurisakāropi** santānavasena nipphādetabbato<sup>3</sup> puggalādhiṭṭhānāya eva kathāya dīpetabbo.

**Ānantariyadīpanatthanti** cuti-anantaram phalaṃ anantaram nāma, tasmim anantare niyuttāni, tannibbattanena anantarakaraṇasīlāni, anantarapayōjanāni vāti **ānantariyāni**, mātughātādīni, tesāṃ dīpanatthaṃ. Tānipi hi santānavasena nipphādetabbato<sup>3</sup> “mātaram jīvīta voropeti”<sup>4</sup>ti-ādinā<sup>4</sup> puggalādhiṭṭhānāya eva kathāya dīpetabbāni, tathā “so mettāsahagatena cetasā ekaṃ disaṃ pharivā viharatī”<sup>5</sup>ti-ādinā<sup>5</sup>, “so anekavihitāṃ pubbenivāsāṃ anussarati ekampi jātin”<sup>6</sup>ti-ādinā<sup>6</sup>, “atthi dakkhiṇā dāyakato visujjhati, no paṭiggāhakato”<sup>7</sup>ti-ādinā<sup>7</sup> ca pavattā

1. Dīpento āha tīpi piṭakānīti (Ka)

3. Niṭṭhapetabbato (Am-Ṭī 1. 122 piṭṭhe)

5. Dī 1. 234; Dī 3. 187; Ma 1. 46; Ma 2. 263; Ma 3. 185; Abhi 2. 284 piṭṭhesu.

6. Dī 1. 76, 77; Ma 1. 101, 315, 346; Vi 1. 5 piṭṭhesu.

2. Ma 3. 278 piṭṭhe.

4. Abhi 8. 148 piṭṭhe Paṭṭhāne.

7. Ma 3. 299 piṭṭhe.

**brahmavihārapubbenivāsadakkhiṇāvisuddhikathā** puggalādhiṭṭhānāya eva kathāya dīpetabbā sattasantānavisayattā. “Aṭṭha purisapuggalā<sup>1</sup>, na samayavimutto puggalo”ti-ādinā<sup>2</sup> ca paramatthaṃ kathentopi lokasammutiyā appahānatthaṃ puggalakathaṃ kathesi. Etena vuttāvasesāya kathāya puggalādhiṭṭhānabhāve payojanaṃ sāmāññavasena saṅgahitanti daṭṭhabbān. Kāmañcetaṃ sabbaṃ apariññātavatthukānaṃ vasena vuttaṃ, pariññātavatthukānampi pana evaṃ desanā sukhāvahā hoti.

**Mahājanoti** lokiyamahājano. **Na jānāti** ghanavinibbhogābhāvena dhammakiccassa asallakkaṇena. Tattha “kiṃ nāmetaṃ, kathaṃ nāmetan”ti saṃsayapakhandatāya **sammohaṃ āpajjati**. Viruddhābhinivesitāya **paṭisattu hoti**. **Jānāti** ciraparicitatthā vohārakathāya. Tato eva na **sammohamāpajjati, na paṭisattu hoti**.

**Nappajahanti** vohāramukhena paramatthassa dīpanato. Sāmāññāgahaṇavasena lokena ñāyati sāmāññāyati voharīyatīti lokasāmāññā. Tāya **lokasāmāññāya**. Tassa tassa atthassa vibhāvane lokena nicchitaṃ, niyataṃ vā vuccati voharīyatīti lokanirutti, tassaṃ **lokaniruttiyaṃ**. Tathā lokena abhilapīyatīti lokasāmāññātāya lokābhilāpo, tasmim **lokābhilāpe ṭhitāyeva**<sup>3</sup> appahānato. Puggalavādino viya **paramatthavasena aggahetvā**.

**Santoti** ettha **santasaddo** “dīghaṃ santassa yojanan”ti-ādīsu<sup>4</sup> kilantabhāve āgato, “ayañca vitakko ayañca vicāro santā honti samitā”ti-ādīsu<sup>5</sup> niruddhabhāve āgato, “adhigato kho myāyaṃ dhammo gambhīro duddaso duranubodho santo paṇīto”ti-ādīsu<sup>6</sup> santaññāgocarātāya, “upasantassa sadā satimato”ti-ādīsu<sup>7</sup> kilesavūpasame, “santo have sabbhi pavedayanti”ti-ādīsu<sup>8</sup> sādhusu, “pañcime bhikkhave mahācorā santo saṃvijjamānā”ti-ādīsu<sup>9</sup> atthibhāve, idhāpi atthibhāveyeva. So ca puggalasambandhena vuttattā

1. Saṃ 1. 222 piṭṭhe.

2. Abhi 3. 114 piṭṭhe.

3. Patitāyeva (Ka)

4. Khu 1. 22 piṭṭhe Dhammapade.

5. Abhi 2. 268 piṭṭhe.

6. Dī 2. 32; Ma 1. 224; Ma 2. 291; Saṃ 1. 138; Vi 3. 5 piṭṭhesu.

7. Khu 1. 111 piṭṭhe Udāne.

8. Khu 1. 36 piṭṭhe Dhammapade.

9. Vi 1. 114 piṭṭhe.

lokasamaññāvasenāti dassento “**lokasaṅketavasena atthi**”ti āha. **Atthi**ti cetaṃ nipātapadaṃ daṭṭhabbaṃ “atthi imasmim kāye kesā”ti-ādīsu<sup>1</sup> viya. **Saṃvijjamānā**ti padassa atthaṃ dassento “**upalabbhamānā**”ti āha. Yaṃ hi saṃvijjati, taṃ upalabbhatīti. Aṅganti etehi taṃsamaṅgipuggalā nihīnabhāvaṃ gacchantīti **aṅgaṇāni**, rāgādayo. Añjati makkhetīti **aṅgaṇaṃ**, malādi. Añjeti tattha ṭhitam ahundaratāya abhibyañjetīti **aṅgaṇaṃ**, vivaṭo bhūmipadeso. Dosādīnaṃ pavatti-ākāravisesatāya nānappakārā bahulappavattiyā **tibbakilesā**. **Pāpakānanti** lāmakānaṃ. **Akusalānanti** akosallasambhūtānaṃ. **Ichhāvacarānanti** icchāvasena pavattānaṃ. **Saha aṅgaṇenā**ti aṅgaṇanti laddhanāmena yathāvuttakilesena saha vattati.

**Atthītipi na jānāti** tādissassa yonisomanasikārassa abhāvā. Yesam<sup>2</sup> kilesānaṃ atthitā, tesam<sup>3</sup> sappatibhayatā visesato jānitabbāti dassetuṃ “**ime kilesā nāmā**”ti-ādi vuttaṃ. Tattha **kakkhalāti** pharusā. **Vālāti** kururā. **Na gahitabbāti** na uppādetabbā. **Yāthāvasarasatoti** yathābhūtasabhāvato. **Evañcāti** “ime kilesā nāmā”ti-ādinā vuttappakārena. **Yena vā tena vāti** navakammesu vā pariyattidhutaṅgādīsu vā yena vā tena vā. **Tatrāti** niddhāraṇe bhuttaṃ. Taṃ pana niddhāraṇaṃ saṅgaṇānaṅgaṇasamudāyatoti dassento “**catūsu puggalesū**”ti vatvā puna tadekadesato dassento “**tesu vā dvīsu saṅgaṇesū**”ti āha. Taṃ hi dvayaṃ paṭhamam hīnasetṭhabhāvena niddhārīyati paṭhamam uddiṭṭhattā. Niddhāraṇaṃ hi kvaci kutoci kenaci hotīti.

58. Kiñcāpi aññattha “janako hetu, pariggāhako paccayo, asādhāraṇo hetu, sādharmaṇo paccayo, sabhāgo hetu, asabhāgo paccayo, pubbakāliko hetu, sahappavatto paccayo”ti-ādinā hetupaccayā vibhajja vuccanti, idha pana “cattāro kho bhikkhave mahābhūtā hetū, cattāro mahābhūtā paccayā rūpakkhandaṃ paññāpanāyā”ti-ādīsu<sup>4</sup> viya hetupaccayasaddā samānatthāti dassetuṃ “**ubhayenapi**

1. Dī 2. 233; Ma 1. 72, 73; Ma 2. 329; Ma 3. 132, 133; Aṃ 2. 285; Aṃ 3. 343 piṭṭhesu.

2. Yadatthaṃ (Ka)

3. Atthitājānaṃ, sā (Ka)

4. Ma 3. 67 piṭṭhe.

**kāraṇameva pucchatī**”ti vuttaṃ. Tattha **ubhayenā**ti hetupaccayavacanadvayena. **Pucchati** āyasmā mahāmogallāno desanaṃ vaḍḍhetukāmo. **Kiñcāpī**ti anujānanasambhāvanatthe nipāto. Kim anujānāti? Samānepi dvinnam sāṅgaṇabhāve tassā pajānanāppajānanahetukataraṃ tesam seṭṭhahīnataṃ. Kim sambhāveti? Therassa vicittapaṭibhānatāya nānāhetūpamāhi alaṅkatvā yathāpucchitassa atthassa pākaṭakaraṇam. Tenāha **“nappajānāti”**ti-ādi. **Hetu ceva paccayo ca seṭṭhahīnabhāve**. Tathā-akkhātabbatāpi hi tesam tannimittā evāti.

59. **Tanti** tesam dvinnam puggalānam hīnaseṭṭhatāya kāraṇam. Opammehi **pākaṭataram katvā dassetum**. **Etanti** sutte anantaram vuccamānam vīriyārambhābhāvena aṅgaṇassa appahānam. Tenāha **“na chandam -pa- sandhāyāhā”**ti. **Kattukamyatāchandanti** kattukamyatāsankhātam aṅgaṇassa pahātukamyatāvasena uppajjanaka kusaladhammacchandaṃ. **Na janessatī**ti na uppādessati. Kusalo vāyāmo nāma chandato balavāti āha **“tato balavataram vāyāmarā na karissatī”**ti, chandampi anuppādentō katham tajjam vāyāmarā karissatīti adhippāyo. **Thāmagatavīriyam** ussolhībhāvappattam dalham vīriyam. Sāṅgaṇaggahaṇeneva aṅgaṇānam kilesavatthutāya cittassa saṅkiliṭṭhatāya saddhāya puna saṅkiliṭṭhaggahaṇam savisesam kiliṭṭhabhāvavibhāvananti āha **“suṭṭhutarā kiliṭṭhacitto”**ti. **Malīnacittoti-ādīsupi** “tehiyevā”ti ānetvā sambandhitabbaṃ. Ukkhalipuñchanacoḷakassa viya vasāpītapilotikā viya ca dummocanīyabhāvena malaggahaṇam **malīnatā**, pīlanam himsanam avipphārikatākaraṇam **vibādhanam**, darathaparīḷāhuppādanena paridahanam **upatāpanam**. **Kālanti** kālanam, yathāgahitassa attabhāvassa khepanam āyukkhayanti attho. **Karissatīti** pavattessati pāpuṇissatīti vuttaṃ hoti. Tathābhūto ca pānam cajissati nāmāti āha **“marissatī”**ti.

**Seyyathāpī**ti upamānidassane nipāto. Tadattham dassento **“yathā nāmā”**ti āha. **Pamsu-ādīnāti ādi-saddena** jallādīnam saṅgaho, **ghaṃsanādīhīti ādi-saddena** chārikāparimajjanādīnam saṅgahoti. “Abhirūpāya kaññā dātābbā”ti-ādīsu viya antarenapi atisayatthabodhakasaddena atisayattho nāyatīti āha **“malaggahitatarāti vuttaṃ hotī”**ti. **Paṭipucchāvācananti** anumati-pucchāviseso.

**Evam kariyamānā**ti aparibhoga-apariyodapanarajāpathanikkhipanehi kiliṭṭhabhāvaṃ āpādiyamānā. **Opammaṃ sampaṭipādentoti** yathūpanītaṃ upamaṃ upameyyatthena samaṃ katvā paṭipādentoti, saṃsudentoti attho. **Sāṅgaṇo puggaloti** sāṅgaṇo tasmim attabhāve asujjhanakapuggalo. Āpaṇādito kulagharaṃ ānītaṃ malaggahitakaṃsabhañjanassa tathā laddhabbāya visuddhiyā alābhato yathā anukkamena saṃkiliṭṭhatarabhāvo, evaṃ gharato nikkhantassa puggalassa pabbajjāya laddhabbāya visuddhiyā alābhato anukkamena saṃkiliṭṭhatarabhāvoti dassento “**saṃkiliṭṭhakāṃsapātiyā**”ti-ādimāha. Saṃkiliṭṭhatarabhāvo ca nāma pabbajitassa ājīvavipattivasena vā siyā ācāradiṭṭhisīlavipattīsū aññataravasena vāti taṃ sabbaṃ saṅgahetvā dassetuṃ “**tassa puggalassā**”ti-ādi vuttaṃ. Pācittiyavītikamanaggahaṇena hi ekaccadiṭṭhivipattiyāpi saṅgaho hotīti. **Ettha ṭhitassāti** etissaṃ ājīvavipattiyāṃ ṭhitassa. Iminā nayena sesesupī yathārahaṃ vattabbaṃ. Sabbaparisasādhāraṇā mahātherassa desanā, tasmā gahapativasenapi yojetabbaṃ. Tathā ukkāmsagatasāṃkiliṭṭhatarabhāvaṃ dassento “**mātughātādi-ānantariyakaraṇaṃ**”ti āha. **Avisodhetvāti** yathā attano sīle vā diṭṭhiyā vā visuddhi hoti, evaṃ kilesamaḷīnacittasantānaṃ avisodhetvā.

**Bhabbapuggaloti** upanissayādisampattiyā tasmim attabhāve visuddhapuggalo. **ādim katvāti** iminā dhovanaghaṃsanādīhi pariyodapanāṃ ādimantaṃ katvā vadati. **Suddhaṭṭhānaṃ** yattha vā na rajena okiriyati. **Daṇḍakammaṃ katvāti** “**ettakā udakā, vālukā vā ānetabbā**”ti daṇḍakammaṃ katvā. **Ettha ṭhitassāti** parisuddhe sīle ṭhitassa. Sammāvattapaṭipattisīlehi sīlavisuddhi dassitā. Vattapaṭipattiyāpi hi aṅgaṇānaṃ vikkhambhanaṃ siyā. Tathā hissā saṃkiliṭṭhakāṃsapātiyā parisuddhapariyodātabhāvo upamābhāvena vutto. **Pantasenāsanavāso** kilesavikkhambhanaṃ kilesānaṃ tadaṅganivāraṇaṃ. **Sotāpattiphalādhigamo -pa- arahattasacchikiriyāti** sattasupī ṭhānesu “**parisuddhapariyodātabhāvo viyā**”ti padaṃ ānetvā sambandhitabbaṃ. Pabbajitassa hi visuddhi nāma heṭṭhimantena sīlavisuddhiyā vā siyā kammaṭṭhānānuyogavasena vivekavāsena jhānassādhigamena vā vipassanābhāvanāya vā sāmāññaphalādhigamena vāti.



**Rāgaṭṭhānīyanti** rāgupattihetubhūtaṃ. Visabhāgārammaṇaṃ sandhāya vadati “**iṭṭhārammaṇaṃ**”ti. **Tasmimnti** iṭṭhārammaṇe. **Vipannassatīti** muṭṭhassati. **Taṃ nimittanti** subhanimittaṃ. **Āvajjissatīti** ayoniso āvajjissati. **Sayameva** aññena avomisso. Kusalavārapacchindanameva cettha **anuddhaṃsaṇaṃ** daṭṭhabbaṃ. **Sesanti** “sāṅgaṇo saṃkiliṭṭhacitto”ti-ādi. **Vuttanayānusārenāti** paṭhamavāre vuttanayānusārena. **Sabbanti** mātughātādi-ānantariyakaraṇapariyosānaṃ sabbaṃ upamāsaṃsandana vacanaṃ.

**Sativirahābhāvato**ti satisammosābhāvato, upaṭṭhitassatibhāvato ti attho. **Sesanti** “so arāgo”ti-ādi. “Dhovanaghaṃsanasaṇhachārikāparimajjanādīhī”ti-ādinā **dutiyavārānusārena**. “Ko nu kho”ti-ādi pucchāvasena āgataṃ, idaṃ nigamanavasenāti ayameva vireso.

60. **Aṅgaṇanti** tattha tattha nāmato eva vibhāvitaṃ, na pana sabhāvato, pabhedato vāti sabhāvādito vibhāvanaṃ sandhāyāha “**nānappakārato pākataṃ kārāpetukāmena**”ti. **Ichhāya avacarānanti** icchāvasena avacaraṇānaṃ. **Otiṇṇānanti** cittasantānaṃ anupaviṭṭhānaṃ. Te pana tattha paccayavasena nibbattatā pavattā nāma hontīti āha “**pavattānaṃ**”ti. **Nānappakārānanti** visayabhedena pavatti-ākārabhedena ca nānāvīdhānaṃ. **Yena** kāraṇena. Na kevalaṃ lābhatthikatā eva, atha kho puññavantatā sakkatagarukatā ca ettha kāraṇabhāvena gahetabbāti dassento “**pakatiyāpi cā**”ti-ādimāha. Tena lābhatthikopi na yo koci evaṃ cittaṃ uppādeti puññavā sambhāvanīyoti dasseti. **Therā** avajjapaṭicchādanabhayaena **majjhimānaṃ ārocenti**, tathā majjhimā **navakānaṃ**, navakā pana attano navakabhāvena **vighāsādādīnaṃ ārocenti** “passatha tumhākaṃ therassa kamman”ti. **Vighāsādādayo** nāma “īdisassa santike ovādatthaṃ tumhe āgata”ti **bhikkhunīnaṃ ārocenti**. **Na ca maṃ bhikkhū jāneyyunti** na ca vata maṃ bhikkhū jāneyyuntī, aho vata maṃ bhikkhū na jāneyyunti yojanā. **Ṭhānaṃ kho panetanti** ettha **kho**-saddo avadhāraṇattho, **pana**-saddo vacanālaṅkāroti āha “**atthiyevā**”ti. **Pubbe** icchuppādavāraṇaṇāyā **vuttanayena**. **Iti**-saddo idha āsanna kāraṇattho ti tam dassento “**iminā kāraṇenā**”ti

āha. **Idaṅca** kopa-appaccayānameva gahaṇaṃ. **Tādisānanti** kopa-appaccayādhibhūtānanti adhippāyo.

**Anurahoti** anurūpe rahasi. Evameva hi atthaṃ dassetuṃ **vihārapaccante**”ti-ādi vuttaṃ. **Purimasadisamevāti** “lābhatthiko hī”ti-ādinā vuttena purimena yojanāyena sadisameva.

Codanāya paṭipuggalabhāvo, codanā ca āpattiyāti cuditakena codakassa samānabhāvo āpatti-āpānatāyāti āha “**samānoti sāpattiko**”ti. Sappaṭipuggalenevassa codanicchāya kāraṇaṃ vibhāvetuṃ “**ayan**”ti-ādi vuttaṃ. Na cāyaṃ sāpattikatāya eva samānataṃ icchati, atha kho aññathāpīti dassento “**apicā**”ti-ādimāha. Aññena vā paṭipuggalena **sappaṭipuggalo**. Ayañhi “sappaṭipuggalova maṃ codeyyā”ti **icchati** “evāhaṃ tassa paṭipuggalehi saddhiṃ ekajjhāsayo hutvā tassa upari kiñci vattuṃ kātuṃ vā labhissāmi”ti **maññamāno**. Imasmim̐ pana pakkhe **no appaṭipuggaloti** natthi etassa paṭipuggaloti **appaṭipuggaloti** evamattho veditabbo.

“Aho vatā”ti idaṃ padaṃ dissatīti sambandho. Imassa puggalassa icchācāre ṭhitattā bhikkhūnaṃ dhammaṃ deseyyāti vacanato “**taṅca kho anumatipucchāyā**”ti vuttaṃ. Na hesa “saccaṃ kira tvaṃ bhikkhū”ti-ādinā kiñci vītikkamaṃ uddissa bhagavatā pucchitabbaṃ icchati. **No maggaṃ vā phalaṃ vā vipassanaṃ vā antaraṃ katvāti** maggabhāvanaṃ vā phalacchikiriyāṃ vā sikhāpattavipassanānuyogaṃ vā nirodhasamāpajjanaṃ vā jhānasamāpajjanaṃ vā antaraṃ kāraṇaṃ katvā bhagavatā attānaṃ paṭipucchitabbaṃ no icchati. **Niccaṃ aniccanti**-ādinā anumattiggahaṇavasena pucchitabbaṃ icchati, uttānameva katvā pucchitabbaṃ icchatīti attho<sup>1</sup>. Upaharante passatīti sambandho. Abhabbaṭṭhānabhikkhutāya **nīharissanti** sāsanato.

**Taṃ sampattinti** parivārasampattiñceva bhikkhūhi kariyamānaṃ sakkāragarukārasampattiñca. **Gahetvā paribhuñjanti** mayā saṃvibhāge kariyamāne. **Sayameva paññāyatīti** sayameva gantvā bhikkhūnaṃ purato attānaṃ dasseti, purato vasantaṃ pana bhikkhū purakkhatvā gacchantiyevāti adhippāyo.

---

1. Panakarūpaṃ ativisayattho (Ka)

**Dakkhiṇodakanti** aggato upanīyamānaṃ dakkhiṇodakaṃ. Yato eva-kāro, tato aññattha niyamo icchito. Avadhāraṇatthaṃ vā eva-kāraggaḥanti katvā **ahameva labheyyanti** ahaṃ labheyyamevāti evametaṃ avadhāraṇaṃ daṭṭhabbanti adhippāyenāha “**ahameva labheyyanti icchā nātimahāsāvajjā**”ti, aññathā yathārutavasena avadhāraṇe gayhamāne “na aññe labheyyun”ti ayamevettha attho siyāti. **Pāsādiko hotīti** idaṃ tassa aggāsanādipaccāsīsanāya kāraṇadassanaṃ.

**Anumodananti** maṅgalāmaṅgalesu anumodanāvasena pavattetabbadhammakathaṃ. **Khaṇḍānumodananti** anumodanekadesaṃ. “Pubbe anumoditapubbo anumodatū”ti avatvā **therena vuttamatteyeva**.

**Tādisesu ṭhānesūti** tādisesu pesalānaṃ bahussutānaṃ vasanaṭṭhānesu. Sabbampi rattim pavattanato **sabbarattikāni**. **Vinicchayakusalānanti** anekavihitesu kaṅkhaṭṭhāniyesu kaṅkhāvinayanāya taṃtaṃpañhānaṃ vinicchaye kusalānaṃ chekānaṃ. Tesu tesu dhammakathitesu ajjhiṭṭhesu vārena dhammaṃ kathentesu “ayaṃ byatto”ti dhammajjesakena ajjhiṭṭhattā **okāsaṃ alabhamāno**.

**Sakkaccaṇca kareyyunti** bhikkhū yaṃ mama abhivādanapaccuṭṭhānañjalikammaśāmicammādiṃ karonti, taṃ ādareneva kareyyuṃ, yaṅca me parikkhārajātaṃ paṭiyādenti, tampi sundaraṃ sammadeva abhisankhataṃ kareyyunti attho. **Bhāriyanti** pāsānacchattam viya garukātabbaṃ. **Etam vidhinti** etaṃ “sakkareyyun”ti-ādinā vuttasakkārādividhim. **Tenāti** tena kāraṇena, bhusaccādiguṇavisesavato eva sakkārādīnaṃ arahattāti attho. **Evarūpanti** īdisaṃ “piyo garū”ti-ādinā<sup>1</sup> vuttappakāraṃ. **Evam kareyyunti** evaṃ “sakkareyyun”ti-ādinā vuttappakāraṃ sakkārādiṃ kareyyuṃ. **Esa nayoti** yoyaṃ bhikkhuvāre vuttavidhi, eseva nayo. **Ito paresu** bhikkhunivārādisu **vāresu**.

**Ahameva lābhī assanti** etthāpi heṭṭhā vuttanayeneva avadhāraṇaṃ gahetabbaṃ. Piṇḍapātassa paṇītatā upasecanādivasenāti āha

---

1. Am 2. 422 piṭṭhe.

“Sappitelamadhusakkharādipūritānaṃ”ti. **Mañcapīṭhādīnanti** nidassanamattaṃ utusappāyānaṃ nivātānaṃ phassitalānaṃ pihitadvāraḥkavāṭavātapānādīnampi paṇṭhasenāsanabhāvato. **Ādi**-saddena vā tesampi gahaṇaṃ daṭṭhabbaṃ. **Sabbatthāpīti** sabbesu tesu catūsupi paccayavāresu.

61. **Kāyakammaṃ disvāti** idaṃ na kāyakammaṃ cakkhuvīññeyyaṃ, kāyakammunā pana saha pavattaṃ oṭṭhaparipphandaṃ bhākuṭikaraṇaṃ kāyaṅgādiddassanaṃ kāyakammadassanaṃ viya hotīti katvā vuttaṃ. **Vacīkammaṃ sutvāti** etthāpi eseva nayo, tasmā kāyavikārajanakā dhammā “dissanti”ti vuttā, vacīvikārajanakā “sūyantīti”ti. Tato eva ca te **paccakkhakāle** sammukhakāle **dissanti** nāma. **Tirokkhakāle** asammukhakāle **sūyanti** nāma. Anurūpato gahaṇaṃ **anuggaho**. **Āraññikattanti** tassa bhikkhuno dhutaguṇattānurūpato gaṇhāti. Tenāha “**āraññikattaṃ anuggaṇhāti**”ti. Araññe nivāso assāti **āraññiko**. Pantaṃ pariyantaṃ dūrataṃ senāsaṇaṃ assāti **pantaseṇāsano**. Taṃ pana atthamattena dassentena “**pantaseṇāsane vasati**”ti vuttaṃ. Bhikkhāsaṅkhātānaṃ piṇḍānaṃ pāto piṇḍapāto, taṃ piṇḍapātaṃ uñchati gavesatīti **piṇḍapātiko**, piṇḍāya patitum caritum vatametassāti vā piṇḍapāti, so eva **piṇḍapātiko**. Dānato avakhaṇḍanato apetaṃ apadānaṃ, saha apadānena sapadānaṃ, anavakhaṇḍanaṃ. Anugharaṃ caraṇasīlo **sapadānacārī**. Unnatabhāvena paṃsukūlaṃ viya paṃsukūlaṃ, paṃsu viya vā kucchitabhāvaṃ ulati gacchatīti paṃsukūlaṃ, tassa dhāraṇaṃ idha paṃsukūlaṃ, taṃ sīlamassāti **paṃsukūliko**.

**Tīhi kāraṇehi lūkhaṃ veditabbaṃ** aghaphassavaṇṇaparīhānito apaṃsukūlampi, ko pana vādo paṃsukūlanti adhippāyo. **Thūladīghasuttakenāti** thūlena olambamānena dīghasuttakena. **Vaṇṇenāti** ettha phassenapi parihāyatīti vattabbaṃ. Taṃ hi tattha kharaphassampi hotiyevāti. Kasmā pana pāḷiyaṃ āraññikādiggahaṇena cattārova dhutaguṇā vuttāti? Padhānattā, taggahaṇeneva ca ito paresampi sukharibhogatāya gahaṇasambhavato. Yo hi āraññiko pantaseṇāsano, tassa abbhokāsikarukkhamūlikanesajjikayathāsanthatikasosānikaṅgāni suparipūrāni. Yo ca piṇḍapātiko sapadānacārī ca, tassa pattapiṇḍikakhalupacchābhattika-ekāsaniṅgāni. Yo pana paṃsukūliko,

tassa tecīvarikaṅgaṃ suparihamevāti. Padhānattā hi bhagavatāpi “kadāhaṃ nandaṃ passeyyaṃ, āraññaṃ paṃsukūlikaṃ”ti-ādinā<sup>1</sup> tattha tattha āraññikādayo eva gayhanti. **Ettakā**ti pāḷiyaṃ āgatānaṃ paricchijja gahaṇametaṃ, na ettakā sabbepi ekassa ekaṃsato sambhavanti, nāpi ettakāyeva pāpadhammā mahātabbā. Na hi makkhapaḷāsādīnaṃ appahīnabhāvepi **sabrahmacārī neva sakkaronti -pa- na pūjenti**ti.

**Tamatthanti** “yassa kassaci”ti-ādinā vuttamatthaṃ. **Upamāya pākataṃ karontoti** anvayato byatirekato ca udāharaṇena vibhāvento. **Ahikuṇapādīnaṃ atipaṭikūlajigucchanīyatā** ativiya duggandhatāya. Sā ca ahīnaṃ tikhiṇakopatāya, kukkuramanussānaṃ odanakummāsūpacayatāya sarīrassa hotīti vadanti. **Imesanti** ahi-ādīnaṃ. **Vaḍḍhetvāti** uparūpari khipanena racitaṃ katvā. Taṃ pana vaḍḍhitaṃ tena ca bhājanaṃ pūritaṃ hotīti āha “**vaḍḍhetvā paripūretvā**”ti. Janassa dassanayogyāṃ dassanīyāṃ **jaññaṃ**, taṃ paramaparissuddhaṃ manoharaṇca hotīti āha “**cokkhacokkhan**”ti. Abhinavaniviṭṭhā mahāmātā **vadhukā**. Sā pana puttalābhayogyatāṃ upādāya maṅgalavacanena “jani”ti vuccati, tassā niyyamānaṃ paṇṇākāraṃ janiyā haratīti **jaññaṃ**. **Ubhayatthāti** atthadvaye. **Punaruttanti** āmedītavacanamāha. Na manāpaṃ etassāti amanāpo, tassa bhāvo **amanāpatā**, tathāpavatto cittuppādoti āha “**amanāpaṃ idanti -pa-adhivacanaṃ**”ti. Buddhavesattā liṅgassa **parissuddhakaṃsapā tisadisatā**. **Kuṇaparacanaṃ viya** icchāvacaṇehi santānassa bharitabhāvo. So pana tesāṃ appahīnatāyāti āha “**icchāvacaṇānaṃ appahānaṃ**”ti.

62. “Tena gāmantavihāraṃ anuggaṇhāti”ti vattabbe “**āraññikattan**”ti pana potthake likhitaṃ. Na hi sukkapakke pāḷiyaṃ āraññikaggahaṇaṃ atthi, sati ca icchāvacaṇarappahāne gāmantavihāro ekantena na paṭikkhipitabbo, icchitabbova tādisānaṃ uttarimanussadhammapaṭicchādanato. Tathā hi vakkhati “**appicchatāsamuṭṭhānehi**”ti-ādi. **Sālivarabhattachanaṃ viya icchāvacaṇarappahānaṃ** manuññabhāvato tittihetuto ca.

---

1. Saṃ 1. 468; Khu 10. 124 piṭṭhesu.

63. **Maṃ tanti** ca upayogavacanaṃ paṭi-saddayogena, attho pana sampadānamevāti āha “**mayhaṃ tuyhaṃ**”ti ca. “**Samaye**”ti **bhummatthe** “samayan”ti **upayogavacanaṃ**. Gijjhakūṭapaṇḍava-isigilivebhāravepullapabbatānaṃ vasena **samantato giriparikkhepena**. **Rājagaheti** samīpatthe bhumnavacanaṃti āha “**taṃ nissāya viharāmi**”ti.

**Purāṇayānakāraputtoti** purāṇe pabbajitato pubbe yānakāraputto tathāpaññāto. **Jimhanti** gomuttakuṭilaṃ. Tenāha “**sappagatamaggasadisanaṃ**”ti. **Soti** paṇḍuputto. **Itaroti** samiti. **Cintitaṭṭhānamevāti** cintitacintitaṭṭhānameva tacchati, tañca kho na tassa cittānusāreṇa, atha kho attano sutānusāreṇa tacchanta yānakāraputto. **Cittanti** attano cittena mama cittaṃ jānitvā viya.

“Na saddhāya pabbajito”ti imināva kammaphalasaddhāya abhāvo nesam pakāsitoti āha “**assaddhāti buddhadhammasaṃghesu saddhāviraḥitā**”ti. Pabbajitānaṃ jīvikā attho etesanti **jīvikatthā**. Tenāha “**iṇabhayādīhi**”ti-ādi. **Kerāṭikam** vuccati sāṭheyyaṃ. Sāṭhānaṃ guṇavāṇijakānaṃ kammaṃ sāṭheyyanti āha “**sāṭheyyaṇhi**”ti-ādi. Tucchasabhāvena māno naḷo viyāti naḷo, mānasaṅkhāto uggato naḷo etesanti **unnaḷā**. Tenāha “**uṭṭhitatucchamānā**”ti. Lahukatāya vā **capalā**. Pharusavacanaṭṭāya **kharavacanā**. Tiracchānakathābahulatāya **niratthakavacanaṭṭāpino**. **Asaṃvutakammadvārāti** idaṃ kammadvārādīnaṃ asaṃvutabhāvo uppattidvārānaṃ asaṃvutatāya eva hotīti katvā vuttaṃ. Atha vā **chasa indriyesūti** nimitte bhummaṃ, chasa indriyesu nimittabhūtesu asaṃvutakammadvārāti attho. **Yā mattāti** bhojane ayuttapariyesana ayuttapaṭiggahaṇa ayuttaparibhoge vajjetvā yuttapariyesanayuttapaṭiggahaṇayuttaparibhogasaṅkhātā yā mattā appamattehi **jānitabbā**. Tenāha “**yuttatā**”ti. **Jāgareti** rattindivaṃ āvaraṇiyehi dhammehi cittaṭṭhānaṃsaṅkhāte jāgare. Tesam jāgaritāya adhisīlasikkhāya gāvarahitānaṃ itarasikkhāsu paṭiṭṭhā eva natthīti dassento “**sikkhāpadesu bahulagāravā na honti**”ti vatvā tameva gāravābhāvaṃ sarūpena vibhāvento “**āpattivītikamabahulā**”ti āha.

Pakatiyāpi siddhāya ratanattayasaddhāya kammaphalasaddhāya ca **saddhā**. **Pivanti maññe** yathā taṃ dravabhūtaṃ amataṃ laddhā. **Ghasanti maññe** yathā taṃ bahalapiṇḍikasudhābhōjanaṃ laddhā. **Attamanavācam nicchārentā** “sādhu sādhu”ti. Tameva pana sādhu-kāraṃ hadaye ṭhapetvā **abbhanumodantā**. Ettha ca attamanavācānicchāraṇaṃ pivanasadisam katvā vuttaṃ bahiddhābhāvato, manasā abbhanumodanaṃ pana abbhantarabhāvato ghasanasadisam vuttaṃ. Saṅkhādanajjhoharaṇaṃ hi ghasananti. Rassaṅca ekavacanaṃ hotīti āha “**rasse sati sārīputtassa upari hotī**”ti. Dīghaṅca bahuvacanaṃ hotīti āha “**dīghe sati sabrahmacārīna**”ti. “Upari hotī”ti ānetvā sambandho. **Ālasiyabyasanādīhī**ti ālasiyena vā ñātibyasanādīhi vā. “**Mahānāgāti vuccantī**”ti vatvā tattha kāraṇaṃ vibhāvento “**tatrā**”ti-ādīmāha. Tattha “na gacchantīti nāgā, na āgacchantīti nāgā, na āguṃ karontīti nāgā”ti yo vividho vacanattho icchito, taṃ vicāretvā dassetuṃ “**chandādīhi**”ti-ādi vuttaṃ taṃ pana ñeyyāvabodhāya vacanato appamattakāraṇaṃ.

Sayameva **āguṃ na karoti** sabbathā maggena pahīna-āguttā. So kāmayogādike **sabbasaṃyoge** dasavidhasaṃyojanappabhedāni ca sabbabandhanāni **visajja** jahitvā **sabbattha** yakkhādīsu, sabbesu vā bhavesu kenaci saṅgena **na sajjati** tīhi ca vimuttīhi **vimutto**, tato eva iṭṭhādīsu tādibhāvappattiyā **tādi**, so vuttalakkaṇena **tathattā** taṃsabhāvattā **nāgo pavuccateti** attho veditabbo. Tenāha “**evamettha attho veditabbo**”ti. **Aññehi khīṇāsavanāgehi** aggasāvakkatā guṇavisesayogato **pujjatarā ca pāsāmsatarā ca**. **Samaṃ anumodimsūti** aññamaññassa subhāsitato sampañicchanena samappavattamodatāya samaṃ sadisaṃ abbhanumodimsu. Taṃ pana samanumodanaṃ “**tattā**”ti-ādinā pāḷivaseneva dasseti.

Anaṅgaṇasuttavaṇṇanāya līnatthappakāsanā samattā.

## 6. Ākaṅkheyyasuttavaṇṇanā

64. **Sampannanti** paripuṇṇaṃ, samantato pannaṃ pattanti sampannaṃ. Tenāha “**idaṃ pari puṇṇasampannaṃ nāmā**”ti. **Nanti** “suvā”ti vuttaṃ suvagaṇaṃ. **Sampannoti** sammadeva pannaṃ gato upagato. Tenāha “**samannāgato**”ti. **Sampannanti** sampattiyuttaṃ. Sā panettha rasantasampatti adhippetā sāmāññajotanāya visese avatṭhānato. Tenāha “**seyyathāpi khuddamadhuṃ aneḷakan**”ti, niddosanti attho. Tena vuttaṃ “**idaṃ madhurasampannaṃ nāmā**”ti. Sīlassa anavasesasamādānena akhaṇḍādibhāvāpattiyā ca **paripuṇṇasīlā**. Samādānato paṭṭhāya acchindanato **sīlasamaṅgino**. Samādānato hi accantavirodhidhammānuppattiyā sīlasamaṅgitā veditabbā, cetanādīnaṃ pana sīlanalakkhaṇānaṃ dhammānaṃ pavattikkhaṇe vattabbameva natthi. **Visuddhimagge**<sup>1</sup> **vuttā**, tasmā tattha vuttanayeneva vitthārakathā veditabbāti adhippāyo.

**Khettapāripūrī**ti nissitapāripūriyā nissayapāripūrimāha nissitakammavipattisampattivisayattā<sup>2</sup> yathā “mañcā ukkuṭṭhim karonti”ti. Tathā hi khettena khaṇḍapūti-ādidoso vutto. **Khettam khaṇḍam hoti** aparipūram hoti sassapāripūriyā abhāvato. Tenevāha “**sassaṃ na utṭheti**”ti. Pādamaṭṭassapi anekambaṇaphalanato<sup>3</sup> **mahapphalam hoti**. Kisalayapalālādibahutāya<sup>4</sup> **mahānisamsam**. **Evamevanti** yathā khittam bījam khaṇḍādicatudosavasena aparipuṇṇam hoti, tadabhāvena ca paripuṇṇam, evaṃ sīlam khaṇḍādicatudosavasena aparipuṇṇam hoti, tadabhāvena ca paripuṇṇanti catudosatadabhāvasāmāññameva nidassananidassitabbavipattisampattisu dasseti. **Mahapphalam hoti** vipākaphalena. **Mahānisamsanti** vipulānisamsam. Svāyam ānisamsa idha pāḷiyam nānappakārena vitthārīyati.

**Ettāvatā kirāti**<sup>5</sup> **kira**-saddo arucisūcanattho. Tenettha ācariyavādassa attano aruccanabhāvaṃ dīpeti. **Sampannasīlāti** anāmaṭṭhavisesaṃ sāmāññato sīlasaṅkhepena gahitam. Tañca catubbidhanti ācariyatthero “**catupārisuddhisīlam uddisitvā**”ti āha. **Tatthāti** catupārisuddhisīle. **Jeṭṭhakasīlanti**<sup>6</sup> padhānasīlam. **Ubhayatthāti** uddesaniddese.

1. Visuddhi 1. 9 piṭṭhe.

2. Nissitakampavipattivisayassa (Ka)

3. Anekakañcaphalanato (Ka)

4. Kim sūkapaḷālādi bahutāya (Ka)

5. Am-Ṭī 2. 34; Am-Ṭī 3. 339 piṭṭhādīsūpi passitabbam.

6. Sam-Ṭī 2. 484 piṭṭhādīsūpi passitabbam.



idha niddese viya uddeseṇi **pātimokkhasaṃvaro bhagavatā vutto** “sampannasīlā”ti vuttattāti adhippāyo. Sīlaggaḥaṇaṃ hi pāḷiyāṃ pātimokkhasaṃvaravasena āgatāṃ. Tenāha “**pātimokkhasaṃvaroyevā**”ti-ādi. Tattha avadhāraṇena itaresaṃ tiṇṇaṃ ekadesena pātimokkhaṅtogaḍḍhabhāvaṃ dīpeti. Tathā hi anolokiyolokane ājīvaḥetu chasikkhāpadavītikkame gilānapaccayassa apaccavekkhitaparibhoge ca āpatti vihitāti. **Tiṇṇī**ti indriyasaṃvarasīlādīni. **Sīlanti vuttaṭṭhānaṃ nāma atthī**ti sīlapariyāyena tesāṃ katthaci sutte gaḥitaṭṭhānaṃ nāma kiṃ atthi yathā pātimokkhasaṃvaroti ācariyassa sammukhattā apaṭikkhipantova upacārena pucchanto viya vadati. Tenāha “**ananujānanto**”ti.

**Chadvārarakkhāmattakamevāti** tassa sallahukabhāvamāha cittādhiṭṭhānamattena paṭipākatikabhāvāpattito. Itaradvayepi<sup>1</sup> eseva nayo. **Paccayuppattimattakanti** phalena hetuṃ dasseti. Uppādanahetukā hi paccayānaṃ uppatti. **Idamatthanti** idaṃ payojanaṃ imassa paccayassa paribhuñjanti adhippāyo. **Nippariyāyenāti** iminā indriyasaṃvarādīni tiṇṇi padhānassa sīlassa parivāravasena<sup>2</sup> pavattiyā pariyāyasīlāni nāmāti dasseti.

Idāni pātimokkhasaṃvarasseva padhānabhāvaṃ byatirekato anvayato ca upamāya vibhāvetuṃ “**yassā**”ti-ādimāha. Tattha **soti** pātimokkhasaṃvaro. **Sesaṇī**ti indriyasaṃvarādīni. **Tassevāti** “sampannasīlā”ti ettha yaṃ sīlaṃ vuttaṃ, tasseva. **Sampannapātimokkhāti** ettha pātimokkhaggaḥaṇena **vevacanaṃ vatvā taṃ vitthāretvā -pa-** ādimāha. Yathā aññatthāpi “idha bhikkhu sīlavā hoti”ti<sup>3</sup> puggalādhiṭṭhānāya desanāya uddiṭṭhaṃ sīlaṃ “pātimokkhasaṃvarasaṃvuto viharatī”ti<sup>4</sup> niddiṭṭhaṃ.

**Pātimokkhasaṃvarasaṃvutāti** yo naṃ pāti rakkhati, taṃ mokkheti moceti āpāyikādīhi dukkhehīti “pātimokkhaṅ”ti laddhanāmena sikkhāpadasīlena pihitakāyavacīdvārā. Te pana yasmā evambhūtā tena samannāgatā nāma honti, tasmā vuttaṃ “**pātimokkhasaṃvarena samannāgatā**”ti.

1. Itaresupi (Am-Ṭī 3. 340 piṭṭhe)

2. Paripālanaparisoḍḍhanavasena (Saṃ-Ṭī 2. 485 piṭṭhe)

3. Khu 7. 385 piṭṭhe.

4. Abhi 2. 253; Khu 7. 385 piṭṭhesu.

Aparo nayo<sup>1</sup>—kilesānaṃ balavabhāvato, pāpakiriyāya sukarabhāvato, puññakiriyāya ca dukkarabhāvato bahukkhattum apāyesu patanasīloti pātī, puthujjano. Aniccatāya vā bhavādīsu kammavegakkhitatto ghaṭṭiyantaṃ viya anavaṭṭhānena paribbhamanato gamanasīloti pātī, maraṇavasena vā tamhi tamhi sattanikāye<sup>2</sup> attabhāvassa pātanāsīloti pātī, sattasantāno, cittameva vā, taṃ pātīm saṃsāradukkhatto mokkhetīti **pātimokkhaṃ**. Cittassa hi vimokkhena satto vimuttoti vuccati. Vuttaṃ hi “cittavodāna visujjhantī”ti<sup>3</sup>, “anupādāya āsavehi cittaṃ vimuttan”ti<sup>4</sup> ca.

Atha vā avijjādinā hetunā saṃsāre patati gacchati pavattatīti pātī. “Avijjānīvaraṇānaṃ sattānaṃ taṇhāsāmyojanānaṃ sandhāvataṃ saṃsāratan”ti<sup>5</sup> hi vuttaṃ. Tassa pātino sattassa taṇhādisaṃkilesattayato mokkho etenāti **pātimokkho**. “Kaṇṭhekālo”ti-ādīnaṃ viya samāsasiddhi veditabbā.

Atha vā pāteti vinipāteti dukkheti pātī, cittaṃ. Vuttaṃ hi “cittena nīyati loko, cittena parikkassatī”ti<sup>6</sup>. Tassa pātino mokkho etenāti **pātimokkho**. Patati vā etena apāyadukkhe saṃsāradukkhe cāti pātī, taṇhādisaṃkilesa. Vuttaṃ hi “taṇhā janeti purisaṃ<sup>7</sup>, taṇhādutiyo puriso”ti<sup>8</sup> ca ādi. Tato pātito mokkhoti **pātimokkho**.

Atha vā patati etthāti pātī, cha ajjhattikabāhirāni āyatanāni. Vuttaṃ hi “chasu loko samuppanno, chasu kubbati santhavan”ti<sup>9</sup>. Tato ajjhattikabāhirāyatanasaṅkhātato pātito mokkhoti **pātimokkho**. Atha vā pāto vinipāto assa atthīti pātī, saṃsāro. Tato mokkhoti **pātimokkho**. Atha vā sabbalokādhipatibhāvato dhammissaro bhagavā “patī”ti vuccati, muccati etenāti mokkho, patino mokkho tena paññattatīti

1. Udāna-Ṭṭha 202; Itivuttaka-Ṭṭha 290 piṭṭhādīsūpi passitabbaṃ.

2. Tamhā tamhā sattanikāyā (?)

3. Saṃ 1. 123 piṭṭhe. 4. Vi 3. 24 piṭṭhe.

5. Saṃ 1. 387 piṭṭhe.

6. Saṃ 1. 36 piṭṭhe. 7. Saṃ 1. 35 piṭṭhe.

8. Khu 1. 201, 268; Aṃ 1. 316 piṭṭhesu.

9. Saṃ 1. 38; Khu 1. 304 piṭṭhesu.

patimokkho, patimokkho eva **pātimokkho**. Sabbaguṇānaṃ vā mūlabhāvato uttamaṭṭhena pati ca so yathāvuttatthena mokkho cāti patimokkho, patimokkho eva **pātimokkho**. Tathā hi vuttaṃ “pātimokkhanti-ādimetam mukhametaṃ pamukhametan”<sup>1</sup> ti vitthāro.

Atha vā pa-iti pakāre, **atīti** accantatthe nipāto, tasmā pakārehi accantaṃ mokkhetīti **pātimokkho**. Idañhi sīlaṃ sayāṃ tadaṅgavasena, samādhisahitaṃ paññāsahitañca vikkhambhanavasena, samucchedavasena ca accantaṃ mokkheti mocetīti **pātimokkho**. Pati pati mokkhoti vā patimokkho, tamhā tamhā vītikkamadosato paccekaṃ mokkhoti attho. Patimokkho eva **pātimokkho**. Mokkho vā nibbānaṃ, tassa mokkhassa patibimbabhūtoti patimokkho. Sīlasaṃvaro hi nibbedhabhāgiyo sūriyassa aruṇuggamaṇaṃ viya nibbānassa udayabhūto tappaṭibhāgo viya hoti yathārahaṃ kilesanibbāpanatoti patimokkho, patimokkhoyeva **pātimokkho**. Atha vā mokkhaṃ pativattati mokkhābhimukhanti vā patimokkhaṃ, patimokkhameva **pātimokkhanti** evamettha pātimokkhasaddassa attho veditabbo.

**Ācāragocarasampannāti** kāyikavācasika-avītikkamasāṅkhātena ācārena ceva navesiyagocaratādisāṅkhātena gocarena ca sampannā, sampanna-ācāragocarāti attho. **Appamattesūti** atiparittakesu anāpattigamanīyesu, dukkaṭadubbhāsitamattesūti apare. **Vajjesūti** gārayhesu. Te pana ekantato akusalasabhāvā hontīti āha “**akusaladhammesū**”<sup>1</sup> ti. **Bhayadassinoti** bhayato dassanasīlā, paramāṇumattampi vajjaṃ sineruppamāṇaṃ viya katvā bhāyanasīlā. **Sammā ādiyitvāti** sammadeva sakkaccaṃ sabbaso ca ādiyitvā. **Sikkhāpadesūti** niddhāraṇe bhumanti samudāyato avayavaniddhāraṇaṃ dassento “**sikkhāpadesu taṃ taṃ sikkhāpadaṃ samādiyitvā sikkhathā**”<sup>1</sup> ti atthamāha. Sikkhāpadameva hi samādātabbaṃ sikkhitabbañcāti adhippāyo. **Yaṃ kiñci sikkhakoṭṭhāsesūti** sikkhakoṭṭhāsesu mūlapaññatti-anupaññattisabbatthapaññattipadesapaññatti-ādibhedam yaṃ kiñci sikkhitabbaṃ paṭipajjitabbaṃ pūretabbaṃ sīlaṃ. Tam pana dvāravasena duvidhamevāti

---

1. Vi 3. 141 piṭṭhe.

āha “**kāyikaṃ vācasikañcā**”ti. Imasmim atthavikappe **sikkhāpadesūti** ādhāre bhummaṃ sikkhābhāgesu kassaci visuṃ aggahaṇato. Tenāha “**taṃ sabban**”ti.

65. **Kasmā āraddhanti**<sup>1</sup> desanāya kāraṇapucchā.

**Sīlānisamsadassanattanti** payojananiddeso. Ko attho kva attho kva nipātītāti? Nayidamevaṃ daṭṭhabbaṃ. **Sīlānisamsadassanattanti** hi ettha byatirekato yaṃ sīlānisamsassa adassanaṃ, taṃ imissā desanāya kāraṇanti kasmā āraddhanti vineyyānaṃ sīlānisamsassa adassanatoti atthato āpanno eva hotīti. Tenāha “**sacepī**”ti-ādi. **Sīlānisamsadassanattanti** pana imassa atthaṃ vivarituṃ “**tesan**”ti-ādi vuttaṃ. **Ānisamsoti** udayo. “Sīlavā sīlasampanno kāyassa bhedaṃ paraṃ maraṇā sugatiṃ saggalokaṃ upapajjati”ti-ādīsu<sup>2</sup> pana vipākaphalampi “ānisamsa”ti vuttaṃ. **Ko visesoti** ko phalaviseso. **Kā vaḍḍhīti** ko abbhudayo. Vijjamānopi guṇo yāthāvato vibhāvito eva abhiruciṃ uppādeti, na avibhāvito, tasmā ekantato ānisamsakittanaṃ icchitabbamevāti dassetuṃ **visakaṇṭakavāṇijo** udāhaṭo.

Tattha **guḷo** nāma ucchurasāṃ pacitvā cuṇṇādīhi missitvā sampiṇḍane piṇḍībhūtaṃ. **Phaṇitaṃ** apiṇḍitaṃ dravībhūtaṃ. **Khaṇḍaṃ** bhijjanakkhamaṃ. **Sakkharā** nāma phalikasadisā. **Sakkharādīnīti** ādi-saddena macchaṇḍikānaṃ saṅgaho. Tasmim kāle guḷādīsu visakaṇṭakavohāro apaccantadese pacuroti “**paccantagāmaṃ gantvā**”ti vuttaṃ. **Dārake ca palāpesuṃ** “visakaṇṭakaṃ mā gaṇhantū”ti.

**Piyoti** piyāyitabbo. Piyassa nāma dassanaṃ ekantato abhinanditabbaṃ hotīti āha “**piyacakkhūhi sampassitabbo**”ti. Pītisamuṭṭhānapasannasommarūpapariggahaṃ hi cakkhu “piyacakkhū”ti vuccati. **Tesanti** sabrahmacārīnaṃ. **Manavaḍḍhanakoti** pītimanassa paribrūhanato uparūpari pīticittassa uppādamo. **Garuṭṭhāniyoti** garukaraṇassa ṭhānabhūto. **Jānaṃ jānātīti** ñāṇena jānitabbaṃ jānāti. Yathā vā aññe ajānantāpi jānantā viya pavattanti, na evamayaṃ, ayaṃ pana jānanto eva

1. Am-Ṭī 3. 340 piṭṭhādīsupi passitabbaṃ.

2. Dī 2. 73; Dī 3. 197; Am 2. 221; Vi 3. 322 piṭṭhesu.

jānāti. **Passaṃ passatī**ti dassanabhūtena paññācakkhunā passitabbaṃ passati, passanto eva vā passati. **Evam sambhāvanīyoti** evaṃ viññutāya paṇḍitabhāvena sambhāvetabbo.

**Sīlesvevassa paripūrakārī**ti sīlesu paripūrakārī eva bhavyeyāti evaṃ uttarapadāvadhāraṇaṃ daṭṭhabbaṃ. Evaṃ hi iminā padena uparisikkhādvayaṃ anivattitameva hoti. Yathā pana sīlesu paripūrakārī nāma hoti, taṃ phalena dassetuṃ “**ajjhattaṃ**”ti-ādi vuttaṃ. Vipassanādhīṭṭhānasamādhisaṃvattanikatāya hi idha sīlassa pāripūrī, na kevalaṃ akhaṇḍādibhāvamattaṃ. Tenāha “yāni kho pana tāni akhaṇḍāni -pa- samādhisaṃvattanikāni”ti. Evañca katvā upari sikkhādvayaṃ sīlassa sambhārabhāvena gahitanti sīlassevettha padhānaggahaṇaṃ siddhaṃ hoti. Tathā hi cittekaggatāsaṅkhārāpariggahānaṃ sīlassānurakkhaṇabhāvaṃ vakkhati. Yaṃ pana vakkhati “sikkhattayadesanā jātā”ti<sup>1</sup>, taṃ itarāsampi sikkhānaṃ idha gahitātamattaṃ sandhāya vuttaṃ, na padhānabhāvena gahitataṃ. Yadi evaṃ kathaṃ sīlassa appamattakatāvacaṇaṃ. Vuttaṃ hetam “appamattakaṃ kho panetaṃ bhikkhave oramattakan”ti<sup>2</sup>. Taṃ puthujjanagocaraṃ sandhāya vuttaṃ. Tathā hi tattha na nippadesato sīlaṃ vibhattaṃ, evaṃ katvā tattha sīlamattakanti mattaggahaṇaṃ samatthitanti daṭṭhabbaṃ. **Anūnenāti** akhaṇḍādibhāvena, kassaci vā ahāpanena upapannena. **Ākārenāti** karaṇena sampādanena. **Cittasamatheti** cittasamādhāne. **Yuttoti** aviyutto pasuto. Yo sabbena sabbam jhānabhāvaṇaṃ<sup>3</sup> ananuyutto, so taṃ bahi nīharati nāma. Yo ārabhitvā antarā saṅkocaṃ āpajjati, so taṃ vināseti nāma. Yo pana īdiso ahutvā jhānaṃ upasampajja viharati, so **anirākatajjhānoti** dassento “**bahi anīhaṭajjhāno**”ti-ādimāha.

Aniccassa tebhūmakadhammassa, aniccanti vā anupassanā **aniccānupassanā**. Tathā **dukkhānupassanā anattānupassanā** ca. Tasseva nibbindanākārena pavattā anupassanā **nibbidānupassanā**. Virajjanākārena pavattā anupassanā **virāgānupassanā**. Nirodhassa anupassanā **nirodhānupassanā**. Paṭinissajjanavasena pavattā anupassanā **paṭinissaggānupassanā**. Suññāgāragato bhikkhu tattha laddhakāyavivekatāya samathavipassanāvasena

1. Ma-Ṭṭha 1. 162 piṭṭhe. 2. Dī 1. 3 piṭṭhe. 3. Jhānabhāvanāya (Am-Ṭī 3. 342 piṭṭhe)

cittavivekaṃ paribrūhento yathānusiṭṭhaṃ paṭipattiyā lokaṃ sāsanañca attano viśesādhiḡamaṭṭhānabhūtaṃ suññāgārañca upasobhayaṃāno gūṇaviśesādhiṭṭhānabhāvāpādanena viññūnaṃ atthato taṃ brūhento nāma hotīti vuttaṃ “**brūhetā suññāgārānaṃ**”ti. Tenāha “**ettha cā**”ti-ādi. Ayameva ca suññāgārānubrūhanaviññuppasatthānaṃ bhājanaṃ, na senāsanapatiṭṭhāpananti<sup>1</sup> dassento āha “**ekabhūmakādi -pa- daṭṭhabbo**”ti. **Suññāgāra**ggahaṇena cettha araññarukkhamūlādi sabbaṃ padhānānuyogakkhamaṃ senāsaṇaṃ gahitanti daṭṭhabbaṃ.

**Taṇhāvicaritadesanā**ti “ajjhattikassa upādāyā”ti<sup>2</sup> ādinayappavattaṃ taṇhāvicaritasuttaṃ. **Taṇhāpadaṭṭhānattā**ti taṇhāsannissayattā. Na hi taṇhāviraḡitā mānadiṭṭhipavatti atthi. **Mānadiṭṭhiyo osarivā**ti dassetabbatāya mānadiṭṭhiyo ogāhetvāti attho. Gahaṇatthameva hi desetabbadhammassa desanāya osaraṇaṃ. **Taṇhāmānadiṭṭhiyo papañcattayaṃ** sattasantānaṃsa saṃsāre papañcanaṃ anuppabandhanavasena vitthāraṇato. **Sīlapadaṭṭhānattā**ti sīlādhiṭṭhānattā.

Adhicittasikkhā vuttāti ānetvā sambandho. Vipassanāvasena suññāgāravaḡḡhaneti yojanā. **Dvepi sikkhā**ti adhicittādhipaññāsikkhā. **Saṅgahetvā**ti adhisīlasikkhāya saddhiṃ saṅgahetvā vuttā. Yadi evamaṃ sikkhattayadesanā jāṭāti sikkhattayānisamsappakāsaṃ siyāti anuyogaṃ sandhāyāha “**ettha cā**”ti-ādi. Tattha yaṃ vattabbaṃ, taṃ heṭṭhā vuttameva. Indriyaṃvarō viya pātimokkhasaṃvarassa catupārisuddhisīlassa ārakkhabhūtā cittekaggatā vipassanā ca idha gahitāti tadubhayaṃ appadhānaṃ, sīlameva pana padhānabhāvena gahitanti veditabbaṃ. Tenāha “**sīlānurakkhikā evā**”ti-ādi.

**Balavatarasukhanti** samuppannabyādhidukkhato balavataraṃ, taṃ abhibhavituṃ samatthaṃ jhānasukhaṃ uppajjati. **Balavamamattaṃ hoti**, tena daḡha-attasinehena viluttahadayo kusaladhamme chaḡḡdento **so tathārūpesu -pa- posetā hoti**. **Balavamamattaṃ vā sineho na hoti** “suddho saṅkhārapuñjo”ti

1. Senāsanapatiṭṭhānataṃ (Ka)

2. Abhi 2. 406 piṭṭhe.

yathāvadassanena ahaṃkāramamaṃkārahāvato. Dubbhikkhabhaye khudābhibhavaṃ sandhāyāha “**sacepissa antāni bahi nikkhamanti**”ti. Byādhibhayaṃ sandhāyāha “**ussussati visussati**”ti. Ādi-saddena gahitaṃ corabhayaṃ sandhāyāha “**khaṇḍākhaṇḍiko vā**”ti. Ubhayassāti samathavipassanādvayassa. Ettha ca “ajjhataṃ ceto -pa- suññāgarānan”ti imehi visesanibbedhabhāgiyabhāvāpādanena sīlaṃ rakkhituṃ samatthā eva cित्tekaggatāvipassanā gahitā. Yasmā parato jhānavimokkaphalābhiññāna-adhiṭṭhānabhāvo sīlassa uddhaṭo, tasmā tassa bhiyyopi sambhārabhūtā eva cित्tekaggatā vipassanā tattha tattha gahitāti veditabbā.

**Sīlādīti ādi-saddena** yathāvuttacित्tekaggatāvipassanā saṅgaṇhāti, sīlassa vā mūlakāraṇabhūtaṃ sabbaṃ kammassakatañāṇaṃ saṅgaṇhāti kamma pathasammādiṭṭhiṃ vā. Sīlaṃ hi tadaññampi puññakiriya vatthu teneva parisodhitaṃ mahapphalaṃ hoti mahānisamsanti. **Lābhī assanti** lābhāsāya saṃvaraṇasīlaparipūraṇaṃ pāḷiyaṃ āgataṃ kimīdisaṃ bhagavā anujānāti? Na bhagavā sabhāvena īdisaṃ anujānāti, mahākāruṇikatāya pana puggalajjhāsayena evaṃ vuttanti dassento “**na cetthā**”ti-ādimāha. Tattha **ghāsesanaṃ chinnakatho na** vācaṃ **payuttaṃ bhaṇeti** chinnakatho mūgo viya hutvā obhāsaparikathānimittaviññattipayuttaṃ ghāsesanaṃ vācaṃ na bhaṇe na katheyyāti attho. **Puggalajjhāsayavasena**ti saṅkhepato vuttamatthaṃ vivaranto “**yesañhī**”ti-ādimāha. Raso sabhāvabhūto ānisamsa **rasānisamsa**.

**Paccayadānakārāti** cīvarādipaccayavasena dānakārā. “**Devānaṃ vā**”ti vuttavacanaṃ pākāṭikātumāha “**devāpi**”ti-ādi. “Pañcime gahapatayo ānisamsā”ti-ādīsu<sup>1</sup> ānisamsasaddo phalaparīyāyopi hotīti āha “**ubhayametam atthato ekan**”ti.

Sassusasurā ca tappakkhikā ca **sassusasurapakkhikā**. Te ñātiyonisambandhena āvāhavivāhasambandhavasena sambandhā **ñāti**. **Sālohitāti** yonisambandhavasena. **Ekalohitasambaddhāti** ekena samānena lohitasambandhena sambaddhā. **Peccabhāvaṃ gatāti** petūpapattivasena

---

1. Dī 2. 73 piṭṭhe.

nibbattiṃ upagatā. Te pana yasmā idha katakālakiriya kālana katajīvitupacchedā honti, tasmā vuttaṃ “**kālakatā**”ti. **Pasannacittoti** pasannacittako. Kālakato pitā vā mātā vā petayoniṃ upapannoti adhikārato viññāyatīti vuttaṃ “**mahānisaṃsameva hoti**”ti, tassa tathā sīlasampannattāti adhippāyo. Ariyabhāve pana sati vattabbameva natthi. Tenāha “**anekāni kappasatasahassāni**”ti-ādi. **Bahukāranti** bahupakāraṃ. **Upasaṅkamananti** abhivādanādivasena upagamanāṃ. **Payirupāsananti** upaṭṭhānanti.

66. **Ajjhottharītā**ti maddibhā. **Ukkaṇṭhāti** riñcanā anabhirati ananuyogo. Sīlavā bhikkhu attano sīlakhaṇḍabhayena samāhito vipassako ca paccayaghātena aratiyā ratiyā ca sahitā abhibhavitāva hotīti āha “**sīlādiguṇayuttenevā**”ti-ādi.

**Cittutrāso** bhāyatīti **bhayaṃ**. **Ārammaṇaṃ** bhāyati etasmāti **bhayaṃ**. Purimavārasadisattā **vuttanayamevā**ti atidisitvāpi puna taṃ dassetuṃ “**sīlādiguṇayutto** hi”ti-ādi vuttaṃ. Therassa heṭṭhānisinnattā devatāya **dārakā sakabhāvena saṅṭhātuṃ** sukhena vattituṃ **asakkontā** asamatthā.

Adhikaṃ cetoti **abhiceto**, upacārajjhānacittāṃ. Tassa pana adhikatā pākatikakāmāvacaracittehi sundaratāya sapaṭipakkhato visuddhiyā cāti āha “**abhikkantaṃ visuddhicittan**”ti. **Adhicittanti** samādhimāha, so ca upacārasamādhi daṭṭhabbo. Vivekajaṃ pītisukhaṃ, samādhijaṃ pītisukhaṃ, apītijaṃ jhānasukhaṃ, satipārisuddhijaṃ jhānasukhanti catubbidhampi jhānasukhaṃ paṭipakkhato nikkhantataṃ upādāya “**nekkhammasukhan**”ti vuccatīti āha “**nekkhammasukhaṃ vindanti**”ti. **Ichchicchitakkhaṇe samāpajjituṃ samatthoti** iminā tesu jhānesu samāpajjanavasībhāvamāha, “**nikāmalābhi**”ti pana vacanato āvajjanādhiṭṭhānapaccavekkhaṇavasīyopi vuttā evāti veditabbā. **Sukheneva paccanīkadhamme vikkhambhetvā**ti etena tesāṃ jhānasukhakhippābhiññatañca dasseti. **Vipulānanti** vepullaṃ pāpitānaṃ. Jhānānaṃ vipulatā nāma subhāvitabhāvena ciratarappatti, sā ca paricchedānurūpāva icchitabbāti “**vipulānan**”ti vatvā “**yathāparicchedeveyeva vuṭṭhātuṃ samatthoti vuttaṃ**



**hotī**”ti āha. Paricchedakālaṃ hi appatvāva vuṭṭhahanto akasiralābhī na hoti yāvadacchakaṃ pavattetuṃ asamatthattā. Idāni teyeva yathāvutte samāpajjanādivasībhāve byatirekavasena vibhāvetuṃ “**ekacco hī**”ti-ādi vuttaṃ. Tattha **lābhīyeva hotīti** idam paṭiladdhamattassa jhānassa vasena vuttaṃ. **Tathāti** icchiticchitakkhaṇe. **Pāribandhiketi** vasībhāvassa paccanīkadhamme. Jhānādhigamassa pana paccanīkadhammā pageva vikkhambhitā, aññathā jhānādhigamo eva na siyā. **Kicchena vikkhambhetīti** kicchena visodheti. Kāmādīnavapaccavekkhaṇādīhi kāmaccchandādīnaṃ viya aññesampi samādhīpāribandhikānaṃ dūrasamussāraṇaṃ idha vikkhambhanaṃ visodhanañcāti veditabbaṃ. **Nāḷikāyantanti** kālamānanāḷikāyantaṃ<sup>1</sup> āha.

Visesena rūpāvacaracatutthajjhānaṃ sabbaso vasībhāvāpāditaṃ abhiññāpādakanti adhippāyenāha “**abhiññāpādake jhāne vutte**”ti. Arūpajjhānampi pana adhiṭṭhānatāya pādakameva cuddasadhā cittaparidamanena vinā tadabhāvato. “Evamabhiññāpādake rūpāvacarajjhāne vutte rūpāvacaratāya kiñcāpi abhiññānaṃ lokiyavāro<sup>2</sup> āgato”ti ayaṃ hettha adhippāyo. **Nanti** abhiññāvāraṃ. **Cattāri -pa- ariyamaggā silānaṃ ānisaṃso** sampannaśilasseva lābhato. **Pariyādiyivāti** gahetvā.

**Āngasantatāyāti** nīvaraṇādīnaṃ paccanīkadhammānaṃ sudūratārabhāvena jhānaṅgānaṃ vūpasantatāya, nibbutasabbadarathapariḷāhatāyāti attho, yato tesam jhānānaṃ paṇītatarādībhāvo. **Ārammaṇasantatāyāti** rūpapaṭiḡhādivigamanena saṅhasukhumādībhāvappattasantabhāvena. Yadaggena hi nesam bhāvanābhisamayasaṃbhāvitasasaṅhasukhumākārāni ārammaṇāni santāni, tadaggena jhānaṅgānaṃ santatā veditabbā. **Ārammaṇasantatāya** santatā lokuttaradhammārammaṇāhi paccavekkhaṇāhi dīpetabbā. **Vimuttā** visesena muttā. Ye hi jhānadhammā tathāpavattapubbabhāgabhāvanāhi tabbisesatāya sātīsayam paṭipakkhadhammehi vimuttivasena pavattanti, tato eva tathāvimuttatāya pitu aṅke vissaṭṭha-aṅgapaccaṅgo viya kumāro nīrāsāṅkabhāvena ārammaṇe adhimuttā ca pavattanti, te vimokkhāti vuccanti. Tenāha “**vimokkhāti paccanīkadhammehi vimuttattā ārammaṇe ca**

1. Nāḷikāyantanti kālamānanāḷikāyantaṃ (?)

2. Lokiya-abhiññānaṃ vāro (?)

**adhimuttattā**”ti. Yadipi ārammaṇasamatikkamavasena pattabbāni āruppāni, na aṅgātikkamavasena, tathāpi yasmā ārammaṇe avirattassa jhānasamatikkamo na hoti, samatikkantesu ca jhānesu ārammaṇam samatikkantameva hoti, tasmā ārammaṇasamatikkamam avatvā **“rūpāvacarajjhāne atikkamitvā”**icceva vuttaṃ. **Atikkamma rūpeti** pāḷiyam **“sampādetabbā, passitabbā”**ti vā kiñci padaṃ icchitabbam, asutaparikkappanena pana payojanam natthīti **“santāti padasambandho”**ti vuttaṃ. Evañca katvā tena virāgabhāvena tesam santatāti ayampi attho vibhāvito hoti. Rūpajjhānādīnam viya natthi etesam ārammaṇabhūtam vā phalabhūtam vā rūpanti arūpā, arūpā eva **āruppā**. Tenāha **“ārammaṇato ca vipākato ca rūpavirahitā”**ti. **Nāmakāyenāti** sahaḷātanāmasamūhena.

67. **Samyojentīti** bandhanti. Kehīti āha **“khandhagatī”**ti-ādi. Asamucchinnarāgādikassa hi khandhādīnam āyatim khandhādīhi sambandho, samucchinnarāgādikassa pana tam natthi katānampi kammānam asamatthabhāvāpattitoti. Rāgādīnam anvayato ca samyojanaṭṭho siddhoti āha **“khandhagatī -pa- vuccanti”**ti. **Parikkhayenāti** samucchedena sabbaso āyatim anuppajjanena. Paṭipakkhadhammānam anavasesato savanato pīḷanato **soto**, ariyamaggoti āha **“sototi ca maggasetam adhivacanan”**ti. Tam sotam ādito panno adhigacchīti **sotāpanno**, aṭṭhamako. Tenāha **“tamśamaṅgīpuggalassā”**ti<sup>1</sup>, paṭhamamaggakkhaṇe puggalassāti adhippāyo. Idha pana **panna**-saddo “phalāsacchikiriyāya paṭipanno”ti-ādīsū<sup>2</sup> viya vattamānakālikoti āha **“maggena phalassa nāmam dinnan”**ti. Atītakālikatte pana sarasatova nāmalābho siyā. Virūpaṃ sadukkham sa-upāyāsam nipātetīti **vinipāto**, apāyadukkhe khipanako. **Dhammoti** sabhāvo. Tenāha **“attānan”**ti-ādi. **Kasmāti** avinipātadhammatāya kāraṇam pucchati. Apāyam gamentīti **apāyagamanīyā**. Sambujjhatīti **sambodhi**, ariyamaggo. So pana paṭhamamaggassa adhigatattā avasiṭṭho eva adhigandhabbhāvena icchitabboti āha **“uparimaggattayan”**ti.

**Vaṇṇabhāṇanattham vuttāni**, na pahātabbānīti adhippāyo. Oḷārikānam rāgādīnam samucchindanavasena pavattamāno dutiyamaggo avasiṭṭhānam tesam

1. Tañkhaṇe puggalassāti (Ka)

2. Am 3. 115 piṭṭhe.

tanubhāvāpattiyā uppanno nāma hotīti vuttam **“rāgadosamohānam tanuttā”**ti. **Adhiccuppattiyā**ti kadāci karahaci uppajjanena.

**Pariyuṭṭhānamandatāyā**bhi samudācāramudutāya. **Abhiṇham na uppajjanti** tajjassa ayonisomanasikārassa anibaddhabhāvato. **Mandamandā uppajjanti** vipallāsānam tappaccayānañca mohamānādīnam mudutarabhāvato. **Bahalāva uppajjanti** vatthupaṭisevanatoti adhippāyo. Tenāha **“tathā hī”**ti-ādi.

**Sakim āgamanadhammoti** paṭisandhivasena sakimyeva āgamanasabhāvo. **Ekavāramyeva -pa- āgantvāti** iminā pañcasu sakadāgāmīsu cattāro vajjetvā ekoyeva gahitoti dassento **“yopi hī”**ti-ādimāha. Tattha yvāyam pañcamako sakadāgāmī **“idha maggam bhāvetvā devaloke nibbato, tattha yāvatāyukam thatvā puna idhūpapajjitvā parinibbāyati”**ti vutto, tassa ekabījīnā saddhim kim nānākaraṇanti? Ekabījissa ekā paṭisandhi, sakadāgāmissa dve paṭisandhiyoti idam tesam nānākaraṇam. Yassa hi sotāpannassa ekamyeva khandhabījam, na ekam attabhāvaggahaṇam, so ekabījīti.

**Heṭṭhāti** **“amahaggaṭabhūmiyan”**ti heṭṭhā sambandhanena. Heṭṭhābhāgassa hitāti **heṭṭhābhāgiyā**, tesam. **Tānīti** orambhāgiyasamyojanāni. **Kāmāvacare nibbattatiyeva** ajjhattam samyojanattā. Tathā hesa dūratopi āvattidhammo evāti dassetuṃ gilabālisamacchādayo upamābhāvena vuttā. **Opapātikoti** iminā gabbhavāsadukkhābhāvamāha. **Tattha parinibbāyīti** iminā sesadukkhābhāvam. Tattha parinibbānatā cassa kāmāloke khandhabījassa apunārohavasenevāti dassetuṃ **“anāvattidhammo”**ti vuttam.

68. **Kevalāti** lokiyābhiññāhi asammissā. **Lokiyapañcābhiññāyopi sīlānam ānisaṃso** tadavinābhāvato. Tāpi dassetuṃ ākañkheyya ce -pa- evamādimāhāti yojanā. Āsavānam anavasesappahānato arahattamaggoyeva visesato **“āsavakkhayo”**ti vattabbatam arahatīti vuttam **“āsavakkhaye kathite”**ti, aññathā sabbāpi chaḷabhiññā āsavakkhayo evāti. **Imesaṃ guṇānanti**

lokiyābhiññānaṃ. Yathā purisassa muṇḍitaṃ sīsaṃ sikhāviraḥitaṃ na sobhati, evaṃ desanāya sīsabhūtāpi aggamaḡḡakathā lokiyaḡbhiññāraḡhitā na sobhatīti āha “**ayaṃ kathā muṇḍābhiññākathā nāma bhaveyyā**”ti. **Iddhivikubbanā**ti iddhi ca vikubbanā ca. Vikubbanagḡaḡaḡena cettha vikubbaniddhimāha, iddhigḡaḡaḡena tadaññaṃ sabbaḡca abhiññākiccaṃ. **Yuttaṭṭhāneyevā**ti lokiyaḡbhiññānaṃ nibbattanassa viya desanāya yuttaṭṭhāneyeva. Etena na kevalaṃ desanakkamenevāyaṃ desanā, atha kho paṭipattikkamenapīti dasseti. **Visuddhimagge**<sup>1</sup> **vuttā**, tasmā tattha vuttanayeneva veditabbāti adhippāyo.

69. **Āsavānaṃ khayā**ti heṭṭhimamaggena khepitāvasiṭṭhānaṃ āsavānaṃ arahattamaggena samucchindanato. Yasmā arahattamaggo na kevalaṃ āsaveyeva khepeti, atha kho avasiṭṭhe sabbakilesepi, tasmā āha “**sabbakilesānaṃ khayā**”ti. Lakkhaḡamattāṃ heṭṭha āsavagḡaḡaḡaṃ, āsavānaṃ ārammaḡabhāvassapi anupagamanato anāsavaṃ. Yasmā pana tattha āsavānaṃ lesopi natthi, tasmā vuttaṃ “**āsavaviraḡhitaṃ**”ti. **Samādhivutto** cetosīsenā yathā “cittaṃ paññaḡca bhāvayaṃ”ti<sup>2</sup> adhippāyo. **Rāgato vimuttattā avijjāya vimuttattā**ti idaṃ ujuvipaccanīkapaṭippassaddhidassanaṃ daṭṭhabbaṃ, na tadaññesaṃ pāpadhammānaṃ appaṭippassaddhattā. Idāni tameva samādhipaññānaṃ rāḡavijjāpaṭipakkhataṃ āgamena dassetuṃ “**vuttaṃ cetan**”ti-ādi vuttaṃ. **Samathaphalanti** samathassa phalaṃ. Lokiyasamathabhāvanāya hi vipassanāḡatāya āhitaphalassa lokuttarasamathassa sarikkhakaphalo **cetovimutti**. **Vipassanāphalanti** etthāpi eseva nayo. **Attanoyevā**ti sutamayaññāḡādinā viya parapaccayataṃ nayagḡāhaḡca muñcitvā paratoghosānugatabhāvanādhigamabhūtātāya attanoyeva **paññāya paccakkhaṃ katvā** sayambhuññābhūtāyāti adhippāyo. Tenāha “**aparappaccayena ñatvā**”ti.

**Sabbampi tanti sabbampi** sattarasavidhaṃ taṃ yathāvuttaṃ sīlānisamsāṃ. Yathā ānisamsavante sammadeva sampāḡite tadānisamsā dassitā eva honti tadāyattabhāvato, evaṃ ānisamsapadhānayoḡyabhāvena

1. Visuddhi 2. 6 piṭṭhe.

2. Saṃ 1. 13, 167; Khu 10. 197; Khu 11. 33 piṭṭhe.

dassite tadānisamsā dassitā eva hontīti āha **sampiṇḍetvā dassento**"ti. Vuttasseva atthassa puna vacanaṃ nigamananti vuttaṃ "**nigamanaṃ āhā**"ti. **Pubbeti** desanārambhe. **Evam vuttanti** "sampannasīlā"ti evamādinā ākārena vuttaṃ. **Idaṃ sabbampī**ti idaṃ "sampannasīlā"ti-ādikaṃ sabbampi vacanaṃ. **Etaṃ paṭiccā**ti etaṃ sampannasīlassa bhikkhuno yathāvuttasattarasavidhānisamsabhāgitam sandhāya vuttaṃ. Idameva hi "iti yaṃ taṃ vuttaṃ, idametaṃ paṭicca vuttan"ti vacanaṃ sandhāya "**sabbampi taṃ sīlānisamsam sampiṇḍetvā dassento**"ti vuttaṃ. Ettha ādito chahi ānisamsehi parittabhūmikā sampatti gahitā, tadantaram pañcahi lokiyābhiññāhi ca mahaggatabhūmikā, itarehi lokuttarabhūmikāti evam catubhūmikasampadānisamsasīlaṃ nāmetam mahantam mahānubhāvaṃ, tasmā taṃsampādane sakkaccakāritā appamattena bhavitabbaṃ.

Ākaṅkheyyasuttavaṇṇanāya līnatthappakāsanā samattā.

## 7. Vatthasuttavaṇṇanā

70. Chādetabbaṃ ṭhānam<sup>1</sup> vasati paṭicchādetīti **vattham**. Yaṃ samānam viya na sabbaso minoti, mānassa pana samīpe, taṃ upamānam. Upamīyati etāyāti upamā, upamāya bodhakavacanaṃ **upamāvacanaṃ**. **Katthaci** sutte. **Atthanti** upamiyattham. Paṭhamam upamaṃ vatvā tadanantaram attham vatvā puna upamaṃ vadanto "**upamāya attham parivāretvā dasseti**"ti vutto. **Atthena upamaṃ parivāretvāti** etthāpi eseva nayo. Idāni te cattāropi pakāre sutte āgatanayeneva dassento "**seyyathāpissu bhikkhave**"ti-ādimāha. Tattha **dve agārāti** dve paṭivissakagharā. **Sadvārāti**<sup>2</sup> sammukhadvārā.

**Svāyanti** so ayam evam upamā dassanavasenapi nānāyayenapi dhammadesako bhagavā. Ekaccānam veneyyānam atthassa sukhāvabodho paṭhamam upamā dassane hetu, evam paṭhamam atthadassane, upamāya atthaparivāraṇe, atthena upamāparivāraṇe cā"ti imamattham dasseti "**esa nayo**

1. Vatthum (Ka)

2. Sannadvārāti (Ka)

**sabbatthā**”ti iminā. **Dhammadhātuyā**ti sabbaññutaññāṇassa. Tam hi dhammadhātupariyāpannattā yathāvuttadhamme ca sabbepi ñeyyadhamme ca padahati yathāsabhāvato bujjhati bodheti cāti dhātu dhīyanti vā dhammā etāya sabbākārato ñāyanti ñāpiyanti cāti dhammadhātu. Tassā pana suṭṭhu saccasampaṭivedhavasena laddhattā **suppaṭividdhattā**ti, yadaggena vā ñeyyam tāya suppaṭividdham, tadaggena sāpissa suppaṭividdhā evāti āha “**suppaṭividdhattā**”ti.

Pakatipariyodātassa cittassa āgantukehi upakkilesehi upakkiliṭṭhabhāvadassanattam samkiliṭṭhavatthadassananti katvā vuttam “**pakatiparisuddham vatthan**”ti. **Rajādīnā**ti ettha rajo nāma reṇu. **Ādi-**saddena aṇutajjāridhūmādikaṃ vatthassa aparisuddhikāraṇaṃ saṅgaṇhāti. Sabbaso kilissati vinassati visuddhi etenāti samkilesa, tena **samkilesena paṃsurajādīnā samkiliṭṭham** vaṇṇavināsanena vidūsitam. **Malam** masi. **Jallikā** vuccati loṇapaṭalādi chaviyā upari ṭhitam sarīramalam. **Ādisaddena** sarīrajallameva assukheḷasiṅghāṇikādikaṃ tadaññamalam saṅgaṇhāti. **Gahitattā**ti pariyonandhanavasena gahitattā. Rajanti sattā tenāti raṅgam, raṅgameva **raṅgajātam** yathā kopameva kopajātam. **Upanāmeyyā**ti pakkhipeyya. **Nīlakatthāyā**ti nīlavaṇṇatthāya. **Palāsanīlādiketi ādi-**saddena kāḷasāmādim saṅgaṇhāti. Haliddikakudhaselādike **pītakaraṅge**. Lākhāpattāṅgarasādike **lohītakaraṅge**. Mahārajanaloddakandulādike **mandarattaraṅge**. Duṭṭhu rajitavaṇṇam apabhassaram. Tenāha “**aparisuddhavaṇṇamevassā**”ti. **Īdisanti** durattavaṇṇam. Tasmim vatthe raṅgajātam sayam suparisuddham samānam kissa hetu kena rattavaṇṇam aparisuddham hotīti raṅgajātassa niddosataṃ vadati. Tenāha “**yasmā panā**”ti-ādi.

Samkilesapakkham dassentena asamkiliṭṭhameva vattham udāharitabbanti pakaṭoyamattho, samkiliṭṭhavatthanidassanena pana “siyā nu kho aññopi koci viseso”ti adhippāyena pucchati “**kasmā panā**”ti-ādinā. Itaro atthavisesoti dassento “**vāyāmahapphaladassanattan**”ti-ādimāha. Ettha ca samkiliṭṭhacittavisodhanavidhāne samkiliṭṭhavattham nidassetabbanti paṭiññā, vāyāmahapphaladassanattanti hetu-attho. **Yathā hīti-**ādi anvayattho. **Na tattha jātikālake viyā**ti-ādi byatirekattho. Sadisūdāharaṇam pana malaggahitakaṃsapāti-ādi daṭṭhabbam. **Evam**

**cittampīti**-ādi opammatthassa upameyya-upanayanam. Tattha **pakatiyāti** akittimena sabhāvena. **Tanti** cittaṃ. Sāmaññaggahaṇam cetam cittabhāvāvisesato. Tenāha “**sakalepī**”ti. **Paṇḍarameva** na saṃkiliṭṭham saṃkilesehi asamannāgatabhāvato. Nanu kiriyāmayacittehi vipākasantāne visesādhānam labbhati, aññathā katavināsā katabbhāgamā āpajjeyyūm? Kiñcāpi labbhati, tassa saṃkilesa vaṭṭupanissayo, asuddhi vā na hoti, asaṃkilesa vivaṭṭupanissayo, visuddhi vā na hoti eva. **Upakkiliṭṭhanti** panetaṃ upakkilesanārahassa cittassa vasena vuttaṃ, na vipākapaṇḍarameva. Tenāha “**pabhassaramidaṃ bhikkhave cittaṃ**”ti, “**paṇḍaramevā**”ti ca. **Tañca khoti** pana sakasantatipariyāpannatāya nesam kevalam ekattanayavasena vuttaṃ, na vipākadhammānam kilesāsamaṅgibhāvato. Atha vā **upakkiliṭṭhanti** iminā upakkilesahetu tattha vijjamānam visesādhānamāha, na “saṃkiliṭṭhā dhammā”ti-ādīsu<sup>1</sup> viya taṃsamaṅgitanti daṭṭhabbam. **Visodhiyamānanti** vipassanāpaññāya anukkamena sabbupakkilesehi vimociyamānam. **Sakkā** aggamaggakkhaṇe **pabhassarataram kātum**, yato na puna upakkilissati. **Evanti**-ādi vuttassevatthassa nigamanam.

Duṭṭhagatipariyāpanavasena paṭipajjanam **paṭipatti**, sā eva kilesadarathapariḷāhādivasena upāyāsadukkhā, kucchitā vā gati pavatti, duggati hetūti vā **duggati**, duggatiyā pana paṭipattiyā gandhabbato, tassā vā nipphannabhāvato kucchitā, dukkhā ca gatīti **duggati**. **Saṃkiliṭṭhacittoti** idaṃ tassā paṭipattiyā duggatibhāvadassanattham, na visesanattham. Na hi asaṃkiliṭṭhacittassa pāṇaghātādivasena pavatti. **Saṃkiliṭṭhacittoti** lābhāsāya sabbaso kiliṭṭhacitto. **Dūteyyapahiṇagamananti** dūteyyam vuccati dūtakammaṃ, gihīnam paṇṇam vā sāsanaṃ vā gahetvā tattha tattha gamanam, pahiṇagamanam gharāgharam pesitassa khuddakagamanam, dūteyyagamanam pahiṇagamanañca gacchati. **Vejjakammanti** ananuññāte ṭhāne lābhāsāya gahaṭṭhānam bhesajjam karoti. **Saṃghabhedakathā** parato āgamissati. **Veludānādīhīti** veludānapattadānapupphadānādīhi micchājīvena **jīvikam kappeti**. **Sakalampīti** “atthi anācāro, atthi agocaro”ti-ādīna **vibhaṅge**<sup>2</sup> āgataṃ sabbampi anācāram agocarañca caraṇavasena paripūreti.

1. Abhi 1. 11 piṭṭhe.

2. Abhi 2. 255 piṭṭhe.

“Nirayampi -pa- pettivisayampi gacchatī”ti vatvā tattha pettivisayagamanam dassento “**samaṇayakkho nāma hotī**”ti-ādimāha.

Sukkapakkhe **parisuddhanti** sabbaso visuddham asamkiliṭṭham. Parisuddhattā eva **pariyodātam**, pabhassaranti attho. **Surattavaṇṇamevassāti** suṭṭhu rattavaṇṇameva assa. **Parisuddhavaṇṇamevassāti** nīlavaṇṇopissa parisuddho ca bhavyeyyāti evamādim sandhāyāha “**kaṇhapakkhe vuttapaccanīkeneva veditabbā**”ti. **Raṅgajātanti**-ādi pana tattha vuttavaseneva veditabbanam. **Paṭipattisugati**-ādīsu yaṁ vattabbanam, tam paṭipattiduggati-ādīsu vuttavipariyāyena veditabbanam. **Parisuddhacittoti** suddhāsayo. **Dasa kusalakammapathe paripūretī**ti idam kaṇhapakkhe “dasa akusalakammapathe paripūretī”ti vuttassa paṭipakkhadassanavasena vuttam. Yathā hi tattha abhijjhābyāpādamicchādiṭṭhiggahaṇena kammapathasamsandanayena kammapatham appattāya ca agāriyassa tathārūpāya micchāpaṭipattiyā saṅgaho icchito, evam idhāpi anabhijjhābyāpādasammādiṭṭhiggahaṇena alobhādosāmohavasena pavattā agāriyassa sammāpaṭipatti saṅgahitāti daṭṭhabbanam, na kammapathappattāvāti. **Manussamahantatanti** jātirūpabhogādhipateyyādivasena manussesu mahantabhāvam. Dasahi ṭhānehi aññesam devānam abhibhavo **devamahantatā**. Paṭipatti sugatiyā bhājjiyamānattā “**anāgāmimaggaṁ bhāvetī**”ti tathā anāgāmibhāvanam pāpetvā ṭhapitā. Gahitaggaṇena sukhānubhavaṭṭhānassa adhippetattā tadabhāvato asaṅgābhāvanam anādiyanto “**dasasu vā brahmabhāvanesū**”ti-ādimāha.

71. **Sakabhaṇḍe chandarāgo** abhijjhāyanatṭhena **abhijjhā**, abhijjhāyanāti attho. **Parabhaṇḍe chandarāgo** visamam lubbhatīti **visamalobho**. Evampi abhijjhāvisamalobhānam viseso hotīti dassento “**atha vā**”ti-ādimāha. Tattha attano santakam tamsadisaṅca **yuttatṭhānam**. Yaṁ yācitam, appakasirena vā sakkā laddhum, tam **pattatṭhānam**. Parādāragarudārāti **ayuttatṭhānam**. Yaṁ apatthaniyam, yassa vā patthanāya byasanam āpajjati, tam **appattatṭhānam**. **Theroti** mahāsamgharakkhitatthero, yena aṭṭhakathā potthakam āropitā. So hi antevāsikesu sākacchantesu evamāha. Sopi imasmimyeva sutte vinibbhogo na labbhati cittasamkilesassa adhippetattā. Tenāha “**yutte vā**”ti-ādi.



Ayonisomanasikāravasena uppajjanato sampati āyatiñca dukkhasseva uppādanato **na koci lobho avisamo nāma. Abhijjhāyanatthenāti** yassa kassaci ārammaṇassa yuttassa ayuttassa appattassa ca abhijjhāyanavasena abhipatthanāvasena ca pavattā taṇhā **abhijjhāti** lobhato nibbisesanti dasseti. Tenāha “**ekatthametam byañjanameva nānan**”ti. **Dūsetīti** sabhāvasantaṃ asaṃkilesaṃ vināseti avisuddhaṃ karoti. Tenāha “**obhāsituṃ na deti**”ti. “Ime sattā ucchijjantu vinassantū”ti sattesu byāpajjanākārappavattiyā **byāpādo navavidha-āghātavatthusambhavo** vutto. **Kodho** pana saṅkhāresupi pavattanato **dasavidha-āghātavatthusambhavo** vutto. Ubhayampi paṭighameva, pavattanānattato bhinditvā vutto. Kujjhanavaseneva **cittapariyonandhano** “akkocchi maṃ avadhi maṃ”ti-ādinā.

Suṭṭhu kataṃ karaṇaṃ **sukataṃ**, tassa pubbakāritālakkaṇassa guṇassa **vināsano** udakapuñchaniyā viya sarīrānugataṃ udakaṃ puñchanto **makkho**. Tathā hi so paresaṃ guṇaṇaṃ makkhanaṭṭhena “makkho”ti vuccati. Idāni **anagāriyassa vāti-ādinā** saṅkhepena vuttatthaṃ vitthārena dassetuṃ “**anagāriyopi**”ti-ādi vuttaṃ. Nisinnakathāparikathādivasena dhammassa kathā dhammakathānayo, ekattādidhammanīti eva vā. Pakaraṇaṃ satta pakaraṇāni, tattha kosallaṃ **dhammakathānayaapakaraṇakosallaṃ. Ādi-**saddena vinayakkame catūsu mahānikāyesu ca kosallaṃ saṅgaṇhāti. **Acittikatoti** cittikārahito. **Yathā cāyanti** iminā yathāyaṃ makkho cittaṃ dūseti, evaṃ paḷāsopi cittaṃ dūseti, tasmā upakkilesoti dasseti. **Aniyatā gati** niyāmokkamanābhāvato. **Ādi-**saddena “rattaññū cirapabbajite puggale ajjhottharivā ‘tvampi imasmiṃ sāsane pabbajito, ahampi pabbajito, tvampi sīlamatte ṭhito ahampī’ti” evamādinā saṅgaho. **Yugaggāhagāhīti** “tava vā mama vā ko viseso”ti asamampi samaṃ katvā samadhuraggāhagaṇhanako. **Khīyanā** usūyanā. Attano sampattiyā nigūhanaṃ tassa parehi sādharmaṇabhāvāsahanena hotīti “**parehi sādharmaṇabhāvaṃ asahamānaṃ**”icceva vuttaṃ. Kāraṇe hi gahite phalampi gahitameva hotīti. Aññathā attano pavedanakapuggalo **kerāṭiko**, “nekatikavāñijo”tipi vadanti.

Sappamukhā macchavālā ekā macchajāti āyatanamaccho. Tenāha  
 “āyatanamaccho nāmā”ti-ādi. **Baddhacaroti** antevāsī.

Sabbaso amadditasabhāvena vātabharitabhastasadisassa  
 thaddhabhāvassa anonamitadaṇḍasadisatāya paggahitasira-  
 anivātavuttikārassa ca karaṇato **vātabharita -pa- karaṇo**. **Taduttarikaraṇoti**  
 yaṃ yena kataṃ duccharitaṃ vā sucaritaṃ vā, taduttari, tassa dviguṇaṃ vā  
 karaṇo. Attano maṇḍanādi-atthaṃ **parena kataṃ alaṅkāradim**. **Pariyāpuṇāti**  
**vā katheti vā** attano balānurūpaṃ. Kāmaṃ nikāyadvayaggahaṇādivasena  
 pavatto sevitaḥhamāno eva, tathāpissa saṅkilesapakkhattā vuttaṃ “**mānaṃ**  
**anissāyā**”ti.

**Uṇṇativasenāti** “seyyohamasmī”ti-ādinā cittassa paggahaṇavasena.  
 Pubbe kenaci attānaṃ sadisaṃ katvā pacchā tato adhikato dahanato  
 uppajjanako **atimāno**. **Madaggahaṇākāro** jāti-ādim paṭicca majjanākāro, sopi  
 atthato māno eva. **Pamādo** tathāpavatto cittuppādo.

**Kasmā lobhamādim katvā dasseti** lobhassa ādito gahaṇe kāraṇaṃ  
 vibhāvetukāmo pucchati. **Paṭhamuppattitoti** tattha tattha bhava  
 sabbapaṭhamam uppajjanato. Sattānaṃ hi yathādhigataṃ jhānādivisesaṃ  
 ārabha paccavekkhaṇā viya yathāladdham upapattibhavaṃ ārabha nikanti  
 eva. Tenāha “**sabbasattānan**”ti-ādi. **Yathāsambhavaṃ itareti** itare  
 byāpādādayo yathāpaccayaṃ uppajjanti, lobhassa viya ādito asukassa  
 anantaraṃ asukoti vā na nesaṃ niyamo atthīti attho. Kim pana ete soḷaseva  
 cittassa upakkilesā, udāhu aññepi santīti anuyogaṃ sandhāya aññepi santīti  
 dassento “**na ca ete**”ti-ādimāha. Yadi evaṃ kasmā ettakā eva idha vuttāti.  
 Nayadassanavasenaṃ dassento āha “**etena pana -pa- veditabbā**”ti. Tena  
 thinamiddha-uddhaccakukkuccavicikicchā-  
 attukkamsanaparavambhanachambhitattā bhīrukatā-ahirikānottappa-  
 atricchatāpāpicchatāmahicchatādayo saṅgahitāti veditabbam.

72. **Saṅkilesaṃ dassetvā**ti saṅkiliṭṭhavattanidassanena saṅkhepena vuttaṃ saṅkilesaṃ vibhāgena dassetvā. **Vodānaṃ dassentoti** etthāpi eseva nayo. **Evaṃ jānitvā**ti “abhijjhā visamalobho ekanteneva cittassa upakkilesa”ti sabhāvato samudayato nirodhato nirodhūpāyato ca pubbabhāgapaññāya ceva heṭṭhimamaggadvayapaññāya ca jānitvā. **Pajahaṭṭi** ettha accantappahānameva adhippetanti dassento “**samucchedappahānavasena ariyamaggena pajahaṭṭi**”ti āha. **Ariyamaggenā**ti anāgāmimaggena. Tena hi pahānaṃ idha sabbavāresu adhippetam. **Kilesapaṭipāṭi** idha kilesānaṃ desanākkamo. **Maggapaṭipāṭi** pana catunnaṃ ariyamaggānaṃ desanākkamopi tāya desanāya paṭipajjanakkamopi tāya paṭipattiyā uppattikkamopi. Tattha ye ye kilesā yena yena maggena pahīyanti, maggapaṭipāṭiṃ anoloketvā tesam tesam kilesānaṃ tena tena maggena pahānadassanaṃ kilesapaṭipāṭi na kilesānaṃ uppattikkamo idha desanākkamo cāti dassento “**abhijjhā visamalobho**”ti-ādimāha. Yena yena pana maggena ye ye kilesā pahīyanti maggānupubbīyā, tena tena maggena tesam tesam kilesānaṃ pahānadassanaṃ maggapaṭipāṭiyā pahānadassananti dassento “**sotāpattimaggenā**”ti-ādimāha.

**Imasmim pana ṭhāneti** “sa kho so bhikkhave bhikkhū”ti-ādinā āgato imasmim pahānavāre. **Ime kilesāti** ime yathāvuttā kilesā. **Sotāpattimaggavajjhā vā hontu sesamaggavajjhā vā** heṭṭhā dassitamaggapaṭipāṭivasena. Tattha pana ye tatiyamaggavajjhā, tesam anāgāmimaggeneva pahāne vattabbaṃ natthi, yesam panettha heṭṭhimamaggavajjhānaṃ idha saṅgahe kāraṇaṃ pacchā vattukāmena aggamaggavajjhānaṃ anādiyitvā kasmā tatiyamaggavajjhānameva<sup>1</sup> gahaṇaṃ katanti āha “**ayamettha pavenimaggāgato sambhavo**”ti, ayaṃ imassa suttassa etasmim ṭhāne ācariyapaveniyā kathāmaggo tato āgato atthasambhavo atthatavanti attho. Tattha heṭṭhimamaggavajjhānaṃ idha saṅgahe kāraṇaṃ pacchā vattukāmo aggamaggavajjhānaṃ aggahaṇe yuttim dassento “**so cā**”ti-ādimāha. **Tenāti** catutthamaggena. **Sesānanti**

---

1. Tatiyamaggavajjatāyasseva (Ka)

byāpādādīnaṃ. **Yepī**ti makkhādike sandhāyāha. **Taṃsamuttāhāpakacittānanti** tesāṃ makkhādīnaṃ samuttāhāpakacittuppādānaṃ. Tattha makkhapaḷāsa-issāmacchariyasamuttāhāpakāṃ paṭighadvayacittaṃ, viśesato pañcakāmaguṇalobhena saṭho māyāvī ca hoti, pañcakāmaguṇikarāgo ca anāgāmimaggeneva niravasesato pahīyati, tasmā vuttaṃ “**taṃsamuttāhāpakacittānaṃ appahīnattā**”ti. Tepi suppahīnā hontīti sambandho. **Tanti** paṭhamaggeneva pahānaṃ **pubbāparena na sandhiyati** “yathodhi kho”ti ettha odhivacanassa maggattayavācakattā. Ratanattaye aveccappasādo nāma ariyakantasīlaṃ viya sotāpannassa aṅgāni, te ca pahānato pacchā niddiṭṭhā, tasmā idha vuttappahānaṃ vikkhambhanapahānamevāti keci vadanti. **Tesaṃ icchāmatameva** yathāvuttappahānasēva vasena aveccappasādānaṃ odhiso pahānassa vibhāvitattā, svāyamattho heṭṭhā yuttitopi pakāsitoyeva.

74. **Ekamekena padena yojetabbaṃ**, yato ekamekassapi upakkilesassa sabhāvādito dassanaṃ niyyānamukhaṃ hoti, tathā ceva heṭṭhā samvaṇṇitaṃ. Anāgāmimaggavasena pahānaṃ vatvā pasādassa uddhaṭṭā vuttaṃ “**anāgāmimaggena lokuttarappasādo āgato**”ti. Yadi evaṃ kasmā “lokiyo uppajjati”ti vuttanti? “Itipi so bhagavā”ti-ādinayappavattassa lokiyattā. Nibbānārammaṇo eva hi lokuttaro pasādo. “Itipi so bhagavā”ti-ādivacanena lokiyaṃ, aveccappasādavacanena lokuttaranti **lokiyalokuttaramissakaṃ pasādaṃ dassento**. Avecca ratanattayaguṇe yāthāvato ñatvā pasādo **aveccappasādo**. So pana yasmā maggenāgatattā kenaci akampaniyo appadhamsiyo ca hoti, tasmā vuttaṃ “**acalena accutenā**”ti. Tattha lokuttaro sabbaso buddhaguṇādīsu sammohaṃ viddhamsento tattha kiccato pavattati, itaro ārammaṇavasena te ārabba. **Taṃ vidhinti** taṃ tassa uppannappakāraṃ. **Anussatiṭṭhānānī**ti anussatikammaṭṭhānāni.

75. **Somanassādīti ādi**-saddena ñāṇādīni saṅgaṇhāti. Corānaṃ abhiṇhaṃ sañcaraṇaṭṭhānatāya **paccantaggahaṇaṃ**. **Paccavekkhatoti** “asukasmiṃca ṭhāne ime cime corā evaṃca evaṃca vināsītā”ti paccavekkhato **rañño viya**.

Yo yo odhi **yathodhi**. Yathā-saddo byāpanicchāyaṃ, khosaddo avadhāraṇeti dasseto “**sakasaka-odhivasena cattameva hotī**”ti-ādimāha. Tena “vantan”ti-ādīsupi avadhāretabbanti dasseti. **Sakasaka-odhivasenā**ti saṅkhepato vuttamattham vivaritum “**dve odhī**”ti-ādi āradham. Tattha **yammaggavajjhā**ti yena maggena anavasesato pahātabbā. Anavasesappahānavasena hi taṃtaṃmaggavajjhānaṃ kilesānaṃ tadaññamaggavajjhehi asammissatā, aññathā ye sakasaka-odhivasena uparimaggavajjhā, te heṭṭhimamaggehi pahīnāpāyagamaniyādisabhāvā eva tehi pahīyantīti pahānavasena sammissā siyūṃ. Tena **teyeva pahīnā** hotīti etthāpi eseva nayo. **Tatuttharipī**ti tato pahānanimittasomanassuppattito uddhampi. Paṭipakkhesu odhiso pavattikiccattā **odhīti heṭṭhā tayo maggā vuccanti**. **Te hī**ti-ādi vuttassevatthassa vivaraṇaṃ. **Imassa bhikkhunoti** anāgāmiṃ sandhāyāha. Tena vuttaṃ “**heṭṭhāmaggattayena cattan**”ti.

Keci cattampi gaṇhanti, nayidamevanti dassanattham “**vantan**”ti vuttaṃ. Na hi yaṃ yena vantaṃ, so puna taṃ ādiyati. Tenāha “**anādiyanabhāvadassanavasena**”ti. Vantampi kiñci sasantatilaggaṃ siyā, nayidamevanti dassanattham “**muttan**”ti vuttaṃ. Tenāha “**santatito vinimocanavasena**”ti. Muttampi kiñci muttabandhanā viya phalaṃ kuhiñci tiṭṭhati, na evamidanti dassanattham “**pahīnan**”ti vuttaṃ. Tenāha “**kvaci anavaṭṭhānadassanavasena**”ti. Yathā kiñci dunnissaṭṭham puna ādāya sammadeva nissaṭṭham paṭinissaṭṭhanti vuccati, evaṃ vipassanāya nissaṭṭham ādinnasadisam maggena pahīnaṃ paṭinissaṭṭham nāma hotīti dassanattham “**paṭinissaṭṭhan**”ti vuttaṃ. Tenāha “**ādinnapubbassa paṭinissaggadassanavasena**”ti. Na kāpurisena viya parammukhena nissaṭṭham, atha kho abhimukheneva nissaṭṭhanti dassanattham “**paṭinissaṭṭhan**”ti vuttaṃ. Tenāha “**paṭimukham vā**”ti-ādi. **Upagantabbatoti** attano hitasukham paccāsiantena ekantena adhigantabbato. **Dhāraṇatoti** taṃsamaṅgīnaṃ apāyapātato sandhāraṇena. **Gantho “vedo”ti vuccati** “vidanti etenā”ti, vedehi ñāṇehi gato paṭipannoti **vedagū**. **Abhijaññāti** jāneyya. **Vedajātāti** uppannasomanassā. **Ñāṇam “vedo”ti vuccati** “veditabham vedeti”ti. **Somanassam “vedo”ti vuccati** ārammaṇarasam vindati anubhavatīti.

Uppannanti aveccappasādaṃ nissāya uppannaṃ. **Vuttappakārameva vedanti** “somanassaṃ somanassamayañāṇaṇcā”ti evaṃ vuttappakārameva. **Atthavedanti** atthe hetuphale vedanti. **Dhammavedanti** dhamme hetumhi vedanti. Tenāha “**aveccappasādassa hetun**”ti-ādi. Idha dhammatthasaddā hetuphalapariyāyāti imamattham pāḷiyā eva dassetuṃ “**vuttañhetan**”ti-ādi vuttaṃ. **Tameva atthañca dhammañcāti** attho dhammoti ca vuttaṃ aveccappasādanimittam yathāvuttaṃ kilesappahānañca. **Atthadhammānisamsabhūtaṃ vedanti** yathāvutta-atthadhammānisamsabhūtaṃ somanassamayañāṇasaṅkhātaṃ vedañca. **Pāmojjanti** taruṇapītiṃ āha. **Paccavekkhaṇākārappavattenāti** etena paccavekkhaṇā evettha anavajjasabhāvātāya dhammoti vuttoti daṭṭhabbam. **Pīti jāyatīti** parappaccayaṃ balavapītimāha. **Pīnitamanassāti** passaddhi-āvahehi ulārehi pītivegehi tittacittassa. **Kāyoti** nāmakāyo. **Vūpasantadarathoti** kilesapariḷāhānaṃ dūrībhāvena suṭṭhu upasantadaratho. Paccavekkhaṇahetukaṃ cittassa samādhānaṃ idha adhippetanti āha “**appitam viya acalam tiṭṭhati**”ti.

76. Kāmaṃ “buddhe aveccappasādena samannāgatomi, dhamme saṅghe aveccappasādena samannāgatomi”ti idampi tassā paccavekkhaṇāya pavatti-ākārapakāsanameva, idaṃ pana visesato ratanattaye uppannasomanassādippakāsanapadaṃ. “Yathodhi kho panā”ti idampi savisesaṃ paccavekkhaṇākārappakāsanapadanti adhippāyena “**idāni yathodhi -pa- pakāsetvā**”ti vuttaṃ. Cattāropi pana vārā paccavekkhaṇākārappakāsanavasena ceva somanassādi-ānisamsadassanavasena ca vuttāti sakkā viññātuṃ ubhayatthāpi ubhayassa vuttattā. Yadipe ariyamaggo ekacittakkhaṇiko na puna uppajjati, paṭipakkhassa pana tena suppahīnattā taṃsamaṅgī aparihānadhammo taṃsīlādibhāveneva vuccatīti āha “**tassa anāgāmimaggasampayuttaṃ sīlakkhandham dasseti**”ti-ādi. “Evaṃdhammā te bhagavanto ahesun”ti-ādīsu<sup>1</sup> viya idha dhamma-saddo samādhipariyāyoti āha “**samādhikkhandham paññākkhandhañca dasseti**”ti. Tathā hi so sampayuttadhamme ekārammaṇe avikkhipamāne avippakiṇṇe avisaṭe katvā samaṃ, sammā ca ādahanto tathā te dhāretīti ca vattabbataṃ

1. Dī 2. 7; Ma 3. 160; Saṃ 3. 138 piṭṭhesu.

arahaṭīti dhammoti ca vuccati. **Anekarūpānanti** anekappakārānaṃ. Antarāyo nāma appaṭiladdhassa vā alabbhanavasena, paṭiladdhassa vā parihānavasena, tadubhayampi idha natthīti dassento “**maggassa vā**”ti-ādimāha. **Nevassa taṃ hoti antarāyāyā**ti tassa anāgāmino piṇḍapātabhojanaṃ neva hoti antarāyāya ukkaṃsagatāya paccavekkhaṇāya paccavekkhitvā paribhuñjanato. Tañcassā ukkaṃsagamanāṃ hatapaṭipakkhattāti dassento “**maggena visuddhacittattā**”ti āha.

**Etthāti** etasmim̐ antarāyābhāve. **Etadeva** visuddhacittattameva **kāraṇaṃ**. Ettha ca “nevassa taṃ hoti antarāyāyā”ti iminā heṭṭhā vuttappahānaṃ anāgānimaggenevāti siddhaṃ hoti. Anāgāmino hi sabbaso kāmarāgo pahīno hoti, rasatanhāya abhāvato tādisapiṇḍapātaparibhogo aggamaggādhigame kathañcīpi antarāyāya na hotīti. “Seyyathāpi bhikkhave vatthan”ti vadanto bhagavā ādimhi attanā upanītavatthūpamaṃ anusandheti. Udakassa acchabhāvo paṅkasevālapaṇakādimalābhāvena pasannaṭāya, tabbipariyāyato bahalatāti āha “**acchanti vippasannaṃ**”ti. Vaṇṇanibhāya vigatasamkilesatāya samujjalanaṃ pabhassaratāya vatthassa, taṃ pariyodātanti vattabataṃ labhaṭīti āha “**pariyodātaṃ pabhassaratāyā**”ti. **Ukkaṃ bandheyyāti** aṅgārakapallaṃ yathā dāruḡhaṭikaṅgārādikena na bhijjati, evaṃ tanumattikālepādinā bandheyya. Meghapaṭalato verambhavādhārāsamḡhaṭṭanato vijjutā viya kevalaṃ vātadhārāsamḡhaṭṭanajanitā pabhā-ukkāpabhā, sā pana yasmā dvinnaṃ vātadhārānaṃ vegasambhūtasamḡhaṭṭanahetukā, tasmā kāraṇavasena “**vātavego ukkā**”ti vuttaṃ.

77. **Yathānusandhivasenāti**-ādimhi uṭṭhitadesanāya anurūpā anusandhi yathānusandhi, tassā vasena. Byatirekadassanaṃ viya hi sādhetabbassa ādimhi uṭṭhitadesanāya paṭipakkhadassanampi anurūpadesanāva sammadeva paṭiṭṭhāpanabhāvato, yathā taṃ āvattahārayojanāyaṃ visabhāgadhammāvattanti daṭṭhabbaṃ. “**Yathānusandhivasena desanā āgatā**”ti saṅkhepato vuttamatthaṃ vitthārento tappasaṅgena itarepi anusandhī dassetuṃ “**tayo hī**”ti-ādimāha. **Bahiddhāti** bāhiresu vatthūsu. **Asati paritassanāti** taṇhādīṭṭhiparitassanābhāvo. **Vissajjitasuttavasenāti** “idha bhikkhu

ekaccassā”ti-ādinā<sup>1</sup> vissajjitasuttavasena. **Yena dhammenāti** sīlādivodānadhammesu akkhantiyādisaṅkilesadhammesu ca yena yena dhammena. **Cha abhiññā āgatāti** iminā “anurūpadhammasena vā”ti vuttavikappaṃ dasseti, sesehi “paṭipakkhavasena vā”ti vuttavikappaṃ. Akkhantiyā hi kakacūpamovādo<sup>2</sup> paṭipakkho, tathā diṭṭhiyā “netam mama, nesohamasmi, na meso attā”ti evaṃ paṭibhāgā suññatākārena. Sesadvayepi eseva nayo. “citte saṅkiliṭṭhe duggati pāṭikaṅkhā”ti<sup>3</sup> heṭṭhā kilesadesanā āgatā. **Sabboti** anavaseso. **Sabbākārenāti** ādinavānisamsapaccavekkhaṇapuggaladosajānanādinā sabbappakārena.

78. “Mettā bhāvetabbā byāpādassa pahānāyā”ti-ādivacanato<sup>4</sup> mettādayo byāpādavihesāratorāgānaṃ paṭipakkhā. Yasmā “so atthī”ti-ādinā bhagavatā anāgāmino aggamaggādhiḡamanam catusaccakammaṭṭhānam matthakam paṭetvā kathitam, tasmā tam dassento “**idānissā**”ti-ādimāha.

**Brahmavihāradhammeti** brahmavihāre ceva brahmavihārasahagatadhamme ca. Tenāha “**nāmasena**”ti. Vavatthapetvāti ānetvā sambandhitabbaṃ. Nāmantipi hi idisesu ṭhānesu cattāro arūpino khandhā vuccanti. **Iminā nāyenti** etena bhūtanissitānam sesupādāyadhammānam sabbesampi pahātabbatāṇhāvajjānam tebhūmakadhammānam pariggahavidhiṃ ulliṅgeti. Sabhāvato vijjamānam tam attapaccakkham katvā nāṇena yāthāvato paṭivijjhiyamānataṃ upādāya “atthi idan”ti yathāvavatthāpitaṃ nāmarūpaṃ. Tenevāha “**ettāvātānena dukkhasaccavavatthānam kataṃ hoti**”ti. Sāvadhāraṇaṅcetaṃ vacanam, lokasamaññāsiddham satta-itthipurisādi viya, ito bāhirakaparikkappaṃ pakati-ādi drabyādi jīvādi kāyādi viya ca na paramatthako natthi, atthevāti vuttam hoti. **Pajānāti** pubbhāge tāva lakkhaṇarasādivasena ceva paṭiggahavibhāgavasena ca pakārato jānāti, aparabhāge pana pariññābhisamayavasena paṭivijjhanto jānāti. Ekantahinā nāma akusaladhammā sampati āyatiṅca dukkhamūlattā, tatthāpi visesato taṇhāti āha “**dukkhassa samudayaṃ paṭivijjhanto atthi**

1. Ma 1. 189 piṭṭhe. 2. Ma 1. 173 piṭṭhe. 3. Ma 1. 43 piṭṭhe. 4. Am 3. 165 piṭṭhe.



**hīnanti pajānāti**”ti. Attano paccayehi padhānabhāvaṃ nītattā paṇītanti iminā atthena ariyamaggova “paṇītan”ti vuccatīti āha “**pahānupāyaṃ vicinanto atthi paṇītanti pajānāti**”ti. “Uttamaṭṭhena ca paṇītan”ti vuccamāne nirodhasaccassapi saṅgaho siyā, tassa pana padantarena saṅgahitattā vuttanayenevettha attho veditabbo. Appamaññāmukhena vipassanābhīnivesasseva katattā “**brahmavihārasaññāgatassā**”ti vuttaṃ. “Sabbassapi tebhūmakassa saññāgatassā”ti vuttuṃ vaṭṭatiyeva. Na cettha asaṅgaho tassāpi saññāya āgatabhāvato. Lokam uttaritvā samatikkamitvā nissaritvā viśamvuttaṃ hutvā ṭhitattā vuttaṃ “**uttari nissaraṇaṃ nibbānaṃ**”ti.

**Catūhi ākārehīti** “atthi hīnan”ti-ādīhi catūhi pakārehi. Anvayañāṇatāya anubodhabhūtāya vipassanāpaññāya jānanattho dhammañāṇatāya paṭivedhabhūtāya maggapaññāya dassanattho sābhāvasiddhoti dassento “**vipassanāpaññāya cattāri saccāni jānato maggapaññāya passato**”ti vuttaṃ. **Bhayabherave vuttanayenevāti** Bhayabheravasuttavaṇṇanāyaṃ<sup>1</sup> attanā vutta-atthavacanathapāṭhena idha pāṭhassa sadisattā atidisanto “**kāmāsavāpi -pa- pajānāti**”ti āha. Ettha ca yasmā “kāmāsavāpi cittaṃ vimuccati -pa- avijjāsavāpi cittaṃ vimuccatī”ti “khīṇā jāti”ti-ādīni vadatā bhagavatā catutthamaggo niddiṭṭho, tasmā yaṃ heṭṭhā **aṭṭhakathāyaṃ**<sup>1</sup> vuttaṃ “so ca upari catutthamaggasseva niddiṭṭhattā yujjati”ti, taṃ suvuttamevāti daṭṭhabbāṃ.

**Tassa codanattāyāti** tassa brāhmaṇassa bhagavā attano codanattāyā “puccha maṃ tvaṃ brāhmaṇa yadettha tayā manasābhisamīhitaṃ”ti codanāya, okāsadanattāyāti adhippāyo. Desanāsannissayo brāhmaṇassa tathārūpo ettha ajjhāsayopi natthīti yathāvutta-anusandhittayavinimuttattā “**pāṭiyekkaṃ anusandhim āhā**”ti vuttaṃ. Cittagatattā **abbhantarena**. **Kilesavutṭhānasinānenāti** kilesamalapavāhanena rāgapariḷhādīvūpasamakarena ca aṭṭhaṅgika-ariyamaggasalilasinānena.

79. Dhammasabhāmaṇḍapaṃ tāvadeva upagatattā bāhukā nadito **āgataṃ viya maññamāno**. Ariyaphalamaddanacuṇṇādayo telasinehassa

1. Ma-Ṭṭha 1. 131 piṭṭhe.

vivecanena. Lūkhabhāvo lokkhaṃ, taṃ etissā atthīti lokkhāti sammatā. **Lokkhasammata**ggahaṇena “tathā sā nadī loke pākaṭā”ti evaṃ pavattaṃ attano micchāgāhaṃ dīpeti. Tenāha “**visuddhabhāvaṃ detīti evaṃ sammatā**”ti. Pāpapavāhanena samparāyikādisampatti-āvahato lokassa hitā **lokyā**. Lokyāti sammatāti sabbaṃ purimasadisaraṃ. Tenāha “**setṭhaṃ lokaṃ gamayatīti evaṃ sammatā**”ti. **Puññasammata**ti pujjabhavaphalanibbattanena sattānaṃ punanena visodhanena puññāti sammatā. **Tadatthadīpanatthamevā**ti tassā pubbe āgatadesanāya atthadīpanatthameva. Vuttassevatthassa puna dīpanaṃ kimatthiyanti āha “**gāthārucikāna**”ti. Cuṇṇikavacanaṃ asambhāventā tathā ca vutte atthamabujjhanakā pajjavacanaṃ sambhāventā tathā ca vutte bujjhanakā gāthārucikā. **Visesattha dīpanatthanti** visiṭṭhadīpanatthaṃ, purimadesanāya aññadīpanatthanti attho.

“Gacchati pana bhavaṃ gotamo bāhukaṃ nadiṃ sināyitun”ti<sup>1</sup> heṭṭhā vuttatā **bāhukanti idameva ettha tadatthadīpakaṃ. Sesāni** adhikakkādivacanaṃ tato visiṭṭhassa atthassa bodhanato **visesatthadīpakāni**. Kasmā panettha bhagavatā brāhmaṇena avuttāni adhikakkādīni gahitānīti āha “**yatheva hī**”ti-ādi. Kakkanti nhānapiṇḍaṃ adhippetāṃ, nhāyitvā adhikaṃ kakkāṃ ettha gaṇhantīti **adhikakkaṃ**. Tenāha “**nhānasambhāravasenā**”ti-ādi. **Maṇḍalavāpisaṇṭhānanti** vaṭṭapokkharāṇisaṇṭhānaṃ **nadiyoti** visuṃ nadiyo, na adhikakkādīni viya titthamattaṃ.

**Tīhi padehīti** sundarikāpayāgabāhukāpadehi. **Cattārīti** adhikakkādīni cattārī. **Vuttāneva hontīti** lokkhasammataḷakkhaṇena ekalakkhaṇattā brāhmaṇassa adhippāyena, paramatthato pana pāpapavāhalakkhaṇena ekalakkhaṇattā. Tenāha “**tasmā**”ti-ādi. **Kiñci** pāpasuddhiṃ **na karontiyeva**. **Na hi naṃ sodhayeti** naṃ puggalaṃ na sodhaye. **Verakibbisabhāvaṃ appattā** nāma kammaṭṭhabhāvaṃ appattā. Tenāha “**khuddakehī**”ti.

**Paṭihanantoti** ayuttabhāvadassanena taṃ diṭṭhiṃ paṭibāhanto. Tatthāyaṃ paṭibāhanavidhi yathā yaṃ kiñci udakorohanaṃ na pāpapavāhanaṃ.

---

1. Ma 1. 47 piṭṭhe.

Evam yo koci nakkhattayogo pāpahetūnaṃ paṭipakkhābhāvato. Yaṃ hi vināseti, so tassa paṭipakkho. Yathā āloko andhakārassa vijjā ca avijjāya, na evaṃ udakorohanaṃ nakkhattayogo vā pāpahetūnaṃ lobhādīnaṃ paṭipakkho, tasmā niṭṭhamettha gantabbaṃ “na udakorohanādi pāpapavāhanan”ti. **Niccaṃ phaggunīnakkhattanti** suddhasīlādikassa sabbakālaṃ maṅgaladivaso evāti adhippāyo. **Itaroti** sīlādivasena asuddho. **Niccameva uposatho** ariyuposathena upavutthabhāvato. **Suddhassāti** parisuddhamanosamācārassa. **Sucikammassāti** parisuddhakāyavacīsamācārassa. Tenāha “**nikkilesatāyā**”ti-ādi. **Kusalūpasañhitanti** anavajjabhāvūpagataṃ. **Vatasamādānanti** dhutadhammasamādānādi **sampannameva hoti**, nāssa vipatti atthīti attho. **Mama sāsaneveva sināhi**, yadi accantameva suddhiṃ icchasīti adhippāyo. Tenāha “**sace**”ti-ādi. **Khematanti** khemabhāvaṃ. Yathā sabbabhūtāni tapavasena khemappattāni abhayappattāni honti, evaṃ karohīti taṃ heṭṭhā dassitaṃ mettādibhāvanaṃ brāhmaṇassa saṅkhepena upadisantenassa ekaccasamādhisampadā tadavinābhāvinī paññāsampadā ca dassitāti daṭṭhabbaṃ. Tenāha “**manodvārasuddhi dassitā**”ti.

Tassa pana sampadādvayassa nissayabhūtaṃ sīlasampadaṃ dassetuṃ “**sace musā na bhaṇasī**”ti-ādi vuttaṃ. Ettha ca yathā “sace musā na bhaṇasī”ti-ādinā musāvādapāṇātipāta-adinnādānapaṭivirativacanena avasesakāyavacīduccaritaviratīpi vuttā eva hoti lakkhaṇahāranayena, evaṃ “saddahāno amaccharī”ti saddhādidhanasampadāniyojaneneva avasesa-ariyadhanasampadāniyojanampi siddhameva hotīti saddhādayo vimutti-paripācanīyadhammā brāhmaṇassa pakāsītā evāti veditabbā. Tenevāha “**imāya eva paṭipattiyā kilesasuddhī**”ti. **Gayā sammatatarā** bāhukādīhipīti adhippāyo.

80. **Ekoti** asahāyo, eṣā panassa asahāyatā ekībhāvenāti. Na hissa tāva taṇhādutiyatā vigatā. Tenevāha “**na cirassevā**”ti-ādi. Ekaggahaṇeneva kāyena vūpakaṭṭhatā vuttāti āha “**vūpakaṭṭho cittavivekenā**”ti. Tena “divā caṅkamaṇa nisajjāyā”ti-ādinā<sup>1</sup> āgataṃ jāgariyānuyogamāha. Tathābhūtassa

1. Ma 1. 341; Ma 3. 54; Saṃ 1. 112, 323; Abhi 2. 258; Khu 7. 294 piṭṭhesu.

cassa ekādasahi aggīhi āditte tayo bhave passato yathā pamādassa lesopi nāhosi, evaṃ kammaṭṭhānaṃ brūhento sammadeva padahati. Katthaci saṅkhāragate anapekkhacitto nibbānādhimutto eva vihāsīti dassetuṃ “**appamatto**”ti-ādi vuttaṃ. **Khīṇā jāṭī**ti-ādīsu yaṃ vattabbaṃ, taṃ heṭṭhā vuttameva. Sesāṃ suviññeyyameva.

Vatthasuttavaṇṇanāya līnatthappakāsanā samattā.

### 8. Sallekhasuttavaṇṇanā

80. “Cundo”ti tassa mahātherassa nāmaṃ, pūjāvasena pana **mahācundoti** vuccati yathā “mahāmoggallāno”ti. Attano vā cundaṃ nāma bhāgineyyattheraṃ upādāya Āyasmato Sāriputtattherassa bhātā ayaṃ mahāthero “**mahācundo**”ti paññāyittha yathā “mahāpanthako”ti. **Sāyanhasamayanti** bhummatthe etaṃ upayogavacananti āha “**sāyanhakāle**”ti. Na hettha accantasāmyogo sambhavatīti. **Sattasaṅkhārehīti** saddhivihārika-antevāsika-upāsakādisattehi ceva rūpārammaṇādisaṅkhārehi ca. **Paṭṇivattitvāti** apasakkitvā. **Nilīyananti** vivecanaṃ kāyacittehi tato vivittatā. **Ekībhāvoti** hi kāyavivekamāha, **pavivekoti** cittavivekaṃ. **Tato vuṭṭhitoti** tato duvidhavivekato bhavaṅguppattiyā, sabrahmacārīhi samāgamena ca apeto. **Abhivādāpetvāti** abhivādaṃ kāretvā. **Evanti** yathāvutta-abhivādavasena. **Paggayhāti** unnāmetvā. Anupacchinnabhāvamūlānaṃ tāva evaṃ abhivādo hotu, ucchinnabhāvamūlānaṃ kimatthiyoti āha “**etaṃ āciṇṇaṃ tathāgatānaṃ**”ti. Tena na tathāgatā samparāyikaṃyeva sattānaṃ sukhaṃ āsīsanti, atha kho diṭṭhadhammikampīti daṭṭhabbaṃ. Kasmā evaṃ tathāgatā abhivadantīti tattha kāraṇamāha “**sukhakāmā hī**”ti-ādi. **Puthukāyāti** bahū sattakāyā. **Yakkhāti** devā. Te hi pūjanīyatāya “yakkhā”ti vuccanti. **Abhivadantīti** āsīsītimevatthaṃ ñāṇakarūṇāhi abhimukhaṃ katvā vadanti.

Yāti aniyamato gahitā niyamato dassento “**imā**”ti āha. **Imāti** ca āsannapaccakkhavacananti āha “**abhimukhaṃ karonto**

**viyā**”ti, taṃ taṃ diṭṭhigatikaṃ cittagataṃ sammukhā viya karontoti attho. **Diṭṭhiyoti** purimapadalopena pāḷiyaṃ vuttanti dassento “**micchādiṭṭhiyo**”ti āha. Sattesu diṭṭhigatacittuppādesu uppajjamānā, sattu vā visayabhūtesu ārabha uppajjamānā “**sattesu pātubhavanti**”ti vuttā. **Attavādenāti** attānaṃ ārabha pavattena vacanena. **Paṭisaṃyuttāti** “atthi attā”ti gāhe gāhaṇe ca visayabhāvena paṭisaṃyuttā. Diṭṭhigatikenā diṭṭhiṃ gāhantehi gāhaṇe gāhāpaṇe ca diṭṭhi diṭṭhivādassa visayoti tena paṭisaṃyuttā nāma hoti. “Atthi attā”ti evaṃ pavattā diṭṭhi idha attavādapāṭisaṃyuttā, na tassā visayabhūto attā. Sā ca visayabhāvato tathāpavattena vādena paṭisaṃyuttā.

**Lokavādappaṭisaṃyuttāti** etthāpi eseva nayo. **Vīsati bhavanti** tato param attavādavatthuno<sup>1</sup> abhāvā. Pañcapi hi upādānakkhandhe paccekam “attā”ti te ca attano nissayabhāvena gaṇhato etāsam diṭṭhīnaṃ sambhavo, tabbinimutto panāyaṃ visayo attaggaṇākāro ca natthīti. **Sassato attā ca loko cāti** rūpādīsu aññataram “attā”ti, “loko”ti vā gahetvā taṃ sassato sabbakālabhāvī nicco dhuvoti. Yathāha “rūpī attā ceva loko ca sassato cāti attānañca lokañca paññāpeti”ti-ādi. **Sassatoti-ādīsu** paṭhamo sassatavādavasena attaggāho, dutiyo ucchedavādavasena, tatiyo ekaccasassatavādavasena, catuttho takkīvādavasena pavatto, amarāvikkhepavasena vā pavatto attaggāho. **Antavāti** attano paricchedatāvasena. **Anantavāti** aparicchedatāvasena. **Antavā ca anantavā cāti** tadubhayavasena, itarā takkīvādavasena pavatto attaggāho. Evaṃ pavattattā aṭṭha hontīti yojanā.

**Ādimevāti** ādimanasikārameva. Taṃ pana sarūpato dassento “**vipassanāmissakapaṭhamamanasikāramevā**”ti āha. **Appatvāpi sotāpattimagganti** iminā avadhāraṇena nivattitaṃ dasseti. Nāmarūparicchedato pabhuti yāva udayabbayadassanaṃ, ayaṃ idha ādimanasikāroti adhippeto paññābhāvanāya ārambhabhāvato. Udayabbayānupassanāsahitatāya cassa **vipassanāmissakatā**vacanaṃ. **Evanti** imassa atthavacanaṃ “**ettakeneva**

---

1. Attabhāvavatthuno (Ka)

**upāyenā**”ti, yathāvutta-ādīmanasikārenāti attho. **Etāsanti** yathāvuttānaṃ attavādalokavādapaṭisaṃyuttānaṃ diṭṭhīnaṃ. Kāmañca tāsāṃ tena tadaṅgavasena pahānaṃ hotiyeva, taṃ pana nādhippetāṃ, tasmā samucchēdavasena pahānaṃ paṭinissaggo ca hotīti pucchati. Sabbaso samucchinnasaṃyojanatāya **anadhīmānikopi samāno**. “Ariyadhammo adhigato”ti māno adhimāno, so yesāṃ atthi te **adhīmānikā**, tesāṃ udayabbayañāṇadhigamena adhimānuppatti tadavasāno ca manasikāroti adhippeto. Tena diṭṭhīnaṃ pahānaṃ na hotīti kathāpanatthaṃ ayaṃ pucchāti āha “**adhīmānappahānatthaṃ pucchati**”ti. “Ādimeva nu kho -pa-paṭinissaggo hoti”ti anabhisametāvī viya vadanto adhimāne ṭhito viya hotīhi āha “**adhīmāniko viya hutvā**”ti. **Soti** thero. **Tesāṃ atthāyāti** tesāṃ attano antevāsikānaṃ bhagavatā etassa micchāgāhassa vivecanatthāya. Thero kira dhammasenāpati viya saddhiṃ attano antevāsikehi bhagavantāṃ upasaṅkami.

82. **Yatthāti** visaye bhuttaṃ. Diṭṭhīnaṃ hi ārammaṇanidassanametanti. Yasmā diṭṭhīnaṃ anusayanabhūmipi samudācaraṇaṭṭhānampi khandhā eva, tasmā āha “**yattha cetā diṭṭhiyo uppajjantīti-ādi pañcakkhandhe sandhāya vuttan**”ti. **Rūpaṃ abhinivissāti** “idaṃ rūpaṃ mama attā”ti diṭṭhābhinivesavasena abhinivisitvā ārabha. Abhinivissamānā eva hi diṭṭhi naṃ ārammaṇaṃ katvā uppajjati. “**So attā**”ti-ādīsu yadidaṃ cakkhādisaṅgahaṃ rūpaṃ, sahabuddhinibandhanatāya **so me attā**, sukhāsukhaṃ ettha lokiyatī”ti **so loko**, “**so evāhaṃ pecca** paraloke **bhavissāmīti** tathābhāvena **nicco**, thirabhāvena **dhuvo**, sabbadābhāvitāya **sassato**, nibbikāratāya **avipariṇāmadhammoti** attho. Yadi pañcakkhandhe sandhāya vuttaṃ, kathamekavacananti āha “**ārammaṇavasena**”ti-ādi. Nānākariyati etenāti **nānākaraṇaṃ**, viseso. **Jātivasenāti** uppattivaseṇa. Ye hi anibbattapubbā samānavatthā, te uppādasāṅkhātavikārasamaṅgitāya uppajjantīti samaññaṃ labhanti. Tenāha “**jātivaseṇā**”ti-ādi. **Punappunaṃ āsevitāti** anādimati saṃsāre aparāparuppattiyā laddhāsevanā. Etena kilesānaṃ bhāvanaṭṭhena anusayatthaṃ

viseseti. **Thāmagatā**ti thāmabhāvaṃ upagatā. Etena anusaye sabhāvato dasseti. **Thāmagamananti** ca kāmarāgādīnaṃ anaññasādhāraṇo sabhāvo. Tathā hi vuttam “thāmagato anusaye pajahatī”<sup>1</sup>. **Appaṭiviniṭā**ti samucchadavinayavasena na paṭiviniṭā. Appahīnā hi thāmagatā kilesā anusentīti vuccanti. Etena tesam kāraṇalābhe sati uppajjanārahataṃ dasseti. **Samudācarantī**ti abhibhavanti. Etena tesam vītikkamappattataṃ dasseti. **Uppajjantī**ti pana imināva pariyuṭṭhānāvattā dassitā.

**Tam pañcakkhandhappabhedam ārammaṇanti** yaṃ tam “yattha cetā diṭṭhiyo uppajjantī”<sup>ti</sup>-ādinā vuttam rūpupādānakkhandhādipañcakkhandhappabhedam diṭṭhīnaṃ ārammaṇam. **Etam mayham na hotī**ti etam khandhapañcakam mayham santakam na hoti mama kiñcanapalibodhabhāvena gahetabbatāya abhāvato. Tenassa paramatthato taṇhāvattubhāvaṃ paṭikkhipati tāvakālikādibhāvato. **Ahampi eso na asmī**ti eso pañcakkhandhappabhedo ahampi na asmi, ahanti so gahetabbo na hotīti attho. Etenassa mānavattubhāvaṃ paṭikkhipati aniccadukkhajegucchādibhāvato. **Eso me attāpi na hoti** attasabhāvassa tatha abhāvato mamañcassa kiñcanapalibodhabhāvena gahetabbatāya abhāvato.

Taṇhāva mamanti gaṇhāti etenāti **taṇhāgāho**. **Tam gaṇhantoti** tam uppādentō. Tenāha “**taṇhāpapañcam gaṇhātī**”<sup>ti</sup>. Papañceti santānam vitthārento satte saṃsāre cirāyatīti **papañco**. **Yathāvuttapabhedanti** aṭṭhasatataṇhāvīcaritapabhedam. **Taṇhāpapañcam paṭikkhipati** khandhapañcakassa taṇhāvattukābhāvavibhāvanenāti adhippāyo. Parato padadvayepi eseva nayo. **Diṭṭhekaṭṭhāti** diṭṭhiyā pahānekaṭṭhā. Tena tesam paṭhamamaggavajjhatam dasseti. Sahajekaṭṭhā pana diṭṭhiyā taṇhā eva, na māno, sā ca kho apāyagamaniyā. **Yathā atthīti** yena aniccadukkhāsubhānattākārena atthi, tathā passanto yathābhūtam passati nāma. Tenāha “**khandhapañcakañhī**”<sup>ti</sup>-ādi. **Eteneva ākārenāti** ruppanādi-aniccādi-ākāreneva. **Gayhamānampi** appahīnavipallāsehi. **Tenākārenāti** “etam māmam”<sup>ti</sup>-ādi-ākārena. **Nevatthi**

---

1. Khu 9. 394 piṭṭhe Paṭisambhidāmagge.

yathābhūtaḍḍaṣṣaṇavipallāsaṇaṃ taḍḍabhāvato. **Suṭṭhu passantassāti** yathā puna tathā na passitabbaṃ, evaṃ suṭṭhu sātisaṃyaṃ passantassa.

Na āḍiṃaṇasikāreṇeva ḍiṭṭhiṃpaḥāṇaṃ hoti, aḍḍhiṃāṇikāṇaṃ paṇa aḍḍhiṃāṇaṃattamaṇaṃ ḍaṣṣaṇaṃ. Maggeṇeva taṃ hotiṭi iṃamaṭṭhaṃ viḅhāvato “**sotāṃpattimaḡgena ḍiṭṭhiṃpaḥāṇaṃ ḍaṣṣetvā**”ti āha. **Vibhaḡantaṭi** aḍḍhiṃāṇikāṇaṃ ḡhāṇāṇi asaḷḷekhaḅhāveṇa viḅhaḡanto. **Bāḷaputhuḡḡaṇāṇaṃ neva uppajḡati** akāraḡaḅhāvato. **Na ariyaṣāvakaṇaṃ** paḥiṇāḍḍhiṃāṇapaḡḡayattā. **Na aṭṭhāṇaṇiyaḡako** saṃpāyaḡamaṭṭhāṇeyeva niyoḡanaṭo.

Thero “yadaṭṭhaṃ saṃḡho paḡḡosaṭi, so aṭṭho taṭṭha vāṣiṇaṃ āḡataḡataṇaṃ idha iḡḡhaṭi”ti taṃ uḍikḡhanta saṃḡheṇa yāvataṭiyaṃ paḡitopi na ḡato na aḡāraṇa. Tenāha “**kiṃetaṇ**”ti-āḍi. Paṇḍito hi taṭṭha aṭṭano kiḡcamaeva kaṛoṭiṭi **aṇṇataṛaṃ vuḍḍhaṃpaḡḡitaṃ pāhesi**. **Kimetaṇti** saṃḡhaṣṣa āṇāya akaraṇaṃ nāma kiṃetaṇti karaṇe āḍaraṃ ḍiṃpento evamaḡha. **Saṭṭhivaṣṣāṭiṭoṭi** appaṭṭe paṭṭasaṇṇi eva saṭṭhivaṣṣāṭiṭo. Yaṣmā pesalā pesalehi saḍḍhiṃ saṃsaṇḍanti saṃāṇāḍḍhiṃuttitāya, taṣmā thero “**sāḍhāvuso**”ti vatvā haṭṭhiṃāṇaṇāḍiṃ saḅbaṃ akāṣi.

**Tāḍisoṃvāṭi** anaṇṭaraṃ vuttatṭheṛasaḍisoṃva appaṭṭe paṭṭasaṇṇi eva saṭṭhivaṣṣāṭiṭoṭi aṭṭho. **Paḍumaḡuḡbaṇti** kaṃalaṣaṇḍaṃ. **Pāṣāḍaṃ pāvisi** viṣṣaṭṭhaṃ oḷokaṇeṇassa puṭhuḡḡaṇaḅhāvo aṭṭaṇāva paṇṇāyissaṭiṭi. Tiṣṣamaḡaviḡhāre kira theṛā ḅhiḡḡhū taḍā “saḡacittaṃ paṣiḍaṭi”ti vacaṇaṃ pūḡeṇṭā kāḷaṣṣeva ceṭiyaṇḡaṇaṃ saṃmaḡḡiṭvā eṭṭakāṛamaṇameṇa ḅuddhāṛamaṇaṃpīṭiṃ uppāḍetvā ḍivaṣe ḍivaṣe taṭhā kaṛoṇti. Tena vuttāṃ “**taṣmiṇca saṃaye**”ti-āḍi. “Ḍhammaḍinna idha paṭṭacīvaraṃ ṭhaṃpeḡi”ti **vattāpi** paṭisaṇṭhāraṃvaṣeṇa kiṇci **pucḡhiṭāpi nāhoṣi**. **ḡuṇaṃ ḡāṇākīṭi** niṃuḡḡaṇāḍiṣu viṃaraḍāṇāḍiṇā ḡuṇaṃ ḡāṇāṭi viya. **Tuṃhe paṇa na ḡāṇiṭṭha** āḡaṇṭukaṃvaṭṭaṣṣapi akaraṇato. Saṭṭhu-āṇāvilaṇḡhiṇi kīḍiṣi sā saṃḡhaṣṣa kaṭikā. Kaṭikā ca nāma siḡḡhāṃpaḍāviroḍheṇa aṇuvaṭṭeṭaḅbā, eṭṭakaṃpi aḡāṇaṇṭeḡi ṃe saṃvāṣo naṭṭhiṭi ākāṣe aḅḅhuḡḡaṃ.



**Yaṃ tassa evamassa sallekhena viharāmi**ti yo “paṭhamajjhānaṃ upasampajja vihareyyā”ti vutto, tassa bhikkhuno yaṃ “paṭhamajjhānasāṅkhātāṃ paṭipattivīdhānaṃ kilese sallekhati, tena sallekkhena ahaṃ viharāmi”ti adhimānavasena evamassa evaṃ bhaveyya ṭhānametaṃ vijjatīti evamettha sambandho veditabbo. **Taṃ na yujjati**ti taṃ adhimānikassa “yathāvibhaṅgaṃ<sup>1</sup> paṭhamajjhānaṃ sallekho”ti parivittakkaṃ na yujjati yuttaṃ na hoti. Tenāha “**na hi**”ti-ādi. Tattha sammā sabbaso ca kilese likhatīti **sallekho**, ariyamaggo. Tadupāyavipassanā **sallekhaṭṭhapaṭipadā**. Yaṃ pana jhānaṃ vipassanāpāḍakaṃ, tampi jhānaṃ pariyaṃyena maggaṭṭhapaḍakaṃ hotiyeva. Tenāha “**avipassanāpāḍakattā**”ti-ādi.

**Jhānadhammavasenā**ti vitakkādipaṇṇakajjhānadhammavasena. Cittuppāḍavasena anekavāraṃ pavattamānampi jhānaṃ ekāvajjanatāya ekavīthipariyāpannattā ekā samāpatti evāti “**punappunaṃ samāpattivasenā**”ti vuttaṃ. Cattāri arūpajjhānāni yathāsakaṃ ekesasmiṃyeva ārammaṇe pavattantīti āha “**ārammaṇabhedābhāvato**”ti. **Purimakāraṇadvayavasenevā**ti “jhānadhammavasena, punappunaṃ samāpattivasenā”ti pubbe vuttappakāraṇadvayavaseneva.

Tesaṃ arūpajjhānānaṃ kilesapariḷāhābhāvena **nibbutāni** aṅgāni, bhāvanāvisesavasena **sukhumāni** ārammaṇāni. **Tasmā tānī**<sup>2</sup> tesaṃ vasena tāni jhānāni santāni, tasmā “**santā ete viharā**”ti vuttaṃ. **Tesaṃ catunnampīti** cutunnampi tesaṃ arūpajjhānānaṃ.

83. **Soti** adhimāniko bhikkhu, añño vā ito bāhirako tāpasaparibbājakādiko na hi sammāsati. Tattha adhimāniko appatte pattasaññitāya na sammāsati, itaro avisayatāya. **Yatthāti** yasmim sallekhavattusmim, avihimsakatādīhi **catucattālīsāya ākārehi**.

Aṭṭha samāpattiyo nāma kilesānaṃ vikkhambhanavasena pavattā uttaruttari santapaṇītā dhammā, na tathā lokiyā avihimsādayo. Tattha kathaṃ avihimsādayo eva sallekhabhāvena vuttā, na itarāti imamatthaṃ vibhāvento codako “**kasmā panā**”ti-ādimāha. Itaro kāmaṃ

1. Yathādhigataṃ (?)

2. Santānīti (Ka)

samāpattiyo santapaṇītasabhāvā, vaṭṭapādakatāya pana kilesānaṃ sallekhaṭṭipadā na honti, avihimsādayo pana vivaṭṭapādakā sallekhaṭṭipadāti imamatthaṃ vibhāvento “**lokuttarapādakattā**”ti-ādimāha. Imināyeva aṭṭhasamāpattihi avihimsādīnaṃ visesadīpakena suttena yathā mahapphalatarāṃ hoti, taṃ pakārajātaṃ veditabbaṃ. Idañhi dakkhiṇeyyataratāya dakkhiṇāya mahapphalataratāṃ sandhāya vuttanti sambandho. Nanu tatha “sotāpattiṭṭiphalasacchikiriyāya paṭipanno”ti āgataṃ, na “saraṇagato”ti codanaṃ sandhāyāha “**saraṇagamanato paṭṭhāyā**”ti-ādi. Vuttaṃ hettaṃ **aṭṭhakathāyaṃ**<sup>1</sup> “hetṭhimakoṭṭiyā tisaraṇaṃ gato upāsakopi sotāpattiṭṭiphalasacchikiriyāya paṭipanno nāmā”ti. Yo hi vaṭṭadukkhaṃ samatikkamitukāmo pasannacitto ratanattayaṃ saraṇaṃ gacchati, tassa taṃ adhisīlādīnaṃ upanissayo hutvā anukkamena dassanamaggādhigamāya samvatteyyāti.

**Vihimsādivatthunti** yadetaṃ vihiṃsādīnaṃ vatthum vadāma, imasmim vihiṃsādivatthusmim. **Antamicchādiṭṭhiṇca micchattānaṃ ādimicchādiṭṭhiṇcā**ti idam desanākkamaṃ sandhāya vuttaṃ. **Missetvāti** micchādiṭṭhibhāvasāmañña ekajjhaṃ katvā. **Tathāti** iminā yathā kammaṭṭhamicchattānaṃ ante ādimhi ca vuttamicchādiṭṭhim missetvā ekajjhaṃ vuttaṃ, tathā tesam ante vuttasammādiṭṭhīti imamatthaṃ upasaṃharati.

**Pāṇanti** vohārato sattaṃ, paramatthato jīvitindriyaṃ. **Atipāṇenti** saraseneva patanasabhāvaṃ aticca antarā eva pāṇenti, atikkamma vā satthādīhi abhibhavivā pāṇenti. **Adinnanti** parasantakaṃ. **Ādiyanti**ti gaṇhanti. **Sallekhatī**ti samaṃ lekhati, pajahatīti attho. Kammaṭṭhakathā esāti “**atthabhañjanakan**”ti vuttaṃ. Piyasuñña karaṇato **pisuṇā**, pisati pare satte hiṃsatīti vā **pisuṇā**. **Pharusāti** lūkhā, niṭṭhurāti attho. **Niratthakanti** attharahitaṃ attano paresaṇca hitavinimuttaṃ. **Micchāti** viparītā niccādivasena pavattiyā. **Pāpikāti** lāmikā. Ekantākusalatāya **viññūhi** buddhādīhi **garahitā**. **Natthi dinnanti-ādivatthukāyāti** dasavatthukamicchādiṭṭhimāha. Natthikabhāvābhinivesanavasena kammaṭṭhappattiyevassā **kammaṭṭhappariyāpannatā**. “Rūpaṃ attā”ti-ādinayappavattā

---

1. Ma-Ṭṭha 4. 223 piṭṭhe.

attadiṭṭhi maggantarāyakarattā **aniyyānikadiṭṭhi**. Aniyyānikattā eva hissā micchattapariyāpannatā. **Sammāti** aviparītā, tato eva **sobhanā** sundarā, buddhādīhi pasatthattā **viññūppasatthā**. Sesamettha micchādiṭṭhiyaṃ vuttanayena veditabbaṃ.

Asubhādisu subhādi-ākāraggahaṇato **ayāthāva-aniyyānikā** ayoniso uppattiyā. **Akusalāti** ayāthāva-aniyyānikā akusalā saṅkappā. **Esa nayoti** iminā “ayāthāvā aniyyānikā akusalā vācā”ti-ādinā tattha tattha ayāthāvādi-attham atidisati. **Vācāti** cetanā adhippetā, tathā **kammantājīvā sati** ca. Yebhuyyena atītānussaraṇavasena pavattito “**atītaṃ cintayato**”ti vuttam. Tathā hi loke evaṃ vadanti “yaṃ me pahūtaṃ dhanam ahoṣi, taṃ pamādasena pana bahum khīṇaṃ”ti. **Satipatirūpakenāti** “cirakatampi cirabhāsitaṃ saritā”ti evaṃ vuttasatuppattipatirūpakena. **Uppattinti** cittuppattim. Tathāpavattacittuppādo hi micchāsati. Sā pana kodhavasena vā “akkocchi maṃ avadhi maṃ”ti-ādinā<sup>1</sup> upanayhantassa, rāgavasena vā “yānissa tāni pubbe mātugāmena saddhim hasitalapitakīlītāni anussarati”ti<sup>2</sup> vuttanayena subhato anussarantassa, diṭṭhivasena vā “so kho pana me attā nicco dhuvo”ti-ādinā micchā-abhinivisantassāti evamādinā nayena pavattatīti veditabbā.

**Upāyacintāvasenāti** khippajālakumināduhalādi-upakaraṇasaṃvidhānādisu yutticintanādivasena **pāpaṃ katvā** vippaṭṭisāranimittam, “**sukataṃ mayā**”ti pāmojjanimittam katvā **paccavekkhaṇākārena moho** aññāṇam. Tattha pana “asive sivā”ti vohāro viya ñāṇavohāro. Micchāsabhāvattā pana **micchāññāṇam**veva vuccati. Ekūnavīsati bhedaṃ paccavekkhaṇāññāṇam sammā pekkhitattā **sammāññāṇam** vuccati, itaraṃ pana jhānādipaccavekkhaṇāññāṇam sammādiṭṭhiyāva saṅgayhati. Rūpārūpasamāpattilābhītāmattena vaṭṭato **avimuttāyeva samānā** “**vimuttā mayan**”ti **evamaññino**. Pakatipurisantaraññāsaṅkhātāyaṃ, gūṇaviyuttassa attano sakattani<sup>3</sup> avatṭhānasaṅkhātāyaṃ, attano mahābrahmunā salokatā tassa

1. Khu 1. 13 piṭṭhe Dhammapade.

2. Am 2. 439 piṭṭhe.

3. Paramattani (?)

samīpatāsaṃyujjanasaṅkhātāyaṃ vā avimuttiyaṃ **vimuttisaññino**. Ekantākusalatāya hīnattā **pāpikā**. Ayāthāvatāya **viparītā**. **Yathāvuttenāti** “avimuttāyeva samānā”ti vuttappakārena. “Mayametta sammādiṭṭhī bhavissāmā”ti-ādīsu phalasammādiṭṭhī-ādīnīpi maggasammādiṭṭhī-ādīpakkhikānevāti adhippāyena “**phalasampayuttāni -pa- veditabbā**”ti vuttam, sabbe pi pana phaladhamme vimuttikkhandhasaṅgahato “vimutti”ti vuccamāne na koci virodho. Ettha sammāvimuttisaṅkhāte sallekhavevatthumhi.

Yadi **nīvaraṇavasena vuttāni**, kasmā tīṇeva vuttānīti āha “**abhijjhālū**”ti-ādi. Pariyuṭṭhānappattā **thinamiddhapariyuṭṭhitā**. Yassa dhammassa atthitāya uddhatā nāma honti, so dhammo uddhaccanti āha “**uddhaccena samannāgatāti uddhatā**”ti. **Vicinantāti** dhammoti vā adhammoti vā ādināyaṃ kiñci sabhāvaṃ vinicchinantā. **Upanāhanasīlāti** parassa attano citte anubandhanasīlā. **Issantīti** usūyanti. **Saṭhayantīti saṭhā** aññathā attānaṃ aññathā pavedanakā. Te pana yasmā na yathābhūtavādino, tasmā āha “**na sammā bhāsantīti vuttam hoti**”ti. **Vuttapaccanīkanayenāti** “na kodhanā akkodhanā”ti-ādīnā vutta-atthapaṭipakkhanayena.

Dukkhaṃ vaco etesu vippaṭikūlaggāhitāya vipaccanīkagāhesūti **dubbacā**. Te pana vacanakkhamā na hontīti āha “**vattum dukkhā**”ti-ādi. Hīnācāratāya dukkhassa vā sampāpakatāya **pāpakā**. **Asaddhammavasenāti** asappurisadhammavasena. Attanā visesitabbavasena kāyaviññatti-ādīnaṃ kāyakammadvārādibhāvo viya assaddhiyādi-asaddhammasamannāgamena asatam asappurisānaṃ dhammānanti tāniyeva assaddhiyādīni asaddhammā nāma, tesam vasenāha “**saddhā etesam natthi**”ti yathā tam “duppaññā”ti. Suttageyyādi **appaṃ sutam etesanti appassutā**, sutena anupapannā. **Natthīti gahetabbanti** iminā abhāvattho ayaṃ appa-saddo “appaḍamsamakasavātātapasarīsapasamphassānaṃ”ti-ādīsu<sup>1</sup> viyāti dasseti. Sammāpaṭipattiyā anārambhanato **kucchitā** gārayhā **sīdanti** osīdanti saṅkilesapakkheti **kusitā** da-kārassa ta-kāraṃ katvā. Akusālānaṃ dhammānaṃ pahānāya kusālānaṃ dhammānaṃ upasampadāya **āraddham** paggahitaṃ **vīriyaṃ etesanti āraddhavīriyā**.

1. Am 3. 268 piṭṭhe.

Anuppādanena **mutṭhā** naṭṭhā sati **etesanti mutṭhassatī**. **Duṭṭhā**ti dūsitā. Duppaññā<sup>1</sup> nāma dūsitabhāvo<sup>2</sup> paṭipakkhena vināsitabhāvoti<sup>3</sup> āha “**naṭṭhapaññāti vuttam hotī**”ti. Heṭṭhā sammādiṭṭhiggaḥaṇena kammassakatāpaññāya maggasammādiṭṭhiyā ca gahitattā subbacakalyāṇamittatāparivārāhi idha saddhādīhi vipassanāsambhārassa uddhaṭattā ca vuttam “**idha vipassanāpaññā veditabbā**”ti. Tenāha “**vipassanāsambhāro hī**”ti-ādi. Yuttam anapekkhitvāpi ayamatto gahetabboti dassento āha “**porāṇanam āṇā**”ti.

**Lokuttaraguṇanam antarāyakaranti** lokuttaraguṇanam adhigamassa antarāyakaram. **Sandiṭṭhinti** sam attano diṭṭhim, yaṃ vā taṃ vā attanā yathāgahitadiṭṭhinti attho. Sabhāvaṃ atikkamivā parato āmasanato **parāmāsī**. **Daḷhaggāhī**ti “idameva saccaṃ”ti thiraggāhaggāhī. **Paṭinissaggī**ti paṭinissajjanako. **Kummovāti** yathā kacchapo attano pādādiḥe aṅge kenaci ghaṭṭito sabbāni aṅgāni attano kapāleyeva samodahati, na bahi nīharati, evamayampi “na sundaro tava gāho, chaḍḍehi nan”ti vutto taṃ na vissajjeti, **antoyeva** attano hadaye eva ṭhapetvā taṃ vadati. **Kumbhīlaggāhanti** saṃsumārāggāham. **Gaṇhantī**ti yathā saṃsumārā gahitam na vissajjenti, evaṃ gaṇhanti.

84. **Evam catucattālīsāya ākārehī**ti avihimsanādīhi catu-adhikacattālīsappakārehi. Kasmā panettha avihimsā ādito vuttā? Sabbaguṇanam mūlabhāvato. Avihimsāti hi karuṇāyetaṃ adhivacanam, sā ca visesato sīlassa mūlakāraṇam parūpaghātalakkhaṇā dussīlyā oramāpanato. Yathā hi pāṇātipāto parūpaghātalakkhaṇo, tathā paresam sāpateyyāvaharaṇam, sattippahāratopi dhanassāvahāro garutaroti. Tathā abrahmacariyam gabbhadhāraṇādīdukkhāvahanato, paradārātikame pana vattabbameva natthi. Paresam visamvādanabhedanamammaghaṭṭanānam parūpaghātabhāvo pākaṭo eva, samphappalāpo atthaggaḥāpanato anathuppādanato, abhijjhā adinnādānādīhetuto, byāpādo pāṇātipātādīhetuto, micchādiṭṭhi

1. Duṭṭhā paññā (?)

2. Dūsitabhāvena (?)

3. Vināsitabhāvenāti (?)

sabbānatthahetuto parūpaghātalakkhaṇā, micchādiṭṭhi dhammikapaṭiñṇopi pāṇātipātādīni karoti, pare ca tattha niyojeti, kimaṅgam pana itare. Vihimsalakkhaṇā dussīlyā oramā avihimsalakkhaṇā visesato sīlassa balavakāraṇam. Sīlapadaṭṭhāno ca samādhi, samādhipadaṭṭhānā ca paññāti sabbaguṇānam mūlabhūtā avihimsā. Apica uḷārajjhāsayanam nisammakārīnam dhīrānam uttamapurisānam sīlam viya samādhipaññāpi paresam hitasukhāvahāva sampajjantīti evampi karuṇā sabbaguṇānam mūlanti sā ādito vuttā.

Tato param visesato “avihimsāsamuṭṭhānā ime dhammā”ti dassanattam kusalakammaphadhammā gahitā. Tato idam guṇānam mūlabhūtam sīlam, ettha paṭiṭṭhitena ime dhammā uppādetabbāti dassanattam aṭṭha sammattā gahitā. Tesam visodhanāya paṭipannassa ādito evam hotīti dassanattam nīvaraṇaviveko gahito, ādito nīvaraṇadvayassa aggahaṇe gahitāgahitakāraṇam aṭṭhakathāya vuttameva. Kodhassa pana byāpādato bhedo **vattasuttavaṇṇanāyam**<sup>1</sup> vuttanayeneva veditabbo. Kodhādippahānena cettha<sup>2</sup> sallekhasiddhīti dassanattam tato upakkilesavisuddhi gahitā. Sā ca subbacakalyāṇamitta-appamattatāhi sijjhatīti dassanattam pakiṇṇakā gahitā. Sampannasovacassatādiguṇassa ime dhammā pāripūrim gacchanti, vipassanam paribrūhetvā ariyamaggādhigamāya samvattantīti dassanattam saddhammā gahitā. Evambhūtassa ayam micchāgāho lokuttaraguṇādhigamassa antarāyakaro, tasmā so dūrato vajjetabbo, evam yathāvuttāya sammāpaṭipattiyā ariyamaggaṃ adhigacchanto sallekham matthakam pāpetīti dassanattam “sandīṭṭhiparāmāsī”ti-ādi vuttanti evametesam catucattālīsāya sallekhākārānam gahaṇapayojanam anupubbī ca veditabbā. Payogato sallekhapaṭipadam paṭipajjitum asakkontānam cittuppādopi bahūpakāroti āha “cittuppādassapi bahūpakāratam dassetun”ti.

**Kusalesu dhammesūti** avihimsādīsu yathāvutta-anavajjadhammesu. **Anuvidhiyanāti** cittuppādassa kāyavācāhi anuvidhānā. **Tesam dhammānantī** avihimsādidhammānam, tesam vā cittuppādavasena pavattadhammānam.

1. Ma-Ṭṭha 1. 173 piṭṭhe.

2. Kodhādinanti ca panettha (Ka)

Idāni yathāvuttadhammaṃ vitthārato dassetuṃ “**kasmā panā**”ti-ādi āraddham. Saraṇagamanam vācāya viññāpetuṃ asakkontassa vasena vuttaṃ “**kāyena vā**”ti. “Sīlam kāyena samādiyati”ti etthāpi eseva nayo. Ettha ca tathā tathā pavattasallahukakāmāvacarakusalacittuppattiṃ upādāya tathārūpakusalakāyavacikkammānaṃ bahūpakāratā vuttāti na sabhāvato cittuppādassa bahūpakārataṃ ñāyatīti daṭṭhabbam.

85. **Hitādhigamāyā**ti diṭṭhidhammikādihitasampattiya, ariyamaggādhigamāya eva vā. Ariyamaggo hi ekantahitattā hito nāma. Parivajjanavasena kamaṇaṃ pavatti parikkamananti āha “**parikkamanāya parivajjanatthāyā**”ti. Sammādasanupāyasamvidhānena **avihimsā paṭiyattā** sammāsambuddhena. **Sukhenevā**ti akicceneva. **Eteneva upāyenā**ti eteneva avihimsāpade vuttana vidhinā. **Sabbapadānī**ti sesāni tecattālisa padāni.

86. **Akusalā** paṭisandhi-ajanakā nāma uddhaccasahagatacittuppādadharmā aññepi pavattivipākamattadāyino, **dinnāya paṭisandhiyā vipākajanakā**, paccavekallena vipaccituṃ aladdhokāsā ahosikkammādayo vā **ajanakā**. **Jātivasenā**ti akusalajātivaseṇa. **Adhobhāgaṅgamanīyā**ti apāyagamanīyā. **Evarinnāmā**ti nāmaggaṇaṇena sabhāvaṃ upalakkheti sati paccayasamavāye taṃsabhāvānativattanato. Tenāha “**vipākakāle aniṭṭhākantavipākattā**”ti. Vuttanayeneva kusalapakkho veditabbo. Ayaṃ pana viṣeso, idha paṭisandhi-ajanakā abhiññāsahagatadharmā, sesaṃ vuttasadisameva. **Sabbe akusalā**ti ettha vihiṃsamekaṃ ṭhapetvā itare sabbe akusalā upamābhūtā. Vihimsā hi upameyyaṃ. **Sabbe kusalā**ti etthāpi eseva nayo. **Eteneva upāyenā**ti yathā vihiṃsānaṃ upameyyatā, tadavasesānaṃ kusalākusalānaṃ upamābhāvo vutto, iminā nayena akusalaṃ pāṇātipātādi-akusalena itarena. kusalañca pāṇātipātāpaṭivirati-ādikusaleṇa itarena upametabbaṃ.

87. **Parinibbāpaneti** kilesapariḷāhavūpasamane. Parito limpanatṭhena palipaṃ vuccati mahākaddamaṃ, taṃ pana ekantato gambhīrampi hotīti

“**gambhīrakaddame nimuggo**”ti vuttaṃ, palipaṃ viya **palipanti pañca kāmaguṇā vuccanti, tasmā evaṃ** idāni vuccamānena upamopameyyasaṃsandananayena **ettha** imasmim̐ ṭhāne **atthayojanā veditabbā. Na hi taṃ kāraṇanti** ettha kāraṇaṃ nāma hatthassa vā pādassa vā apalipannabhāvo, so pana natthi. Esa nayo upameyyepi.

**Tattha siyā** kassaci parivitakko “bhagavato desanānubhāvena bhikkhū-ādayo kathenti”ti. **“Bhagavāyeva hi tattha uddharatī”**ti vatvā upamāya tadatthaṃ vibhāvetuṃ **“rañño”**ti-ādi vuttaṃ. Puthujjanā tāva tiṭṭhantu, sāvakasikhāppattavisesānampi ariyānaṃ desanā satthuyeva desanāti dassetuṃ **“kiñcāpi”**ti-ādimāha. Tathā hi tehi desitasuttāni buddhavacanameva, tesāṃ desanāya laddhavisēsāpi ariyā buddhaputtāyevāti.

**Anibbisatāyāti** anibbisevanatāya. **Asikkhitavinayatāyāti** pañcannaṃ vinayānaṃ sādaraṃ asikkhitabhāvena. Te pana vinayā tissannaṃ sikkhānaṃ sikkhāpanena hotīti āha **“tisso sikkhā sikkhāpessatī”**ti. **Kim pana tanti** “ṭhānametaṃ vijjati”ti ettha vuttaṃ kim pana ṭhānanti āha **“apalipapalipannattan”**ti-ādi. Yasmā pāḷiyaṃ “so vata cundā”ti-ādinā sāmāññatthaṃ upamābhāvena gahetvā visesattho upameyyabhāvena vutto, tasmā tamatthaṃ **“evamattho veditabbo”**ti-ādinā sādharāṇato vatvā puna asādharāṇato vivaranto **“kim vuttaṃ hotī”**ti-ādimāha. **Parassa vihiṃsācetanāṃ nibbāpessatī**ti idaṃ yo avihimsāsāṅkhātāṃ sammāpaṭipattim̐ disvā diṭṭhānugatiṃ āpajjanto dhammadeśanāya paro avihimsako hoti, tādisaṃ sandhāya vuttaṃ. Ādesanaṃ hi tassa vacananti. Tenāha **“ayaṃ yā esā vihiṃsakassā”**ti. Pubbe **vihiṃsakassa** micchāpaṭipajjantassa. **Vihimsāpahānāya maggaṃ bhāvayatoti**-ādinā attano eva avihimsāya vihiṃsāparinibbānāya saṃvattanamāha. Tenāha **“parinibbuto viyā”**ti-ādi. **Sabbapadesūti** “pāṇātipātissā”ti-ādinā āgatesu tecattālīsāya padesu.

88. **Evanti** desitākāraparāmasanaṃ. **Tassāti** sallekhassa. “Atthi khvesa brāhmaṇa pariyāyo”ti-ādīsu<sup>1</sup> viya **pariyāya**-saddo

1. Am̐ 3. 19, 20; Vi 1. 2, 3 piṭṭhādīsu.



kāraṇatthoti āha “**sallekhakāraṇan**”ti. **Tesaṃ vasaṇā**ti sallekhānaṃ vasena. Mettāya upasaṃharaṇavasena **hitaṃ esantena**. Karuṇāya vasena **anukampamānena**. **Pariggahetvā**ti parito gahetvā, pharitvāti attho. **Pariccā**ti parito itvā, samantato pharitvā icceva attho. **Mā pamajjitthā**ti “jhāyathā”ti vuttasamathavipassanānaṃ aññāṇena, aññena vā kenaci pamādakāraṇena mā pamādaṃ āpajjittha. Niyyānikasāsane hi akattabbakaraṇampi pamādoti. **Vipattikā**leti satta-asappāyādivipattiyuttakāle. Yathāvuttā pañca pariyaṃyā aññepi sabbe sāsanaḡuṇā idheva saṅghaṃ gacchantīti āha “**jhāyatha mā pamādatthāti tumhākaṃ anusāsani**”ti.

Sallekhasuttavaṇṇanāya līnatthappakāsanā samattā.

### 9. Sammādiṭṭhisuttavaṇṇanā

89. **Kathetukamyatāpucchā evā**ti avadhāraṇena itarā catasso pucchā nivatteti itarāsaṃ asambhavato, tattha yathāpucchitassa atthassa vissajjanato ca. “Ayaṃ sammādiṭṭhī”ti yāthāvato aṅānantāpi puthujjanā bhāhirakatāpasādayo attano samānasile ṭhitaṃ **sammādiṭṭhīti vadanti**. **Anussavādivasenā**pīti anussavākāraparivitakkadiṭṭhīnījjhānakkhantivasenāpi. Yathāsamaṅgitākārassa atthassa evametanti nijjhānakkhamāpanato ekantato yāthāvaggāho hotīti āha “**attapaccakkhenapī**”ti, yāthāvato lakkhaṇassa paṭividdhattā attano paccakkhabhāvenāti attho. **Bahunnaṃ vacanaṃ upādāyā**ti iminā sāsane loke ca niruḷhatāya ayaṃ āmedītapayogoti sāsanaṃ niruḷhatāya ca sampasādaṃ upādāyapi tadubhayiko āmedītapayogo daṭṭhabbo. **Atthanti vacanattamaṃ**. **Lakkhaṇanti** sabhāvaṃ. **Upādāyā**ti gahetvā. **Sobhanāyā**ti suṇḍarāya. **Pasatthāyā**ti pasamsāya. Tesu purimena dhammānaṃ yathāsabhāvāvabodhasaṅkhātāṃ sammādiṭṭhisabhāvaṃ dasseti. Tena hi sā sabbadhamme abhibhavitvā sobhati. Dutiyena sampayuttadhammesu pariṇāyikabhāvaṃ. tena hi sā sampayuttadhamme ṇāṇamaye viya taṃsamaṅginaṇca puggalaṃ ṇāṇapiṇḍaṃ viya karoti, tassa “paṇḍito nipuṇo cheko viṇṇū vibhāvī”ti-ādinā disāsu pasamsā pattharati.

**Kammassakatāñāṇanti** kammaṃ sako etassāti kammassako, tassa bhāvo kammassakatā, tattha ñāṇaṃ “idaṃ kammaṃ sattānaṃ sakaṃ, idaṃ no sakaṃ”ti evaṃ jānanañāṇaṃ. **Saccānulomikañāṇanti** ariyasaccānaṃ paṭivedhassa anulomato saccānulomikaṃ ñāṇaṃ, vipassanāñāṇaṃ. **No saccānulomikāyāti** bāhirako saccānulomikāya sammādiṭṭhiyā no sammādiṭṭhi sabbena sabbaṃ tassa abhāvato. Tattha kāraṇamāha “**attadiṭṭhiparāmāsakattā**”ti. Kammassakatādiṭṭhi pana bāhirakassa attadiṭṭhiṃ anurujjhantī pavattati “atthi dinnan”ti-ādinayappavattito. **Sāsaniko dvīhipi**ti sāsaniko puthujjano kammassakatāñāṇādīhi dvīhipi sammādiṭṭhi. Okkantasammattaniyāmatā “**sekkho niyatāyā**”ti vuttaṃ. Asekkhāya sammādiṭṭhiyā sammādiṭṭhīti ānetvā sambandhitabbaṃ. Tīsupi puggalesu sekkho idha sammādiṭṭhīti adhippetoti dassento “**niyatāya niyyānikāyā**”ti-ādimāha.

Idāni yathāvuttamatthaṃ pāḷiyā vibhāvetuṃ “**tenevāhā**”ti-ādi vuttaṃ. **Antadvayanti** “sassataṃ ucchedaṃ, kāmasukhaṃ attakilamathan”ti etaṃ antadvayaṃ. Līnuddhaccapatiṭṭhānāyūhanantadvayassa anupagamanāṃ atthasiddhameva. **Ujubhāvenāti** ujusabhāvena maggena, majjhimāya paṭipattiyāti attho. Dhamme pasādaggahaṇena satthari saṃghe ca pasādopi gahitoyeva hotīti “**dhamme**”iceva vutto tadavinābhāvato. Yasmā esa niyatāya sammādiṭṭhiyā samannāgato sammādiṭṭhīti adhippeto, taṅca vaṭṭato niyyānaṃ vivaṭṭādhigamena hotīti āha “**āgato imaṃ saddhamman**”ti. Nibbānaṃ hi santo sadā vijjamāno dhammoti katvā saddhammoti imaṃ phalehi asādhāraṇena pariyāyena vattabbaṃ labhati. Tayidamassa āgamaṃ sacchikiriyābhisamayo, so ca pahānābhisamayādīhi saheva idha ijjatīti dassento “**sabbadiṭṭhigahanāni**”ti-ādimāha. Tattha **sabbadiṭṭhigahanāni vinibbēthento sabbakilese pajahantoti** padadvayena pana pahānābhisamayamāha, **jātisamsārā nikkhamantoti** iminā pariññābhisamayam. Samatikkamattho hi pariññattho. **Paṭipattim pariniṭṭhapentoti** iminā bhāvanābhisamayanti datṭhabbaṃ.

**Kālaparicchedavacananti** paricchijjatīti paricchedo, kālo eva paricchedo kālaparicchedo, yo so akusalapajānanādinā

paricchinnō maggavutṭhānakālo maggakkhaṇo, tassa vacananti attho. Tenāha “**yasmim̄ kāle**”ti. **Akusalañcāti ca**-saddo samuccayattho. Tena vakkhamānaṃ akusalamūlādīm samuccinoti. **Dasākusalakammāpathanti** kutoyaṃ viseso, yāvatā aniddhāritavisesaṃ akusalaṃ gahitanti? Na sāmāññajotanāya visese avaṭṭhānato. Kim vā imāya yutticintāya, yasmā paṭhamavārena uddesavasena desitassa atthassa vitthāradesanā dutiyavāro. Tenevāha “**katamaṃ panāvuso**”ti-ādi. Yasmā lokuttarā sammādiṭṭhi idha adhippetā, tasmā nirodhārammaṇāya pajānanāya maggapaññāya kiccavasena sammohato “idaṃ dukkhaṃ”ti dasa-akusalakammāpathaṃ paṭivijjhanto “**akusalaṃ pajānāti**”ti vuccatīti attho. **Tassāti** akusalakammāpathasaṅkhātassa dukkhassa. **Teneva pakārenāti** “nirodhārammaṇāya pajānanāya kiccavasenā”ti vuttappakārena.

**Kusalanti** etthāyaṃ vacanattho—kucchite pāpadhamme salayati calayati kampfīti **kusalaṃ**, kucchitena vā ākārena sayantīti kusā, pāpakā dhammā. Te kuse lunāti chindatīti **kusalaṃ**, kucchitānaṃ vā sānato tanukaraṇato ñāṇaṃ kusaṃ nāma, tena lātabbaṃ gahetabbaṃ pavattetabbanti **kusalaṃ**. Yathā vā kuso ubhayabhāgagataṃ hatthapadesaṃ lunāti, evamidam uppannānuppannavasena ubhayabhāgagataṃ saṅkilesapakkhaṃ lunāti chindati, tasmā kuso viya lunatīti **kusalaṃ**. Kucchitānaṃ vā sāvajjadhammānaṃ salanato saṃvaraṇato **kusalaṃ**. Kusaladhammasena hi akusalā manacchaṭṭhesu dvāresu appavattiyā saṃvutā hontī. Kucchite vā pāpadhamme salayati gameti apanetīti **kusalaṃ**. Kucchitānaṃ vā pāṇātipātādīnaṃ sānato nisānato tejanato kusā, dosalobhādayo. Sādīnavavasena cetanāya tikkabhāvappattiyā pāṇātipātādīnaṃ mahāsāvajjatā. Te kuse lunāti chindatīti **kusalaṃ**. Kucchitānaṃ vā sānato antakaraṇato vināsanato kusāni, puññakiriyavasena pavattāni saddhādīni indriyāni. Tehi lātabbaṃ pavattetabbanti **kusalaṃ**. “Ku”iti vā bhūmi vuccati, adhiṭṭhānabhāvena taṃsadisassa attano nissayabhūtaṃ rūpārūpapabandhassa sampati āyatiñca anudahena vināsanato kuṃ sasantīti<sup>1</sup> kusā, rāgādayo. Te viya

---

1. Ku sīyantīti (Ka)

attano nissayassa lavanato chindanato **kusalam**. Payogasampādītā hi kusaladhammā accantameva rūpārūpadhamme appavattikaraṇena samucchindanti. Kusalassa mūlanti **kusalamūlam**, suppatiṭṭhitabhāvasādhanena kusalassa patiṭṭhā nidānanti attho. **Akusalamūlanti** etthāpi eseva nayo.

**Akusalanti** pana na kusalam akusalam, kusaladhammānaṃ paṭipakkhavasena akusalanti padassa attho veditabbo. Evaṃ hi ārogyānavajjasukhavipākakosallasambhūtaṭṭhena kusalam vuccatīti. Yathā yaṃ dhammajātaṃ na arogaṃ na avajjaṃ na sukhavipākaṃ na ca kosallasambhūtaṃ, taṃ akusalanti ayamattho dassito hoti, evaṃ yaṃ na kucchitānaṃ salanasabhāvaṃ, na kusena, kusehi vā pavattetabbaṃ, na ca kuso viya lavanakaṃ, taṃ akusalam nāmāti ayampi attho dassitoti veditabbo. **Vatthupajānanā**ti dukkhādivatthuno pajānanā paṭivedho. Tathā bujghanakapuggalānaṃ ajjhāsayaavasena desanā pavattāti āha “**akusalādipajānanenāpi**”ti. Teneva ca saṃkhittena desanā pavattā. Bhāvanāmanasikāro pana “sabbaṃ bhikkhave abhiññeyyaṃ”ti<sup>1</sup> vacanato anavasesato rūpārūpadhammānaṃ pariggahavaseneva pavattati. Tenāha “**desanāyevā**”ti-ādi. Tattha **manasikārapaṭivedho**ti pubbabhāge pavattavipassanāmanasikāro ariyamaggapaṭivedho ca. Kassaci akopanato vitthāraseneva vuttaṃ vipassanaṃ anuyuñjantā maggaṃ paṭivijjhantāpi vitthāranayeneva paṭivijjhantīti attho visuddhikkamassa abhāvato<sup>2</sup>.

**Bhikkhū**ti mahāvihāre dhammasaṅgītivaseṇa pañcanikāyamaṇḍale nisinnabhikkhū. **Theroti** tattha saṃghattheroti vadanti. Vatthasuttavaṇṇanāyaṃ vuttanayena pana mahāsaṃgharakkhitattherassa antevāsikabhikkhū sandhāya “**āhamsū**”ti vuttaṃ. **Theroti** pana mahāsaṃgharakkhitatthero. So hi imasmiṃ majjhimanikāye taṃ taṃ vinicchayaṃ kathesi. **Rāsitoti** piṇḍato, ekajjhanti attho.

### Akusalakammavathavaṇṇanā

**Akosallappavattiyā**ti kosallapaṭipakkhato akosalam vuccati aññānaṃ, tato pavattanato, akosallasambhūtattāti attho.

1. Saṃ 2. 258; Khu 9. 6 piṭṭhesu.

2. Sabbhāvato (?)

Ñāṇapaṭipakkho aññāṇaṃ mittapaṭipakkho amitto viya kusalapaṭipakkho akusalaṃ kusalena pahātabbattā, na pana kusalānaṃ<sup>1</sup> pahāyakattā. Kusalameva hi payogasampāditaṃ akusalaṃ pajahati. Saha avajjehi lobhādīhi vattatīti **sāvajjaṃ**. Dukkho anīṭṭho catukkhandhasaṅkhāto vipāko etassāti **dukkhavipākaṃ**. Tattha sāvajjavacanena akusalānaṃ pavattidukkhatam dasseti, dukkhavipākavacanena vipākadukkhatam. Purimaṃ hi pavattisambhavavasena akusalassa lakkhaṇavacanam, pacchimaṃ kālantare vipākuppādanasamatthatāvasena. Tathā purimena akusalassa avisuddhasabhāvataṃ dasseti, pacchimena avisuddhavipākataṃ. Purimena akusalaṃ kusalasabhāvato nivatteti, pacchimena abyākatasabhāvato savipākattadīpakattā pacchimassa. Purimena vā avajjavantatādassanato kiccaṭṭhena rasena anattahajananasataṃ dasseti, pacchimena sampatti-atthena anīṭṭhavipākarasataṃ. Purimena ca upaṭṭhānākāraṭṭhena paccupaṭṭhānena saṃkilesapaccupaṭṭhānataṃ, pacchimena phalaṭṭhena dukkhavipākapaccupaṭṭhānataṃ. Purimena ca ayonisomanasikāraṃ akusalassa padaṭṭhānaṃ pakāseti. Tato hi taṃ sāvajjaṃ jātaṃ, pacchimena akusalassa aññesaṃ padaṭṭhānabhāvaṃ vibhāveti. Taṃ hi dukkhavipākassa kāraṇanti. **Samkiliṭṭhanti** saṃkilesehi samannāgataṃ, dasahi kilesavattūhi vibādhitam, upatāpitaṃ vā tehi vidūsitam malīnakatañcāti attho. Idañcassa dukkhavipākatañcāti atthe idañca dukkhavipākataṃ apaccakkhatāya asaddahantānaṃ paccakkhato ādīnavadassanena saṃvejanattham vuttam. **Sādhāraṇā** sabbassapi akusalassa.

Saraseneva<sup>2</sup> patanasabhāvassa antarā eva atīva pātanaṃ **atipāto**, saṅkamaṃ patitum adavā sīgham pātananti attho. Atikkamma vā satthādīhi abhibhavitvā pātanaṃ **atipāto**. Payogavatthumahantatādīhi **mahāsāvajjatā** tehi paccayehi uppajjamānāya cetanāya balavabhāvato. Ekassa hi payogassa sahasā nipphādanavasena sakiccasādhikāya bahukkhattum pavattajavanehi laddhāsevanāya ca sannīṭṭhāpakacetanāya vasena payogassa mahantabhāvo. Satipi kadāci khuddake ceva mahante ca pāṇe payogassa samabhāve mahantaṃ hanantassa cetanā tikkākarā uppajjatīti vatthussa mahantabhāvo. Iti ubhayampetaṃ

---

1. Kusalena (Ka)

2. Mūlaṭī 1. 80 piṭṭhādīsupi passitabbaṃ.

cetanāya balavabhāveneva hotīti. Yathāvuttapaccayapariyāyepi taṃtaṃpaccayehi cetanāya balavatāya eva mahāsāvajjabhāvo veditabbo. Payogavatthu-ādipaccayānam hi amahattepi hantabbassa guṇavantatāya mahāsāvajjatā, tabbipariyāyena appasāvajjatā ca vatthussa mahattāmahattesu viya daṭṭhabbā. Kilesānam upakkamānam dvinnāṇca mudutāya tibbatāya ca appasāvajjatā mahāsāvajjatāpi yojetabbā. Pāṇo pāṇasaññitā vadhakacittaṇca pubbabhāgiyāpi honti, upakkamo vadhakacetanāsamuṭṭhāpito. Pañca sambhārā hi pāṇātipātacetanāti sā pañcasambhāravinimuttā daṭṭhabbā. Ayaṇca vicāro adinnādānādīsupi yathārahaṃ vattabbo. Vijjhanapaharaṇādivasena sahatthena nibbatta **sāhatthiko**, āṇāpanavasena pavatto **āṇattiko**, ususattiyantapāsāṇādinissajjanavasena pavatto **nissaggiyo**, aduhalasajjanādivasena pavatto **thāvaro**, āthabbaṇikādīnam viya mantaparijappanavasena pavatto **vijjāmayo**, kammavipākajiddhimayo **iddhimayo** dāṭṭhakoṭanādīni viya.

Yadi “mama idan”ti parena pariggahitaṃ adinnaṃ, uttānaseyyakadārakasantake kathaṃ tassa pariggahasaññāya eva abhāvatoti āha “**yattha paro**”ti-ādi. Paro nāma viññū vā aviññū vā atthi tassa vatthussa sāmiko. Aviññūpi hi viññukāle yāthakāmaṃ karonto **adaṇḍārahoti**. Mantaparijappanena parasantakaharaṇaṃ vijjāmayo, vinā mantena parasantakassa kāyavacīpayogehi parikaḍḍhanaṃ tādiseniddhivasena iddhimayo payogoti adinnādāne **cha payogā sāhatthikādayo** vuttā. **Yathānurūpanti** ettha sāhatthiko tāva pañcannampi avahārānaṃ vasena pavattati, tathā āṇattiyō nissaggiyo ca. Thāvaro theyyāvahārapasayhāvahārapaṭicchannāvahāravasena. Tathā sesāpīti daṭṭhabbāṃ.

**Methunasamācāresūti** sadārasantosaparadāragamanavasena duvidhesu methunasamācāresu. Ayameva hi bhedo idhādhippeto. **Gottarakkhitā** sagottehi rakkhitā. **Dhammarakkhitā** sahadhammikehi rakkhitā. **Sārakkhā** sasāmikā. Yassā gamane raññā daṇḍo ṭhapito, sā **saparidaṇḍā**. Bhariyabhāvatthaṃ dhanena kītā **dhanakkītā**. Chandena vasantī **chandavāsini**. Bogatthaṃ vasantī **bhogavāsini**. Paṭatthaṃ vasantī **paṭavāsini**. Udakapattaṃ āmasitvā gahitā **odapattakini**. Cumbaṭakam apanetvā

gahitā **obhaṭacumbaṭā**. Karamarānītā **dhajāhatā**. Taṅkhaṇikā **muhuttikā**. Abhibhavitvā vītikkame micchācāro mahāsāvajjo, na tathā dvinnam samānachandatāya. Abhibhavitvā vītikkamane satipi maggenamaggapaṭipatti-adhivāsane purimuppānasevanābhisandhipayogābhāvato micchācāro na hoti abhibhuyyāmānassāti vadanti. Sevanācitte sati payogābhāvo appamāṇam yebhuyyena itthiyā sevanāpayogassa abhāvato. Tathā sati puretaram sevanācittassa upaṭṭhānēpi tassā micchācāro na siyā, tathā purisassapi sevanāpayogābhāveti, tasmā attano ruciyā pavattitassa vasena tayo, balakkārena pavattitassa vasena tayoti sabbepi aggahitaggahaṇena **cattāro sambhārāti** vuttanti veditabban.

**Atthabhañjakoti** kammaṭṭhavasena vuttam. Kammaṭṭhakathā hesāti. **Assāti** visamvādakassa. Musā vadati etenāti **cetanā musāvādo**, imasmim pakkhe atathākārena vatthuno viññāpanapayogo musā, taṃsamuṭṭhāpikā cetanā musāvādoti vuttatā tato aññathā vuttam “**aparo nayo**”ti-ādi vuttam. **Attano santakam adātukāmatāyāti**-ādi musāvādasāmaññena vuttam. Hasādhippāyenapi visamvādanapurakkhārassa musāvādo. **Parassāti** visamvādanavasena viññāpetabbassa. **Soti** musāvādapayogo.

**Suññabhāvanti** pītivirahitatāya rittabhāvam. Pharusasaddatāya **neva kaṇṇasukhā**. Atthavipannatāya **na hadayasukhā**. **Samkiliṭṭhacittassāti** dosenā, lobhena vā dūsitacittassa.

**Ekantapharusā cetanāti** etena duṭṭhacittatāmyeva vibhāveti, duṭṭhacittatā cassa amaraṇādhippāyavasena daṭṭhabbā. Sati hi maraṇādhippāye atthasiddhi, tadabhāve pāṇātipātabyāpādā siyunti. Yam paṭicca pharusavācā payujjati, tassa sammukhāva sīsam eti. Parammukhāpi sīsam eti evāti apare. Tatthāyam adhippāyo yutto siyā—sammukhā payoge agāravādīnam balavabhāvato siyā cetanā balavatī, parassa ca tadatthaviññāpanam, na tathā asammukhāti. Yathā ca akkosite mate āḷahane katā khamāpanā upavādantarāyam nivatteti, evam parammukhā payuttā pharusavācā hotiyevāti sakkā viññātum. **Tassāti** ekantapharusacetanāya

eva pharusavācābhāvassa āvibhāvattam. **Mammachedako** savanapharusatāyāti adhippāyo. **Cittasaṇhatāya pharusavācā na hoti** kammaṭṭhā'ppattattā, kammabhāvaṃ pana na sakkā vāretum. Evaṃ anvayavasena cetanāpharusatāya pharusavācaṃ sādhetvā idāni tameva byatirekavasena sādhetum “**vacanasaṇhatāyā**”ti-ādi vuttam. **Esāti** pharusavācā. Kammaṭṭhabhāvaṃ appattā **appasāvajjā**, itarā **mahāsāvajjā**. Tathā kilesānaṃ mudutibbatābhedehi sabbaṃ purimasadisāṃ.

**Āsevanam** bahulikaraṇam. Yaṃ uddissa pavattito, tena aggahite **appasāvajjo**, gahite **mahāsāvajjo** kammaṭṭhappattito. Yo koci pana samhappalāpo dvīhi sambhārehi sījhati. Kilesānaṃ mudutibbatāvasenapi appasāvajjamahāsāvajjātā veditabbā.

**Attano pariṇāmanam** cittenevāti veditabbam. **Hitasukham byāpādayatīti** yo taṃ uppādeti, tassa hitasukham vināseti. **Aho vatāti** iminā accantavināsacintanaṃ dīpeti. Evaṃ hissa dāruṇapavattiyā kammaṭṭhappatti. **Yathābhuccagahaṇābhāvenāti** yāthāvaggāhassa abhāvena aniccādisabhāvassa niccādito gahaṇena. **Micchā passatīti** vitathaṃ passati. **Samhappalāpo viyāti** iminā āsevanassa mandatāya appasāvajjatanam, mahantatāya mahāsāvajjatanam dasseti. **Gahitākāraviparītatāti** micchādīṭṭhiyā gahitākārassa viparītabhāvo. **Vatthunoti** tassā ayathābhūtasabhāvamāha. **Tathābhāvenāti** gahitākāreneva **tassa** dīṭṭhigatikassa, **tassa** vā vatthuno **upaṭṭhānam** evametam, na ito aññathāti.

**Dhammatoti** sabhāvato. **Koṭṭhāsato**ti phassapañcamakādīsu cittaṅgakoṭṭhāsesu yaṃ koṭṭhāsā honti, tatoti attho. **Cetanādhammāti** cetanāsabhāvā.

**Paṭipāṭiyā sattāti** ettha nanu cetanā abhidhamme kammaṭṭhesu na vuttāti paṭipāṭiyā sattannaṃ kammaṭṭhabhāvo na yuttoti? Na, avacanassa aññahetukattā. Na hi tattha cetanāya akammaṭṭhattā kammaṭṭharāsimhi avacannaṃ, kadāci pana kammaṭṭhato hoti, na sabbadāti kammaṭṭhabhāvassa



aniyatattā avacanaṃ. Yadā pana kamma-patho hoti, tadā kamma-patharāsisaṅgaho na nivārito. Etthāha—yadi cetanāya sabbadā kamma-pathabhāvābhāvato aniyato kamma-pathabhāvoti kamma-patharāsīmhi avacanaṃ, nanu abhijjhādīnaṃ kamma-pathabhāvaṃ appattānaṃ atthitāya aniyato kamma-pathabhāvoti tesampi kamma-patharāsīmhi avacanaṃ āpajjatīti? Nāpajjati kamma-pathatātamsabhāgatāhi tesam tatha vuttattā. Yadi evaṃ cetanāpi tatha vattabbā siyā? Saccametaṃ, sā pana pāṇātipātādikāti pākaṭo, tassā kamma-pathabhāvoti na vuttā siyā. Cetanāya hi “cetanāhaṃ bhikkhave kammaṃ vadāmi<sup>1</sup>, tividhā bhikkhave kāyasañcetanā akusalaṃ kāyakammaṃ”ti-ādivacana<sup>2</sup> kammabhāvo pākaṭo, kammaṃyeva ca sugatiduggatīnaṃ tatha uppajjanakasukhadukkhānaṃ pathabhāvena pavattaṃ kamma-pathoti vuccatīti pākaṭo tassā kamma-pathabhāvo, abhijjhādīnaṃ pana cetanāsamīhanabhāvena sucaritaduccaritabhāvo cetanājanitapiṭṭhivaṭṭakabhāvena sugatiduggatitaduppajjanakasukhadukkhānaṃ pathabhāvo cāti na tathā pākaṭo kamma-pathabhāvoti teyeva tena sabhāvena dassetuṃ abhidhamme cetanā kamma-patharāsibhāvena na vuttā, atathājātiyakattā vā cetanā tehi saddhiṃ na vuttāti daṭṭhabbaṃ. **Mūlaṃ patvāti** mūladesanaṃ patvā, mūlasabhāvesu dhammesu vuccamānesūti attho.

**Adinnādānaṃ sattārammaṇanti** idaṃ “pañca sikkhāpadā parittārammaṇā eva vā”ti imāya pañhapucchakapāḷiyā virujjhati. Yaṃ hi pāṇātipātādiddussilyassa ārammaṇaṃ, tadeva taṃ veramaṇiyā ārammaṇaṃ. Vītikkamitabbavatthuto eva hi viratīti. **Sattārammaṇanti** vā sattasaṅkhātāṃ saṅkhārārammaṇameva upādāya vuttanti nāyaṃ virodho. Tathā hi vuttaṃ **sammohavinodaniyaṃ**<sup>3</sup> “yāni sikkhāpadāni ettha sattārammaṇānīti vuttāni, tāni yasmā sattoti saṅkhaṃ gataṃ saṅkhārameva ārammaṇaṃ karontī”ti. Visabhāgavatthuno “itthī, puriso”ti gahetabbato **sattārammaṇoti eke**. “Eko diṭṭho, dve sutā”ti-ādīnā samphappalapane **diṭṭhasutamutaviññātavasena**. **Tathā abhijjhāti** ettha **tathā**-saddo “diṭṭhasutamutaviññātavasena”ti idampi upasaṃharati, na sattasaṅkhārārammaṇataṃ eva dassanādivasena abhijjhāyanato. “Natthi sattā opapātikā”ti pavattamānāpi

1. Am 2. 363; Abhi 4. 290 piṭṭhesu.

2. Abhi 4. 290 piṭṭhe.

3. Abhi-Ṭṭha 2. 369 piṭṭhe.

**micchādiṭṭhi** tebhūmakadhammavisayāvāti adhippāyenassā **saṅkhārārammaṇatā** vuttā. Kathaṃ pana micchādiṭṭhiyā sabbe tebhūmakadhammā ārammaṇaṃ hontīti? Sādhāraṇato. “Natthi sukatadukkaṭṭānaṃ kammānaṃ phalaṃ vipāko”ti hi pavattamānāya atthato rūpārūpāvacaradhammāpi gahitā eva hontīti.

Sukhabahulatāya rājāno hasamānāpi “coraṃ ghātethā”ti vadanti, hāso pana tesāṃ aññavisayoti āha “**sanniṭṭhāpaka -pa- hotī**”ti.

**Kesañcī**ti sahajātānaṃ adinnādānādīnaṃ. **Sampayuttapabhāvakaṭṭhenā**ti sampayutto hutvā uppādakaṭṭhena. **Kesañcī**ti asahajātānaṃ.

**Upanissayapaccayaṭṭhenā**ti etena mūlaṭṭhena lobhassa upakāraṃ nivatteti. Suppatiṭṭhitabhāvasādhanaṭṭho hi mūlaṭṭho, so ca hetupaccayatā-avinābhāvī, tena cettha mūlamiva mūlanti gahetabbaṃ, nippariyāyato pana pubbe “kesañcī”ti vuttānaṃ sahajātānaṃ mūlabhāvo veditabbo. **Ratto khoti**-ādīnā suttapadenapi pāṇātipātādīnaṃ akusalānaṃ lobhassa mūlakāraṇataṃ vibhāveti, na mūlaṭṭhenupakāratthaṃ avisesato tesāṃ hetupaccayattābhāvato.

Akusalakammavapaṇṇanā niṭṭhitā.

### Kusalakammavapaṇṇanā

**Veranti** pāṇātipātādipāpadhammaṃ. So hi verahetutāya “veran”ti vuccati, taṃ **maṇati** “mayi idha ṭhitāya kathamāgacchasi”ti tajjenti viya nivāretīti **veramaṇī**. Tenāha “**pajahati**”ti. “Viramaṇī”ti vattabbe niruttinayena ve-kāraṃ katvā evaṃ vuttaṃ. Vibhaṅge<sup>1</sup> eva niddisanavasena evaṃ vuttā. Asamādinnaṣiḷassa sampattato yathā-upaṭṭhitavītikkamitabbavatthuto virati **sampattavirati**, samādānavasena uppannā virati **samādānavirati**, kilesānaṃ samucchindānavasena pavattā virati **samucchedavirati**.

1. Abhi 2. 299 piṭṭhe.

Jīvamānasasassa maṁsarudhīrasammissatāya **allasasamaṁsaṁ**. **Muñci** sabbattha samakaruṇatāya. **Saccaṁ vatvā** “etena saccavajjena mayhaṁ mātu rogo sammatū”ti **adhiṭṭhāsi**.

**Mahāsappoti** ajagaro. **Muñcitvā agamāsi** sīlatejena.

**Kosallaṁ** vuccati ñāṇaṁ, kosallena, kosallato vā **pavattiyā** upagamanato. **Kucchitasayanatoti** kicchitenākārena sayanato anusayanato, pavattanato vā. “Veramaṇikusalā”ti vattabbāpi pucchānurūpaṁ vissajjananti “kusalā”ti na vuttā, “kusalan”tveva vuttā.

Kāmañcetta pāliyaṁ viratīyova āgatā, sikkhāpadavibhaṅge<sup>1</sup> pana cetanāpi āharitvā dīpitāti tadubhayampi gaṇhanto “**cetanāpi vaṭṭanti viratīyopi**”ti-āha.

**Anabhijjhā hi mūlaṁ patvā** kammaṭṭhāsaṁ patvā anabhijjhāti vuttadhammo mūlato alobho kusalamūlaṁ hotīti evamattho daṭṭhabbo. Sesapadadvayepi eseva nayo.

Dussīlyārammaṇā tadārammaṇā jīvitindriyādi-ārammaṇā kathaṁ dussīlyāni pajahantīti taṁ dassetuṁ “**yathā panā**”ti-ādi vuttaṁ.

**Anabhijjhā -pa- viramantassāti** abhijjhaṁ pajahantassāti attho. Na hi manoduccaritato virati atthi anabhijjhādīheva tappahānasiddhito. **Tesu alobhoti-ādīsu** yaṁ vattabbaṁ, taṁ akusalamūlesu vuttanayeneva vedītabbaṁ.

**Appanāvāraṇti** nigamanavāraṇaṁ. **Ekena nayanāti** vedanādivasena arūpamukheneva anekavidhesu vipassanākammaṭṭhānesu ekena kammaṭṭhānanayena. “**Ṭhapetvā abhijjhaṁ nava akusalakammaṭṭhā**”ti vattabbaṁ. **Dasāti** vā idaṁ “kusalakammaṭṭhā”ti iminā sambandhitabbaṁ “akusalakammaṭṭhā ca dasa kusalakammaṭṭhā cā”ti. “Ṭhapetvā abhijjhan”ti hi imināva akusalakammaṭṭhānaṁ navabhāvo vutto hoti. Atha vā **dasāti** idaṁ ubhayathāpi sambandhitabbaṁ. Abhijjhā hi pahātabbāpi sati pariññeyyataṁ nātivattatīti. Tathā hi vuttaṁ “rūpaṇhā piyarūpaṁ sātarūpaṇ”ti-ādi,

---

1. Abhi 2. 299 piṭṭhe.

tasmā sā tāya pariññeyyatāya dukkhasaccepi saṅgahaṃ labhateva, pahātabbaṃ pana upādāya “*īhapetvā abhijjhan*”ti vuttaṃ. Tenevāha “**pariyāyena pana sabbepi kammaṭṭhā dukkhasaccan**”ti. Abhijjhālobhānaṃ pavatti-ākārasiddhabhedam upādāya “**ime dve dhammā**”ti vuttaṃ. Suttantanayena taṇhā “*samudayasaccan*”ti vuttāti āha “**nippariyāyena samudayasaccan**”ti. **Appavattī**ti appavattinimittamāha yathā “*rāgakkhayo dosakkhayo*”ti<sup>1</sup>. Sappaccayatāya saṅkhatasabhāve dukkhasacce gahite appaccayatāya asaṅkhatam nirodhasaccam paṭipakkhato āvattati, ekantasāvajje ācayagāmilakkhaṇe samudayasacce gahite sāvajjā vigamaṇaṃ apacayagāmilakkhaṇaṃ maggasaccam paṭipakkhato āvattatīti dve āvattahārasena veditabbānīti vuttaṃ. Tenevāha **nettiyaṃ**<sup>2</sup>—

“*Ekamhi padaṭṭhāne, pariyesati sesakaṃ padaṭṭhānaṃ.*  
*Āvattati paṭipakkhe, āvatto nāma so hāro*”ti.

**Sabbākārenā**ti kāmarāgarūparāgādisabbappakārehi, sabbato vā apāyagamanīyādi-ākārato, tattha kiñcīpi anavasesetvā vā. **Sabbākārenevā**ti sabbākārato. **Nīharitvā**ti apanetvā, samucchinditvā icceva attho. **Kañci dhammaṃ anavakārīkaritvā**ti rūpavedanādīsu kañci ekadhammampi avinibbhogaṃ katvā, ekekato aggahetvā samūhatova gahetvāti attho. **Asmīti** ahamasmīti mānaggāhavasena. So pana yasmā pañcakkhandhe niravasesato gaṇhāti, tasmā vuttaṃ “**samūhaggahaṇākārenā**”ti. Yasmā cettha aggamaggacittaṃ vuccati, tasmā āha “**diṭṭhisadisam mānānusayan**”ti. “*Yaṃ rūpaṃ taṃ ahan*”ti-ādinā yathā diṭṭhi rūpādīm “*ahamasmī*”ti gaṇhantī pavattati, evaṃ mānopi “*seyyohamasmī*”ti-ādināti āha “**mānānusayo asmīti pavattattā diṭṭhisadiso**”ti. **Paricchedakaroti** osānaparicchedakaro ito param dukkhassābhāvakaṇaṇato. **Kammaṭṭhadesanāyā**ti kammaṭṭhamukhena pavattacatusaccadesanāya. **Manasikārappaṭivedhavasenā**ti vipassanāmanasikāramaggappaṭivedhavasena.

Kammaṭṭhavāraṇṇanā niṭṭhitā.

1. Saṃ 2. 447 piṭṭhe.

2. Khu 10. 3 piṭṭhe.

### Āhāravāraṇṇanā

90. **Āharatī**<sup>1</sup> āneti, uppādeti upatthambheti cāti attho. **Nibbattā**ti pasutā. Tato paṭṭhāya hi loke jātavohāro. Paṭisandhiggahaṇato pana paṭṭhāya yāva mātukucchito nikkhamanaṃ, tāva sambhavesino. Esa tāva gabbhaseyyakesu bhūtasambhavesivibhāgo, itaresu pana paṭhamacittādivasena vutto. **Sambhava**-saddo cettha gabbhaseyyakānaṃ<sup>2</sup> vasena pasūtipariyāyo, itaresaṃ vasena uppattipariyāyo. Paṭhamacittapaṭhama-iriyāpathakkhaṇesu hi te sambhavaṃ uppattiṃ esanti upagacchanti nāma, na tāva bhūtā uppattiyā na suppatiṭṭhitattā. **Bhūtāyeva** sabbaso bhavesanāya samucchinnattā. **Na puna bhavissantī**ti avadhāraṇena nivattitamattaṃ dasseti, “yo ca kālaghaso bhūto”ti-ādīsu<sup>3</sup> bhūta-saddassa khīṇāsavavācītā daṭṭhabbā. **Vā-saddo cettha sampiṇḍanatto** “agginā vā udakena vā”ti-ādīsu<sup>4</sup> viya.

Yathāsakaṃ paccayabhāvena attabhāvassa paṭṭhapanamevettha āhārehi kātabba-anuggahoti adhippāyenāha “**vacanabhedo -pa- ekoyevā**”ti. **Sattassa uppannadhammānanti** sattassa santāne uppannadhammānaṃ. Yathā “vassasataṃ tiṭṭhatī”ti vutte anuppabandhavasena pavattatīti vuttaṃ hoti, evaṃ **ṭhitiyāti** anuppabandhavasena pavattiyāti attho, sā pana avicchedoti āha “**avicchedāyā**”ti. Anuppabandhadhammuppattiyā sattasantāno anuggahito nāma hotīti āha “**anuppannānaṃ uppādāyā**”ti. **Etānīti** ṭhiti-anuggahapadāni. **Ubhayattha daṭṭhabbāni**, na yathāsaṅkhyānaṃ.

Vatthugatā oḷā oḷā viya tena saddhiṃ āharitabbataṃ gacchatīti vuttaṃ “**ajjhoharitabbato āhāro**”ti. Nibbattita-oḷānaṃ pana sandhāya “kabalīkārāhāro ojaṭṭhamakarūpāni āharatī”ti vakkhati. **Oḷārikatā** appojatāya, na vatthuno thūlatāya, kathinatāya vā, tasmā yasmiṃ vatthusmiṃ parittā oḷā hoti, taṃ oḷārikaṃ. Sappādayo dukkhuppādakatāya oḷārikā veditabbā. Visāṇādīnaṃ tivassachadditānaṃ pūtibhūtattā mudukatāti vadanti, taracchakheḷatemitatāya pana tathābhūtānaṃ tesāṃ mudukatā. Dhammasabhāvo hesa.

1. Saṃ-Ṭī 2. 25 piṭṭhādīsupi passitabbānaṃ.

2. Sambhavesīnaṃ (Ka)

3. Khu 5. 68 piṭṭhe Jātake.

4. Khu 1. 187 piṭṭhe Udāne.

**Sasānaṃ āhāro sukhumo** taruṇabhiṇasassakhādanato. **Sakuṇānaṃ āhāro sukhumo** tiṇabijādikhādanato. **Paccantavāsīnaṃ sukhumo**, tesāṃ hi sākaṇṇasukkhakurapadumapattampi āhāroti. **Tesaṃ** paranimmitavasavattīnaṃ. **Sukhumotvevāti** na kiñci upādāya, atha kho sukhumo-icceva **niṭṭhaṃ patto** tato paraṃ sukhumassa abhāvato.

Vatthivasena panettha āhārassa oḷārikasukhumatā vuttā, sā cassa appojamahojatāhi veditabbāti dassetuṃ “**ettha cā**”ti-ādi vuttam. **Parissamanti** khudāvasena uppannaṃ sarīrakhedaṃ. **Vinodeti**ti vatthu tassa vinodanamattam karoti. **Na pana sakkoti pāletunti** sarīraṃ yāpetuṃ nappahoti nissārattā<sup>1</sup>. **Na sakkoti parissamaṃ vinodetuṃ** āmāsayassa apūraṇato.

**Chabbidhopīti** iminā kassacipi phassassa anavasesitabbatamāha. **Āhārassa** desanākkamenevettha phassādīnaṃ dutiyādītā, na aññena kāraṇenāti āha “**desanānayo evā**”ti-ādi. Manaso sañcetanā, na sattassāti dassanattam manogahaṇam yathā “cittassa ṭṭhiti<sup>2</sup>, cetovimutti cā”ti<sup>3</sup> āha “**manosañcetanāti cetanā evā**”ti. **Cittanti** yaṃ kiñci cittam, na vipākaviññānameva.

Pubbe “āhāranti paccayan”ti vuttattā “**yadi paccayaṭṭho āhāraṭṭho**”ti-ādinā codeti. **Atha kasmā imeyeva cattāro vuttāti** atha kasmā cattārova vuttā, ime eva ca vuttāti yojanā. **Visesapaccayattāti** etena yathā aññe paccayadhammā attano paccayuppannassa paccayāva honti, ime pana tathā ca honti aññathā cāti samānepi paccayatte atirekapaccayā honti, tasmā āhārāti vuttāti imamattham dasseti. Idāni tam atirekapaccayatam dassetuṃ “**visesapaccayo hī**”ti-ādi āradham. **Visesapaccayo rūpakāyassa kabalīkāro āhāro** upatthambhakabhāvato. Tenāha **aṭṭhakathāyam**<sup>4</sup> “rūpārūpanam upatthambhakattena upakārakā cattāro āhārā āhārapaccayo”ti. Upatthambhakattam hi satipi janakatte arūpīnam āhārānam

1. Nissāṭṭatā (Ka)

2. Abhi 1. 19 piṭṭhe.

3. Ma 1. 42 piṭṭhe.

4. Visuddhi 2. 170; Abhi-Ṭṭha 3. 350 piṭṭhesu.

āhārajarūpasamuṭṭhāpakarūpāhārassa ca hoti, asati pana upatthambhakatte āhārānaṃ janakattaṃ natthīti upatthambhakattaṃ padhānaṃ. Janayamānopi hi āhāro avicchedanavasena upatthambhayamāno eva janetīti upatthambhakabhāvo eva āhārabhāvo. **Vedanāya phasso visesapaccayo.** “Phassapaccayā vedanā”<sup>1</sup>ti hi vuttaṃ. “Saṅkhārapaccayā viññāṇaṃ”<sup>1</sup>ti vacanato **viññāṇassa manosañcetanā.** “Cetanā tividhaṃ bhavaṃ janetī”ti hi vuttaṃ. “Viññāṇapaccayā nāmarūpaṃ”ti pana vacanato **nāmarūpassa viññāṇaṃ visesapaccayo.** Na hi okkantiviññāṇābhāve nāmarūpassa attasambhavo. Yathāha “viññāṇaṃ hi ānanda mātukucchismiṃ na okkamissatha, api nu kho nāmarūpaṃ mātukucchismiṃ samuccissathā”<sup>2</sup>ti-ādi<sup>2</sup>. Vuttamevatthaṃ suttena sādhetuṃ “**yathāhā**”<sup>2</sup>ti-ādi vuttaṃ.

Evam yadipi paccayaṭṭho āhāraṭṭho, visesapaccayatāya pana ime eva āhārāti vuttāti taṃ nesaṃ visesapaccayatāṃ avibhāgato dassetvā idāni vibhāgato dassetuṃ “**ko panetthā**”<sup>2</sup>ti-ādi āraddhaṃ. **Mukhe ṭhapitamattoyeva** asaṅkhādito, tattakenapi abbhantarassa āhārassa paccayo hoti eva. Tenāha “**aṭṭha rūpāni samuṭṭhāpeti**”<sup>2</sup>ti. Sukhavedanāya hito **sukhavedaniyo.** **Sabbathāpīti** cakkhusamphassādivasena. Yattakā phassassa pakārabhedā, tesāṃ vasena sabbakāropi **phassāhāro** yathārahaṃ **tisso vedanā āharati,** anāhārako natthi.

**Sabbathāpīti** idhāpi phassāhāre vuttanayānusārena attho veditabbo. **Tisantativasenāti** kāyadasakaṃ bhāvadasakaṃ vatthudasakanti tividhasantativasena. **Sahajātādipaccayanayenāti** sahajātādipaccayavidhinā. Paṭisandhiviññāṇaṃhi attanā sahajātānāmassa sahajāta aññamañña nissaya vipākindriya sampayutta atthi avigata paccayehi paccayo hontoyeva āhārapaccayatāya taṃ āhāretīti vuttaṃ, sahajātarūpesu pana vatthuno sampayuttapaccayaṃ ṭhapetvā vippayuttapaccayena, sesarūpassa aññamaññapaccayaṃ ṭhapetvā vuttanayeneva yojanā kātabbā. **Tānīti** napuṃsakaniddeso anapuṃsakānampi napuṃsakehi saha vacanato.

1. Khu 1. 77; Ma 3. 109 piṭṭhādīsu.

2. Dī 2. 53 piṭṭhe.

**Sāsavā kusalākusalacetanāva vuttā.** Visapaccayabhāvadassanaṃ hetanti. Tenāha “**avisesena panā**”ti-ādi. **Paṭisandhiviññānameva vuttanti** etthāpi eseva nayo. Yathā tassa tassa phalassa visesato paccayatāya etesaṃ āhāraṭṭho, evaṃ avisesatoṭṭi dassentena “**avisesena panā**”ti-ādi vuttaṃ. Tattha **taṃsampayuttataṃsamuṭṭhānadhammānanti** tehi phassādīhi sampayuttadhammānañceva taṃsamuṭṭhānarūpadhammānañca. Tattha **sampayuttaggahaṇaṃ** yāthārahato daṭṭhabbaṃ, **samuṭṭhānaggahaṇaṃ** pana avisesato.

**Upatthambhento āhāraṅgiccaṃ sādhetī**ti upatthambhentoyeva rūpaṃ samuṭṭhāpeti, ojaṭṭhamakarūpasamuṭṭhāpaneneva panassa upatthambhanakiccāsiddhi. **Phusantoyevā**ti phusanakiccaṃ karonto eva. **Āyūhamānāvā**ti cetayamānā eva abhisandahantī eva. **Vijānantamevā**ti upapattiparikappanavasena vijānantameva āhāraṅgiccaṃ sādhetīti yojanā. Sesapadadvayepi eseva nayo. Āhāraṅgiccasādhanañca tesāṃ vedanādi-uppattihetutāya attabhāvassa pavattanameva.

**Kāyatṭhapanenā**ti<sup>1</sup> kasmā vuttaṃ, nanu kammajādirūpaṃ kammādināva pavattatīti codanaṃ sandhāyāha “**kammajanitopi**”ti-ādi. Upādinnaṃ rūpasantatiyā upatthambhaneneva utucittajarūpasantatīnampi upatthambhanasiddhi hotīti “**dvinnāṃ rūpasantatīnan**”ti vuttaṃ. Upatthambhanameva sandhāya “**anupālako hutvā**”ti ca vuttaṃ. Rūpakāyassa ṭhitihetutā hi yāpanā anupālanā.

**Sukhādivatthubhū**nti sukhādīnaṃ pavattiṭṭhānabhūtaṃ. Ārammaṇampi hi vasati ettha ārammaṇakaraṇavasena tadārammaṇā dhammāti vatthūti vuccati. **Phusantoyevā**ti idaṃ phassassa phusanasabhāvattā vuttaṃ. Na hi dhammānaṃ sabhāvena vinā pavatti atthi. Vedanāpavattiyā vinā sattānaṃ sandhāvanatā natthīti āha “**sukhādi -pa- hotī**”ti, na cettha saññībhavakathāyaṃ asaññībhavo dassetabbo, tassāpi vā kāraṇabhūtavedanāpavattivaseneva ṭhitiyā hetuno abyāpitā. Tathā hi “**manosañcetanā -pa- bhavamūlanipphādanato sattānaṃ ṭhitiyā hotī**”ti vuttā, tato eva “**viññānaṃ vijānantamevā**ti upapattiparikappanavasena vijānantamevā”ti vuttovāyamatthoti.

---

1. Kāyatthambhanenāti (Ka)



**Cattāri bhayāni daṭṭhabbāni** ādīnavavibhāvanato. **Nikantīti** nikāmanā. Rasataṇhaṃ sandhāya vadati. Sā hi kabaḷikāre āhāre balavatī. Teneva tattha avadhāraṇaṃ kataṃ. Bhāyati etasmāti **bhayaṃ, nikantiyeva bhayaṃ** mahānatthahetuto. **Upagamaṇaṃ** visayindriyaviññāṇesu visayaviññāṇesu eva ca saṅgativasena pavatti, taṃ vedanādi-uppattihetutāya “**bhayan**”ti vuttaṃ. Avadhāraṇe payojanaṃ vuttanayameva. Sesadvayepi eseva nayo. **Āyūhanaṃ** abhisandahanāṃ, saṃvidhānantipi vadanti. Taṃ bhavūpapattihetutāya “**bhayan**”ti vuttaṃ. **Abhinipāto** tattha tattha bhava paṭisandhiggahaṇavasena nibbatti. So bhavūpapattihetukānaṃ sabbesaṃ anattānaṃ mūlakāraṇattā “**bhayan**”ti vutto. Idāni nikanti-ādīnaṃ sappaṭibhayataṃ vitthārato dassetuṃ “**kiṃ kāraṇā**”ti-ādi āradhaṃ. Tattha **nikantiṃ katvāti** ālayaṃ janetvā, taṇhaṃ uppādetvāti attho.

**Phassaṃ upagacchantāti** cakkhusamphassādibhedāṃ phassaṃ pavattentā. **Phassassādinoti** kāyasamphassavasena phoṭṭhabbasāṅkhātassa phassassa assādanasīlā. Kāyasamphassavasena hi sattānaṃ phoṭṭhabbatāṇhā pavattatīti dassetuṃ phassāhārādīnavadassane phoṭṭhabbārammaṇaṃ uddhaṭaṃ “**paresaṃ rakkhitagopitesū**”ti-ādīnā. **Phassassādinoti** vā phassāhārassādinoti attho. Sati hi phassāhāre sattānaṃ phassārammaṇe assādo, nāsati. Tenāha “**phassassādamūlakan**”ti-ādi.

Jātinimittassa bhayassa abhinipātasabhāvena gahitattā “**tammūlakan**”ti vuttaṃ, kammāyūhananimittanti attho.

**Abhinipatatīti** abhinibbattati. Paṭhamābhinibbatti hi sattānaṃ tattha tattha aṅgārakāsusadise bhava abhinipātasadisīti. **Tammūlakattāti** nāmarūpanibbattimūlakattā.

**Tatrāti** tāsū upamāsu. **Bhūtamattaṃ katvāti** na parikappitamattaṃ, atha kho bhūtaṃ bhūtapubbaṃ atthaṃ katvā. Pātheyyahatthesu gacchantesu pātheyyaṃ gacchantāṃ viya hotīti vuttaṃ “**gantvā pātheyyaṃ niṭṭhāsī**”ti. **Gantvāti** vā gamanahetūti attho. Khuppiāsāturatāya ghanacchāyaṃ rukkhaṃ upagantūṃ asamattā **viraḷacchāyāyaṃ nisīdimsu**. Na **dāni sakkā taṃ mayā**

**kātuṃ** abhidubbalabhāvato. Parikkhalitagatitaruṇadārako khuppiṇāsābhībūto ca, tasmā **gacchantoyeva mato**.

**Sajātimaṃsatāyāti**<sup>1</sup> samānajātimaṃsatāyā, manussamaṃsatāyāti attho. Yaṃ manussamaṃsaṃ, taṃ hi loke jigucchānīyattā paṭikūlaṃ. Tathā hi taṃ viññūhi vajjitā, manussamaṃsesupi ñātimaṃsaṃ ayuttaparibhogatāya paṭikūlaṃ, tatthāpi puttamaṃsaṃ, tatthāpi piyaputtamaṃsaṃ, tatthāpi taruṇamaṃsaṃ tatthāpi āmakamaṃsaṃ, tatthāpi agorasābhisaṅkhatā, tatthāpi aloṇaṃ, tatthāpi adhūpitanti evaṃ heṭṭhimato uttaruttarassa paṭikūlataṃbhāvakaṃraṇatā daṭṭhabbā. **Puttamaṃsasadisanti** paṭikūlatā-upaṭṭhāpanena puttamaṃsasadisāṃ katvā passati. **Tattha nikantiṃ pariyādiyatīti** ariyamaggena āhāre sāpekkhaṃ khepeti.

**Sā gāvīti** “seyyathāpi bhikkhave gāvī”<sup>2</sup>ti evaṃ sutte vuttagāvī. **Uddāletvāti** uppāṭetvā. **Nissāya titṭhatīti** paṭicca paccayaṃ katvā pavattati. Dukkhadukkhatādivasena tiṇṇampi vedayitānaṃ dukkhabhāvaṃ sandhāyāha “vedayitadukkhasā”<sup>3</sup>ti.

Sādhusammatāpi gati vipariṇāmasaṅkhāradukkhatāvasena kilesadukkhasena ca mahāpariṇāhāyevāti vuttaṃ “**mahāpariṇāhāṭṭhena tayo bhavā**”<sup>3</sup>ti. **Yathā upakaḍḍhakā dve purisā**, evaṃ kusalākusalavasena dve manosañcetanā. Yathā manosañcetanā na pavattati, tathā paṭipajjanto tattha nikantiṃ pariyādiyatīti veditabbo.

Sattisatena hatā eva upamā sattisatahatūpamā, tassāṃ **sattisatahatūpamāyaṃ**. **Taṃ** sattisatāṃ. **Assa** purisassa. **Patitokāseti** purimasattīhi patitappadese. **Dukkhasa pamāṇaṃ natthi** anekassa aparāparaṃ uppajjanato. **Khandhajanananti** khandhānaṃ aparāparuppādo, paṭhamābhiniḍḍatti pana paṭisandhi eva. **Āgucārī puriso viya paṭisandhiviññāṇaṃ** nānappakāradukkhuṇṇādasannissayato, tehi ca dukkhehi upagantabbato. Sampayuttadhammānaṃ pamukhabhāvena pavattiyā **viññāṇassa dukkhuppādoti** vuttā. Tathā hi vuttaṃ “manopubbaṅgamā dhammā”<sup>3</sup>ti. Yathā viññāṇaṃ āyatīṃ paṭisandhivasena na pavattati, evaṃ karaṇaṃ tattha nikantiṃ pariyādānaṃ daṭṭhabbā.

1. Saṃ-Ṭī 2. 110 piṭṭhādīsipi passitabbā.

2. Saṃ 1. 323 piṭṭhe.

3. Khu 1. 13 piṭṭhe Dhammapade.

**Pariññātam vatthūti** dukkhasaccamāha. **Pañcakāmaguṇiko rāgoti** pañcakāmaguṇārammaṇo rāgo. **Pariññāto hotīti** paricchijja jānanena samatikkanto hoti. Rasataṇhāya hi sammadeva vigatāya rūpataṇhādayopi vigatāyeva honti. Tathā ca sati kāmarāgasamyojanaṃ samucchinnameva hoti, evaṃ karaṇaṃ tattha nikantipariyādānaṃ daṭṭhabbaṃ. Pariññābhisamaye hi siddhe pahānābhisamayo siddho evāti. Pahīne ca kāmarāgasamyojane orambhāgiyasamyojanānaṃ lesopi nāvasissatīti dassento āha “**natthi taṃ samyojanan**”ti-ādi. Tena kabaḷikārāhārapariññā anāgāmitaṃ pāpetīti dasseti. Sesāhārapariññā pana arahattaniṭṭhā evāti dassento “**phasse bhikkhave**”ti-ādimāha. Tattha **tisso taṇhāti** kāmataṇhā rūpataṇhā arūpataṇhāti imā tisso taṇhā.

“**Purimataṇhāsamudayā**”ti saṅkhepato vuttamatthaṃ vitthārato dassetuṃ “**kathan**”ti-ādi āradhāṃ. Tattha **taṇhāpaccayanibbattāti** taṇhāpaccayā nibbattā. Paṭisandhikkhaṇe purimataṇhāsamudayā āhārānaṃ samudayadassaneneva pavattikkhaṇepi upādinnaka-āhārasamudayo dassito hotīti taṃ anāmasitvā anupādinnaṃ taṇhāsamudayaṃ dassetuṃ “**yasmā panā**”ti-ādi vuttaṃ. **Idhāti** imasmiṃ sutte **missitvā kathitā** avisesitattā. **Sahajātataṇhāpaccayanibbattoti** ettha **sahajātaggahaṇaṃ** asahajātataṇhāpaccayanibbattopi anupādinnaṃ-āhāro labbhatīti dassanattāṃ. So pana asahajātataṇhāpaccayanibbattatāsāmaññenapi yathāvutta-upādinnaṃ-āhārena saṃsayāṃ janyeyyāti na uddhaṭo, na ca etaṃ karaṇaṃ “rāgaṃ upanissāya domanassaṃ uppajjati”ti vacanato, taṇhapanissayapaṭighacittasamuṭṭhānāya ca ojāya vasena anupādinnaṃ-āhārasa labbhanato. Kathaṃ pana taṇhā ojāya upanissayapaccayo. Na hi paṭṭhānekathaci rūpassa upanissayapaccayo vutto atthīti? Nāyaṃ virodho “yasmīṃ sati yaṃ hoti, so tassa upanissayo”ti suttantanayassa adhippetattā yathāvuttatthasambhavato. Tenevāha “**imissā -pa- taṇhāya nirodhenā**”ti.

Kāraṇe sabbaso niruddhe phalampi sabbaso nirujjhatīti āha “**āhāranirodho paññāyati**”ti. Āhārānaṃ dukkhasaccekesattā

āhāraggaḥaṇaṃ dukkhasaccaggaḥaṇameva hotīti āha “**idha cattāripi saccāni sarūpeneva vuttāni**”ti. Saccadesanā dukkhādīnaṃ yāvadeva pariññeyyādibhāvasandassanattā, tasmā jarāmaṇāḍīsu pariññeyyādibhāvo asammohato sallakkhetabboti dassento “**sabbattha asammuyhantena saccāni uddharitabbāni**”ti āha.

Āhāravāraṇṇanā niṭṭhitā.

### Saccavāraṇṇanā

91. **Yena yena pariyāyena byākarotīti yena yena** dukkhādijarāmaṇāḍīpariyāyena ariyasaccāni saṅkhepato ca vitthārato ca katheti. **Dukkhandi dukkhasaccaṃ** dukkhaṃ, na dukkhamattaṃ.

Saccavāraṇṇanā niṭṭhitā.

### Jarāmaṇāvāraṇṇanā

92. **Tesaṃ tesanti** byāpanicchāvasenāyaṃ niddeso kato, tasmā yathā “gāmo gāmo ramaṇīyo”ti vutte ramaṇīyatāya tādisā sabbepi gāmā saṅgahaṃ, gacchanti, evaṃ “tesaṃ tesaṃ sattānaṃ jāti”ti vutte jātisāṅkhātavikārasena sabbepi sattā saṅgahaṃ gacchanti. Tenāha “**saṅkhepato anekesaṃ sattānaṃ sādharmaṇaniddeso**”ti.

**Gatijātivasenā**<sup>1</sup> pañcagativasena, tathāpi ekekāya gatiyā khattiyādibhummadevādīhatthi-ādijātivasena ca. Nikiyyanti sattā ettha, etena vāti **nikāyo**, gottacaraṇādivibhāgo. Jarāya sabhāvo nāma vayohāni, tasmā **jarāti** vayohānisāṅkhātassa sabhāvassa niddeso, pākaṭajarāvasena niddeso khaṇḍiccādivasena gahaṇato. Jīraṇameva **jīraṇatā**, jīrantassa vā ākāro tā-saddena vutto. Tenāha “**ayaṃ ākāraniddeso**”ti. Dantādīnaṃ vasena khaṇḍaṃ jātaṃ

1. Saṃ-Ṭī 2. 13 piṭṭhādīsupi passitabbaṃ.

etassāti khaṇḍito, puggalo. Tassa bhāvo **khaṇḍiccam**. Palitaṃ etassa atthīti palito, tassa bhāvo **pāliccam**. Vali taco etassāti valittaco, tassa bhāvo **valittacatā**. **Ime** khaṇḍiccādayo jarā. **Vikārānaṃ dassanavasenāti** vipattidassanavasena. **Vātassāti** mahato vātakkhandhassa.

**Khaṇḍiccādivasena gatamaggo pākaṭo**, tasmā khaṇḍiccādiggaṇaṃ jarāya kiccaniddesoti vuttanti dasseti. **Na ca khaṇḍiccādīneva jarāti** kalalakālato pabhuti purimarūpānaṃ jarāpattakkhaṇe uppajjamānāni pacchimarūpāni paripakkarūpānurūpāni pariṇataparīṇatāni uppajjantīti anukkamena supariṇatarūpānaṃ paripākakāle uppajjamānāni khaṇḍiccādisabhāvāni uppajjanti, tāni udakādimaggesu tiṇarukkhasambhaggatādayo viya paripākagatamaggasaṅkhātesu paripakkarūpesu uppannāni “jarāya gato maggo”icceva vuttāni, na jarāti.

**Pakatiyāti** phalavipaccanapakatiyā, jarāya vā pāpuṇitabbaṃ phalameva pakati, tāya jarā dīpitā. **Suppasannānīti** suṭṭhu pasannāni. Tameva suppasannataṃ kiccato dassetum “**sukhumampī**”ti-ādi vuttaṃ. Tikkhavisadatā hi tesam indriyānaṃ suppasannatā. **Ālulitānīti** ākulāni. **Avisadānīti** abyattāni.

Kāmaṃ rūpadhammesupi khaṇikajarā durupalakkhitā paṭicchannāva, sā pana yasmā santānavasena pavattiyā paribyattāva hotīti “**pākaṭajarā**” icceva vuttā. Avīci nirantarā jarā **avīcijarā** sati santāne sattānaṃ anuppabandhato. **Tato aññesūti** mandadasakādīsu pubbdadasakādīparicchedato aññesu yathāvuttesu. **Antarantarāti** tesu eva vuttappakāresu purimadasakādīto pacchimadasakādīnaṃ antarantarā. **Vaṇṇavisesādīnanti** vaṇṇavisesasaṅṭhānavisesasamphassavisesādīnaṃ.

**Cavanakavasenāti** ka-kārena hi padaṃ vaḍḍhetvā vuttaṃ, tasmā cavanaṃ cutīti vuttaṃ hoti. Taṃ pana ekacatupañcavokārabhavesu cutiyā avisesato gahaṇanti āha “**ekacatupañcakkhandhānaṃ sāmāññavacanan**”ti. **Cavanakavasenāti** vā cavanakassa puggalassa vasenāti attho. Cavanaṃ eva **cavanatāti** āha “**bhāvavacanenā**”ti. **Lakkhaṇanidassananti** vayasaṅkhātassa lakkhaṇassa nidassanaṃ. Cavantassa vā ākāro tā-saddena

vutto “**cavanatā**”ti. Bhijjanam **bhedoti** vuttam **“cutikkhandhānam bhaṅguppattiparidīpanam”**ti. Yathā bhinnassa ghaṭassa kenaci pariyāyena ghanaghaṭabhāvena ṭhānam natthi, evam bhinnānam khandhānanti cavanam antarahitam nāmāti āha “**antaradhānanti -pa- paridīpanam**”ti. Yo maccūti vuccati bhedo, yañca maraṇam pāṇacāgo, tadubhayam ekajjham katvā vuttam **“maccu maraṇam”**ti evam vā ettha attho daṭṭhabbo. Kālassa antakassa kiriyāti yā loke vuccati sā cuti, maraṇanti attho. Cavanakālo eva vā anatikkamanīyattā visesena kāloti vuttoti tassa kiriyā atthato cutikkhandhānam bhedappattiyeva. “Cutī cavanatā”ti-ādinā pubbe vohāramissakena niddiṭṭham.

Idāni nibbattitaparamatthanayeneva niddesoti dassetum **“paramatthena dīpetun”**ti vuttam. “Cavanakavasenā”ti<sup>1</sup> ādinā hi puggalavasena ca vohārādhiṭṭhānā samvaṇṇanā katā. **Na kiñci** kaḷevaram **nikkhipaki** opapātikānam cutikkhandhānam antaradhānameva hoti, tato param utusamuṭṭhānarūpasantati na pavattati. “Jāṭisamudayā”ti-ādīsu yaṃ vattabham, tam “taṇhāsamudayā”ti-ādīsu vuttanayeneva sakkā viññātunti na vuttam.

Jarāmarāṇavāraṇṇanā niṭṭhitā.

### Jātivāraṇṇanā

93. **Jāyanatṭhenāti**-ādī āyatanavasena yonivasena ca dvīhi dvīhi padehi sabbasatte pariyādiyivā jātim dassetum vuttam. **Sammohavinodaniyam**<sup>2</sup> pana “jāyamānakavasena jāti, sañjāyanavasena sañjāti”ti vuttattā tattha ekekena padena sabbasatte pariyādiyivā jātim dassetīti daṭṭhabbam. Sampuṇṇā jāti sañjātīti katvā “**sā paripuṇṇāyatanavasena yuttā**”ti vuttam. Eteneva kevalam jātisaddena vuttāya jātiyā aparipuṇṇāyatanatā daṭṭhabbā. Abhibyattā nibbatti **abhinibbatti**, pākaṭā nibbattīti attho. “Tesam tesam sattānam -pa- abhinibbatti”ti sattavasena pavattattā **vohāradesanā**.

1. Pākaṭacavanakavasenāti (Ka)

2. Abhi-Ṭṭha 2. 89 piṭṭhe.

**Tatra tatrā**ti ettha catuvokārabhave dvinnam, ekavokārabhave dvinnam, sesarūpadhātuyam paṭisandhikkhaṇe uppajjamānānam pañcannam, kāmadhātuyam vikalāvikalindriyavasena sattannam navannam dasannam puna dasannam ekādasannañca āyatanānam vasena saṅgaho veditabbo. Yadiipi cutikkhandhā anantarānam paṭisandhikadhammānam anantarādinā paccayā honti, ye pana samudayā ajanakā, te ettha upapattibhavoti adhippetā. Janako eva bhavoti adhippetoti dassento “**jātiyā paccayabhūto kammabhavo veditabbo**”ti āha.

Jātivāraṇṇanā niṭṭhitā.

### Bhavavāraṇṇanā

94. Bhāvanabhavanaṭṭhena bhavo duvidho. Tattha kammabhavo “bhavati etasmā upapattibhavo”ti bhāvanatṭhena **bhavo**. Aṭṭhakathāyam pana upapattibhavam “bhavatīti bhavo”ti vatvā tassa kāraṇattā kammaṃ phalūpacārena bhavoti ayamatto vutto, ubhayatthāpi upapattibhavahetubhāvenettha kammaṃ kammabhavapariyāyoti dassitam hoti. **Sabbathāpī**ti bhāvanabhavanakusalākusala-upapattisampattibhavahīnapañitādinā sabbappakārenapi. **Kāmabhavoti vuttam** kāmataṇhāhetukato kāmataṇhāya ārammaṇabhāvato ca. Rūpabhavūpagakammaṃ rūpabhavo, tathā arūpabhavūpagakammaṃ arūpabhavo, taṃtaṃnibbattakkhandhā, rūpārūpupapattibhavā rūpārūpabhavabhāvo pana tesam “kāmabhavo”ti ettha vuttanayeneva veditabbo.

Bhavavāraṇṇanā niṭṭhitā.

### Upādānavāraṇṇanā

95. **Upādānanti** catubbidhampi upādānam. Yathā hi kāmassādasena, bhavassādasena vā taṃtaṃsugatibhavūpagam kammaṃ karontassa kāmupādānam, evam ucchedādimicchābhiniavesavasenāti cattāripi upādānāni yathāraham tassa tassa kusalakammabhavassa upanissayavaseneva paccayā honti, akusalakammabhavassa asahajātassa anantarassa upanissayavasenapi

ārammaṇavasenapi. Sahajātassa kāmupādānaṃ sahajāta-  
aññamaññanissayasampayutta-atthi-avigatahetuvasena sattadhā, sesa-  
upādānāni tattha hetupaccayabhāvaṃ pahāya maggapaccayaṃ pakkhipitvā  
sattadhāva paccayā honti. Anantarassa pana anantara samanantara  
anantarūpanissaya natthi viḡatāsevanavasena paccayā honti. Tassidampi  
**sahajātādīti ādi**-saddena saṅgahitanti daṭṭhabbaṃ. **Vatthukāmaṃ upādiyati**  
cittaṃ, puggalo vā **etenāti** attho. **Tanti** vatthukāmaṃ. Kāmetīti kāmo ca so  
upādiyātīti upādānañcāti yojanā. **Vuttanayenāti** abhidhamme<sup>1</sup> vuttanayena.

**Sassato attāti** idaṃ purimadiṭṭhiṃ upādiyamānaṃ uttaradiṭṭhiṃ  
nidassetuṃ vuttaṃ. Yathā esā diṭṭhi daḷhīkaraṇavasena purimaṃ purimaṃ  
uttarā uttarā upādiyati, evaṃ “natthi dinnan”ti-ādikāpīti. **Attaggahaṇaṃ** pana  
attavādupādānanti nayidaṃ diṭṭhupādānadassananti daṭṭhabbaṃ. **Loko cāti**  
attaggahaṇavinimutttagahaṇaṃ diṭṭhupādānabhūtaṃ idha purimadiṭṭhi-  
uttaradiṭṭhivacanehi vuttanti veditabbaṃ. **Sabbadiṭṭhigatassa**  
“diṭṭhupādānan”ti **etaṃ adhvacaṇaṃ** “sabbāpi diṭṭhi diṭṭhupādānan”ti  
vacanato.

**Sīlabbatam upādiyanti**ti sīlabbatam “suddhimaggo”ti upādiyanti. **Etena**  
micchābhinivesena. **Sayaṃ vā taṃ** micchābhinivesasahagataṃ.  
Sīlabbahasahacaraṇato **sīlabbatañca taṃ** daḷhaggāhabhāvato **upādānañcāti**  
**sīlabbatupādānaṃ**. **Evaṃ suddhīti abhinivesatoti** evaṃ  
gosīlagovatādicaraṇena saṃsārasuddhīti abhinivesabhāvato. Etena  
taṃsahacaraṇato abhinivesassa taṃsaddārahataṃ dasseti.

**Vadanti**ti “atthi me attā”ti-ādinaṃ voharanti. **Etena** diṭṭhigatena.  
**Attavādamattamevāti** attāti vācāmetameva. Etena vācāvattumattametam,  
yadidaṃ bāhirakaparikappito attāti dasseti.

**Tañhā kāmupādānassāti** ettha “tattha katamaṃ kāmupādānaṃ? Yo  
kāmesu kāmacchando kāmarāgo kāmanandī kāmataṇhā kāmasneho  
kāmapariḷāho kāmamucchā kāmajhosānaṃ. Idaṃ vuccati kāmupādānan”ti<sup>1</sup>  
vacanato taṇhādaḷhattam kāmupādānaṃ. **Tañhādaḷhattanti** ca purimataṇhā-  
upanissayapaccayato daḷhabhūtā uttarataṇhā eva. Keci panāhu

1. Abhi 1. 241; Abhi 2. 389 piṭṭhesu.



“appattavisayapatthanā taṇhā andhakāre corassa hatthappasāraṇaṃ viya, sampattavisayaggahaṇaṃ upādānaṃ tasseva bhaṇḍaggahaṇaṃ viyā”ti. Appicchasantuṭṭhipaṭipakkhā ete dhammā pariyesanārakkhadukkhāmūlāni, tasmā vuttalakkaṇā taṇhā vuttalakkaṇasseva upādānassa anānantarassa upanissayavasena paccayo, ārammaṇādivasenapi paccayo hotiyeva, anantarādīnaṃ pana anantarādivasena paccayo. Sabbassapi hi lobhassa taṇhāpariyāyopi kāmupādānapariyāyopi labbhatevāti. **Avasesānanti** diṭṭhupādānādīnaṃ. **Sahajātādivasenāti** sahajātānaṃ sahajātādivasena, asahajātānaṃ anantara-upanissayādivasenāti sabbam heṭṭhā vuttanayeneva veditabbaṃ.

Upādānavāraṇṇanā niṭṭhitā.

### Taṇhāvāraṇṇanā

96. “Cakkhusamphasso”ti-ādi phassassa mātito nāmaṃ viya puttassa vatthuto tassa nissayabhāvena uppattihetuttā, ārammaṇaṃ pana kevalaṃ uppattihetūti vuttaṃ “**seṭṭhi -pa- nāman**”ti. **Kāmarāgabhāvenāti** vatthukāmassa rajjanavasena. **Rūpaṃ assādentīti** rūpārammaṇaṃ taṇhābhinandanāvasena abhiramamānā eva assādentī. **Niccanti-ādina** diṭṭhābhinandanāmukhena rūpaṃ abhiramantī. **Pecca na bhavissatīti** bhijjivā na hoti puna anuppajjanato. **Tathā saddataṇhādayopīti** yathā rūpataṇhā kāmarāgabhāvena sassabharāgavasena ucchedarāgavasenāti ca pavattiyā tisso taṇhā, tathā saddataṇhā gandharasaphoṭṭhabbadhammataṇhāpi. **Taṇhāvicarītānīti** taṇhāsamudācārā, samudācāravasena pavattataṇhāti attho.

**Ajjhattikassupādāyāti**<sup>1</sup> ajjhattikaṃ khandhapañcakaṃ upādāya. Upayogathe hi idaṃ sāmivacanaṃ. **Asmīti hotīti** yadetaṃ ajjhattaṃ khandhapañcakaṃ upādāya taṇhāmānadiṭṭhivasena samūhagāhato asmīti evaṃ hoti, tasmim satīti attho. **Itthasmīti hotīti** khattiyādīsu “idampakāro ahan”ti

1. Abhi-Tṭha 2. 496; Sam-Tṭi 2. 17 piṭṭhādīsupi passitabbaṃ.

evaṃ taṇhāmānadiṭṭhivasena hotīti idamettha anupanidhāya gahaṇaṃ. **Evamādināti ādi-**saddena “evaṃsmīti, aññathāsmīti, bhavissanti, itthaṃ bhavissanti, evaṃ bhavissanti, aññathā bhavissanti, asasmīti, satasmīti, siyanti, itthaṃ siyanti, evaṃ siyanti, aññathā siyanti, apāhaṃ siyanti, apāhaṃ itthaṃ siyanti, apāhaṃ evaṃ siyanti, apāhaṃ aññathā siyan”<sup>1</sup>ti imesaṃ taṇhāvicaritānaṃ gahaṇaṃ. Tattha **evaṃsmīti** idaṃ samato upanidhāya gahaṇaṃ, yathā ayaṃ khattiyo, yathā ayaṃ brāhmaṇo, evaṃ ahampīti attho. **Aññathāsmīti** idaṃ asamato upanidhāya gahaṇaṃ, yathā ayaṃ khattiyo, yathā ayaṃ brāhmaṇo, tato aññathā ahaṃ hīno vā adhiko vāti attho. Iti imāni pubbe vuttāni dveṭi etāni paccuppannavasena cattāri taṇhāvicaritāni. **Bhavissanti-**ādīni pana cattāri anāgatavasena vuttāni. Tesāṃ purimacatukke vuttanayeneva attho veditabbo. **Asasmīti** asaṭṭīti asaṃ. Niccassetāṃ adhivacanaṃ, tasmā sassato asmīti attho. **Satasmīti** sīdatīti sataṃ. Aniccassetāṃ adhivacanaṃ, tasmā asassato asmīti attho. Iti imāni dve sassatucchedavasena vuttāni. Ito parāni **siyanti-**ādīni cattāri saṃsayaparivittakavasena vuttāni, tāni purimacatukke vuttanayena atthato veditabbāni. **Apāhaṃ siyanti-**ādīni cattāri “api nāmāhaṃ bhaveyyan”<sup>2</sup>ti evaṃ patthanākappanavasena vuttāni, tāni purimacatukke vuttanayeneva veditabbāni.

Ettha ca sassatucchedavasena vuttā dve diṭṭhisīsā nāma, asmi, bhavissam, siyam, apāhaṃ siyanti ete pana cattāro suddhasīsā eva, “itthasmī”<sup>3</sup>ti-ādayo tayo tayoti dvādasa sīsamūlakā nāma, evametāni dve diṭṭhisīsā, cattāro suddhasīsā, dvādasa sīsamūlakāti ajjhattikassupādāya aṭṭhārasa taṇhāvicaritāni veditabbāni.

**Bāhirassupādāyāti** bāhiraṃ khandhapañcakaṃ upādāya. Idampi hi upayogatthe sāmivacanaṃ. **Imināti** iminā rūpena vā -pa- viññāṇena vāti evaṃ rūpādīsu ekameva “ahan”<sup>4</sup>ti, itaraṃ kiñcanapalibodhabhāvena gahetvā taṇhādivasena “asmī”<sup>5</sup>ti abhinivisati, “iminā”<sup>6</sup>ti ayamettha viaseso. **Asmīti** iminā khaggena vā chattena vā abhisekena vā

---

1. Abhi 2. 406 piṭṭhe.

“khattiyohamasmi”ti abhinivisati. **Bāhirarūpādinissitāni**ti bāhirāni parasantatipariyāpannāni rūpavedanādīni nissitāni. **Aṭṭhārasāti** iminā “asmi”ti-ādinayappavattāni aṭṭhārasa, tāni pubbe vuttanayeneva veditabbāni. “Iminā”ti hi ayamevettha viseso, tasmā “dve diṭṭhisīsā”ti-ādinā vuttanayeneva niddhāretvā veditabbā. Ubhayam pana ekajjham katvā āha “**chattimsā**”ti.

**Niddesatthenāti** “chayime āvuso taṇhākāyā”ti-ādiniddesapāḷiyā atthavacanena. **Niddesavitthārāti** tassa ca niddesassa aṭṭhasatataṇhāvicaritavasena vitthārena. **Vitthārassa ca puna saṅghatoti** dvīhi ākārehi vitthāritassa aṭṭhārasataṇhāvicaritapabhedassa chaḷeva tissoyevāti ca puna saṅghaṇato ca.

**Vipākavedanā adhippetā** visesato sattānam assādetabbato. Tameva hissā assādetabbatam pakāsetum “**kathan**”ti-ādi vuttam. **Assādanenāti** abhiratiyā. **Mamāyantāti** dhanāyantā. **Cittakārādīnanti ādi**-saddena iṭṭhavaṇṇārammaṇadāyakānam saṅgho. **Sippasandassanakādīnanti ādi**-saddena vejjādīnam saṅgho. Vejjā hi rasāyatanojāvasena tadupatthambhitavasena ca dhammārammaṇassa dāyakā. Svāyam **ādi**-saddo “vīṇāvādakādi”ti-ādinā paccekañca yojetabbo, **puttam mamāyantāti** puttam sampiyāyantā. Putto viya cettha vedanā daṭṭhabbā, sappāyasappikhīrādīni viya vedanāya paccayabhūtāni iṭṭharūpādi-ārammaṇāni, dhāti viya rūpādichaḷārammaṇadāyakā cittakārādayo daṭṭhabbā.

### Vedanāvāraṇṇanā

97. Cakkhusamphassajā eva vedanā atītādibhedabhinnā rāsivasena ekajjham gahetvā eko vedanākāyo yathā vedanākkhandho, evam sotasamphassajādikāti pāḷiyam “chayime āvuso vedanākāyā”ti vuttanti āha “**vedanākāyāti vedanāsamūhā**”ti. Cakkhusamphassato jātā **cakkhusamphassajā vedanā**. Sā pana upādinnāpi anupādinnāpi, tadubhayassapi saṅghaṇhantena atthavaṇṇanāya katattā āha “**ayam tāvettha sabbasaṅgāhikakathā**”ti. Idāni “vipākavidhi ayan”ti

upādinnāmyeva gaṇhanto “**vipākavasenā**”ti-ādimāha. **Manodvāre manoviññāṇadhātusampayuttā**ti tadārammaṇamanoviññāṇadhātusampayuttā.

**Avasesānanti** sampaṭicchanaḍivedanānaṃ. **Upanissayādīti ādi**-saddena anantarādīnaṃ saṅgaho daṭṭhabbo. Anantarānaṃ hi anantarādivasena, itaresaṃ upanissayavasena phasso paccayo hoti, manodvāre pana tadārammaṇavedanānaṃ manosamphasso upanissayavasena paccayo. **Advārikānanti** dvārarahitānaṃ. Na hi paṭisandhi-ādivedanānaṃ kiñci dvāraṃ atthi. **Sahajātamanosamphassasamudayā**ti etenassa tāsāṃ sahajātakoṭiyā paccayabhāvamāha.

Vedanāvāraṇṇanā niṭṭhitā.

### Phassavāraṇṇanā

98. Cakkhuṃ nissāya uppanno samphasso **cakkhusamphasso**. **Pañcavatthukā**ti cakkhādipañcavatthukā cakkhādipañcavatthusannissayā. “Upādinnakakathā esā”ti **bāvīsati**ggahaṇaṃ, pavattikathābhāvato **lokiyaggahaṇaṃ**. **Vipākamanasampayuttaphassā**ti vipākamanoviññāṇasampayuttā phassā. Paccayuppanna viya paccayenapi upādinnakeneva bhavitabbanti “**channaṃ cakkhādīnaṃ āyatanānaṃ**”ti vuttaṃ.

Phassavāraṇṇanā niṭṭhitā.

### Salāyatanaṅgavāraṇṇanā

99. Nidassanamattañcetaṃ, tasmā yathā ettha arūpalokāpekkhāya chaṭṭhāyatanaṅga salāyatanaṅga salāyatanaṅgāni ekaseso icchitabbo, evaṃ yesaṃ paccayuppanno upādīno, paccayo pana anupādīnotipi icchitabbo. Tesāṃ matena bāhirāyatanaṅgāni ekaseso veditabbo “chaṭṭhāyatanaṅga salāyatanaṅga salāyatanaṅga salāyatanaṅga”ti. Visuddhimaggopi imassa

āgamassa atthasaṃvaṇṇanāti āha “**Visuddhimagge -pa- vuttanayamevā**”ti.  
Esa nayo aññatthāpi visuddhimaggaggahaṇe.

Saḷāyatanavāraṇṇanā niṭṭhitā.

### Nāmarūpavāraṇṇanā

100. **Namanalakkhaṇanti** ārammaṇābhimukhaṃ namanasabhāvaṃ tena vinā appavattanato. **Ruppanaṃ** sītādivirodhipaccayasannipāte visadisuppatti. **Ime pana tayoti**-ādinā sabbacittuppādasādhāraṇavaseneva taṃsaṅkhārakkhandhaggahaṇaṃ, tasmā ye yattha asādhāraṇā, tepi atthato gahitāyevāti dasseti.

**Upādiyitvāti** paccaye katvā. Paccayakaraṇameva hi paccayuppanassa paccayabhūtaḍḍhammānaṃ upādiyaṇaṃ. Samūhasambandhe sāmivacanaṃ etanti “**samūhatthe etaṃ sāmivacanaṃ**”ti vuttaṃ tena vinā sambandhassa abhāvato. **Tenāti** tasmā. **Taṃ sabbampīti** taṃ bhūtaḍḍāyapabhedanā sabbampi sattavīsatividhaṃ. **Yassa nāmassāti** catuvokārabhave nāmassa. **Viññāṇampi** tappariyāpannameva veditaḍḍhaṃ. **Rūpassāti** ekavokārabhave rūpassa. **Viññāṇaṃ** pana pañcavokārabhave saṅkhāraviññāṇameva. **Yassa** pañcavokārabhave nāmarūpassa. **Tassa vasenāti** sahaḷāḷassa sahaḷāḷādivasena, anantarassa anantarādivasena, itarassa upanissayādivasena tassa nāmassa yathārahaṃ tassa tassa viññāṇassa paccayabhāvo veditaḍḍho.

Nāmarūpavāraṇṇanā niṭṭhitā.

### Viññāṇavāraṇṇanā

101. **Tebhūmakavipāka**ggahaṇe kāraṇaṃ heṭṭhā vuttameva. **Saṅkhāro yassa viññāṇassāti** ettha aṭṭhavidhopi kāmāvacarapuññābhisaṅkhāro soḷasaḷādivasassa kāmāvacaravipākaviññāṇassa, pañcavidhopi rūpāvacarapuññābhisaṅkhāro pañcavidhassa rūpāvacaravipākaviññāṇassa, dvādasavidhopi apuññābhisaṅkhāro sattavidhassa akusalavipākaviññāṇassa, catubbidhopi

āneñjābhisaṅkhāro catubbidhassa arūpāvacaravipākaviññāṇassa yathārahaṃ paṭisandhipavattīsu kammaṃpaccayena ceva upanissayapaccayena ca paccayo hoti. Ayamettha saṅkhepo, vitthāro pana **visuddhimagge**<sup>1</sup> vuttanayena vedītabbo.

Viññāṇavāraṇṇanā niṭṭhitā.

### Saṅkhāravāraṇṇanā

102. **Abhisaṅkharapaṇalakkhaṇoti** abhisaṅcetaṃyitasabhāvo, āyūhanalakkhaṇoti attho. **Copanavasenāti** kāyaviññattisaṅkhātacopanavasena. Tena pañcadvārikacetanā paṭikkhipati. **Vacanabhedavasenāti** vācānicchāraṇavasena, vacīviññattisamuṭṭhāpanavasenāti attho. Yathāvuttā vīsati, nava mahaggatakusalacetanā cāti **ekūnatimsa manosaṅcetanā**. “**Kusalānaṃ upanissayavasenā**”ti vuttam, ekaccānaṃ ārammaṇavasenaṃpīti vattabbaṃ. **Sahajātādivasenāti** sahajāta aññaṃañña nissaya sampayutta atthi avigata hetuvasena, anantarānaṃ anantara samanantara anantarūpanissaya natthi vīgatāsevanavasena paccayo. **Api**-saddena upanissayaṃ saṅgaṇhāti.

Saṅkhāravāraṇṇanā niṭṭhitā.

### Avijjāvāraṇṇanā

103. “**Dukkhasacce aññāṇaṃ**”ti saṅkhepato vuttamatthaṃ vivarītuṃ “**tatthā**”ti-ādi āraḍḍhaṃ. **Tanti** aññāṇaṃ. Satipi pahātabbatte pariññeyyattavasena **antogadhaṃ**. **Dukkhasaccañcassāti** vatthusaṅkhātāṃ sampayuttakhandhasaṅkhātāṃca dukkhasaccaṃ assa aññāṇassa. Tam hissa nissayapaccayo hoti. **Tassāti** dukkhasaccassa. **Yāthāvalakkhaṇapaṭivedhanivāraṇenāti** saṅkhata-aviparītasabhāvapaṭivijjanassa nivāraṇena. Etenassa pariññābhisamayasaṅkhātassa ariyamaggapaṭivedhassa vibandhakabhāvamāha. **Ñānappavattiyāti** “idaṃ dukkhaṃ, ettakaṃ

1. Visuddhi 2. 177 piṭṭhe.

dukkhan”ti anubujjhanākārāya pubbabhāgañāṇappavattiyā. **Etthāti** dukkhasacce. **Appadānenāti** avissajjanena. Etenassā anubodhañāṇassapi vibandhakatamāha.

**Tīhi kāraṇehi veditabbaṃ** antogadhābhāvato. Idha sampayuttakhandhavaseneva vatthuto samudaye aññāṇaṃ daṭṭhabbaṃ. **Ekenevāti** itaraṃ kāraṇattayaṃ paṭikkhipati. Yadiapi aññāṇaṃ nirodhamagge ārammaṇaṃ na karoti, kuto tadantogadhatabbatthutā, te pana jānitukāmassa tappaṭicchādanavasena anirodhamaggesu nirodhamaggaggāhahetutāvasena ca pavattamānaṃ “**nirodhe paṭipadāyañca aññāṇan**”ti vuccati. Tenāha “**paṭicchādanato**”ti-ādi. Tassattho vuttoyeva. **Gambhīrattāti** sabhāveneva gambhīrattā. Agādha-apatiṭṭhābhāvena taṃvisayassa ñāṇassa uppādetuṃ asakkuṇeyyattā **duddasaṃ**. **Purimaṃ pana** saccadvayaṃ. **Vañcanīyaṭṭhenāti** vañcakabhāvena ayāthāvabhāvena upaṭṭhānato **duddasattā gambhīraṃ**, na sabhāvato, tasmā taṃvisayaṃ aññāṇaṃ uppajjati. **Tatthāti** tasmim purimasaccadvaye aniccādisabhāvalakkhaṇassa duddasattā eva niccādivipallāsavasena pavattati aññāṇanti ānetvā sambandhitabbaṃ.

Idāni niddesavibhāgenapi avijjāya saccesu pavattivibhāgaṃ dassetuṃ “**apicā**”ti-ādi vuttaṃ. Tattha **dukkheti** ettakena bhummaniddesena. **Saṅgahatoti** pariññeyyatāya dukkhena saṅgahetabbato. Tena niddhāraṇatthaṃ dasseti. dukkhasmim hi avijjā niddhārīyati, na aññasmim. **Vatthutoti** ādhāratthaṃ. Dukkhasannissayā hi avijjā. **Ārammaṇatoti** visayatthaṃ taṃ ārabba pavattanato. **Kiccatoti** byāpanatthaṃ chādanavasena taṃ byāpetvā pavattanato. Iminā nayena sesesupi attho veditabbo. **Avisesatoti** visesābhāvato, vuttanayena dukkhādīsu pavatti-ākāravisesaṃ aggahetvāti attho. **Sabhāvatoti** sarasalakkhaṇato. Catunnampi saccānaṃ ajānanasabhāvā hi avijjā. Kāmarāgabharāgā kāmāsavabhavāsavāti āha “**sahajātādivasenā**”ti. Nanu avijjā eva avijjāsavo, so kathaṃ avijjāya paccayoti āha “**pubbuppannā**”ti-ādi.

Avijjāvāravaṇṇanā niṭṭhitā.

### Āsavavāraṇṇanā

104. **Āsavavāre** āsava-saddattho āsavavicāro ca heṭṭhā vuttoyeva. Kasmā paṇāyaṃ vāro vutto, nanu avijjādikāva paṭiccasamuppādadadesanāti codanaṃ sandhāya “**ayaṃ vāro**”ti-ādi āraddhaṃ. **Paṭiccasamuppādapadesūti** paṭiccasamuppādakotṭhāsesu. Dvādasakoṭṭhāsā hi satthu paṭiccasamuppādadadesanā. **Tassāpi paccayadassanavasenāti** nāyaṃ kāpilānaṃ mūlapakati viya appaccayā, atha kho sappaccayāti avijjāyapi paccayadassanavasena. **Āsavasamudayenāti** atītabhave āsavānaṃ samudayena etarahi avijjāya samudayo, etarahi avijjāya samudayena anāgate āsavasamudayoti evaṃ āsavāvijjānaṃ paccayapaccayuppannakabhāvena aparāparaṃ pavattamānaṃ ādikoṭi-abhāveneva tannimittassa saṃsārassa ādikoṭi-abhāvato anamataggaṭṭāsiddhi veditabbā.

**Dvattimsa ṭhānānīti** dvattimsa saccappaṭivedhakāraṇāni, dvattimsa vā catusaccakammaṭṭhānāni. **Imaṃhā sammādiṭṭhisuttāti** yāya ariyasāvako sammādiṭṭhi nāma hoti, sā ariyā sammādiṭṭhi ettha vuttāti sammādiṭṭhisuttaṃ, ito sammādiṭṭhisuttato.

**Catusaccapariyāyehīti** catusaccādhigamakāraṇehi. **Arahattapariyāyehīti** “so sabbaso rāgānusayaṃ pahāyā”ti-ādinā arahattādhigamakāraṇehi. Tenāha “**catusaṭṭhiyā kāraṇehī**”ti.

Āsavavāraṇṇanā niṭṭhitā.

Sammādiṭṭhisuttavaṇṇanāya līnatthappakāsanā samattā.

### 10. Satipaṭṭhānasuttavaṇṇanā

105. **Jānapadinoti**<sup>1</sup> janapadavanto, janapadassa vā issarā **rājakumārā** gottavasena **kurū** nāma, tesāṃ nivāso yadi eko janapaddo, kathaṃ bahuvacananti āha “**ruḷīsaddenā**”ti. Akkharacintakā hi īdisesu ṭhānesu yutte viya salīṅgavacanāni<sup>2</sup> icchanti, ayamettha ruḷhī

1. Dī-Ṭī 2. 79 piṭṭhādīsūpi passitabbaṃ.

2. Pāṇinī 1. 251. suttaṃ passitabbaṃ.



yathā aññatthāpi “Añgesu viharati, Mallesu viharatī”ti ca. Tabbisesane pana janapada-sadde jāti-sadde ekavacanameva. **Aṭṭhakathācariyā panāti pana-**saddo visesatthajotano. Tena puthu-atthavisayatāya eva taṃ bahuvacananti “bahuke panā”ti-ādinā vakkhamānaṃ visesaṃ dīpeti. **Sutvāti** mandhātumahārājassa ānubhāvadassanānusārena paramparāgataṃ kathaṃ sutvā. **Anusaṃyāyāntenāti** anuvicarantena. **Etesaṃ thānanti** candimasūriyamukhena cātumahārājikabhavanamāha. Tenāha “**tattha agamāsī**”ti-ādi. **Soti** Mandhātumahārājā. **Tanti** cātumahārājikarajjāṃ. **Gahetvāti** sampatiçchitvā. **Puna pucchi** pariṇāyakaratanāṃ. **Dovārikabhūmiyaṃ tiṭṭhanti** sudhammāya devasabhāya devapurassa ca catūsu dvāresu ārakkhāya adhikatattā. **Dibbarukkkhasahassapaṭimaṇḍitanti** idaṃ “cittalatāvanan”ti-ādīsupi yojetabbaṃ.

**Pathaviyaṃ patiṭṭhāsīti** bhassitvā pathaviyā āsanne thāne aṭṭhāsī, thatvā ca nacirasseva antaradhāyi tenattabhāvena rañño cakkavattissariyassa abhāvato. “Cirataṃ kālāṃ thatvā”ti apare. **Devabhāvo pāturahosi** devaloke pavattivipākādāyino aparāpariyāyavedaniyassa kammaṃ katokāsattā. Avayave siddho viseso samudāyassa visesako hotīti **ekampi raṭṭhaṃ bahuvacanena voharīyati.**

**Da-kārena atthaṃ vaṇṇayanti** niruttinayena. **Kammāsoti** kammāsapādo vuccati uttarapadalopena yathā “rūpabhavo rūpan”ti. Kathaṃ pana so kammāsapādoti āha “**tassa kirā**”ti-ādi. **Damitoti** ettha kīdisaṃ damanaṃ adhippetanti āha “**porisādabhāvato paṭisedhito**”ti. **Ime pana therāti** majjhimabhāṇake vadati te pana cūḷakammāsadammaṃ sandhāya tathā vadanti. Yakkhiniputto hi kammāsapādo alīnasattukumārakāle bodhisattena tattha damito, sutasomakāle pana bārāṇasirājā porisādabhāvapaṭisedhanena yattha damito, taṃ mahākammāsadammaṃ nāma. **Puttoti** vatvā **atrajoti** vacanaṃ orasaputtabhāvadassanatthaṃ.

Yehi āvasitapadeso kururaṭṭhanti nāmaṃ labhi, te uttarakuruto āgatā manussā tattha rakkhitanīyāmeneva pañca sīlāni rakkhimsu, tesāṃ

diṭṭhānugatiyā pacchimā janatāti so desadhammavasena avicchedato vattamāno **Kuruvattadhammoti** paññāyittha, ayañca attho **Kurudhammajātena**<sup>1</sup> dīpetabbo. So aparabhāge yattha paṭhamam saṅkiliṭṭho jāto, taṃ dassetum **“Kururaṭṭhavāsīnan”**ti-ādi vuttam. Yattha bhagavato vasanokāso koci vihāro na hoti, tattha kevalam gocaragāmakittanam nidānakathāya pakati, yathā taṃ sakkesu viharati devadham nāma sakkānam nigamoti imamatham dassento **“avasanokāsato”**ti-ādimāha.

### Uddesavāraṅkathāvaṇṇanā

106. **Kasmā bhagavā imam suttamabhāsīti** asādhāraṇasamuṭṭhānam pucchati, sādhāraṇam pana pākaṇanti anāmaṭṭham, tena suttanikkhepo pucchitoti katvā itaro **“kururaṭṭhavāsīnan”**ti-ādinā aparajjhāsayoyam suttanikkhepoti dasseti. Etena bāhiraṇasamuṭṭhānam vibhāvitanti daṭṭhabbam. Ajjhattikam pana asādhāraṇaṇca Mūlapariyāyasuttādiṭṭhāyā vuttanayeneva veditabbam. Kururaṭṭham kira<sup>2</sup> tadā tannivāsīnam sattānam yebhuyyena yonisomanasikāravantaṭāya pubbe ca katapuññatābalena utu-ādisampannameva ahoṣi. Tena vuttam **“utupaccayādisampannattā”**ti. **Ādisaddena** bhojanādisampattim saṅgaṇhāti. Keci pana “pubbe kuruvattadhammānuṭṭhānavāsānāya uttarakuru viya yebhuyyena utu-ādisampannameva hontam bhagavato kāle sātisayam utusappāyādiyuttam taṃ raṭṭham ahoṣi”ti vadanti. **Cittasarīrakallatāyāti** cittassa sarīrassa ca arogatāya. **Anuggahitapaññābalāti** laddhupakārañāṇānubhāvā, anu anu vā āciṇṇapaññātejā. **Ekavīsatiyā ṭhānesūti** kāyānupassanāvasena cuddasasu ṭhānesu, vedanānupassanāvasena ekasmiṃ ṭhāne, tathā cittānupassanāvasena, dhammānupassanāvasena pañcasu ṭhānesūti evam ekavīsatiyā ṭhānesu. **Kammaṭṭhānam arahatte pakkhipitvāti** catusaccakammaṭṭhānam yathā arahattam pāpeti, evam desanāvasena arahatte pakkhipitvā. Suvaṇṇacaṅkoṭakasuvaṇṇamañjūsasu pakkhittāni sumanacampakādinānāpupphāni maṇimuttādisattaratanāni ca yathā bhājanasampattiyā savisesam sobhanti,

1. Khu 5. 81 piṭṭhe.

2. Dī-Ṭī 2. 278 piṭṭhādīsūpi passitabbam.

kiccakarāni ca honti manuññabhāvato, evaṃ sīladassanādisampattiyā bhājanavisesabhūtāya kururaṭṭhavāsiparisāya desitā ca bhagavato ayaṃ desanā bhiyyoso mattāya sobhati, kiccakārī ca hotīti imamattam dasseti “**yathā hi puriso**”ti-ādinā. **Etthā**ti kururaṭṭhe.

**Pakatiyā**ti sarasato, imissā satipaṭṭhānasuttadesanāya pubbeṭī adhippāyo. **Anuyuttā viharanti** satthu desanānusāratoti adhippāyo. **Vissatṭha-attabhāvenā**ti aniccādivasena kismiñci yonisomanasikāre cittaṃ aniyojtvā rūpādi-ārammaṇe abhirativasena vissatṭhacittena **bhavitum na vaṭṭati**, pamādavihāraṃ pahāya appamattena bhavitabbanti adhippāyo.

**Ekāyanoti** ettha **ayana-saddo** maggapariyāyo. Na kevalamayanameva, atha kho aññepi bahū maggapariyāyāti paduddhāraṃ karonto “**maggassa hī**”ti-ādiṃ vatvā yadi maggapariyāyo ayana-saddo, kasmā puna maggoti vuttanti codanaṃ sandhāyāha “**tasmā**”ti-ādi. Tattha **ekamaggoti** eko eva maggo. Na hi nibbānagāmī maggo añño atthīti. Nanu satipaṭṭhānaṃ idha “maggo”ti adhippetam tadanñe ca bahū maggadhammā atthīti? Saccaṃ atthi, te pana satipaṭṭhānaggahaṇeneva gahitā tadavinābhāvato. Tathā hi ñāṇavīriyādayo niddese gahitā, uddese pana satiyā eva gahaṇaṃ veneyyajjhāsavāsenaṭī daṭṭhabbaṃ. **Na dvedhāpathabhūtoti** iminā imassa maggassa anekamaggaṭābhāvaṃ viya anibbānagāmibhāvābhāvañca dasseti. **Ekenā**ti asahāyena. Asahāyatā ca duvidhā attadutiyatābhāvena vā, yā “vūpakaṭṭhakāyatā”ti vuccati, taṇhādutiyatābhāvena vā yā “pavivittacittatā”ti vuccati. Tenāha “**vūpakaṭṭhena pavivittacittenā**”ti. Setṭhopi loke “eko”ti vuccati “yāvapare ekato karosī”ti<sup>1</sup> ādisūti āha “**ekassāti setṭhassā**”ti. Yadi saṃsārato nissaraṇaṭṭho ayaṇaṭṭho aññesampi upanissayasampannānaṃ sādharmaṇo<sup>2</sup> katham bhagavatoti āha “**kiñcāpi**”ti-ādi. **Imasmim khoti** ettha **kho-saddo** avadhāraṇe, tasmā imasmim yevāti attho. **Desanābhedoyeva heso**, yadidaṃ maggoti vā ayanoti vā. Tenāha “**attho paneko**”ti.

1. Yāva pare ekāhaṃ vo karomi (Dī-Ṭī 2. 280 piṭṭhe)

2. Sādharmaṇato (Dī-Ṭī 2. 280 piṭṭhe)

**Nānāmukhabhāvanāyappavattoti** kāyānupassanādimukhena tatthāpi ānāpānādimukhena bhāvanānayena pavatto. **Ekāyananti** ekagāminam, nibbānagāminanti attho. Nibbānam hi adutiyaṭṭā seṭṭhattā ca “ekan”ti vuccati. Yathāha “ekam hi saccam na dutiyamatthī”<sup>1</sup>, “yāvatā bhikkhave dhammā saṅkhatā vā asaṅkhatā vā, virāgo tesam aggamakkhāyati”<sup>2</sup> ca. Khayo eva antoti khayanto, jātiyā khayantaṃ diṭṭhavāti **jātikhayantadassī**. Avibhāgena sabbepi satte hitena anukampatīti **hitānukampī**. **Atarimsūti** tarimsu. **Pubbeti** purimakā buddhā, **pubbe** vā atītakāle.

**Tanti** taṃ tesam vacanam, **taṃ** vā kiriyāvuttivācakattaṃ na yujjati. Na hi saṅkheyyappadhānatāya sattavācino eka-saddassa kiriyāvuttivācakatā atthi. “Sakimpi uddham gaccheyyā”<sup>3</sup>ti-ādīsu<sup>3</sup> viya **“sakiṃ ayaṇo”ti iminā byañjanena bhavitabbarṃ**. **Evaṃ atthaṃ yojetvāti** evaṃ padatthaṃ<sup>4</sup> yojetvā. **Ubhayathāpīti** purimanayena pacchimanayena ca. **Na yujjati** idhādhippetamaggassa anekavāram pavattisabbhāvato. Tenāha **“kasmā”ti-ādī**. **Anekavārampi ayatīti** purimanayassa, **anekañcassa ayaṇam hotīti** pacchimanayassa ca paṭikkhepo.

**Imasmim padeti** “ekāyano ayaṃ bhikkhave maggo”<sup>5</sup>ti imasmim vākye, imasmim vā “pubbabhāgamaggo lokuttaramaggo”<sup>5</sup>ti saṃsayatṭhāne<sup>5</sup>. **Missakamaggoti** lokiyena missako lokuttaramaggo. Visuddhi-ādīnam nippariyāyahetuṃ saṅgaṇhanto ācariyatthero “missakamaggo”<sup>5</sup>ti āha, itaro pariyāyahetu idhādhippetoti **“pubbabhāgamaggo”**ti.

**Saddam sutvāvāti** “kālo bhante dhammassavanāyā”<sup>5</sup>ti kālārocanasaddam sutvā. **Evaṃ ukkhipitvāti** evaṃ “madhuraṃ imaṃ kuhiṃ chaḍḍemā”<sup>5</sup>ti achaḍḍentā ucchubhāram viya paggahetvā na vicaranti. **Āluḷetīti** viluḷito ākulo hotīti attho. **Ekāyanamaggo vuccati pubbabhāgasatipaṭṭhānamaggoti** ettāvātā idhādhippetatthe siddhe tasseva alaṅkāratthaṃ so pana yassa pubbabhāgamaggo, taṃ dassetuṃ

1. Khu 1. 416 piṭṭhe Suttanipāte.

2. Am 1. 343; Khu 1. 254 piṭṭhesu.

3. Am 2. 499 piṭṭhe.

4. Evamatthaṃ yojetvāti ekam ayanamassāti evaṃ samāsapadatthaṃ (Dī-Ṭī 2. 280 piṭṭhe)

5. Vidhānapade (Dī-Ṭī 2. 281 piṭṭhe)

“**maggānaṭṭhaṅgiko**”ti-ādikā gāthāpi paṭisambhidāmaggatova ānetvā ṭhapitā.

**Nibbānagamaṇaṭṭhenā**ti nibbānaṃ gacchati adhigacchati etenāti nibbānagamaṇaṃ, so eva aviparītasabhāvatāya attho, tena nibbānagamaṇaṭṭhena, nibbānādhigamupāyatāyāti attho. **Magganīyaṭṭhenā**ti gavesitabbatāya, “gamanīyaṭṭhenā”ti vā pāṭho, upagantabbattāti attho. **Rāgādīhī**ti iminā rāgadosamohānaṃyeva gahaṇaṃ “rāgo malaṃ, doso malaṃ, moho malaṃ”<sup>1</sup>ti vacanato. “Abhijjhāvisamalobhādīhī”ti pana iminā sabbesampi upakkilesānaṃ saṅgaṇhanatthaṃ te visum uddhaṭā. **Sattānaṃ visuddhiyāti** vuttassa atthassa ekantikataṃ dassento “**tathā hī**”ti-ādimāha. Kāmaṃ “visuddhiyā”ti sāmāññajotanā, cittavisuddhi eva panettha adhippetāti dassetuṃ “**rūpamalavasena panā**”ti-ādi vuttaṃ. Na kevalaṃ aṭṭhakathāvacanameva, atha kho idamettha āhaccabhāsītanti dassento “**tathā hī**”ti-ādimāha.

Sā panāyaṃ cittavisuddhi sijjhamānā yasmā sokādīnaṃ anuppādāya saṃvattati, tasmā vuttaṃ “**sokaparidevānaṃ samatikkamāyā**”ti-ādi. Tattha socanaṃ ñātibyasanādinimittaṃ cetaso santāpo antonijjhānaṃ **soko**. Ñātibyasanādinimittameva sokādhikatāya<sup>2</sup> “kahaṃ ekaputtaka, kahaṃ ekaputtakā”ti paridevavasena lapanāṃ **paridevo**, āyatim anuppajjanaṃ idha **samatikkamoti** āha “**pahānāyā**”ti. Taṃ panassa samatikkamāvahataṃ nidassanavasena dassento “**ayaṃ hī**”ti-ādimāha.

Tattha **yaṃ pubbe taṃ visodhehī**ti aṭṭhesu khandhesu taṇhāsamkilesavisodhanaṃ vuttaṃ. **Pacchāti** parato. **Teti** tuyhaṃ. **Māhūti** mā ahu. **Kiñcananti** rāgādikiñcanaṃ. Etena anāgatesu khandhesu samkilesavisodhanaṃ vuttaṃ. **Majjheti** tadubhayavemajjhe. **No ce gahessasīti** na upādiyissasi ce. Etena paccuppanne khandhapabandhe upādānappavatti vuttā. **Upasanto carissasīti** evaṃ addhattayagatasamkilesavisodhane sati nibbutasabbapariḷāhatāya upasanto hutvā viharissasīti arahattanikūṭena gāthaṃ niṭṭhapesi. Tenāha “**imam gāthan**”ti-ādi.

1. Abhi 2. 382 piṭṭhe.

2. Sokāvatiṇṇato (Dī-Ṭī 2. 281 piṭṭhe), sokākhikatājanito (Saṃ-Ṭī 2. 450 piṭṭhe)

**Puttā**ti orasā, aññepi vā ye keci. **Pitā**ti janako. **Bandhavā**ti ñātakā. Ayam hettha attho—puttā vā pitā vā bandhavā vā **antakena** maccunā **adhipannassa** abhibhūta maraṇato tāṇāya na honti, tasmā **natthi ñātisu tāṇatā**ti. Na hi ñātīnaṃ vasena maraṇato ārakkhā atthi, tasmā paṭācāre “ubho puttā kālakatā”ti-ādinā<sup>1</sup> māniratthakaṃ paridevi, dhammaṃyeva pana yāthāvato passāti adhippāyo.

**Sotāpattiphale patiṭṭhitā**ti yathānulomaṃ pavattitāya sāmukkaṃsikāya dhammadesanāya pariyoṣāne saḥassanayapaṭimaṇḍite sotāpattiphale patiṭṭhahi. Kathaṃ panāyaṃ satipaṭṭhānamaggavasena sotāpattiphale patiṭṭhāsīti āha “**yasmā panā**”ti-ādi. Na hi catusaccakammaṭṭhānakathāya vinā sāvakaṇaṃ ariyamaggādhigamo atthi. “**Imaṃ gāthaṃ sutvā**”ti pana idaṃ sokavinodanavasena pavattitāya gāthāya paṭhamaṃ sutattā vuttaṃ. Esa nayo itaragāthāyapi. **Bhāvanā**ti paññābhāvanā. Sā hi idhādhippetā. **Tasmā**ti yasmā rūpādīnaṃ aniccādito anupassanāpi satipaṭṭhānabhāvanā, tasmā. **Tepī**ti santatimahāmatapaṭācārā.

**Pañcasate coreti** satasatacoraparivāre pañca core paṭipāṭiyā pesesi. Te araññaṃ pavisitvā therāṃ pariyesantā anukkamena therassa samīpe samāgacchimsu. Tenāha “**te gantvā therāṃ parivāretvā nisīdimsū**”ti. Vedanaṃ vikkhambhetvā pītipāmojjaṃ uppajjīti sambandho. Therassa hi sīlaṃ paccavekkhato suparisuddhaṃ sīlaṃ nissāya uḷāraṃ pītipāmojjaṃ uppajjamānaṃ ūruṭṭhibhedajanitaṃ dukkhavedanaṃ vikkhambhesi. **Pādānī**ti pāde. **Saññāpessāmī**ti saññattim karissāmi. **Aṭṭiyāmī**ti jigucchāmi. **Harāyāmī**ti lajjāmi. **Vipassisanti** sammasiṃ.

**Pacalāyantānanti** pacalāyanaṃ niddaṃ upagatānaṃ. **Vatasampannoti** dhutacaraṇasampanno. **Pamādanti** pacalāyanaṃ sandhāyāha. **Oruddhamānasoti** uparuddha-adhicitto. **Pañjarasminti** sarīre. Sarīraṃ hi nhārusambandha-aṭṭhisāṅghātātāya idha “pañjaraṃ”ti vuttaṃ.

Pītavaṇṇāya paṭākāya pariheraṇato mallayuddhacittakatāya ca **pītamallo**. **Tisu rajjesū**ti paṇḍuḷaḷaḷarajjesu. Mallā sīhaḷadīpe

1. Khu 4. 238 piṭṭhe Apadāne.

sakkārasammānaṃ labhantīti **tambapaṇṇidīpaṃ āgamma. Taṃyeva aṅkusarṃ katvāti** “rūpādayo ‘mamā’ti na gahetabbā”ti natumhākavaggena<sup>1</sup> pakāsitamattham attano cittamattahatthino aṅkusarṃ katvā. **Jaṇṇukehi caṅkamati** “nisinne niddāya avasaro hotī”ti. **Byākaritvāti** attano vīriyārambhassa saphalatāpavedanamukhena sabrahmacārīnaṃ ussāhaṃ janento aññaṃ byākaritvā. **Bhāsīti** vacanaṃ. Kassa pana tanti āha “**buddhaseṭṭhassa, sabbalokaggavādino**”ti. **Na tumhākanti-**ādi tassa pavatti-ākāradassanaṃ. Tayidaṃ me saṅkhārānaṃ accantavūpasamakāraṇanti dassento “**aniccā vatā**”ti gāthaṃ āhari. Tena idānāhaṃ saṅkhārānaṃ khaṇe khaṇe bhaṅgasaṅkhātassa rogassa abhāvena arogo parinibbutoti dasseti.

**Assāti** sakkassa. **Upapattīti** devūpapatti. **Punapākatikāva ahoṣi** sakkabhāveneva upapannattā. **Subrahmāti** evaṃnāmo. Accharānaṃ nirayūpapattiṃ disvā tato pabhuti satataṃ pavattamānaṃ attano cittutrāsaṃ sandhāyāha “**niccaṃ utrastamidaṃ cittaṃ**”ti-ādi. Tattha **utrastanti** santastaṃ bhītaṃ. **Ubbigganti** saṃviggam. **Utrastanti** vā saṃviggam. **Ubbigganti** bhayavasena saha kāyena sañcalitaṃ. **Anuppannesūti** anāgatesu. **Kicchēsūti** dukkhesu. Nimittatthe bhummavacanaṃ bhāvīdukkhapavattinimittanti attho. **Uppatitesūti** uppannesu kicchēsūti yojanā, tadā attano parivārasa uppannadukkhanimittanti adhippāyo.

**Bojjhoti** bodhito, ariyamaggatoti attho. **Aññātrāti** ca padaṃ apekkhitvā nissakkavacanaṃ, tasmā bodhiṃ ṭhapetvāti attho. Esa nayo sesesupi. **Tapasāti** tapokammato. Tena maggādhigamassa upāyabhūtaṃ dhutaṅgasevanādisallekhapaṭipadaṃ dasseti. **Indriyasamvarāti** manacchaṭṭhānaṃ indriyānaṃ samvaraṇato. Etena satisamvarasīsenā sabbampi samvarasīlaṃ, lakkhaṇahāranayena vā sabbampi catupārisuddhisīlaṃ dasseti. **Sabbanissaggāti** sabbupadhinissajjanato sabbakilesappahānato. Kilesesu hi nissaṭṭhesu kammavaṭṭaṃ vipākavaṭṭaṅca nissaṭṭhameva hotīti. **Sotthinti** khemaṃ anupaddavataṃ.

Ñāyati nicchayena kamati nibbānaṃ, taṃ vā ñāyati paṭivijjhīyati etenāti **ñāyo**, ariyamaggoti āha “**ñāyo vuccati ariyo aṭṭhaṅgiko**

1. Sam 2. 28 piṭṭhe.

**maggo**”ti. **Taṇhāvānavirahitattā**ti taṇhāsaṅkhātavānavivittattā. Taṇhā hi khandhehi khandham, kammunā vā phalaṃ, sattehi vā dukkham vinati saṃsibbatīti vānanti vuccati, tayidaṃ natthi ettha vānaṃ, na vā etasmim adhigate puggalassa vānanti **nibbānaṃ**, asaṅkhatā dhātu. Parapaccayena vinā paccakkhakaṇaṃ sacchikiriyāti āha **“attapaccakkhatāyā”**ti.

Nanu “visuddhiyā”ti cittavisuddhiyā adhippetattā visuddhiggahaṇenevettha sokasamatikkamādayopi gahitā eva honti, te puna kasmā gahitāti anuyogaṃ sandhāya **“tatha kiñcāpi”**ti-ādi vuttaṃ. **Sāsana-yuttikovideti** saccapaṭiccasamuppādādilakkhaṇāyaṃ dhammanītiyaṃ cheke. **Taṃ taṃ atthaṃ nāpetī**ti ye ye bodhaneyyapuggalā saṅkhepavithārādivasena yathā yathā bodhetabbā, attano desanāvīlāsena bhagavā te te tathā tathā bodhento taṃ tamatthaṃ nāpeti. **Taṃ taṃ pākaṭaṃ katvā dassentoti** atthāpattiṃ agaṇento taṃ taṃ atthaṃ pākaṭaṃ katvā dassento. Na hi sammāsambuddhā atthāpattiṃnāpakādisādhaniyavacanāti. **Samvattatī**ti jāyati, hotīti attho. Yasmā anatikkantasokaparidevassa na kadāci cittavisuddhi atthi sokaparidevasamatikkamamukheneva cittavisuddhiyā ijghanato, tasmā āha **“sokaparidevānaṃ samatikkamena hotī”**ti. Yasmā pana domanassapaccayehi dukkhadhammehi phuṭṭhaṃ puthujjanaṃ sokādayo abhibhavanti, pariññātesu ca tesu te na honti, tasmā vuttaṃ **“sokaparidevānaṃ samatikkamo dukkhadomanassānaṃ atthaṅgamenā”**ti. **Ñāyassāti** aggamaggassa tatiyamaggassa ca. Tadadhigamena hi yathākkamaṃ dukkhadomanassānaṃ atthaṅgamo. Sacchikiriyābhisamayasaḥabhāvīpi itarābhisamayo tadavinābhāvato sacchikiriyābhisamayahetuko viya vutto **“ñāyassādhigamo nibbānassa sacchikiriyāyā”**ti. Phalañāṇena vā paccakkhakaṇaṃ sandhāya vuttaṃ **“nibbānassa sacchikiriyāyā”**ti. Sampadānavacanañcetaṃ daṭṭhabbaṃ.

**Vaṇṇabhaṇananti** pasāmsāvacaṇaṃ. Tayidaṃ na idheva, atha kho aññatthāpi satthā akāsiyevāti dassento **“yatheva hī”**ti-ādimāha. Tattha ādimhi kalyāṇaṃ, ādi vā kalyāṇaṃ etassāti **ādikalyāṇaṃ**. Sesapadadvayepi eseva nayo. Atthasampattiyā **sātthaṃ**. Byañjanasampattiyā **sabyañjanaṃ**. Silādipaṇcadhammakhandhapāripūrito upanetaḥḥassa



abhāvā ca **kevalaparipuṇṇam**. Nirupakkilesato apanetabbassa abhāvā ca **parisuddham**. Setṭhacariyabhāvato sāsanabrahmacariyam maggabrahmacariyañca vo **pakāsessāmīti** ayamettha saṅkhepo, vitthāro pana **visuddhimagge**<sup>1</sup> vuttanayena veditabbo. **Ariyavaṃsāti** ariyānaṃ buddhādīnaṃ vaṃsā paveṇiyo. **Aggaññāti** “aggā”ti jānitabbā sabbavaṃsehi setṭhabhāvato. **Rattaññāti** “cirarattā”ti jānitabbā. **Vaṃsaññāti** “buddhādīnaṃ vaṃsā”ti jānitabbā. **Porāṇāti** purātanā anadhunātanattā. **Asamkiṇṇāti** avikiṇṇā anapanītā. **Asamkiṇṇapubbāti** “kim imehī”ti ariyehi na apanītapubbā. **Na samkiyanti** idānipi tehi na apanīyanti. **Na samkiyissantīti** anāgatepi tehi na apanīyissantīti. **Appaṭikuṭṭhā -pa- viññūhīti** ye loke viññū samaṇabrāhmaṇā, tehi apaccakkhatā aninditā, agarahitāti attho. **Visuddhiyāti-ādīhīti** visuddhi-ādīdīpanehi. **Padehīti** vākyehi, visuddhi-atthātādibhedabhinnehi vā dhammakōṭṭhāsehi.

**Upaddaveti** anatthe. **Visuddhinti** visujjhanam saṅkilesappahānam. Vācuggatakaraṇam **uggaho**. **Pariyāpuṇanam** paricayo. Atthassa hadaye ṭhapanam **dhāraṇam**. Parivattanam **vācanam**. **Gandhārakoti** gandhāradese uppanno. **Pahontīti** sakkonti. **Aniyyānamaggāti** micchāmaggā, micchattaniyatāniyatamaggāpi vā. **Suvaṇṇanti** kūṭasuvaṇṇampi vuccati. **Maṇīti** kācamaṇīpi. **Muttāti** veḷujāpi. **Pavāḷanti** pallavopi vuccatīti **rattajambunadādīpadehi** te visesitā.

**Na tato heṭṭhāti**<sup>2</sup> idhādhippetakāyādīnaṃ vedanādisabhāvattābhāvā, kāyavedanācittavimuttassa tebhūmakadhammassa visuṃ vipallāsavattantarabhāvena gahitattā ca heṭṭhāgahaṇesu vipallāsavattāhūnam aniṭṭhānam sandhāya vuttam, pañcamassa pana vipallāsavattāhūno abhāvā “**na uddhan**”ti āha. Ārammaṇavibhāgena hettha satipaṭṭhānavibhāgoti. **Tayo satipaṭṭhānāti** satipaṭṭhānasaddassa atthuddhāradassanam, na idha pāḷiyam vuttassa satipaṭṭhānasaddassa atthadassananti. **Ādisu hi satigocaroti**<sup>3</sup> ettha **ādisaddena** “phassasamudayā vedanānam samudayo, nāmarūpasamudayā cittassa samudayo, manasikārasamudayā dhammānam samudayo”ti satipaṭṭhānāti<sup>4</sup>

1. Visuddhi 1. 207 piṭṭhe. 2. Saṃ-Ṭī 2. 451; Dī-Ṭī 2. 286 piṭṭhādīsūpi passitabbam.

3. Mūlaṭī 2. 144 piṭṭhādīsūpi passitabbam.

4. Saṃ 3. 161 piṭṭhe.

vuttānaṃ satigocarānaṃ pakāsake suttapadesa saṅgaṇhāti. Evaṃ Paṭisambhidāpāliyaṃ<sup>1</sup> avasesapāliṃpadesadassanatto **ādi**-saddo daṭṭhabbo. **Satiyā paṭṭhānanti** satiyā patiṭṭhātabbaṭṭhānaṃ. Dānādīni satiyā karontassa rūpādīni kasiṇādīni ca satiyā ṭhānaṃ hontīti taṃnivāraṇatthamāha “**padhānaṃ ṭhānaṃ**”ti. Pa-saddo hi idha “paṇītā dhammā”ti-ādīsu<sup>2</sup> viya padhānatthadīpakoti adhippāyo.

**Ariyoti** ariyaṃ sabbasattaseṭṭhaṃ sammāsambuddhamāha. **Etthāti** etasmīṃ Saḷāyatanavibhaṅgasutte<sup>3</sup>. Suttekaḍḍesa hi suttam dasseti. Tattha hi—

“Tayo satipaṭṭhānā yadariyo -pa- maraḥatīti iti kho panetaṃ vutaṃ, kiñcetaṃ paṭicca vuttaṃ. Idha bhikkhave satthā sāvakaṇaṃ dhammaṃ deseti anukampako hitesī anukampaṃ upādāya ‘idaṃ vo hitāya idaṃ vo sukhāyā’ti. Tassa sāvakaṇa na sussūsanti, na sotaṃ odahanti, na aññā cittaṃ upaṭṭhapenti, vokkamma ca satthusāsanā vattanti. Tatra bhikkhave Tathāgato na ceva anattamaṇo hoti, na ca anattamaṇataṃ paṭisaṃvedeti, anavassuto ca viharati sato sampajāno. Idaṃ bhikkhave paṭhamaṃ satipaṭṭhānaṃ, yadariyo -pa- maraḥati.

Puna caparaṃ bhikkhave satthā -pa- idaṃ vo sukhāyāti. Tassa ekacce sāvakaṇa na sussūsanti -pa- vattanti. Ekacce sāvakaṇa sussūsanti -pa- na ca vokkamma satthusāsanā vattanti. Tatra bhikkhave Tathāgato na ceva anattamaṇo hoti, na ca anattamaṇataṃ paṭisaṃvedeti, na ceva attamaṇo hoti, na ca attamaṇataṃ paṭisaṃvedeti. Anattamaṇataṇca attamaṇataṇca tadubhayaṃ abhinivajjetvā upekkhako viharati sato sampajāno. Idaṃ vuccati bhikkhave dutiyaṃ satipaṭṭhānaṃ -pa- maraḥati.

Puna caparaṃ -pa- sukhāyāti. Tassa sāvakaṇa sussūsanti -pa- vattanti. Tatra bhikkhave Tathāgato attamaṇo ceva hoti, attamaṇataṇca paṭisaṃvedeti, anavassuto ca viharati sato

1. Khu 9. 406 piṭṭhe.

2. Abhi 1. 3 piṭṭhe.

3. Ma 3. 263 piṭṭhe.

sampajāno. Idam vuccati bhikkhave tatiyaṃ satipaṭṭhānaṃ -pa-marahaṭī”ti<sup>1</sup>—

Evam paṭighānunaṃ anavassutaṃ, niccaṃ upaṭṭhitassatitāya tadubhayavītivattatā “satipaṭṭhānaṃ”ti vuttā. Buddhānaṃveva hi niccaṃ upaṭṭhitassatitā hoti āveṇikadhammabhāvato, na paccekabuddhādīnaṃ. Pa-saddo ārambhaṃ joteti ārambho ca pavattīti katvā āha “**pavattayitabbatoti attho**”ti. **Satiyā** karaṇabhūtāya **paṭṭhānaṃ** paṭṭhapetabbaṃ **satipaṭṭhānaṃ**. Ana-saddo hi bahulavacanena kammaṭṭhopi hotīti.

Tathāssa kattu-atthopi labbhatīti “**paṭiṭṭhātīti paṭṭhānaṃ**”ti vuttaṃ. Tattha pa-saddo bhusatthavisitṭhaṃ pakkhandanaṃ dīpetīti “**okkantitvā pakkhanditvā pavattatīti attho**”ti āha. Puna bhāvatthaṃ sati-saddam paṭṭhāna-saddaṃca vaṇṇento “**atha vā**”ti-ādimāha. Tena purimavikappe sati-saddo paṭṭhāna-saddo ca kattu-atthoti viññāyati. **Saraṇaṭṭhenāti** cirakatassa cirabhāsītassa ca anussaraṇaṭṭhena. **Idanti** yaṃ “satiyeva satipaṭṭhānaṃ”ti vuttaṃ, idam **idha** imasmim suttapadesa adhippetam.

**Yadi evanti** yadi sati eva satipaṭṭhānaṃ, sati nāma eko dhammo, evam sante kasmā “satipaṭṭhānaṃ”ti bahuvacananti āha “**satibahuttā**”ti-ādi. Yadi bahukā etā satiyo, atha kasmā “maggo”ti ekavacananti yojanā. **Maggatṭhenāti** niyyānaṭṭhena. Niyyāniko hi maggadhammo, teneva niyyānikabhāvena ekattupagato ekantato nibbānaṃ gacchati, atthikehi ca tadatthaṃ maggīyatīti attanāva pubbe vuttaṃ paccāharati “**vuttañhetan**”ti. Tattha **catassopi cetāti** kāyānupassanādivasena catubbidhāpi ca etā satiyo. **Aparabhāgeti** ariyamaggakkhaṇe. **Kiccaṃ sādhayamānāti** pubbabhāge kāyādīsu ārammaṇesu subhasaññādividhamanena visum visum pavattitvā maggakkhaṇe sakimyeva<sup>2</sup> tattha catubbidhassapi vipallāsassa samucchadavasena pahānakiccaṃ sādhayamānā ārammaṇakaraṇavasena nibbānaṃ gacchanti. Catubbidhakiccasāadhaneneva hettha bahuvacananiddeso. **Evañca satīti** maggatṭhena ekattaṃ upādāya “maggo”ti ekavacanena

1. Ma 3. 263, 264 piṭṭhesu.

2. Satiyeva (Ka)

ārammaṇabhedena catubbidhataṃ upādāya “cattāro”ti ca vattabbatāya sativijjamānattā. **Vacanānusandhinā** “ekāyano ayan”ti-ādikā desanā **sānusandhikāva**, na ananusandhikāti adhippāyo. Vuttamevattham nidassanena paṭipādetum “**mārasenappamaddanan**”ti suttapadam<sup>1</sup> ānetvā “**yathā**”ti-ādinā nidassanam samsandeti. **Tasmāti**-ādi nigamanam.

Visesato kāyo ca vedanā ca assādassa kāraṇanti tappahānattham tesu taṇhāvattthūsu oḷārikasukhumesu asubhadukkhabhāvadassanāni<sup>2</sup> mandatikkhapaññehi taṇhācaritehi sukarānīti tāni tesam “visuddhimaggo”ti vuttāni. Tathā “niccam attā”ti abhinivesavatthutāya diṭṭhiyā visesakāraṇesu cittadhammesu aniccānattatādassanāni sarāgādivasena saññāphassādivasena nīvaraṇādivasena ca nātipphabhedā-atippabhedagatesu tesu tappahānattham mandatikkhapaññanam diṭṭhicaritanam sukarānīti tesam tāni “visuddhimaggo”ti vuttāni. Ettha ca yathā cittadhammānampi taṇhāya vatthubhāvo sambhavati, tathā kāyavedanānampi diṭṭhiyāti satipi nesam catunnampi taṇhādiṭṭhiyā vatthubhāve yo yassa sātisayapaccayo, tamdassanattham visesaggahaṇam katanti daṭṭhabbam.

Tikkhapaññasamathayāniko oḷārikārammaṇam pariggaṇhanto tattha aṭṭhatvā jhānam samāpajjitvā vuṭṭhāya vedanam pariggaṇhātīti vuttam “**Oḷārikārammaṇe asaṇṭhahanato**”ti. Vipassanāyānikassa pana sukhume citte dhammesu ca cittaṃ pakkhandatīti cittadhammānupassanānam mandatikkhapaññāvīpassanāyānikānam visuddhimaggatā vuttā.

**Tesam tatthāti** ettha tattha-saddassa “pahānatthan”ti etena yojanā. Parato **tesam tatthāti** etthāpi eseva nayo. Pañca kāmaguṇā savisesā kāye labbhantīti visesena kāyo kāmoghassa vatthu, bhavesu sukhaggahaṇavasena bhavassādo hotīti bhavoghassa vedanā vatthu, santatighanagahaṇavasena visesato citte attābhiniveso hotīti diṭṭhoghassa cittaṃ vatthu, dhammesu vinibbhogassa dukkarattā dhammānam dhammamattatāya duppaṭivijjhattā sammoho hotīti avijjoghassa dhammā vatthu, tasmā tesam pahānattham **cattārova vuttā**.

1. Saṃ 3. 88 piṭṭhe.

2. Asubhadukkhabhāvanāni (Ka)

Yadaggena ca kāyo kāmoghassa vatthu, tadaggena abhijjhākāyaganthassa vatthu, dukkhāya vedanāya paṭighānusayo anusetīti dukkhadukkhavipariṇāmadukkkhasaṅkhāraddockkhabhūtā vedanā visesena byāpādakāyaganthassa vatthu, citte niccaggahaṇavasena sassatassa attano sīlena suddhīti-ādi parāmasanaṃ hotīti sīlabbataparāmāsassa cittaṃ vatthu, nāmarūpaparicchedena bhūtaṃ bhūtato apassantassa bhavavibhavadiṭṭhisankhāto idamsaccābhiniveso hotīti tassa dhammā vatthu, sukhavedanāssādavasena paralokanirapekkho “natthi dinnan”ti-ādikaṃ parāmāsaṃ uppādetīti diṭṭhupādānassa vedanā vatthu, santatighanagahaṇavasena sarāgādicitte sammoho hotīti mohāgatiyā cittaṃ vatthu, dhammasabhāvānavabodhena bhayaṃ hotīti bhayāgatiyā dhammā vatthu. Ye panettha avuttā, tesāṃ vuttanayena vatthubhāvo yojetabbo. Tathā hi oghesu vuttanayā eva yogāsave supi yojanā atthato abhinnattā. Tathā paṭhamoghatatiyacatutthaganthayojanāya vuttanayā eva kāyacittadhammānaṃ itarūpādānavatthutā yojanā, tathā kāmoghabyāpādakāyaganthayojanāya vuttanayā eva kāyavedanānaṃ chandadosāgativatthutā yojanā vā.

“Āhārasamudayā kāyasamudayo, phassasamudayā vedanāsamudayo<sup>1</sup>, saṅkhārapaccayā viññānaṃ, viññānapaccayā nāmarūpan”ti<sup>2</sup> vacanato kāyādīnaṃ samudayabhūtā kabalīkārāhārapphassamanosañcetanāviññānāhārā kāyādi pari jānanaṃ pariññātā hontīti āha “**catubbidhāhārapariññatthan**”ti. **Pakaraṇanayoti** nettipakaraṇavasena suttantaṃvaṇṇanāyayo.

**Saraṇavasenā**ti kāyādīnaṃ kusalādidhammānaṃ upadhāraṇavasena. Saranti gacchanti nibbānaṃ etāyāti satīti imasmim atthe ekatte ekasabhāve nibbāne samosaraṇaṃ samāgamo **ekattasamosaraṇaṃ**. Etadeva hi dassetuṃ “**yathā hī**”ti-ādi vuttaṃ. Ekanibbānapavesahetubhūtā vā samānatā eko satipaṭṭhānassa bhāvo ekattaṃ, tattha

1. Saṃ 3. 161 piṭṭhe.

2. Ma 3. 109; Khu 1. 77; Abhi 2. 142 piṭṭhesu.

samosaraṇaṃ taṃsabhāgatā **ekattasamosaraṇaṃ**.

Ekanibbānapavesahetubhāvaṃ pana dassetuṃ “**yathā hī**”ti-ādimāha.

Etasmim atthe saraṇekattasamosaraṇāni saheva satipaṭṭhānekabhāvassa kāraṇatthena vuttānīti daṭṭhabbāni, purimasmiṃ visuṃ. **Saraṇavasenā**ti vā “gamanavasenā”ti atthe sati tadeva gamaṇaṃ samosaraṇanti, samosaraṇe vā sati saddatthavasena avuccamāne dhāraṇatāva satīti satisaddatthantarābhāvā purimaṃ satibhāvassa kāraṇaṃ, pacchimaṃ ekabhāvassāti nibbānasamosaraṇepi sahitāneva tāni satipaṭṭhānekabhāvassa kāraṇāni vuttāni honti. **Cuddasavidhena, navavidhena, soḷasavidhena, pañcavidhenā**ti idaṃ upari pāḷiyam<sup>1</sup> āgatānaṃ ānāpānapabbādīnaṃ vasena vuttaṃ, tesam pana antarabhedavasena tadanugatabhedavasena ca bhāvanāya anekavidhatā labbhatiyeva. Catūsu disāsu uṭṭhānakabhaṇḍasadisatā kāyānupassanāditaṃtāmsatipaṭṭhānabhāvanānubhāvassa daṭṭhabbā.

“Gocare bhikkhave caratha sake pettike visaye”ti-ādivacanato<sup>2</sup> bhikkhugocarā ete dhammā, yadidaṃ kāyānupassanādayo. Tattha yasmā kāyānupassanādipaṭṭipattiyā bhikkhu hoti, tasmā “kāyānupassī viharatī”ti-ādinā bhikkhum dasseti, bhikkhumhi taṃ niyamatoti āha “**paṭipattiyā bhikkhubhāvadassanato**”ti. Satthu cariyānuvidhāyakattā sakalasāsanasampaṭṭigāhakattā ca **sabbappakārāya anusāsaniyā bhājanabhāvo**.

**Samam careyyā**ti kāyādivisamacariyaṃ pahāya kāyādīhi samam careyya. Rāgādivūpasamena **santo**. Indriyadamena **danto**. Catumagganiyāmena **niyato**. Seṭṭhacaritāya **brāhmacārī**. Kāyadaṇḍādi-oropanena **nidhāya daṇḍam**. Ariyabhāve ṭhito **so** evarūpo bāhitapāpasamitapāpabhinnakilesatāhi **brāhmaṇo samaṇo bhikkhūti** ca veditabbo.

“Ayañceva kāyo bahiddhā ca nāmarūpan”ti-ādīsu<sup>3</sup> khandhapañcakaṃ, “sukhañca kāyena paṭisaṃvedetī”ti-ādīsu<sup>4</sup> nāmakāyo kāyoti vuccatīti tato visesanattham “**kāyeti rūpakāye**”ti āha.

1. Ma 1. 70 piṭṭhe.

3. Dī-Ṭī 2. 291 piṭṭhepi.

2. Dī 3. 48; Saṃ 3. 128 piṭṭhesu.

4. Ma 1. 214, 231; Vi 1. 5 piṭṭhesu.

**Asammissatoti** “vedanādayopi ettha sitā ettha paṭibaddhā”ti kāye vedanādi-anupassanāpasaṅgepi āpanne tato asammissatoti attho. Samūhavisayatāya cassa kāya-saddassa samudāyupādānatāya ca asubhākārassa “kāye”ti ekavacanam, tathā ārammaṇādivibhāgena anekabhedabhinnampi cittaṃ cittabhāvasāmaññaena ekajjham gahetvā “citte”ti ekavacanam, vedanā pana sukhādibhedabhinnā visum visum anupassitabbāti dassentena “vedanāsū”ti bahuvacanena vuttā, tatheva ca niddeso pavattito, dhammā ca paropaṇṇāsabhedā anupassitabbākārena ca anekabhedā evāti tepi bahuvacanavaseneva vuttā.

Avayavīgāhasamaññātidhāvanasārādānābhini vesanisedhanattham kāyam āṅgapaccaṅgehi, tāni ca kesādīhi, kesādike ca bhūtopādāyarūpehi vinibbhujjanto “**tathā na kāye**”ti-ādimāha. Pāsādādinagarāvayavasamūhe avayavīvādinopi avayavīgāham na karonti, nagaram nāma koci attho atthīti pana kesañci samaññātidhāvanam siyāti itthipurisādisamaññātidhāvane nagaranidassanam vuttam. Āṅgapaccāṅgasamūho kesalomādisamūho bhūtopādāyasamūho ca yathāvuttasamūhe, tabbinimutto kāyopi nāma koci natthi, pageva itthi-ādayoti āha “**kāyo vā -pa- dissatī**”ti. **Koci dhammoti** iminā sattaṅgāyāni paṭikkhipati, avayavī pana kāyapaṭikkhepeneva paṭikkhittoti. Yadi evam katham kāyādisaṅgābhiddhānānīti āha “**yathāvutta -pa- karontī**”ti.

**Yam passati** itthim purisam vā. Nanu cakkhunā itthipurisadassanam natthīti? Saccametam, “itthim passāmi, purisam passāmi”ti pana pavattasaññāya vasena “yam passatī”ti vuttam. Micchādassanena vā diṭṭhiyā **yam passati, na tam diṭṭham, tam** rūpāyatanam na hotīti attho viparīttaggāhasena micchāparikappitarūpattā. Atha vā tam kesādibhūtopādāyasamūhasaṅkhātam diṭṭham na hoti acakkhuvīññāyavīññeyyattā, diṭṭham vā tam na hoti. **Yam diṭṭham tam na passatī**ti yam rūpāyatanam kesādibhūtopādāyasamūhasaṅkhātam diṭṭham, tam paññācakkhunā bhūtaṃ na passatīti attho. **Apassam bajjhateti** imam attabhāvam yathābhūtam paññācakkhunā apassanto “etaṃ mama, eso hamasmī, eso me attā”ti kilesabandhanena bajjhati.

Na aññadhammānupassīti na aññasabhāvānupassī, asubhādito aññākārānupassī na hotīti attho. **Kim vuttaṃ hotīti**-ādinā tamevatthaṃ pākaṭaṃ karoti. **Pathavīkāyanti** kesādikoṭṭhāsapathaviṃ dhammasamūhattā “kāyo”ti vadati, lakkhaṇapathavimeva vā anekappabhedāṃ sakalasarīragataṃ pubbāriyabhāvena ca pavattamānaṃ samūhavasena gahetvā “kāyo”ti vadati. **Āpokāyanti**-ādīsipi eseva nayo.

**Evam gahetabbassāti** “ayaṃ maman”ti evaṃ attattaniyabhāvena andhabālehi gahetabbassa. Idāni sattannaṃ anupassanākārānampi vasena kāyānupassanaṃ dassetuṃ “**apicā**”ti-ādi āradham. Tatha **aniccato anupassatīti** catusamuṭṭhānikakāyaṃ “aniccan”ti anupassati, evaṃ passanto evaṃ cassa aniccākārānampi anupassatīti vuccati. Tathābhūtassa cassa niccagāhassa lesopi na hotīti vuttaṃ “**no niccato**”ti. Tathāhesa “niccasaññaṃ pajahatī”ti<sup>1</sup> vutto. Ettha ca “aniccato eva anupassatī”ti eva-kāro luttaniddiṭṭhoti tena nivattitamatthaṃ dassetuṃ “**no niccato**”ti vuttaṃ. Na cettha dukkhato anupassanādinivattanamāsaṅkitabbaṃ paṭiyogīnivattanaparattā eva-kārassa, uparidesanāruḷhattā ca tāsāṃ.

**Dukkhato anupassatīti**-ādīsipi eseva nayo. Ayaṃ pana viseso—aniccassa dukkhattā tameva kāyaṃ dukkhato anupassati, dukkhassa anattattā **anattato anupassati**. Yasmā pana yaṃ aniccaṃ dukkhaṃ anattā, taṃ anabhinanditabbaṃ, na tattha rajjitabbaṃ tasmā vuttaṃ “**nibbindati no nandati virajjati no rajjati**”ti. So evaṃ arajjanto rāgaṃ **nirodheti no samudeti**, samudayaṃ na karotīti attho. Evaṃ paṭipanno ca **paṭinissajjati no ādiyati**. Ayañhi aniccādi-anupassanā tadaṅgavasena saddhiṃ kāyatannissayakhandhābhisaṅkhārehi kilesānaṃ pariccajanato, saṅkhatadosadassanena tabbiparīte nibbāne tanninnatāya pakkhandanato “pariccāgapaṭinissaggo ceva pakkhandanapaṭinissaggo cā”ti vuccati, tasmā tāya samannāgato bhikkhu vuttanayena kilese ca pariccajati, nibbāne ca

---

1. Khu 9. 406 piṭṭhe Paṭisambhidāmagge.



pakkhandati, tathābhūto ca nibbattanavasena<sup>1</sup> kilese na ādiyati, nāpi adosadassitāvasena saṅkhatārammaṇaṃ. Tena vuttaṃ “**paṭinissajjati no ādiyati**”ti. Idānissa tāhi anupassanāhi yesaṃ dhammānaṃ pahānaṃ hoti, taṃ dassetuṃ “**so taṃ aniccato anupassanto niccasaññaṃ pajahati**”ti. Tattha **niccasaññanti** “saṅkhārā niccā”ti evaṃ pavattaviparītasaññaṃ. Diṭṭhicittavipallāsapahānamukheneva saññāvipallāsappahānanti saññāgahaṇaṃ, saññāsīsena vā tesampi gahaṇaṃ daṭṭhabbaṃ. **Nandinti** sappītikataṇhaṃ. Sesaṃ vuttanayameva.

**Viharatīti** iminā kāyānupassanāsamaṅgino iriyāpathavihāro vuttoti āha “**iriyati**”ti iriyāpathaṃ pavattetīti attho. Ārammaṇakaraṇavasena abhivyāpanato “**tīsu bhavesū**”ti vuttaṃ, uppajjanavasena pana kilesā parittabhūmakā evāti. Yadi kilesānaṃ pahānaṃ ātāpananti taṃ sammādiṭṭhi-ādīnampi attheva, ātāpa-saddo pana vīriyeyeva niruḥhoti vuttaṃ “**vīriyassetam nāman**”ti. Atha vā paṭipakkhapahāne sampayuttadhammānaṃ abhussahanavasena pavattamānassa vīriyassa sātisaṃyānaṃ tadātāpananti vīriyameva tathā vuccati, na aññe dhammā. **Ātāpīti** cāyamīkāro pasaṃsāya, atisaṃyānaṃ vā dīpakoti ātāpīgahaṇena sammappadhānasamaṅgitaṃ dasseti. Sammā, samantato, sāmañca pajānanto **sampajāno**, asammissato vavatthāne aññadhammānupassitābhāvena sammā aviparītaṃ, sabbākārapajānanena samantato, uparūpari visesāvahabhāvena pavattiyā sayam pajānantoti attho. Yadi paññāya anupassati, kathaṃ satipaṭṭhānatāti āha “**na hī**”ti-ādi. **Sabbatthikanti** sabbattha bhavaṃ sabbattha līne uddhate ca citte icchitabbatā, sabbe vā līne uddhate ca bhāvetabbā bojjaṅgā atthikā etāyāti **sabbatthikā**. Satiyā laddhūpakārāya eva paññāya ettha yathāvutte **kāye** kammaṭṭhāniko bhikkhu **kāyānupassī viharati**. **Antosaṅkhepo** anto olīyano, kosajjanti attho. **Upāyapariggaheti** ettha silavisodhanādi gaṇanādi<sup>2</sup> uggahakosallādi ca **upāyo**, tabbipariyāyato **anupāyo** veditabbo. Yasmā ca upaṭṭhitassati yathāvutta-upāyaṃ na pariccajati, anupāyaṃ na upādiyati, tasmā vuttaṃ “**muṭṭhassati -pa-**

1. Pariccajanavasena (Saṃ-Ṭī 2. 454 piṭṭhe)

2. Gahaṇādi (Ka)

**asamattho hoti**”ti. **Tenāti** upāyānupāyānaṃ pariggahaparivajjanesu apariccāgāpariggahesu ca asamatthabhāvena **assa** yogino.

Yasmā satiyevettha satipaṭṭhānaṃ vuttā, tasmāssa sampayuttā dhammā vīriyādayo aṅgānti āha **“sampayogaṅgañcassa dassetvā”**ti. Aṅga-saddo cettha kāraṇapariyāyo daṭṭhabbo, satiggahaṇeneva cettha samādhissapi gahaṇaṃ daṭṭhabbaṃ tassā samādhikkhandhe saṅgahitattā. Yasmā vā satisīsenāyaṃ desanā. Na hi kevalāya satiyā kilesappahānaṃ hoti, nibbānādhigamo vā, na ca kevalā sati pavattati, tasmāssa jhānadesanāyaṃ savitakkādivacanassa viya sampayogaṅgadassanatāti aṅga-saddassa avayavapariyāyatā daṭṭhabbā. **Pahānaṅgānti** “vivicceva kāmehī”ti-ādīsu<sup>1</sup> viya pahātabbaṅgaṃ dassetuṃ. Yasmā ettha lokiyamaggo adhippeto, na lokuttaramaggo, tasmā pubbabhāgiyameva vinayaṃ dassento **“tadaṅgavinayena vā vikkhambhanavinayena vā”**ti āha. **Tesaṃ dhammānanti** vedanādidhammānaṃ. Tesaṃ hi tattha anadhippetattā **“atthuddhāranayentaṃ vuttan”**ti vuttam.

Avisesena dvīhipi nīvaraṇappahānaṃ vuttanti katvā puna ekekena vuttam pahānavisesaṃ dassetuṃ **“visesenā”**ti āha. Atha vā “vineyya nīvaraṇānī”ti avatvā abhijjhādomanassavacanassa payojanaṃ dassento **“visesenā”**ti-ādimāha. Kāyānupassanā bhāvanāya hi ujuvipaccanīkānaṃ anurodhādīnaṃ pahānaṃ dassanaṃ etassa payojananti. **Kāyasampattimūlakassāti** rūpabalayobbanārogyādisarīrasampadānimittassa. Vuttavipariyāyato **kāyavipattimūlako virodho** vedītabbo. **Kāyabhāvanāyāti** kāyānupassanābhāvanāya. Sā hi idha **“kāyabhāvanā”**ti adhippetā. **Tenāti** anurodhādippahānavacanena. **Yogānubhāvo hīti**-ādi vuttassevattassa pākaṭakaraṇaṃ.

**Satisampajaññenāti** satisampajaññaggahaṇena. **Sabbatthikakammaṭṭhānanti** buddhānussati mettā maraṇassati asubhabhāvanā ca. Idaṃ hi catukkaṃ yoginā parihariyamānaṃ **“sabbatthikakammaṭṭhānan”**ti vuccati satisampajaññabalena avicchinna tassa pariharitabbattā, **satiyā vā samatho vutto** tassā samādhikkhandhena saṅgahitattā.

1. Dī 1. 69; Ma 1. 214, 231; Saṃ 1. 412; Aṃ 1. 441; Vi 1. 5 piṭṭhesu.

**Tenā**ti saddatthaṃ anādiyitvā bhāvatthasseva vibhajanavasena pavattena vibhaṅgapāṭhena<sup>1</sup> saha. **Aṭṭhakathānayo**ti saddatthassapī vivaraṇavasena yathārahaṃ vutto atthasaṃvaṇṇanānayo. **Yathā saṃsandatī**ti yathā atthato adhippāyato ca avilomento aññadatthu saṃsandatī sameti, evaṃ veditabbo.

**Vedanādīnaṃ puna vacaneti** ettha nissayapaccayabhāvavasena cittadhammānaṃ vedanāsannissitattā pañcavokārabhave arūpadhammānaṃ rūpapaṭibaddhavuttito ca vedanāya kāyādi-anupassanāpasaṅgepi āpanne tadasammissato vavatthānadassanatthaṃ ghanavinibbhogādīdassanatthañca dutiyavedanāgahaṇaṃ. Tena na vedanāyaṃ kāyānupassī, cittadhammānupassī vā, atha kho vedanānupassīyevāti vedanāsankhāte vatthusmiṃ vedanānupassanākārasseva dassanena asammissato vavatthānaṃ dassitaṃ hoti. Tathā “yasmiṃ samaye sukhā vedanā, na tasmīṃ samaye dukkhā adukkhamasukhā vā vedanā. Yasmiṃ vā pana samaye dukkhā adukkhamasukhā vā vedanā, na tasmīṃ samaye itarā vedanā”ti vedanābhāvasāmaññe aṭṭhatvā taṃ taṃ vedanaṃ vinibbhujitvā dassanena ghanavinibbhogo dhuvabhāvaviveko dassito hoti. Tena tāsāṃ khaṇamattāvaṭṭhānadassanena aniccatāya tato eva dukkhatāya anattatāya ca dassanaṃ vibhāvitaṃ hoti. **Ghanavinibbhogādīti ādi-**saddena ayampi atthoveditabbo. Ayaṃ hi vedanāyaṃ vedanānupassīyeva, na aññadharmānupassī. Kiṃ vuttaṃ hoti—yathā nāma bālo amaṇisabhāvepi udakabubbulaḷake maṇi-ākārānupassī hoti, na evamayāṃ ṭhitiramaṇīyepi vedayite, pageva itarasmiṃ manuññākārānupassī, atha kho khaṇabhaṅguratāya avasavattitāya kilesāsucipaggharaṇatāya ca anicca-anatta-asubhākārānupassī, vipariṇāmadukkhatāya saṅkhāradukkhatāya ca visesato dukkhānupassīyevāti vuttaṃ hoti. Evaṃ cittadhammesupi yathārahaṃ puna vacane payojanaṃ vattabbaṃ. **“Kevalaṃ panidhā”**ti-ādīnā idha “ettakaṃ veditabbaṃ”ti veditabbaparicchedaṃ dasseti. **Esa nayoti** iminā yathā cittaṃ dhammā ca anupassitabbā, tathā tāni anupassanto “citte cittaṇupassī, dhammesu dhammānupassī”ti veditabboti imamatthaṃ atidisati.

---

1. Abhi 2. 201 piṭṭhe.

Yo sukhaṃ dukkhato addāti yo bhikkhu sukhavedanaṃ vipariṇāmadukkhataṃ “dukkhaṃ”ti paññācakkhunā addakkhi. **Dukkhamaḍḍakkhi sallatoti** dukkhavedanaṃ pīḷājananato antotudanato dunnīharaṇato ca sallanti addakkhi passi. **Adukkhamasukhanti** upekkhāvedanaṃ. **Santanti** sukhadukkhāni viya anolārikatāya paccayavasena vūpasantasabhāvatāya ca santaṃ. **Aniccatoti** hutvā abhāvato udayabbayavantato tāvakālikato niccapaṭikkhepato ca “aniccaṃ”ti yo addakkhi. **Sa ve sammaddaso bhikkhu** ekamsena paribhayaṃ vā vedanāya sammā passanakoti attho.

**Dukkhātipīti** saṅkhāradukkhataṃ dukkhā itipi. **Sabbaṃ taṃ dukkhasminti** sabbaṃ taṃ vedayitaṃ dukkhasmiṃ antogadhaṃ pariyaṇānaṃ vadāmi saṅkhāradukkhataṃ nativattanato. **Sukhadukkhato pi cāti** sukhādīnaṃ thitvipariṇāmaññāṇasukhatāya vipariṇāmaṭṭhiti-aññāṇadukkhataṃ ca vuttatā tissopi sukhato, tissopi ca dukkhato anupassitabbāti attho. Rūpādi-**ārammaṇa**chandaḍḍi-**adhipati**ñāṇādisahajātakāmaṃ vacarādi**bhūmi**nānattabhedānaṃ kusalākusalatāmaṃ vipākakiriyānānattādibhedānaṃ, ādi-saddena saṅkhārikāsaṅkhārikasavattukāvattukādinānattabhedānaṃ vasenāti yo jetabbaṃ. **Suññatadhammassāti** “dhammā hontī”ti-ādinā<sup>1</sup> suññatavāre āgatasuññatasabhāvasa vasena. **“Kāmañcettā”**ti-ādinā pubbe pahīnattā puna pahīnaṃ na vattabbanti codanaṃ dasseti, maggacittakkhaṇe vā ekattha pahīnaṃ sabbattha pahīnameva hotīti visum visum na vattabbanti. Tattha purimāya codanāya nānāpuggalaparīhāro, pacchimāya nānācittakkhaṇikaparīhāro. Lokiyabhāvanāya hi kāye pahīnaṃ na vedanādīsu pahīnaṃ hoti. Yadi pi na pavatteyya, na paṭipakkhabhāvanāya tattha sā abhijjhādomanassassa appavatti hotīti puna tappahānaṃ vattabbamevāti. **Ekattha pahīnaṃ sesesupi pahīnaṃ hotīti** maggasatipaṭṭhānabhāvanāya, lokiyabhāvanāya vā sabbattha appavattimattaṃ sandhāya vuttaṃ. “Pañcapi khandhā loko”ti hi vibhaṅge<sup>2</sup> catūsopi thānesu vuttanti.

Uddesavāraṇaṇanāya līnatthappakāsanā samattā.

1. Abhi 1. 35 piṭṭhe.

2. Abhi 2. 202, 204, 206, 210 piṭṭhesu.

## Kāyānupassanā

## Ānāpānappabbavaṇṇanā

107. Bāhirakesupi ito ekadesassa sambhavato sabbappakāraggahaṇaṃ kataṃ “**sabbappakārakāyānupassanānibbattakassā**”ti. Tena ye ime ānāpānappabbādivasena āgatā cuddasappakārā, tadantogadhā ca ajjhattādi-anupassanā pakārā, tathā **kāyagatāsatisutte**<sup>1</sup> vuttā kesādivaṇṇasaṅṭhānakasiṅṅārammaṇacatukkajjhānappakārā, lokiyādippakārā ca, te sabbepi anavasesato saṅgaṇhāti. Ime ca pakārā imasmiṃ yeva sāsane, na ito bahiddhāti vuttaṃ “**sabbappakāra -pa- paṭisedhano cā**”ti. Tattha **tathābhāvapaṭisedhanoti** sabbappakārakāyānupassanānibbattakassa puggalassa aññasāsanassa nissayabhāvapaṭisedhano. Etena “idha bhikkhave”ti ettha idha-saddo antogadha-evasaddatthoti dasseti. Santi hi ekapadānīpi sāvadhāraṇāni yathā “vāyubhakkho”ti<sup>2</sup>. Tenāha “**idheva samaṇo**”ti-ādi. Paripuṇṇasamaṇakaraṇadhammo hi so, yo sabbappakārakāyānupassanānibbattako. **Parappavādāti** paresaṃ aññatitthiyānaṃ nānappakārā vādā titthāyatanāni.

Araññādikasseva bhāvanānurūpasenāsanataṃ dassetuṃ “**imassa hi**”ti-ādi vuttaṃ. Duddamo damathaṃ anupagato goṇo **kūṭagoṇo**. Dohanakāle yathā thanehi anavasesato khīraṃ na paggharati, evaṃ dohapaṭibandhinī **kūṭadhenu**. Rūpasaddādike paṭicca uppajjanaka-assādo **rūpārammaṇādiraso**. **Pubbe āciṅṇārammaṇanti** pabbajjāto pubbe, anādimati vā saṃsāre paricitārammaṇaṃ.

**Nibandheyyāti** bandheyya. **Satiyāti** sammadeva kammaṭṭhānassa sallakkhaṇavasena pavattāya satiyā. **Ārammaṇeti** kammaṭṭhānārammaṇe. **Dalhani** thiraṃ, yathā satokāriṣṣa upacārappanābhedo samādhi ijjhati, tathā thāmagataṃ katvāti attho.

**Visesādhigamadiṭṭhadhammasukhavihārapadaṭṭhānanti** sabbesaṃ buddhānaṃ, ekaccānaṃ paccekabuddhānaṃ, buddhasāvakaṇāṇca visesādhigamassa, aññena kammaṭṭhānena

---

1. Ma 3. 132 piṭṭhe.

2. Dī-Ṭī 2. 299 piṭṭhepi.

adhigatavisesānaṃ diṭṭhadhammasukhavihārassa ca padaṭṭhānabhūtaṃ.  
**Vatthuvijjācariyo viya bhagavā** yogīnaṃ anurūpanivāsaṭṭhānupadisaṇato.  
**Bhikkhu dīpisaḍisa** araṇṇe ekākī viharitvā paṭipakkhanimmathanena  
 icchitattasādhanaṇato. **Phalamuttamanti** sāmāññaphalaṃ sandhāyāha.  
**Parakkamajavayoggabhūminti** bhāvanussāhajavassa  
 yoggakaraṇabhūmibhūtaṃ.

**Assāsapassāsānaṃ vasena sikkhatoti** assāsapassāsānaṃ  
 dīgharassatāpajānanasabbakāyapaṭisaṃvedana-  
 oḷārikoḷārikapaṭippassambhanavasena bhāvanānuyogaṃ sikkhato, tathābhūto  
 vā hutvā tisso sikkhā pavattayato. **Assāsapassāsanimitteti**  
 assāsapassāsasannissayena upaṭṭhitapaṭibhāganimitte. **Assāsapassāse**  
**pariggaṇhāti** rūpamukhena vipassanaṃ abhinivisaṇto, yo  
 “assāsapassāsakammiko”ti vutto. **Jhānaṅgāni pariggaṇhāti** arūpamukhena  
 vipassanaṃ abhinivisaṇto. **Vatthu nāma karajakāyo** cittacetasaḱkānaṃ  
 pavattiṭṭhānabhāvato. **Añño satto vā puggalo vā natthīti** visuddhadiṭṭhi  
 “tayidaṃ dhammamattaṃ na ahetukaṃ, nāpi issarādivisaṃmahetukaṃ, atha  
 kho avijjādīhi eva sahetukaṃ”ti addhattayepi kaṅkhāvitarāṇena  
**vitīṇṇakaṅkho** “yaṃ kiṅci rūpaṇ”ti-ādinā<sup>1</sup> kalāpasammasanaṇavasena  
**tilakkhaṇaṇaṃ āropetvā** udayabbayānupassanādivasena **vipassanaṃ vaḍḍhento**  
**anukkamena** maggapaṭipāṭiyā.

**Parassa vā assāsapassāsakāyeti** idaṃ sammasanaṇacāravasaṇāyaṃ pāḷi  
 pavattāti katvā vuttaṃ, samathavasena pana parassa assāsapassāsakāye  
 appanānimittuppatti eva natthīti. **Idaṃ ubhayaṃ na labbhatīti** “ajjhattaṃ,  
 bahiddhā”ti ca vuttaṃ idaṃ dhammadvayaghaṭitaṃ ekato ārammaṇabhāvena  
 na labbhati.

Samudeti etasmāti samudayo, so eva kāraṇaṭṭhena dhammoti  
 samudayadhammo assāsapassāsānaṃ pavattihetukarajakāyādi. Tassa  
 anupassanaṇaṇaṇo **samudayadhammānupassī**. Taṃ pana samudayadhammaṃ  
 upamāamukhena dassento “**yathā nāmā**”ti-ādimāha. Tattha **bhastanti** ruttim.  
**Gaggaraṇāḷinti** ukkāpanāḷim. **Teti** karajakāyādike. Yathā assāsapassāsakāyo  
 karajakāyādisambandhī phalabhāvena, evaṃ tepi  
 assāsapassāsakāyasambandhino hetubhāvenāti “samudayadhammā  
 kāyasmin”ti

1. Ma 1. 297; Ma 2. 84; Ma 3. 67; Am 1. 491; Khu 9. 51 piṭṭhesu.

vattabbataṃ labhantīti vuttaṃ “**samudaya -pa- vuccatī**”ti. Pakativācī vā **dhamma**-saddo “jātidhammānan”ti-ādisu<sup>1</sup> viyāti kāyassa paccayasamavāye uppajjanapakatikānupassī “samudayadhammānupassī”ti vutto. Tenāha “**karajakāyañcā**”ti-ādi. Evañca katvā **kāyasminti** bhummavacanañca samatthitaṃ hoti. **Vayadhammānupassīti** ettha ahetukattepi vināsassa yesaṃ hetudhammānaṃ abhāve yaṃ na hoti, tadabhāvo tassa abhāvassa hetu viya voharīyatīti upacārato karajakāyādi-abhāvo assāsapassāsakāyassa vayakāraṇaṃ vutto. Tenāha “**yathā bhastāyā**”ti-ādi. Ayaṃ tāvettha paṭhamavikappavasena atthavibhāvanā. Dutiyavikappavasena pana upacārena vināyeva attho veditabbo. Ajjhatabhiddhānupassanā viya bhinnavatthuisayatāya samudayavayadhammānupassanāti ekakāle na labbhatīti āha “**kālena samudayaṃ kālena vayaṃ anupassanto**”ti.

**Atthi kāyoti** eva-saddo luttaniddiṭṭhoti “**kāyova atthī**”ti vatvā avadhāraṇena nivattitaṃ dassento “**na satto**”ti-ādimāha. Tassattho—yo rūpādīsu sattavisattatāya, pasesaṇca sajjāpanatṭhena, satvagunayogato vā “**satto**”ti parehi parikappito, tassa sattanikāyassa pūraṇato ca cavanupapajjanadhammatāya galanato ca “**puggalo**”ti, thīyati saṃhaññati ettha gabbhoti “**itthī**”ti, puripure bhāge seti pavattatīti “**puriso**”ti, āhito ahammāno etthāti “**attā**”ti, attano santakabhāvena “**attaniyan**”ti, paro na hotīti katvā “**ahan**”ti, mama santakanti katvā “**maman**”ti, vuttappakāravanimutto aññoti katvā “**koci**”ti, tassa santakabhāvena “**kassaci**”ti parikappetabbo koci natthi, kevalaṃ kāyo eva atthīti attattaniyasuññatameva kāyassa vibhāveti. **Evanti** “kāyova atthī”ti-ādinā vuttappakārena. **Ñāṇapamāṇatthāyāti** kāyānupassanāñāṇaparaṃ pamāṇaṃ pāpanatthāya. **Satipamāṇatthāyāti** kāyapariggāhikasatipavattaṃ satiparaṃ pamāṇaṃ pāpanatthāya. Imassa hi vuttanayena “atthi kāyo”ti aparāparuppattivasena paccupaṭṭhitā sati bhīyyoso mattāya tattha ñāṇassa satiyā ca paribrūhanāya hoti. Tenāha “**satisampajaññānaṃ vaḍḍhatthāyā**”ti.

---

1. Ma 1. 84; Ma 3. 293; Khu 9. 38 piṭṭhesu.

Imissā bhāvanāya taṇhādiṭṭhigāhānaṃ ujupaṭipakkhattā vuttaṃ “**taṇhā -pa- viharatī**”ti. Tathābhūto ca loke kiñci “ahan”ti vā “maman”ti vā gahetabbaṃ na passati, kuto gaṇheyya. Tenāha “**na ca kiñci**”ti-ādi. **Evampīti** ettha **pi-saddo** heṭṭhā niddiṭṭhassa tādisassa atthassa abhāvato avuttasamuccayatthoti dassento “**upari atthaṃ upādāyā**”ti āha. “**Evan**”ti pana niddiṭṭhākārassa paccāmasanaṃ nigamanavasena katanti āha “**iminā pana -pa- dasseti**”ti. Pubbabhāgasatipaṭṭhānassa idhādhippetattā vuttaṃ “**sati dukkhasaccan**”ti. Sā pana sati yasmim attabhāve, tassa samuṭṭhāpikā taṇhā tassāpi samuṭṭhāpikā eva nāma hoti tadabhāve abhāvato āha “**tassā samuṭṭhāpikā purimataṇhā**”ti. **Appavattīti** appavattinimittam, na pavattati etthāti vā **appavatti**. **Catusaccavasenāti** catusaccakammaṭṭhānavasena. **Ussakkivāti** visuddhiparamparāya āruhitvā, bhāvanam upari netvāti attho. **Niyānamukhanti** vaṭṭadukkhato nissaraṇūpāyo.

Ānāpānappabbavaṇṇanā niṭṭhitā.

### Iriyāpathapabbavaṇṇanā

108. **Iriyāpathavasenāti** iriyanaṃ iriyā, kiriyā, idha pana kāyikapayogo veditabbo. Iriyānaṃ patho pavattimaggoti iriyāpatho, gamanādisarīrāvattā. Gacchanto vā hi satto kāyena kattabbakiriyam kareyya ṭhito vā nisinnō vā nipanno vāti. Tesam vasena, iriyāpathavibhāgenāti attho. **Puna caparanti** puna ca aparaṃ, yathāvutta-ānāpānakammaṭṭhānato bhiiyopi aññaṃ kāyānupassanākammaṭṭhānaṃ kathemi, suṇāthāti vā adhippāyo. **Gacchanto vāti**-ādi gamanādimattajānanassa gamanādigatavisesajānanassa ca sādharmaṇavacanam. Tattha gamanādimattajānanam idha nādhippetam, gamanādigatavisesajānanam pana adhippetanti tam vibhajitvā dassetum “**tattha kāman**”ti-ādi vuttaṃ. **Sattūpaladdhinti** satto atthāti upaladdhim sattaggāham **na jahati** na pariccajati “aham gacchāmi, mama gamanam”ti gāhasabbhāvato. Tato eva **attasaññaṃ** “atthi attā kārako vedako”ti evam pavattam viparītasaññaṃ **na**



**uggahāṭeti** nāpaneti apaṭipakkhabhāvato, ananubrūhanato vā. Evambhūtaṣṣa cassa kuto kammaṭṭhānādibhāvoti āha “**kammaṭṭhānaṃ vā satipaṭṭhānabhāvanā vā na hoti**”ti. **Imassa panāti**-ādisukkapakkhassa vuttavipariyāyena attho veditabbo. Tameva hi atthaṃ vivarituṃ “**idaṃ hi**”ti-ādi vuttaṃ. Tattha **ko gacchatīti** gamanakiriyāya kattupucchā, sā kattubhāvavasiṭṭha-attapaṭikkhepatthā dhammamattasseva gamanasiddhidassanato. **Kassa gamananti** akattutāvisiṭṭha-attaggāhapaṭikkhepatthā. **Kim kāraṇāti** pana paṭikkhattakattukāya gamanakiriyāya aviparītakāraṇapucchā “gamananti attā manasā saṃyujjati, mano indriyehi, indriyāni attehi”ti evamādigamanakāraṇapaṭikkhepanato. Tenāha “**tatthā**”ti-ādi.

**Na koci satto vā puggalo vā gacchati** dhammamattasseva gamanasiddhito tabbinimuttassa ca kassaci abhāvato. Idāni dhammamattasseva gamanasiddhiṃ dassetuṃ “**cittakiriyavāyodhātuvipphārenā**”ti-ādi vuttaṃ. Tattha cittakiriyā ca sā vāyodhātuyā vipphāro vipphandanañcāti **cittakiriyavāyodhātuvipphāro**, tena. Ettha ca cittakiriyaggahaṇena anindriyabaddhavāyodhātuvipphāraṃ nivatteti, vāyodhātuvipphāraggahaṇena cetanāvaciññattibhedam cittakiriyam nivatteti, ubhayena pana kāyaviññattim vibhāveti. “**Gacchatī**”ti vatvā yathā pavattamāne kāye “gacchatī”ti vohāro hoti, tam dassetuṃ “**tasmā**”ti-ādi vuttaṃ. **Tanti** gantukāmatāvasena pavattacittam. **Vāyam janetīti** vāyodhātu-adhikam rūpakalāpam janeti, adhikatā cettha sāmattiyato, na pamāṇato. Gamanacittasamuṭṭhitam saha-jātarūpakāyassa thambhanasandhāraṇacalanānam paccayabhūtena ākāravisesena pavattamānam vāyodhātuṃ sandhāyāha “**vāyo viññattim janetī**”ti. Adhippāyasahabhāvī hi vikāro viññatti, yathāvutta-adhikabhāveneva ca vāyogahaṇam, na vāyodhātuyā eva janakabhāvato, aññathā viññattiyā upādāyarūpabhāvo durupapādo siyā. **Purato abhinīhāro** puratobhāgena kāyassa pavattanam, yo “abhikkamo”ti vuccati.

“**Eseva nayo**”ti atidesavasena saṅkhepato vatvā tamevattham vivarituṃ “**tatrāpi hi**”ti-ādi vuttaṃ. **Koṭito paṭṭhāyāti** heṭṭhimakoṭito paṭṭhāya. **Ussitabhāvoti** ubbidhabhāvo.

**Evam pajānatoti** evaṃ cittakiriyavāyodhātuvipphāreneva gamanādibhāvo hotīti pajānato tassa evaṃ pajānanāya nicchayagamanattham **“evam hoti”**ti vicāraṇā **vuccati** loke yathābhūtam ajānantehi micchābhinivesavasena, lokavohārasena vā. **Atthi panāti** attano eva vīmaṃsanavasena pucchāvacaṇam. **Natthīti** nicchayavasena sattassa paṭikkhepavacaṇam. **Yathā panāti**-ādi tassevatthassa upamāya vibhāvaṇam.

**Nāvā mālutavegenāti yathā** acetanā nāvā vātavegena desantaram **yāti**, **yathā** ca acetano **tejanam** kaṇḍo **jiyāvegena** desantaram **yāti**, **tathā** acetano **kāyo vātāhato** yathāvuttavāyunā nīto desantaram **yātīti** evam upamāsaṃsandanam veditabbam. Sace pana koci vadeyya “yathā nāvāya tejanassa ca pellakassa purisassa vasena desantaragamanam, evam kāyassāpī”ti, hotu, evam icchitovāyamatto. Yathā hi nāvā tejanānam saṃhatalakkhaṇasseva purisassa vasena gamanam, na asaṃhatalakkhaṇassa, evam kāyassāpīti kā no hāni, bhiyyopi dhammamattatāva patiṭṭham labhati, na purisavādo. Tenāha **“yantam suttavasena”**ti-ādi.

Tattha **payuttanti** heṭṭhā vuttanayena gamanādikiriyāvasena payojitam. **Ṭhātīti** tiṭṭhati. **Etthāti** imasmim loke. **Vinā hetupaccayeti** gantukāmatācittataṃsamuṭṭhānavāyodhātu-ādihetupaccayehi vinā. **Tiṭṭheti** tiṭṭheyya. **Vajeti** vajeyya gaccheyya ko nāmāti sambandho. Paṭikkhepattho cetha **kim**-saddoti hetupaccayavirahena ṭhānagamanapaṭikkhepamukhena sabbāyapi dhammapavattiyā paccayādhīnavuttitāvibhāvanena attasuññatā viya aniccadukkhatapi vibhāvitāti daṭṭhabbā.

**Paṇihitoti** yathā yathā paccayehi pakārato nihito ṭhapito. **Sabbasaṅgāhikavacaṇanti** sabbesaṃ catunnampi iriyāpathānam saṅgaṇhanavacaṇam, pubbe visuṃ visuṃ iriyāpathānam vuttattā idam tesam ekajjham gahetvā vacaṇanti attho. Purimanayo vā iriyāpathappadhāno vuttoti tattha kāyo appadhāno anunipphādīti idha kāyam padhānam appadhānaṅca iriyāpatham anunipphādam katvā dassetuṃ dutiyanayo vuttoti evampettha dvinnam nayānam viseso veditabbo. **Ṭhitoti** pavatto.

Iriyāpathapariggaṇhanampi iriyāpathavato kāyasseva pariggaṇhanam tassa avatthāvisesabhāvatoti vuttam **“iriyāpathapariggahaṇena kāye kāyānupassī viharatī”**ti. Tenevettha rūpakkhandhavaseneva samudayādayo uddhaṭā. Esa nayo sesavāresupi. **Ādināti** ettha **ādi**-saddena yathā **“taṇhāsamudayā kammamudayā āhārasamudayā”**ti nibbatilakkhaṇam passantopi rūpakkhandhassa udayam passatīti ime cattāro āhārā saṅgayhanti, evam **“avijjānirodhā rūpanirodhā”**ti-ādayopi pañca ākārā saṅgahitāti daṭṭhabbā. Sesam vuttanayameva.

Iriyāpathapabbavaṇṇanā niṭṭhitā.

### Catusampajaññapabbavaṇṇanā

109. **Catusampajaññavasenā**<sup>1</sup> samantato pakārehi, pakaṭṭham vā savisesam jānātīti sampajāno, sampajānassa bhāvo sampajaññam, tathāpavattam ñāṇam. Cattāri sampajaññāni samāhaṭāni **catusampajaññam**, tassa vasena. Abhikkamanam **abhikkantanti** āha **“abhikkantam vuccati gamanam”**ti. Tathā paṭikkamanam **paṭikkantanti** āha **“paṭikkantam vuccati nivattanam”**ti. **Nivattananti** ca nivattimattam, nivattitvā pana gamanam gamanameva. **Abhiharantoti** gamanavasena kāyam upanento.

Sammā pajānanam sampajānam, tena attanā kātabbassa karaṇasīlo **sampajānakārī**ti āha **“sampajaññena sabbakiccakārī”**ti. Sampajānasaddassa sampajaññapariyāyatā pubbe vuttāyeva. **Sampajaññam karotevā**ti abhikkantādīsu asammoham uppādeti eva. Sampajānassa vā kāro etassa atthīti **sampajānakārī**. Dhammato vaḍḍhisāṅkhātena saha atthena pavattatīti sātthakam, abhikkantādi. Sātthakassa sampajānanam **sātthakasampajaññam**. Sappāyassa attano upakārāvahassa hitassa sampajānanam **sappāyasampajaññam**. Abhikkamādīsu bhikkhācāragocare, aññatthāpi ca pavattesu avijahite kammaṭṭhānasaṅkhāte gocare sampajaññam **gocarasampajaññam**. Abhikkamādīsu asammuyhanameva sampajaññam **asammohasampajaññam**. **Pariggaṇhitvā**ti paṭisaṅkhāya.

1. Dī-Ṭī 1. 242; Sam-Ṭī 2. 457; Sī-Ṭī Abhinava 2. 81 piṭṭhādīsupi passitabbam.

**Tasminti** sātthakasampajaññavasena pariggahita-atthe. Attho nāma dhammato vaḍḍhīti yaṃ sātthakanti adhippetam̐ gamanam̐, tam̐ sappāyamevāti siyā kassaci āsaṅkāti tannivattanattham̐ “**cetiya**dassanam̐ **tāvā**”ti-ādi āraddham̐. **Cittakammarūpakāni** viyāti cittakammakatapaṭimāyo viya, yantapayogena vā vicittakammaṭimāyo viya. **Asamapekkhanam̐** gehasita-aññāṇupekkhāvasena ārammaṇassa ayoniso gahaṇam̐. Yaṃ sandhāya vuttam̐ “cakkhunā rūpaṃ disvā uppajjati upekkhā bālassa mūlhasa puthujjanassā”ti-ādi<sup>1</sup>. Hatthi-ādisammaddena **jīvitantarāyo**, visabhāgarūpadassanādinā **brahmacariyantarāyo**.

Pabbajitadivasato paṭṭhāya bhikkhūnam̐ anuvattanakathā āciṇṇā, ananuvattanakathā pana tassā dutiyā nāma hotīti āha “**dve kathā nāma na kathitapubbā**”ti.

**Evanti** “sace panā”ti-ādikaṃ sabbampi vuttākāram̐ paccāmasati, na “purisassa mātugāmāsubhan”ti-ādikaṃ vuccamānam̐. Yogakammassa pavattiṭṭhānatāya bhāvanāya ārammaṇam̐ kammaṭṭhānanti vuccatīti āha “**kammaṭṭhānasāṅkhātāṃ gocaran**”ti. **Uggahetvā**ti yathā uggahanimittam̐ uppajjati, evaṃ uggahakosallassa sampādanavasena uggahetvā. **Haratīti** kammaṭṭhānam̐ pavatteti, yāva piṇḍapāṭapaṭikkamā anuyuñjatīti attho. **Na paccāharatīti** āhārūpabhogato<sup>2</sup> yāva divāṭṭhānupasaṅkamanā kammaṭṭhānam̐ na paṭineti.

**Sarīraparikammanti** mukhadhovanādisarīrapaṭijagganam̐. **Dve tayo pallaṅketi** dve tayo nisajjāvāre, dve tīṇi uṇhāsanāni. Tenāha “**usumam̐ gāhāpento**”ti. **Kammaṭṭhānasīsenevā**ti kammaṭṭhānaggeneva<sup>3</sup>, kammaṭṭhānam̐ padhānam̐ katvā evāti attho. Tena “pattopi acetano”ti-ādinā<sup>4</sup> vakkhamānam̐ kammaṭṭhānam̐, yathāparihariyamānam̐ vā avijahitvāti dasseti. “Paribhogacetiyaṃ sarīracetiyaṃ garutaran”ti katvā “**cetiyaṃ vanditvā**”ti pubbakālakiriyāvasena vuttam̐. Tathā hi **aṭṭhakathāyam**<sup>5</sup> “cetiyaṃ bādhayamānā bodhisākhā haritabbā”ti vuttā.

1. Ma 3. 261 piṭṭhe.

2. Āhārūpayogato (Sī-Ṭī Abhinava 2. 84 piṭṭhe.)

3. Kammaṭṭhānamukheneva (Sī-Ṭī Abhinava 2. 84; Saṃ-Ṭī 2. 459 piṭṭhesu.)

4. Ma-Ṭṭha 1. 270 piṭṭhe.

5. Abhi-Ṭṭha 2. 408; Ma-Ṭṭha 3. 77; Am-Ṭṭha 1. 356 piṭṭhesu. (Atthato samānam̐)

**Janasaṅgahatthanti** “mayi akathente etesaṃ ko kathessaṃ”ti dhammānuggahena janasaṅgahatthaṃ. **Tasmā**ti yasmā “dhammakathā nāma kathetabbāyevā”ti aṭṭhakathācariyā vadanti, yasmā ca dhammakathā kammaṭṭhānavinimuttā nāma natthi, tasmā. **Anumodanaṃ katvāti** etthāpi “kammaṭṭhānasīsenevā”ti ānetvā sambandho. **Sampattaparicchenevāti** “paricito aparicito”ti-ādivibhāgaṃ akatvā sampattakoṭiyāva. **Bhayeti** paracakkādibhaye.

**Kammajatejoti** gahaṇiṃ sandhāyāha. **Kammaṭṭhānavīthiṃ nārohati** khudāparissamena kilantakāyattā<sup>1</sup> samādhānābhāvato. **Avasesaṭṭhāneti** yāguyā aggahitaṭṭhāne. **Ponkhānuponkhanti** kammaṭṭhānupaṭṭhānassa avicchedadassanavacanametam, yathā ponkhānuponkhapavattāya sarapaṭipāṭiyā avicchedo, evametassāpīti.

**Nikkhattadhuro** bhāvanānuyoge. Vattapaṭipattiyā apūraṇena **sabbavatthāni bhindivā**. “Kāme avītarāgo hoti, kāye avītarāgo, rūpe avītarāgo, yāvadatthaṃ udarāvadehakaṃ bhuñjitvā seyyasukhaṃ passasukhaṃ middhasukhaṃ anuyutto viharati, aññataraṃ devanikāyaṃ paṇidhāya brahmacariyaṃ carati”ti<sup>2</sup> evaṃ vuttapañcavidhacetokhilavinibandhacitto. **Caritvāti** pavattitvā.

**Attakāmāti** attano hitasukhaṃ icchantā, dhammacchandavantoti attho. Dhammoti hi hitaṃ, tannimittakaṇca sukhanti. Atha vā viññūnaṃ nibbisesattā attabhāvapariyāpannattā ca attā nāma dhammo, taṃ kāmenti icchantīti attakāmā. **Usabhaṃ** nāma vīsati yaṭṭhiyo. **Tāya saññāyāti** tāya pāsāṇasaññāya, ettakaṃ ṭhānaṃ āgatāti jānantāti adhippāyo. **Soyeva nayoti** “ayaṃ bhikkhū”ti-ādiko yo ṭhāne vutto, so eva nisajjāyapi nayo. Pacchato āgacchantānaṃ chinnabhābhāvabhayenapi yonisomanasikāraṃ paribrūheti.

**Mahāpadhānaṃ pūjessāmīti** amhākaṃ atthāya lokanāthena cha vassāni kataṃ dukkaracariyaṃ evāhaṃ yathāsatti pūjessāmīti. Paṭipattipūjā

1. Kilantakāyassa (Si-Ṭi Abhinava 2. 86 piṭṭhe.) 2. Di 3. 199; Ma 1. 146 piṭṭhesu.

hi satthupūjā, na āmisapūjā. **Thānacaṅkamanamevā**ti adhiṭṭhātabba-  
iriyāpathavasena vuttam, na bhojanādikālesu avassam kattabbanisajjāya  
paṭipakkhepavasena.

Vīthim otarivā ito cito ca anoloketvā paṭhamameva vīthiyo  
sallakkhetabbāti āha “**vīthiyo sallakkhetvā**”ti. Yam sandhāya vuccati  
“pāsādikena abhikkantenā”ti, tam dassetum “**tattha cā**”ti-ādi vuttam.

Paccekabodhim sacchikaroti, yadi upanissayasampanno hotīti  
sambandho. Evaṃ sabbattha ito paresupi. Tattha paccekabodhiyā  
upanissayasampadā kappānam dve asaṅkhyeyyāni satasahassaṅca tajjam  
puññañāṇasambharaṇam, sāvakaabodhiyam aggasāvakaṇam ekaṃ  
asaṅkhyeyyam kappasatasahassaṅca, mahāsāvakaṇam  
kappasatasahassameva, itaresam atītāsu jātīsu vivaṭṭasannissayavasena  
nibbattitam nibbedhabhāgiyam kusalam. **Bāhiyo dārucīriyoti** bahi visaye  
sañjātasamvaḍḍhatāya bāhiyo, dārucīrapariharaṇena dārucīriyoti ca  
samaññāto. So hi āyasmā—

“Tasmātiha te bāhiya evaṃ sikkhitabbam ‘diṭṭhe diṭṭhamattam  
bhavissati, sute, mute, viññāte viññātamattam bhavissatī’ti, yato kho te  
bāhiya diṭṭhe diṭṭhamattam bhavissati, sute, mute, viññāte  
viññātamattam bhavissati, tato tvaṃ bāhiya na tena. Yato tvaṃ bāhiya  
na tena, tato tvaṃ bāhiya na tattha. Yato tvaṃ bāhiya na tattha, tato  
tvaṃ bāhiya nevidha na huraṃ na ubhayamantarena, esevanto  
dukkhassā”ti<sup>1</sup>—

ettakāya desanāya arahattam sacchākāsi.

**Tanti** asammuyhanam. **Evanti** idāni vuccamānakārena veditabbam. **Attā  
abhikkamatīti** iminā andhaputhujjanassa diṭṭhiggāhavasena abhikkame  
sammuyhanam dasseti, **aham abhikkamāmīti** pana iminā mānaggāhavasena,  
tadubhayam pana taṇhāya vinā na hotīti taṇhāggāhavasenapi sammuyhanam  
dassitameva hoti. “**Tathā asammuyhanto**”ti vatvā tam

1. Khu 1. 85 piṭṭhe Udāne.

asammuyhanaṃ yena ghanavinibbhogena hoti, taṃ dassento “**abhikkamāmi**”ti-ādimāha. Tattha yasmā vāyodhātuyā anugatā tejodhātu uddharaṇassa paccayo. Uddharaṇagatikā hi tejodhātūti uddharaṇe vāyodhātuyā tassā anugatabhāvo, tasmā imāsaṃ dvinnamettha sāmattihiyato adhimattatā, itarāsaṅca omattatāti dassento “**ekeka -pa- balavatiyo**”ti āha. Yasmā pana tejodhātuyā anugatā vāyodhātu atiharaṇavītiharaṇānaṃ paccayo. Tiriyaṅgatikāya hi vāyodhātuyā atiharaṇavītiharaṇesu sātisayo byāpāroti tejodhātuyā tassā anugatabhāvo, tasmā imāsaṃ dvinnamettha sāmattihiyato adhimattatā, itarāsaṅca omattatāti dassento “**tathā atiharaṇavītiharaṇesū**”ti āha. Satipi anugamanānugantabbatāvisese tejodhātuvāyodhātubhāvamattaṃ sandhāya **tathā**-saddaggaṇaṃ. Tattha akkantaṭṭhānato pādassa ukkhipanaṃ **uddharaṇaṃ**, ṭhitaṭṭhānaṃ atikkamitvā purato haraṇaṃ **atiharaṇaṃ**. Khāṇu-ādipariharaṇatthaṃ, patiṭṭhitapādaghaṭṭanapariharaṇatthaṃ vā passena haraṇaṃ **vītiharaṇaṃ**, yāva patiṭṭhitapādo, tāva āharaṇaṃ **atiharaṇaṃ**, tato paraṃ haraṇaṃ **vītiharaṇanti** ayaṃ vā etesaṃ viseso.

Yasmā pathavīdhātuyā anugatā āpodhātu vossajjanassa paccayo. Garutarasabhāvā hi āpodhātūti vossajjane pathavīdhātuyā tassā anugatabhāvo, tasmā tāsaṃ dvinnamettha sāmattihiyato adhimattatā, itarāsaṅca omattatāti dassento āha “**vossajjane -pa- balavatiyo**”ti. Yasmā pana āpodhātuyā anugatā pathavīdhātu sannikkhepanassa paccayo, patiṭṭhābhāve viya patiṭṭhāpanepi tassā sātisayakiccattā āpodhātuyā tassā anugatabhāvo, tathā ghaṭṭanakiriyāya pathavīdhātuyā vasena sannirumbhanassa sijjhanato tatthāpi pathavīdhātuyā āpodhātu-anugatabhāvo, tasmā vuttaṃ “**tathā sannikkhepanasannirumbhanesū**”ti. **Tatthāti** tasmim̐ abhikkamane, tesu vā vuttesu uddharaṇādīsū chasu koṭṭhāsesu. **Uddharaṇeti** uddharaṇakkhaṇe. **Rūpārūpadhammāti** uddharaṇākārena pavattā rūpadhammā, taṃsamuṭṭhāpakā arūpadhammā ca **atiharaṇaṃ na pāpuṇanti** khaṇamattāvaṭṭhānato. **Tattha tatthevāti** yattha yattha uppannā, tattha tattheva. Na hi

dhammānaṃ desantarasaṅkamaṇaṃ atthi. **Pabbaṃ pabbanti**-ādi uddharaṇādikoṭṭhāse sandhāya vuttaṃ, taṃ sabhāgasantativasena vuttanti veditabbaṃ. Ati-ittaro hi rūpadhammānaṃpi pavattikkhaṇo gamanassādānaṃ devaputtānaṃ heṭṭhupariyena paṭimukhaṃ dhāvantaṇaṃ sirasi pāde ca baddhakhuradhārāsamāgamatopi sīghataro. Yathā tilānaṃ bhajjiyamānaṇaṃ paṭapaṭāyanena bhedo lakkhīyati, evaṃ saṅkhatadhammānaṃ uppādenāti dassanattaraṃ “**paṭapaṭāyantā**”ti vuttaṃ. Uppannā hi ekantato bhijjantīti.

**Saddhim rūpenā**ti idaṃ tassa tassa cittassa nirodhena saddhim nirujjhanakarūpadhammānaṃ vasena vuttaṃ, yaṃ tato sattarasamacittassa uppādakkhaṇe uppannaṃ. Aññathā yadi rūpārūpadhammā samānakkhaṇā siyūṃ, “rūpaṃ garupariṇāmaṃ dandhanirodhan”ti-ādivacanehi<sup>1</sup> virodho siyā, tathā “nāhaṃ bhikkhave aññaṃ ekadhammampi samanupassāmi, yaṃ evaṃ lahu-parivattaṃ, yathayidaṃ cittaṃ”ti evamādi-pāḷiyā<sup>2</sup>. Cittacetasikā hi sārammaṇasabhāvā yathābalaṃ attano ārammaṇapaccayabhūtamattaṃ vibhāvento eva uppajjantīti tesāṃ taṃsabhāvanipphatti-anantaraṃ nirodho, rūpadhammā pana anārammaṇā pakāsetabbā, evaṃ tesāṃ pakāsetabbabhāvanivatti soḷasahi cittehi hotīti taṅkhaṇāyukatā tesāṃ icchitā, lahuviññāṇavisayaṅgatimattapaccayatāya tiṇṇaṃ khandhānaṃ, visayaṅgatimattatāya ca viññāṇassa lahu-parivattitā, dandhamahābhūtapaccayatāya rūpadhammānaṃ dandhaparivattitā, nānādhātuyā yathābhūtaññaṇaṃ kho pana tathāgatasseva, tena ca purejātapaccayo rūpadhammova vutto, pacchājātapaccayo ca tassevāti<sup>3</sup> rūpārūpadhammānaṃ samānakkhaṇatā na yujjateva, tasmā vuttanayenevettha attho veditabbo.

**Aññaṃ uppajjate cittaṃ, aññaṃ cittaṃ nirujjhatī**ti yaṃ purimuppannaṃ, cittaṃ, taṃ aññaṃ, taṃ pana nirujjhantaṃ aparassa anantarādipaccayabhāveneva nirujjhatīti tato<sup>4</sup> laddhapaccayaṃ aññaṃ uppajjate cittaṃ. Yadi evaṃ tesāṃ antaro labbheyāti notī āha “**avīcimanusambandho**”ti, yathā vīci antaro na labbhati, tadevetanti avisesavidū maññanti, evaṃ anu anu sambandho cittasantāno rūpasantāno ca **nadisotova** nadiyaṃ udakappavāho viya vattati.

1. Abhi-Ṭṭha 2. 24 piṭṭhe.

3. Tathevāti (Sī-Ṭṭi Abhinava 2. 92 piṭṭhe.)

2. Am 1. 9 piṭṭhe.

4. Tathā (Ka)



Abhimukhaṃ lokitaṃ **ālokitanti** āha “**puratopekkhanan**”ti. Yasmā yaṃdisābhimukho gacchati tiṭṭhati nisīdati vā, tadabhimukhaṃ pekkhananāṃ ālokitāṃ, tasmā tadanugataṃ vidisālokanāṃ vilokitanti āha “**vilokitaṃ nāma anudisāpekkhanan**”ti. Sammajjanaparibhaṇḍādikaraṇe olokitassa, ullokaharaṇādīsu ullokitassa, pacchato āgacchantaparissayassa parivajjanādīsu apalokitassa siyā sambhavoti āha “**iminā vā mukhena sabbānīpi tāni gahitānevā**”ti.

**Kāyasakkhinti** kāyena sacchikatavantaṃ, paccakkhakārinanti attho. So hi āyasmā vipassanākāle eva “yamevāhaṃ indriyesu aguttadvāratāṃ nissāya sāsane anabhirati-ādivippakāraṃ patto, tameva suṭṭhu niggaṇhissāmī”ti ussāhajāto balavahirottappo, tattha ca katādhikārattā indriyasamvare ukkaṃsapāramippatto, teneva naṃ satthā “etadaggaṃ bhikkhave mama sāvakānaṃ bhikkhūnaṃ indriyesu guttadvārānaṃ yadidaṃ nando”ti<sup>1</sup> etadagge ṭhapesi.

**Sāthakatā ca sappāyatā ca ālokitavilokitassa veditabbā. Tasmāti** “kammaṭṭhānāvijahanasseva gocarasampajaññabhāvato”ti vuttamevatthaṃ hetubhāvena paccāmasati. **Attano kammaṭṭhānavaseneva ālokanavilokanaṃ kātabbāṃ**, khandhādikammaṭṭhānā añño upāyo na gavesitabboti adhippāyo. **Ālokitādisamaññāpi** yasmā dhammamattasseva pavattiviseso, tasmā tassa yāthāvato jānanaṃ asammohasampajaññanti dassetuṃ “**abbhantare**”ti-ādi vuttaṃ.

“**Paṭhamajavanepi -pa- na hotī**”ti idaṃ pañcadvāraviññāṇavīthiyaṃ “itthī puriso”ti rajjanādīnaṃ abhāvaṃ sandhāya vuttaṃ. tattha hi āvajjanavotṭhabbanānaṃ ayoniso āvajjanavotṭhabbanavasena itṭhe itthirūpādīmhi lobho, anitṭhe ca paṭigho uppajjati, manodvāre pana “itthī puriso”ti rajjanādi hoti, tassa pañcadvārajanānaṃ mūlaṃ, yathāvuttaṃ vā sabbaṃ bhavaṅgādi, evaṃ manodvārajanassa mūlavasena mūlapariññā vuttā. **Āgantukatāvakaḷikatā** pana pañcadvārajanasseva apubbabhāvavasena ittarabhāvavasena ca vuttā. **Heṭṭhupariyavasena bhijjivā patitesūti** heṭṭhimassa

---

1. Am 1. 26 piṭṭhe.

uparimassa ca aparāparaṃ bhaṅgappattimāha. **Tanti** javanaṃ. Tassa na yuttanti sambandho. **Āgantuko** abbhāgato. Udayabbayaparicchinnō tāvatako kālo etesanti **tāvakālikāni**.

**Etam** asammoahasampajaññaṃ. **Tatthāti** pañcakkhandhavasena ālokanavilokane paññāyamāne tabbinimutto **ko eko āloketi, ko viloketi**. **Upanissayapaccayoti** idaṃ suttantanayena pariyāyato vuttaṃ. **Sahajātapaccayoti** nidassanamattametaṃ aññaamaññasampayutta-atthi-avigatādipaccayānampi labbhanato.

**Maṇisappo nāma** ekā sappajāṭīti vadanti. **Laḷananti** kampananti vadanti, līlākaraṇaṃ vā **laḷanaṃ**.

**Uṇhapakatiko** pariḷāhabahulo. Sīlassa vidūsanena ahitāva hattā micchājīvasena uppannaṃ asappāyaṃ. **Cīvarampi acetananti**-ādinā cīvarassa viya “**kāyopi acetano**”ti kāyassa attasuññatāvibhāvanena “**abbhantare**”ti-ādinā vuttamevatthaṃ vibhāvento itarītarasantosassa kāraṇaṃ dasseti. Tenāha “**tasmā**”ti-ādi. **Catupañcagaṇṭhikāhatoti** āhatacatupañcagaṇṭhiko, catupañcagaṇṭhikāhi vā hatasobho.

**Aṭṭhavidhopi atthoti** aṭṭhavidhopi payojanaviseso. Pathavīsandhārakajalassa taṃsandhārakavāyunā viya paribhuttassa āhārassa vāyodhātunāva āsaye avaṭṭhānanti āha “**vāyodhātuvaseva tiṭṭhati**”ti. **Atiharatīti** yāva mukhā abhiharati. **Vītiharatīti** tato yāva kucchi, tāva harati. **Atiharatīti** vā mukhadvāraṃ atikkāmento harati. **Vītiharatīti** kucchigataṃ passato harati. **Parivattetīti** aparāparaṃ cāreti. Ettha ca āhārassa dhāraṇaparivattanasamcuṇṇanavisosanāni pathavīdhātusahitā eva vāyodhātu karoti, na kevalāti tāni pathavīdhātuyāpi kiccabhāvena vuttāni. **Allattañca anupāletīti** vāyu-ādīhi atisosanaṃ yathā na hoti, tathā anupāleti allabhāvaṃ. **Tejodhātūti** gahaṇīsaṅkhātā tejodhātu. Sā hi anto pavitṭhaṃ āhāraṃ paripāceti. **Añjaso hotīti** āhārassa pavesanādīnaṃ maggo hoti. **Ābhujatīti** pariyesanajjoharaṇajijñājjijñatādīni āvajjeti, vijānātīti attho. Taṃtaṃvijānananipphādakoyeva

hi payogo “sammāpayogo”ti vutto. Yena hi payogena pariyesanādi nipphajjati, so tabbisayavijānanampi nipphādeti nāma tadavinābhāvato. Atha vā **sammāpayogaṃ** sammāpaṭipattim **anvāya** āgamma **ābhujati** samannāharati. Ābhogapubbako hi sabbopi viññāṇabyāpāroti tathā vuttam.

**Gamanatoti** bhikkhācāravasena gocaragāmaṃ uddissa gamanato. **Pariyesanatoti** gocaragāme bhikkhattham āhiṇḍanato. **Paribhogatoti** āhārassa paribhuñjanato. **Āsayatoti** pittādi-āsayato. Āsayati ettha ekajjham pavattamānopi kammabalavavatthito hutvā mariyādasena aññamaññam āsaṅkarato sayati tiṭṭhati pavattatīti **āsayo**, āmāsayassa upari tiṭṭhanako pittādiko. Mariyādattho hi ayamākāro. Nidheti yathābhutto āhāro nicito hutvā tiṭṭhati etthāti nidhānam, āmāsayo. Tato **nidhānato**. **Aparipakkatoti** gahaṇīsaṅkhātena kammajatejena avipakkato. **Paripakkatoti** yathābhuttassa āhārassa vipakkabhāvato. **Phalatoti** nipphattito. **Nissandatoti** ito cito ca vissandanato. **Sammakkhanatoti** sabbaso makkhanato. Ayamettha saṅkhepo, vitthāro pana **Visuddhimaggasaṃvaṇṇanāya**<sup>1</sup> gahetabbo.

**Aññe ca rogā** kaṇṇasūlabhagandarādayo. **Aṭṭhāneti** manussāmanussapariggahite ayutte ṭhāne khettadevāyatanādike. Nissatṭhattā **neva attano** kassaci anissajjitattā jigucchaniyattā ca **na parassa**. **Udakatumbatoti** veḷunāḷi-ādi-udakabhājanato. **Tanti** chaḍḍita-udakam.

**Addhāna-iriyāpathā** cirappavattikā dīghakālikā iriyāpathā. **Majjhimā** bhikkhācāraṇādivasena pavattā. **Cuṇṇika-iriyāpathā** vihāre aññatthāpi ito cito ca parivattanādivasena pavattāti vadanti. “Gateti gamane”ti pubbe abhikkapaṭikkamaggahaṇena gamanenapi purato pacchato ca kāyassa atiharaṇam vuttanti idha gamanameva gahitanti keci.

---

1. Visuddhi-Ṭī 1. 417 piṭṭhe.

Yasmā mahāsīvattheravāde anantare anantare iriyāpathe pavattarūpārūpadhammānaṃ tattha tattheva nirodhadassanavasena sampajānakāritā gahitā, idaṅcetha sampajāñnavipassanācāravasena āgataṃ, tasmā vuttaṃ “**tayidaṃ mahāsīvattherena vuttaṃ asammohadhuraṃ imasmim̐ satipaṭṭhānasutte adhippetan**”ti. **Sāmaññaphale**<sup>1</sup> pana sabbampi **catubbidham̐ sampajāññam̐ labbhati** yāvadeva sāmaññaphalavisesadassanaparattā tassā desanāya. **Satisampayuttassevāti** idaṃ yathā sampajāññakiccassa padhānatā, evaṃ satikiccassāpīti dassanattam̐, na satiyā sabbhāvamattadassanattam̐. Na hi kadāci satirahitā ñāṇappavatti atthi. **Etāni padānīti** sampajāññapadāni. **Vibhattānevāti** visuṃ vibhattāneva. Imināpi sampajāññassa viya satiyāpi padhānataṃyeva vibhāveti.

Aparo nayo—eko bhikkhu gacchanto aññaṃ cinto aññaṃ vitakkento gacchati, eko kammaṭṭhānaṃ avissajjetvāva gacchati, tathā eko tiṭṭhanto nisīdanto sayanto aññaṃ cinto aññaṃ vitakkento sayati, eko kammaṭṭhānaṃ avissajjetvāva sayati, ettakena pana na pākaṭam̐ hotīti caṅkamanena dīpenti. Yo hi bhikkhu caṅkamanam̐ otaritvā caṅkamanakoṭiyam̐ ṭhito pariggaṇhāti “pācīnacaṅkamanakoṭiyam̐ pavattā rūpārūpadhammā pacchimacaṅkamanakoṭim̐ appatvā ettheva niruddhā, pacchimacaṅkamanakoṭiyam̐ pavattāpi pācīnacaṅkamanakoṭim̐ appatvā ettheva niruddhā, caṅkamanamajjhe pavattā ubho koṭiyo appatvā ettheva niruddhā, caṅkame pavattā rūpārūpadhammā ṭhānaṃ appatvā ettheva niruddhā, ṭhāne pavattā nisajjam̐, nisajjāya pavattā sayanam̐ appatvā ettheva niruddhā”ti, evaṃ pariggaṇhanto pariggaṇhantoyeva cittaṃ bhavaṅgam̐ otāreti, utṭhahanto kammaṭṭhānaṃ gahetvāva utṭhahati, ayam̐ bhikkhu **gatādīsu sampajānakārī** nāma hoti, evampi sutte kammaṭṭhānaṃ avibhūtam̐ hoti, tasmā yo bhikkhu yāva sakkoti, tāva caṅkamitvā ṭhatvā nisīditvā sayamāno evaṃ pariggahetvā sayati “kāyo acetano, maṅco acetano, kāyo na jānāti ‘ahaṃ maṅce sayito’ti, maṅco na jānāti ‘mayi kāyo sayito’ti, acetano kāyo acetane maṅce sayito”ti, evaṃ pariggaṇhantoyeva cittaṃ bhavaṅgam̐ otāreti, pabujjhanto kammaṭṭhānaṃ gahetvāva pabujjhati, ayam̐ **sutte sampajānakārī** nāma hotīti.

1. Dī 1. 67; Dī-Ṭṭha 1. 165; Dī-Ṭī 1. 242 piṭṭhesupi passitabban̐.

Kāyādikiriyānibbattanena tammayattā āvajjanakiriyāsamuṭṭhitattā ca javanam, sabbampi vā chadvārappavattaṃ kiriyāmayapavattaṃ nāma, tasmim sati jāgaritaṃ nāma hotīti pariggaṇhanto **jāgarite sampajānakārī** nāma. Apica rattindivaṃ cha koṭṭhāse katvā pañca koṭṭhāse jaggantopi **jāgarite sampajānakārī** nāma hoti. Vimuttāyatanasīsena dhammaṃ desentopi bāttimsatiracchānakathaṃ pahāya dasakathāvatthunissitaṃ sappāyakathaṃ kathentopi **bhāsīte sampajānakārī** nāma. Aṭṭhatimsāya ārammaṇesu cittaruciyaṃ manasikāraṃ pavattentopi dutiyaṃ jhānaṃ samāpannopi **tuṇhībhāve sampajānakārī** nāma. Dutiyaṃ hi jhānaṃ vacīsaṅkhāravirahato visesato tuṇhībhāvo nāma. Rūpadhammasseva pavatti-ākāravisesā abhikkamādayoti vuttaṃ “**rūpakkhandhasseva samudayo ca vayo ca nīharitabbo**”ti. Sesam vuttanayameva.

Catusampajaññapabbavaṇṇanā niṭṭhitā.

### Paṭikūlamanasikārapabbavaṇṇanā

110. **Paṭikūlamanasikāravasenāti**<sup>1</sup> jigucchanīyatāya paṭikūlameva paṭikūlaṃ, yo paṭikūlasabhāvo paṭikūlākāro, tassa manasikaraṇavasena. Antarenapi hi bhāvavācīnaṃ saddaṃ bhāvattho viññāyati yathā “paṭassa sukkaṃ”ti<sup>1</sup>. Yasmā **visuddhimagge**<sup>2</sup> vuttaṃ, tasmā tattha taṃsamvaṇṇanāyañca<sup>3</sup> vuttanayena veditabbaṃ. Vatthādihi pasibbakākārena bandhitvā kataṃ āvaṇaṃ **putoḷi**. **Vibhūtākāro**ti paṇṇattim samatikkamitvā asubhabhāvassa upaṭṭhitākāro. Iti-saddassa ākāratthataṃ dassento “**evan**”ti vatvā taṃ kāraṇaṃ sarūpato dassento “**kesādipariggahaṇenā**”ti āha.

Paṭikūlamanasikārapabbavaṇṇanā niṭṭhitā.

### Dhātumanasikārapabbavaṇṇanā

111. **Dhātumanasikāravasenāti** pathavīdhātu-ādikā catasso dhātuyo ārabha pavattabhāvanāmanasikāravasena, catudhātuvavatthānavasenāti attho. Dhātumanasikāro dhātukammaṭṭhānaṃ catudhātuvavatthānanti hi atthato ekaṃ. **Goghātakoti** jīvikatthāya gunnaṃ ghātako.

1. Dī-Ṭī 2. 307 piṭṭhepi passitabbaṃ. 2. Visuddhi 1. 241 piṭṭhe.

3. Visuddhi-Ṭī 1. 305 piṭṭhe.

**Antevāsikoti** kammakaraṇavasena tassa samīpavāsī. **Ṭhita**-saddo “ṭhito vā”ti-ādīsu<sup>1</sup> ṭhānasāṅkhāta-iriyāpathasamaṅgitāya, ṭhā-saddassa vā gativinivatti-atthātāya aññattha ṭhapetvā gamanaṃ sesa-iriyāpathasamaṅgitāya bodhako, idha pana yathā tathā rūpakāyassa pavatti-ākārabodhako adhippetoti āha “**catunnaṃ iriyāpathānaṃ yena kenaci ākārena ṭhitattā yathāṭhitan**”ti. Tattha **ākārenā**ti ṭhānādinā rūpakāyassa pavatti-ākārena. Ṭhānādayo hi iriyāpathasāṅkhātāya kāyikakiriyāya patho pavattimaggoti “iriyāpatho”ti vuccanti. **Yathāṭhitan**ti yathāpavattaṃ. Yathāvuttaṭṭhānamevettha “paṇidhānaṃ”ti adhippetanti āha “**yathāṭhitattā ca yathāpaṇihitan**”ti. **Ṭhitanti** vā kāyassa ṭhānasāṅkhāta-iriyāpathasamāyogaparidīpanaṃ. **Paṇihitan**ti tadañña-iriyāpathasamāyogaparidīpanaṃ. **Ṭhitanti** vā kāyasāṅkhātānaṃ rūpadhammānaṃ tasmim̐ tasmim̐ khaṇe sakiccavasena avaṭṭhānaparidīpanaṃ. **Paṇihitan**ti paccayakiccavasena tehi tehi paccayehi pakārato nihitaṃ paṇihitanti evampettha attho veditabbo. **Paccavekkhatī** pati pati avekkhati, ñāṇacakkhunā vinibbhujitvā visum̐ visum̐ passati.

Idāni vuttamevatthaṃ bhāvatthavibhāvanavasena dassetuṃ “**yathā goghātakassā**”ti-ādi vuttaṃ. Tattha **posentassā**ti maṃsūpacayaparibrūhanāya kuṇḍakabhakkappāsattī-ādīhi samvaḍḍhentassa. **Vadhitaṃ matanti** himsitaṃ hutvā mataṃ. **Matanti** ca matamattaṃ. Tenevāha “**tāvadevā**”ti. **Gāvīti saññā na antaradhāyati** yāni aṅgapaccaṅgāni yathāsanniviṭṭhāni upādāya gāvīsamaññā matamattāyapi gāvīyā, tesam̐ taṃsannivesassa avinaṭṭhattā. Vilīyanti bhijjanti vibhujjantīti **bilā** bhāgā va-kārassa ba-kāraṃ, i-kārassa ī-kāraṃ katvā. **Bilasoti** bilam̐ bilam̐ katvā. **Vibhajitvā**ti aṭṭhisam̐ghāto maṃsam̐ vivecetvā, tato vā vivecitamaṃsam̐ bhāgaso katvā. Tenevāha “**maṃsasaññā pavattati**”ti. **Pabbajitassapi** apariggahitakammaṭṭhānassa. **Ghanavinibbhoganti** santatisamūhakkicchanānaṃ vinibbhujanaṃ vivecanaṃ. **Dhātuso paccavekkhatoti** ghanavinibbhogakaraṇena dhātuṃ dhātuṃ pathavī-ādiddhātuṃ visum̐ visum̐ katvā paccavekkhantassa. **Sattasaññā**ti attānudiṭṭhivasena pavattā saññāti vadanti, vohāravasena

---

1. Dī 1. 85; Am̐ 2. 22 piṭṭhesu.

pavattasattasaññāyapi tadā antaradhānaṃ yuttameva yāthāvato ghanavinibbhogassa sampādanato. Evaṃ hi sati yathāvutta-opammatthena upameyyattho aññadatthu saṃsandati sameti. Tenevāha “**dhātuvaseneva cittaṃ santiṭṭhati**”<sup>1</sup>ti. **Dakkhoti** cheko taṃtaṃsamaññāya kusalo, yathājāte sūnasmim̃ naṅguṭṭhakhuravisāṇādivante aṭṭhimaṃsādi-avayavasamudāye avibhatte gāvīsamaññā, na vibhatte, vibhatte pana aṭṭhimaṃsādi-avayavasamaññāti jānanako. **Catumahāpatho viya catu-iriyāpathoti** gāviyā ṭhitacatumahāpatho viya kāyassa pavattimaggabhūto catubbidho iriyāpatho. Yasmā **Visuddhimagge**<sup>1</sup> **vitthāritā**, tasmā tattha **taṃsaṃvaṇṇanāya**<sup>2</sup> vuttanayeneva veditabbā.

Dhātumanasikārapabbavaṇṇanā niṭṭhitā.

### Navasivathikapabbavaṇṇanā

112. Sivathikāya apaviddha-uddhumātakādipaṭisaṃyuttānaṃ odhiso pavattānaṃ kathānaṃ tadabhidheyyānaṃca uddhumātakādi-asubhabhāgānaṃ sivathikapabbānīti saṅgītikārehi gahitasamaññā. Tenāha “**sivathikapabbehi vibhajitun**”<sup>3</sup>ti. **Uddhaṃ jīvitapariyādānāti** jīvitakkhayato uparimaraṇato paraṃ. **Samuggatenāti** uṭṭhitena. **Uddhumātattāti** uddhaṃ uddhaṃ dhumātattā sūnattā. Setarattehi viparibhinnānaṃ vimissitaṃ nīlaṃ vinīlaṃ, purimavaṇṇavipariṇāmaḥūtaṃ vā nīlaṃ vinīlaṃ, vinīlameva **vinīlakanti** ka-kārena padavaḍḍhanamāha anattantaratto yathā “pītakāṃ lohitaṃ”<sup>3</sup>ti. **Paṭikūlakattāti** jigucchaniyattā. **Kucchitaṃ vinīlaṃ vinīlakanti** kucchanattho vā ayaṃ ka-kāroti dassetuṃ vuttaṃ yathā “pāpako kittisaddo abbhuggacchatī”<sup>4</sup>ti. **Paribhinnatṭhānehi** kākakaṅkādihi. **Vissandamānaṃ pubbanti** vissavantaṃ pubbaṃ, taṃ taṃ paggharantapubbanti attho. **Tathābhāvanti** vissandamānapubbabhāvaṃ.

**So bhikkhūti** yo “passeyya sarīraṃ sivathikāya chaḍḍitaṃ”<sup>3</sup>ti vutto, so bhikkhu. **Upasaṃharati** sadisataṃ. **Ayampi khoti**-ādi

1. Visuddhi 1. 342 piṭṭhe. 2. Visuddhi-Ṭī 1. 425 piṭṭhe.

3. Abhi 1. 162 piṭṭhe. 4. Dī 3. 196; Am̃ 2. 221; Vi 3. 322; Khu 11. 184 piṭṭhesu.

upasaṃharaṇākāradassanaṃ. **Āyūti** rūpaḥiṅvitindriyaṃ, arūpaḥiṅvitindriyaṃ panettha viññāṇagatikameva. **Usmāti** kammajatejo. **Evamṇpūtikasabhāvoti** evaṃ ativiya pūtikasabhāvo, na āyu-ādīnaṃ avigame viya mattasoti adhippāyo. Ediso bhavissatīti **evamṇbhāvīti** āha “**evamṇuddhumātādibhedo bhavissatī**”ti.

**Luñcitvā luñcitvāti** uppāṭetvā uppāṭetvā. **Sesāvasesamaṃsalohitayuttanti** sabbaso akhādītattā taṃ taṃ sesena appāvasesena maṃsalohitena yuttam. **Aññena hatthaṭṭhikanti** avisesena hatthaṭṭhikānaṃ vippakiṇṇatā jotitāti anavasesato tesam vippakiṇṇataṃ dassento “**catusaṭṭhibhedampī**”ti-ādimāha. **Terovassikānīti** tirovassaṃ gatāni. Tāni pana saṃvaccharaṃ vītivattāni hontīti āha “**atikkantaṃvaccharānī**”ti. Purāṇatāya ghanabhāvavigameṇa vicuṇṇatā idha pūtibhāvoti so yathā hoti, taṃ dassento “**abbhokāse**”ti-ādimāha. Khajjamānatādivasena dutiyasivathikapabbādīnaṃ vavatthitattā vuttam “**khajjamānatādivasena vasena yojanā kātabbā**”ti.

Navasivathikapabbavaṇṇanā niṭṭhitā.

**Imāneva dveti** avadhāraṇena appanākammaṭṭhānaṃ tattha niyameṭi aññapabbesu tadabhāvato. Yato hi eva-kāro, tato aññattha niyameṭi, tena pabbadvayassa vipassanākammaṭṭhānatāpi appaṭisiddhāti daṭṭhabbā aniccādidassanato. Saṅkhāresu ādīnavavibhāvanāni sivathikapabbānīti āha “**sivathikānaṃ ādīnavānupassanāvasena vuttattā**”ti. Iriyāpathapabbādīnaṃ anappanāvahatā<sup>1</sup> pākaṭā evāti “**sesāni dvādasāpī**”ti vuttam. Yaṃ panettha atthato avibhattam, taṃ suviññeyyamevāti.

Kāyānupassanāvaṇṇanā niṭṭhitā.

### Vedanānupassanāvaṇṇanā

113. **Sukhaṃ vedananti** ettha sukhayātīti **sukhā**, sampayuttadhamme kāyaṅca laddhassāde karotīti attho. Suṭṭhu vā khādati, khanati vā kāyikaṃ

1. Appanāvahatā (Dī-Ṭī 2. 310 piṭṭhe.)



cetasikañca ābādhanti **sukhā**, sukaraṃ okāsadānaṃ etissāti **sukhā**ti apare. Vedayati ārammaṇarasam anubhavatīti **vedanā**. **Vedayamānoti** anubhavamāno. **Kāmanti**-ādīsu yaṃ vattabbaṃ, taṃ iriyāpathapabbe vuttameva. Sampajānassa vediyanaṃ **sampajānavediyanaṃ**.

**Vohāramattaṃ hoti**”ti etena “sukhaṃ vedanaṃ vedayamāno sukhaṃ vedanaṃ vedayāmī”ti idaṃ vohāramattanti dasseti. **Vatthu-ārammaṇāti** rūpādi-ārammaṇā. Rūpādi-ārammaṇaṃ hi vedanāya pavattiṭṭhānatāya “vatthū”ti adhippetam. **Assāti** bhaveyya. Dhammavinimuttassa aññassa kattu abhāvato dhammasseva kattubhāvaṃ dassento “**vedanāva vedayati**”ti āha. **Nitthunantoti** balavato vedanāvegassa nirodhane ādīnavaṃ disvā tassa avasaraḍānavasena nitthunanto. **Vīriyasamataṃ yojetvāti** adhivāsanavīriyassa adhimattattā tassa hāpanavasena samādhinā samarasatāpādanena vīriyasamataṃ yojetvā. **Saha paṭisambhidāhīti** lokuttarapaṭisambhidāhi saha. Lokiyānampi vā sati uppattikāle tattha samatthataṃ sandhāyāha “**saha paṭisambhidāhī**”ti. **Samasīsīti** vārasamasīsī hutvā, paccavekkhaṇavārassa anantaravāre parinibbāyīti attho.

**Yathā ca sukhaṃ, evaṃ dukkhanti** yathā “sukhaṃ vedayati”ti-ādīnā sampajānavediyanaṃ sandhāya vuttaṃ, evaṃ dukkhampi. Tattha dukkhatīti **dukkhā**, sampayuttadhamme kāyañca pīleti vibādhatīti attho. Duṭṭhuṃ vā khādati, khanati kāyikaṃ cetasikañca sātanti **dukkhā**. Dukkaraṃ okāsadānaṃ etissāti **dukkhā**ti apare. **Arūpakammaṭṭhānanti** arūpapariggahaṃ, arūpadhammamukhena vipassanābhinivesanti attho. Rūpakammaṭṭhānena pana samathābhinivesopi saṅgayhati, vipassanābhiniveso pana idhādhippetoti dassento āha “**rūpapariggaho arūpapariggahotipi etadeva vuccatī**”ti. **Catudhātuvavatthānaṃ kathesīti** etthāpi “yebhuyyena”ti padaṃ ānetvā sambandhitabbaṃ. **Tadubhayanti** catudhātuvavatthānassa saṅkhepavittāradvayamāha. **Saṅkhepamanasikāravasena** mahāsatipaṭṭhāne, **vittāramanasikāravasena** rāhulovāda<sup>1</sup> dhātuvibhaṅgādīsu<sup>2</sup>.

1. Ma 2. 85 piṭṭhe.

2. Abhi 2. 85 piṭṭhe.

**Yebhuyya**ggahaṇena tadaññadhammavasenapi arūpakammaṭṭhānakathāya atthitā dīpitāti taṃ vibhāgena dassetuṃ “**tividho hī**”ti-ādi vuttaṃ. Tatha **abhinivesoti** anuppaveso, ārambhoti attho. Ārambhe eva hi ayaṃ vibhāgo, sammasanaṃ pana anavasesatova dhamme pariggahetvā vattati. **Pariggahite rūpakammaṭṭhā**neti idaṃ rūpamukhena vipassanābhinivesaṃ sandhāya vuttaṃ, arūpamukhena pana vipassanābhiniveso yebhuyyena samathayānikassa icchitabbo, so ca paṭhamaṃ jhānaṅgāni pariggahetvā tato paraṃ sesadhamme pariggaṇhāti. **Paṭhamābhini**pātoti sabbe cetasikā cittāyattā cittakiriyabhāvena vuccantīti phasso cittassa paṭhamābhini pāto vutto, uppannaphasso puggalo, cittacetasikarāsi vā ārammaṇena phuṭṭho phassasahajātāya vedanāya taṃsamakārameva vedeti, phasso pana obhāsassa viya padīpo vedanādīnaṃ paccayaviseso hotīti purimakālo viya vuccati, yā tassa ārammaṇābhiniropanalakkhaṇatā vuccati. **Phusantoti** ārammaṇassa phusanākārena. Ayaṃ hi arūpadhammattā ekadesena anallīyamānopi rūpaṃ viya cakkhum, saddo viya ca sotaṃ cittaṃ ārammaṇaṅca phusanto viya saṅghaṭṭento viya ca pavattati. Tathāhesa “saṅghaṭṭanaraso”ti vuccati.

**Ārammaṇaṃ anubhavantī**ti issaravatāya visavitāya sāmibhāvena ārammaṇarasam anubhavanti. Phassādīnaṃ hi sampayuttadhammānaṃ ārammaṇe ekadeseneva pavatti phusanādimmattabhāvato, vedanāya pana iṭṭhākārasambhogādivasena pavattanato ārammaṇe nippadesato pavatti. Phusanādibhāvena hi ārammaṇaggahaṇaṃ ekadesānubhavanaṃ, vedayitābhāvena gahaṇaṃ yathākāmaṃ sabbānubhavanaṃ evaṃsabhāvāneva tāni gahaṇānīti na vedanāya viya phassādīnampi yathāsakaṃ kiccakaraṇena sāmibhāvānubhavanaṃ codetabbaṃ. **Vijānantanti** paricchindanavasena visesato jānantaṃ. Viññāṇaṃ hi minitabbavattum nāḷiyā minanto puriso viya ārammaṇaṃ paricchijja vibhāventaṃ pavattati, na saññā viya sañjānanamattaṃ hutvā. Tathā hi anena kadāci lakkhaṇattayavibhāvanāpi hoti. Imesaṃ pana phassādīnaṃ tassa tassa pākaṭabhāvo paccayavisesasiddhassa pubbābhogassa vasena veditabbo.

Evam tassa tasseva pākaṭabhāvepi “sabbaṃ bhikkhave abhiññeyyan”<sup>1</sup>, “sabbañca kho bhikkhave abhijānan”<sup>2</sup> ca evamādivacanato sabbe sammasanupagā dhammā pariggahetabbāti dassento “**tattha yassā**”<sup>3</sup>ti-ādimāha. Tattha **phassapañcamakeyevā**ti avadhāraṇaṃ tadantogadhattā taggahaṇeneva gahitattā catunnaṃ arūpakkhandhānaṃ. Phassapañcamakaggahaṇaṃ hi tassa sabbacittuppādasādhāraṇabhāvato, tattha ca phassacetanāggahaṇena sabbasaṅkhārakkhandhadhammasaṅgaho cetanāpadhānattā tesāṃ. Tathā hi suttantabhājanīye **saṅkhārakkhandhavibhaṅge**<sup>3</sup> “cakkhusamphassajā cetanā”<sup>3</sup>ti-ādinā cetanāva vibhattā, itare pana khandhā sarūpeneva gahitā.

**Vatthum nissitā**ti ettha vatthu-saddo karajakāyavisayoti kathamidaṃ viññāyatīti āha “**yaṃ sandhāya vuttan**”<sup>3</sup>ti-ādi. Kattha pana vuttam? Sāmaññaphale. **Soti** karajakāyo. **Pañcakkhandhavinimuttam nāmarūpaṃ natthī**ti idaṃ adhi-kāravasena vuttam. Aññathā hi khandhavinimuttampi nāmaṃ atthevāti. **Avijjādi hetukā**ti avijjātaṇhupādānādi hetukā. **Vipassanāpaṭipāṭiyā -pa-** vicarātīti iminā balavavipassanaṃ vatvā puna tassa ussukkāpanaṃ visesādhigamañca dassento “**so**”<sup>3</sup>ti-ādimāha.

**Idhā**ti imissaṃ dutiyasatipaṭṭhānadesanāyaṃ, tassā pana vedanānupassanāvasena kathetabbattā **bhagavā vedanāvasena katesi**. Yathāvuttesu ca tīsu kammaṭṭhānābhinivesesu vedanāvasena kammaṭṭhānābhiniveso sukaro vedanānaṃ vibhūtabhāvatoti dassetuṃ “**phassavasena hī**”<sup>3</sup>ti-ādi vuttam. **Na pākaṭam hotī**ti idaṃ tādise puggale sandhāya vuttam, yesaṃ ādito vedanāva vibhūtatarā hutvā upaṭṭhāti. Evam hi yaṃ vuttam “phasso pākaṭo hoti, viññāṇaṃ pākaṭam hotī”<sup>3</sup>ti, taṃ avirodhitam hoti. **Vedanānaṃ uppattipākaṭatāyā**ti ca idaṃ sukhadukkavedanānaṃ vasena vuttam. Tāsaṃ hi pavatti oḷārikā, na itarāya. Tadubhayaggahaṇamukhena vā gahetabbattā itarāyapi pavatti viññūnaṃ pākaṭā evāti “**vedanānaṃ**”<sup>3</sup>ti avisesaggahaṇaṃ daṭṭhabbaṃ. **Yadā sukhaṃ uppajjati**ti-ādi sukhavedanāya pākaṭabhāvavibhāvanaṃ.

**Neva tasmim samaye dukkhaṃ vedanaṃ vedetī**ti tasmim sukhavedanāsaṅgisaṃsamaye neva dukkhaṃ vedanaṃ vedeti niruddhattā, anuppannattā ca

1. Saṃ 2. 258; Khu 9. 6 piṭṭhesu.

2. Saṃ 2. 250 piṭṭhe.

3. Abhi 2. 37 piṭṭhe.

yathākkamaṃ abhītānāgatānaṃ, paccuppanāya pana asambhavo vuttoyeva. Sakiccakkaṇamattāvattāhānato **aniccā**. Samecca sambhuyya paccayehi katattā **saṅkhatā**. Vatthārammaṇādipaccayaṃ paṭicca uppanattā **paṭiccasamuppannā**. Khayavayapalujjananirujjhanapakatitāya **khayadhammā -pa- nirodhadhammā**ti daṭṭhabbā.

Kilesehi āmasitabbato āmisam nāma pañca kāmagaṇā, ārammaṇakaraṇavasena saha āmischīti **sāmisā**. Tenāha “**pañcakāmaguṇāmisaniṣṣitā**”ti. Ito paranti “atthi vedanā”ti evamādipāḷim sandhāyāha “**kāyānupassanāyaṃ vuttanayamevā**”ti.

Vedanānupassanāvaṇṇanā niṭṭhitā.

### Cittānupassanāvaṇṇanā

114. Sampayogavasena<sup>1</sup> pavattamānena saha rāgenāti **sarāgam**. Tenāha “**lobhasahagatan**”ti. **Vītarāganti** ettha kāmam sarāgapadapaṭiyoginā vītarāgavasena bhavitabbaṃ, sammasanacārassa pana idhāhippetattā tebhūmakasseva gahaṇanti “**lokiyakusalābyākatan**”ti vatvā “**idam panā**”ti-ādinā tameva adhippāyaṃ vivarati. **Sesāni** dve dosamūlāni, dve mohamūlānīti **cattāri akusalacittāni**. Tesam hi rāgena sampayogābhāvato nattheva sarāgatā, tannimittakatāya pana siyā taṃsahitatālesoti nattheva vītarāgatāpīti dukavinimuttatā evettha labbhatīti āha “**neva purimapadam, na pacchimapadam bhajanti**”ti. Yadi evam padesikaṃ pajānanam āpajjatīti? Nāpajjati dukantarapariyāpannattā tesam. Akusalamūlesu saha moheneva vattatīti **samohanti** āha “**vicikicchāsahagatañceva uddhaccasahagatañcā**”ti. Yasmā cettha saheva mohenāti samohanti purimapadāvadhāraṇampi labbhatiyeva, tasmā vuttam “**yasmā panā**”ti-ādi. Yathā pana atimūḷhatāya pāṭipuggalikanayena savisesam mohavantatāya momūhacittanti vattabbato vicikicchuddhaccasahagatadvayaṃ visesato “samohan”ti vuccati, na tathā sesākusalacittānīti

1. Dī-Ṭī 2. 313 piṭṭhādīsupi passitabbaṃ.

“**vaṭṭantiyevā**”ti vuttaṃ. Sampayogavasena thinamiddhena anupatitaṃ anugatanti **thinamiddhānupatitaṃ** pañcavidhaṃ asaṅkhārikākusalacittaṃ **saṅkuṭṭacittaṃ**. **Saṅkuṭṭacittaṃ nāma** ārammaṇe saṅkocanavasena pavattanato. Paccayavisesavasena thāmajātena uddhaccena sahaḡataṃ pavattaṃ saṃsaṭṭhanti **uddhaccasahaḡataṃ**, aññathā sabbampi akusalacittaṃ uddhaccasahaḡatamevāti. **Pasaṭṭacittaṃ nāma** sātisayaṃ vikkhepavasena pavattanato.

Kilesavikkhambhanasamatthatāya vipulaphalatāya dīghasantānatāya ca mahantabhāvaṃ gataṃ, mahantehi vā ulāracchandādihi gataṃ paṭipannanti **mahaggataṃ**. Taṃ pana rūpārūpabhūmikaṃ tato mahantassa loke abhāvato. Tenāha “**rūpārūpāvacaraṃ**”ti. Tassa cettha paṭiyogī parittamevāti āha “**amahaggatanti kāmāvacaraṃ**”ti. Attānaṃ uttarituṃ samatthehi saha uttarehīti **sa-uttaraṃ**, tappaṭipakkhena **anuttaraṃ**, tadubhayaṃ upādāya veditabbanti āha “**sa-uttaranti kāmāvacaraṃ**”ti-ādi. Paṭipakkhavikkhambhanasamatthena samādhinā sammadeva āhitaṃ **samāhitaṃ**. Tenāha “**yassā**”ti-ādi. **Yassāti** yassa cittaṃ. Yathāvuttena samādhinā na samāhitanti **asamāhitaṃ**. Tenāha “**ubhayasamādhiraḡitaṃ**”ti. Tadaṅgavimuttiyā **vimuttaṃ**, kāmāvacaraṃ kusalaṃ. Vikkhambhanavimuttiyā **vimuttaṃ**. Mahaggatanti tadubhayaṃ sandhāyāha “**tadaṅgavikkhambhanavimuttīhi vimuttaṃ**”ti. Yattha tadubhayavimutti natthi, taṃ ubhayavimuttiraḡitanti gayhamāne lokuttaracittepi siyā āsaṅkāti tannivattanatthaṃ “**samuccheda -pa- okāsova natthī**”ti āha. Okāsābhāvo ca sammasanacārassa adhippetattā veditabbo. Yaṃ panettha atthato avibhattaṃ, taṃ heṭṭhā vuttanayamevāti.

Cittānupassanāvaṇṇanā niṭṭhitā.

## Dhammānupassanā

### Nīvaraṇapabbavaṇṇanā

115. Pahātabbādidhammavibhāḡadassanavasena pañcadhā dhammānupassanā niddiṭṭhāti ayamattho pāḡito eva viññāyatīti tamatthaṃ ulliṅgento

“**pañcavidhena dhammānupassanaṃ kathetun**”ti vuttaṃ. Yadi evaṃ kasmā nīvaraṇādivaseneva niddiṭṭhanti? Veneyyajjhāsayato. Yesaṃ hi veneyyānaṃ pahātabbadhammesu paṭṭhamāṃ nīvaraṇāni vibhāgena vattabbāni, tesāṃ vasenettha bhagavatā paṭṭhamāṃ nīvaraṇesu dhammānupassanā kathitā. Tathā hi kāyānupassanāpi samathapubbaṅgamā desitā, tato pariññeyyesu khandhesu āyatanesu, bhāvetabbesu bojjhaṅgesu, pariññeyyādivibhāgesu saccesu ca uttarā desanā desitā, tasmā cettha samathabhāvanāpi yāvadeva vipassanattamaṃ icchitā, vipassanāpadhānā vipassanābahulā ca satipaṭṭhānadesanāti tassā vipassanābhinivesavibhāgena desitabhāvaṃ vibhāvento “**apicā**”ti-ādimāha. Tattha khandhāyatanadukkhasaccavasena missakapariggahakathanāṃ daṭṭhabbāṃ.

**Saññāsaṅkhārakkhandhapariggahampīti pi-saddena** sakalapañcupādānakkhandhapariggahaṃ sampiṇḍeti itaresāṃ tadantogadhattā. “Kaṇhasukkānaṃ yuganaddhatā natthī”ti pajānanakāle abhāvā “**abhiñhasamudācāravasena**”ti vuttaṃ. **Yathā**ti yenākārena. So pana “kāmacchandassa uppādo hotī”ti vuttattā kāmacchandassa kāraṇākārova, atthato kāraṇamevāti āha “**yena kāraṇenā**”ti. **Ca-saddo** vakkhamānatthasamuccayattho.

**Tatthā**ti “yathā cā”ti-ādinā vuttapade. **Subhampīti** kāmacchandopi. So hi attano gahaṇākārena “**subhan**”ti vuccati tenākārena pavattanakassa aññassa kāmacchandassa nimittattā “**subhanimittan**”ti ca. Iṭṭham, iṭṭhākārena vā gayhamānaṃ rūpādi **subhārammaṇaṃ**. Ākaṅkhitassa hitasukhassa anupāyabhūto manasikāro **anupāyamanasikāro**. **Tanti** ayonisomanasikāraṃ. **Tatthā**ti nipphādetabbe ārammaṇabhūte ca duvidhepi subhanimitte. **Āhāro**ti paccayo.

**Asubhampīti** asubhajjhānampi uttarapadalopena. Tam pana dasasu aviññāṇakāsubhesu, kesādīsu ca pavattaṃ daṭṭhabbāṃ. Kesādīsu hi saññā asubhasaññāti **Girimānandasutte**<sup>1</sup> vuttāti. Ettha ca catubbidhassa ayonisomanasikārassa yonisomanasikārassa ca gahaṇāṃ niravasesadassanattamaṃ katanti daṭṭhabbāṃ. Tesu pana asubhe “subhan”ti, “asubhan”ti ca manasikāro idhādhippeto, tadanukūlattā vā itarepīti.

---

1. Am 3. 343 piṭṭhe.

Ekādasasu<sup>1</sup> asubhesu paṭikūlakārassa uggaṇhanam, yathā vā tattha uggaṇhanimittam uppajjati, tathā paṭipatti **asubhanimittassa uggaho**. Upacārappanāvahāya asubhabhāvanāya anuyuñjanam **asubhabhāvanānuyogo**. Bhojane mattañño thinamiddhābhivābhāvā otāram alabhamāno kāmaccando pahiyatīti vadanti. Bhojananissitam pana āhāre paṭikūlasañnam, tabbipariṇāmassa, tadādhārassa, tassa ca udariyabhūtassa<sup>2</sup> asubhatādassanam, kāyassa āhāraṭṭhitikatādassanañca yo sammadeva jānāti, so visesato **bhojane mattaññū** nāma, tassa ca kāmaccando pahiyateva. **Asubhakammikatissatthero** dantaṭṭhidassāvī. **Abhidhammapariyāyena**<sup>3</sup> sabbopi lobho kāmaccandanīvaraṇanti āha “**arahattamaggenā**”ti.

**Paṭighampi** purimuppannam **paṭighanimittam** parato uppajjanakapaṭighassa kāraṇanti katvā. Mejjati hitapharaṇavasena siniyhatīti mitto, tasmim mitte bhavā, mittassa vā esāti mettā, tassā **mettāya**.

Mettāyanassa sattesu hitapharaṇassa uppādanam pavattanam **mettānimittassa uggaho**. **Odhisaka-anodhisakadisāpharaṇānanti** attatiptiyasahāyamajjhattaverīvasena odhisakatā, sīmāsambhede kate anodhisakatā, ekādīdisāpharaṇavasena disāpharaṇatā mettāya uggaṇṇe veditabbā. Vihāraracchāgāmādivasena vā odhisakadisāpharaṇam, viharādi-uddesarahitam puratthimādidisāvasena anodhisakadisāpharaṇanti evam vā dvidhā uggaṇṇam sandhāya “**odhisaka-anodhisakadisāpharaṇānanti**”ti vuttam. Uggaho ca yāva upacārā daṭṭhabbo, uggahitāya āsevanā bhāvanā. Tattha “sabbe sattā, pāṇā, bhūtā, puggalā, attabhāvapariyāpannā”ti etesam vasena pañcavidhā, ekekasmim “averā hontu, abyāpajjā, anīghā, sukhī attānam pariharantū”ti catudhāpavattito vīsatividhā anodhisakapharaṇā mettā, “sabbā itthiyo, purisā, ariyā, anariyā, devā, manussā, vinipātikā”ti sattodhikaraṇavasena pavattā sattavidhā aṭṭhavīsatividhā vā, dasahi disāhi disodhikaraṇavasena pavattā dasavidhā ca, ekekāya vā disāya

1. Am-Ṭī 1. 83 piṭṭhādīsopi passitabbam.

2. Upanissayabhūtassa ativiya jegucchatam (Dī-Ṭī 2. 316 piṭṭhe)

3. Abhi 1. 232, 284 piṭṭhesu.

sattādi-itthādi-averādibhedena asītādhikacatusatappabhedā ca odhisoparaṇā veditabbā.

Yena ayonisomanasikārena arati-ādikāni uppajjanti, so arati-ādīsu **ayonisomanasikāro, tena**. Nipphādetabbe hi idaṃ bhummaṃ. Esa nayo ito paresupi. **Ukkaṇṭhitā** pantasenāsanesu adhikusalesu dhammesu ca uppajjanabhāvāriṇcaṇā. **Kāyavināmanāti** kāyassa virūpenākārena nāmanā.

Kusaladhammasampañipattiyā paṭṭhapanasabhāvatāya, tappaṭṭipakkhānaṃ visosanabhāvatāya ca ārambhadhātu ādito pavattavīriyanti āha **“paṭṭhamārambhavīriyan”**ti. Yasmā paṭṭhamārambhamattassa kosajjavidhamanaṃ thāmagamanañca natthi, tasmā vuttaṃ **“kosajjato nikkhantatāya tato balavataran”**ti. Yasmā pana aparāparuppattiyā laddhāsevanaṃ uparūparivisesaṃ āvahantaṃ ativiya thāmagatameva hoti, tasmā vuttaṃ **“param param ṭhānaṃ akkamanato tatopi balavataran”**ti.

**Atibhojane nimittaggāho**ti atibhojane thinamiddhassa nimittaggāho, “ettake bhutte thinamiddhassa kāraṇaṃ hoti, ettake na hoti”ti thinamiddhassa kāraṇākāraṇaggāho hotīti attho. **Divā sūriyālokanti** divā gahitanimittaṃ sūriyālokaṃ rattiyaṃ manasikarontassapīti evamettha attho veditabbo. Dhutaṅgānaṃ vīriyanissitattā vuttaṃ **“dhutaṅganissita sappāyakathāyapī”**ti.

Kukkuccampi katākatānusocanavasena pavattamānaṃ cetaso avūpasamāvahatāya uddhaccena samānalakkhaṇamevāti **“avūpasamo nāma avūpasantākāro, uddhaccakukkuccamevetam atthato”**ti vuttaṃ.

Bahussutassa ganthato atthato ca sutādīni vicārentassa atthavedādipaṭilābhasabbhāvato vikkhepo na hoti, yathāvidhipaṭṭipattiyā yathānurūpapaṭikārapavattiyā ca katākatānusocanañca na hotīti **“bāhusaccenapi -pa- uddhaccakukkuccam pahīyati”**ti āha. Yadaggena bāhusaccena uddhaccakukkuccam pahīyati, tadaggena paripucchakatāvinayapakataññutāhipi taṃ pahīyatīti daṭṭhabbam. Vuddhasevitā ca vuddhasīlitaṃ āvahatīti cetaso vūpasamakaraṭṭā uddhaccakukkuccapahānakārī vuttā.



Vuddhattaṃ pana anapekkhitvā vinayadharā kukkuccavinodakā kalyāṇamittā vuttāti daṭṭhabbā. Vikkhepo ca bhikkhuno yebhuyyena kukkucca hetuko hotīti “**kappiyākappiyaparipucchābahulassā**”ti-ādinā vinayanayeneva paripucchakatādayo niddiṭṭhā. **Pahīne uddhaccakukkucceti** niddhāraṇe bhummaṃ. **Kukkuccassa** domanassasahagattā **anāgāmimaggena āyatiraṃ anuppādo** vutto.

Tiṭṭhati pavattati etthāti ṭhānīyā, vicikicchāya ṭhānīyā **vicikicchāṭṭhānīyā**, vicikicchāya kāraṇabhūtā dhammā. Tiṭṭhatīti vā ṭhānīyā, vicikicchā ṭhānīyā etissāti **vicikicchāṭṭhānīyā**, atthato vicikicchā eva. Sā hi purimuppannā parato uppajjanakavicikicchāya sabhāgahetutāya asādhāraṇaṃ.

**Kusalākusalā**ti kosallasambhūtaṭṭhena kusalā, tappaṭipakkhato akusalā. Ye akusalā, te **sāvajjā asevitabbā hīnā ca**. Ye kusalā, te **anavajjā sevitabbā paṇīṭā ca**. Kusalāpi vā hīnehi chandādihi āraddhā **hīnā**, paṇītehi **paṇīṭā**. **Kaṇhā**ti kālakā, cittassa apabhassarabhāvakaraṇā. **Sukkā**ti odātā, cittassa pabhassarabhāvakaraṇā. Kaṇhābhijāti hetuto vā **kaṇhā**, sukkābhijāti hetuto **sukkā**. Te eva **sappaṭibhāgā**. Kaṇhā hi ujuvipaccanīkatāya sukkehi sappaṭibhāgā, tathā sukkāpi itarehi. Atha vā kaṇhasukkā ca sappaṭibhāgā ca **kaṇhasukkasappaṭibhāgā**. Sukkā hi vedanā dukkhāya vedanāya sappaṭibhāgā, dukkhā ca vedanā sukhāya vedanāya sappaṭibhāgāti.

Kāmaṃ bāhusaccaparipucchakatāhi aṭṭhavatthukāpi vicikicchā pahīyati, tathāpi ratanattayavicikicchāmūlikā sesavicikicchāti katvā āha “**tīṇi ratanāni ārabbhā**”ti. Ratanattayaguṇāvabodhe hi<sup>1</sup> “satthari kaṅkhatī”ti<sup>2</sup> ādivicikicchāya asambhavoti. Vinaye pakataññutā “sikkhāya kaṅkhatī”ti<sup>2</sup> vuttāya vicikicchāya pahānaṃ karotīti āha “**vinaye ciṇṇavasībhāvassapī**”ti. **Okappanīyasaddhāsāṅkhāta-adhimokkhabahulassā**ti saddheyyavatthuno anupavisanasaddhāsāṅkhāta-adhimokkkena

1. Ratanattayaguṇāvabodhe sati (Sam-Ṭī 2. 443 piṭṭhe)

2. Abhi 1. 208, 225, 233, 245, 250, 251; Abhi 2. 379 piṭṭhesu.

adhimuccanabahulassa. Adhimuccanañca adhimokkhuppādanamevāti daṭṭhabbāṃ. Saddhāya vā ninnapaṇatā adhimutti adhimokkho.

**Subhanimitta-asubhanimittādīsūti** “subhanimittādīsū asubhanimittādīsū”ti **ādi**-saddo paccekāṃ yojetabbo. Tattha paṭhamena **ādisaddena** paṭighanimittādīnaṃ saṅgaho, dutiyena mettācetovimutti-ādīnaṃ. Sesamettha yaṃ vattabbaṃ, taṃ vuttanayamevāti.

Nīvaraṇapabbavaṇṇanā niṭṭhitā.

### Khandhapabbavaṇṇanā

116. Upādānehi ārammaṇakaraṇādīvasena upādātābbā vā khandhā **upādānakkhandhā**. **Iti rūpanti** ettha **iti**-saddo idaṃ-saddena samānatthoti adhippāyenāha “**idaṃ rūpan**”ti. Tayidaṃ sarūpato anavasesapariyādānaṃ hotīti āha “**ettakaṃ rūpaṃ, na ito paraṃ rūpaṃ atthī**”ti. **Itīti** vā pakāratthe nipāto, tasmā “**iti rūpan**”ti iminā bhūtopādādīvasena yattako rūpassa bhedo, tena saddhiṃ rūpaṃ anavasesato pariyādiyitvā dasseti. **Sabhāvatoti** ruppanasabhāvato cakkhādīvaṇṇādīsabhāvato ca. **Vedanādīsūpīti** ettha “ayaṃ vedanā, ettakā vedanā, na ito paraṃ vedanā atthīti sabhāvato vedanaṃ pajānāti”ti-ādīnā, **sabhāvatoti** ca anubhavaṇasabhāvato sātādīsabhāvato cāti evamādinā yojetabbaṃ.

Khandhapabbavaṇṇanā niṭṭhitā.

### Āyatanapabbavaṇṇanā

117. **Chasu ajjhattikabāhiresūti**<sup>1</sup> “chasu ajjhattikesu chasu bāhiresū”ti “**chasū**”ti padaṃ paccekāṃ yojetabbaṃ. Kasmā panetāni ubhayāni chaḷeva vuttāni? Chaviññāṇakāyupattidvārārammaṇavavatthānato.

1. Dī-Ṭī 2. 320 piṭṭhādīsūpi passitabbaṃ.

cakkhuviññānavīthiyā pariyāpannassa hi viññāṇakāyassa cakkhāyataneva uppattidvāraṃ, rūpāyataneva ca ārammaṇaṃ, tathā itarāni itaresaṃ, chaṭṭhassa pana bhavaṅgamanasaṅkhāto manāyatanevadeso uppattidvāraṃ, asādhāraṇaṅca dhammāyataneva ārammaṇaṃ. Cakkhatīti **cakkhu**, rūpaṃ assādeti vibhāveti cāti attho. Suṇātīti **sotaṃ**. Ghāyatīti **ghānaṃ**. Jīvitanimittatāya raso jīvitaṃ, taṃ jīvitamavhāyatīti **jivhā**. Kucchitānaṃ sāsavadhammānaṃ āyo uppattidesoti **kāyo**. Munāti ārammaṇaṃ vijānātīti **mano**. Rūpayati vaṇṇavikāraṃ āpajjamānaṃ hadayaṅgatabhāvaṃ pakāsetīti **rūpaṃ**. Sappati attano paccayehi harīyati sotaviññeyyabhāvaṃ gamīyatīti **saddo**. Gandhayati attano vatthum sūcetīti **gandho**. Rasanti taṃ sattā assādentīti **raso**. Phusīyatīti **phoṭṭhabbaṃ**. Attano lakkhaṇaṃ dhārentīti **dhammā**. Sabbāni pana āyānaṃ tananādi-atthena **āyatanāni**. Ayamettha saṅkhepo, vitthāro pana **visuddhimagge**<sup>1</sup> **taṃsaṃvaṇṇanāya**<sup>2</sup> ca vuttanayena veditabbo.

**Cakkhuṅca pajānātīti** ettha **cakkhu** nāma pasādacakkhu, na sasambhāracakkhu, nāpi dibbacakkhu-ādikanti āha “**cakkhupasādan**”ti. Yaṃ sandhāya vuttaṃ “yaṃ cakkhu catunnaṃ mahābhūtānaṃ upādāya pasādo”ti<sup>3</sup>. **Ca-saddo** vakkhamānatthasamuccayattho.

**Yāthāvasarasalakkhaṇavasenāti** aviparītassa attano rasassa ceva lakkhaṇassa ca vasena, rūpesu āviñchanakiccassa ceva rūpābhighātārahabhūtapaśādalakkhaṇassa ca vasenāti attho. “Cakkhuṅca paṭicca rūpe cā”ti-ādīsu<sup>4</sup> samuditāniyeva rūpāyatanāni cakkhuviññāṇuppattihetu, na visum visunti imassa atthassa dassanattham “**rūpe cā**”ti puthuvacanaggahaṇaṃ, tāya eva ca desanāgatiyā kāmam idhāpi “rūpe ca pajānātī”ti vuttaṃ rūpabhāvasāmaññena pana sabbaṃ ekajjhamgahetvā “**bahiddhā catusamuṭṭhānikarūpaṅca**”ti ekavacanavasena attho vutto. **Sarasalakkhaṇavasenāti** cakkhuviññāṇassa visayabhāvakiccassa ceva cakkhupaṭihananalakkhaṇassa ca vasenāti yojetabbam.

**Ubhayaṃ paṭiccāti** cakkhum upanissayapaccayavasena paccayabhūtaṃ, rūpe ārammaṇādhipati-ārammaṇūpanissayavasena paccayabhūte ca paṭicca. Kāmañcāyaṃ

1. Visuddhi 2. 112 piṭṭhe. 2. Visuddhi-Ṭī 2. 170 piṭṭhe. 3. Abhi 1. 157 piṭṭhe.

4. Ma 1. 158, 326; Ma 3. 328, 332, 333; Saṃ 1. 300, 302; Saṃ 2. 260; Abhi 4. 248, 249 piṭṭhesu.

suttantasamvaṇṇanā, nippariyāyakathā nāma abhidhammasannissitā evāti abhidhammanayeneva saṃyojanāni dassento “**kāmarāga -pa-avijjāsaññojanan**”ti āha. Tattha kāmesu rāgo, kāmo ca so rāgo cāti **kāmarāgo**, so eva bandhanatṭhena **saṃyojanam**. Ayaṃ hi yassa saṃvijjati, taṃ puggalaṃ vaṭṭasmiṃ saṃyojeti bandhati, iti dukkhena sattaṃ, bhavādike vā bhavantarādīhi, kammunā vā vipākaṃ saṃyojeti bandhatīti **saṃyojanam**. Evaṃ paṭighasaṃyojanādīnampi yathārahaṃ attho vattabbo. **Sarasalakkhaṇavasenā**ti ettha pana sattassa vaṭṭato anissajjanasaṅkhātassa attano kiccassa ceva yathāvuttabandhanasaṅkhātassa lakkhaṇassa ca vasenāti yojetabban.

Bhavassādadiṭṭhissādanivattanattham **kāmassādaggahaṇam**. **Assādayatoti** abhiramantassa. **Abhinandatoti** sappītikataṇhāvasena nandantassa. Padadvayenapi balavato kāmarāgassa paccayabhūtā kāmarāguppatti vuttā. Esa nayo sesesupi. **Etam ārammaṇanti** etam evaṃsukhumaṃ evaṃdubbibhāgaṃ ārammaṇam. **Niccaṃ dhuvanti** etam nidassanamattaṃ, “ucchiṃjissati vinassissatīti gaṇhato”ti evamādīnampi saṅgaho icchitabbo. **Bhavam patthentassāti** “īdise sampattibhave yasmā amhākaṃ idaṃ iṭṭhārammaṇam sulabhaṃ jātaṃ, tasmā āyatimpi sampattibhavo bhaveyyā”ti bhavam nikāmentassa. Evarūpaṃ sakkā laddhanti yojanā. **Usūyatoti** usūyaṃ issaṃ uppādayato. **Aññassa maccharāyatoti** aññena asādhāraṇabhāvakaraṇena macchariyaṃ karoto. **Sabbeheva** yathāvuttehi navahi saṃyojanehi.

**Taṅca kāraṇanti** subhanimittapaṭighanimittādivibhāvaṃ iṭṭhāniṭṭhādirūpārammaṇaṅceva tajjāyonisomanasikāraṅcāti tassa tassa saṃyojanassa kāraṇam. Avikkhambhita-asamūhatabhūmiladdhuppannataṃ sandhāya “**appahīnatṭhena uppannassā**”ti vuttam. Vattamānuppannatā **samudācārāggahaṇeneva** gahitā. **Yena kāraṇenāti** yena vipassanāsamathabhāvanāsāṅkhātena kāraṇena. Tam hi tassa tadaṅgavasena ceva vikkhambhanavasena ca pahānakāraṇam. Issāmacchariyānam apāyagamaniyatāya paṭhamamaggavajjhatā vuttā. Yadi evaṃ “tiṇṇam saṃyojanānam parikkhayā sotāpanno hotī”ti<sup>1</sup>

1. Am 1. 560 piṭṭhe.

suttapadaṃ katanti? Taṃ suttanta pariyāyena vuttaṃ. Yathānulomasāsanāṃ hi suttantadesanā, ayaṃ pana abhidhammanayena saṃvaṇṇanāti nāyaṃ doso. **Oḷārikassāti** thūlassa, yato abhiṇhasamuppattipariyuṭṭhānatibbatāva hoti. **Aṇusahagatassāti** vuttappakāra-oḷārikābhāvena aṇubhāvaṃ sukhumabhāvaṃ gatassa. Uddhaccasaṃyojanassapettha anuppādo vuttoyeva yathāvuttasaṃyojanehi avinābhāvato. Sotādīnaṃ sabhāvasarasalakkhaṇavasena pajānanā, tappaccayānaṃ saṃyojanānaṃ uppādādipajānanā ca vuttanayeneva veditabbāti dassento “**eseva nayo**”ti atidīsati.

**Attano vā dhammesūti** attano ajjhattikāyatanadhammesu, attano ubhayadhammesu vā. Imasmim pakkhe **ajjhattikāyatanapariggahaṇenāti** ajjhattikāyatanapariggahaṇanamukhenāti attho, evañca anavasesato saparasantānesu āyatanānaṃ pariggaho siddho hoti. **Parassa vā dhammesūti** etthāpi eseva nayo. **Rūpāyatanassāti** aḍḍhekādasapabhedarūpasabhāvassa āyatanassa. Rūpakkhandhe vuttanayena nīharitabbāti ānetvā sambandhitabbaṃ. **Sesakhandhesūti** vedanāsaññāsāṅkhārakkhendhesu. **Vuttanayenāti** iminā atidesena rūpakkhandhe āhārasamudayāti, viññāṇakkhandhe nāmarūpasamudayāti, sesakkhandhesu phassasamudayāti imaṃ visesaṃ vibhāveti, itaraṃ pana sabbattha samānanti. Khandhapabbe viya āyatanapabbepi lokuttaranivattanaṃ pāḷiyaṃ gahitaṃ natthīti āha “**lokuttaradhammā na gahetabbā**”ti.

Āyatanapabbavaṇṇanā niṭṭhitā.

### Bojjhaṅgapabbavaṇṇanā

118. **Bujjhanakasattassāti** kilesaniddāya paṭibujjhanakasattassa, ariyasaccānaṃ vā paṭivijjhanakasattassa. **Aṅgesūti** kāraṇesu, avayavesu vā. Udayabbayañānuppādato paṭṭhāya sambodhipaṭipadāyaṃ ṭhito nāma hotīti āha “**āraddhavipassakato paṭṭhāya yogāvacaroti sambodhi**”ti.

“**Satisambojjhaṅgaṭṭhānīyā**”ti padassa attho “vicikicchaṭṭhānīyā”ti ettha vuttanayena veditabbo. **Tanti** yonisomanasikāraṃ. **Tatthāti** satiyāṃ. Nipphādetabbe cetāṃ bhummaṃ.

Sati ca sampajaññaṅca **satisampajaññaṃ**<sup>1</sup>. Atha vā satipadhānaṃ abhikkantādisatthakabhāvapariggaṇhanaññaṃ **satisampajaññaṃ**. Taṃ sabbattha satokāribhāvāvahattā satisambojjhaṅgassa uppādāya hoti. Yathā paccanīkadhammānaṃ pahānaṃ anurūpadhammasevanā ca anuppannānaṃ kusalānaṃ dhammānaṃ uppādāya hoti, evaṃ satirahitapuggalavivajjanā, satokārīpuggalasevanā, tattha ca yuttapayuttatā satisambojjhaṅgassa uppādāya hotīti imamatthaṃ dasseti “**satisampajaññaṃ**”ti-ādinā.

Dhammānaṃ, dhammesu vā vicayo dhammavicayo, so eva sambojjhaṅgo, tassa **dhammavicayasambojjhaṅgassa**. “**Kusalākusalā dhammā**”ti-ādīsu yaṃ vattabbaṃ, taṃ heṭṭhā vuttameva. Tattha **yonisomanasikārabahulīkāro**ti kusalādīsu taṃtaṃsabhāvarasalakkaṇādikassa yāthāvato avabujjhanavasena uppanno ñāṇasampayuttacittuppādo. So hi aviparītamanasikāratāya “yonisomanasikāro”ti vutto, tadābhogātāya āvajjanāpi taggatikāva, tassa abhiṅhapavattanaṃ bahulīkāro. **Bhiyyobhāvāyāti** punappunabhāvāya. **Vepullāyāti** vipulabhāvāya. **Pāripūriyāti** paribrūhanāya.

**Paripucchakatāti** pariyogāhetvā pucchakabhāvo. Ācariye payirupāsivā pañcapi nikāye saha aṭṭhakathāya pariyogāhetvā yaṃ yaṃ tattha gaṇṭhiṭṭhānabhūtaṃ, taṃ taṃ “idaṃ bhante kathaṃ, imassa ko attho”ti khandhāyatanādi-atthaṃ pucchantassa dhammavicayasambojjhaṅgo uppajjati. Tenāha “**kandhadhātu -pa- bahulatā**”ti.

**Vatthuvisadakiriyāti** ettha cittacetāsikānaṃ pavattiṭṭhānabhāvato sarīraṃ, tappaṭibaddhāni cīvarādāni ca idha “vatthūnī”ti adhippetāni. Tāni yathā cittassa sukhāvahāni honti, tathā karaṇaṃ tesāṃ visadabhāvakaraṇaṃ. Tena vuttaṃ “**ajjhattikabāhirānaṃ**”ti-ādi. **Ussannadosanti** vātādi-ussannadosaṃ. **Sedamalamakkhitanti** sedena ceva jallikāsaṅkhātena

1. Dī-Ṭī 2. 324; Saṃ-Ṭī 2. 431; Am-Ṭī 1. 251 piṭṭhādīsupi passitabbaṃ.

sarīramalena ca makkhitam. **Ca**-saddena aññampi sarīrassa pīlavaham saṅgaṇhāti. **Senāsanam vāti vā**-saddena pattādīnam saṅgaho daṭṭhabbo. **Avisade** sati, visayabhūte vā. Katham bhāvanamanuyuttassa tāni visayo? Antarantarā pavattanakacittuppādavasenevaṃ vuttam. Te hi cittuppādā cित्तेkaggaṭāya aparisuddhabhāvāya saṃvattanti. **Cittacetasikesu** nissayādipaccayabhūtesu. **Ñāṇampīti pi**-saddo sampiṇḍanatto. Tena na kevalam tam vatthuyeva, atha kho tasmim aparisuddhe ñāṇampi aparisuddham hotīti nissayāparisuddhiyā tamnissitāparisuddhi viya visayassa aparisuddhatāya visayīnam aparisuddhim dasseti.

**Samabhāvakarāṇanti** kiccato anūnādhikabhāvakarāṇam. Yathāpaccayam saddheyyavatthusmim adhimokkhakiccassa paṭutarabhāvena paññāya avisadatāya vīriyādīnañca sithilatādīnā **saddhindriyam balavam hoti**. Tenāha “**itarāni mandāni**”ti. **Tatoti** tasmā saddhindriyassa balavabhāvato itaresañca mandattā. Kosajjapakkhe patitum adavā sampayuttadhammānam paggaṇhanam anubalappadānam paggaho, paggahova kiccam **paggaḥakiccam**. “Kātum na sakkoti”ti ānetvā ambandhitabbam. Ārammaṇam upagantvā ṭhānam, anissajjanam vā **upaṭṭhānam**. Vikkhepaṭipakkho, yena vā sampayuttā avikkhittā honti, so **avikkhepo**. Rūpagatam viya cakkhunā yena yāthāvato visayasabhāvam passati, tam **dassanakiccam kātum na sakkoti** balavatā saddhindriyena abhibhūtattā. Sahajātadhammesu indaṭṭham kārentānam sahapavattamānānam dhammānam ekarasatāvaseneva atthasiddhi, na aññathā.

**Tasmāti** vuttamevattham kāraṇabhāvena paccāmasati. **Tanti** saddhindriyam. **Dhammasabhāvapaccavekkhaṇenābhi** yassa saddheyyavatthuno uḷāratādiguṇe adhimuccanassa sātisayappavattiyā saddhindriyam balavam jātam, tassa paccayapaccayuppannatādivibhāgato yāthāvato vīmaṃsanena. Evaṃ hi evaṃdhammatānayaena sabhāvasarasato pariggayhamāne savipphāro adhimokkho na hoti “ayam imesam dhammānam sabhāvo”ti pariḷānānavasena paññābyāpārassa sātisayattā. Dhuriyadhammesu hi yathā saddhāya balavabhāve paññāya mandabhāvo hoti, evaṃ paññāya balavabhāve saddhāya mandabhāvo hoti. Tena vuttam “**tam dhammasabhāvapaccavekkhaṇena -pa- hāpetabban**”ti. **Tathā amanasikārenāti** yenākārena bhāvanamanuyuñjantassa saddhindriyam

balavaṃ jātaṃ, tenākārena bhāvanāya ananuyuñjanatoti vuttaṃ hoti. Idha duvidhena saddhindriyassa balavabhāvo attano vā paccayavisesavasena kiccuttariyato vīriyādīnaṃ vā mandakiccatāya. Tattha paṭhamavikappe hāpanavidhi dassito, dutiyavikappe pana yathā manasikaroto vīriyādīnaṃ mandakiccatāya saddhindriyaṃ balavaṃ jātaṃ, tathā amanasikārena, vīriyādīnaṃ paṭukiccabhāvāvahena manasikārena saddhindriyaṃ tehi samarasam<sup>1</sup> karontena hāpetabbaṃ. Iminā nayena sesindriyesupi hāpanavidhi veditabbo.

**Vakkalītheravattūti** so hi āyasmā saddhādhimuttāya katādhikāro satthu rūpakāyadassanapasuto eva hutvā viharanto satthārā “kiṃ te vakkali iminā pūtikāyena diṭṭhena, yo kho vakkali dhammaṃ passati, so maṃ passatī”ti-ādīna<sup>2</sup> ovaditvā kammaṭṭhāne niyojitopi taṃ ananuyuñjanto paṇāmito attānaṃ vinipātetuṃ papātaṭṭhānaṃ abhiruti. Atha naṃ satthā yathānisinnova obhāsavissajjanena attānaṃ dassetvā—

“Pāmojjabahulo bhikkhu, pasanno buddhasāsane.

Adhigacche padaṃ santaṃ, saṅkhārūpasamaṃ sukhaṃ”ti<sup>3</sup>—

gāthaṃ vatvā “ehi vakkalī”ti āha. So tena amateneva abhisitto haṭṭhatuṭṭho hutvā vipassanaṃ paṭṭhapesi, saddhāya pana balavabhāvato vipassānāvīthim na otarati. Taṃ ṇatvā bhagavā tassa indriyasamattapaṭipādanāya kammaṭṭhānaṃ sodhetvā adāsi. So satthārā dinnanayena vipassanaṃ ussukkāpetvā maggapaṭipāṭiyā arahattaṃ pāpuṇi. Tena vuttaṃ **vakkalītheravattu cettha nidassanaṃ**”ti.

**Itarakiccabhedanti** upaṭṭhānādikiccavisesaṃ. **Passaddhādīti ādi**-saddena samādhi-upekkhāsambojjhaṅgānaṃ saṅgaho. **Hāpetabbanti** yathā saddhindriyassa balavabhāvo dhammasabhāvapaccavekkhaṇena hāyati, evaṃ vīriyindriyassa adhimattatā passaddhi-ādibhāvanāya hāyati samādhipakkhiyattā tassā. Tathā hi sā samādhindriyassa adhimattataṃ kosajjapātato rakkhantī vīriyādibhāvanā viya vīriyindriyassa adhimattataṃ uddhaccapātato rakkhantī

1. Samataṃ (Sam-Ṭī 2. 433 piṭṭhe)

2. Sam 2. 98 piṭṭhe.

3. Khu 1. 68 piṭṭhe Dhammapade.



ekamsato hāpeti. Tena vuttam **“passaddhādibhāvanāya hāpetabban”**ti. **Soṇattherassa vatthūti** sukhumālasoṇattherassa vatthu. So hi āyasmā satthu santike kammaṭṭhānam gahetvā sītavane viharanto “mamasarīram sukhumālam, na ca sakkā sukheva sukham adhigantum, kāyam kilametvāpi samaṇadhammo kātabbo”ti ṭhānacaṅkamameva adhiṭṭhāya padhānamanuyuñjanto pādālesu phoṭesu uṭṭhitesupi vedanam ajjupekkhitvā dalhavīriyam karonto accāraddhavīriyatāya visesam nibbattetum nāsakkhi. Satthā tattha gantvā viṇūpamovādena ovaditvā vīriyasamatāyojanavidhim dassento kammaṭṭhānam sodhetvā gijjhakūṭam gato. Theropi satthārā dinnanayena vīriyasamatam yojetvā bhāvento vipassanam ussukkāpetvā arahatte patiṭṭhāsi. Tena vuttam **“Soṇattherassa vatthu dassetabban”**ti. **Sesesupīti** satisamādhipaṇṇindriyesupi.

**Samatanti** saddhāpaṇṇānam aññamaññam anūnānadhikabhāvam, tathā samādhivīriyānam. Yathā hi saddhāpaṇṇānam visum visum dhuriyadhamabhūtānam kiccato aññamaññānativattanam visesato icchitabban, yato nesam samadhuratāya appanā sampajjati, evam samādhivīriyānam kosajjuddhaccapakkhikānam samarasatāya<sup>1</sup> sati aññamaññūpatthambhanato sampayuttadhamānam antadvayapātābhāvena sammadeva appanā ijjatīti. **Balavasaddhoti**-ādi vuttassevattassa byatirekamukhena samatthanam. Tassattho—yo balavatiyā saddhāya samannāgato avisadañāṇo, so **mudhāpasannohoti**, na aveccappasanno. Tathā hi so **avatthusmim pasīdati** seyyathāpi titthiyasāvaka. **Kerāṭikapakkhanti** sāṭheyyapakkham bhajati. Saddhāhīnāya paññāya atidhāvanto “deyyavattupariccāgena vinā cittuppādamattenapi dānamayam puññam hotī”ti-ādīni parikappeti hetupatirūpakehi vañcito, evambhūto ca sukkhatakkaviluttacitto paṇḍitānam vacanam nādiyati, saññattim na gacchati. Tenāha **“bhesajjasamuṭṭhito viya rogo atekiccho hotī”**ti. Yathā cettha saddhāpaṇṇānam aññamaññam samabhāvo atthāvaho, anattāvaho visamabhāvo, evam samādhivīriyānam aññamaññam avikkhepāvaho samabhāvo, itaro vikkhepāvaho cāti. **Kosajjam adhibhavati**, tena appanam na pāpuṇātīti

---

1. Samatāya (Sam-Ṭī 2. 434 piṭṭhe)

adhippāyo. **Uddhaccaṃ adhibhavatī**ti etthāpi eseva nayo. **Tadubhayanti** saddhāpañṇādvayaṃ samādhivīriyadvayaṅca. **Samam katabbanti** samarasam<sup>1</sup> katabbam.

**Samādhikammikassā**ti samathakammaṭṭhānikassa. **Evanti** evaṃ sante, saddhāya thokaṃ balavabhāve satīti attho. **Saddahantoti** “pathavīti manasikāramattena katham jhānuppattī”ti acintetvā “addhā sammāsambuddhena vuttavidhi ijjhissatī”ti saddahanto saddham janento. **Okappentoti** ārammaṇaṃ anupavisitvā viya adhimuccanavasena avakappento pakkhandanto. **Ekaggatā balavatī vaṭṭati** samādhippadhānattā jhānassa. **Ubhinnanti** samādhipañṇānaṃ. Samādhikammikassa samādhino adhimattatāya pañṇāya adhimattatāpi icchitabbāti āha “**samatāyapī**”ti, samabhāvenapīti attho. **Appanā**ti lokiya-appanā. Tathā hi “**hotiyevā**”ti sāsanaṃ vadati. Lokuttarappanā pana tesam samabhāveneva icchitā. Yathāha “samathavipassanaṃ yuganaddham bhāvetī”ti<sup>2</sup>. Yadi visesato saddhāpañṇānaṃ samādhivīriyānaṅca samatā icchitā, katham satīti āha “**sati pana sabbattha balavatī vaṭṭati**”ti. **Sabbatthāti** līnuddhaccapakkhikesu pañcasu indriyesu. Uddhaccapakkhikekadese gaṇhanto “**saddhāvīriyapañṇānaṃ**”ti āha. Aññathā pīti ca gahebbā siyā. Tathā hi “**kosajjapakkhikena samādhinā**” icceva vuttam, na “passaddhisamādhipekkhāhī”ti. **Sāti** sati. Sabbesu rājakammesu niyutto **sabbakammiko**. **Tenāti** tena sabbattha icchitabbatthena kāraṇena. **Āha** aṭṭhakathāyaṃ. Sabbattha niyuttā **sabbatthikā**, sabbena vā līnuddhaccapakkhiyena bojjaṅgena<sup>3</sup> atthetabbā sabbatthiyā, sabbatthiyāva **sabbatthikā**. **Cittanti** kusalacittam. Tassa hi **sati paṭisaraṇam** parāyaṇam appattassa pattiyā anadhigatassa adhigamāya. Tenāha “**ārakkhapaccupaṭṭhānā**”ti-ādi.

**Khandhādibhede anogālhapañṇānanti** pariyattibāhusaccavasenapi khandhāyatanādīsu appatīṭṭhitabuddhīnaṃ. Bahussutasevanā hi sutamayaññāvahā. Taruṇavipassanāsamaṅgīpi bhāvanāmayaññe ṭhitattā ekamsato pañṇavā

1. Samataṃ (Saṃ-Ṭī 2. 434 piṭṭhe) 2. Am 1. 475; Khu 9. 288, 289, 290, 291 piṭṭhe.

3. Bojjaṅgagaṇena (Am-Ṭī 1. 256 piṭṭhe), bojjaṅgaggagaṇena (Visuddhi-Ṭī 1. 154 piṭṭhe) Saṃ-Ṭī 2. 435 piṭṭhepi passitabbam.

eva nāma hotīti āha “**samapaññāsa -pa- puggalasevanā**”ti. Ñeyyadhammassa gambhīrabhāvavasena tapparicchedakañāṇassa gambhīrabhāvaggahaṇanti āha “**gambhīresu khandhādīsu pavattāya gambhīrapaññāyā**”ti. Tam hi ñeyyam tādīsāya paññāya caritabbato gambhīrañāṇacariyam, tassā vā paññāya tatha pabhedato pavatti gambhīrañāṇacariyā, tassā paccavekkhaṇāti āha “**gambhīrapaññāya pabhedapaccavekkhaṇā**”ti. Yathā sativepullappatto nāma arahā eva, evam so eva paññāvepullappattopīti āha “**arahattamaggena bhāvanāpāripūrī hotī**”ti. **Vīriyādīsupi** eseva nayo.

“Tattam ayokhilaṃ hatthe gamentī”ti-ādinā<sup>1</sup>  
 pañcavidhabandhanakammakāraṇaṃ niraye nibbattasattassa yebhuyyena sabbapaṭhamam karontīti devadūtasuttādīsū tassā ādito vuttattā ca āha “**pañcavidhabandhanakammakāraṇato paṭṭhāyā**”ti. **Sakaṭavāhanādīkaleti ādi-**saddena tadaññam manussehi tiracchānehi ca vibādhiyamānakālam saṅgaṇhāti. **Ekam buddhantaranti** idam aparāparam petesuyeva uppajjanakasattavasena vuttam, ekaccānam vā petānam ekaccatiracchānānam viya tathā dīghāyukabhāvato. Tathā hi kāḷo nāgarājā catunnam buddhānam adhigatarūpadassano.

**Evam ānisaṃsadassāvinoti** vīriyāyatto eva sabbo lokuttaro lokiyo ca visesādhigamoti evam vīriye ānisaṃsadassanasīlassa. **Gamanavīthinti** sapubbabhāgam nibbānagāminiṃ ariyamaggapaṭipadam. Sā hi bhikkhuno vaṭṭanissaraṇāya gantabbā paṭipajjitabbā paṭipadāti katvā gamanavīthi nāma. **Kāyadaḷībahuloti** yathā tathā kāyassa daḷhīkammapasuto. **Piṇḍanti** raṭṭhapiṇḍam. Paccayadāyakānam attani kārassa attano sammāpaṭipattiyā mahapphalabhāvassa karaṇena piṇḍassa bhikkhāya paṭipūjanā **piṇḍāpacāyanam**<sup>2</sup>.

**Nīharantoti** pattatthavikato nīharanto. **Tam saddam sutvāti** tam upāsikāya vacanam paṇṇasāladvāre ʒhitova pañcābhiññātāya dibbasotena sutvā. Manussasampatti dibbasampatti ante nibbānasampattīti **tisso**

1. Ma 3. 204, 221; Am 1. 139 piṭṭhesu.

2. Piṇḍapātāpacāyanam (Aṭṭhakathāyam)

**sampattiyo. Dātuṃ sakkhissasīti** “taya katena dānamayena veyyāvaccamayena ca puññakammena khattavisesabhāvūpagamanena aparāparaṃ devamanussasampattiyo ante nibbānasampattiñca dātuṃ sakkhissasī”ti thero attānaṃ pucchati. **Sitaṃ karontovāti** “akiccheneva mayā vaṭṭadukkhaṃ samatikkantaṃ”ti paccavekkhaṇāvasāne sañjātapāmojjavasena sitaṃ karonto eva.

**Vipparipannanti** jātidhammakuladhammādilaṅghanena asammapaṭipannaṃ. **Evam** yathā asammapaṭipanno putto tāya eva asammapaṭipattiyā kulasantānato bāhiro hutvā pitu santikā dāyajjassa na bhāgī, evaṃ **kusītopi** teneva kusītabhāvena asammapaṭipanno satthu santikā laddhabba-ariyadhanadāyajjassa na bhāgī. **Āraddhavīriyova labhati** sammāpaṭipajjanato. Uppajjati vīriyasambojjhaṅgoti yojanā. Evaṃ sabbattha.

**Mahāti** sīlādīhi guṇehi mahanto vipulo anaññasādhāraṇo. Taṃ panassa guṇamahattaṃ dasasahassilokadhātukampanena loke pākaṅgati dassento “**satthuno hī**”ti-ādimāha.

Yasmā satthusāsane pabbajitassa pabbajjupagamena sakyaputtiyabhāvo sampajjāyati, tasmā buddhaputtabhāvaṃ dassento “**asambhinnāyā**”ti-ādimāha.

Alasānaṃ bhāvanāya nāmamattampi ajānantānaṃ kāyadaḷhībahulānaṃ yāvadatthaṃ bhujjivā seyyasukhādi-anuyuñjanakānaṃ tiracchānakathikānaṃ puggalānaṃ dūrato vajjanā **kusītapuggalaparivajjanā**. “Divasaṃ caṅkamaṇa nisajjāyā”ti-ādinā<sup>1</sup> bhāvanārambhavasena āraddhavīriyānaṃ dalhaparakkamaṇaṃ kālena kālaṃ upasaṅkamaṇā **āraddhavīriyapuggalasevanā**. Tenāha “**kucchīm pūretvā**”ti-ādi. **Visuddhimagge**<sup>2</sup> pana jātimahattapaccavekkhaṇā sabrahmacārimahattapaccavekkhaṇāti idaṃ dvayaṃ na gahitaṃ, thinamiddhavinodanātā sammappadhānapaccavekkhaṇātāti idaṃ dvayaṃ gahitaṃ. Tattha ānisaṃsadassāvitāya eva sammappadhānapaccavekkhaṇā gahitā hoti lokiyalokuttaravisesādhigamassa vīriyāyattatādassanabhāvato.

1. Ma 1. 341; Ma 3. 54; Saṃ 2. 323; Am 1. 112; Abhi 2. 258; Khu 7. 294 piṭṭhesu.

2. Visuddhi 1. 129 piṭṭhe.

thinamiddhavinodanaṃ tadadhimuttatāya eva gahitaṃ, vīriyuppādane yuttappayuttassa thinamiddhavinodanaṃ atthasiddhameva. Tattha thinamiddhavinodanakusītapuggalaparivajjana-āraddhavīriyapuggalasevanatadadhimuttatā paṭipakkhavidhamanapaccayūpasamhāravasena, apāyapaccavekkhaṇādayo samuttejanavasena vīriyasambojjhaṅgassa uppādakā daṭṭhabbā.

Purimuppannā pīti parato uppajjanakapītiyā kāraṇabhāvato “**pītiyeva pītisambojjhaṅgaṭṭhāniyā dhammā**”ti vuttā, tassā pana bahuso pavattiyā puthuttaṃ upādāya bahuvacananiddeso, yathā sā uppajjati, evaṃ paṭipatti, tassā **uppādakamanasikāro**.

Buddhānussatiyā upacārasamādhiniṭṭhattā vuttam “**yāva upacārā**”ti. **Sakalasarīraṃ pharamānoti** pītisamuṭṭhānehi paṇītarūpeti sakalasarīraṃ pharamāno. Dhammaguṇe anussarantassapi yāva upacārā sakalasarīraṃ pharamāno pītisambojjhaṅgo uppajjatīti. Evaṃ sesa-anussatīsu pasādanīyasuttantapaccavekkhaṇāyañca yojetabbaṃ tassāpi vimuttāyatanabhāvena taggatikkatā. **Samāpattiyā -pa- na samudācarantīti** idañca upasamānussatidassanaṃ. Saṅkhārānaṃ hi sappadesavūpasamepi nippadesavūpasame viya tathā paññāya<sup>1</sup> pavattito bhāvanāmanasikāro kilesavikkhambhanasamattho hutvā upacārasamādhim āvahanto tathārūpapītisomanassasamannāgato pītisambojjhaṅgassa uppādāya hotīti. Pasādanīyesu ṭhānesu pasādasinehābhāvena thusasamahadayatā<sup>2</sup> lūkhatā, sā tattha ādaragāravākaraṇena viññāyatīti āha “**asakkaccakiriyāya saṃsūcitalūkhabhāve**”ti.

Kāyacittadarathavūpasamalakkhaṇā passaddhi eva passaddhisambojjhaṅgo, tassa **passaddhisambojjhaṅgassa**.

**Paṇītabhojanasevanatāti** paṇītasappāyabhojanasevanatā. **Utu-iriyāpathasukhaggaḥaṇena** sappāya-utu-iriyāpathaggaḥaṇaṃ daṭṭhabbaṃ. Taṃ hi tividhaṃ sappāyaṃ seviyamānaṃ kāyassa kallatāpādanavasena cittassa

1. Tattha sappaññāya (Sam-Ṭī 2. 437 piṭṭhe), tathā saññāya (Am-Ṭī 1. 259 piṭṭhe)

2. Saṃsūcitalūkhatā (Sam-Ṭī 2. 437 piṭṭhe), lūkhatādayatāya (Am-Ṭī 1. 259 piṭṭhe)  
Thusakharahadayā (Visuddhi-Ṭī 1. 157 piṭṭhe)

kallatam āvahantam duvidhāyapi passaddhiyā kāraṇam hoti. Ahetukam sattesu labbhamānam sukham dukkhanti ayameko anto,  
 issarādivisamahetukanti pana ayam dutiyo, ete ubho ante anupagamma yathāsakam kammunā hotīti ayam majjhimā paṭipatti. Majjhatto payogo yassa so majjhattapayogo, tassa bhāvo **majjhattapayogatā**. Ayam hi pahāya sāraddhakāyatam passaddhakāyatāya kāraṇam hontī passaddhidvayam āvahati, eteneva  
 sāraddhakāyapuggalaparivajjanapassaddhakāyapuggalasevanānam tadāvahanatā samvaṇṇitāti daṭṭhabbam.

Yathāsamāhitākārasallakkaṇavasena gayhamāno purimuppanno samatho eva **samathanimittam**. Nānārammaṇe paribbhamanena vividham aggam etassāti byaggo, vikkhepo. Tathā hi so anavaṭṭhānāraso bhantatāpaccupaṭṭhāno ca vutto. Ekaggatābhāvato byaggapaṭipakkhoti **abyaggo**, samādhi. So eva nimittanti pubbe viya vattabbam. Tenāha “**avikkhepaṭṭhena ca abyagganimittan**”ti.

Vatthuvisadakiriyā indriyasamattapaṭipādanā ca paññāvahā vuttā, samādhānāvahāpi tā honti samādhānāvahabhāveneva paññāvahabhāvatoti vuttam “**vatthuvisada -pa- veditabbā**”ti.

Karaṇabhāvanākosallānam avinābhāvato, rakkhaṇākosallassa ca tammūlakattā “**nimittakusalatā nāma kasiṇanimittassa uggahaṇakusalatā**”icceva vuttam. **Kasiṇanimittassāti** ca nidassanamattam daṭṭhabbam. Asubhanimittassādikassapi hi yassa kassaci jhānuppattinimittassa uggahaṇākosallam nimittakusalatā evāti.

**Atisithilavīriyatādīhīti ādi**-saddena paññāpayogamandatam pamodavekallaṅca<sup>1</sup> saṅgaṇhāti. **Tassa paggaṇanti** tassa līnassa cittassa dhammavicayasambojjhaṅgādisamuṭṭhāpanena layāpattito samuddharaṇam. Vuttam hetam bhagavatā—

“Yasmiṃ ca kho bhikkhave samaye līnam cittam hoti, kālo tasmiṃ samaye dhammavicayasambojjhaṅgassa bhāvanāya, kālo vīriyasambojjhaṅgassa bhāvanāya, kālo pītisambojjhaṅgassa

1. Payogavekallaṅca (Am-Ṭī 1. 260 piṭṭhe), appamādvavekallaṅca (Sam-Ṭī 2. 438 piṭṭhe)

bhāvanāya. Tam kissa hetu? Līnam bhikkhave cittaṃ, taṃ etehi dhammehi susamuṭṭhāpayam hoti. Seyyathāpi bhikkhave puriso parittam aggim ujjāletukāmo assa, so tattha sukkhāni ceva tiṇāni pakkhipeyya, sukkhāni ca gomayāni pakkhipeyya, sukkhāni ca kaṭṭhāni pakkhipeyya, mukhavātañca dadeyya, na ca paṃsukena okireyya, bhabbo nu kho so puriso parittam aggim ujjāletunti? Evaṃ bhante”<sup>1</sup>.

Ettha ca yathāsakam āhārasena dhammavicayasambojjhaṅgādīnam bhāvanā samuṭṭhāpanāti veditabbā, sā anantaram vibhāvitā eva.

**Accāraddhavīriyatādīhīti ādi-**saddena paññāpayogabalavatam pamoduppilāvanañca<sup>2</sup> saṅgaṇhāti. **Tassa niggahaṇanti** tassa uddhatacittassa samādhisambojjhaṅgādisamuṭṭhāpanena uddhatāpattito nisedhanam. Vuttampi cetam bhagavatā—

“Yasmiñca kho bhikkhave samaye uddhatam cittaṃ hoti, kālo tasmim samaye passaddhisambojjhaṅgassa bhāvanāya, kālo samādhisambojjhaṅgassa bhāvanāya, kālo upekkhāsambojjhaṅgassa bhāvanāya. Tam kissa hetu? Uddhatam bhikkhave cittaṃ, taṃ etehi dhammehi suvūpasamayam hoti. Seyyathāpi bhikkhave puriso mahantam aggikkhandham nibbāpetukāmo assa, so tattha allāni ceva tiṇāni -pa- paṃsukena ca okireyya, bhabbo nu kho so puriso mahantam aggikkhandham nibbāpetunti? Evaṃ bhante”<sup>3</sup>.

Etthāpi yathāsakam āhārasena passaddhisambojjhaṅgādīnam bhāvanā samuṭṭhāpanāti veditabbā. Tattha passaddhisambojjhaṅgassa bhāvanā vuttā eva, samādhisambojjhaṅgassa vuccamānā, itarassa anantaram vakkhati.

**Paññāpayogamandatāyāti** paññābyāpārassa appabhāvena. Yathā hi dānam alobhappadhānam, sīlam adosappadhānam, evam bhāvanā amohappadhānā. Tattha yadā paññā na balavatī hoti, tadā bhāvanā pubbenāparam visesāvahā na hoti, anabhisankhato viya āhāro purisassa

1. Sam 3. 99 piṭṭhe.

2. Pamodubbilāvanañca (Dī-Ṭī 2. 333 piṭṭhe)

3. Sam 3. 100 piṭṭhe.

yogino cittassa abhiruciṃ na janeti, tena taṃ nirassādaṃ hoti, tathā bhāvanāya sammadeva avīthipaṭipattiyā upasamasukhaṃ na vindati, tenāpi cittaṃ nirassādaṃ hoti. Tena vuttaṃ “**paññāpayoga -pa- nirassādaṃ hoti**”ti. Tassa saṃveguppādanaṃ pasāduppādanañca tikicchananti taṃ dassento “**aṭṭha saṃvegavatthūnī**”ti-ādimāha. Tattha jātijarābyādhimaraṇāni yathārahaṃ sugatiyaṃ duggatiyañca hontīti tadaññameva pañcavidhabandhanādikhuppipāsādi-aññamaññavibādhanādihetukaṃ apāyadukkhāṃ daṭṭhabbaṃ, tayidaṃ sabbaṃ tesāṃ tesāṃ sattānaṃ paccuppannabhavanissitaṃ gahitanti aṭṭe anāgate ca kāle vaṭṭamūlakadukkhaṃ visuṃ gahitāni. Ye pana sattā āhārūpajīvino, tattha ca uṭṭhānaphalūpajīvino, tesāṃ aññehi asādhāraṇaṃ jīvikadukkhāṃ aṭṭhamāṃ saṃvegavatthu gahitanti daṭṭhabbaṃ. **Ayaṃ vuccati samaye sampahaṃsanatā**ti ayaṃ sampahaṃsitabbasamaye vuttanayena tena saṃvejanavasena ceva pasāduppādanavasena ca sammadeva pahaṃsanā, saṃvegajananaṃpubbakapasāduppādanena bhāvanācittassa tosanāti attho.

**Sammāpaṭipattiṃ āgammā**ti līnuddhaccavirahena samathavīthipaṭipattiyā ca sammā avisamaṃ sammadeva bhāvanāpaṭipattiṃ āgama. **Alīnanti**-ādīsu kosajjapakkiyānaṃ dhammānaṃ anadhimattatāya **alīnaṃ**, uddhaccapakkiyānaṃ anadhimattatāya **anuddhataṃ**, paññāpayogasattiyā upasamasukhādhigamena ca **anirassādaṃ**, tato eva **ārammaṇe samappavattaṃ samathavīthipaṭipannañca**. Tattha alīnatāya **paggahe**, anuddhatatāya **niggahe**, anirassadatāya **sampahaṃsane na byāpāraṃ āpajjati**, alīnānuddhatatāhi ārammaṇe samappavattaṃ, anirassadatāya samathavīthipaṭipannaṃ. Samappavattiyā vā **alīnaṃ anuddhataṃ**, samathavīthipaṭipattiyā **anirassādanti** daṭṭhabbaṃ. **Ayaṃ vuccati samaye ajjupekkhanatā**ti ayaṃ ajjupekkhitabbasamaye bhāvanācittassa pagghaniggahasampahaṃsanesu byāvaṭatāsāṅkhātāṃ paṭipakkhaṃ abhibhuyya pekkhanā vuccati.

Paṭipakkhavikkhambhanato vipassanāya adhiṭṭhānabhāvūpagamanato ca upacārajjhānampi samādānakiccanipphattiyā puggalassa samāhitabhāvasādhanamevāti tattha samadhurabhāvenāha “**upacāraṃ vā appanaṃ vā**”ti.

**Upekkhāsambojjhaṅgaṭṭhānīyā dhammā**ti ettha yaṃ vattaṃ, taṃ heṭṭhā vuttānusārena veditaṃ.



Anurodhavirodhavippahānavasena majjhatabhāvo upekkhāsambojjhaṅgassa kāraṇaṃ tasmim̐ sati sijjhanato, asati ca asijjhanato, so ca majjhatabhāvo visayavasena duvidhoti āha “**sattamajjhattatā saṅkhāramajjhattatā**”ti. Tadubhaye ca virujjhanam̐ passaddhisambojjhaṅgabhāvanāya eva dūrīkatanti anurujjhanasseva pahānavidhim̐ dassentena “**sattamajjhattatā**”ti-ādi vuttaṃ. Tenevāha “**sattasaṅkhārakelāyanapuggalaparivajjanatā**”ti. Upekkhāya hi visesato rāgo paṭipakkho. Tathā cāha “upekkhā rāgabahulassa visuddhimaggo”ti<sup>1</sup>.

**Dvīhākārehīti** kammassakatāpaccavekkhaṇam̐ attasuññatāpaccavekkhaṇanti imehi dvīhi kāraṇehi. **Dvīhevāti** avadhāraṇam̐ saṅkhyāsamānatāya. **Assāmikabhāvo** anattaniyatā. Sati hi attani tassa kiñcanabhāvena cīvaraṃ aññañca kiñci attaniyam̐ nāma siyā, so pana koci natthevāti adhippāyo. **Anaddhaniyanti** na addhānakkhamam̐, na ciratṭhāyi ittaram̐ aniccanti attho. **Tāvakālikanti** tasseva vevacanam̐.

**Mamāyatīti** mamattaṃ karoti, “maman”ti taṇhāya pariggayha tiṭṭhati. **Noyantāti** dhanam̐ drabyam̐ karontā<sup>2</sup>.

Ayam̐ satipaṭṭhānadesanā pubbhāgamaggavasena desitāti pubbhāgiyabojjhaṅge sandhāyāha “**bojjhaṅgapariggāhikā sati dukkhasaccan**”ti.

Bojjhaṅgapabbavaṇṇanā niṭṭhitā.

### Catusaccapabbavaṇṇanā

119. **Yathāsabhāvatoti** aviparītasabhāvato bādhanalakkhaṇato, yo yo vā sabhāvo **yathāsabhāvo**, tato, rupanādikakkhaḷādisabhāvatoti attho. **Janikaṃ samuṭṭhāpikanti** pavattalakkhaṇassa dukkhassa janikaṃ nimittalakkhaṇassa samuṭṭhāpikam̐. **Purimatāṇhanti** dukkhanibbattito puretarasiddham̐ taṇham̐.

1. Visuddhi 1. 314 piṭṭhe.

2. Mamāyantāti mānam̐ dabbam̐ karontā (Di-Ṭī 2. 335 piṭṭhe)

Sasantatipariyāpannānaṃ dukkhasamudayānaṃ appavattibhāvena pariggayhamāno nirodhopi sasantatipariyāpanno viya hotīti katvā vuttaṃ “**attano vā cattāri saccāni**”ti. **Parassa vāti** etthāpi eseva nayo. Tenāha bhagavā “imasmiṃyeva byāmamatte kaḷevare sasaññimhi samanake lokañca paññapemi, lokasamudayañca paññapemi, lokanirodhañca paññapemi, lokanirodhagāminipaṭipadañca paññapemi”ti<sup>1</sup>. Kathaṃ pana ādikammiko nirodhasaccāni pariggaṇhātīti? Anussavādisiddhamākāraṃ pariggaṇhāti, evañca katvā lokuttarabojjhaṅge uddissapi pariggaho na virujjhati. **Yathāsambhavatoti** sambhavānurūpaṃ, ṭhapetvā nirodhasaccāni sesasaccavasena samudayavayā veditabbāti attho.

Catusaccapabbavaṇṇanā niṭṭhitā.

“Aṭṭhikaṣaṅkhalikaṃ<sup>2</sup> samaṃsan”ti-ādikā satta sivathikā aṭṭhikakammaṭṭhānatāya itarāsaṃ uddhumātakādīnaṃ sabhāvenevāti navannaṃ sivathikānaṃ appanākammaṭṭhānatā vuttā. **Dveyevāti** “ānāpānaṃ, dvattiṃsākāro”ti imāni dveyeva. **Abhinivesoti** vipassanābhiniveso, so pana sammasanīyadhamme pariggaho. Iriyāpathā ālokitādayo ca rūpadhammānaṃ avatthāvisesamattatāya na sammasanupagā viññatti-ādayo viya. Nīvaraṇabojjhaṅgā ādito na pariggahetabbāti vuttaṃ “**iriyāpatha -pana jāyati**”ti. Kesādi-apadesena tadupādānadhammā viya iriyāpathādi-apadesena tadavatthā rūpadhammā pariggayhanti, nīvaraṇādimukhena ca taṃsāmpayuttā taṃnissayadhammāti adhippāyena mahāsīvatthero “**iriyāpathādīsūpi**<sup>3</sup> **abhiniveso jāyati**”ti āha. **Atthi nu kho meti**-ādi pana sabhāvato iriyāpathādīnaṃ ādikammikassa anicchitabhāvadassanaṃ. Apariññāpubbikā hi pariññāti.

137. Kāmaṃ “idha bhikkhave bhikkhū”ti-ādinā uddesaniddhesu tattha tattha bhikkhugahaṇaṃ kataṃ, taṃ paṭipattiyā bhikkhubhāvadassanatthaṃ, desanā pana sabbasādhāraṇāti dassetuṃ “**yo hi koci bhikkhave**”icceva vuttaṃ, na bhikkhuyevāti dassento “**yo hi koci bhikkhu vā**”ti-ādimāha. Dassanamaggena ñātamariyādaṃ anatikkamitvā jānantī sikhāpattā

1. Saṃ 1. 61; Aṃ 1. 357 piṭṭhesu.

2. Aṭṭhikaṅkālikam (Ka)

3. Etesūpi (Aṭṭhakathāyaṃ)

aggamaggapaññā aññā nāma, tassa phalabhāvato aggaphalampīti āha “**aññāti arahattan**”ti. Appatarepi kāle sāsanaṣṣa niyyānikabhāvaṃ dassentoti yojanā.

138. Niyyātentoti nigamento.

Papañcasūdaniyā majjhimanikāyaṭṭhakathāya  
Satipaṭṭhānasuttavaṇṇanāya līnatthappakāsanā samattā.

**Niṭṭhitā ca mūlapariyāyavaggavaṇṇanā.**

(Paṭhamo bhāgo niṭṭhito.)

## Mūlapaṇṇāsaṭṭikāya paṭhamabhāge

### Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Akusalā	290	Attakāmā	356
Akosallappavattiyā	299	Attajjhāsayo	54
Akkhaṇavedhi	192	Attavādena	284
Akkhemam	211	Attupanibandham	96
Agārato	207	Atthavedam	277
Aggaññā	336	Atricchatā	186
Aṅgaṇam	245	Adahanto	33
Aṅgaṇāni	245	Adinam	289
Aṅgesu	380	Addubbho	57
Aṅgo	174	Advārikānam	323
Acittikato	272	Adhikakkaṁ	281
Ajjhattam	77	Adhiggaṇhanti	238
Ajjhāsayaṁ	55	Adhimattā	79
Ajjhottharitā	263	Adhimānikā	285
Ajjhosannā	86	Adhimuccanto	93
Aññāṇam	238	Adhivāsana	152
Aṭṭiyāmi	333	Adhogamā	78
Aṭṭhaṅgiko	196	Anaddhaniyam	392
Aṭṭhānam	237	Anavajjātā	168
Aṭṭhāne	362	Anavayo	117
Aṭṭhuppattiko	55	Anāthapiṇḍiko	141
Aṇusahagatassa	380	Aniccānupassanā	102
Aṇusahagate	103	Anibbisatāya	295
Atipātentī	289	Aniyyānamaggā	336
Atipāto	300	Anuggaho	251
Atiharati	361	Anuttaram	10, 93

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Anuddhataṃ	391	Appamāṇasubhā	85
Anudhārīyamāne	100	Appamāṇābhā	85
Anupacāraṭṭhānaṃ	209	Appavatti	160, 226
Anupahacca	56	Appeti	33
Anupāyamanasikāro	373	Abbhunnati	201
Anupekkhā	65	Abyāpādena	102
Anuppannesu	334	Abyābajjhaparamatāya	169
Anubujjhanti	174	Abhikkantataro	229
Anumodanaṃ	250	Abhiceto	263
Anuraho	249	Abhijaññā	276
Anuvidhiyanā	293	Abhiññāya	118
Anusaṃyāyanta	328	Abhinandati	72
Anusāsani	118	Abhinipatati	312
Anūnena	260	Abhinibbatti	317
Anekarūpānaṃ	278	Abhinivesaṃ	103
Antaṃ	116	Abhiniveso	369
Antarākathā	116	Abhinīharim	224
Antavā	284	Abhinīhāraṃ	55
Antevāsiko	365	Abhiratisaññā	65
Antosaṅkhepo	344	Abhirūpe	230
Andho	66	Abhivadanti	283
Anvāvaṭṭana	149	Abhivādāpetvā	283
Apagamaṇaṭṭhena	191	Abhisamayattṭho	34
Apacito	180	Abhisamayo	35
Apariññāmūlikā	67	Abhisallekhikā	187
Apariṇāyako	90	Abhiharanto	354
Apalāpeti	174	Amanāpatā	252
Appaṭṭikūlaṃ	233	Amanussaduṭṭhāni	171
Appanāvāraṃ	306	Amaravitakko	172
Appamattesu	258	Ayo	69

Padānukkamo	Piṭṭhaṅko	Padānukkamo	Piṭṭhaṅko
[ A ]		[ Ā ]	
Araññavanapatthāni	192	Āpaṃ	77
Araṇīyato	62	Āpogataṃ	77
Ariyavaṃsā	336	Ābhatā	16
Ariyavihārā	44	Ābhujati	361, 362
Ariyasamgham	13	Ābhogo	149
Ariyo	196	Āyatanam	105
Alīnam	391	Āyatanāni	378
Allasasamaṃsam	306	Āyu	367
Avikkhepena	102	Āraḷaṅgaṃ	70
Avijahanam	96	Ārañṇiko	251
Avivittam	141	Ārammaṇapathavī	67
Avisadāni	316	Āluḷitāni	316
Asamkiṇṇā	336	Āluḷeti	331
Asampajānā	216	Ālokitaṃ	360
Asammohena	31	Āvaṭṭanā	149
Asallīnam	222	Āsabhiṃ	101
Asukhāyanam	200	Āsayato	362
Assaddho	240	Āsavakkhayañāṇam	226
Assādanena	322	Āsevanam	303
Assādeti	72	Āhacca	87
Assāso	79	Āharati	308
Ahaṅkāro	200	[ I ]	
[ Ā ]		Itikāro	115
Āṇattiyam	57	Itihāsapāṇicamānam	117
Ātāpī	344	Iddhiyā	83
Ādānam	103	Indaggi	78
Ādikalyāṇam	335	Iriyāpathavasena	351
Ānantariyāni	243	Iriyāpathavihāro	44
Ānisamsam	179	Issati	201

Padānukkamo	Piṭṭhaṅko	Padānukkamo	Piṭṭhaṅko
	[ I - Ī ]		[ U ]
Issanti	291	Upatthambhanam	175
Issā	200	Upaddave	336
Īrayitabbato	175	Upadhiviveke	192
	[ U ]	Upanandhanam	199
Ukkaṭṭhā	43	Upanāhanasilā	291
Ukkaṇṭhā	263	Upanāho	201
Uggahessanti	190	Upapatti	334
Uggaho	336	Upabhogo	140
Ujuvaṃsā	45	Uparipaṇṇāsā	19
Uṇhapakatiko	361	Upāsanato	239
Uṇhabhayeneva	170	Uppalakavātā	79
Uṇhassa	167	Ubbiggam	334
Uṇhā	79	Usumam	78
Utrastam	334	Usmā	78, 367
Udakatumbato	362	Ussannadosam	381
Udapādim	224	Ussavo	44
Uddāletvā	313	Ussitabhāvo	352
Uddhaṅgamā	78		
Uddhaccasahagatam	372		[ E ]
Uddhumātattā	366	Ekacakkhu	66
Unnati	200	Ekajjhāsayāya	188
Unnaḷā	253	Ekāyanam	331
Upagato	10	Ekībhāvo	283
Upagantabbato	276		[ O ]
Upaṭṭhātu	190	Okappento	385
Upaṭṭhānam	173	Okkantaniyāmatā	94
Upaṭṭhāsi	106	Otiṇṇānam	248
Upaṭṭhitā	222	Odagyaṃ	175
Upatāpanam	246	Odapattakinī	301

Padānukkamo	Piṭṭhaṅko	Padānukkamo	Piṭṭhaṅko
[ O ]		[ Ka ]	
Obhaṭacumbaṭā	302	Kālaparicchedavacanāṃ	297
Oruddhamānaso	333	Kāḷā	79
Oropitadhurā	192	Kicchesu	334
Ovādo	118	Kiñcanāṃ	332
Ovutā	62	Kittimalohaṃ	70
Oḷārikassa	380	Kucchitasayanato	306
[ Ka ]		Kucchisayā	78
Kaṃsalohaṃ	70	Kujjhanalakkhaṇo	199
Kakkhaḷaṃ	69	Kunnadiyo	188
Kaṅkhanato	215	Kummaggo	231
Kaṅkhā	33	Kummova	292
Kaṭṭhalaṃ	71	Kusalaṃ	298
Kaṭṭhaṃ	71	Kusītā	216
Kaṭṭhaggi	78	Kusobbhā	188
Kaṇṭakattāhānaṃ	171	Kūṭagoṇo	348
Kaṇhā	376	Kerāṭikaṃ	253
Kathamkathī	156	Kerāṭikapakkhaṃ	384
Kantāro	158	Kevalā	266
Kammamutto	215	Koṭi	100
Kammāso	328	Koṭṭhāsaya	78
Karaṇīyaṃ	95	Kodho	201
Karaṇuttariyaṃ	200	[ Kha ]	
Karuṇāsītalahaḍayaṃ	3	Khaṇo	34
Kāmarāgo	379	Khaṇḍānumodanaṃ	250
Kāmavitakko	172	Khaṇḍiccaṃ	316
Kāmāsavo	152	Khantiṃ	55
Kāyasakkhiṃ	360	Khandhajananaṃ	313
Kāyo	378	Khamo	170
Kālaṃ	246	Khayo	105



Padānukkamo	Piṭṭhaṅko	Padānukkamo	Piṭṭhaṅko
[ Kha ]		[ Ca ]	
Kharavacanā	253	Cakkhu	378
Kharigataṃ	69	Cakkhubhūto	182
Khīyanā	272	Cakkhusamphasso	323
Khurakavātā	79	Caṇḍālo	240
Khettapāripūrī	255	Caturaṅgaṃ	222
[ Ga ]		[ Cha ]	
Gaggaranāḷim	349	Catusaṅkhepaṃ	112
Gacchaṃ	211	Catusaccakammaṭṭhāniko	160
Gatamalaṃ	10	Catusampajaññaṃ	354
Gativimuttaṃ	6, 7	Capalā	253
Gadhitā	61, 86	Cāgo	56
Gandhāraṅko	336	Cāletvā	219
Gandho	378	Cittagatiyā	188
Gamanato	362	Ciraṭṭhitatthaṃ	17
Gambhīrattā	326	Cīvaram	167
Garukato	180	[ Cha ]	
Garuṭṭhāniyo	259	Chaṇaṃ	44
Gāmantam	209	Chandarāgaṃ	72
Gāravayutto	37	Chandavāsini	301
Giddhā	61, 86	Chandassa	105
Guṇavisesehi	84	Chambhī	215
Guṇādhigamanato	230	[ Ja ]	
Gumbaṃ	211	Jaññaṃ	252
Goghātako	364	Jarā	315
Gocarasampajaññaṃ	354	Jahati	351
Gottarakkhitā	301	Jātarūpaṃ	71
[ Gha ]		Jātikhayantadassī	331
Ghanavinibbhogaṃ	365	Jānapadino	327
Ghānaṃ	378	Jimhaṃ	253

Padānukkamo	Piṭṭhaṅko	Padānukkamo	Piṭṭhaṅko
[ Ja ]		[ Tha ]	
Jivhā	378	Thāmagatā	286
Jīvikatthā	253	Theravaṃsadīpānaṃ	17
Jeguccho	90	Thomento	179
[ Jha - Ña ]		[ Da ]	
Jhānanikanti	153	Dakkhiṇodakaṃ	250
Ñātattacariyā	100	Dakkho	366
Ñāpane	50	Danto	341
Ñāyo	334	Dabbajātiko	149
[ Tha ]		Daratho	175
Ṭhānaso	192	Davāya	168
Ṭhiti	56	Dassanena	151
Ṭhitiyaṃ	192	Dassaneyyaṃ	140
Ṭhitiyā	168	Dahati	82
[ Ta ]		Daḷhaggāhī	292
Taṇhāgāho	286	Dāyādā	181
Tathāgato	107	Diṭṭhānugatiṃ	208
Tapasā	334	Diṭṭhijukammaṃ	235
Tapparāyaṇatā	236	Diṭṭhakatthā	286
Tālavaṇṇavātā	79	Diṭṭhakatthe	103
Tāvakālikāni	361	Dibbacakkhunā	228
Tiṇaṃ	71	Dibbavihāro	44
Tibbā	170	Disāpāmokkho	117
Tiyaddhaṃ	112	Dīpavāsīnaṃ	16
Tisandhiṃ	112	Dukkhavipākaṃ	300
Tuṭṭhi	175	Dukkhavipākā	95
Tejo	77	Dukkhā	368
Tejodhātu	361	Duggati	270
		Duṭṭhā	292
		Duddasaṃ	326

Padānukkamo	Piṭṭhaṅko	Padānukkamo	Piṭṭhaṅko
[ Da ]		[ Na ]	
Dubbacā	291	Niccā	82
Dussanalakkhaṇo	194	Nitthunanto	368
Dvaṅgulakāle	221	Nidānaṃ	22
Dvayaṃdvayārāmo	209	Nidhānato	362
Dvicakkhu	66	Nippariyāyadhammo	181
[ Dha ]		Nibbattā	308
Dhajāhatā	302	Nibbānaṃ	335
Dhanakkītā	301	Nibbidānupassanāya	103
Dhanāyantā	392	Niyato	341
Dhammadhātuyā	269	Niyyātento	394
Dhammanetti	33	Niyyānamukhaṃ	351
Dhammarakkhitā	301	Niratthakaṃ	289
Dhammaruci	57	Nilīyanaṃ	283
Dhammavedaṃ	277	Nivutā	62
Dhammā	57	Nivutthā	224
Dhammādhiṭṭhānā	66	Nekkhamma	101
Dhammena	239	Neyyatthaṃ	57
Dhāraṇaṃ	336	[ Pa ]	
Dhutadhammā	18	Paṃsukūliko	251
Dhuvā	82	Pakatibhāvaṃ	158
[ Na ]		Pakappitesu	93
Naṭṭhassati	216	Pakkhavātā	79
Nandim	344	Paggaho	104, 175
Nānāyanipuṇaṃ	26	Paggharaṇaṃ	104
Nāḷikāyantaṃ	264	Pacalāyantānaṃ	333
Nikāyo	315	Paccattaṃ	77
Nikkhittassa	54	Paccanīkato	90
Nighaṇḍu	117	Paccayagarukā	180
		Paccavekkhati	365

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Paccavekkhitvā	171	Pantāni	192
Paccekabuddhā	115	Papañcasāṅkhā	69
Pajappitāni	93	Papañcā	69
Pajāpatim	84	Pabbaṃ pabbaṃ	359
Pañjarasmim	333	Pamāṇiko	155
Paññāpayogamandatāya	390	Payirupāsanaṃ	232
Paññāsāṅkalananicchayo	18	Paramatthadesanā	241
Paṭavāsini	301	Paramattho	243
Paṭikujjitā	62	Parāmāsī	292
Paṭikūlakattā	366	Parikkhayena	265
Paṭikkamati	171	Pariggahetvā	296
Paṭicchannā	62	Pariññātaṃ	111
Paṭinissaggī	292	Pariññeyyaṃ	94
Paṭipatti	270	Parittasubhā	85
Paṭippassaddhattaṃ	65	Parittā	79
Paṭibujjhanti	174	Parittābhā	85
Paṭibhānaṃ	58	Paridevo	332
Paṭivedho	161	Paripakkato	362
Paṭisevati	167	Paripūrenti	191
Paṭisevanaṃ	152	Paribhogato	362
Paṭihaṅkhāmi	168	Paribhogo	140
Paṭihananto	281	Pariyāpuṇanaṃ	336
Paṇidahati	72	Pariyāyo	57
Paṇidhiṃ	103	Pariyesanato	362
Paṇihito	353	Parivajjanaṃ	152
Patikiṭṭho	240	Parivatteti	361
Patitokāse	313	Parisuddhacitto	271
Padako	117	Parissamaṃ	309
Padumagumbaṃ	287	Pariḷāhā	61
Pantasaṅsano	251	Palibuddhā	62

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pavattibhāvo	65	Piṇḍāpacāyanam	386
Pavāraṇā	185	Pitā	333
Pavālam	336	Piyo	259
Pavivekam	209	Pisuṇā	289
Pavedhitam	93	Pihitā	62
Pasannakāram	232	Piṇayati	175
Pasavanti	143	Piṇitamanassa	277
Passaddhi	105	Pītuppādā	170
Passāso	79	Pīlanam	34
Pahāya	102	Pucchāvasiko	55
Pahīnasabbasaṅkhatam	65	Puññam	15
Pahonti	336	Puṭṭi	364
Paḷāso	199	Puthujjanā	61
Pāṭihāriyam	26, 27	Purāṇaṅca	168
Pāṇam	289	Purimataṅhā	112
Pātimokkham	257	Pūjito	180
Pātimokkho	257, 258	Pesitattassa	225
Pāpakā	95	Ponobhavikā	95
Pāpikā	289	Posentassa	365
Pāpicchatā	186	[ Pha ]	
Pāragū	117	Pharaṇam	175
Pāripūriyā	381	Pharusā	289
Pāribandhike	264	Phāsuvihāro	168
Pāliccam	316	Phitam	141
Pāvussako	188	Phusantoyeva	311
Pāsamsā	192	Phoṭṭhabbam	378
Pāsāṇo	71	[ Ba ]	
Piṇḍam	386	Bajjhate	342
Piṇḍapātām	168	Baddhacaro	273
Piṇḍapātiko	251		

Padānukkamo	Piṭṭhaṅko	Padānukkamo	Piṭṭhaṅko
[ Ba ]		[ Bha ]	
Bandhavā	333	Bhimsanakāni	218
Bahicaṅkame	170	Bhikkhanasīlatā	50
Bāhulikā	191	Bhikkhu	49
Bīlaso	365	Bhiduro	90
Bujjhanakasattassa	380	Bhinnasaṃvarattā	66
Bujjhanabhāvaṃ	55	Bhiyyo	212
Buddhabhāvaṃ	10	Bhiyyobhāvāya	381
Bojjhā	334	Bhīrukajātikā	215
Bodhi	114, 210	Bhūtakāraṇā	243
Bodhimaṇḍe	222	Bhūmi	71
Bodhissa	174	Bhedo	317
Byākaraṇapakkho	191	Bhogavāsini	301
Byāpādayati	303	[ Ma ]	
Brahmacariyānuggahāya	168	Makkho	199
Brahmavihārā	44	Maggatṭhena	338
Brūhito	84	Maggati	196
[ Bha ]		Magganīyatṭhena	332
Bhagavā	39	Maggānugā	182
Bhajanam	232	Majjhatabhāvo	175
Bhaṇḍāgāriko	174	Majjhimaṇṇāsā	19
Bhaṇḍesu	212	Majjhimāgamavaro	15
Bhatavā	39	Maññati	97
Bhayaṃ	218	Maññamāno	249
Bhayadassanena	65	Maṇi	71, 336
Bhayabheravārammaṇe	219	Maṇḍanāya	168
Bhastam	349	Matiyā	188
Bhārā	96	Madāya	168
Bhāriyam	250	Manam	55
Bhāvetvā	10	Manavaḍḍhanako	259

Padānukkamo	Piṭṭhaṅko	Padānukkamo	Piṭṭhaṅko
	[ Ma ]		[ Ya ]
Manasikāro	149	Yasasā	229
Mano	378	Yātrā	168
Manoramam	140	Yāpanāya	168
Mante	117	Yuttim	150
Mamāyati	392		[ Ra ]
Mamāyantā	322	Raṅgajātam	269
Marū	101	Rajatam	71
Malam	269	Rattaññā	336
Malīnatā	246	Rattā	61, 86
Masāragallam	71	Rammaṃ	140
Mahaggatam	372	Rasānisamso	262
Mahānisamsam	255	Raso	378
Mahāsappo	306	Rāgatthānīyam	248
Mahāsamayo	34	Rāgavirāgo	233
Mahāsālā	45	Rāsito	299
Mahicchātā	186	Rūpam	378
Mānasam	92, 93		[ La ]
Mārasenamathanā	13	Laggā	61
Micchā	289	Laṅgam	361
Muggaram	221	Lāmakā	194
Mucchitā	61, 86	Līnassa	176
Muṇḍesum	156	Luñcitvā	367
Muttā	336	Lubbhanalakkhaṇo	194
Muhuttikā	302	Lokasamaññāya	244
Mūlapaññāsā	19	Lokāyatam	117
	[ Ya ]	Lokyā	281
Yakkhā	283	Loham	69
Yathānusiṭṭham	51	Lohitaṅko	71
Yathodhi	276		

Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Va ]	
Vaṃsaññā	336	Vinīlakam	366
Vaggato	20	Vinodanam	152
Vacanapatho	170	Vipaccanīkatā	200
Vaje	353	Vipatti	240
Vaṭṭalohanam	70	Vipannassati	248
Vaḍḍhetvā	252	Vipassisam	333
Vaṇṇabhaṇanam	335	Vipulaphalā	85
Vatasampanno	333	Vippakatā	116
Vadhitam	365	Vibādhanam	246
Vadhukā	252	Vibbhantacittā	216
Vande	10	Vibhajitvā	365
Valittacatā	316	Vibhāvinā	173
Vavatthapetvā	160	Vibhūsanāya	168
Vācanam	336	Vimati	33
Vāyo	78	Vimhito	209
Vikkami	101	Virāgānupassanāya	103
Vikkhittacittā	51	Vivatticitto	183
Vigatadaratho	222	Visamalobho	271
Vigatadosam	17	Visuddhim	336
Vighātakarā	167	Vihimsūparatiyā	168
Vighātavā	194	Vītināmeyya	186
Vicikicchāṭṭhānīyā	376	Vītiharati	361
Vicinantā	291	Vusitavā	95
Vicināti	175	Vejjakammam	270
Vitthambhanam	104	Vedagū	276
Viddhastam	93	Vedajātā	276
Vidhūpanavātā	79	Vedanam	168
Vinayanato	64	Vedanā	368
Vinipāto	265	Vepullāya	381
Vinivijjhanam	158		



Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Sa ]	
Veyyābādhikānaṃ	169	Saddahanto	385
Veramaṃ	305	Saddo	378
Veramaṇiyo	239	Saddhā	254
Veramaṇī	305	Santacittassa	96
Verambhavātā	79	Santāpā	61
Veḷuriyaṃ	71	Santāpo	34, 78
[ Sa ]		Santāsaṃ	234
Samkiliṭṭhaṃ	300	Santikattā	51
Samkilesikā	95	Santo	341
Samyogābhinivesaṃ	103	Sandiṭṭhiṃ	292
Samyojanaṃ	379	Sapadānacārī	251
Samyojenti	265	Saparidaṇḍā	301
Samvarabhūtaṃ	142	Sappāṭihāriyaṃ	118
Samsandetvā	188	Sabbakammiko	385
Samhato	233	Sabbatthikaṃ	175, 344
Sa-uttaraṃ	372	Sabbatthikā	385
Sakkato	180	Sabbarattikāni	250
Sakkāro	215	Sabyañjano	58
Sakkharā	71	Sabhaye	65
Sakkhibhūtā	184	Samaṅgibhūto	89
Saṅkāraggi	78	Samajjaṃ	44
Saṅkhatā	371	Samathaphalaṃ	267
Saṅkho	71	Samannāneti	72
Saccaṃ	56	Samappito	89
Sacchikatvā	10	Samavāhitā	175
Sajātimamsatāya	313	Samayappavādake	34
Sattūpaladdhiṃ	351	Samayo	34, 35
Satthakavātā	79	Samasisī	368
Sadarā	95	Samā	101
		Samādhānato	175

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Samādhikammikassa	385	Sammodaniyam	207
Samānaṁ	171	Sammoditaṁ	206
Samāhitam	372	Saraṇam	232
Samuggatena	366	Saraṇaṭṭhena	173
Samudayapakkhikassa	65	Sarāgam	371
Samodhānaṁ	105	Sarīraparikammaṁ	355
Samosaraṇam	105	Sallekhati	289
Samohaṁ	371	Sallekhapaṭipadā	288
Samohitaṁ	140	Sassatā	82
Sampajānakārī	354	Sahasso	84
Sampajānavediyanaṁ	368	Sāttho	58
Sampajāno	344	Sādhakāni	185
Sampaṭipādento	247	Sādhukāritā	50
Sampatijāto	100	Sāmisā	371
Sampanno	255	Sāvajjam	300
Sampalimaṭṭham	165	Sineho	77
Sampāpakam	226	Silā	71
Sambujjhanti	174	Sissabhāvūpagamaṇam	236
Sambodhiparāyaṇattā	94	Sītassa	167
Sambodho	210	Sītā	79
Sambhārā	67	Sītibhūtaṁ	156
Sammā-ājīvo	197	Sīdanti	291
Sammākammanto	197	Sīlakathā	18
Sammāvācā	197	Sīhaḷo	16
Sammāvāyāmo	197	Sukataṁ	272
Sammāsaṅkappo	197	Sukkā	376
Sammāsati	198	Sukhā	367
Sammāsamādhi	198	Sucikamma	282
Sammuti	243	Suññabhāvaṁ	302
Sammutidesanā	241	Suttanikkhepo	54

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sunipuṇavinicchayā	17	Soko	332
Suppaṭividdhattā	269	Sotaṃ	93, 378
Suppaṭividdhā	33	Soto	265
Subhagaṃ	45	Sotthim	334
Subhagattā	44		
Subhā	85	[ Ha ]	
Suvaṇṇaṃ	336	Harati	355
Suvihatantarāyo	15	Harāyāmi	333
Sekkho	92	Hitam	221
Seṭṭham	37	Hitānukampī	331
Sedalalamakkhitam	381	Hirikopīnam	168
Senāsanam	169	Hīnādhikajanasevitam	50
Sevanam	232	Heṭṭhābhāgiyā	266